



KAYAKNU NAI
Tituanak Bau

Nobnob New Testament

Contents

Kayaknu Nai Mateus Yom	1
Kayaknu Nai Makus Yom	55
Kayaknu Nai Lukas Yom	90
Kayaknu Nai Johanes Yom	149
Totol Udatnu Nai	190
Rom Dilag Nai Paulus Yom	246
Korint Dilag Nai 1 Paulus Yom	273
Korint Dilag Nai 2 Paulus Yom	299
Galata Dilag Nai Paulus Yom	317
Epesus Dilag Nai Paulus Yom	326
Pilipai Dilag Nai Paulus Yom	334
Kolosi Dilag Nai Paulus Yom	340
Tesalonika Dilag Nai 1 Paulus Yom	346
Tesalonika Dilag Nai 2 Paulus Yom	351
Timotiusnu Dilag Nai 1 Paulus Yom	354
Timotiusnu Dilag Nai 2 Paulus Yom	361
Titusnu Nai Paulus Yom	366
Pilimonnu Nai Paulus Yom	369
Hibru Dilag Nai	371
Jakobus Nai Yom	391
Nai 1 Petrus Yom	398
Nai 2 Petrus Yom	405
Nai 1 Johanes Yom	410
Nai 2 Johanes Yom	416
Nai 3 Johanes Yom	417
Jud Nai Yom	418
Revelesen	421



KAYAKNU NAI Tituanak Bau

The New Testament in the Nobonob Language of Papua New Guinea

Nupela Testamen long tokples Nobonob long Niugini

Language: Nobonob

Provided by: Wycliffe Bible Translators

This print-on-demand edition of Scripture is produced and provided at cost by the Digital Bible Society in partnership with the Bible League of Canada, Open Doors International, and other missions and translation agencies. To order additional copies of this or other Bibles, please visit www.dbs.org (USA), www.bibleleague.ca (Canada), and www.opendoors.org (Europe).

Copyright and Permission to Copy

Copyright © 1990 Wycliffe Bible Translators, Inc.

Copyright © 1990 Wycliffe Bible Translators, Inc. Scripture text used by permission.

PDF, ePub, and MOBI Bible covers and design are copyrighted 2017 by the Digital Bible Society (www.dbs.org).

PDF generated on 2017-08-24 from source files dated 2017-08-24.

60b90443-a7e4-5679-8a4a-62b90e8f37c0

ISBN: 978-1-5313-0246-7

KAYAKNU NAI MATEUS YOM

JESUS MEMETUD ONILAG

1 Imu amu Jesus Kristus memetapud budulkad dilag nai. Jesus Nug am Dawit budub, Dawit nug Abraham budub. ² Abraham beka Isak. Isak beka Jakop. Aria Jakop bekod Juda awakud amakud ele. ³ Juda bekod Peres Sira ele. A anilah amu Tema. Aria Peres beka Hesron. Hesron beka Aram. ⁴ Aram beka Aminadap. Aminadap beka Nason. Nason beka Salmon. ⁵ Salmon wau Rahab ele bekalah Boas. Aria Boas wau Rut ele bekalah Obet. Obet beka Jesi. ⁶ Jesi beka king Dawit.

Amu Dawit wau Batsiba ele bekalah Solomon. Batsiba nug tatam Uria wau dayom. ⁷ Solomon beka Riaboam. Riaboam beka Abaisa. Abaisa beka Esa. ⁸ Esa beka Jehosapat. Jehosapat beka Joram. Aria Joram beka Asaia. ⁹ Asaia beka Jotam. Jotam beka Ahas. Ahas beka Hesekaia. ¹⁰ Hesekaia beka Manase. Manase beka Emos. Emos beka Josaia. ¹¹ Josaia bekod Jekonaia amakud ele. Ahilag haenpa ahilag tape naknu Israel ag Babilon mani guitak oopa nona daapig.

¹² Babilon mani guitak oopa nona daanna, Jekonaia nug Sailtiel menuom. Sailtiel beka Serababel. ¹³ Serababel beka Abiud. Abiud beka Elaiakim. Elaiakim beka Esau. ¹⁴ Esau beka Sedok. Sedok beka Ekim. Ekim beka Elaiat. ¹⁵ Elaiat beka Eliese. Eliese beka Matan. Matan beka Jakop. ¹⁶ Jakop beka Josep. Josep amu nug Maria gamu. Maria nug Jesus menuom. Jesus Nug am Kristus, Kayak Nug tituanom.

¹⁷ Nai anam aaku amunu Abraham budub udiak Dawit batak amu alag eb qak 14. Aria Dawit udiak Babilon mani guitak oopa nona daapig batak amu ele alag eb qak 14. Aria Babilon mani guitak

oopa nona daapig udiak Kristus doum batak amu ele alag eb qak 14.

MARIA JESUS MENUOM

¹⁸ Anam amunu Jesus Kristus nuhig menuaknu nai am inam. Josep nug Maria aokunu baeg adaeg daye uke, layam daapid amge a nug ii aopidpa Maria nug Kayak Oudipa oo ele daye anidpig. ¹⁹ Antegeg amu Maria gamu nug am danab tutuku, oo doyak ele amunu nug Maria uda nak metak uua, nug lokumakpa Maria uukunu dab meum.

²⁰ Josep nug amunu dab mak awewe amu tuqan tulpa Nadinu engel nug gumita neum. Na amu nug aum. “Josep, Dawit beka, na ah nahip Maria amu aokutnu aib badame. Doye! Kayak Oudi Nug nuka nid amu metom. ²¹ Nug geha nid danab aoku amu na Nug onig Jesus atadkut. Adinu? Nug geha nuhikud danab ah oh amu, ag ahilag hipunin waapa daamnanu Nug ag edua diiku,” awa aum.

²² Keeke amu oh am propet laa Kayak ode awa, nai matiom, nai amu elele medakunu beum. Propet nug inam aum. ²³ “Doyeg! Ah laa nug danab laa ele ii niipid amge nug oo ele daya, nid danab menueb, ag Nug onig Imanuel akulag.” Onig amu diig am Kayak ig ele daatem.

²⁴ Aria Josep nug niiom aha, Nadinu Engel aum amubia ha, ah nuhig awom. ²⁵ Awe nug ele nakok laa ii niipid, uke uke nid danab awom. Awe amu Josep nug nid onig Jesus atadom.

HODOPAI MAGAU DANAB AG JESUS ANIDKULAGNU UDIPIG

2 Maria nug Juda wanpa Betlehem apa dayaya, Jesus menuom. Haen amu Herodes okai nug king dayeye, nug menue amu hodopai magau danab ag aam bedepanu ahan udin, Jerusalem bena apig. ² “Nid nakok laa doum, Nug

Juda dilag king amu, Nug adepa daate? Ig nuhig hođopai aam bedepa anidta, Nug binag mekūnignu uđimut,” aon apig.

³Aon aeg amu king Herodes okai nug nai amu doya otaie, Jerusalem danab ah oh ele otaipig. ⁴Otaieg amu Herodes okai nug Israel dilag do mehuqak danab amu mana metak danab okai ele, amu oh qag maata, ag od maata aum. “Kristus Nug ab atēpa beku?” awa aum. ⁵⁻⁶Awa a amu ag apig. “Kayaknu propet nug amunu nai inam yom. ‘O Betlehem, na Juda wanpa ab laala bia iita. Na am onin ele, nahippa geha danab okai beku amu Nug Israel danab ah dahilad gumadku.’ Nug anam yom amunu ig dootem, Nug Betlehem, Juda wanpa beku,” aon apig.

⁷Ag anam aeg amu Herodes okai nug nai amu doya, nug lokumakpa aam bedepanu danab, hođopai magau, ag ode-lagpa hođopai amu haen ganebnab ba dayom am nug ag od maata doyom. ⁸Doya amu nug he, ag Betlehem goku-lagnu heegeg, nug ag amelagpa aum. “Ag gona, nid nakok amu pehetan maṭin anidna amu uđin apeg, da ele ukēn, Nug binag mekul,” awa aum.

⁹Awa a amu ag Herodes okainu nai doyona, ahan gonana amu ag hođopai, aam bedepa anidpig ele amu, nug anuqa uka, lag nid nakok niom, lag amupa bopala dayeye anidpig. ¹⁰Ag hođopai anidna, ag oolag huana gamag ahe, ¹¹ag lag oopa nona, nid nakok Nug anig Maria ele anatpig. Anatna amu ag dup nona, gatelag qaun ona, nid nakok binag mēpig. Mewona amu ahilag baṭam hipana, gol amu goden adit onilah prankensens mir ele, mutudig ahilah pide pide, amu ele medapig. ¹²Meṭona ag niiegeg amu tuqan tulpa Kayak ag eđun Herodes okai topa ii gomananu aum amunu ag eđun, ib laa aon, ag apalagpa gopig.

JOSEP NUG WAU NID ELE DIIATE IGIPTA GOPIG

¹³Ag ukaeg dimpa Nadinu engel tulpa Josep amegpa aum. “Na ahan, nid nakok anig ele diiatna, oolna Igipta wanpa gona, apa daape, da na eđun uđikutnu api doona amu uđikut. Ađinu? Herodes okai nug nid nakok maṭia anta qekunu hete,” awa aum. ¹⁴Awa a amu Josep nug tuqan amupa aha, nid nakok anig ele diiate, Igipta gopig. ¹⁵Gona Igipta apa daaegeg, Herodes okai mauhom. Keeke amuan propet laa nug Kayak ode awa, nai maṭiom, nai amu elele medakunu beum. Propet nug inam aum. “Nid dahil Nug Igipta dayeye, da Nug onigpa ei uđiom,” awa aum.

HERODES OKAI NID NAUNAU KUDUM AQE MAUHPIG

¹⁶Anam aaku amge Herodes okai nug ii mauhom haenpa, magau danab ag eđun gopig, haen amupa nug ag bupuidpig doyom amunu nug opodi huanak be, nuhikud daup he gona, Betlehemnu nid naunau amu Betlehem talilitak ab nau-naupanu oh ele, ahilag mađ adit amu laa ag mađ adit ii awom ele, magau danab hođopai dig mena anidpig bia doyom, amu oh human aqapig. ¹⁷Aqapig amunu propet Jeremaia nai laa maṭiom amu, nuhig nai amu elele meṭom. Nug inam aum. ¹⁸“Ag baag laa Rama abpa doopig. Qanak baag nadi, ewak baag oo doyak ele doopig. Rahel nug nid nuhikudnu gayom amu danab oh ag nug hepeg oo mekunu iitanab. Ađinu? Nid nuhikud oh mauhadpig.”

JOSEP WAU ELE NID NAKOK ELE EĐUN UĐIPIG

¹⁹Aria Josep adi ag Igipta gona daaegeg, Herodes okai nug he, Betlehem dilag nid naunau oh mauhpig, haen amu dimpa Herodes okai nug

mauhe, Kayaknu engel tulpa Josep gumita doum. ²⁰Nug doa Josep amegpa aum. “Danab ag nid nakok qekulagnu hepig ele aaku mauhpig amunu na ahan, na waat nid nakok ele diiatna, edun Israel uke!” awa aum. ²¹Anam a amu Josep nug aha, nid nakok anig ele diiate, edun Israel gopig. ²²Gopig amge Josep nug Herodes okai beka Akelias, nug mameg abenab awa, Juda dilag king dayeye doya, nug apa ukaknu oo badom. Oo bade de amu tuqan tulpa Kayak Nug Josep Juda wanpa gomanu, “Aib,” aum amunu nug aha, Galelia ukom. ²³Nug uka, ab laa Nasaret apa ta dayom. Amupa propet laa nug nai yom amu elele metom. Nai amu inam. “Ag nuhignu, Nug am Nasaret danab,” akulag.

LAYATAK JOHANES NAI MEHUQOM

3 Haen amupa Layatak Johannes nug aha, Juda wanpa atu tadakpa uka, nug danab oh amelagpa nai mehuqom. ²Nug nai mehuqaqa inam aum. “Kayaknu do madodnu haen miag daate amunu ag oolag eduad!” awa aum. ³Anuka propet laa onig Jesaia nug Johannesnu inam matia aum. “Danab laa atu tadakpa dayaya, danab amelagpa nai inam mehuqa ewa aku, ‘Ag hipunin ahilag di metana, ag oolagpa Nadinu ib babaiteg!’” awa yom.

⁴Johanes nug lamen kamel udigpa hak amu ma, nug imuagpa matagid dod gadapa hak amu ele tagtom. Nuhig e amu atupanu upuh lepu, tap ele. ⁵Amunu haen amupa Jerusalem danab, Juda danab oh amu ab laala, Jodan le guguitak daapig ele amu, apan danab oh ele ag Johannes gumidna gopig. ⁶Gona, hipunin ahilag miag aegeg, Johannes nug Jodan lepa layatom.

⁷Layatete amu do gumak danab-Parasia amu do gumak danab-Sadusi ele ag layatak aoglagnu kudum ukaeg, Jo-

hanes nug ag anata, nug ag amelagpa inam aum. “Ag am danab nau, mat bia. Aun aum amunu ag hipuninu bu aqak, Kayak epegpanu udite amu, ag amu ii aomnanu hamu udipig. Ag oolag ii edueb ag aoglag ⁸amge ag oolag edueb, kobol ena dim lamidna, ag ahilag ehed haknu nob amu ii aomna. ⁹Am laa ele amu ag oolagpa dab mak imu aib aopig. ‘Abraham nug am ig mamenig, nug am danab tutuku, ig nug budub daatem amunu nuhig hak enapa ig ehed ii aomta.’ Da ag amelagpa genab atem, Kayak Nug men imu ag edun, Abraham bekod daaglagnu hekunu elele. ¹⁰Amunu ag anteg! Epediak haen am miag. Ad meu ii ote amu nug mameg o qiie, ab adupa maoe te eote, amubia danab nug ena ii hete ele amu, nuhigpa anamib beku.

¹¹Ag oolag edumnu eponak keeke amuam da ag lepa layadtem amge danab Nug da dimulpa udite amu nuhig gagaqag amu dahil edidte, Nug am danab okainab, da am okai iita, Nug Kayak Oudi amu ab adu elepa ag layadku. ¹²Nug wit aeg amu wit gada pide pide daakunu udat amu haknu keeke babaitom daate. Nug udat amu ha, elelenab mewowa, Nug wit meu amu e mak laka meku. Mewowa, Nug wit gada amu ab adu ii qauhte elepa maneb eoku,” awa aum.

JOHANES JESUS LAAITOM

¹³Johanes nug udat anam heehe, haen amupa Jesus Nug Galelia uua, Nug Johannes epegpa layatak aokunu Jodan lepa ukom. ¹⁴amge Johannes nug Jesus am okai, nug nuka am okai iita doyom amunu nug Jesus amegpa aum. “Na da laaidkutnu elele, ge atem he, na dahilpa udime?” awa aum. ¹⁵A am Jesus odepa awa aum. “Iita, gemu amu na da ami bia hekut. I amupa kobol tutuku oh elele metagnih,” awa aum. Awa a amu Jo-

hanes nug Jesus ode dim lamiŕom. ¹⁶ Jesus layatak awa mala, audam teete amu hab obata meŕe, Kayak Oudi Nug ai upudil bia nuhigpa daakunu neene anŕom. ¹⁷ Ne amu baag laa hab aŕannu ewa aum. “Imu am da Bekalnab, da nuhignu ool mauhte. Nuhig haknu ele amu da ool ena daate,” awa aum.

SATAN JESUS OO EEDOM

4 Haen amupa Kayak Oudi Nug Jesus omala, atu tadakpa, amupa Satan nug Jesus ehed hekunu oo eedkunu amu apa ukom. ² Amu Jesus Nug ded 40, tuŕan amun ele, e ii la, Nug enug qeum. ³ Enug qeeqe amu ehed haknu oo eedak danab nuhigpa beum. Ba amu nug aum. “Na Kayak beka daatem dayeb amu na ape, men imu bret bad!” awa aum. ⁴ Nug anam aum amge Jesus Nug inam aum. “Kayak naipa yak inam daate. ‘Danab ah epaib bau daanna ii oiteb. Iita, danab ah ag Kayak nai ohpa bau daan oiteb,’” awa aum. ⁵ Nug anam a amu Satan nug Jesus omala, Jerusalem uka, mana metak lag atan te dayeye amegpa aum. ⁶ “Na Kayak beka daatem dayeb amu na oolna no! Adinu? Kayak naipa yak inam daate. ‘Na baen men yaamanu, Nug engel nuhikud amelagpa nahipnu ab, ag na epelagpa mawidkŕulag,’” awa aum. ⁷ Anam a amu Jesus Nug aum. “Kayak naipa, nai laa ele inam daate. ‘Na Nadi, nahip Kayak, Nug keeke laa hekunu aum am genab hekutai o iitatai dookutnu amu na Nug aib eedme,’” awa aum. ⁸ Anam a amu Satan baula Jesus awa uka, qauko okainab igipa meum. Mewowa nug wan oh, ahilag gumak aben aben ele amu ahilkad keeke ena oh ele ipunitata aum. ⁹ “Na da noolpa dup nona, gaten qaun ona, da binal mepe amu da keeke imu oh medakul,” awa aum. ¹⁰ Awa a amu Jesus Nug Satan amegpa aum. “Satan na qe me! Kayak naipa yak inam daate, ‘Na Nadiib binag me! Nug am nahip Kayak

amunu na nuhig udat aakuib hekut,’” awa aum. ¹¹ Jesus Nug anam a amu Satan Jesus uuiŕom. Uuiŕe amu engel laala ag nena, Jesus ehanidpig.

JESUS GALELIA UDAT DIG MA HEUM

¹² Jesus Nug Johannes mani guitakpa mepig doya, Nug aha, Galelia uka, Nasaret edita ab onig Kapenaum apa dayom. ¹³ Kapenaum amu le ameg Galelia hipegpa, laih Seblon Naptali budulti daadpigpa daatom. ¹⁴ Jesus apa oiyeye, Nug propet Jesaia Kayak ode awa, nai matiŕom, nai amu elele meŕom. ¹⁵ Propet Jesaia nug inam aum. “Wan onig Seblon am wan laa onig Naptali ele, ib laa yupa ukak amu a opatata gote. A Jodan le mataŕa ukak laiŕpa daatep. A am Galelia wan, a oolahpa danab laiŕnu udiak kudum daateb. ¹⁶ Danab ah apa daateb ele amu, ag gatatu oopa daanna amu ag amahlak nadi anidpig! Danab ah gataturanab daapig amu amahlak ahilagpa ba malom!”

¹⁷ Haen amupa Jesus Nug Galelia apa dig ma nai mehuqom. Nug nai mehuqa aum. “Kayaknu do madodnu haen miag daate amunu ag oolag eduad!” awa aum.

JESUS DANAB WADELE ONILAGPA E NUG DIM LAMIDPID

¹⁸ Jesus Nug anam nai mehuqaqa, Galelia le ameg ihipa oiyaya, Nug Simon, onig laa Petrus, Andreus ele, a am eamag, amu a ahilah uhui eeheh anatom. A am kakai awak danab amunu a uhui epid. ¹⁹ Anata amu Nug aum. “A doya, da dim lamided! A anam heped amu da a danab diiaknu udat ipuanatkul,” awa aum. ²⁰ Nug anam a amu a pahanab uhui uuya, Nug dim lamidpid.

²¹ Dim lamitehheh amu Jesus Nug nakok laa ele le ihi mata wana amu Sebedi bekoŕ Jakobus, Johannes ele anatom. Jakobus Johannes ele a ele am eamag. A amu a mamelah Sebedi ele

ag ub aṭan uhui bapaidnana daapig. Daaegeg Jesus Nug a onilahpa e, ²²a pahabab ub uuya, mamelah ele uuidya, Jesus dim lamidpid.

JESUS NUG NAI MEHUQAQA ODE DANAB KUḌUM ELE BAPALATOM

²³Jesus Nug danab amu onilagpa ewowa, Nug Galelia wan ohpa oiyaya, Juda dilag nai doyak lag laalapa ipuanataḭ udat heum. Nug Nai Ena, Kayaknu do maḏoḏnu mehuqaqa, ode danab bapalataṭa, keeke nau kuḏum danab ah beḏulag he nauhom amu ele bapalatom.

²⁴Bapalateṭe ag Jesusnu Siria wan ohpa maṭieg, danab ah ode diigdiig ele diin udipig. Laala ag beḏulagpa guitak doopig amu aria laala ag beḏu mauhak ele amu laala ag ebhilag mauhak ele amu oh bapalatom. Aria laala ag ouḏi nau beḏulag tagitaḭ ele amu Nug ouḏi nau amu lamaṭom. ²⁵Jesus Nug anam heeḥe, danab ameg kuḏum Galelianu, Dekapolisnu, Jerusalemnu, Judanu amu Jordan le laiḥpanu ele oh Nug dim lamidpig.

JESUS QAUKOPA NAI MEHUQOM

5 Danab ah kuḏum Jesus dim lamitegeg, Nug danab ah ameg naḏi anaṭa amu Nug qaukopa ta dayeye, nuhig ipunitak awak danab Nug gumidna uḏipig. ²Uḏieg Jesus nai maṭa aum.

³“Danab aun aḏi ag oolagpa, ag am elele iṭa dooteb ele amu, ag ititaḭ ena aopig daateb. Aḏinu? Ag Kayaknu do maḏoḏ oopa daateb.

⁴Danab aun aḏi ag oolagpa hipuninnu guitak dooteb ele amu, ag ititaḭ ena aopig daateb. Aḏinu? Ag oo mak aoglag.

⁵Danab aun aḏi ag wagai mak kobol ii heteḇ ele amu, ag ititaḭ ena aopig daateb. Aḏinu? Ag wan imu oh aoglag.

⁶Danab aun aḏi ag Kayak noobpa tutuḭ daaglagnu oolagpa enug qak bia

dooteb ele amu, ag ititaḭ ena aopig daateb. Aḏinu? Ag amu am bak aoglag.

⁷Danab aun aḏi ag danab laa dilagnu oo gai iṭa dooteb ele amu, ag ititaḭ ena aopig daateb. Aḏinu? Dimpa ag ehedpa daaglag amu laa ahilagnu oo gai iṭa dooku.

⁸Danab aun aḏi ag oolagpa opia awak ele amu, ag ititaḭ ena aopig daateb. Aḏinu? Ag Kayak anidkulaḭ.

⁹Danab aun aḏi ag maḏoḏ iki daateb ele amu, ag ititaḭ ena aopig daateb. Aḏinu? Kayak Nug ahilagnu, “Ag am da bekaḭad,” awa aḭu.

¹⁰Danab aun aḏi ag kobol ena heteḇ amge danab laala ag amunu oo aeg bak doonna, ug maḏateb ele amu, danab ag ena heteḇ ele amu ag ititaḭ ena aopig daateb. Aḏinu? Ag Kayaknu do maḏoḏ oopa daateb.

¹¹Ag da dim lamidteḇ amunu haen danab laala ag ahilagnu nai nau anana, ag lamadnana, nai ham bupuak kuḏumpa ag yaaladna heteḇ ele amu, ag dahilad amu ag ititaḭ ena aopig daateb.

¹²Danab kobol nau amu heteḇ ele amu, anuḭa ag alalḭad ag Kayaknu propet beḏulagpa ele anam hepig amunu ag ahilagnu ele anam hepeg amu aria ag gamalag ahebeb, ag oolag enaib dayad! Aḏinu? Nob ahilag hab aṭan am oḭainab.

OOPA GENAB DOYAK AMUAM, YU, AMAHLAK ELE BIA

¹³Ag amu wanpan yu kalu bia daateḇ amge yu kalu nug yu ubuhi iṭa dayeḇ amu aṭem heput, nug eḏua ubuhi ele daaku? Yu kalu anam amu nug udat iṭa. Danab ag goḭadeḭ uḭe, tapan goteb.

¹⁴Ag amu wanpanu amahlak. Ab laa nug qaukopa daate amu nug loḭumak ii daate. Amahlak nuhig amu honada, danab oh dilagpa goṭe. ¹⁵Danab ag ele amahlak amotna, tapidpa ii tonateḇ. Iṭa. Ag balal aṭan meeg, amahlak nuhig

danab laḱa daaṭeb amu oh amahlak madaṭe. ¹⁶Amubia ag dahilad daaṭeb ele amu, laala ag ahilag kobol ena anidna, ag ag Mamelag, hab aṭan daaṭe amu, Nug binag meḱulagṅu, ag ahilag amahlak amu danab amelagpa amahalad!

KAYAKNU DO NAI

¹⁷Ag oolagpa da do nai amu propet dilag nai ele hepi iṭa meḱunu uḱimi aon aib apig. Da hepi, iṭa meḱunu ii uḱimi. Iṭa. Da eledenab medaḱulnu uḱimi. ¹⁸Da genab ag amelagpa aṭem. Nai amu keeke oh beḱunu aṭe amu keeke amu beeb, hab wan ele dayeb, nai amupa yak nakoknab laa am iinab geṭodma. ¹⁹Amunu danab laipu laa nug do nai laa heeb, iṭa meḱunu haaha, nug amu danab laa ele amu ipuanadḱu amu nug onig Kayaknu do maḱodpa amu nakoknab daaḱu amge danab do dim lamitṭa, danab laa dim lamidḱulagṅu ele ipuanadḱu amu nug Kayaknu do maḱodpa onig oḱai ele daaḱu. ²⁰Da tutuḱu ag amelagpa aṭem. Ahilag hak tutuḱu do mehuḱak danab amu do gumak danab-Parasia ele ii eḱadḱu amu ag Kayaknu do maḱodpa nokulagṅu elele iṭa.

²¹Anuḱa ag alalḱad ag nai aopig amu ag dooteb. Nai amuam inam. 'Na danab aib qeṭe mauhom,' amu, 'Danab laa nug danab laa qeeb mauhḱu amu nug hetodiakpa daaḱu.' ²²Amge da ag amelagpa aṭem. Danab laa nug layagṅu opodi beeb amu nug hetodiakpa daaḱu. Danab laa nug layag amegpa, 'Na am genabnab danab nau,' aḱu amu nug hetodiak oḱai, onig Sanhidren, aṭa daaḱu. Amge laa nug layag onig he nauḱe amu nug mua laa oh eḱatak, aben ehedpa gokunu hete. ²³Amunu na nahip mana meṭaknu keeke aon, qaḱabpa gona, na layap nug nahipnu nai ele daaṭe dab meḱut dayeb ²⁴amu na nahip mana meṭak qaḱab

guguitak mepe dayeb, tatam gope, layap ele oolah babaiṭed! Babaiṭoya, aria na eḱun gona, nahip mana meṭaknu keeke main, Kayak mete!

²⁵Aria haen danab laa nug nahip ehed haknu hetodiakpa meidḱunu heeb amu na hepe, a oolah paha babaiṭed! A ibpa goyaya amu na anam he! Iṭa amu nug na eḱediak danab noobpa meidḱutai. Meiteb, eḱediak iki nug hetodiaknu daup laa epegpa meiteb, daup amu nug na mani guitḱakpa meidḱu. ²⁶Meiteb amu da genab ag amelagpa aṭem. Na mani guitḱakpa daanna, nahip ehed hak nob ohnab eḱun medape, ag od matulpeg, dimitim doḱut.

GAPAI KOBOL

²⁷Aria ag anuḱa ag nai laa aopig amu ag dooteb. Nai amuam inam. 'Na gapai kobol aib heme,' ²⁸amge da ag amelagpa inam aṭem. Danab laa nug amegpaib ah laa anṭa, nug ele oiglahnu dab mete amu danab amu nug gapai kobol aaḱu heum. ²⁹Amunu na amen nadiap nug na hipunin heḱutnu eedidṭe dayeb amu na amen kehan maope uḱad! Na beḱun laih iṭa ele dayeb amu na padal mak abenpa ii meidpeg am ena. Na beḱun oh ena dayeb, padal mak abenpa gokut am ena iṭa. ³⁰O na eḱen nadiap nug na hipunin heḱutnu eedidṭe dayeb amu na oḱulna maope uḱad! Na beḱun laih iṭa ele dayeb amu na padal mak abenpa ii meidpeg am ena. Na beḱun oh ena dayeb, padal mak abenpa gokut am ena iṭa.

EWAU OTADAK KOBOL

³¹Anuḱa ag nai imu ele aopig. 'Danab laa nug wau uuidḱunu hete amu nug udug laa ewau oḱulaknu ya medaku,' ³²amge da ag amelagpa aṭem. Danab aun nug wau gapai kobol ii heum ele amge danab nug ewau ahilah otadṭe, amu ah amu nug danab laa aote dayeb

amu nug gamu tatamnu aaku he, ah nug gapai kobol hete. Aria danab nug ah amu dimpa aote amu nug ele gapai kobol hete.

NAI GAGATAG QA MATIAKNU KOBOL

³³ Aria da baula ele aтем. Anuka ag alalkad ag nai aopig am ag dooteb. Nai amuam inam. 'Na nai nahip Kayak noobpa, keeke laa onigpa gagatag qetana, adi keeke laa hekutnu ame amu na aaku he! Na nahip nai amu aib tipalme,' ³⁴ amge da ag amelagpa aтем. Na keeke laa hekutnu anana amu na nai nahip amu keeke laa onigpa gagatag aib qetame. Iitanab. Na hab onigpa nahip nai aib gagatag qetame. Adinu? Amuam Kayaknu aben. ³⁵ Laa ele na nahip nai wan onigpa aib gagatag qetame. Adinu? Amu ele am Kayaknu. Aria na nahip nai ab okai Jerusalem onigpa aib gagatag qetame. Adinu? Jerusalem amu King nadinu aben. ³⁶ Amu laa ele na nahip nai na ikin onigpa aib gagatag qetame. Adinu? Na hepe, na ikin udug laa aaku hakab o hin qak bekunu elele iitanab. Kayak nuka hekunu elele. ³⁷ Ag iita anaknu amu iita tutuku aig! Genab anaknu amu genab tutuku aig! Anam anak aakuib am elele. Am ag nai baula ele tudidna maditeb amu, amuam Satan he bete.

EHED HAK NOB MAKNU

³⁸ Aria ag anuka nai laa aopig amu ag dooteb. Nai amuam inam. 'Danab laa nug na amen heeb nauheb amu na ele nug ameg hepe nauhad! Laa nug na aen qiia aweb amu na ele nug aeg qiin awe!' ³⁹ Amge da ag amelagpa aтем. Aun nug ahilagpa ehed anam bia heeb, ag nuhigpa nob aib mepig. Am inam bia. Danab nug na hipen laih matadeb, na nob nau aib edun metame. Iita. Na hipen laih ele edun mete! ⁴⁰ Aria danab nug na hetodiakpa meita, lamen nahip aokunu heeb

am na saket ele mete! ⁴¹ Danab laa nug na ele mael laipu gokulahnu gagatag dutunita heeb amu na ootpa aeg bak ele aib heme. Iita. Na nug ele mael adit uked! ⁴² Aria danab nug keekenu na od meteb am na mete! Amu aun nug nahip men doo awa, dimpa nob medakunu od meteb am na medakut.

KEKED OO METAKNU

⁴³ Amu ag anuka nai laa ele aopig amu ag dooteb. Nai amuam inam. 'Na layapnu oot mauhku amge na keked nahipnu amu na ootpa nau, ninig ele doye!' aon apig. ⁴⁴ Amge da ag amelagpa aтем. Ag ahilag kekednu amu ag oolag mauhad! Danab laala ag nob nau aoglagnu apeg amu ag dahilad, ag ahilagnu edun aib anam hepig. Iita! Ag ititak ena ag mateg! Amu aun adi ag ahilagnu oolagpa nau, ninig ele dooteb amu, ag kobol ena ahilagpa heig! Amu aun laala ag ahilagnu awa awa qetak nai matina, ehed hadteb ele amu, ag ag ehanadna, ahilagnu unuqiteg! ⁴⁵ Amupa ag Mamelag, hab atan daate ele amu, ag Nug bekod daaglag. Nug he, aam danab nau amu danab ena ele oh qadelagpa nete. Neene Nug he, gu ele danab ag tutuku amu danab ag tutuku iita ele oh dilagpa nete. ⁴⁶ Amunu ag danab ahilagnu oolag mauhte ele, amu dilagib oolag mauheb amu ag adi nob ena aoglag? Am takis awak danab ag ele anam heteb. ⁴⁷ Ag lailkadib humadnana amu ag danab laala amu kobol adipa ag edadkulag? Iita adi ag ele amu heteb ⁴⁸ amunu ag Mamelag, Nug hab atan daate ele amu, Nug tutuku elelenab daate, amubia ag tutuku dayeg!

DANAB EHANITAKNU NAI

6 Laa ele ag dab meig! Ahilag hak ena am danab anadkulagnuib aib hepig. Ag anam hekulan amu ag Mamelag, hab

aṭan daate ele amu, nuhigpanu nob ena ii aomna.

²Aria na ham bupuak danab ag nai doyak laḵa o iṭa ib manpa ele danab ah ag binalag meḵulagnu heṭeb amubia ag muṭub ele daḵek danab aib ehanadpig. Ag loḵumakpa heig! Da genab ag amelagpa aṭem. Ham bupuak danab amu ag hepig, amunu nob ena aaku aon malapig. ³Amunu na daḵek ehanadḵutnu amu na epen naneh nug epen naḵiap uḵat heṭe amu aib doyom. ⁴Na anam hepe amu nahip oo doyak uḵat loḵumakpa dayeb, na Mamen, Nug keeke loḵumak oh anidṭe ele amu, Nug nob ena eḵua medaku.

UNUQITAK KOBOL

⁵Ag unuqidḵulagnu amu ag ham bupuak danab ag nai doyak lag oopa danab anadḵulagnu hipaidna daanna unuqidṭeb o iṭa ib oḵai daugpa danab oh ag anadḵulagnu heṭeb amubia aib hepig. Da genab aṭem. Ag hepig, amunu nob ena, ag aaku aon malapig. ⁶Amge na unuqidḵutnu amu na lag oopa nona, od manona, na Mamen, Nug loḵumakpa daate amu, Nug unuqidpe, Nug keeke loḵumak oh anidṭe ele amu Nug nob ena na medaku. ⁷Amunu haen ag unuqidṭeb amu ag iṭa aḵi danab nai hamu kuḵum maṭinna unuqidṭeb amubia aib hepig. Iṭa aḵi ag aṭeb. 'Ig nai kuḵum madiput amu Kayak Nug dooḵu,' aon aṭeb ⁸amge iṭa aḵi ag kobol heṭeb amubia, ag aib hepig. Ag ag Mamelag ii unuqidṭeb haenpa Nug ag keeke ohnu tutu meteb ele amu, Nug doote ⁹amunu ag inam unuqidṭeg! 'Ig Mamenig, na hab aṭan daatem. Na hepe, danab oh ag na onin, nug onilag laa oh eḵadṭe doon, aṭannab human, dab menana oiyeḵ!' ¹⁰Na hepe, do maḵoḵ nahip wan imupa dayad! Na hepe, ig hab daup keeke dab menan heṭeb amubia ig ele dim lamidtu! ¹¹Ig e megṭem ele amu gemunu ele

meḵe! ¹²Laa hipunin megṭeb, ig uhuḵta madateṃ, amubia na hipunin ihinig uhuḵna meḵe! ¹³Na ipun ena, ig nau heḵunignu eeḵak iṭapa omaigna, Satan epegpanu awiḵe! Do maḵoḵ, gagatag amu binag oḵai ele am hanhan nahip-paib daate, oo mak ena, gagatag oh ele. Hanhan na binan ele daaḵut! Amen,'" awa aum. ¹⁴Jesus Nug anam anana, Nug tuḵiṭa aum. "Doyeg! Ag danab ah laa dilag hipunin uhuḵna madapeḵ amu ag Mamelag, hab aṭannu amu, Nug hipunin ahilag ele uhuḵa madaku. ¹⁵Amge ag laa dilag hipunin uhuḵna ii madapeḵ amu ag Mamelag, hab aṭannu, Nug ele ahilag hipunin uhuḵa ii maṭama.

KUD MA DAYAKNU NAI

¹⁶Ag e oh lanaknu kud men daateb haenpa amu ag idulag aib tigugudom. Ham bupuak danab ag e oh lanaknu kud men daateb haenpa amu danab laa oh ag anam heṭeb anidḵulagnu amu ag heeg, idulag tigugudṭe. Da genab ag amelagpa aṭem. Ham bupuak danab ag hepig amu ag amunu nob ena aaku aon malapig. ¹⁷⁻¹⁸Amge danab ag na e oh lanaknu kud men daatem ii doonmanu amu na e oh lanaknu kud men daanna, na idun ihan, iḵin qe! Na Mamen, loḵumakpa daate ele amu, Nugib dooḵu. Na Mamen, Nug keeke loḵumak oh anidṭe ele amu Nug na nob ena eḵua medaku.

WAN ENUB QAG MAKNU NAI

¹⁹Ag wanpanu keeke ena oh ahilagnu aib qag mepig. Wan imupa amu keeke laala tiig qe, iṭa mete amu keeke laala gauat laeg, iṭa mete amu yabhoi danab ele ag aḵi loḵadna keeke yab aoteb. ²⁰Amge ag ahilag keeke ena hab aṭan apa qag meig! Hab aṭan apa amu tiig qak iṭa, gauat iṭa amu yab danab laa ele ii daate. ²¹Genab ag ahilag keeke ena hab aṭan apa qag meig! Adinu? Aben

nahip keeke ena ena daate ele amu, na oot amupa ele daaku.

²² Amu na amen amu na bedun laih laih oh amahlak madate. Na amen am ena dayeb amu na bedun laih laih oh am amahlak ele daaglag ²³ amge na amen am nau dayeb amu na bedun laih laih laa oh am gatatu manak oopa daaglag. Amunu amubia, na ootpa Kayak keekenu dab mekutnu elele iita daatem dayeb amu na gatatu naunab oopa daatem.

DANAB NUG DANAB ADIT DILAH UDAT II HEMA

²⁴ Danab laipu nug gumak danab adit dilah udat hekunu elele iita. Am nug laanu oo dayeb, laanu amu nug oopa nau, ninig ele dooku. Doyaya laaib dim lamitata, laa amu di medaku. Ag Kayak udat amu enub udat ele oh hekulagnu elele iita.

KEEKE KUDUMNU HIK QAK

²⁵ Amunu da ag amelagpa atem. Ag ahilag e lanaknu aib hik aqeb apig. 'Ig adi lakunig?' o 'Ig le adeku lakunig?' Amu ele ag bedulag keekenu aib hik aqeb apig. 'Ig adi mekunig?' Kayak ag wan imupa oiglagnu bau matom amunu Nug bau dayaknu keeke ele madaku. ²⁶ Ag ai aakud anateg! Ag e ii ebateb amu ag qag mena bakalenu ma laka ii meteb amge ag Mamelag, hab atan daate ele amu, Nug ai e madate. Ag Kayak amegpa ai iite edateb? ²⁷ Amu ag oolagpa aun nug wanpa dayaknu hik qeeq, haen nuhig baula ele tudidte? Elele iitanab.

²⁸ Am ag adinu lamennu dab mak huana aoteb? Ag atupan bala bena daateb amu anateg! Ag atemu beteb? Ag udat ii heteb amu ag lamennu ele ii heteb ²⁹ amge da ag amelagpa atem. Anuka Solomon dayeye, nug bedupa lamennu nuhig bala enanagnab kudum metom amge nug nuhig bala amu atupan

bala editak laa iita. ³⁰ Ag anteg! Gikidah gemu wanpa bete amu buti laatu amu ag okulna maog, ab adupa ta eote ele, amuam keeke hamu amge Kayak Nug bala madate. Nug anam hete amunu ag anidna autna aweg! Kayak Nug gikida amu elele gumadte amunu Nug ag elenab gumadku. Ag oolagpa genab nakokib dooteb. ³¹ Amunu ag aib dab mak kudum aon, 'Ig adi lakunig?' o 'Ig le adepa lakunig?' o 'Ig lamennu adeku aognig?' apig. Iita! ³² Amuam iita adi ag am keeke amu ohnu dab mak kudum aoteb amge ag dahilad amu ag Mamelag, hab atan daate ele amu, Nug ag keeke amu oh aoglagnu doote. ³³ Amge tatam ag Kayaknu do madodnu amu kobol tutuku ele aoglagnu anuqak doopeg, dimpa Nug ag keeke laala ele madaku. ³⁴ Amunu ag keeke buti laatu ele aoglagnu hik aib aqom. Butinu amu nuka pide nuhig keekenu dab meku. Am ug laa ded amupa beku amu ded amunu aakuib beku.

LAILKAD HETODIAKNU NAI

7 Ag nob nau gagatagnab aomnanu amu ag laa dilag ag nob nau gagatag aoglagnu aib dab mepig. ² Adinu? Ag hanhan laa ag nob gagatag aoglagnu dab mekulag amu ag ele nob gagatag aoglag. Ag danab melemel madateb amu melemel amupaib geha ag mataglag. ³ Adinu na layap amegpa kinipan hupu nakok daate amunu na neegtem amge na naka amenpa, ad maha okai daate amu ii dab medatem? ⁴ Am atemun na haen oh ad maha amenpa dayeye amu na layap amegpa kinipan nakok amu aokutnu atem. ⁵ Na am ham bupuak danab! Tatam na ad maha okai na amenpa daate ele amu mautpe na ukeb, pehetan neegnana amu dimpa na layap amegpa kinipan amu maute!

⁶ Qai ag edun emaladmananu amu ahilag keeke opia awak ele aib madapig.

Amu laa ele bo ag baelagpa tapamnanu amu ag ahilag kalele ena ena amu aib madapig.

DANAB UNUQITAK GAGATAG HEKUNU NAI

⁷⁻⁸ Ag Kayak keeke enanu unuqiteg! Ag anam hepeg amu Nug ag madaku. Ag keeke ena matieg! Ag anam hena amu ag anidkulag. Ag od qeqaleg! Ag anam hepeg amu Kayak Nug matula medaku. Amu aun nug Kayak keeke enanu unuqidte amu nug aote. Aun nug keeke ena madite amu nug anidte. Aun nug od qeqalte amu Kayak Nug od matulte.

⁹ Nid nakok laa nug mameg amegpa bret medakunu ate amu mameg nug mente medate? Iita. ¹⁰ Am nid nakok laa nug mameg kakai medakunu ate amu mameg nug mat naute medate? Amu ele iitanab ¹¹ amunu nau adi ag bekalkad do keeke ena madateb, amupa ig dootem, ag Mamelag, hab atan daate ele, Nug danab nuhig nu unuqidteb amu Nug genab keeke ena do madaku. ¹² Anam amunu ag dahilad amu ag kobol aten danab ah ag ahilagpa hekulagnu oolag daate ele amu, kobol amuib ag danab ah dilagpa heig! Do nai amu propet dilag nai ele amuib ipunigkunu daate.

BAUKLEL IBNU NAI

¹³ Ag od nakokpa noig! Ib okai padal mak abenpa gote ele amu, nuhig od am okainab am danab ah kudum ag ib amu dim lamidteb. ¹⁴ Amge ib bauklel abenpa ukak amu nuhig od am nakok amu ib am hogog doak amunu danab ah laipu laipuib ag ib amu anidna goteb.

PROPET HAM BUPUAKNU NAI

¹⁵ Ag propet ham bupyak dilag dab meig! Propet ham bupyak ag, 'Da Kayak ipu ipunadtem,' aon ateb amge amuam nai ham bupyak. Propet ham bupyak ag qai nau nug sipsip emala lakunu, sipsip

gada awa ma, sipsip oolagpa oite amubia oiteb. ¹⁶ Ag ahilag hak amupa geha meu anidna dooglag. Danab ah ag grep meu amu muqi qaun elepanute aoteb? O ag ad pig meu amu ud qaun ele amupate aoteb? Iitanab. ¹⁷ Ad oh ag nauhak iita, enaib daateb amu ag meulkad ena oteb amge ad laa ag nauhak ele amu, ag meulkad nau oteb. ¹⁸ Amunu ad ena nug ad meu nau ii ote, aria ad nau nug ad meu ena ii ote. ¹⁹ Am ele ad oh, ag meu ena ii oteb ele amu, danab ag wadna, ab adupa akaeg ta eote. ²⁰ Amunu ag propet ham bupyak, meu ahilagpa anidkulag.

²¹ Danab ah ag dahilnu, 'Nadi, Nadi,' ateb ele, amu oh ag dahil do madod oopa ii nomana. Iita. Danab nug da Mamel, hab atan daate ele amu, nuhig dab mak dim lamidte ele amuib nug dahil do madod oopa noku. ²² Anam daate amunu hetodiak ded nadi pa amu danab ah kudum ag dahilnu akulag. 'Nadi, Nadi, ig na oninpa Kayak nai iite mehuqmut? Na oninpa ele oudi nau iite lamadmut? Ig na oninpa udat okai kudum laa iite hemut?' ²³ Ag anam akulag amge da haen amupa miag api dooglag. 'Da ag nakok nab laa ii doyardtem. Ag Satan ehanitak danab amunu ag uuidna ukeg!' awe akul.

JESUSNU NAI AWA OYAKNU IPUNITAK NAI

²⁴ Amunu danab nug nai dahil imu doya dim lamidte amu nug danab laa doyak ele, nug men atan lag heum bia daate. ²⁵ Nug lag he amu gu na, ui wa, ulah gagatag ele haaha, lag amu dutunom amge ii na qeum. Adinu? Danab amu nug lag men qadepa heum. ²⁶ Amge danab nug nai dahil doya ii dim lamidte amu, nug ootot danab, nug danab laa ihi qadepa lag heum bia daate. ²⁷ Lag he, gu na, ui wa, ulah gagatag ele haaha, lag dutune, na qeum. Amu genab nug na qa nauha auta awom," awa aum.

²⁸ Jesus Nug nai amu maṭia male, danab ah ameg naḍinab ag Nug nai maṭiom amunu dab mak kuḍum aopig. ²⁹ Aḍinu? Nug ḍo mehuqak danab nai ipuanadpig bia ag ii ipuanatom. Iiṭa. Nug danab onig ele bia nai ipuanatom.

JESUS DANAB LAA GAḌA OḌE ELE BABAIṬOM

8 Jesus Nug nai maṭia malowa, Nug qaukopanu no amu danab ah ameg naḍinab Nug dim lamidpig. ² Dim lamitegeg, danab laa nug gaḍa oḍe ele amu nug Jesus noobpa uka, gateg qaun wa, Jesus oḍ meṭa aum. “Na oot heeb amu na hepe, oḍe dahil am iita meku,” awa aum. ³ Nug anam oḍ mete, Jesus Nug epegpa danab beḍu aḍa, amegpa aum. “Da ool anam daate, na ena daye!” awa aum. Anam a amu pahanab oḍe amu iita me, danab nug ena dayom. ⁴ Ena daye, Jesus Nug ḍo nai gagatag danab amu amegpa inam aum. “Na danab laa amegpa, da na bapaidminu amu aib ame. Iiṭa, na gona, na beḍun mana meṭak danab ipunidna, na Mosesnu ḍo ate bia, na doḍ main, Kayak meṭe! Aḍinu? Danab oh ag amupa dooglag, na oḍe iita,” awa aum. Jesus Nug ḍo gagatag anam mewowa he ukom.

DAUP 100 DILAG IḌI LAA NUG JESUSNU OOPA GENAB DOYOM

⁵ Amu Jesus Nug uka Kapenaum te amu daup 100 dilag iḍi laa uḍia, Jesus inam oḍ metom. ⁶ “Naḍi, dahil begbeg danab nug baeg epeg mauhe, guitak okai ele doyaya, laka uma niite,” awa aum. ⁷ A amu Jesus Nug amegpa aum. “Da uken hepi, ena daaku,” awa aum. ⁸ Amge ban danab dilag iḍi nug aum. “Naḍi, da am danab enate amu na uḍin, da laul oopa nekut? Amunu na begbeg dahil ena daakunu naiib a! Na anam naiib ape amu begbeg dahil eḍua ena daaku. ⁹ Da amu

dootemnu diig am da ele uḍat imunu danab okai waalagpa daaiyi, ag da gumidegeg amu dahilad daup ag da waalpa ele daateb. Amu da laa amegpa, ‘Na uke!’ aṭem amu nug gote. Aria da laa amegpa, ‘Na uḍie!’ aṭem amu nug uḍite. Am da dahil begbeg amegpa, ‘Na uḍat amu he!’ aṭem amu nug heṭe amunu na naiib ape, keeke amuam beku dootem,” awa aum.

¹⁰ Awa a amu Jesus Nug amu doya, Nug dab mak kuḍum awawa, Nug danab ah ameg naḍi dim lamidpig amu amelagpa inam aum. “Da ag amelagpa aṭem, da Israel danab oolagpa, oopa genab doyak imubia am da laa ii anidmi ¹¹ amunu da ag amelagpa aṭem. Geha danab kuḍum aam bedepanu amu aam nodepanu ele ag Abraham, Isak, Jakop aḍi ele Kayaknu ḍo maḍoḍ haenpa qag mekulag ¹² amge Israel danab ah kuḍum, ag oopa genab doyak iita ele, ag gatatupa gokulag. Apa danab ag gaanna, aelag ele kikuḍulag,” awa aum.

¹³ Awowa Nug daup 100 dilag iḍi amegpa aum. “Na enad uke! Na da begbeg danab nahip ehanidkulnu ootpa genab doome amu anam aaku beku,” awa aum. Jesus Nug anam a, haen amupaib ban danab 100 dilag iḍiinu begbeg danab eḍua ena dayom.

PETRUS NOME

¹⁴ Ena daye amu Jesus Nug Simon laugpa noa, Simon nome nug oḍe, beḍu gakaḍak ele niieye antom. ¹⁵ Anṭa Nug gumita wana, epegpa aḍa he, beḍu gakaḍak iita me, ah amu nug aha, e ahilag babaiṭom.

JESUS DANAB AH KUDUM BAPALATOM

¹⁶ Aria aam no, uu doowo, danab ag ahan, danab kuḍum ouḍi nau ele omaladna Jesus topa gopig. Ukaeg, Jesus Nug laa ouḍi nau ele amu Nug

odepaib nai anana, ouđi nau amu Nug ag lamataa, ode danab oh ele amu bapalatom. ¹⁷ Anam heum amunu Kayaknu propet Jesaia, nug Kayak nai laa aum amu nai amu elele meom. Nug inam aum. “Nug nuka ihinig ode amu ug oh ele mawa ukom.”

JESUS DIM LAMITAKNU NAI

¹⁸ Aria Jesus Nug danab ah kudum ag Nug oo metan talilidpig ele anta, Nug ipunitak awak danab nuhikud amelagpa aum. “Ig le ameg matađta laih upa gotu!” awa aum. ¹⁹ Awa a amu ag gokulagnu daaegeg, do mehuqak danab laa doa, Jesus amegpa aum. “Ipunitak danab, na adep adep gokut amu da na dim lamidkul,” awa aum. ²⁰ A amu Jesus Nug do mehuqak danab amegpa aum. “Dođ laa onig poks, biun bia, ag wan odepa niiglagnu aben ele, ai ag ele ted ele amge Danab Bekalag da amu da niaknu aben laa iita,” awa aum. ²¹ Anam a amu nuhikud ipunitak awak danab laa nug Jesus amegpa aum. “Nadi, na ape amu da tatam uken, mama boomoya, da eduen na dim lamidkul,” awa aum. ²² Nug anam a amu Jesus Nug aum. “Iita! Na da dim lamide! Mauhak adi, ag dahil udat haknu dab ii meteb ele amu, ag mauhak lailkad boomkulag,” awa aum.

JESUS ULAH AMEGPA A TO ETOM

²³ Awowa amu Nug aha, ub awe, nuhikud ipunitak awak danab ag ele teeg gopig. ²⁴ Ukaegeg, ulah okai heehe, le ameg kodkod huan qa, ub tona malom. Le anam heum amge Jesus Nug ubpa niom. ²⁵ Niieye nuhikud ipunitak awak danab ag Nug mađ etan apig. “Nadi ig mauhmatanu, na ehanike!” aon apig. ²⁶ Ag anam aeg amu Jesus Nug aum. “Ag adinu badateb? Ag oolagpa genab nakokib dooteb.” Nug anam anana amu Nug aha, ulah le ele dilahnu, a anam hemayanu amelagpa a amu ulah

nug iita me, le ele to eta, manin niom. ²⁷ Nug anam he amu ag dab mak kudum aonna, aka aka apig. “Ulah le ele amu a ele danab imunu nai dim lamidtep amunu am atemun? Nug am aun?” aon apig.

JESUS NUG DANAB ADIT, OUĐI NAU ELE, A BAPALATOM

²⁸ Aria ag gona, Galelia le ameg laih Gerasa wanpa eedpig. Eedna Jesus Nug danab adit, ouđi nau qalatak ele, a matmatpanu Jesus gumidya udieh anatom. A dakud meya autia aopid amunu danab ag ib amupa oiyaknu iita. ²⁹ A uđiya, huanak eya apid. “Kayak Beka, na ihinihpa adi hekutnu udime? Guitak haen ihinih ii uđiom amu na paha guitak metakutnute udime?” aoya apid.

³⁰ Anam aeh amu bo ameg nadi laa nakok uma e lanan daapig ³¹ amunu ouđi nau ag Jesus unuqidna apig. “Na ig lamigna doona amu lamigpe, ig gota, bo oolagpa notu!” aon apig. ³² Aeg amu Jesus Nug aum. “Ag ukeg!” Anam a amu ag danab adit uuatna, ag gona, bo oolagpa nopig. Noeg amu bo ameg nadi amu ag oolna huana gona, aben oola noakpa, le amegpa nona, le lana mauhadna malapig. ³³ Mauhadna malaeg amu bo gumatak danab ag oolna gopig. Ag gona, ab okaipa tena, keeke amu ohnu anana amu danab adit ouđi nau qalatak ele dilahpa kobol beum amunu ele madipig. ³⁴ Matieg amu danab ah ab okaipanu oh uđin, Jesus anidna, ag Nug ahilag wanpanu aha, laih gokunu unuqidpig.

JESUS DANAB EPEG BAEG MAUHAK BABAITOM

9 Aria Jesus Nug aha, edua ubpa ta, le ameg laih Nug apagpa, Kapenaum ukom. ² Uka, apa dayeye, danab laala ag lailag ode, nug baeg epeg mauhak ele, qadaqadpa maon, Jesus topa uđipig. Uđieg, Jesus Nug oopa

qati bau awa, lamen alagnu gido amupa tona ii koit-te. Nug anam heku amu lamen bau ii ihak ele amu nug iheb, nakok ma amu lamen bau nug lamen alag edeb, katida gido okai ele daaku. ¹⁷Laa ele danab nug grep lepu bau, le itaknu dod gada alagpa ii inate. Nug anam helo amu grep lepu nug titida heeb, dod gada alag nug gagatag epom, okai mekunu elele iita amunu nug aodeb, wain amu dod gada ele oh iita mekulah amunu grep lepu bau amu le itaknu dod gada baupa inaeg, a oh elele daatep,” awa aum.

IKI DANAB ADEG AMU AH LAMEN ADOM ELE DILAH NAI

¹⁸Jesus Nug anam nai matieye, iki danab laa Jesus gumita udia, gateq qaun wa aum. “Nid ahin dahil nug geha iiku mauhkunu hete amge na gona, epenpa adape, nug edua bau daaku,” awa aum. ¹⁹Nug anam a amu Jesus nug ele ukae-heh, nuhikud ipunitak awak danab ele gopig.

²⁰⁻²¹Amu ah laa apa dayom ele amu nug kalam qak ode mad tuelp haen oh anidtom. Iita ii metom. Nug anam dayaya amu nug oopa, “Da lamen nuhig nakokib adakul amu da ena daakul,” aum amunu nug Jesus dimugpa gumita wana, lamen daug adom. ²²Ade amu Jesus Nug edua neeka anta, amegpa aum. “O adel, na oot gamag ahad! Na ootpa genab doome amunu na ena daatem. Na oot madod ele uke!” awa aum. Awa a haen amupaib ah nug ena dayom.

²³Ena daye amu Jesus Nug iki danab laugpa uka, Nug mahitak kobol diigdiig heegeg anatom. ²⁴Anata Jesus Nug aum. “Ag ahag! Nid ahin nug ii mauhom. Nug niite,” awa aum. Awa a amu ag Nug imidpig ²⁵amge Jesus Nug danab ah oh lamatowa, Nug lag oopa noa, nid ahin epegpa ade, nug edua ahom. ²⁶Ahe, nai amu wan amu ohpa oiya malom.

JESUS AMELAH GADUAK ADIT, ODETUP LAA ELE BAPALATOM

²⁷Jesus Nug ab amu uua ugeke, danab adit amelah gaduak ele Nug dim lamidyaya, onigpa eya apid. “Dawit beka, na ihinihnu oot gai iita doye!” aoya apid. ²⁸Anam aeheh, Jesus Nug laka no, gaduak adit a Jesus topa udiqid. Udieh, Nug a od matom. “Da a ehanatkulnu elele oolahpa genab dootepte?” awa aum. Awa a amu a, “Yo,” aoya apid. ²⁹Anam aeh amu Jesus Nug epeg amelahpa maama aum. “A dahilnu oolahpa genab doopid, anamnab ahilahpa beku,” awa aum. ³⁰Anam a amu a amelah opatom. Opate amu Jesus Nug do nai gagatag inam matom. “Dab meid! A keeke amunu danab laa aped aib doyom,” awa aum. ³¹Aum amge a dimitim goya, Jesus adi heum amu wan amu ohpa meeh oiyom.

³²Aria Jesus amu nuhikud ipunitak awak danab ele ag ahan, dimitim gokulagnu heegeg, danab odetup laa, nug oudi nau ele amu ag nug omalna doeg, nug Jesus guguita doum. ³³Do amu Jesus Nug oudi nau amu lamite, odetup nug nai matiom. Nai matieye, danab ag dab mak kudum aonna apig. “Anuka keeke inam laa Israel oopa ii beum,” aon apig. ³⁴Ag anam apig amge do gumak danab-Parasia ag, “Nug oudi nau ikilagnu gagatagpa oudi nau lamadte,” aon apig.

JESUS DANAB AH DILAGNU OO DOYOM

³⁵Aria Jesus Nug uka, ab okai laalapa amu ab nakok laalapa ele oiyaya, danab oh, ahilag nai doyak lag laalapa nai ipuanatata, Kayaknu do madodnu Nai Ena mehuqaqa amu danab bedulagpa ode diigdiig ele amu, Nug ag bapalatom. ³⁶Nug danab ah ameg kudum anam anata, Nug oo doyom. Adinu? Ag ug

kuḁum ele doopig amge ehanitak laa iita. Ag am sipsip ag ahilag gumak iita bia oipig ³⁷ amunu Nug nuhig ipunitak awak danab amelagpa aum. “ḁata e kuḁumnab oḁupig amge uḁat danab kuḁum iita ³⁸ amunu ag dad Mameg, Nug uḁat danab maateb, ag gona e nuhig qag mekulagnu unuqiteg!” awa aum.

IPUNITAK AWAK DANAB 12 AMU ONILAG

10 Deḁ laa Jesus Nug nuhikud ipunitak awak danab tuelp onilagpa e, ag Nug gumidna uḁipig. Uḁieg, ouḁi nau lamadkulagnu amu oḁe diigdiig ele bapaladkulagnu gagatag maḁom. ² Nug danab tuelp gagatag anam maḁom amu ag onilag am inam. Anuqak am Simon amu Jesus Nug onig laa Petrus ataḁom. Laa amu Andreus, nug Petrus ele a am e amag. Aḁit laa amu Sebedi bekoḁ, Jakobus Johannes ele. ³ Laa oh amu Pili-pus, Batolomiu, Tomas, Mateus, nug am takis awak danab. Aria Alpias beka Jakobus, Tadius, ⁴ Simon, nug am Selot amu Judas, Iskariot ted ele. Nug Jesus keked epelagpa meum.

⁵ Jesus Nug ipunitak awak danab tuelp maate gokulagnu daaegeg amu Jesus nai maḁa aum. “Ag gona, iita aḁi dilagpa amu Samaria dilagpa ele aib gopig. ⁶ Iita. Ag Israel buḁub, ag am sipsip padal mepig oiḁeb bia oiḁeb amu, ahilagpa ukeg! ⁷ Ag gona, ‘Kayaknu ḁo maḁoḁ miag doum daate,’ aon aig! ⁸ Ag gona, oḁe danab bapaladnana, danab mauhpig amu maḁ aḁanna amu danab gaḁalag oḁe nau ele bapaladpeg, ena daapeg amu ouḁi nau ele ag lamateg! Keeke ag aopig amu ag daden mena ii aopig, ag hamu aopig amunu ag hamu, daden iita, ag mateg! ⁹ Uḁat danab nug uḁat nuhig amupa nug e, keeke laala ele aote amunu ag gokulagnu dab menana amu ag gol, silwa, bras ¹⁰ amu oiyaknu baḁam, lamen

aḁit, baelag gaḁa amu hoḁat ele aib aopig,” awa aum.

¹¹ Nug anam anana amu baula aum. “Ag gona, ab okaipa o ab nakokpa amu ag neegna autna aona, danab ena tutuku ab amupan anidna amu nug eleib daanna, ukaknu haen beeb, ag ahan ukeg! ¹² Ag lag oopa nona amu ag lag amunu danab ah humadkulag. ¹³ Ag humadnana amu, ag maḁoḁ dahilpanu aopig ele amu, ag lag amupan danab, ag elele daateb dayeb amu, ag maḁoḁ amu ag maḁaglag amge ag amu aoglagnu elele iita daateb dayeb amu ag maḁoḁ amu eḁun aon gona, lag laapa tena, ag mateg! ¹⁴ Amu laa ag diin, laka ii maadna, nai ahilag ele ii doopeg amu ag lag o ab okai amu uuna, ag baelagpanu gapud amu qeqalpeg, ab amupa naḁ! ¹⁵ Da genab ag amelagpa aḁem, epediak haen okaipa, ab amu nug Sodom Gomora ele nob nau aopid, amu eḁitak aoku.

UG DIIGDIIG BEKU

¹⁶ Doyeg, da ag ḁoḁ sipsip bia qai ḁakuḁ oolagpa maati goḁeb amunu ag dab mak tutukunab aona, keeke heig! Amu ele ag keeke oh qinonob henana, kobol nau laa hekulagnu aib dab mepig. ¹⁷ Ag dahilad amu ag wan imupan danab dilag dab meig! Danab laa amu ag ag heḁoḁiakpa maadna, nai doyak lag oopa wippa ehed matadadkulag. ¹⁸ Ag dahilad amu ag da dim lamidḁeb amunu wan imupan danab ag, ag diin, gabman king ele noolagpa maadkulag. Maadpeg amu amupa ag dahilnu ag amelagpa maḁinna, iita aḁi noolagpa ele matiglag. ¹⁹ Geha wan imupan danab ag ag omaladna, heḁoḁiakpa maadpeg amu ag aib baḁan apig. ‘Ig aḁemun nai nob eḁugnig?’ Iita. Haen amupaib Kayak Nug ag nai aku-lagnu ipuanateb, ag nai mehuqkulag. ²⁰ Ag aka ii mehuqmana. Iita. Ag Mame-lagnu Ouḁi amu Nug ag oḁelagpa nai mehuqku,” awa aum.

²¹ Nug nai amu anana amu Nug nai baula tudita aum. "Anam amunu geha danab nug amag hetodiak abenpa meeb, qepeg mauhku. Mameg nug ele bekanu anamib heku. Amu nid ag mamelkad anilkad dilag opodilag beeb hepeg, aqapeg mauhkulag," awa aum. ²² Anam anana Nug baula ele aum. "Geha danab oh ag oolagpa ahilagnu nau, ninig ele dooglag. Adinu? Ag am dahilad. Amge laa nug gagatag dayebbeb ukeb, keeke oh ba maleb, haen amupa ele nug gagatag daaku amu, nug padal ii mema. ²³ Amunu danab ag ab okai laapanu lamadpeg amu ag oolna, ab okai laapa ukeg! Da genab ag amelagpa aтем, ag Israel oh dilagpa udat hena ii malapeg, Danab Bekalag da, da edue udikul.

²⁴ Amu ipunitak awak nid nug nuhig ipunitak danab ii edidte. Aria begbeg danab nug gumak danab nuhig ele ii edidte. ²⁵ Amu danab ag ipunitak danab, nuhigpa adi hekulag amu ag nuhikud ipunitak awak nid, amu dilagpa ele anamib hekulag. Aria danab ag gumak danab, nuhigpa adi hekulag amu ag nuhikud begbeg, amu dilagpa ele anamib hekulag. Danab ag lag mamegnu, 'Nug am oudi nau ikilag,' apig amu geha nuhikud lag laipu amu, ahilagnu ag onilag nau kudumnab akulag.

JESUS NUG NAI DIIGDIIG MATIOM

²⁶ Amge ag amu dilag aib badapig. Keeke oh tonak daate am geha miag atiku. Nai oh lokumak daate amu ele danab ag dooglag. ²⁷ Amu nai da tuqan maditem amu ag amunpa mehuqnana, nai ag otiptippa dooteb amu ag laka hipaidna daanna mehuqeg! ²⁸ Laa ag bedulag aakuib qekulagnu elele, ag dotolag qekulagnu elele iita amu, ag amu dilag aib badapig. Iita. Laa nug bedulag dotolag ele oh heeb, padal mekulahnu elele amu nuhignuib badeg!

²⁹ Ag dooteb, danab ag ai naunau adit amu toea laipupa daden meteb amge ag Mamelag Nug ii ate dayeb amu, ai amunu laa wanpa ii na qete ³⁰ amunu da ag amelagpa aтем. Ag Mamelag, Nug ag ikilag udug oh eb aqa malom ³¹ amunu ag aib badapig. Ag ai naunau, amu dilag daden oh edadna malapig.

³² Amu danab laa nug da onil danab ah noolagpa miag meku amu da ele danab amu, nug onig, da Mamel, hab atan daate amu, Nug noobpa miag mekul. ³³ Amge danab nug danab ah noolagpa da di medate amu da ele danab amu Mama, Nug hab atan daate ele amu, Nug noobpa di medakul. ³⁴⁻³⁵ Da udimi amunu wanpa madodib daaku amu ag anam aib dab mepig. Da udimi amunu madodib ii daama. Iita, qep aeg ele keeke opate, laih laih daate amubia da udimi amunu danab nug beka ele a oolahpa laa nug da dim lamidebeb, laa am iita amunu a madod ele ii daamya. Nid ahin amu nug anig ele a madod ele ii daamya. Aria ah amu nug ahipa ah ele a ele madod ele ii daamya. ³⁶ Danabnu keked amu, laa ag nug laugpa daateb amu, ag nuhig keked daaglag.

³⁷ Amu danab nug anig mameg ele dilahib oo mauhte amge dahilnu oo huanak ii mauhte amu nug da layal iita. Amu ele danab nug beka adeg ele dilah oo mauhte amge dahilnu oo huanak ii mauhte amu nug am da layal iita. ³⁸ Laa ele, danab nug nuhig ad emaitak awa, da dim ii lamidte amu nug da layal iita. ³⁹ Danab nug bedu bau mak nuhig madite ele amu, nug iita meku amge laa nug dahilnu dab ma, nug bedunu bau mak kakidte amu nug genab bauklel anidku.

⁴⁰ Danab nug ag oo meta humadte amu nug da oo meda humidte. Nug da oo meda humidte amu nug Mame Kayak, Nug da meide udimi ele amu, Nug oo meta humidte. ⁴¹ Danab nug Kayaknu

propet laa anta, nug am propet, diig amunu nug oo meṭa humidṭe amu danab amu nug propet dilag nob ena ele aoku. Am danab nug danab tutuku laa anta, nug am danab tutuku, diig amunu nug oo meṭa humidṭe amu, nug danab tutuku dilag nob ena ele aoku. ⁴² Amu danab laa nug danab hamu onig iita laa anidṭe amge danab hamu onig iita amu nug da dim lamidṭe amunu danab laa nug ehanita, nug le ougib hai gokodpa medate amu, da genab ag amelagpa aṭem, Kayak Nug danab amu nob ena medaku. Nug daug iinab atima,” awa aum.

11 Jesus Nug anam nuhiṭud ipuniṭak awak danab nai mata malowa, Nug aben amu uua aha, ab okai laalapa danab ah doyak aoglagnu ipuaṭata, nai ele mehuqom.

² Mehuqeṭe, Johannes nug mani guiṭak oopa dayaya, Kristus udat oh heum doya amu nug nuhiṭud ipuniṭak awak danab adit maate, a nuhig od mak aoya, Jesus topa gopid. ³ Goya Jesus od medapid. “Danab laa uḍikuṇu aeg doomut am na akute, o iita ig laate ameg meṭunig?” aoya apid. ⁴ A anam od meṭoya daaeheh, Jesus Nug udat he anteh amu Nug aum. “A goya, keeke oh anidya doopid amu Johannes amegpa aped doyaḍ! ⁵ Amelag gaduak ag keeke anidṭeb, didilag adak amu ag ena oiṭeb, gadalag ode ele amu ode amu iita meṭe, daulag ituak amu ag edun nai dooteb, danab mauhpig ele amu, ag edun bau daateb amu dadek danab ag ele Nai Ena dooteb. ⁶ Amunu danab aun nug nuhig oopa genab doyak dahilnu ii pade nete amu Kayak Nug danab amu ititak medate,” awa aum.

⁷ Jesus nai matia male, Johannesnu ipuniṭak awak danab a ukaeh amu Nug danab ah amelagpa Johannesnu aum. “Ag anuka Johannes gumidna atu tadakpa gopig amu ag adi keeke anidkulagnu gopig? Ag keeke gai iita, qaitobṭob

bia, ulah he uḍalte, amu anidkulagnu gopigte? Iita. ⁸ Ag adi anidkulagnu gopig? Ag gona, danab laa lamen enanagnab kobol ele takom anidkulagnu gopigte? Iita. Danab lamen enanagnab, kobol ele tagateb amu ag king laugpa daateb. ⁹ Amge ag adi keeke anidkulagnu gopig? Ag Kayaknu propet laa anidkulagnu gopigte? Da ag amelagpa aṭem. Ao, ag propet anidkulagnu gopig amge nug am propetib iita. ¹⁰ Nug am laa, Kayak Nug nuhignu a, propet laa nug Kayak ode awa, Kayak naipa yom daate. Nai amuam inam. ‘Ante! Da hepi, dahil nai awa uka matiaknu danab laa nug na noom awa, nahip ib bapaidku.’ ¹¹ Amunu da genab ag amelagpa aṭem, Layatak Johannes nug danab oh anuka propet daapig amu oh edatom amge danab laa nug Kayaknu do maḍod oopa danab nakokib daate amu nuhig ititak amu Johannesnu edidṭe. ¹² Johannesnu haen uḍie uḍie gemu ele Kayaknu do maḍod nug okai meṭunu wagai meṭe amu wagai mak danab ag ele Kayaknu do maḍod adaglagnu wagai meṭeb. ¹³ Propet oh dilag nai amu do nai ele, a Elias neeb, Kristus neṭunu aeh uḍie Johannes beum batak ¹⁴ amunu ag imu oolagpa genab dooglagnu elele amu ag doyeg! Elias uḍikuṇu apig amu Johannes aaku. ¹⁵ Laa nug daug ele dayeb amu nug doyaḍ!” awa aum.

¹⁶ Anam anana amu Nug baula aum. “Da danab ah haen geha imunu da ahilagnu adi bia akuḷ? Ag am nid naunau hadappa daanna, ameg laa amu ameg laa amelagpa enana, ¹⁷ ‘Ig ahilagnu dumutum iwalmut amge ag ahi ii edapig. Ig ahi oo doyak ele etamut amge ag ii gaapig,’ aṭeb amubia heteṭeb. ¹⁸ Adinu? Johannes nug uḍia amu nug e diigdiig ii laum, wain ele ii laum amunu danab ah ag nuhignu, ‘Nug beḍupa ouḍi nau ele,’ apig. ¹⁹ Aria Danab Bekalag da, da uḍien, e lain, le ele lami amunu

ag aṭeb. ‘Anteg, Nug e huanak lanana, wain ele huanak laṭe. Nug laikud am takis awak danab, hipunin danab amu danab laa, ag ig Juda, ihinig do oh ii dim lamidṭeb,’ aon aṭeb. Amge Kayaknu doyak am keeke genab amu nuhig hakpa ag am genab anidkulag,” awa aum.

AB LAALA OOLAG II EDUOM AMU AHILAGNU GADONNAB

²⁰ Aria ab laalapa Jesus Nug keeke danab hekunu elele iita kuḍum heum amge danab ag oolag ii eduom, diig amunu haen amupa Jesus Nug ag alata aum. ²¹ “O gadon Korasin, o gadon Betsaida ele. Da ahilah danab oolagpa oiy-eye, kobol diigdiig danab hekunu elele iita hemi amu danab laa nug Taia Saidon ele, danab apa daṭeb ag am iita adi danab amu, nug danab amu ahilagpa kobol amubia helo amu Taia Saidon ele dilah danab ag anukanab lamen nau, hedīag ele takan, uhuḍpa daanna, ag oolag edulo. ²² Amunu da ag amelagpa aṭem, epediak haenpa Taia Saidon ele dilah danab ah amu, ag ug aoglag amge ag danab ah ag Korasin Betsaida ele daṭeb amu, ag amu dilag ug ediṭak, ug okainab aoglag. ²³ Aria ab okai Kapenaum, na onin okai, laa oh ediṭak aokute? Iita! Na padal mekut. Danab laa nug Sodom dilagpa kobol da ahilagpa hemi amubia helo amu Sodom ag gemu daalob. ²⁴ Am iita amunu da ag amelagpa aṭem, epediak haenpa Kapenaum ag Sodom dilag ug ediṭak, ug okainab aoglag,” awa aum.

DANAB HIK AOḶUNU NAI

²⁵ Jesus Nug haen amupa nai amu maṭia malowa Nug aum. “O Mame, na hab wan ele dilah Okai daṭem amu, na danab dab mak ele, doyak danab ele, na amu dilagpa keeke imu lokumna, nid naunau ipuanadme amunu da na onin humaṭem. ²⁶ Yo Mama, na nahip dab

makpa amu nahip doyakpa heme,” awa aum.

²⁷ Jesus Nug anam anana, Nug baula tuḍita aum. “Da Mamel Nug keeke oh da epelpa meum. Amu danab laipu laa nug Kayak Beḳa ii dooṭe. Kayak Nug nukaiḅ dooṭe. Amu ele danab laipu laa nug da Mamel ii dooṭe. Iita. Da am Kayak Beḳa amu da aakuiḅ dooṭem. Amge da danab laala Mama ipuanadṭem ele aakuiḅ am, ag Mama dooṭeb,” awa aum.

²⁸ Anam anana Nug baula ele aum. “Danab ag udat okai henana, keeke ug ele maoteḅ amu ag gumidna dopeg, da hepi, ag hik aoglag. ²⁹ Ag mawaknu keeke dahil aona, ag dahilpa dab mak aweg! Adinu? Da am wagai mak danab iita amu da am oo doyak ele. Ag anam henana, ag oolagpa ug iita oiglag. ³⁰ Adinu? Dahil mawaknu keeke nug am ug iita amu amupa ag keeke laa, ag maoglagnu mekul amu, amu ele am ug iita,” awa aum.

JUDA DILAG METIDNU DO, AMUNU NAI

12 Haen laa Metidpa Jesus Nug ibpa wit dad laa oopa ugeke, nuhikud ipuniṭak awak danab ag enug aqe, ag wit aeg aon lapig. ² Aon laegeg, do gumak danab-Parasia ag amu anidna, ag Jesus amegpa apig. “Ante, nahipad ipuniṭak awak danab ag do nug danab laa Metidpa e daṭanu ii aomanu ipunigte amu, ag Juda dilag Metidnu do amu tipalna, e aon lateḅ,” aon apig. ³ Aon aeg amu Jesus Nug amelagpa aum. “Ag Dawit keeke heum amunu kaya iite eb qepig? Haen amupa nug nuhikud daup ele ag enug daanna, ⁴ ag Kayak laugpa nona, Kayak laugpan bret amu aon lapig. Bret amuam, danab hamu lanaknu gun. Mana meṭak danabib lakulagnu elele amu, ag amu lapig. ⁵ Laa ele amu mana meṭak dilag udatnu yak dopa niite amu ag Metidpa mana meṭak laḳa upa udat amu

heteb amge hipunin iita, ag amu iite eb qepig? ⁶ Amu da ag amelagpa atem. Da am metid lag editak. ⁷ Ag Kayak naipa nai laa daate, nai amu doolob amu ena. Nai amuam inam. 'Mana metak nug keeke anuqak iita, oo gai iita doyak kobol amuam keeke anuqak.' Ag amu diig doolob amu danab imu ag qadelagpa ug ii melob. ⁸ Amu Danab Bekalag da, da Metid ded gumatem," awa aum.

⁹ Awowa Jesus Nug aben amu uua aha, ahilag nai doyak laka ukom. ¹⁰ Am danab laa nug apa dayom amu nug epeg mauhak ebehitak ele amunu danab laala ag Jesus hetodiak abenpa mekulagnu hena, ag Jesus od metan apig. "Ig danab Metid dedpa bapaidkunignu am enate?" aon apig. ¹¹ Aon aeg Jesus Nug ag amelagpa aum. "Ag oolagpa danab laipu laa nug sipsip laipu ele amu sipsip amu nug Metid dedpa modpa no amu danab amu nug iite edua aote? ¹² Amu danab nug sipsip editak amunu ig Metidpa danab ehanadkunig," awa aum. ¹³ Jesus Nug anam anana amu Nug danab epeg nau ele amegpa aum. "Epen tai ete!" awa aum. A amu danab nug epeg tai ete, epeg edua, laih bia, ena dayom. ¹⁴ Jesus anam heum amunu do gumak danab-Parasia ag gona qag mena, Jesus qekulagnu ib madipig.

KAYAK JESUS NUHIGPA UDAT HEKUNU TITUANOM

¹⁵ Am Jesus Nug nai amu doyom amunu Nug aha, ab amu uua ukom. Ugeke, danab ah kudum ag Nug dim lamitegeg, Jesus Nug ode danab ah bapalate, ena daapig. ¹⁶ Ena daaeg amu Jesus, Nug am Kayak Beka amu ag amu miag atiak amananu do matom. ¹⁷ Amupa amu Jesus Nug propet Jesaia Kayak ode awa, nai laa maikom, nai amu elele metom. ¹⁸ Nai amuam inam. "Imu amu udat danab dahil, da Nug tituanmi. Da nuhignu ool huanak hete,

nuhignu ool ena daate. Da geha da Oudi hepi, Nug qadepa neku. Neeb amu Nug kobol tutukunu, nai amu iita adi dilagpa mehuqku. ¹⁹ Nug awa awa qetak nai ii matima, Nug mutub ele ii qema. Nug baag okaipa ib nadipa danab amelagpa ii ama. ²⁰ Danab laa elele iita, qao laa wak ele daate bia amu, Nug heeb, nauha autanab ii aoma. O danab laa elele iita daate, lam qauhunu hete bia, Nug heeb iita ii mema. Nug udat heeb beb ukeb, kobol tutuku amu oh elele medaku. ²¹ Danab ah wan atu ohnu ag Nug ameg mekulag," awa aum.

"JESUS BELSEBUB ONIGPA UDAT HETE," AON APIG

²² Haen amupa danab ag danab laa omalna nuhigpa udipig. Danab amu nug am oudi nau ele, nug odetup, ameg gaduak ele. Ag aon doeg, Jesus Nug he ena daya, qamutak amu nai matiya, ameg obate, neekom. ²³ Danab nug neeka, nai matieye, danab ah ameg nadi ag otaina Jesusnu apig. "Danab imu am Dawit bekatai," aon apig. ²⁴ Amge do gumak danab-Parasia ag am inam apig. "Umu Nug Belsebub, oudi nau ikilag ele amu, nuhig gagatagpa oudi nau lamadte," aon apig.

²⁵ Aeg amu Jesus Nug ahilag dab mak oh doya, Nug ag amelagpa aum. "Wan laipupan danab ag ahan opatna, ameg adit bena, nug qekulag amu wan amu nug elele iita, gagatag ii daama. Amu ele, ab okai laipupan o ab iki laipupanu ag opatna, ameg adit bena, nug qekulag amu ab okai o ab iki amu nug ena ii daama. ²⁶ Amubia Satan nug Satan lamidte dayeb amu nuhikud ag aaku opatna, ameg adit bena, aka aka nug qeteb. Anam dayeb amu Satannu do am atem ha gagatag daaku? ²⁷ Ag da Belsebub gagatagpa oudi nau lamadtemnu ateb. Da genab Belsebub gagatagpa oudi nau lamadtem dayeb amu, ag Juda, ag

beḱalkad laala ag udat imu ele heṭeb amu, ag ele anamib amge amu oh iita amunu ag beḱalkad ag epediad-peg, ag Juda ag ehed hak ahilag miag atiku. ²⁸ Amge da Kayak Oudi gagatag-pa oudi nau lamadtem dayeb amu ag doyeg, Kayaknu do madod aaku ahilag-pa udiom,” awa aum.

²⁹ Jesus Nug anam anana, Nug nai tudita aum. “Am danab laa nug atemun danab gagatag ele, nug laugpa noa keeke aoku? Am elele iita amunu tatam nug danab gagatag amu mudipa hipalowa, nug danab amu laugpa noa, keeke yab aoku. ³⁰ Am danab laa nug da ele layam iita amu nug dahil keked. Danab laa nug da ele udat laipu ii hetep amu nug Satan ehanidte. ³¹ Anam daate amunu da ag amelagpa atem, Kayak Nug danab ah dilag hipunin oh amu nuhignu amu nuhig keekenu dabiṭa, awa awa qetak nai ahilag oh ele uhuqa madaḱu amge danab nug Kayak Oudi dabiṭa, awa awa qete amu Kayak Nug danab amunu hipunin uhuqa ii meṭama. ³² Am danab nug Danab Beḱalag da, dahilnu nai nau ate amu Kayak Nug danab amunu hipunin uhuqa medaḱu amge danab nug Kayak Oudinu nai nau ate amu Kayak Nug hipunin amu uhuqa ii meṭama, gemu, dimpa ele.

³³ Anam amunu ad nauhak iita, enaib daate amu nug meu ele ena oṭe, amu ad nauhak ele amu nug am meu ele nau oṭe. Danab ag ad meu aon lana, enate o naute amu dooṭeb. ³⁴ Ag danab nau, ag am mat nau bia. Ag nau daateb amu atemun kobol enanu matiglag? Amu ele danab oopa adi dab mak am bak niite amu odepa bete. ³⁵ Am danab ena, nug oopa dab mak ena huanak niite amunu nug kobol ena he bete amge danab nau, nug oopa dab mak nau huanak niite amu nug kobol nau he bete. ³⁶ Amge da ag amelagpa atem. Epediak haenpa Kayak Nug danab ah ag nai diig iita madipig ele

amu, Nug amunu epediadku,” awa aum. ³⁷ Anana amu Jesus Nug baula ele aum. “Na nai maditem aakuib heeb, Kayak Nug na danab ena tutuku anidku. Na nai maditem aakuib heeb amu Kayak Nug nahipnu danab nau anidku,” awa aum.

DANAB AG EPONAK KEEKE ANIDKULAGNU APIG

³⁸ Haen amupa do gumak danab-Parasia amu do mehuqak danab ele ag Jesus amegpa apig. “Ipunitak danab, ig na eponak keeke, danab heḱunu elele iita laa hepe anidkunignu oonig daate,” aon apig. ³⁹ Aeg am Nug nob ma aum. “Ag danab ah naunab, ag Kayak uuna, kobol laala dim lamidteb ele. Ag da eponak keeke, danab heḱunu elele iita heḱulnu ateb amge da laa ii hepa. Propet Jona, nuhigpa adi beum aakuib ag ipua-nadkul. ⁴⁰ Anuka propet Jona nug ded ewam tuqan ewam ele kakai nadi oopa niiom, anamib Danab Beḱalag da, da gemu haen imunu danab ah, amu dilag eponak keeke daakulnu, da ded ewam, tuqan ewam ele da wan oopa niikul. ⁴¹ Haen Kayak Nug danab ah epediadku amu Niniwe danab ah ag ahan, danab ah haen gemunu dilag ehed hak amu miag atiglag. Adinu? Niniwe danab ag Kayak nai Jona odepa doona, ag oolag eduom amge gemu laa Jona editak ina daate. ⁴² Amu ele haen Kayak Nug danab ah epediadku, haen amupa wan laapan ah okai, wan amuam yau uditepan daate, nug aha, danab ah haen gemunu dilag ehed hak amu miag atiku. Adinu? Nug wan batakpanu amge nug Solomonu doyak ena amu nug amu dookunu Solomon gumita udiom amge gemu laa nug Solomon editak am iiku daate,” awa aum.

⁴³ Nug anam matiowa amu Nug aum. “Haen oudi nau laa nug danab laa uuidte, amu nug uka atu tadakpa, nug aben laa anta, hik awa daakunu oite

amge nug ii anidte dayeb amu nug ate. ⁴⁴“Da eduen, anuka daamipa uken daakul,’ awa ate. Anana amu nug uka, tatam dayom amupa ta, lag amu oo tatak, bala mak ele amu danab laa amupa ii dayeye ele anta, ⁴⁵nug edua uka, oudi nau eblaih adit laa ele, ag ahilag gagatag kobol nau hekulag nu amu nug editag ele, nug amu diie, nug ele uditib. Udin, ag lag amu oopa nona daateb. Noeg amu danab amu anuka nau dayom amu gemu nug naunab daate. Amubia danab ah haen gemu imunu ahilagpa am anam beku,” awa aum.

JESUS ANIG AMU AMAKUD ELE

⁴⁶Jesus Nug danab ah nai anam madete, Nug anig amakud ele ag Nug anidpeg, Nug ele nai matiglag nu udin, dimitim daapig. ⁴⁷[Dimitim daeeg, danab laa nug Jesus amegpa aum. “Na anin amapad, ag na ele nai matiglag nu udipig, dimitim daateb,” awa aum.] ⁴⁸Anam a am Jesus Nug odepa awa aum. “Aun am nug da anil? Aun adi am da amalad?” awa aum. ⁴⁹Anam anana, Nug epeg huma, nuhikud ipunitak awak danab ipuanataa aum. “Anteg! Imu am da anil amu da amalad ele. ⁵⁰Am danab laa nug da Mamel, Nug hab atan daate ele amu, nuhig dab mak dim lamidte amu nug am da anil, da amal, da apinal,” awa aum.

DANAB E HADAG DATA TAODOMNU NAI

13 Jesus Nug dimpa ded amupaib lakanu aha noa, Galelia le ameg ihipa dayom. ²Dayeye danab ah kudumnab udin qag mepig amunu Jesus Nug ub atan ta dayeye, danab ah oh ag le ihipa daapig. ³Ag anam daeeg, Jesus Nug keeke danab ag dooteb ii dooteb ele ou aqata, ipuanata, nai amu kudumpa ag amelagpa matiom. Nug matia aum. “Ag doyeg! E epak

danab nug e hadag ebakunu aha, data uka oiyaya, e hadag taodom. ⁴Nug taoda ugeke, hadag laala amu danab ib oitebpa nena qena niiegeg, ai ag udin hadag amu lapig. ⁵E hadag laala ag wan men duqe ukak amupa nena qepig am wan unuqag iita amunu pahanab bepig ⁶amge aam na qe, ag didilag wan oopanab ii noum amunu bunadpig. ⁷Am hadag laala ag wan mu di qaun elepa nena qeeg, mu di qaun ele ba, nadi ma teguikom. ⁸Amge hadag laala ag wan enapa nena qena, ena bena, meu opig. Hadag laala ag meulkad wan handat opig. Laala ag meulkad siksti opig, laala ag tieti opig. ⁹Am danab nug daug ele dayeb amu nug doyard!” awa aum.

¹⁰Jesus Nug anam a amu ipunitak awak danab ag dona od medapig. “Atemun na keeke danab ag dooteb ii dooteb ele ou aqatna, ipuanadna, amelagpa maditem?” aon apig. ¹¹Aeg amu Nug inam aum. “Ag dahilad amu ag am Kayaknu do madodnu keeke diig lokumak amu dooglag nu matom amunu ag dooteb amge danab imu amu ag am iita. ¹²Danab nug dookunu hete ele amu Kayak Nug laa ele medaku. Meteb nug hapiak aoku amge danab nug doyom, bau dookunu ii hete amu Kayak Nug nuhig nakok doyom amu oh adidku. ¹³Amu da keeke danab ag dooteb ii dooteb ele ou aqatete, ipuanate, amelagpa maditem, amunu diig am inam. Ag neegteb amge ii anidteb. Ag nai daulagpa dooteb amge oolagpa ele ii dooteb, nai diignu ele amu ag oolag ii maidte. ¹⁴Amunu propet Jesaia, nug Kayak ode awa, nai matiom, nai amu elele medate. Nai amuam inam. ‘Ag nai daulagpa dooglag amge nai meu am tutuku ii doomna. Ag neegkulag amge ag diig tutuku ii anidmana. ¹⁵Adinu? Danab ah imu ag oolag itua malom. Ag nai meu dooglag nu bahilag yaate,

amu ele ag amelag heeg gađuom. Amu iita daalo, ag amelagpa keeke anidna, daulagpa nai doonna, ag nai diig oolagpa tutuku doona, edun dahilpa dopeg, da hepi, ag ena daaglag,” awa aum. ¹⁶Aria Jesus nai amu matia mala, Nug nai baula tudita aum. “Anam amge ag oolag gamag ahad! Ag amelagpa keeke anidteb, daulagpa nai dooteb amu ag oolag maidte. ¹⁷Amu ele da genab ag amelagpa atem. Kayaknu propet kudum amu danab tutuku adi ele ag gemu keeke ag anidteb ele imu anidkulagnu oolag huana heum amge ag laa ii anidpig. Ag nai gemu dooteb ele amu, ag amu ele dooglagnu oolag huana heum amge amu ele ag laa ii doopig.

¹⁸Amunu ag danab nug e hadag data taodomnu nai, nai amuam keeke danab ag dooteb ii dooteb ele ou aqata ipunitak nai amu, nai amunu diig mehuqak dopeg! ¹⁹Danab laa nug Kayaknu do madodnu nai doya, oo ii maidte amu Satan nug paha nug oopa noa he, Kayak nai iita mete. E hadag ibpa nena qepig ele amu, nai amu anam ipunigte. ²⁰Amu e hadag men duqe ukakpa nena qepig ele amu, nai amu inam ipunigte. Danab laa nug nai doya, oo gamag ahehe, pahanab aote. ²¹Nug nai doya aote amge nuhig oopa genab doyak am gagatag iita, haen tutunuib, amunu ded laa nug dahil nai dim lamidte, diig amunu ug laa bete o danab laala ag heeg, qagaiak doote amu nug pahanab nuhig oopa genab doyak padate. ²²E hadag wan muđi qaun elepa nena qepig ele amu, nai amu inam ipunigte. Danab laa nug nai doote amge wan imupan ug laala, enub awak udat amu ameg qak kobol ele, keeke amu oh danab amu nug oopa Kayak nai he, iita ma, meu ii ote. ²³Aria e hadag wan enapa nena qepig ele amu, nai amu inam ipunigte. Danab nug nai daugpa doya dab medte, nai diig ele oo maidte amu

nug meu ena ote, laa handat, laa siksti, laa tieta anam ote,” awa aum.

KAYAKNU DO MADODNU NAI DIIGDIIG

²⁴Jesus baula ele keeke danab ag dooteb ii dooteb ele ou aqata, ipuanata, matia aum. “Kayaknu do madod amu nug danab laa, nug wit aeg ena dad nuhigpa taodom amubia daate. ²⁵Danab amu nug taodom amge tuqan, danab ah niiegeg, danab wit aeg taodom ele amu, nuhig keked laa uđia, gikidah nau hadag amu wit dad amupa taodowa ukom. ²⁶Dimpa wit amu ba meu o amu ag gikidah nau ele dayeye anidpig. ²⁷Anteg amu begbeg nuhikud ag dad mameg topa gona apig. ‘Danab nadi, na wit aeg enaib dad nahippa taodme amunu atem he, gikidah nau ele beum?’ aon apig. ²⁸Aon aeg amu nug ag amelagpa aum. ‘Keked laa nug anam heum.’ Nug anam a amu begbeg ag apig. ‘Na ape, ig gota gikidah nau amu qakaladta qag mekunigte?’ od medapig. ²⁹Ag anam od medapig amge nug ag amelagpa aum. ‘Iita. Ag gikidah nau hidanna amu wit ele hidaladmanade! ³⁰Uueg, adit oh meu awak haen ameg mak beid! Beped, da meu awak haenpa meu awak danab amelagpa api, gikidah tatam hidaladna, iki adana, ab adupa manaknu mekulag amge ag wit qag mena, dahil ma laka mekulag,” awa aum.

³¹Jesus Nug anam anana amu Nug keeke danab ag dooteb ii dooteb ele ou aqata, ipunitak nai baula ele inam aum. “Kayaknu do madod amu mastet aeg, danab laa nug awa, dad nuhigpa epombia. ³²Mastet aeg nug am e laa aeg bia iita. Nug aeg nakoknab amge nug ba okai ma, dad oopan e laa oh edadte. Edata ba, ad okai ma dayeye, ai ag uđin, nug epegpa ted hena daateb,” awa aum.

³³Anana amu Nug baula ele keeke danab ag dooteb ii dooteb ele ou aqata,

ipuanata, amelagpa matia inam aum. “Kayaknu do madod amu nug yis bia. Ah laa nug 20 kilo plaua keeke awa, yis ele kabolie, dimpa plaua oh titida okai meum,” awa aum. ³⁴ Nai imu oh am Jesus Nug keeke danab ag dooteb ii dooteb ele ou aqata, ipuanata, danab ah amelagpa matiom. Nug nai diig laapa ii matiom. ³⁵ Amu Nug propet laa nai matiom, nai amu elele metom. Propet nug inam aum. “Da odel opaten, keeke danab ag dooteb ii dooteb ele ou aqate ipuanaten, nai akul. Da keeke dig mak haenpanu lokumak daye udie gemu batak amunu akul,” awa aum.

³⁶ Aria Jesus Nug danab ah uuata, laka teum. Te amu nuhikud ipunitak awak danab ag gumidna ucin apig. “Na gikidah nau data beum, nai amuam keeke danab ag dooteb ii dooteb ele ou aqata ipunitak nai amu, nai amunu diig mehuqna ipunigpe dootu!” apig. ³⁷ Ag anam aeg, Nug aum. “Danab nug e ena ebate, amuam Danab Bekalag da. ³⁸ Aria dad amu wan atu oh ipunigte. E aeg ena amu Kayaknu do madodnu danab. Aria gikidah nau amu Satannu danab. ³⁹ Amu danab gikidah nau data taodom ele amu Satan. Aria e meu awak haen amu wan imunu wan haen malak. E awak udat danab am Kayaknu engel. ⁴⁰ Am danab ag gikidah nau qag mena, ab adupa maiteb amubia Kayaknu engel ag wan haen malak haenpa anamib hekulag. ⁴¹ Danab Bekalag da, da dahilad engel hepi, ag gona, danab Kayaknu do madod oopa daateb ele amu, ag oolagpanu wannu etetuab nau, ig eedigteb ele, amu oh amu aria danab ag kobol nau heteb ele, ag qag maadna diin, ⁴² ag akan, agapeg ab adupa tekulag. Ab nadi amu oopa danab ag gaanna, ag aelag ele kikiqkulag. ⁴³ Haen amupa amu tutuku hak adi, ag am Kayak bekod, ag Mame-

lagnu do madod oopa daanna, ag aam amahala miag atiak daate bia miag atiak daaglag. Danab nug daug ele dayeb amu nug nai doypad!” awa aum.

⁴⁴ Jesus nai anam matiowa, Kayaknu do madodnu, keeke danab dooteb ii dooteb ele ou aqata, ipuanata, imu matiom. Matiaya Nug aum. “Kayaknu do madod amu nug am enub okainab ele data lokumpig bia. Danab laa nug anta, baula awa lokumowa, nug gamag ahak okainab doya, nug nukka keeke nuhig oh me, daden meeg, men dodo amu awa uka, nug wan amu daden meum. ⁴⁵ Aria laa amu Kayaknu do madod nug am danab epu ele, nug kalelenu dodo ena ena matiom bia. Nug kalelenu dodo laipu, nuhig nob okainab, amu matia anta, ⁴⁶ amu nug nuhig keeke oh me, daden meeg, men dodo amu awa, kalelenu dodo amu aakuib daden ma awom.

⁴⁷ Aria laa amu Kayaknu do madod nug am uhui ag le amegpa eeg no, kakai diigdiignu noeg am beum amubia. ⁴⁸ Aria ag uhui eedeg udia, audam be amu ag daanna, kakai ena amuib epedidna, tapid laalapa maadpig amge kakai nau am ag akaeg gopig. ⁴⁹ Amubia wan haen malaknu ded amu anam aaku beku. Engel ag nena, danab nau ag danab ena oolagpa daateb amu qag maadna, ⁵⁰ agapeg ab adupa tekulag. Aben amupa danab ag gaanna, ag aelag ele kakidkulag,” awa aum.

⁵¹ Jesus Nug anam anana Nug od matom. “Ag nai matimi imu oh diig doopigte?” awa aum. Nug anam od mate amu ag, “Yo,” apig. ⁵² Ag, “Yo,” aon aeg am Nug ag amelagpa aum. “Anam amu do mehuqak danab oh, ag Kayaknu do madod oopa nopig ele amu, ag am lag okai mameg bia daateb. Nug en lag nuhigpanu keeke alag bau ele ake do madate,” awa aum.

NASARET DANAB AG JESUS DI MEDAPIG

⁵³Jesus Nug nai keeke danab ag dootēb ii dootēb ele ou aqata, ipuanata, oh matia malowa Nug ab amu uua ukom. ⁵⁴Nug apag digpa uka, Juda dilag nai doyak laka danab ah amelagpa Kayak nai mehuqom. Nai mehuqe, ag dab mak kudum aona apig. “Doyak amu, kobol danab hekunu elele iita haknu gagatag ele imu oh amu, Nug adepanu awom? ⁵⁵Nug am lag hak danab beka! Ig dootem, Maria amu nug anig. Nug amakud amu Jakobus, Josep, Judas, Simon. ⁵⁶Nug apinkud amu ag oh ig ele iite daatem? Amunu Nug keeke imu oh am adepanu awom?” aon apig. ⁵⁷Ag anam anana ag oolagpa Jesusnu ena ii doopig amge Jesus Nug ag amelagpa aum. “Propet nug ab ohpa amu onig ele amge nug apag diigpa amu nug laugpa ele amu nug onig iita,” awa aum. ⁵⁸Amu apa Nug ode danab kudum ii bapalatom. Adinu? Ag oolagpa genab ii doopig.

HERODES NUG LAYATAK JOHANES BAG OTADOM

14 Haen amupa Herodes Antipas nug Jesus onig binag ele doyom. ²Doya amu nuhikud udat danab amelagpa aum. “Danab amuam Layatak Johannes mauhowa, edua hibaitom amunu gagatag okai okai amu nuhigpa bete,” awa aum.

³⁻⁴Amu diig am Herodes Antipas nug amag Pilipus wau Herodias awe, Johannes nug Herodes amegpa, “Na awan wau aome, amupa na do tipalme, kobol amuam ena iita,” aum amunu Herodes nug Johannes epeg hipala, mani guitakpa meum. ⁵Amu nug Johannes qeeb mauhkunu heum amge nug danab ah dilag badom. Adinu? Danab ah ag Johannesnu, “Nug am Kayaknu propet,” aon apig.

⁶Anam dayom amge Herodes Antipas menuak dedpa, Herodias adeg amu do danab kudum noolagpa ahi gode, Herodes nug itag qeum ⁷amunu nug nai qaqa, nug nid ahin keeke adi laa aokunu ab amu medakununab aum. ⁸Nid ahin amu anig nug dab mak metom amunu nug aum. “Na Layatak Johannes baag otadna, iki tapidpa mena, haen imupa medakut,” awa aum. ⁹Nid ahin nug anam a amu king Herodes nug oo ug ele dayom amge nug nai nuhig gagatag qa aawo, do danab ag nug ele e lapig amu ag ele nai amu doopig amunu nug aum. “Layatak Johannes iki tapidpa mena, aon dona meteg!” ¹⁰anana amu nug he, udat danab laa nug uka, Johannes baag otadom. ¹¹Bag otade amu ag nug iki tapidpa mena, nid ahin medapig. Nid ahin metaeg amu nid ahin nug awa uka, anig metom. ¹²Layatak Johannesnu ipunitak awak danab ag nai doona udin, Johannes gada aon gona boompig. Ipunitak awak danab ag Johannes boomona, ag gona, Jesus amegpa apig.

JESUS DANAB 5000 E MATOM

¹³Jesus nai amu doya, Nug aben amu uua, ub awa, aben danab ii daateb, apa gokunu ukom. Nug anam ugeke amu danab ah ag nai doona, ag ab ohpanu ahan, Jesus ugeke, ag baelagpa Nug dim lamidna gopig. ¹⁴Ag anam heegeg, Jesus uka eeda amu danab ah ameg nadi ag Nug ameg mena daaengeg anaatom. Nug anam anata amu oo doye, ahilkad danab ah ode ele amu bapalatom.

¹⁵Bapalate, tueb me, nuhig ipunitak awak danab ag Jesus gumidna dona amegpa apig. “Laih imu am aben danab ii daateb. Aam ele uka note amunu danab ah ameg nadi imu amelagpa ape, ag ab ab gona, e daden mena laig!” aon apig. ¹⁶Ipunitak awak danab ag anam aeg amu Jesus Nug aum. “Adinu da api gokulagnu ateb? Ag e madapeg

laig!”¹⁷ Nug anam a amu ag amegpa apig. “Amge ig ipa e kuḏum laa iḡta, bret kunum tanig ele amu kakai aḏit eleib daate,” aon apig.¹⁸ Anam aeg amu Nug aum. “Akan dona, da medeg!” awa aum.¹⁹ Anana amu Nug danab ah ameg naḏi, ag amelagpa, “Ag gikiḏahpa dayeg!” anana amu Nug bret tanig ele amu kakai aḏit ele amu diia aḏa, hab aṭan neekaka unuqitom. Unuqitowa amu pane ne, nuhiḑud ipunitak awak danab mate, ipunitak awak danab ag diin panin, danab ah madapig.²⁰ Mataeg amu danab ah ag e amu laeg, oolag diṭie, e big dayom amu ipunitak awak danab ag aon, kaleg tuelp inaeg, am beum.²¹ Danab e lapig ele amu 5,000 anam. Ah nid naunau ele amu eb qak amu oopa ii daateb, danabib eb aqapig.

JESUS NUG BAEGPA LE GADAPA UKOM

²² Ag e lana malaeg amu Jesus Nug nuhiḑud ipunitak awak danab ag amelagpa aum. “Da danab ah imu oh qatiglagnu abipi, ag ahan ubpa tena, Galelia le mataḏna, laih ukeg!” awa aum.²³ Nug anam a amu ag ahan ukaegeg, Jesus Nug danab ah amelagpa, “Enad uke,” awowa, Nug nuḑa amu unuqidḑunu qaukopa ukom. Tueb amupa amu Nug nuḑa qauko amupa dayom.²⁴ Qaukopa dayeye amu ub uka, le ameg gamagpa wa, ulah naḏi ha, duban ub qe, ulah ub nob awe, eḑua laih gokunu heum.

²⁵ Anam he uke, waḑadeḑe Jesus le gaḑa tapa, nuhiḑud ipunitak awak danab gumata uḑiom.²⁶ Ipunitak awak danab ag Jesus le gaḑapa tapa uḑieye anidna, oṭaina, “Umu am doṭog,” anana, oolag baḑe huanak epig.²⁷ Huanak eeg amu Jesus Nug pahanab amelagpa aum. “Ag gagatag dayeg! Ag aib baḑapig. Imu daib,” awa aum.²⁸ Jesus anam a amu Petrus nug Jesus odepa awa, inam

aum. “Naḏi, genab na daatem dayeb amu na ape, da ub uuen, na gumite waḑul,” awa aum.²⁹ Petrus anam a amu Jesus aum. “Na do!”, awa aum. Nug anam a amu Petrus nug ub uua noa, Jesus gumita waum.³⁰ Nug anam wanana amu ulah huanak heeḑe aṅa baḑa, le oopa noḑunu ha, Jesus onigpa ewa aum. “Naḏi na da ehanide!” awa aum.³¹ Petrus anam a amu pahanab Jesus epeg bahia, Petrus aḑa amu amegpa aum. “Na ootpa nakokib genab dootem. Aḑinu na ḑab mak aḏit ele?”³² Jesus Nug anam Petrus amegpa a, a ub aṭan oolya teeh amu ulah to etom.³³ Ulah to ete, ub aṭan daapig ele amu ag Jesus noobpa dup nona, binag mena apig. “Genab na am Kayak beka,” aon apig.³⁴ Jesus beḑod ele ag ub aṭan gona, le mataḑna Genesaret ihipa eedpig.³⁵ Eedna teeg amu danab apanu ag doopig, am Jesus, amunu ag nai meeg, ab taliliak amu ohpa uke doona, ode danab oh diin, Jesus topa uḑipig.³⁶ Uḑina ag ode danab Jesusnu lamen daugib aḑaglagnu unuqidpig. Unuqidna, danab ag anam hepig ele, amu oh ag beḑulag ena dayom.

KAYAK NAI NUG ALAI AḏI DILAG DO EḏIDṬE

15 Aria amu dimpa do mehuqak danab amu do gumak danab Parasia ele ag Jerusalemnu ahan, Jesus gumidna uḑin apig.² “Aḑinu nahipad ipunitak awak danab ag alai aḑi anuka do mepig niite amu ag tipalṭeb? Ag e lakulagnu hena amu ag epelag, do ate amubia ag ii ihateb,” aon apig.³ Ag anam aeg amu Jesus Nug eḑua amelagpa aum. “Atemun ag ahilag do dim lamidnana amu Kayaknu do tipalṭeb?”⁴ Kayak Nug do inam ma aum. ‘Na anin mamen ele binalah mena, nai ahilah dim lamite!’ Amu Nug inam ele aum. ‘Danab laa nug Kayak onig diia, anig

mameg ele a nob nau aoglahnu aku amu ag qepeg mauhad! amunu laa nug anig mameg ele ehanatad! ⁵ Amge ag inam ateb. ‘Danab laa nug men dodo laa, anig mameg ehanatkunu ele amge nug a amelahpa, “Da men dodo imu Kayaknu tituanmi,” anana amu nug anig mameg ele ii ehanatma.’ ⁶ Ag anam henana ag, ag alalkad adi dilag donu anuqak doon dim lamidteb, amu amupa Kayaknu do am hamu bia daate. ⁷ Ag ham bupuak danab! Propet Jesaia nug ahilagnu tutukunab aku anuka inam matiom. ⁸ ‘Danab ah imu ag odelag-paib da binal meteb. Ag oolag amu da uuida pidenab daate. ⁹ Ag danab ah dilag do akuuib mehuqnana amu ag amunu, “Kayaknu do,” ateb amunu ag da hamu binal meteb,’ awa yom.” Jesus Nug anam aum.

KEEKE NAU DANAB HEEG, OPIA AWAK II DAATE

¹⁰ Jesus anam anana amu danab ah onilagpa e, gumidna doeg, amelagpa aum. “Ag imu daulagpa doon, dab metan autna aweg! ¹¹ Keeke dimitimnu danab oopa note ele, keeke amu danab oo dubutid ii mete. Iita! Keeke danab dab makpa lokumak dayaya, odepanu dimitim bete ele amu, keeke amu danab oo he, dubutid ele daate,” awa aum.

¹² Haen amupa nuhikud ipunitak awak danab ag Jesus gumidna dona apig. “Do gumak danab-Parasia ag nai amu doon, oolag nauhom amu na dootemte?” aon apig. ¹³ Ag anam aeg amu Jesus Nug nob ma aum. “Da Mamel, Nug hab atan daate amu, Nug dad ele. Am keeke oh Nug ii epom am geha Nug didi ele oh kakediadku. ¹⁴ Amubia amu do gumak danab-Parasia, ahilag ipunitak am iita meku amunu ag ahilagnu aib ug aqom. Do gumak danab-Parasia ag danab ah omaladteb amge ag amelag gaduom.

Am ameg gaduak laa, nug laa, nug ele ameg gaduak ele, nug ib ipuniteb amu a oh modpa neya qekulah,” awa aum.

¹⁵ Jesus anam a amu Petrus nug odepa awa aum. “Na keeke danab ag dooteb ii dooteb ele ou aqatna, ipuanadnana matime, amu diig mehuqpe dootu!” awa aum. ¹⁶ A amu Jesus Nug aum. “Ag am danab laala ag am dab mak iita biate amunu ag nai amunu diig ii dooteb? ¹⁷ Dititimnu keeke, danab late ele amu, nug danabnu dab mak abenpa ii gote. Iita, nug danab biigpa uke, nug biie gote. ¹⁸ Amge keeke nau oh danabnu dab makpa dayaya, odepa dititim bete ele amu, amupa danab nug oo dubutid ele daate. ¹⁹ Keeke nau dab makpanu bete am inam bia. Dab mak nau, danab qe mauhak kobol, gapai kobol diigdiig, yabhok kobol, nug dimug matiak kobol, nai genab iita anak kobol ele. ²⁰ Keeke amu oh amu ag heeg, danab nug oo dubutid ele daate amge danab laa nug epeg ii ihowa e late amu nug oo dubutid ele ii daate,” awa aum.

KANAN AH LAA JESUSNU OOPA GENAB DOYOM

²¹ Jesus Nug anam anana amu ab amu uua aha, Taia Saidon heqopa ab nakok laa amupa ukom. ²² Nug uka te, Kanan budubpanu ah laa nug apa dayom amu nug Jesus onigpa ewa aum. “Nadi, na Dawit beka, na dahilnu oot gai iita doye! Oudi nau nug nid ahin dahil he nauhom,” awa aum. ²³ Aum amge Jesus Nug odepa nakok laa ii awom. Odepa nakok laa ii awe amu nuhikud ipunitak awak danab ag Jesus gumidna dona apig. “Ah imu nug ewawa, ig dim lamigtede. Na hepe ukad!” aon apig. ²⁴ Anam aeg am Jesus Nug aum. “Is-rael padal mepig, amu dilagnuib Kayak Nug he udimi,” awa aum. ²⁵ Anam aawo amu ah nug udia, gateg qaun wa, Jesus baegpa dup noa, “Nadi na da ehanide!”

awa aum. ²⁶ Jesus Nug ođepa awa aum. “Ig nid naunau dilag bret aot, qai matagnignu am kobol ena iita,” awa aum. ²⁷ Nug anam aum ange ah nug aum. “Nađi na genab ađem ge qai ag mamelkad dilag bret hupu balalpanu na qeđe am aon lađeb,” awa aum. ²⁸ Anam a amu Jesus Nug ođepa awa aum. “Ah, nahip oopa genab doyak am okainab! Keeke na oot aum, nahippa anam beku,” awa aum. Jesus Nug anam a amu aam ameg amupaib nid ahin nuhig edua ena dayom.

JESUS DANAB 4000 E MATOM

²⁹ Aria Jesus Nug ab amu uua, Galelia le ihi mata uka, qauko laapa ta, hedep na dayom. ³⁰ Apa dayeye, danab ah kuđum ag danab baelag nau, amelag gaduak, ebehilag kaliak, ođetup amu ođe danab laala kuđum ele, ag amu oh omaladna uđin, nug baegpa qag meeg, bapalatom. ³¹ Bapalate, danab ah ag anam anidna, ođaina, dab mak kuđum aopig. Ađinu? Danab ah baelag nau ele amu ena oipig, amelag gaduak ele amu neegpig, ebehilag kaliak tutuku dayom amu ođetup ag ele nai madipig. Ena daapig amunu ag Israel dilag Kayak binag mepig.

³² Danab ah ag anam heeg amu Jesus Nug nuhikud ipunitak awak danab onilagpa e doeg, ag amelagpa aum. “Da danab ah imu oh dilag ool doote. Ag dahilpa uđieg, ig ded ewam imu aaku daamut. Ag e oh laegeg, iita me, gemu ag e iita. Da hepi, ag enug gokulagnu ool ii daate. Ađinu? Ag enug aqate amunu da hepi, ag ibpa gobepig, bedulag gai iita meeb, nena qekulagtai,” awa aum. ³³ Jesus anam a amu ipunitak awak danab ag Nug amegpa apig. “Laih ipa amu danab ag ii daateb, ig adepanu bret kuđum, danab ah ameg nađi imu dilag elele aoput, ag elele lapeg, oolag didiku?” aon apig. ³⁴ Aeg amu Jesus amelagpa aum. “Ag bret gane apa daate?” awa

a amu ag apig. “Ig bret eblaih adit ele, amu kakai naunau laipu laipu ele,” aon apig. ³⁵ Ag anam aeg, Jesus Nug danab ah oh amelagpa, “Ag hedep nena dayeg!” a, ag aaku daapig. ³⁶ Ag anam daaegeg, Jesus Nug bret eblaih adit ele amu kakai ele diia, Kayak amegpa, “Ena hen mekame,” awowa, pane ne, nuhikud ipunitak awak danab matom. Mađe, ipunitak awak danab ag danab ah madapig. ³⁷ Mađaeg laeg, ag oh oolag diđiom. Danab ah ag oolag diđie, e big dayom amu ipunitak awak danab ag aon inaeg, kaleg eblaih adit am beum. ³⁸ Danab e lapig ele amu ahilag eb qak 4000. Ah nid naunau ele amu eb qak amu oopa ii daateb. Danabib eb aqapig. ³⁹ Jesus Nug danab ah ameg nađi amu he ukaegeg, Nug ub atan ta, Magdan ukom.

JESUS NUG EPONAK KEEKE HEEB ANIDKULAGNU APIG

16 Ded laa do gumak danab-Parasia amu do gumak danab-Sadusi ele ag Jesus adaglagnu ib anidkulagnu ag Nug gumidna gona, ag Jesus Nug hab atanu eponak keeke, danab hekunu elele iita, laa heeb anidkulagnu apig ² amge Jesus Nug nob ma aum. “Tueb amu ag ađeb, ‘Aam amam eeđe, hab kokod epom amunu atu ena daaku,’ aon ađeb. ³ Aria butua amu ag ađeb, ‘Gemu amu lombig hin qak, hab am kokod amunu haen nau, gu ulah ele daaku,’ aon ađeb. Ao, ag gu haen, aam haen daakunu lombig, nug hab waapa kobol hete amu, ag tutuku anidna epediteb amge ag haen gemu imunu anidna epediglagnu amu ag ii dooteb. ⁴ Ag danab ah naunab. Ag Kayak uuna, kobol laala dim lamidteb ele. Ag da kobol danab hekunu elele iita hepi anidkulagnu ađeb amge da laa ii hepa. Jona nuhigpa adi beum aakuib ag ipuanadkul.” Jesus anam anana, Nug uuađa ukom.

⁵Uuaṭa uḱe, Jesus Nug nuhiḱud ipuniṭak awak danab ele ubpa tena, le ameg matadna gonana, ipuniṭak awak danab ag bret manik laa ele aon gokulagṅu daulag atiom. ⁶Ag anam gona tewona amu Jesus Nug ag amelagpa aum. “Ag ḁo gumak danab-Parasia amu ḁo gumak danab-Sadusi ele, ag amu dilag bret titiḁakṅu keeke onig yis, amunu dab meig!” awa aum. ⁷Nug anam a amu ipuniṭak awak danab ag aḱa aḱa apig. “Ig bret ii aomut amunu Nug anam aum,” aon apig. ⁸Jesus Nug nai amu doya aum. “O danab, ag oolagpa genab nakokib dooṭeb ele, ag aḁinu bret iita amunu nai maḁiṭeb? ⁹Ag dab mak nakok iitai aṭeb? Ag bret tanig eleib amu danab 5,000 laeg, kaleg gane inaeg am beum? Amu ag amelagpa iite doṭe? ¹⁰Amu ag bret eblaih aḁit ele amu danab 4,000 laeg, ag kaleg gane inaeg am beum. Amu ag amelagpa iite doṭe? ¹¹Ag aṭe-mun keeke imunu ii doopig? Da bretnu ii ami amge da baula aṭem. Ag ḁo gumak danab-Parasia, ḁo gumak danab-Sadusi ele dilag bret titiḁakṅu keeke onig yis amunu dab meig!” awa aum. ¹²Jesus anam a amu ipuniṭak awak danab ag doopig, Nug bret titiḁakṅu keeke onig yis amunu ii aum. Iiṭa. Nug ḁo gumak danab-Parasia amu ḁo gumak danab-Sadusi ele dilag nainu aum.

PETRUS NUG, JESUS AM KRISTUS, MIAG ATIA AUM

¹³Aria Jesus Nug nuhiḱud ipuniṭak awak danab ele ag gonana, ag Sis-aria Pilipai guḱuidna wanana amu Jesus Nug ag od maṭom. “Danab ag, Danab Bekalag da, dahilnu aḁi aṭeb?” awa aum. ¹⁴Anam a amu ag apig. “Laa ag nahipnu, ‘Layaṭak Johannes,’ aṭeb, laa ag, ‘Nug am Elias,’ aṭeb. Laa amu ag, ‘Nug am Jere-maia,’ o ‘Nug am propet laa,’ aon aṭeb,” aon apig. ¹⁵Ag anam aeg amu Jesus Nug aum. “Anam aḱu amge ag aḱa amu

dahilnu aḁi aṭeb?” awa aum. ¹⁶Jesus anam a amu Petrus oḁepa awa aum. “Na am Kristus, Kayak Nug na tituanitom, na Kayak bauḱlel ele Beḱa,” awa aum. ¹⁷A amu Jesus Nug oḁepa awa aum. “Simon, Jona beḱa, Kayak Nug na itiṭak medaṭe. Danab wanpanu laa nai amu ii ipuniṭom. Iiṭa, da Mamel hab aṭan daaṭe, Nug na ipuniṭom ¹⁸amunu da na amenpa aṭem, na am Petrus, na am men, nahippa da ta-maniak dahil buuḱul. Buupi, Satannu ga-gaṭag nug qeeb ii nema. ¹⁹Da Kayakṅu ḁo maḁoḁ odnu ki amu na medaṭem. Keeke na wanpa qaḱaḱut amu Kayak Nug hab aṭan ele qaḱaḱu. Aria keeke na wanpa uhuḱḱut amu Kayak Nug ele hab aṭan uhuḱḱu,” awa aum. ²⁰Jesus Nug anam anana amu ag laa amelagpa nuhigṅu, “Nug am Kristus,” amananu ḁo gaḱaṭag meum.

JESUS NUG MAUHOWA, BAU HIPAIDḴUNU AUM

²¹Haen amupa Jesus Nug dig ma, Nug Jerusalem uḱeb amu nuhigpa aḁi beḱunu amu ipuanatom. Juda iḱi danab amu mana meṭak danab oḱai amu ḁo mehuḱak danab ele ag geha Nug guiṭak meṭaglagṅu aum. Aria ag qepeg mauheb, deḁ ewampa Kayak Nug heeb, Nug eḁua hipaidḱunu ele aum. ²²Anam a amu Petrus nug Jesus omala, daugpa uḱa, daug bata, amegpa aum. “Naḁi na nahip-pa keeke amu iinab bema, iitaṅab!” awa aum. ²³Awa a amu Jesus Nug eḁua Petrus amegpa aum. “Satan, na Kayakṅu dab mak ii dim lamidṭem, danab dilag aḱuḱib dim lamidṭem amunu na dimulpa uḱe. Na da nool aib qeṭame,” awa aum.

²⁴Haen amupa Jesus Nug nuhiḱud ipuniṭak awak danab amelagpa aum. “Laa nug da dim lamidḱunu oo dayeb amu nug nuhig dab mak dim lamidḱunu dab ii mema, nuhig ug amu mawa, da dim lamidḁ! ²⁵Aria danab laa nug wanpa bau daaḱunu dab mak anuḱak

aote amu nug bauklel hanhannu ii aoma amge laa nug dahilnu anuqak doote, wanpanu bau dayak amunu anuqak ii doote amu nug am bauklel hanhannu aoku. ²⁶ Danab nug wanpanu keeke oh aote amge nug bauklel hanhannu ii aote amu keeke amu nug aтем ehanidku? Nug adipa bauklel hanhannu daden meku? ²⁷ Danab Bekalag da amu engel ele, ig Mamanu amahlak, kobol ele udignig, haen amupa da danab ah dilag hak, amu nob edue madakul. ²⁸ Da genab ag amelagpa aтем. Danab laala gemu ipa hipaidna daateb ele amu, ag paha ii mauhmana. Iita. Tatam ag Danab Bekalag da, dahil do madod ele awen nein daapi, ag mauhkulag,” awa aum.

JESUS BEDU EDUOM

17 Ded eblaih laipu uue, Jesus Nug Petrus, Jakobus Johanes ele, ag omalata, qauko okai laapa te, ag aka daapig. Jakobus Johanes ele amu, a am eamag. ² Apa daanna, Jesus Nug bedu eduom. Bedu edue amu Nug idu amu aam amahlak bia amahalele, nuhig lamen amu hakabnab, amahlak bia dayom. ³ Anam amahalele amu Moses Elias ele a tulai doeh, Jesus ele nai madipig. ⁴ Matiegeg amu Petrus nug Jesus amegpa aum. “Nadi, ig aben imupa daagnignu am enanag amunu na ape, da peh ewam buukul. Nahip laipu, Mosesnu laipu amu Eliasnu laipu ele,” awa aum.

⁵ Nug anam matieye, lombig hakabnab tonatete, lombig opanu baag laa inam a doopig. “Imu am nid dahil, da nuhignu ool huanak mauhte. Nuhig haknu da ool enaib. Ag nuhig nai doyeg!” awa aum. ⁶ Awa a amu ipunitak awak danab ag nai amu doona, ag badan nena qena, idulag wanpa lokumidna nipig. ⁷ Ag anam badan heegeg, Jesus Nug gumata doa, adalata amelagpa aum. “Ag ahag! Ag aib badapig.” ⁸ Jesus anam a

amu ag ikilag human, danab laa ii anidpig, Jesus nukai ab anidpig.

⁹ Ag anam hewona, ahan qaukopanu nenana, Jesus Nug ipunitak awak danab, ag keeke anidpig amunu matimnanu do gagatag ma, amelagpa inam aum. “Ag danab laipu laa amegpa kobol anidpig amunu aib madipig! Ag anam daapeg ukeb, Danab Bekalag da, da edue hipaidpi matiglag,” awa aum. ¹⁰ Nug anam a amu ipunitak awak danab ag Jesus od medapig. “Adinu ihinig do mehuqak danab ag, ‘Elias nug tatam udieb, dimpa Kristus udiku,’ ateb?” aon apig. ¹¹ Aeg amu Jesus Nug aum. “Ag, ‘Elias nug tatam udia, keeke oh bapaidku,’ ateb, amuam ag genab ateb ¹² amge da ag amelagpa aтем. Elias nug matu udiom amu ag nug ii doopig, ag nuhignu ehed hekulagnu oolagpa dayom amu ag hepig. Amubia Danab Bekalag da, da guitak dooppi, gedilkulag,” awa aum. ¹³ Jesus Nug nai anam matieye amu ipunitak awak danab ag Nug Layatak Johanesnu aum doopig.

JESUS NUG OUDI NAU LAA LAMITOM

¹⁴ Aria ag gona, danab ah kudum noolagpa tepig. Teeg amu danab laa nug Jesus topa uka, gateg qaun wa aum. ¹⁵ “Nadi na nid danab dahilnu oot gai iita doye! Nuhig ode am bedu mauhak amu ode amupa ded laala nug bedu huan hahadede, na qete. Haen oh nug mauha, ab adupa na qete amu lepa ele na qete. ¹⁶ Amunu da nug awe, ipunitak awak danab nahipad gumate gomi amge ag hepeg ena daakunu elele iita,” awa aum. ¹⁷ Nug anam a amu Jesus Nug nai edua aum. “Ag oolagpa genab doyak iita. Ag nai genab amu kobol tutuku ele ii heteb! Da ag ele haen elab daamut amge ag dahilnu oolagpa genab ii doteb amunu da ool ug ele. Ag haen ganeb ag dahilnu oolagpa genab dooglag? Ag nid amu aon dahilpa doig!” awa aum. ¹⁸ Ag omalna

doeg amu Jesus Nug oudi nau amegpa, “Na uke!” awa a, nug nid uuiṭe amu geha aaku nid bedupa ode amu iita meum.

¹⁹ Jesus Nug anam he amu ipunitak awak danab ag aka dona, Jesus od medapig. “Adinu ig oudi nau amu lamidkunignu elele iita?” aon apig. ²⁰ Aeg amu Jesus Nug ag amelagpa aum. “Ahilag oopa genab doyak am iita bia amunu ag elele iita. Da genab ag amelagpa aṭem, ahilag oopa genab doyak nakokib dayeb, ad mastet aeg bia amu, ag keeke okai hekulagnu elele. Ao, oopa genab doyak ahilag nakokib anam dayeb amu ag qauko umunu, ‘Na ahan laih upa wa!’ apeg amu, geha waku. Amunu ag adi hekulagnu daate amu ag hekulagnu elele. ²¹ [Amge ib laapa laa nug oudi nau imubia ii lamidma. Iita. Unuqitak amu e oh lanaknu kud ma dayaknu ele amupaib,” awa aum.]

JESUS NUG MAUHOWA, EDUA HIPAIDKUNU BAULA AUM

²² Jesus Nug anam a, ag oh Galelia gona daanna, Jesus Nug ipunitak awak danab amelagpa baula aum. “Danab Bekalag da amu, laa nug geha danab epelagpa meidku. ²³ Nug anam meideb, iupeḡ mauhkul. Mauhpi, ded ewampa Kayak heeb, da edue hipaidkul,” awa aum. Nug anam a, nuhikud ipunitak awak danab ag oolagpa ugnab doopig.

JESUS NUG MANA METAKNU TAKIS EUM

²⁴ Amu dimpa ag gona Kapenaum tepig. Teeg amu mana metak lagnu men dodo awak danab ag Petrus topa uḡin inam apig. “Ahilag ipunitak danab nug mana metak lakanu takis hetete o iitate?” od medapig. ²⁵ Ag anam od metaeg amu Petrus nug, “Yo,” awa aum. Nug anam anana, lag oopa no amu Jesus Nug tatam Petrus od meṭom. “Simon, na aṭem dooṭem? Wan imupanu

gabman okai ag aun topanu takis aoteb? Ag baelkadpa amu dilagpa aotebte? O iita danab ah gumadteb ele, ag amu dilagpa aotebte?” awa aum. ²⁶ Nug anam a amu Petrus nug aum. “Ag gumadteb dilagpa aoteb,” awa aum. Nug anam a amu Jesus Nug odepa awa aum. “Anam amu ag baelkad dilagpa amu ag takis ii aoteb. Da am Kayak beka amunu da takis imu ii helom, ²⁷ amge ag oolag nauhmanu, Petrus na gona, le amegpa huk ena, kakai tatam aokut amu ode haqana, na men dodo anidkut. Anidna aon, ihinih takis amupa hekut,” awa aum.

KAYAKNU DO MAḌOD OOPA AUN NUG OKAI DAAKU

18 Haen amupa Jesusnu ipunitak awak danab ag Jesus gumidna uḡin apig. “Aun am Kayaknu do maḏod oopa okai daate?” aon apig. ² Aeg amu Jesus Nug nid nakok laa onigpa e, nug do Jesus me, nug ag oolagpa hibaita dayeye, ³ Nug aum. “Da genab aṭem, ag oolag ii edueb, ag nid naunau ag mamelkad waalagpa daateb bia Kayak waapa ii daaglag amu ag Kayaknu do maḏod oopa ii nomana. ⁴ Amunu laa nug onig qeeb neeb oiḡu, nid nakok imubia amu, nug Kayaknu do maḏod oopa, laa oh edatak daaku. ⁵ Amu ele, danab aun nug da onilnu nid nakok imubia laa oo meṭa humidte amu nug da aaku oo meḏa humidte.

⁶ Amge danab laa nug nid nakok laa, nug dahilnu oopa genab doote ele amu, nuhig oopa genab doyak aib heeb nauhom. Nug anam heku am naunab. Nug ii heum haenpa danab ag nug baagpa men qakan, maopeḡ yupa noa mauhlo amuam nakok nau amge nug dayaya, nid nakok laanu oopa genab doyak heeb nauhku, amuam naunab nau. ⁷ Wan imupan danab ag laala hipunin hekulagnu eedateb amu ahilagnu gadonnab. Kobol amuam genab-

nab daate amge danab nug anam hete amu nuhignu am gadonnab. ⁸ Amunu na epen o baen nug he, na hipunin hetem dayeb amu na epen o baen laih amu okulna maope ukad! Na baen o epen laihigib ele daanna, na haen oh bauklel daakut amuam ena. Amge na epen o baen adit oh ele daakut, amu ag na mawidpeg, ab adu ii qauhte ele amupa gokut am ena iita. ⁹ Amubia na amen nug he, na hipunin hetem dayeb amu na amen laih kehan, maope ukad! Na amen laihigib ele daanna, na haen oh bauklel daakut amuam ena. Amge na amen adit ele daakut amu na mawidpeg, ab adu ii qauhte ele amupa gokut am ena iita,” awa aum.

SIPSIP PADAL MEUMNU NAI

¹⁰ Jesus Nug anam anana amu Nug aum. “Ag dab mena autna aweg! Da ag amelagpa inam atem. Nid naunau dilag engel ag haen oh da Mamel, hab atan daate ele amu, Nug noobpa daanna, ag atog noadteb amunu ag nid naunau dilag amu, ag am keeke hamu aib doopig. ¹¹ [Adinu? Danab Bekalag da amu da danab hipuninpa padal mepig amu, ag edue diiadkulnu udimi.] ¹² Am ag atem dooteb? Danab laa nug sipsip wan handat ele, am laipu laa nug nuka mataka wana oiyaya, padal meeb amu sipsip mamelag nug nainti nain uuateb, qaukopa daapeg, nug uka, laipu amu matia, wan dugdug qauko ta nana amu geutet oopa ele iite matima? Genab nug nainti nain amu uuateb daapeg, laipu amu madiku. ¹³ Da genab ag amelagpa atem, nug matia anta amu oo gamag ahak nainti nain dilag amu editak, laipu amunu am gamag ahak okainab aoku. ¹⁴ Anam amu, da Mamel, hab atan daate ele amu, Nug nid nakok laa padal mekunu oo ii daate.

LAYAG EHED HEEB EHANITAKNU NAI

¹⁵ Amu laa ele, na layap nug nahipnu ehed heeb amu na gope, a aya daaiya, nuhig ehed hak amu ipunidkut. Ipunidpe, nug nahip nai dooku amu nug na layap daaku. ¹⁶ Amge nug nahip nai ii doyeb amu na Kayak naipa nai daate, amubia hekutnu amu na danab laipu o adit baula ele diiatpe, na ele gona nai matieg! Kayak naipa nai amunu daate am inam. “Danab adit o iita danab ewam ag danab laa ehed heum apeg am nai amunu am genab doyeg! Laipuib ab am genab bia aib doopig.” ¹⁷ Aria ag nai madipeg, nug amu dilag nai ele doyak uueb am na Kayaknu tamaniak amelagpa akut. Ape, amu ele nug ii doyeb amu na nuhignu, nug am Kayaknu tamaniak oopa ii daate, nug am dimitim danab, anam doye! ¹⁸ Da genab ag amelagpa atem, keeke ag wanpa qakaglag amu Kayak Nug hab atan ele qagaku. Aria keeke ag wanpa uhuqkulag amu Kayak Nug hab atan ele uhuqku. ¹⁹ Amunu da genab ag amelagpa atem, ag oh daateb imu, ag oolagpanu adit laa keeke laanu oolah laipu meya, Kayak amegpa aped amu Kayak, hab atan daate ele, Nug madaku. ²⁰ Ao, danab adit o ewam aakuib ag da onilnu, aben adekupa qag mekulag amu da ele ag oolagpa daakul,” awa aum.

LAYAGNU HIPUNIN UHUQA METAKNU NAI

²¹ Nug nai amu matia male amu Petrus nug Jesus gumita doa aum. “Nadi, da layal nug dahilpa hipunin heeb amu da hipunin nuhig gane batak uhuqen medakul? Da haen eblaih adit ele uhuqen medakulte?” awa od meta aum. ²² Petrus nug anam a amu Jesus amegpa aum. “Eblaih adit batak iita. Na amu editak haen ohpa uhuqna mete!

²³ Anam amunu Kayaknu do maḍod nug am king laa bia, nug nuhiḱud uḍat danab ele nuhig daden nob eḍuglagnu dab mak awom. ²⁴ Dab mak awa, uḍat amu dig meum. Dig me amu nuhig uḍat nid laa nug beḍupa 10 milion kina ele daden nob dayom ²⁵ amge nug nob eḍukunu elele iita. Amunu king nug nuhiḱud daup ag danab amu, ah nuhig, nug beḱod amu nuhig keeke oh ele e oḍiak abenpa maadpeg, danab laala ag daden mepeg, king nug amupa nob eḍua aokun aum.

²⁶ Nug anam aum amunu uḍat danab amu nug danab oḱai noobpa gateg qaun wa, amegpa aum. 'Na dahilnu oot doyebe, amel meḱutnu unuqidtem. Da nahip daden nob oh eḍue medaḱul!' awa aum. ²⁷ Awa a amu danab oḱai nug nuhig begbeg danabnu oo doyebe, nuhig nob oh uhuqa meḱom. Uhuqa meḱowa, nug he uḱom. ²⁸ Amge uḍat danab amu nug noa ugaka, ibpa nuhig uḍat laipu laa anḱom, layag amu nug nuhig daden nob 100 kina ele aakuib. Aria anḱa nug layag baagpa aḍa, amegpa aum. 'Na dahil daden nob meḱe,' awa aum.

²⁹ Awa a amu nuhig uḍat laipu nug gateg qaun wa, layag amegpa aum. 'Na dahilnu oot doyebe, amel meḱutnu unuqidtem. Da nahip daden nob oh eḍue medaḱul,' awa aum. ³⁰ Awa aum amge laa nug uua, omala uka, mani guitaḱ oopa me dayeye, nuhig daden nob oh eḍua meḱowa, nug eḍua dimitim doḱunu aum. ³¹ Nug anam he, laikud uḍat laipu ag kobol amu anidna, ag oolag nauhom. Nauhe, ag oh gona, ahilag oḱai noobpa nai amu oh madipig.

³² Ag matieg amu danab naḍi nug uḍat danab amu onigpa e uḍie, nug aum. 'Na uḍat danab nau! Tatam na dahilpa gaame amu da nahip ug oh da uhuqen meḱami. ³³ Da nahipnu ool doyom am aḍinu na layapnu oot ii doyom?' awa aum. ³⁴ Aria danab naḍi nug opodi

be, nug danab amu mani guitaḱ gumak danab epelagpa ma, nug anam dayaya, danab oḱainu daden nob oh eḍua meḱowa, nug eḍua dimitim doḱunu aum. ³⁵ Anam amunu ag lailagnu ehed hak uhuqna ii medapeg amu da Mamel, Nug hab aḱan daate amu, Nug ele ahilagpa anamib heḱu," awa aum.

JESUS EWAU PAKUAK KOBOLNU MATIOM

19 Jesus nai matia mala, Nug aha Galelia uua, Juda wan laa Jordan le laih dayom ele amu, apa uḱom. ² Jesus ugeke, danab ah ameg naḍi ag Nug dim lamidna ukaeg, Nug aben amupa ode danab bapalatom.

³ Nug bapalateḱe, do gumak danab-Parasia ag Jesus aḍaglagnu ib anidḱulagnu Nug gumidna uḍin, inam oḍ medapig. "Ihinig ḍopa danab nug oo ug ohpa ah nuhig lamiteb goḱu am enate o ena iitate?" aon apig. ⁴ Aeg amu Jesus Nug nob ma aum. "Ag Kayak naipa nai iite eb qepig? Nai amuam inam. 'Anuḱanab Kayak Nug Adam Ewe ele hatom amu Nug laa am ah, laa am danab hatom.' ⁵ Nug anam hatowa amu Nug aum. 'Da a ah danab ele hatmi amunu danab nug anig mameg ele uuata, nug wau ele ou qeya, aḍit amu a beḱulah laipu daaglah.' ⁶ A anam heya, a baula aḍit iita. A amu beḱulah laipu. A laipu amunu keeke Kayak nuḱa matulatom amu danab laa nug aib otaḱom." ⁷ Jesus Nug anam a amu do gumak danab-Parasia ag amegpa apig. "Na anam aḱem amge aḱemun Moses nug ihinigpa do laa meum amu do amupa danab nug wau lamidḱunu oo dayeb amu nug nai amu uḍugpa ya, wau meḱowa, lamiteb goḱu?" aon apig. ⁸ Anam aeg am Jesus Nug aum. "Ag am oo doyak ele ii dooteb amunu Moses ag ah ug oḱai matamananu, ag hamu lamadmananu, nug do anam meum. Amge anuka dig mak haen-

pa kobol amu ii dayom. ⁹ Amunu da ag amelagpa inam a^{tem}. Danab laa, nug wau gapai kobol ii heum amge gamu nug ah amu hamu lamitowa, nug ah bau aote amu, danab amu nug aaku gapai kobol hete,” awa aum. ¹⁰ Jesus Nug anam matie amu nuhikud ipunitak awak danab ag Nug amegpa apig. “Ewau otadaknu kobol nug anam daate dayeb amu danab nug ah ii aoku am ena,” aon apig. ¹¹ Ag anam aeg, Jesus Nug aum. “Danab oh ag amu dim lamidk^u-lagnu elele iita. Laala ag anam heku^l-lagnu gagatag aopig ele amu, ag am hekulag. ¹² Am genab, danab laala ag bedulagpa kobol laala daate amunu ag ah ii diiteb. Laala ag anilkad oolag^{pa} dona matoi daateb. Laa danab ag heeg matoi daateb. Laa ag Kayak udatnu hena, bedulag hagaka aona, ah ii aoteb. Anam daate amunu amu laa nug nai amu dim lamidk^unu elele doote am nug dim lamidk^u,” awa aum.

JESUS NID NAUNAU ITITAK MATOM

¹³ Haen amupa ag nid naunau laa omaladna, Jesus Nug epeg bedulagpa ma unuqidk^unu, Nug gumidna ukaeg amu ipunitak awak danab ag nid anilkad mamelkad, ag nid diin gopig ele amu, aladp^{ig}. ¹⁴ Alateg am Jesus Nug aum. Danab ag nid naunau bia daateb, ag am Kayaknu do madod oopa daateb amunu ag nid naunau uuadpeg, dahilpa doig! Ag ib ahilag aib oo nepig. ¹⁵ Anana amu Nug epeg ag qadelagpa mewowa, dimpa Nug aben amupan aha, laih ukom.

NID BAU ENUB KUÐUM ELENU NAI

¹⁶ Aria danab laa Jesus gumita udia aum. “Ipunitak danab ena, da bauklel hanhannu aokulnu amu da kobol ena adinab hekul?” awa aum. ¹⁷ A amu Jesus Nug aum. “Na adinu da keeke enanu od medatem? Laipu aakuib Nug am ena amunu na bauklel aokutnu amu na do

nuhig dim lamidk^ut,” awa aum. ¹⁸ Anam a amu danab amu nug aum. “Adi do dim lamidk^ul?” awa aum. A amu Jesus Nug aum. “Na danab aib qepe mauhom. Na gapai kobol aib heme. Na yabhoi aib heme. Na danab laanu ham bup^uak nai aib matime. ¹⁹ Na anin mamen ele odelah dim lamidna, binalah me! Na naka nahipnu oot mauhte amubia na laipad laa dilagnu ele oot mauhad!” awa aum. ²⁰ Awa a amu nid bau aum. “Da nid nakokpanu do amu dim lamiti udie, gemu ele hetem amge da adi laa hekul?” awa aum. ²¹ A amu Jesus Nug amegpa aum. “Na danab tutuku elelenab bekutnu amu na gona, na enun oh mepe, danab laala daden mepeg, na men dodo amu oh aon, dadek danab matona amu na hab atan enun okai ele daakut. Anam hewona amu na dona, da dim lamide,” awa aum. ²² Awa a amu nid bau amu doya, nug oo ugnab ele ukom. Adinu? Nug enub kuðum ele.

²³ Jesus Nug anam matiowa, nuhikud ipunitak awak danab amelagpa aum. “Da genab ag amelagpa a^{tem}, danab nug enub kuðum ele amu nug Kayaknu do madod oopa nokunu ug okai ele. ²⁴ Da baula ag amelagpa a^{tem}, dod onig kamel, nug lamen koitaknu tutui gidopa nokunu amu udat okai amge danab enub kuðum ele, nug Kayaknu do madod oopa gokunu, amuam udat okainab ele,” awa aum. ²⁵ Jesus Nug anam a amu nuhikud ipunitak awak danab ag dab mak huanak aopig. Ag anam henana apig. “Anam dayeb amu aun nug bauklel aokunu elele?” aon apig. ²⁶ Ag anam aeg amu Jesus Nug ag tutuku neekatata, amelag^{pa} aum. “Danab ag aka elele iita amge Kayak Nug keeke oh hekunu elele.”

²⁷ Jesus Nug anam a amu Petrus nug odepa awa aum. “Ante, ig ihinig keeke oh uuta, na dim lamidtem amunu ig adi ihinignu aognig?” awa aum. ²⁸ Nug anam a amu Jesus Nug edua, ag oh

amelagpa aum. “Da genab ag amelagpa a_{tem}, keeke oh bau bak haenpa, Danab Bekalag da, da onil binal nadi ele dayaknu balal kobol ele dahilpa daappi, ag da dim lamid_{teb} ele ag dayaknu balal tuelpa daanna, Israel ameg tuelp amu gumad_{kulag}.²⁹ Aria danab aun nug da onilnu ha, nug anig, mameg, awag, apinag, nug wau, bekod, adekud, nug laug amu nuhig dad ele uuata, da dim lamid_{te} amu, nug hamu ii daama. Iita, nug nob ena wan handat baula ele awa, nug bauklel hanhannu ele aoku.³⁰ Amge danab kudum anuqak daateb amu ag dim daaglag. Am kudum laa ag dim daateb amu ag anuq_{kulag},” awa aum.

KAYAKNU DO MADODNU NAI

20 Aria Jesus Nug nai tudita aum. “Kayaknu do madod am imubia. Danab nug wan okai ele, nug butuanab aha, e odiak abenpa udat nid ag ded amupa udat aoglagnu daaegeg anata amu nuhig wain dadpa udat hek_{ulag}nu diiom.² Ag ded laipunu udatnu daden 5 kina aoglagnu oolag laipu mena, udat hek_{ulag}nu maate gopig.³ Aria 9 kilok keeke nug edua uka, danab laala ag e odiak abenpa hamu hipaidna daaegeg anatom.⁴ Nug anata, ag amelagpa aum. ‘Ag ele gona, wain dad dahilpa udat hep_{eg}, da daden tutuku mada_{kul},’ awa aum.⁵ Nug anam a, ag gopig. Aria aam ameg tutukupa, aam ameg ewampa ele nug edua uka, anamib heum.⁶ Amu tueb, aam ameg tanig ele keeke nug edua uka, udat danab baula ele hipaidna daaegeg anatom. Anata am nug aum. ‘Ag adi dignu ded laipu oh hamu daaegeg udie, tueb meum?’ awa aum.⁷ Anam a amu ag nai nob mena apig. ‘Danab laa nug ig udat laa ii mekom,’ aon apig. Ag anam aeg, nug ag amelagpa aum. ‘Ag ele wain dad dahilpa gona, udat heig!’ awa aum.

⁸Aria udat haen iita me, dad mameg nug udat amu gumak danab onigpa e

udie, amegpa inam aum. ‘Na udat nid onilagpa epe udipeg, ahilag udat nob daden mate! Mada_{kut} amge laa dim dopig, amu dilagpa dig mena, daden madape ukeb, tatam dopigpa bate!’ awa aum.⁹ Dad mameg nug anam a amu udat danab ag aam ameg tanig elepa udat dig mepig ele amu, ag 5 kina aopig.¹⁰ Anamib uke uke, danab ag butuanab tatam dig mena hepig ele amu, ag dona amu ag oolagpa apig. ‘Ig am daden okai aognig,’ aon apig.¹¹ Amge iita. Ag ele 5 kinaib aopig. Ag anam aona amu ag dad mameg aidna,¹² inam apig. ‘Danab umu amu ag dimnab dopig, ag aam ameg laipuib udat hepig am na ahilag udat nob daden amu ihinig ele meleml laipu matame. Amge ig am butuanab udat dig meta, udat huanak heutut, aam ele huanak iqom,’ aon apig.

¹³Aon aeg am dad mameg nug odelagpa awa, ag oolagpanu laipu laa amegpa nai inam aum. ‘Loyal, da nahipnu ehed laa ii hemi. Da na ele udat nob dadennu oonih laipu iite memud?’¹⁴ Nahip daden aon uke! Daden da na metami anamib da danab dimnunab imu ele mada_{kul}nu ool daate,’ awa aum.¹⁵ Nug anam anana amu nug tudita aum. ‘Da dahil keekpa, keeke laala hek_{ul}nu ool dayeb amu da hek_{ul}nu elele iitate? O iita da danab imu laa oh ehanad_{kul}nu hetem amu na amunu na oot nauhtete?’ awa aum.” Jesus Nug anam aum.¹⁶ Jesus Nug anam anana amu Nug nai tudita aum. “Amubia dim daateb amu ag anuq_{kulag}. Anuqak daateb amu ag dim daaglag,” awa aum.

JESUS NUG MAUHOWA, EDUA HIPAIDKUNU BAULA AUM

¹⁷Jesus nai anam matiowa, aha Jerusalem ugeke, danab laala ele oh gopig. Ag ibpa ukaegeg Jesus Nug nuhikud ipunitak awak danab tuelp diia, pide wana, agib amelagpa nai inam matia aum.¹⁸ “Doyeg, ig gemu

iiku Jerusalem gotem. Goput, laa nug Danab Bekalag da, mana metak danab okai amu do mehuqak danab ele ag epelagpa meideb, ag da hetodiakpa meidna, iupeg mauhkulnu nai qakaglag. ¹⁹Nai qakana, ag iita adi epelagpa meidkulag. Meidpeg, ag aon aon iuna, wippa ehed matadilna, ad emaitakpa atulidkulag. Ag anam atulidpeg mauhe, ded ewampa da eduen hipaidkul,” awa aum.

JOHANES JAKOBUS ELE ANILAH NUG JESUS OD METOM

²⁰Haen amupa Sebedi wau amu nug bekod, Jakobus Johannes ele, ag Jesus gumidna gona, anilah nug Jesus noobpa dup noa, keeke laanu od medakunu heum ²¹amu Jesus Nug aum. “Na adinu oot hete?” awa aum. Jesus Nug anam a amu ah nug Jesus amegpa aum. “Na ape amu nid dahilad adit imu a nahip do madodpa na heqon laih laih daaglah, laipu laa na heqon nadiappa dayeb, laa nug na heqon nanehpa daaku,” awa aum. ²²Anilah nug anam a amu Jesus Nug aum. “Ag ateb amu ag keeke amunu tutuku ii dooteb. Keeke laa, keeke amuam le mua bia, a le mua amu da lakul amubia lakulahnu elelete?” awa aum. Nug anam a amu a amegpa apid. “I am elele,” aoya apid.

²³Anam aeh, Jesus Nug amelahpa aum. “Genab, le mua ele da lakul bia amu a lakulah amge aun nug da heqol nadiappa daaku, aun nug da heqol nanehpa daaku amu da akulnu elele iita. Da mamel Nug aben adit amu aunnu babaitom amu a aakuib amupa daaglah,” awa aum.

²⁴Ag anam matiegeg, ipunitak awak danab eblaih tanig ele ag nai amu doona, ag eamag dilah oolag nauhe alatpig. ²⁵Alatpig amge Jesus Nug ag onilagpa e doeg, Nug ag amelagpa aum. “Ag dooteb. Wan imunu danab ah ag danab

okai waalagpa daateb amu okai danab ag do adi meteb amu danab ah ag amuib dim lamidteb. ²⁶Amge kobol amu ag oolagpa aib dayom. Iita, danab nug ag oolagpa okai daakunu oo dayeb amu nug ahilag ehanitak danab dayad! ²⁷Amu ele danab laa nug ag oolagpa anuqak daakunu oo dayeb amu nug ahilag begbeg dayad! ²⁸Yo, nug Danab Bekalag da, da hetem amubia had! Am inam. Danab Bekalag da amu, da wan imupan danab ah ag da ehanidkulagnu ii udimi. Iita, da ag ehanadkulnu udimi amu dahil mauhakpa danab ah kudum ag bauk-lel hanhannu aoglagnu ele udimi,” awa aum.

JESUS AMEG GADUAK DANAB ADIT BAPALATOM

²⁹Jesus Nug nai amu matia male, ag ahan Jeriko ab daugpa ukaegeg, danab ah kudum ag Jesus dim lamidpig. ³⁰Ag anam dim lamitegeg, danab adit laa, amelah gaduak ele, a ib daugpa daaiya, a Jesus ib amupa udite dooya, a huanak eya apid. “Nadi, na Dawit Beka, na ihinihnu oot gai iita doye!” aoya apid. ³¹Anam eeh amu danab ah kudum ag a alatna, “A odelah qamuted!” apig amge a baula huanak eya apid. “Nadi, na Dawit beka, na ihinihnu oot gai iita doye!” ³²A anam eeheh amu Jesus Nug hibaita dayaya, amelahpa aum. “Da ahilahpa adi hekulnu oolah daate?” awa aum. ³³Nug anam a amu a odepaa aoi apid. “Nadi, na hepe i neegkuni-hnu oonih daate,” apid. ³⁴Anam aeh amu Jesus Nug ahilahnu oo doye, Nug epeg a amelahpa me, geha aakunab a amelah obate, neegya ahaya, Jesus dim lamidpid.

JESUS NUG KING BIA JERUSALEM TEUM

21 Aria ag gona, Jerusalem gukuidna, ag Betpasi, ab amu

olipnu qaukopa dayom, ag apa tena, Jesus Nug ipunitak awak danab adit laa maate gokulahnu daaeheh, ²Nug amelahpa aum. “A goya, ab nakok miag amupa teya, neegya amu a pahanab donki laa, mudipa qakak, amu nag, nakok okai meum, amu ele daaped anatkulah. Anaty a mu a uhuqatya, diiatya dahilpa udied! ³A anam hebepe amu danab laa nug anata, nai laa ab amu a inam aid! ‘Nadi Nug ahilahpa udat ele!’ Anam ape amu nug pahanab mateb, a diiatya udiglah,” awa aum. ⁴Aria keeke amu oh am propet nai laa mati om, nai amu elele medakunu heum. ⁵Nai amuam inam. “Ag Sionnu danab ah amelagpa inam aig! ‘Anteg! King ahilag Nug ahilagpa udi te. Nug danab madod ele amu Nug donki atan dayaya udi te. Nug donki nag, nakok okai meum, amu qadepa daate.” ⁶Aria Jesus Nug a amelahpa aum amu, ipunitak awak danab adit a goya, Jesus aum amubia Nug ode dim lamidpid. ⁷A donki anig, nag nakok okai meum, amu ele diiatya ukaeh, ag lamen ulahnu donki qadelahpa duqapig. Duqaeg amu Jesus Nug donki qadepa dayom. ⁸Am danab ah kudum ag ele lamen ulahnu ahilkad ibpa duqadpig. Duqategeg, danab ah laala ag ad epeg okulna, ibpa duqapig. ⁹Ag anam duqegeg, Jesus ugeke amu danab laala ag anuqna, Jesus noob aon gonana, laala ag dim lamidnana, amu ag oh enan apig. “Ig Dawit Beka onig humatu! Danab imu Nug Kayak onigpa udi te, Kayak Nug itidte. Kayak, Nug atan daate ele amu, ig Nug onig humatu!” aon apig. ¹⁰Danab ah ag anam eegeg, Jesus Nug Jerusalem ab oopa no, danab ah ab okai amu oopan ag huanak otaina apig. “Danab umu am aun?” aon apig. ¹¹Ag anam od meeg amu danab ag Jesus omalpig ele amu ag apig. “Nug amu Jesus, Nug am propet,

Nug apag diig am Nasaret, Nug Galelia danab,” aon apig.

JESUS MANA METAK LAKANU DANAB LAALA LAMATOM

¹²Danab ah ag anam matiegeg, Jesus Nug mana metak lag oopa noa, Nug danab lag amu oopa mana metak keeke dadennu maadpig, laala daden mepig ele, Nug ag lamatom. Apan danab laala ag men do do baolipig ele amu Nug ahilag balal huma awe, uka na qe, am laala ag upudil meeg, daden madapig ele am ahilag dayak aben ele huma awe, uka na qeum. ¹³Jesus Nug anam hewowa, Nug aum. “Kayak naipa yak inam daate. ‘Da laul am unuqitak lag,’ amge ag heeg, nug yabhok danab dilag lokumak aben bia daate!” awa aum.

¹⁴Jesus mana metak laka dayeye amu danab laala ag amelag gaduak amu bae lag nau ele ag Nug gumidna udieg, Nug bapalatom. ¹⁵Amge mana metak danab okai amu do mehuqak danab ele ag Jesus kobol enanag heum anidna, nid nau nau ag oolag gamag ahe, mana metak lag oopa mutub qenana, “Ig Dawit beka onig humatu!” enan apig ele anidna amu mana metak danab okai amu do mehuqak danab ele ag oolag nauhe, ¹⁶Nug od medapig. “Na nid naunau aditai ateb umu dootemte?” aon apig. Aeg amu Jesus Nug amelagpa aum. “Da dootem amge ag nai laa daate ele amu ag iite eb qepig. Nai amuam inam. ‘Na he, nid naunau amu nid yud huhpanu ele ag na binan enanag humateb.”” ¹⁷Nug anam anana, aha uuata, ab okaipanu dimitim ukom. Nug uka, tuqan amupa Betani apa dayom.

JESUS A, AD PIG BUNADOM

¹⁸Wakade butua Jesus Nug aha, edua ab okaipa ugeke, enug qeum. ¹⁹Nug enug qe, ad pig laa ib daugpa dayeye anta, meu lakunu waum amge meu

laa ii antom. Iiṭa, uḍugib antom. Anṭa amu Nug ad amu amegpa inam aum. “Na baula meut ii omana! Iiṭanab iiṭa,” awa aum. Anam a ad pig nug pahanab bunadom. ²⁰Ad nug bunade amu ipu-niṭak awak danab ag anam anidna, ag ehed oṭaina apig. “Atem he, ad pig nug pahanab bunadom?” aon apig.

²¹Ag anam aeg, Jesus Nug oḍelagpa awa aum. “Da genab ag amelagpa aṭem, ag oolagpa genab doonna, dab mak laipu ele daanna amu ag ele da ad pigpa hemi amubia hekulag. Am ag keeke amuib ii hemana. Iiṭa. Ag qauko imu amegpa, ‘Na ahan yupa no!’ apeg amu nug anam noḱu. ²²Amu ele ag oolagpa genab doonna unuqidkulag amu ag keeke adi adi aoglagnu unuqidna amu ag aoglag,” awa aum.

AUN JESUS GAGATAG METOMNU OD MEDAPIG

²³Amu dimpa Jesus Nug mana meṭak laḱa noa, danab ah amelagpa nai maṭi-eye, mana meṭak danab oḱai amu Juda iḱi danab ele ag Jesus gumidna gona, oḍ meṭan apig. “Na gagatag adipa uḍat imu heṭem? Aun nug gagatag amu meṭom?” aon apig. ²⁴Ag anam aeg amu Jesus oḍelagpa awa aum. “Da ele ag keeke laipunu oḍ madaḱulnu heṭem. Da ag oḍ madapi, oḍ mak dahil imu nob meḱulag dayeb amu da gagatag adipa uḍat heṭem amu api dooglag. ²⁵Oḍ mak dahil am inam. Johannesnu layaṭak am adepanu beum? Keeke amuam hab aṭannu keeke o iiṭa amu danabnu keekeib?” awa aum. Jesus Nug anam a, amu ag aḱa aḱa nai maṭin apig. “Ig, ‘Habnu keeke,’ aput amu Nug, ‘Anam amunu ag adinu oolagpa genab ii dopig?’ aḱu. ²⁶Amge ig, ‘Danabnu keeke,’ aḱunig amu danab oh, ag Johannesnu, nug am propet dooteb amunu ig ahilagnu badtem,” aon apig. ²⁷Ag anam anana amu ag Jesusnu nai nob eḍun, “Ig ii dooṭem,” aon apig. Aeg

amu Jesus Nug aum. “Aaḱu amunu da ele gagatag adipa uḍat heṭem amu api ii doomna,” awa aum.

DANAB LAA, NUG BEKOD ADIT ELE DILAG NAI

²⁸Jesus Nug nai anam maṭiowa, nai baula ele tuḍiṭa, mana meṭak danab oḱai amu ab gumak danab ele amelagpa aum. “Ag aṭem dooteb? Danab laa nug nid adit ele amu, nug aha uḱa, nid tatamnu amegpa, ‘Na gona grep dad dahilpa uḍat he!’ awa a amu nug, ²⁹‘Da uumi,’ awa aum amge dimpa nuhig dab mak eḍue nug uḱom. ³⁰Aria mamelah nug nid gehanu amu gumuṭa uḱa, anamib aum. A amu beḱa gehanu nug, ‘Da uḱen heḱul,’ aum amge ii uḱom. ³¹Am nid adit amu oolahpa aun nug mameg ode dim lamitom?” awa aum. A amu ag apig. “Nid tatamnu,” aon apig. Ag anam aeg am Jesus amelagpa aum. “Da genab ag amelagpa aṭem. Takis awak danab amu ib baag ah ele ag tatam Kayaknu do maḍoḍ oopa noṭeb. ³²Adinu? Johannes nug uḍia, mana meṭak danab oḱai amu ab gumak danab ele ahilagpa kobol tutuḱu ipuanatom amge ag oolagpa genab ii doopig. Takis awak danab amu ib baag ah ele ag amu oolagpa genab doopig. Oolagpa genab doyeg, mana meṭak danab oḱai amu ab gumak danab ele ag amu anidpig amge ag oolag eḍue, oolagpa genab ii doopig,” awa aum.

DANAB NAU WAIN DAD GUMAPIGNU NAI

³³Jesus baula ele amelagpa aum. “Ag keeke danab ag dooteb ii dooteb ele ou aqata, ipuanatak nai imu baula doyeg! Danab laa nug wan ele amu nug grep dad epowa, ad ita, dad oopa amu nug grep lepu awaknu aben laa ha, nug dad gumak danabnu lag elab laa ele heum. Aria nug uḍat amu oh ha mala, nug dad amu uḍat hak danab epeglag-

pa mewowa, nug aha, atu laih umanab ukom. ³⁴Dimpa grep meu awak haen miag do, nug nuhikud begbeg danab laa maate, ag grep meu nuhig aoglagnu udat hak danab gumadna gopig.

³⁵Ag ukaeg amu dad udat hak danab ag nuhikud begbeg danab amu diin, laa makudna, laa amu qeeg mauhe, laa amu menpa makudpig. ³⁶Ag anam heeg amu dad mameg nug nuhikud begbeg danab laala baula maate gopig. Nug tatam maate gopig amubia iita, nakok kudum maate gopig. Ukaeg, dad udat hak danab ag tatam hepig anamib edun hepig. ³⁷Dimpa dad mameg nug, 'Da bekal amu ag nug ode dooglag,' anana, nug bekanab me ukom.

³⁸Amge dad udat hak danab ag nid amu anidna, aka aka nai matina apig. 'Nid imu nug dimpa mamegnu keeke oh aoku amunu ahapeg, ig qeput mauheb, ig dad nuhig imu aotu!' aon apig. ³⁹Ag anam anana, ag nid amu adana, maogeg dad dimitim no, ag qeeg mauhom," awa aum. ⁴⁰Jesus anam anana, Nug nai tudita od matom. "Aria ag atem dooteb? Dimpa dad mameg nug udia, dad udat hak danab atem hadku?" awa aum. ⁴¹Jesus Nug anam a amu ag apig. "Nug udat danab nau amu aqeb mauhkulag. Mauhpeg, amu nug grep dad amu edua awa, dad gumak danab laa epelagpa meeb, dimpa ag meu ena aon metaglag," aon apig. ⁴²Aeg am Jesus Nug amelagpa aum. "Ag Kayak naipa nai laa daate amu ag iite eb qepig? Nai amuam inam. 'Men laa amu lag hak danab ag men amu uupig amge lag mameg nug men amu awa me, lagnu men anuqak daate. Nadi Nug keeke amu he beum amu ig amenigpa anidta otaitem.' ⁴³Amunu da ag amelagpa atem. Kayak Nug nuhig do madod ahilagpanu amu awa, danab ab iki laa epelagpa meeb, ag meu ena aon metaglag. ⁴⁴[Am laa nug men amu atan na qeku amu nug nakok nauhku amge

men amu nug laa qadepa na qeku amu nug nauha auta aoku," awa aum.] ⁴⁵Jesus Nug keeke danab ag dooteb ii dooteb ele ou aqata, ipuanatak nai laala matiom amu mana mefak danab okai amu do gumak danab-Parasia ele ag Nug ahilagnu nai matiom doopig. ⁴⁶Ag anam doona, adaglagnu ib madipig amge danab ah ag Jesusnu, Nug am propet laa doopig amunu ag Nug adaglagnu badapig.

NUG AWAKNU HOBULNU NAI

22 Jesus baula keeke danab ag dooteb ii dooteb ele ou aqata, ipuanata aum. ²"Kayaknu do madod nug am imubia. King laa nug beka ah aokunu heehe, danab okai amu nug e nadi heum. ³Nug e hewowa, nuhikud begbeg danab laala maate, ag danab okai nug anuka nug awak hobulnu ded maatom ele amu, ag onilagpa epeg, udin hobulpa daaglagnu gopig. Gona onilagpa epig amge ag ukaknu uupig.

⁴Danab ii ukaeg amu danab okai nug begbeg danab baula ele maate gokulagnu daeeg, nug amelagpa aum. 'Ag gona, danab aun adi da hobulnu ded matami ele amu amelagpa inam apeg dooglag. "Da lanaknu keeke oh bapaidmi. Da dahil bulmakau dawai ena titidak amu dod titidak laala ele aqadmi, keeke oh babaitak daate amunu ag ah awak hobulpa udieg," aon aig!' awa aum. ⁵King nug anam a, begbeg danab ag gona apig amge hobulpa ukaknu danab ag uupig. Laa nug nuhig dad udatpa ukom, laa amu nuhig men do do udatpa ukom. ⁶Laala ag anam hepig amge laa oh amu danab okainu begbeg danab adaladna, makudadna, aqaeq mauhpig. ⁷Am king nug nai anam doya, opodi huanak be, nug he, nuhikud ban hak danab ag gona, danab ag nuhikud begbeg aqaeq mauhpig ele amu, ag ohnab aqapig, ag apalag ele lopadna, manaeg ewa, iita meum.

⁸Aria danab okai nug baula nuhikud begbeg danab amelagpa aum. 'Nug awak hobulnu e oh am babaitak daate amge danab hobul imupa daaglagnu ded matami ele amu ag uupig ⁹amunu ag gona, ib ode ohpa danab ah anadna apeg, nug awak hobul imupa udieg!' awa aum. ¹⁰King nug anam a, begbeg danab ag ib ode ohpa gona, danab ah ena, nau ele oh anadna qag maadpig. Qag maateg, nug awak hobulpa dayak aben amu am beum.

¹¹Aria dimpa king nug danab ah qag mepig amu anadkunu noum. Noa amu danab laipu laa nug hobulpa dayaknu lamen bedupa ii meum antom. ¹²King nug danab amu anta amu nug amegpa aum. 'Lai, atemun na hobulnu lamem metami amu ii mena, lag imu oopa neme?' Nug anam a amu danab amu nug nai iita, to eta dayom. ¹³Nug anam dayeye, king nug nuhikud nid amelagpa aum. 'Ag adan, epeg baeg ele hipalna, maopeg dimitim gatatupa noad! Apa danab ag gaanna, aelag ele kikikulag,' awa aum." Jesus Nug anam aum. ¹⁴Jesus Nug anam anana amu Nug nai tudita aum. "Ao, Kayak Nug danab ah kudum onilagpa ete amge laipu laipu tituanadte."

KAISA TAKIS METAKNU JESUS OD MEDAPIG

¹⁵Jesus Nug nai amu matia male, do gumak danab-Parasia ag ahan, laih gona, Jesus Nug nai laa ab, ib anidna, Jesus hetodiakpa mekulagnu nai madipig. ¹⁶Ag anam henena, ag ahilkad ipunitak awak danab am Herodesnu danab laala ele maateg, Jesus gumidna gona apig. "Ipunitak danab, ig dootem na am danab tutuku, na nai genab amupaib danab ah Kayaknu kobol ipuanadtem. Na danab okai onig ele o danab onig iita amu na amu dab menan, na nai baolin, ag amelagpa ii maditem. Iita. Na nai genabib

maditem ¹⁷amunu na keeke imu ape doognig. Na atem dootem? Ig takis Kaisa metagnig am ena o ena iita?" aon apig. ¹⁸Ag anam apig amge Jesus Nug ag ehed hekulagnu hepig doya, Nug aum. "Ag am ham bupuak danab. Adinu da adailkulagnu heteb?" ¹⁹Men dodo takisnu laa ipunidpeg antei!" awa aum. Awa a, ag men dodo laa, onig Danarius, amu aon dopig. ²⁰Ag amu aon doeg amu Jesus ag od matom. "Men dodo imupa amu aun onig dotog ele daate?" awa aum. ²¹Jesus anam a amu ag, "Kaisanu," aon apig. Ag anam aeg amu Jesus amelagpa aum. "Aria ag Kaisanu keeke amu ag Kaisa metaglag amge Kayaknu keeke amu ag Kayak meteg!" awa aum. ²²Ag Jesusnu nai anam doona, ag dab mak kudum aonna, ag Nug uuidna gopig.

DANAB MAUHOWA, EDUA HIPAIDKUNU OD MAK

²³Ded amupaib do gumak danab-Sadusi ag Jesus topa udipig. Danab amu ag, "Danab mauhteb amu ag edun ii hipaidmana," aon adapig amunu ag Jesus od metan apig. ²⁴"Ipunitak danab, Moses nug aum. 'Danab laa nug nid iita ele mauheb amu nug amag, nug awag wau aweb, nid menuglah amge a nid menuglah amu nid amuam danab amunu iita, awagnu daaku.' Moses nug anam yom. ²⁵Aria e amakud eblaih adit ele ag ig oonigpa daapig. Ag anam daanna, awalag tatamnu nug ah awa, nug nid iita dayaya mauhom. Mauhe nug amag nug awag wau awom. ²⁶Am nug amag amu ele anamib heum. A amalti ele oh anamib heeg uke, eblaih adit batak amu oh anamib hepig. ²⁷Amu oh dimpa ah amu ele mauhom. ²⁸Aria eamakud amu oh ag ah amu aakuib aweg, nug ag waalag dayom amunu edua hibaitak haenpa ah amu nug eamakud eblaih adit amu ag oolagpa aunna wau daaku?" aon apig.

²⁹ Ag anam aeg am Jesus Nug ode-lagpa awa aum. “Ag am Kayak nai ii doonna, Kayaknu gagaṭag amu ele ag ii dooṭeb amunu ag nai augigiak, diig iita maḍiteb. ³⁰ Amu eḍua hibaiṭak haenpa danab ag ah ii diimna, ah ele ag danab ii diimna. Iiṭa, ag engel hab aṭannu bia daaglag. ³¹ Amge eḍua hibaiṭak amunu amu ag Kayak naipa, nai laa Kayak Nug ag dooglagnu Moses amegpa maṭie, nug yom amu ag iite eb qepig. Nai amuam inam. ³² ‘Da am Abrahamnu Kayak, Isaknu Kayak amu Jakopnu Kayak ele,’ awa aum. Kayak Nug anam aum amunu ig dooṭem, danab ewam amu ag gemu daateb. Ag mauhpig amge ag iita ii mepig amunu Kayak Nug danab daateb dilag Kayak daate. Nug anam daate amunu Nug ele heeb, ag eḍun hipaidkūlag,” awa aum. ³³ Danab oh ag qag mena daapig ele amu, ag Nug nai amu maṭie doona, dab mak kuḍum aopig.

KAYAKNU DO ANUQAK

³⁴ Aria Jesus Nug nai amupa ḍo gumak danab-Sadusi oḍelag qamute, ḍo gumak danab-Parasia ag amu doona, ag Jesus aḍaglagnu ib anidkūlagnu qag mepig. ³⁵ Amu ag oolagpa laipu laa, nug ḍo oh doyak danab, nug Jesus oḍ meṭom. ³⁶ “Ipuniṭak danab, ḍo aṭen amu ḍo oh eḍaṭak, nug okainab daate?” awa aum. ³⁷ Nug anam a amu Jesus amegpa aum. “‘Nadi amu Nug am nahip Kayak, amu na ootpa, na ouḍinpa, nahip dab makpa amu nahip hak ohpa ele nuhignu oot mauhaḍ!’ ³⁸ Do amu am okainab, nug anuqak daate. ³⁹ Aria ḍo laa ele amubia daate am inam. ‘Na naḱa nahipnu oot mauhte, amubia na danab laa dilag ele oot mauhaḍ!’ ⁴⁰ Do aḍit amu a propet dilag nai amu ḍo laa oh dilag tonataḱ daatep,” awa aum.

KRISTUSNU OD MAK

⁴¹ Jesus Nug anam a, ḍo gumak danab-Parasia ag qag mena daaegeg, Jesus oḍ maṭom. ⁴² “Ag laa Kayak tituanom, amuam Kristus, nuhignu amu ag aṭem dooṭeb? Aun beḱa amu Kristus?” awa aum. Nug anam a amu ag, “Dawit beḱa,” aon apig. ⁴³ Anam aeg am Nug aum. “Anam dayeb amu aḍinu Dawit nug Kayak Ouḍinu ehanitaḱ awa, nug, nug beḱanu, ‘Nadi,’ awa aum? ⁴⁴ Nug inam aum. ‘Nadi Jehowa Nug dahil Nadi amegpa inam aum. Na da epel nadiapa daape uḱeb, da nahip kekeḍ na waatpa maadkūl.’ ⁴⁵ Ag iikud aṅteg! Danab nug, nug beḱanu, ‘Nadi,’ ii aṭe amge Dawit nug nuḱa, nug beḱanu, ‘Nadi,’ aum amunu ig aṭemun Kristusnu, ‘Nug am Dawit beḱaib,’ akunig?” awa aum. ⁴⁶ Jesus anam oḍ maṭe amu laipu laa ag oolagpa nai amu nob meḱunu elele iita doopig amunu haen amupa dig mak ag Jesus baula oḍ ii medṭapig.

JESUS KOBOL NAUNU AUM

23 Dimpa Jesus Nug danab ah ameg okai amu nuhikud ipuniṭak awak danab ele amelagpa aum. ² “Do gumak danab-Parasia amu ḍo mehuqak danab ele ag Mosesnu ḍo ag ipuanadkūlagnu ititaḱ aon daateb ³ amunu ag nai oh ag amelagpa maḍiteb amu ag doon dim lamiteg! Amge kobol ag heteḱ ele am ag aib dim lamidpig. Ag nai kuḍum maḍiteb amge ag aḱa amu ii dim lamidteb. ⁴ Ag keeke ug ele itan, danab ah maṭaeg maoteḱ amge ag nakok laa ii ehanadteb, amubia ag nai kuḍum maḍiteb amge ag nai amu ii dim lamidteb.

⁵ Ag keeke oh am danab amelagnuib heteḱ. Ag Kayak nai inaknu kunup, danab laa oh nakokib heteḱ amge ag am okai henan, uḍalagpa amu epelagpa ele qakana, unuqitaḱ lamen daugpa bala elab elab ele heteḱ. ⁶ Amu ele ag hobul

haenpa e lanaknu dayak aben anuqak amupa daaglagnu oolag daate. Amu ele nai doyak lag oopa danab okai ag daaglagnu aben bapaidpig daate amu do gumak danab-Parasia amu do mehuqak danab ele ag amupa ele daaglagnu oolag daate. ⁷ Ag qag mak abenpa danab laa oh ag humadkulagnu amu ahilagnu, 'Ipunitak danab,' akulagnu ele oolag huanak mauhte," awa aum.

⁸ Anam anana amu Nug nai tudita ipunitak awak danab nuhikud amelagpa aum. "Amge ag am danab laala ag ahilagnu, 'Ipunitak danab,' akulagnu oolag aib dayom. Laipu aakuib am ahilag ipunitak danab, ag oh am awag amag aakuib daateb. ⁹ Am wan imupa ag laanu, 'Mama,' aib apig. Ag Mamelag laipu aakuib amu Nug hab atan daate. ¹⁰ Am laa ele, laa nug ahilagnu, 'Iki danab,' aib aum. Ahilag iki danab laipu amu Kristus. ¹¹ Amunu ag oolagpa danab laa nug ahilag okai daakunu oo dayeb amu nug am ahilag begbegib dayad! ¹² Am danab aun nug onig humate amu Kayak Nug heeb, danab amu nug onig neku. Ge danab aun nug onig qe nete amu Nug danab amu onig am humaku.

¹³ O gadon, do gumak danab-Parasia amu do mehuqak danab ele. Ag am danab odelay adit ele. Ag dab meig! Ag Kayaknu do madodnu od danab ah amelagpa maiteb. Ag aka amu ag amupa ii noteb. Am danab ah ag amupa nokulagnu heteb amu ag ipulag oo neteb. ¹⁴ [O gadon, do gumak danab-Parasia amu do mehuqak danab ele. Ag am danab odelay adit ele. Ag dab meig! Ag ah qab bupualadna, ag laulag yab awona, ahilag hipunin amu danab ah amelagpa lokumkulagnu ag unuqitak elab heteb amunu epediak haenpa geha ag ug okainab aoglag.]

¹⁵ O gadon, do gumak danab-Parasia amu nai mehuqak danab ele. Ag am

danab odelay adit ele. Ag dab meig! Wan laapanu danab nug Juda kobol aokunu amu ag udat okainab, hik aqeqe heteb. Heegeg, danab amu nug Juda kobol awa amu nug ahilag kobol nau kudum ag heteb amu editak haaha, ag padal maknu ibpa daateb amge nug am padal maknu ibpanab daate.

¹⁶ O gadon, ag amelag gaduak ele amge ag danab ah ele ib ipuanadkulagnu heteb. Ag dab meig! Ag ateb, 'Danab nug mana metak lag onigpa nai nuhig gagatag qedte dayeb amu, nai amuam hamu. Amge laa nug mana metak lagnu gol onigpa nai nuhig gagatag qedte dayeb amu, nug meu genab hete, nug adi keeke hekunu aum amu nug hekunab,' aon ateb. ¹⁷ Ag am dab mak iita, amelag gaduak ele. Adi am keeke anuqak? Mana metak lagnu gol amutai am anuqak o iita mana metak lag, nug he Kayaknu lag oopanu gol Kayaknu daate, amutai am anuqak? Iitanab! Keeke adit amu oh a laipu daatep. ¹⁸ Am ag laa ele inam ateb. 'Laa nug mana metaknu qadab, amu onigpa nai nuhig gagatag qedte ele amu, nai amuam hamu. Amge nug qadabpa mana metaknu dod, amu onigpa nai gagatag qedte dayeb amu, nug keeke meu hete, nug adi keeke hekunu aum amu nug hekunab,' aon ateb. ¹⁹ Ag ameg gaduak danab! Adi am keeke anuqak? Mana metaknu dod amutai am anuqak o iita mana metaknu qadab, nug he mana metak Kayaknu daate, amutai anuqak? Iitanab! Keeke adit amu oh a laipu daatep ²⁰ amunu aun nug mana metaknu qadab onigpa nai nuhig gagatag qedte amu nug keeke qadab qadepa niiteb amu oh elepa nai nuhig gagatag qedte. ²¹ Am laa nug metid lag onigpa nai nuhig gagatag qedte amu nug metid lag amu Kayak onigpa ele nai nuhig gagatag qedte. ²² Am laa nug hab onigpa nai nuhig gagatag qedte amu nug Kayaknu dayak aben, amu aun Nug amupa daate

ele amu, Nug onigpa ele nai nuhig ga-gatag qedte.

²³O gadon do gumak danab-Parasia amu do mehuqak danab ele. Ag am danab odelag adit ele. Ag dab meig! Ag keh naunau amu oh opateg, ameg eblaih tanig ele neeg, ameg laipu amu Kayak medateb amge ag do laa okai amu uupig. Do ag uupig ele am, danab kobol tutukupa epediaknu kobol, laa dilagnu oo gai iita doyak kobol amu nai ham bupuak matiak iita kobol ele. Ag do ii dim lamidteb amu laa dim lamidteb ele, amu oh dim lamidlob amuam ena. ²⁴Ag ipunitak danab nau, ag amelag gaduak ele! Ag peipe, keeke nakok amu, ag lewapanu lamadteb amge ag kamel, keeke okai amu, ag lewa ele lana, topa goteb.

²⁵O gadon, do gumak danab-Parasia amu do mehuqak danab ele. Ag am danab odelag adit ele. Ag dab meig! Ag am hai gokod amu tapid ele gadaib ihateb amge oopa ag keeke yab kobolpa amu beđu dim lamitak kobolpa ele aopig amu ag amu inateb. ²⁶Do gumak danab-Parasia ag amelag gaduak! Tatam ag hai gokod amu tapid ele oo ihapeg, opia awak dayeb amu gada ele amu dubutid iita opia awak daaku.

²⁷O gadon, do gumak danab-Parasia am do mehuqak danab ele. Ag am danab odelag adit ele. Ag dab meig! Ag am ag alalkad boomaknu mod bia daateb. Laa ag mod amu amelagpa gau hakab laaidteb amunu dimitim am antak nuhig ena amge oopa amu danab mauhak bedulag ebhilag ele. Ag amubia daateb. ²⁸Ag anamnab aaku daateb amunu danab laa ag bedulag anidna ag, 'Umuam danab tutuku,' aon ateb amge ag do gumak danab-Parasia amu do mehuqak danab ele amu ag oolag oopa amu ag ham bupuak danab amu do he nauhak danab daateb.

²⁹O gadon, do gumak danab-Parasia amu do mehuqak danab ele. Ag am danab odelag adit ele. Ag dab meig! Ag propet mauhpig dilag boomak lag hena amu ag danab tutuku mauhpig dilag mod amu bala medateb. ³⁰Metana ag ateb. 'Ig alai adi dilag haenpa daalom am ig ag ehanadta, propet tiilag ii adalom,' aon ateb. ³¹Nai amupa ag danab, ag propet heeg mauhpig ele amu, ag budulkad daateb amu ag danab ah ipuanadteb. ³²Amu ag alalkad kobol hedapig amubia ag ele hena gog meteg!

³³Ag danab nau! Kayak Nug ag hetodiakpa maateb, ag padal mekulag. Ag atem hena amu ii anidmana? ³⁴Amunu ag doyeg! Da propet amu danab dab mak ena, ag Kayak nai tutuku dooteb ele, amu ipunitak danab ele ana maadpi, ahilagpa udiglag. Udipeg amu ag laa aqapeg mauhpeg, laa ag ad emaitakpa atuladna, ag laa ahilkad nai doyak lag oopa wippa ehed matadadkulag. Ag matadadna lamadpeg, ab okai laalapa gokulag. ³⁵Ag alalkad adi ag dig mena Abel, nug am danab tutuku, amu ag nug qeeg mauhe udie, danab tutuku laala ele aqaeg mauheg udie, Berekaia beka Sakarias, nug mana metak lag oopa aben gunnab amu qadab ele gamagpa, apa nug qeeg mauhom batak. Amunu ag gemu daateb, ag ele ehed hak amubia hepeg, amu oh dilag guitak amu ag qadelagpa neku. ³⁶Da genab ag amelagpa atem. Keeke imu oh am danab ah gemu daateb ele imu dilagpa beku.

JESUS JERUSALEMNU GAYOM

³⁷O Jerusalem, Jerusalem, na propet aqe mauhtebe, udat danab Kayak nahippa maate uditebe ele amu, na ag menpa aqa mauhtebe. Da haen kudum na begapad, matuk anig nakud haugpa qag maata tonadte, amubia qag maadkulnu hemi amge ag uupig. ³⁸Amunu ag doyeg, ag apalag am geha ud ba, ab daked bia

daaku. ³⁹ Amunu da ag amelagpa inam a_{tem}. Ag gemu dig ma ukak da baula ii anidmana. Tatam ag, ‘Danab imu Nug Nadi onigpa udite. Kayak Nug itidte,’ aon anana anidkulag,” awa aum.

**JESUS GOG TAKNU EPONAK KEEKE,
KEEKE LAALANU ELE AUM**

24 Jesus Nug mana metak lag uua no, nuhikud ipunitak awak danab ag Nug gumidna dopig. Ag dona, Nug amegpa apig. “Ante! Mana metak lag imu ag enanag hen autna aopig,” aon apig. ² Anam aeg amu Jesus Nug odelagpa awa aum. “Ag keeke amu oh anidteb amge da genab ag amelagpa a_{tem}, men imu ag lopadpeg, nena qena, laa nug laa qadepa iinab daama. Ohnab lopadadpeg, honap nena qekulag,” awa aum.

³ Jesus Nug Olipnu qaukopa ta day-eye amu ipunitak awak danab ag aka gumidna gopig. Ag gona apig. “Na ig amenigpa ame amu kobol amu haen ganeb beku? Amu ele eponak keeke adi am tatam beeb amu ig na udikutnu amu gog tak haen miag daate ele doognig,” aon apig. ⁴ Ag anam aeg, Jesus odelagpa awa aum. “Danab laa ag ham bupualadmanu ag dab meig! ⁵ Adinu? Danab kudumnab ag da onilpa u_{din}, ‘Da am Kristus,’ anana, kudum laa bupualadkulag. ⁶ Ag bannu doonna, bannu nai ulah ele dooglag. Keeke amu genab bekulag amge doyeg, ag aib otaipig! Wan haen malak iita. ⁷ Danab bedulag laa amu ag danab bedulag laa ele nug qekulag. Wan laa ag wan laa ele nug qekulag. Am enug haen okai nebepeg amu mim ele nekulag. ⁸ Amge keeke amu oh am nid dokunu ah ag guitak tatam dooteb amubia aakuib.

⁹ Anam amu haen amupa laala ag ag adualadna, guitak ug ele matanna, ag aqapeg mauhkulag. Am danab ah oh ag ahilagnu oolagpa nau, ninig ele

dooglag. Adinu? Da onil amu ahilagpa daate. ¹⁰ Am haen amupa danab ah kudum ag Kayaknu oolagpa genab doyak ele, ag amu uun, Nug di metan, aka aka nug dimug mekulag. ¹¹ Propet ham bupuak kudum ele ag ahan, danab ah kudum bupualadkulag. ¹² Kobol nau kudum bekulag amunu danab ah ag nug oo mauhak kobol amu uuglag ¹³ amge laa nug gagatag dayebob uk_{eb}, keeke oh ba maleb, haen amupa ele nug gagatag daaku amu, nug padal ii mema. ¹⁴ Amu danab ah oh dooglagnu ag Kayaknu do madodnu Nai Ena wan atu ohpa mehuqpeg, danab ah doopeg, dimpa keeke oh gog teku.

¹⁵ Aria propet Daniel nug keeke naunab laa, nug ab he nauhte ele amu, nug amunu yom. Danab aun nug nai imu eb qete amu nug meu nuhig tutuku aokunu dab mad! Amu keeke oh gog teku amunu ag keeke naunab amu aben gun elepa mepeg dayebob anidna amu ag ¹⁶ Juda wanpa daateb ele amu, ag oolna qaukopa uk_{eg}! ¹⁷ Am danab nug ulah awak abenpa, lag atan daate amu, agupa dayaya, nug oolkunuib dab maama, nug lag oopa noa keeke ii aoma. Iita, oola ukad! ¹⁸ O laa nug data dayaya amu nug oolkunuib dab maama, edua lamen nuhig aokunu laka ii goma. ¹⁹ Am haen amupa ah oolag ele, ah ag nid yud huh madateb ele amu, ahilagnu amu gadonnab. ²⁰ Ag oug haenpa o metid dedpa oolmananu ag unuqiteg! ²¹ Adinu? Haen amupa ug okainab beku. Ug amubia nug dig mak haenpa udiak gemu ele laa ii beum, dimpa ele amubia ii daama. ²² Anam daate amunu Kayak Nug haen amu tutuib daakunu, haen amu ii okullo, danab ah oh padal melob amge Kayak nug nuhikud tituanatom ele, Nug amu dilag dab ma, haen tutu okulku. ²³ Aria haen amupa laa nug ag amelagpa, ‘Anteg! Laa Kayak Nug epediom ele,

Kristus, Nug ipa ina daate,' o iita, 'Anteg! Kristus upa uma daate,' ab amu na ootpa genab aib doome. ²⁴ Geha danab laa ag ham bupuna, 'Da am Kristus,' o 'Da am propet,' akulag. Ag anam anana, ag eponak keeke, danab hekunu elele iita diigdiig ele hekulag. Ag Kayak danab ah, nuhikud epeđiatom ele amu, ag kaboliadkūlagnu hekulag amge elele iita. ²⁵ Doyeg, keeke amu ii neumpa da ag dab mekulagnu nai iiku ag amelagpa ain malami.

²⁶ Amunu laa ag, ag amelagpa, 'Nug atu tadakpa daate,' aon amelagpa apeg am ag apa aib gopig. O ag, 'Nug lag imu oopa daate,' aon amelagpa apeg amu ag genab aib doopig. ²⁷ Ag aaku dooteb, amemdi nug aam bedepa dig ma amahala uka, aam nodepa malate, amubia Danab Bekalag da, da udikulnu haen amu da anamib udipi anidkulag. ²⁸ Danab mauhak adepa niiteb amu ai, kaub bia, ag daateb agupaib qag meteb amubia.

²⁹ Aria haen amunu ug iita meebeb amu pahanab aam ii amahalma, kalam ele ii amahalma, hodopai laala ag habpanu nena qeegeg, laala ag udalnana, ag ipulag tutuku ii dim lamidmana. ³⁰ Haen amupa amu Danab Bekalag da, dahil eponak keeke habpa beku. Beeb amu wanpanu danab ah oh gaaglag. Gaapeg, Danab Bekalag da, hab waapanu lombigpa gagatag okai amu amahlak okai ele udipi anidkulag. ³¹ Udien, da dahilad engel hepi, biugal gayeb, ag gona, danab ah dahilad tituanadmi amu aben ohpanu qag maadna, diin udiglag.

³² Nai amunu amu ag ad pignu kobol dab mena, dab mak aoglag. Ag ad pig nug udug bau bekunu dig ma haulte amu ag haen amupa, 'Aam haen nug aaku dig mete,' aon ateb. ³³ Ag ad pig nug bau bekunu dig ma haulte anidna, ag, 'Aam haen miag daate,' dooteb amu-

bia ag kobol diigdiig oh da ami ele amu bebepeg anidna, ag dahilnu, 'Nug edua udikunu haen miag, odpa daate,' dooglag. ³⁴ Da genab ag amelagpa atem, danab ah haen imunu oh ii mauhadpeg, geha keeke imu oh beku. ³⁵ Hab wan ele amu iita mekulah amge dahil nai nug iita iinab mema.

DANAB LAIPU LAA NUG HAEN DED ELE II DOOTE

³⁶ Anam amge laipu laa nug amunu haen ded ele ii doote. Engel hab atannu ele ii dooteb. Da ele ii dootem. Mama nuka keeke amu doote. ³⁷ Noanu haenpa danab ag kobol adi adi hepig amubia Danab Bekalag da edue udikulnu haenpa amu, danab ag kobol anamib hekulag. ³⁸ Hid nadi ii beum haenpa amu ag e lanana, le lanana, nug aona, ah nug metanna, amu heegeg uke, Noa ubpa teum. ³⁹ Ag amu henana, hid bekunu dab ii metaegeg, hid ba, diia ukom amubia Danab Bekalag da, da udikul haenpa, ag anamib daaglag. ⁴⁰ Geha danab adit omelahpa daaped, Kayak Nug laipu awawa, laipu am uuiteb daaku. ⁴¹ Ah adit a bretnu plaua nekunu hebeped, laa amu awawa, laa am uuiteb daaku.

⁴² Amunu ag Danab Bekalag da, da eduen nekulnu dab menan dayeg! Adinu? Haen adekupa ahilag Nadi udiku amu ag ii dooteb. ⁴³ Ag doyeg! Lag mameg nug haen adekupa tuqan yabhok danab udiku doolo amu nug ib adada heeb, yabhok danab nug laug lopada, lag oopa ii nolo. ⁴⁴ Amunu ag ele dab menan dayeg! Danab Bekalag da, da haen laa aam ameg atenpa udikul amu ag ii doopeg, da udikul," awa aum.

⁴⁵ Jesus Nug anam anana, Nug nai tudita aum. "Aun nug am udat danab dab mak ena ele, nug nuhig udat tutuku doote, nuhig danab okai nug udat danab nuhikud amu gumataata, haenpa e madakunu elele daate anta, nug

amu heḱunu meum amu, da nuhignu maditem. ⁴⁶Udat danab nug anam dayebeb, dimpa nuhig danab okai nug edua uḱia, nid amu nug danab okai nuhig anuḱa amegpa aumbia hete anidḱu amu nuhignu ena. ⁴⁷Da genab ag amelagpa aḱem. Danab okai nug udat danab amu nuhig keeke ohnu ikilag meeb daaḱu. ⁴⁸Amge udat danab amu nug danab ena iita daya, oopa, 'Danab okai dahil nug paha ii uḱima,' dab meḱu dayeb amu ⁴⁹nug dig ma, udat nid laa, udat ah laa ele ag maḱudatata, nug le gagatag laeg, kaaka aqak danab ele e lanana le ele labepeg ⁵⁰amu nuhig danab okai nug haen ded ele, udat danab amu nug ii doyom, ii dab meum ele, amupa edua uḱiku. ⁵¹Uḱia amu danab okai nug udat danab amu ehednab hetowa, awa meeb, ham bupuak danab ag ele daaglag. Apa danab ag gaanna, aelag ele kikiḱulag.

AH MAKUN 10 DILAG NAI

25 Haen amupa Kayaknu do maḱod amu ah maḱun eblaih tanig ele, ahilag hak bia daaḱu. Amu ah maḱun amu ag ahilkad lam aon, danab laa ah aokun heum ele amu, nug ameg meegeg, nug ibpa uḱieye, ag ahan gona, ibpa uḱa tena anidna omalpeg, ah nuhig laugpa gokulagnu daapig. ²Ah maḱun tanig ele amu ag dab mak iita, tanig ele laa amu ag dab mak ele. ³Ah maḱun dab mak iita amu ahilag lam aopig amge amahlaknu le amu ii aopig. ⁴Ah maḱun dab mak ele, ag amahlaknu le nipudpa mewona adanna, ahilkad lam ele aon gopig. ⁵Am danab ah aokun heum ele nug paha ii uḱie, ag oh amelag ne niipig.

⁶Niiegeg, tuqan tugmag baag laa ewa aum. 'Danab nug ah bau aokunu hete ele, nug aaku uḱite. Ag gona, nug anteg!' awa aum. ⁷Baag laa anam doona, ah maḱun eblaih tanig ele amu ag oh ahan, lam ahilag bapaidpig. ⁸Bapaidna

amu ah maḱun dab mak iita ele ag ah maḱun dab mak ele amelagpa apig. 'Ag amahlaknu le ahilag amu ig laa meḱeg! Ig ihinig amahlaknu le iita meum,' aon apig. ⁹Ah maḱun dab mak iita ele ag anam apig amge ah maḱun dab mak ele ag apig. 'Iita, ihinig amahlaknu le imu am ihinignu eleleib bia. Ahilagnu ele elele iitatai amunu ag en laḱa gona, aun nug amahlaknu le ele amu ag nuhigpa ahilagnu aweg!' aon apig.

¹⁰Ah maḱun dab mak ele ag anam aeg amu ah maḱun dab mak iita ele ag en laḱa amahlaknu le aoglagnu uḱaegeg amu danab ah aokun heum ele amu aaku uḱiom. Uḱie amu ah maḱun dab mak ele ag nug ele nug awak hobulpa nona malaeg, od manom. ¹¹Dimpa ah maḱun dab mak iita ele amu ag ele uḱipig. Uḱin apig. 'Nadi, Nadi, od matulna meḱe!' aon apig. ¹²Ag anam apig amge nug aum. 'Da genab ag amelagpa aḱem, da ag ii doyadtem,' awa aum." Jesus Nug anam aum. ¹³Jesus Nug anam anana amu Nug nai tudita aum. "Anam daaḱu amunu ag dab menan dayeg! Adinu? Da eḱuen uḱikulnu haen amu ag ded haen ele ii dooteb," awa aum.

UDAT NID MEN DODO AONA, TUDIDKULAGNU NAI

¹⁴Aria Jesus Nug nai anam awowa, Nug nai laa ele inam aum. "Kayaknu do maḱod amu danab okai laa nug atu laapa gokunu ha, nuhikud udat danab onilagpa e uḱieg, nug enub amu ag epelagpa meum amubia. ¹⁵Laa amu paip tausen kina epegpa meum, laa tu tausen kina, laa wan tausen kina meum. Ag udat heḱulagnu elelepa maḱowa, nug ukom. ¹⁶Nug ugeke, laa nug men dodo paip tausen kina awom ele amu nug pahanab awa uḱa, udat ha, paip tausen kina baula ele awom. ¹⁷Amubiaib laa tu tausen kina awom ele amu nug ele anam ha, tu tausen kina baula ele awom. ¹⁸Amge

danab nug men doḡo wan tausen kina awom ele amu, nug awa uka, moḡ awa, nuhig okaḡinu men doḡo loḡume dayom.

¹⁹ Amu haen elabnab uke, dimpa uḡat danab dilag okaḡi nug eḡua uḡie, men doḡo ag maḡom ele amunu nai maḡin bapaidpig. ²⁰ Aria danab nug men doḡo paip tausen kina awom ele amu nug aum. 'Naḡi, aḡte, na da paip tausen kina meḡame ele amu iḡiḡud aḡte! Da uḡat hein, paip tausen kina baula ele iḡiḡu aomi,' awa aum. ²¹ Anam a amu nuhig okaḡi aum. 'Na uḡat danab ena, na ham bupuak laa ii heme. Na keeke nakok amu dab meḡan autna aome amunu da hepi, na keeke kuḡum dilag okaḡi daanna gumadḡut. Na doḡe, da ele oonih gamag ahaḡ!' awa aum.

²² Aria danab nug tu tausen kina awom ele nug ele doa aum. 'Naḡi, na men doḡo tu tausen kina meḡame amu da uḡat heinne, tu tausen kina baula ele aomi,' awa aum. ²³ Amu nuhig okaḡi nug aum. 'Na uḡat danab ena. Na ham bupuak laa ii heme. Na keeke nakok amu dab meḡan autna aome amunu da hepi, na keeke kuḡum dilag okaḡi daanna gumadḡut. Na doḡe, da ele oonih gamag ahaḡ!' awa aum.

²⁴ Am danab nug wan tausen kina awom ele amu nug ele doa, nuhig okaḡi amegpa aum. 'Naḡi, da dooḡem na am danab gagatag, na ii epamepa amu meu aokutnu dooḡem. Am na haḡag ii taodmepa amu ele meu aokutnu dooḡem. ²⁵ Amunu da baḡe, men doḡo nahip meḡame amu awe uke, wanpa moḡ awe memi. Aḡte, nahip keeke iḡiḡu,' awa aum. ²⁶ Nug anam a amu danab okaḡi nuhig aum. 'Na uḡat danab nau, na bahin iḡta! Na da ii epamipa, haḡag ii taodmipa ele meu aooḡem genabte doome?' ²⁷ Anam genab daalo amu na men doḡo dahil benk danab maḡalom, ag hepeg, da tuḡitaḡ baula ele aolom amuam ena. ²⁸ Amunu ag laipu nug epegpanu amu

aona, laa nug ten tausen kina ele amu meḡeg! ²⁹ Aḡinu? Danab nug keeke aḡate ele amu, da baula ele medapi, kuḡum ele daaku amge danab laa nug keeke nakok tatam awom aakuib aḡeb amu da aḡidḡul. ³⁰ Aria uḡat danab nau amu ag budipeg, dimitim gatatupa noaḡ! Apa danab ag gaanna, aelag ele kikiḡkulag,' awa aum.'" Jesus Nug ag amelagpa anam maḡiom.

DANAB BEḡALAG NUG DANAB AH EPEDIADḡU

³¹ Jesus Nug anam anana Nug nai tuḡita aum. "Dimpa Danab Beḡalag da, da binal ele uḡipi, engel oh ele uḡignig, haen amupa da dayak aben kobol ele dahilpa daaku. ³² Da anam daapi, danab ah oh da noolpa qag meḡulag. Qag mepeg, da epedaten, ameg aḡit meḡul, gumak danab nug sipsip otia ameg piḡe maama amu meme otia ameg piḡe meḡe amubia. ³³ Da sipsip amu naḡiapa maataḡe, meme amu nanehpa maadḡul.

³⁴ Anam maatoya, da king daaḡem amunu da danab ah naḡiapa maadmi ele amu amelagpa aku. 'Ag inam doig! Mame Nug ag ititaḡ maḡom! Da Mamel Nug ḡo maḡoḡ ahilagnu haen wan bau beebe babaita maḡom. ³⁵ Aḡinu? Anuka da enug iwe, ag e meḡapig. Da le baal diie, ag le meḡapig. Da ab laapanu danab bia daami, ag omaiḡna, ag laulagpa meidḡig. ³⁶ Da lamem iḡta daami, ag lamem meḡapig. Da oḡe ele daami, ag da atog noidḡig. Da mani guitaḡpa daami, ag uḡin anidḡig,' awe aku.

³⁷ Da anam api amu danab ah tutuḡu ag da oḡelḡa aon akuḡag. 'Naḡi, na ganeb enug niḡe, ig e meḡamut? Am na ganeb le baat diie, ig le meḡamut? ³⁸ Haen adeḡupa na ab laa danab bia daame, ig na omaidta, launigpa gomut? Am haen adeḡupa na lamem iḡta daame, ig na lamem meḡamut?' ³⁹ Haen adeḡupa

na ode ele daame, ig na atog noidmut o na mani guitakpa daame, ig gota na anidmut?’ aon akulag. ⁴⁰ Ag anam apeg amu da ag odelagpa awe akul. ‘Da genab ag amelagpa aтем. Ag keeke adi laa da lailad, onilag iita ele, amu dilagpa hepig amu ag dahilpa hepig.’ awe akul.

⁴¹ Aria laa nanehpa daateb ele amu amelagpa akul. ‘Ag nob nau aoglagnu daateb amu ag uuidna ukeg! Ag ab adu ii qauhte ele, Nadi Nug Satan amu nuhikud engel ele dilag heum amu, ag amupa ukeg! ⁴² Adinu? Anuka da enug iwe am ag e ii medapig. Da le baal diie amu ag le ii medapig. ⁴³ Da ab laa danab bia daami amu ag omaidna laulagpa ii gopig. Da lamem iita daami amu ag da lamem ii medapig. Da ode ele daami amu ag da ii atog noidpig. Da mani guitakpa daami amu ele ag gona ii anidpig,’ awe akul. ⁴⁴ Anam api amu ag akulag. ‘Nadi, na ganab enug daame am ig na anidta ii ehanidmut? O na ganab le baat diiom, o na ab laa danab bia daame, o na lamem iita daame, o na ode daame o iita na mani guitakpa daame amu ig na anidta ii ehanidmut?’ aon akulag. ⁴⁵ Apeg amu da ag odelagpa awe akul. ‘Da genab ag amelagpa aтем. Ag keeke adi da lailad, onilag iita ele, amu dilagpa ii hepig amu ag dahilpa ele ii hepig,’ awe akul. ⁴⁶ Aria danab amu ag gona, guitak haen ohnu abenpa daaglag amge tutuku danab ag bauklel hanhannu aon daaglag,” awa aum.

IKI DANAB AG JESUS QEPEG MAUHĶUNU NAI QAGAPIG

26 Jesus nai amu oh matia malom dimpa Nug nuhikud ipunitak awak danab amelagpa aum. ² “Ag dooteb, ded adit uueb, Pasowa hobul lanaknu haen ana beku amu ag Danab Bekalag da keked epelagpa meidna, ag ad emaitakpa atulidkulag,” awa aum.

³ Haen amupa mana metak danab okai amu Israel dilag gumak danab ele, ag oh mana metak danab dilag iki onig Kaipas nug laug enanagpa qag mepig. ⁴ Qag mena ag ib aтемupa Jesus lokumakpa adan, qepeg mauhkunu hetodina, nai qagapig. ⁵ Ag hetodiak hena amu ag apig. “Danab ah ag nug qemana, ag mutub ele qemananu amu ig Pasowa hobul haenpa Jesus ii adamta,” aon apig.

AH LAA JESUS IGIPA GODEN GOKADOM

⁶ Aria Jesus Nug Betani apa danab laa, nug gada ode ele, nug onig Simon, nug laugpa dayom. ⁷ Anam dayeye, ah laa nug men id enanag, goden mutudig enanag, nob okainab ele inak amu awa, gumita udiom. Awa udia, Jesus Nug balalpa dayeye, goden amu Jesus igipa gokadom.

⁸ Ipunitak awak danab ag amu anidna, ag oolag nauhe apig. “Nug adinu goden amu hamu kakitom?” ⁹ Goden amu, laa ag men dođo okaipa daden melob. Ag anam helob amu nug men dođo amu dadek danab matalo am ena,” aon apig. ¹⁰ Am Jesus Nug nai ahilag doyom amunu amelagpa aum. “Ag adinu ah imu oo ug medateb? Nug kobol ena dahilpa heum. ¹¹ Dadek danab amu, ag ag oolagpa hanhan daaglag amge da am ag ele haen oh ii daamta. ¹² Nug da bedulpa goden imu gokadom amu nug da mauhe, modpa niikulnu bedul babaitom. ¹³ Da ganab ag amelagpa aтем. Dimpa danab ag dahil Nai Ena wan adepa adepa mehuqnana, ag ah imu keeke heum amu, nug ag daulagpa dokunu, ag amunu ele matiglag,” awa aum.

JUDAS NUG JESUS IKI DANAB EPELAGPA MEKUNU AUM

¹⁴ Aria haen amupa ipunitak awak danab tuelp ag oolagpanu laipu laa, nug onig Judas Iskariot, nug mana metak

danab okai gumata ukom. ¹⁵ Nug uka aum. “Da Jesus ag epelagpa mepi amu ag adi medaglag,” awa aum. Nug anam a amu ag men dodo silwa 30 metaglagnu eb qepig. ¹⁶ Ag anam heeg, haen amupa nug dig ma, haen ena adekupa nug Jesus ada, ag epelagpa mekunu ib matiom.

JESUS NUG NUHIKUD IPUNITAK AWAK DANAB ELE PASOWA LAPIG

¹⁷ Aria Pasowa metid hobulnu babaitaknu ded ne, Jesusnu ipunitak awak danab ag dona, Jesus od medapig. “Na Pasowa lakutnu amu ig amunu adepa bapaidkunignu oot daate?” aon apig. ¹⁸ Ag anam aeg am Nug aum. “Ag ab okaipa nona, danab laa gumidna gona, amegpa inam aig! ‘Ipunitak danab ihinig Nug inam aum. “Dahil haen aaku miag daate amunu da nid dahilad ele na lautpa Pasowa e lakunignu ool daate.” ’ Ag anam aon aig!” awa aum. ¹⁹ Jesus Nug anam a amu nuhi kud ipunitak awak danab ag Nug ode dim lamidna, Pasowanu e bapaidpig.

²⁰ Aria tueb me, Jesus amu nuhi kud ipunitak awak danab tuelp ele ag balalpa daapig. ²¹ Ag anam balalpa e lanana, Jesus Nug aum. “Da genab ag amelagpa atem, ag oolagpa laipu laa nug da keked epelagpa meidku.” awa aum. ²² Nug anam a, ag oolagpa ugnab doon, ag anen anen Jesus od medapig. “Nadi, na ame amu date?” aon apig. ²³ Aeg amu Nug ag odelagpa awa aum. “Laipu laa nug da ele e latem amu nug da keked epelagpa meidku. ²⁴ Danab Bekalag da, Kayak nai ate amubianab da mauhkul amge danab nug Danab Bekalag da, keked epelagpa meidku ele amu nuhignu gadonnab. Nug anig nug ii menulo am ena,” awa aum. ²⁵ Jesus anam a amu Judas nug Jesus keked epelagpa mekunu heum ele amu, nug aum. “Ipunitak danab, na ame amu date?” awa aum. A amu Jesus aum. “Na ame,” awa aum.

²⁶ Ag anam e lanana daanna, Jesus Nug bret awa, mameg unuqitowa, pane ne, pania nuhi kud ipunitak awak danab madata, Nug aum. “Ag aon laig! Imu da beful.”

²⁷ Nug baula hai wain ele awa, unuqitowa madata Nug aum. “Ag oh aon laig! ²⁸ Imu da tiil, amupa da tituanak bau hetem. Da danab ah kudum dilag hipunin uhuqen mada kulnu gokadtem. ²⁹ Amge da ag amelagpa atem, da grep lepu, wain, geha iiku latem imubia baula paha ii lapa. Iita, dimpa Mamanu do madod oopa da ag ele wain bau lakunig,” awa aum.

³⁰ Nug anam a amu ag ahi laa etona, ag ahan, dimitim wana, ag Olipnu qaukopa gopig.

PETRUS JESUSNU, “DA NUG II DOOTEM,” AKUNU NAI

³¹ Ag gona, Olipnu qaukopa tena, Jesus Nug ag amelagpa aum. “Kayak naipa yak laa niite am inam. ‘Da gumak danab qepi mauheb, sipsip ag oolna matatun gokulag,’ amunu yak amubia amu gemu tuqan imu ag oh uuidna, oolna gokulag. ³² Amge da eduen hibaitena, da tatam anuqen Galelia gopi, ag da dim lamidna gokulag,” awa aum. ³³ Amge Petrus nug odepawa, amegpa aum. “Imu oh ag nahipnu ehed doon, uuidna oolna gokulagtai amge da am anam ii hepa,” awa aum. ³⁴ Petrus nug anam a amu Jesus amegpa aum. “Da genab na amenpa atem. Na tuqan imupa na dahilnu, ‘Da Nug ii dootem,’ aon, haen ewam batak akut. Na haen ewam anam ape, dimpa matuk dawai nug gaaku,” awa aum. ³⁵ Am Petrus nug aum. “Iita! Da na ele mauhkunih dayeb amu da amunu ug ii dootem amge da nahipnu, ‘Da nug ii dootem,’ ii apa!” Nug anam a amu ipunitak awak danab oh anam apig.

JESUS GETSEMANI DATA UNUQITOM

³⁶ Ag anam aeg amu Jesus Nug ag ele oh aben laa onig Getsemani apa gopig. Gona amu Nug ipunitak awak danab amelagpa aum. “Ag inam daapeg, da upa uken unuqidkul,” awa aum. ³⁷ Nug anam anana amu Nug Petrus am Sebedi bekođ adit ele aakuib diiate, Nug ele gopig. Gona amu Nug oopa ugnab doynom. ³⁸ Nug anam doya, Nug ag amelagpa aum. “Da oolpa kahipan tode mauhak bianab dootem amunu ag inam daapeg, da ele dab metat daatu!” awa aum. ³⁹ Nug anam anana, Nug nakok baula wana uka, apa Nug dup noa, gateg qaun wa, idu wanpa ma, unuqita aum. “O Mama, ug oh da maokul ele, amuam lepu mua ehed hai gokodpa daate bia amu, na ib laa anidna ape am da le hai gokod amupanu da ii lapa amge Na da ool daate imu aib dim lamidme. Na oot daate amuib dim lamite!” awa aum.

⁴⁰ Nug anam unuqitowa edua uka, nuhikud ipunitak awak danab ewam amu niiegeg anaťa, Nug Petrus amegpa aum. “Ag da ele aam ameg laipuib dab metat daagnignu elele iitate? ⁴¹ Satan ag eedateb, ehed gomananu ag dab menana daanna, unuqiteg! Ag oudilag amuam elele amge ag bedulag am elele iita,” awa aum.

⁴² Jesus Nug anam anana, Nug edua uka, baula unuqita aum. “O Mama, da le hai gokod imunu ii lakulnu amu na ib laa anidkutnu elele iita dayeb am na nahip dab mak aakuib dim lamite!” awa aum. ⁴³ Nug anam unuqitowa, Nug edua uka amu ipunitak awak danab ag amelag ehed neum amunu ag niiegeg anaťom. ⁴⁴ Anam anaťa amu Nug edua uka, unuqitak adit tatam heum amuib baula unuqitom.

⁴⁵ Unuqitak oh malak dimpa Jesus Nug edua uka, ipunitak awak danab amelagpa aum. “Ag iite ahapig? Ag geha

iiku ele niin autna aotebte? Anteg! Laa nug Danab Bekalag da, hipunin danab epelagpa meidkunu haen aaku doum. ⁴⁶ Ahapeg gotu! Ag aakud anteg, danab nug da keked epelagpa meidku ele amu nug aaku udite,” awa aum.

**JUDAS NUG JESUS
KEKED EPELAGPA MEUM**

⁴⁷ Jesus anam nai matieye amu ipunitak awak danab tuelp amu oolagpanu laa onig Judas amu danab kudum ele, danab amu ag qep elab amu dadib maha ele adapig amu ag mana metak danab okai amu Juda iki danab ele apig bia Judas ele udipig. ⁴⁸ Aria tatam Judas nug ag Jesus adaglagnu eponak keeke laa hekunu amelagpa inam aum. “Da geha laa ootuqidkul amu, danab amu aakuib. Ag Nug adeg!” awa aum. ⁴⁹ Aria ag udina, Judas nug pahanab Jesus gumita uka, “Tuqan ena Ipunitak Danab,” awowa, nug ootuqitom. ⁵⁰ Nug anam ootuqite amu Jesus Nug amegpa aum. “O lai, na keeke hekutnu oot daye udime amu na he!” awa aum. Jesus anam a, danab oh ag dona, Jesus adapig. ⁵¹ Ag anam heegeg, laa Jesus ele daapig amu, ag oolagpanu laipu laa nug qep elab aokunu epeg bahia, eeda awa, mana metak danab dilag iki, nuhig begbeg laa daug hoiyom. ⁵² Hoiye amu Jesus aum. “Na nahip qep elab edun abenpa me. Adinu? Aun nug qepa ban hete amu nug qepa mauhku. ⁵³ Na iite dootem? Da Mama amegpa ehanidkunu api amu pahanab nuhikud engel daup kudumnab, ban danab ameg tuelp edatak, medaku. ⁵⁴ Amge da anam hepi amu Kayak nai atem genab beku? Kayak nai nug imu bekunu ate amu nug anamib beku,” awa aum.

⁵⁵ Aria haen amupa Jesus Nug danab ameg nadi amu amelagpa aum. “Da yabhok danabte daatem amunu ag qep elab amu dadib ele aon, adailkulagnu udipig?

Haen da ded oh metid laḵa danab ah ipu-
niṭak madaṭami amu ag da ii aḍailpig.
⁵⁶ Amge keeke imu oh amu propet nai
yaapig amu meu medate,” awa aum.
Anam a amu ipuniṭak awak danab oh ag
oolna malapig.

AG JESUS HETODIAK ABENPA HETODIPIG

⁵⁷ Aria danab ag Jesus aḍapig ele amu
ag Nug aon, mana meṭak danab di-
lag iḵi Kaiapas, nug topa gopig. Apa
amu ḍo mehuqak danab amu abnu iḵi
danab ele qag mena daapig. ⁵⁸ Amu
Petrus nug dim lamaṭom amge nug
nakok pide dim lamaṭom. Dim lamaṭata,
nug mana meṭak dilag iḵi danab nug
laugnu aḍ oopa no, lag mamegnu beg-
beg ele daapig. Nug kobol aḍi hebepeg
amu dookunu dayom.

⁵⁹ Aria mana meṭak danab okaḵi amu
Juda dilag hetodiak okaḵi, onig Sanhi-
dren, amunu danab ele ag Jesus aḍi
ehed heum o ii heum, ag amu dab ii
mepig. Iiṭa, ag hamu hetodin, qepeg
mauhḵunuib hepig. ⁶⁰ Heegeg am laa
kuḍum ag ahan ham bupunna, Jesus
ehed heumnu apig amge ag Jesus keeke
ehed heumnu, qepeg mauhḵunu ele laa
ii anidpig. Ag anam heegeg dimpa danab
aḍit laa ⁶¹ beya apid. “Danab imu nug,
‘Da Kayaknu mana meṭak lag lopaḍoya,
ded ewampaib edue buukul,’ aum,” aoi
apid. ⁶² A anam aeh amu mana meṭak
dilag iḵi danab nug hibaiṭa, Jesus oḍ
metom. “Nai amunu amu na nob iite me-
mana? Nai anak amuam genab o genab
iita?” awa aum. ⁶³ Nug anam aum amge
Jesus Nug nai nakoknab laa ii maṭiom.
Aria baula mana meṭak dilag iḵi danab
amu nug amegpa aum. “Da Kayak bauk-
lel onigpa da na amenpa aṭem. Na nai
genab tutuku a! Na genab Kristus, Kayak
bekate o iita?” awa aum. ⁶⁴ Nug anam
a amu Jesus Nug oḍepa awa aum. “Na
ame. Amge da ag amelagpa aṭem. Dim-

pa Danab Bekalag da, Kayak gagatag
oh ele amu, Nug epeg nadiappa daappi
anidna amu hab waapanu lombigpa ele
uḍipi anidkulag,” awa aum. ⁶⁵ Jesus
anam a amu mana meṭak danab dilag
iḵi nug lamen nuhig aḍa paṭida aum.
“Nug Kayak dabiṭa, awa awa qeḍate! Ig
danab laala danab imu ehed heumnu
maṭiglagnu ii maṭimta. Iiku elele. Nug
Kayak dabiṭa, awa awa qeṭom aaku
doopig. ⁶⁶ Ag aḍi aṭeb?” awa aum. A
amu ag apig. “Nug mauhḵun daate,” aon
apig. ⁶⁷ Anam anana, ag Jesus iḍupa hu-
nunna amu makudpig. Laa ag epelag
oohap tena, mataḍnana ⁶⁸ apig. “Na am
Kristusde! Kayak na ehaniteb amu na
ape dootu! Aun na oiṭom?” aon apig.

PETRUS JESUSNU, “DA NUG II DOOTEM,” AUM

⁶⁹ Ag anam heegeg, Petrus nug
hetodiak lagnu haḍappa dayom.
Dayeye, mana meṭak dilag iḵi, nuhig
begbeg nid ahin laa nug doa aum. “Na
ele Galelia ted Jesus, Nug ele oipid,”
awa aum. ⁷⁰ Amge Petrus nug ag oh
noolagpa ham bupua, “Na nai aṭem
amu da diig ii dootem,” awa aum.
⁷¹ Nug anana amu aha wana, lagnu
aḍ odpa uḵa dayeye amu begbeg nid
ahin laa na, nug danab apa daapig
ele amu amelagpa aum. “Nug anuḵa
Jesus, Nasaret ted ele oipid.” awa aum.
⁷² Nug anam a Petrus nug nai nuhig
gagatag qeṭa aum. “Da danab amu ii
dootem!” awa aum. ⁷³ Nakok laa ele
amu danab apa hipaidna daapig ele
amu Petrus gumidna dona apig. “Na am
genab danab umunu layag laa aaku.
Aḍinu? Nahip nai maṭiak amu he, na
miag atime,” aon apig. ⁷⁴ Ag anam aeg,
Petrus nug nai gagatagnab inam aum.
“Da nai genab ii api amu Kayak Nug da
nob nau medaḍ! Da genab iiku aṭem,
da danab umu ii dootem!” Nug anam
a amu matuk paha gayom. ⁷⁵ Matuk

gaye amu Jesusnu nai, “Tuqan imupa na dahilnu, ‘Da Nug ii dootem,’ aon, ewam batak akut. Na haen ewam anam ape, dimpa matuk dawai nug gaaku,” nai amu Petrus daugpa doum. Nai amu Petrus daugpa do, nug dimitim uka, huanaknab gayom.

JUDAS NUG NUKA NUG HE MAUHOM

27 Wakade butuanab mana metaknu iki danab oh amu Juda iki danab ele ag Jesus qepeg mauhkunu nai madipig. ²Maiona amu ag Jesus epeg mudipa qakona, ahan omalna gona, Rom dilag gabman okai Pilatus epegpa mepig.

³Aria Judas, nug Jesus keked epelagpa meum ele amu, nug Jesus gedidna hetodiakpa mepig doya, nug oo ug daye, men doo silwa 30 amu edua awa uka, mana metak iki danab amu danab ah dilag iki danab ele madaa ⁴nug aum. “Da hipunin hemi. Da danab nug ehed laa ii heum amu da hamu keked epelagpa mauhkunu memi,” awa aum. Anam awa a doona ag apig. “Amu ihinig keeke iita. Am nahip keeke,” aon apig. ⁵Ag anam aeg amu Judas nug men doo amu mana metak lag oopa mawe uke, nug nug uka, mudipa aihau mauhom.

⁶Mana metak iki danab ag men doo amu aon apig. “Imu amu danab mauhkunu daden maknu men doo. Do daate amunu ig tamaniaknu kunupa ii memata,” aon apig. ⁷Amunu ag nai matin, oolag laipu mena, ag men doo amu aona, wan laa, danab nug wa hete ele, nuhig wan amu daden mepig. Ag wan amupa danab atu laihnu boomadkulagnu tituanpig. ⁸Amunu ag wan amu onig inam atadpig. “Danab Mauhkunu Daden Awak Wan,” aon apig. Onig amu gemu ele daate. ⁹Amunu anuka Kayak Nug nai laa propet Jere-maia odepa aum amu genab beum. Nug aum. “Israel ag men doo silwa 30pa

nug daden mekulagnu nai qagapig amu ag men doo silwa 30 amu aon, ¹⁰danab wa hete ele nuhig wan daden mepig. Nadi Nug da amelpa aumbia.”

PILATUS JESUS HETODITOM

¹¹Aria Jesus Pilatus noobpa hibaita dayeye, Pilatus Jesus od metom. “Na Juda dilag kingte?” awa aum. A amu Jesus, “Na aaku atem,” awa aum. ¹²Nug anam a amu mana metak danab okai amu Juda iki danab ele ag nuhignu nai hamu yaan heeg, Nug nai nob laa ii meum. ¹³Nug anam heehe amu Pilatus nug Jesus amegpa aum. “Ag na ehed kudum hemenu ateb amu, na amu iite dootem?” awa aum. ¹⁴A amu Jesus Nug Pilatus odepa ii awom. Anam he amu Pilatus nug oo ii maite, nug dab mak kudum awom.

PILATUS JESUS AD EMAITAKPA ATULKULAGNU AUM

¹⁵Aria mad ohpa Pasowa hobulnu dedpa gabman nug danab ah ag hipunin danab aten uhuqa mada-kunu apig amu nug mani guitakpanu od matule dotom. ¹⁶Am haen amupa danab laa nug Rom gabman dilag do haen kudum tipalom ele amu, ag nug aon mani guitakpa meeg dayom. Danab amu nug onig Barabas. ¹⁷Am danab ah ag qag meeg amu Pilatus nug ag od matom. “Ag mani guitak danab aun uhuqe mada-kulnu oolag daate, Barabas o Jesus? Ag nuhignu Kristus aon ateb,” awa aum. ¹⁸Pilatus nug Jesus, nuhig hak ena, hak amupa Nug Juda okai edatom amunu ag oolag nauhe, Jesus hetodiakpa mepig doyom amunu Nug anam od matom.

¹⁹Pilatus nug anam od mata, nug epediaknu dayak abenpa dayeye, nug wau nai inam me udiom. “Danab tutuku amunu, nuhigpa na keeke laa aib heme. Tuqan imupa da Nug tulpa ante, ug guitak ele huanak doomi,” awa aum.

²⁰ Aria nug nai amu doya dayeye, mana metak dilag iki amu Juda iki danab ele ag Pilatus nug Barabas uhuqa madaṭa, Jesus qeeb mauhkunu danab ah oolag yaan heeg ²¹ gabman okai Pilatus nug baula, “Danab adit imu oolahpanu da aun uhuqe ag madaḱul?” od mate amu ag, “Barabas,” aon apig. ²² Ag anam aeg amu Pilatus nug aum. “Amge da Jesus, nuhignu ag Kristus ateb ele amu, nuhignu da atem hekul?” awa aum. Nug anam a amu ag oh apig. “Ad emaitakpa atule!” aon apig. ²³ Ag anam apig amge Pilatus nug aum. “Adinu? Nug adi ehed heum?” awa aum. Nug anam aum amge ag huanak ena apig. “Ad emaitakpa atule!” apig. ²⁴ Aeg amu Pilatus nug doyom, nug hekunu elele iita. Nug qak ele bekunu heum amunu nug le awa, danab ah oh amelagpa epeg ihaha nug aum. “Danab imu mauhku amu dahil hipunin iita. Ag ahilag hipuninib daaku.” awa aum. ²⁵ Nug anam a amu ag apig. “Am ena, ug amu ig maognig, ihinkad nid naunau ele ena maoglag,” aon apig.

DAUP AG JESUS AON AON QEDAPIG

²⁶ Anam aeg amu Pilatus nug Barabas uhuqa madaṭa amu nug a, ag Jesus wip-pa ehed matadeg, ag ad emaitakpa atulḱulagḱu ag epelagpa meum.

²⁷ Aria gabman okainu ban danab ag Jesus aon, gabman dilag okai laug oopa nopig. Noeg amu ban danab ameg amu laa oh ele uḱin qag mena, Jesus talilidna daapig. ²⁸ Anam daanna, ag lamen ena nuhig uḱidna amu gabman dilag lamen kokod laa aduḱiteg noum. ²⁹ Lamem aduḱiteg no amu king igipan bala bia muḱi qaun elepa hewona, igipa adaeg noum. Adaeg no amu ag gumu laa, qaitobṭob gumu bia, Nug epeg nadiappa mepig. Mewona ag gatelag qaun ona, aon aon qetan, humidna apig. “Na am Juda dilag king, na binan ele,” aon apig.

³⁰ Ag anam anana, idupa hununa, gumu Nug medapig amu, ag amu aon, iki opig. ³¹ Ag aon aon qetan malan amu lamem kokod amu uḱidpig. Uḱitona, lamem nuhig eḱun aduḱiteg no, ag ad emaitakpa atulḱulagḱu aon gopig.

JESUS AD EMAITAKPA ATULPIG

³² Ag aon gonana, wan laa onig Sairini amu ted Simon anidpig. Anidna amu ag nug duṭuna heeg, Jesusnu ad emaitak mawom. ³³ Nug anam mawewe gona, aben laa onig Golgata apa tepig. Golgata diig amu Ikilag Ebehi. ³⁴ Apa tena amu ag Jesus wain marasin laa ele koboliak, Nug amu lakunu metaeg, Nug nakok lemadupa ya anta amu Nug baula ii laum. ³⁵ Aria ag Nug ad emaitakpa atulona, ag nuhig lamem aoglagḱu amu ag otina, ameg wadele mewona, aun nug ameg aten aoku amu ag keeke laa onig dais amupa qid hena aopig. ³⁶ Amu dimpa ag Jesus gumana apa daapig. ³⁷ Amu Rom danab ag danab ad emaitakpa atulḱulagḱu ele amu ag adi nai ag bedulagpa yaapig ele, danab ag amu anidḱulagḱu amu ag ad mahapa yaana, ad emaitakpa atulḱulagḱu. Aria Jesus igipa ad emaitakpa amu nai imu yaan atulḱulagḱu. “Imu Jesus, Nug Juda Dilag King!” ³⁸ Ag danab adit laa, a am yabhok danab amu, ag a amu Jesus ele oh atuladpig. Ag danab laa ag Jesus epeg nadiappa atulona, laa amu epeg nanehpa atulḱulagḱu. ³⁹ Aria danab ah ag nug noobpa dona wanana, ag ikilag matudna, aon aon qetan inam apig. ⁴⁰ “Na am mana metak lag lopadna eḱun ded ewampaib hekutnu ame amunu na anam hekutnu elele amu na naka bedun uhuqe! Na Kayak beka daatem dayeb doona amu na ad emaitakpanu nepe anidtu!” aon apig.

⁴¹ Amubia mana metak danab okai, do mehuqak danab am Juda iki danab oh ele ag Nug aon aon qetan apig. ⁴² “Nug danab laa ehanatom amge nug nuḱa

ehandikunu elele iita. Nug am Israel dilag kingde! Nug ad emaitak uua, honap neeb am ig nuhignu oonigpa genab doognig. ⁴³Nug Kayaknu oopa genab doote amunu am Kayak Nug nuhignu oo heeb amu geha iiku Nug ehandiku. Adinu? Nug aum, ‘Da Kayak beka,’ aon apig. ⁴⁴Am yabhok danab adit ele ad emaitakpa Jesus guguitak atulatpig, a ele awa awa qetak nai anamib madipid.

JESUS MAUHOM

⁴⁵Aria aam ameg tuelpa gatatu wan oh tona male uke, tueb aam ameg ewampa batom. ⁴⁶Aria aam ameg ewampa anam amu Jesus Nug bag okaipa ewa aum. ‘Eloi, Eloi, lama sabaktani?’ Amu diig am inam. ‘O Mama, o Mama. Adinu na da uidme?’ ⁴⁷Jesus Nug anam e, danab apa Nug guguitak daapig ele amu, ag anam doona, ag apig. ‘Nug Elias onigpa ete,’ aon apig. ⁴⁸Ag anam aegeg, laipu laa ag oolagpanu pahanab aha, qaibad uka, yupanu keeke laa, nug le huanak eeete ele onig span, amu awa, wainpa mewowa, awa, gumu laa, qaitobto b gumu bia, amupa ita, medakunu heum ⁴⁹amge laa ag apig. ‘Uupe, Elias nug ehandikutai o iitatai amu anidkunik,’ aon apig. ⁵⁰Ag anam aeg, Jesus baula bag okaipa ewowa, Nug mauhom.

⁵¹Nug mauhom haen amupa mana metak lag oopa lamén nadi aiheg dayom amu gamagpanab atannu katida uka, honap noum. Anam heeche amu wan udale, men ele aodpig. ⁵²Mauhak aben od ele matule, Kayaknu danab tutuku laala anuka mauhadpig amu edun hipaidpig. ⁵³Ag modpanu hipaidpig amunu dimpa Jesus edua hibaite amu ag ahan gona, Jerusalem noeg, danab kudum ag anadpig. ⁵⁴Amu daup 100 dilag iki nug amu daup laa ag nug ele daanna, Jesus guman daapig amu ag mim ne, wan udalele, keeke laala

oh ele beeg anidna, badan apig. ‘Genab danab imu Nug am Kayak Beka!’ aon apig. ⁵⁵Aria ah kudum laa ag Jesus ehandikulagnu Galeliano dim lamidna gopig ele amu, ag pide, keeke adi beeb amu anidkulagnu daapig. ⁵⁶Ag oolagpa laa amu Maria, Magdala ted, laa amu Maria, Jakobus Josep ele anilah, laa amu Sebedi beko d amu anilah.

JESUS GADA MEN ODE MODPA MEPIG

⁵⁷Aria tueb me, Arimatia ted onig Josep, nug am danab enub ele amu, nug udiom. Nug ele am Jesusnu ipunitak awak danab. ⁵⁸Nug Pilatus gumita uka, Jesus gada aokunu od metom. Od mete, Pilatus nug daup amelagpa a, ag Jesus gada Josep medapig. ⁵⁹Ag Josep metaeg, nug Jesus gada awa, linen lamén baupa itom. ⁶⁰Nug itowa, nuhig men mod bau babaitom amupa meum. Mewowa, men okai laa budibidib mete uka, men modnu ode tonom. Nug anam hewowa amu nug ukom. ⁶¹Aria nug anam heeche amu Maria, Magdala ted amu Maria laa ele a mod guguitak apa daapid.

DAUP AG MOD ODE GUMAPIG

⁶²Amu Juda dilag Metidnu bapaidpig ele, ded amu uue, mana metak iki am nai mehuqak danab ele ag gona Pilatus laugpa qag mepig. ⁶³Qag mena ag apig. ‘Nadi, ig ham bupuk danab amu, nuhig nai laa daunigpa doum. Nug bau dayaya Nug, ‘Ded ewampa da edue hipaidkul,’ aum ⁶⁴amunu nuhig ipunitak awak danab ag gona, gada awona, ag danab amelagpa, ‘Nug edua hibaite,’ amananu, na ape, ag mod amu hag mena, eponak keeke laa hepeg dayeb ukeb, ded ewam batad! Nuhikud ipunitak awak danab ag, ‘Nug edua hibaite,’ apeg amu nai ham bupuk dimpanu amu nai ham bupuk tatamnu amu

edidku,” aon apig. ⁶⁵ Ag anam aeg am Pilatus nug aum. “Ag gumak danab diina, ag mod amu ameg manakib daakunu adi hekulagnu elele dooteb amu ag gona anamib aaku heig!” awa aum. ⁶⁶ Nug anam a, ag gona, hag maknu eponak keeke laa menpa mewona, ban danab laa maateg, mod amu guman daapig.

JESUS NUG EDUA HIBAITOM

28 Juda dilag Metid ded Sarere amu uka male, Metidpa butua aam bekunu heehe, Maria, Magdala ted amu Maria laa ele a mod anidkulahnu gopid.

² Ukeheh am mim okai neum. Adinu? Kayaknu engel laa hab atannu na, mod ameg kola, men amu qadepa hedep na dayom. ³ Nug idu am amemdi bia amahlom. Nuhig lamenu amu hakabnab ais bia. ⁴ Ban danab ag nuhignu badaeg, bedulag hahadede, danab mauhak bia niipig.

⁵ Am engel nug ah adit amelahpa aum. “A aib badapid! Da dootem, a Jesus, ad emaitakpa atulpig ele amu, Nug maditep. ⁶ Nug ipa ii daate, nug anuka aum bia edua hibaitom! A doya, Nug niiom aben iikud anted! ⁷ Antoya am pahanab goya, nuhikud ipunitak awak danab amelagpa, ‘Nug modpanu edua hibaitom!’ aoya aid! Doyed! Nug anuqa Galelia ukeb, ag Nug apa anidkulag! Da geha iiku a amelahpa atem!” awa aum.

⁸ Engel anam a amu ah adit a otaiya badaya, oolah gamag ele ahehe, mod uuya, nuhikud ipunitak awak danab amelagpa akulahnu qaiqad gopid. ⁹ A anam ukaehh am Jesus ib manpa a gumata do, a ele nug uda tena amu Nug, “Butua ena,” awa aum. Jesus anam a amu a Nug gukuidya waya, baeg adai daaiya, binag mepid. ¹⁰ A anam heehh amu Jesus Nug a amelahpa aum. “A aib badapid! Goya, da awalad amalad ame-

lagpa aped doona, ag gona, Galelia apa da anideg!” awa aum.

DAUP AG KEEKE ANIDPIG AEG, IKI DANAB DOOPIG

¹¹ Aria ah adit ukaehh, ban danab laala ag Jerusalem nona, ag keeke adi adi beum amu oh mana metak iki danab amelagpa apig. ¹² Amelagpa aeg amu mana metak iki danab amu Juda iki danab ele ag qag mena, nai matin amu ban danab men doo okai matana apig. ¹³ “Ag, ‘Ig niitut, nuhikud ipunitak awak danab tuqan udn, Nug gada yab aopig,’ aon aig! ¹⁴ Aria gabman okai Pilatus nug nai amu doya heeb amu ig nug amegpa imunu akunig amunu ag ug laa ii anidmana,” aon apig. ¹⁵ Anam aeg amu ban danab ag men doo aona, ag mana metak iki danab ag adi hekulagnu apig amu anamib hepig. Anam heeg amu nai amu Juda danab kudum doon malaeg udie, gemu ele maditeb.

JESUS NUG IPUNITAK AWAK DANAB UDAT MATOM

¹⁶ Aria ipunitak awak danab elewen ag Galelia apa qauko laapa, Jesus gokulagnu aum, amupa gopig. ¹⁷ Gona, apa ag Nug anidna, binag mepig amge laala ag oolagpa dab mak adit ele dayom. ¹⁸ Anam heegeg, Jesus Nug ag gumata doa, amelagpa aum. “Kayak Nug da keeke oh ikilag daakulnu meidom ¹⁹ amunu ag gona, wan atu ohpanu danab ah hepeg, dahilad ipunitak awak danab ah daapeg, ag Mama onigpa, Nug Beka onigpa amu Kayak Oudi onigpa layateg! ²⁰ Ag keeke oh da ag hekulagnu amelagpa ami amu, ag amu oh ele ipuanateg! Ag doyeg! Da haen oh ag ele daaput ukeb, gog tak haenpa bataku,” awa aum.

KAYAKNU NAI MAKUS YOM

LAYATAK JOHANES NUG JESUSNU IB BABAITOM

1 Kayak Beḱa Jesus Kristusnu Nai Ena amu inam niite. ² Anuḱa Kayak Nug propet laa onig Jesaia amegpa aum. Kayak Nug Beḱa Jesus amegpa alo amubia Jesaia amegpa a, Jesaia nug nai amu inam awa yom. “Ante! Da hepi dahil nai awa uḱa maṱiaknu danab laa nug na noom awa, nahip ib bapaidḱu. ³ Nug am atu taḱapḱa dayaya, danab amelagpa inam ewa aḱu. ‘Ag oolagpa ihinig Naḱinu ib bapaidpeg, elele dayad!’ awa aḱu.” Jesaia anam awa yom. ⁴ Kayak Nug anam aum dimpa Nug aum bia, Layatak Johanes nug atu taḱapḱa dayaya, nug danab amelagpa, Kayak Nug ahilag hipunin uhuḱa madakunu ag oolag eḱueb, layatak aoglagnu nai mehuḱom. ⁵ Nug nai anam mehuḱom amu Juda wanpan danab laa oh amu Jerusalemnu danab laa oh ele ag Johanes gumidna gona, hipunin ahilag miag aegeg, Johanes nug Jordan lepa layaṱom. ⁶ Nug lamen kamel uḱigpa hak amu ma, nug imuagpa maṱagid, doḱ gaḱapa hak, amu ele taḱa, nug tap amu upuh lepu ele laṱom. ⁷ Anam dayaya amu nug danab amelagpa aum. “Danab laa nug da dimulpa uḱite amu danab amu nuhig gagaṱag amu dahil eḱidṱe, Nug am danab okainab, da am okai iṱa. Dahil hak imu nuhig hak amu ele elele iṱa. ⁸ Da ag lepa layadtem amge Nug Kayak Oudipa ag layadḱu,” awa aum.

JESUS LAYATAK AWOWA, OO EEDAK ELE AWOM

⁹ Nug anam a amu haen amupa Jesus Nug Galelia wanpa Nasaret abpanu aha uḱie, Johanes nug Jordan lepa laaiṱom.

¹⁰ Laaiṱa male, Jesus Nug lepanu aha, audam teete amu hab obate, Kayak Oudi Nug ai upudil bia nuhigpa neene, antom. ¹¹ Kayak Oudi Nug ne, baag laa hab aṱannu Nug amegpa aum. “Na am da beḱal, da nahipnu ool mauḱte. Nahip haknu ele amu da ool ena daaṱe,” awa aum.

¹² Haen amupa pahanab Kayak Oudi Nug he, Jesus Nug atu taḱapḱa uḱa, ¹³ apa deḱ 40 dayeye, Satan nug Jesus ehed heḱunu oo eedeḱe, Jesus Nug doḱ daḱuḱ oolagpa dayeye, engel ag nug ehanidpig.

JESUS NUG DANAB TATAMNU ONILAGPA EUM

¹⁴ Aria haen amu male amu Herodes nug Layatak Johanes mani guiṱakpa me dayeye, Jesus Nug aha, Kayaknu Nai Ena mehuḱaḱa, Galelia uḱom. ¹⁵ Nug nai mehuḱa aum. “Haen malom, Kayaknu do maḱoḱ haen aaku miag doum amunu ag ahilag hak nau uuna, oolag eḱueb, Nai Enanu oolagpa genab doyeḱ!” awa aum.

¹⁶ Deḱ laa Jesus Nug Galelia le ameg ihipa oiyaya, Nug Simon amu Andreus ele, a am eamag amu, Nug a ahilah uhui lepa eeheh anatom. A am kakai awak danab amunu a uhui epid. ¹⁷ Jesus anata amu Nug amelahpa aum. “Doya, da dim lamidped, da a danab diiaknu uḱat ipuanatḱul,” awa aum. ¹⁸ Nug anam a amu a paha ahaya, uhui ahilah uuya, Jesus dim lamidpid.

¹⁹ Dim lamiteheh, Jesus Nug nakok laa ele wana, nug Sebedi bekoḱ Jakobus amu Johanes ele, a ele am eamag amu, Nug a ub ahilahpa daaiya, uhui bapaiteheh anatom. ²⁰ Anata amu Nug ahilahnu ele aum. “A da dim lamideḱ!” Nug anam a amu a ahai, a mamelah Sebedi, amu ahilḱad uḱat danab oh ubpa daapig ele amu uuadya, Jesus dim lamidpid.

JESUS OUDI NAU LAA LAMITOM

²¹ Aria ag Jesus dim lamiteg, ag oh edun Kapenaum gopig. Gona daanna, Nug Metidpa Juda dilag nai doyak laka apa ta, Kayaknu nai ipuanatom. ²² Ipuanate, Juda danab ag dab mak kudum aopig. Adinu? Nug nukā keeke oh ha antom bia ipuanatom. Juda dilag do mehuqak danab laa ag amubia ii hedapig. ²³ Ag anam nai doyak laka apa daaegeg, danab laa nug ouđi nau ele apa dayaya ewa aum. ²⁴ “Jesus, Nasaret ted, na ig atem heigkutnu uđime? Na hepe, ig nauhkunignu uđimete? Da na dooidtem, na am Kayaknu Laa, Opiā Awak Ele,” awa aum. ²⁵ Nug anam a amu Jesus Nug ouđi nau amegpa aum. “Na oden qamutna, danab amu uuidna uke!” awa aum. ²⁶ Jesus Nug anam a amu ouđi nau nug he, danab beđu huan hahadede, ouđi nau nug baag okaipa ewawa, danab amu uuiřom. ²⁷ Uuiřa male amu danab laa ag danab amu anidna, dab mak kudum aona amu ag aka aka Jesusnu apig. “Imu adi? Imu doyak laa, ebehi ele. Nug ehah ena ele amu diig amunu Nug ouđi nau amelagpa, ‘Ag ukeg!’ ate amu ag nuhig nai dim lamidteb,” aon apig. ²⁸ Ag anam anidna, nai amu tuđiteg uke, Galelia wannu danab oh doopig.

JESUS ODE DANAB KUDUM BAPALATOM

²⁹ Jesus Nug danab ehanite, Nug ipunitak awak danab Simon, Andreus, Jakobus, Johanes ele ag ahan, Juda dilag nai doyak lag amu uuidna, tutuku Simon Andreus ele laulahpa gopig. ³⁰ Ag gona, laka teegeg, ag Simon nome nug ode, beđu gakađak ele niieye, ag Jesus amegpa aeg, nug doyom. ³¹ Aeg doya amu Jesus Nug gumita wana, epegpa ađa, mađ ete ahe, beđu gakađak paha iita me, aaku ah amu nug uka, e ahilag babaitom.

³² Aria tueb amu aam no, apan danab ag ahan, ode danab amu danab ouđi nau ele oh omaladna, Jesus topa gopig. ³³ Ag gona, Simon Andreus ele a laulah odpa qag meeg, ³⁴ Jesus Nug ode danab kudum ag ode diigdiig ele amu bapalařata, laa ouđi nau ele amu Nug ouđi nau amu lamařom. Lamaře amu ag Nug doopig amunu Jesus Nug he, ag amunu ii apig.

³⁵ Aria wagde butuanab Jesus Nug lakanu aha, ab uua, aben danab haen oh ii daatebpa uka, unuqitařa dayom. ³⁶ Dayeye, nakok dimpa Simon laikud ele ag Jesus mařin ³⁷ anidna, Nug amegpa apig. “Danab oh ag na mařidteb,” aon apig. ³⁸ Aon aeg amu Jesus Nug aum. “Ipan danabib nai dahil dooglagnu amu da ool ii daate amunu ig ahat, ab laala miag daateb ele amupa da nai dahil mehuqkulnu gokunig. Da amunu uđimi,” awa aum. ³⁹ Nug anam anana amu Nug aha, Galelia wan oh talilita oiyaya, Nug Juda dilag nai doyak laka laalapa nai mehuqaqa, ouđi nau danab ag beđulagpa daapig amu ele lamařom.

JESUS DANAB GAĐA OĐE ELE EHANTOM

⁴⁰ Dimpa deđ laa danab laa nug gađa ode ele amu nug Jesus noobpa uka, gateg qaun wa, nug ođ meřa aum. “Na oot heeb amu na hepe, da ode dahil iita meku,” awa aum. ⁴¹ Nug anam ođ meře amu Jesus Nug oo doye, Nug epegpa danab beđu ađa, amegpa aum. “Da ool anam daate! Na ena daye!” awa aum. ⁴² Awa a amu pahanab ode amu iita me, danab nug elele dayom.

⁴³ Elele dayeye, Jesus Nug do gařařag danab amu amegpa inam aum. ⁴⁴ “Na danab laa amegpa da na bapaidminu amu aib ame. Iita, na gona, na beđun mana meřak danab ipunidna, na Mosesnu do ate bia na dođ main, Kayak meře! Adinu? Danab oh ag amupa

dooglag na ode iita,” awa aum. Jesus Nug do gagaṭag anam mewowa, he ukom. ⁴⁵Jesus anam aum amge danab amu nug Jesus ode bia ii heum. Iita nug uka, danab kudum amelagpa a doopig amunu Jesus Nug abpa miag oikunu elele iita. Nug aben danab haen oh ii daatebpa dayom amge apa ele danab kudum Nug gumidna gopig.

JESUS DANAB EPEG BAEG ELE OH MAUHOM BABAṬOM

2 Anam dayaya, ded laa dimpa Jesus Nug aha, edua Kapenaum uke, apan danab ag Jesus uḍiom daate amu doona, ²ag ahan, lag Nug dayom ele amupa gona qag mepig. Kudum gopig amunu lag oopa dimitim ele ag aben oh itupig. Itun daaegeg, Nug Kayak nai mehuqom. ³Nug nai mehuqege, danab wadele laa ag lailag ode ele, nug baeg epeg mauhak ele, qadaqadpa maon, Jesus topa uḍipig. ⁴Udieg, ag lag Jesus dayom ele, amupa danab kudum ituak daapig amu ag amupa tena, Jesus gumidna wakulagnu ib iita amunu ag lailag amu maon, lag atan tena, lag amu kodoko uḍem meṭak ele amunu ag tena, lag kodoko lopadna, ode danab qadaqad ele muḍipa qakan, Jesus noobpa padaeg noum. ⁵Paḍaeg noum amu Jesus Nug oopa genab doyak ahilag am okai ele anta, Nug ode danab amegpa aum. “Nahip hipunin oh amu da uhuqe medatem,” awa aum.

⁶Nug anam a amu do mehuqak danab apa daanna, ag aka aka dab makpa inam apig. ⁷“Danab imu Nug adinu anam ate? Nug Kayak dabiṭa, awa awa qete. Kayak Nug nuqa hipunin uhuqa megakunu elele,” aon apig. ⁸Ag dab mak amu aoegeg, Jesus Nug nuhig dab makpa amu doya, Nug ag amelagpa aum. “Ag adinu dab mak nau anam aoteb? ⁹⁻¹⁰Adi nai am anaknu ug iita? Hipunin uhuqa meṭaknu nai amute am ug iita, o iita aha tapa ukaknu nai, amu-

tai am ug iita? Amu oh iita. Adit oh am ug ele, danabib heḱunu elele iita amunu ag Danab Beḱalag da, da wan imupa hipunin uhuqen madakulnu gagaṭag ele, ag amu dooglagnu amu da hepi, aha goḱu,” awa aum. ¹¹Jesus Nug anam anana amu Nug edua, ode danab amegpa aum. “Na ahan, qadaqad nahip aon, laqa uke!” awa aum. ¹²Nug anam a amu ode danab nug aha, qadaqad nuhig awa, ag noolagpa dimitim ukom. Ugeke amu ag dab mak kudum aona, Kayak binag mena apig. “Ig ded laa keeke amubia ii anidmut,” aon apig.

JESUS LEWI ONIGPA EUM

¹³Aria Jesus baula edua, le ameg Galelia ihipa oiyeye, danab ah laala ag gumidna ukaeg, Jesus Nug Nai Ena ipuanatom. ¹⁴Ipuanatawa amu Nug aha, wana oiyaya, Nug Alpias beka Lewi, nug takis awak laqa dayeye antom. Anta, Jesus Nug amegpa aum. “Na dona, da dim lamide!” awa aum. Anam a amu nug Jesus dim lamitom.

¹⁵Dimpa Jesus Nug nuhikud ipunitak awak danab ele amu ag Lewi laugpa e laegeg, takis awak danab kudum, hipunin danab kudum amu danab laa ag Juda dilag do oh ii dim lamidpig, amu ele kudum udieg, Jesus amu nuhikud ipunitak awak danab ele e lapig. Adinu? Ag kudum ag Jesus dim lamidpig. ¹⁶Aria ag e lanan daaegeg, do mehuqak danab amu do gumak danab-Parasia ele ag anadna, Jesusnu ipunitak awak danab od madapig. “Adinu Jesus Nug takis awak danab, hipunin danab amu danab ag ihinig do oh ii dim lamidteb ele amu, Nug ag ele oh daanna, e lanana, le ele lateb?” aon apig.

¹⁷Aon aeg amu Jesus Nug doya, amelagpa aum. “Danab ode iita, nug dokta topa ii goṭe. Iita, danab nug ode ele nug goṭe. Amubia amu da hepi, danab kobol tutuku enaib heteḱele, ag oolag

edukunu ii uđimi. Iiđa da hepi, danab kobol tutuku ena ii heteb ag oolag edukunu uđimi,” awa aum.

DANAB AG JESUS E OH KUD MENA DAAGLAGNU OD MEDAPIG

¹⁸ Aria Layatak Johannesnu ipunitak awak danab amu do gumak danab-Parasia, ahilag ipunitak awak danab ele ag ded kudum e oh lanaknu kud mena daadtapig. Ag anam daaegeg amu ded laa danab laala ag Jesus topa gona, Nug od medapig. “Adinu Johannesnu ipunitak awak danab amu do gumak danab-Parasia, ahilag ipunitak awak danab ele ag hanhan e oh lanaknu amu kud men daateb amge nahip ipunitak awak danab ag anam ii heteb?” aon apig. ¹⁹ Ag Jesus od anam medapig amu Jesus Nug aum. “Da am danab nug ah aote bia. Aria dahil ipunitak awak danab amu ag am da lailad. Amu ig dootem, nug awak haen amu oo gamag ahak ele amunu danab nug ah aote amu, nug laikud ele ag ug doonna, e oh lanaknu kud mena daaglagnu amu iita. Ag oolag gamag ahak ele amunu ag e ii uumna, ag lakulag. ²⁰ Anam aaku daate amge ded laa dimpa ag lailag ah awom ele amu, nug laih ukeb amu haen amupa ag oolag ug ele amunu ag e oh lanaknu kud mena daaglag. Amu da ami. Da am danab ah aote bia. Dahil ipunitak awak danab ag am da lailad bia. Da gemu ag ele daatem amunu ag e oh lanaknu kud mena daaglagnu elele iita. Dimpa da gopi, ag anam hekulag,” awa aum.

²¹ Nug anam anana amu Nug nai tudita aum. “Danab nug lamem qati bau awa, lamem alagnu gidu amupa tona ii koit-te. Iiđa! Nug anam helo amu dimpa nug lamem iheb, lamem bau nug edua, nakok epa, lamem alag eedeb, patideb, gidu okai ele daaku,” awa aum. ²² Anam anana amu Nug nai keeke amunu baula inam aum. “Laa ele amu danab nug grep

lepu bau le itaknu dod gada alagpa ii inate. Nug anam helo amu grep lepu nug edua, wain baaba, titida heeb, dod gada alag nug gagatag epom, okai mekunu elele iita amunu nug aodeb, wain amu dod gada ele oh iita mekulah. Ag anam ii heteb. Grep lepu bau amu le itaknu dod gada baupa inaglagnuib daate,” awa aum.

JESUS NUG METIDNU OKAI DAATE

²³ Aria ded laa Metidpa Jesus nuhikud ipunitak awak danab ele ag ibpa wit dad laa oopa gonana, danab tuelp ag wit aeg laala aon lapig. ²⁴ Anam heegeg amu do gumak danab-Parasia ag Jesus od medapig. “Do nug danab laa Metidpa e datanu ii aoma ipunigte amunu adinu nahipad ipunitak awak danab ag Juda dilag Metidnu do amu tipalna, e aon lateb?” aon apig. ²⁵⁻²⁶ Ag anam od metaeg amu Jesus Nug amelagpa aum. “Ag Dawitnu nai nakok laa iite eb qepig? Haen amupa Abiata nug mana metak danab dilag iki dayeye, Dawit nug laikud ele ibpa oiyegeg, enug aqeqe, ag gona, Abiata dayompa tena, Dawit nug Kayak laug oopa noa, bret hag ele, mana metaknu danab agib lakulagnu elele, amu awa lanana, nug laikud ele mate, oh lapig.

²⁷ Amunu ag dooglag. Metid ded nug anuqak ii daate. Iiđa, danab nug Metid ded edita anuqak daate. Da danab edaten gumadtem ²⁸ amunu da Metid ded ele gumatem,” awa aum.

3 Ded laa Metidpa Jesus Nug Juda dilag nai doyak laka noa, danab laa nug epeg nau, mauha ebehitak ele, apa dayeye antom. ² Do gumak danab-Parasia ag ele apa daanna, Jesus Nug adi heeb anidkulagnu meidpig. Nug Metidpa danab epeg nau ele ehaniteb, elele dayeb amu ag Jesus hetodiak abenpa mekulagnu oolag dayom. ³ Anam daaegeg, Nug danab epeg nau ele ameg-

pa aum. “Na ahan, gamagpa hipaidna daye!” awa aum. ⁴Nug anam a amu danab nug hibaita dayeye, Jesus Nug do gumak danab-Parasia od maom. “Do ihinig adi ate? Ig Metidpa ena hekunig am enatai o iita ig Metidpa ehed hekunig am enatai? Ig heput danab mauhku amuam enatai o iita ig heput, danab laa nug mauhkunu hete ele amu nug elele daaku amuam enatai?” awa aum. Nug anam od mate amu do gumak danab-Parasia ag Jesusnu od mak amunu nob mekulagnu oolag ii dayom amunu ag to etan, hamu daapig. ⁵Ag to etan daaegeg, Jesus Nug neeka anaowa, ag oo doyak iita, ag danab ehanidkulagnu oolag ii dayom amunu Nug opodi be, oopa guitak doyaya, Nug danab epeg nau ele amegpa aum. “Na epen tai ete!” awa aum. Jesus Nug anam a amu danab amu nug epeg tai ete, epeg edua, laih bia, ena dayom. ⁶Jesus anam heum amunu do gumak danab-Parasia ag ahan ukaeg, Herodes laikud ele qag mena, Jesus qekulagnu ib madipig.

DANAB KUḌUMNAB JESUS DIM LAMIDPIG

⁷Jesus Nug anam he amu Nug nuhikud ipunitak awak danab ele ag ahan, ab amu uun, Galelia le amegpa ukaegeg, ⁸Galelianu danab, Judanu danab, Idumianu danab, Jodan le laihpan danab, Jerusalemnu danab, Taianu danab amu Saidonnu danab ele, ag oh Jesus kobol hetom doopig amunu ag Nug anidkulagnu dim lamidna gopig. ⁹Ag kudumnab gopig amunu Jesus Nug nuhikud ipunitak awak danab amelagpa aum. “Danab kudum qataetak daana, hautidmananu amu ag ub nakok aon dopeg, kobol anam beeb amu da ubpa tekul,” awa aum. ¹⁰Adinu danab ag Jesus hautkulagnu hepig? Jesus Nug ode danab kudum bapalatom amunu ded amupa ele ode danab kudum danab

ah oolagpa daanna, Jesus gumidna wana, Nug beḏu adaglagnu wagai mepig. ¹¹Amu danab laala ag oudi nau ele ag Nug aniteg, oudi nau ag heegeg, ag Jesus noobpa nena qena, wanpa niiegeg, oudi nau danab beḏulagpa daapig ele amu, ag epig. “Na Kayak Beḓa,” aon apig. ¹²Anam aeg amu Jesus Nug am Kayak Beḓa amu ag amunu miag atiak ii amananu, do gagatag maom.

JESUS NUG IPUNITAK DANAB TUELP TITUANATOM

¹³Ded laa Jesus Nug qaukopa ta, nuhikud ipunitak awak danab diikunu oo dayom ele amu, Nug ag onilagpa e, ag Nug gumidna gopig. ¹⁴Nug danab tuelp Nug ele daaglagnu tituanata, Nug aum. “Da ag maadpi, ag gona, nai ena dahil mehuqkulagnu tituanadmi. ¹⁵Laa ele, da oudi nau lamadkulagnu gagatag ele madaḓul,” awa aum. ¹⁶Nug danab tuelp tituanatom amu ag onilag am inam. Tatam am Simon amu Jesus nug onig laa Petrus ataom. ¹⁷Adit laa amu Sebedi bekoḓ Jakobus Johanes ele. Jesus Nug a onilah laa Boanesis ataom. Onig amu nuhig meu amu, “Haḓad bekoḓ.” ¹⁸Laa oh onilag am Andreus, Pilipus, Batolomiu, Mateus, Tomas, Alpias beḓa Jakobus, Taidius, Simon, nug am Selot, ¹⁹amu Judas Iskariot ele. Nug am Jesus keked epelagpa meum.

²⁰Aaku Jesus Nug edua laḓa uḓa dayeye, danab ah kudumnab ele qag mepig. Qag mena daaegeg amu Jesus Nug udat haaha, e nakok laa awa, lakunu haen elele iita. ²¹Anam dayeye, Nug anig amaḓud ele ag amu doona, ag ahan, Nug omalna gokulagnu udipig. Adinu? “Nug kaaka qeum,” aon apig. ²²Ag anam aegeg amu Juda dilag mehuqak danab ag matu Jerusalemnu nepig amu ag Nug heumnu inam apig. “Amu Belsebub, nug am oudi nau ikilag, nug danab imu

bedupa daate. Daate amunu Nug gagatag amupa oudi nau lamadte,” aon apig. ²³ Ag anam aeg amu Jesus Nug he, ag gumidna doeg, Nug keeke danab ag dooteb ii dooteb ele ou aqata, ipuanata nai amupa amelagpa inam aum. “Satan nug atemun Satan lamidkunu elele? ²⁴ Wan laipupan danab ag ahan opatna, ameg adit bena, nug qekulag amu wan amu nug ena ii daama. ²⁵ O ab iki laa ele anam. Ag opatna, ameg adit bena, nug qekulag amu ab iki amu nug na qeku. ²⁶ Aria Satan ele anam. Nug laikud ele ag opatna, laih laih daanna, ban heteb dayeb amu ag daaglagnu elele iita. Ag iita mekulagnu daateb. ²⁷ Danab nug danab gagatag ele, nug laugpa hamu noa keeke laa ii aote. Nug tatam danab gagatag ele mudipa hipalowa, nug danab amu laugpa noa, keeke yab aoku. Amubia da Satan editak daatem amunu da nuhikud daup lamadkulnu elele daatem,” awa aum. ²⁸ Jesus Nug anam anana amu Nug nai baula tudita aum. “Da genab ag amelagpa atem. Kayak Nug ahilag hipunin, amu nuhignu amu nuhig keekenu ele dabiata awa awa qetak nai ahilag oh ele amu Kayak Nug uhuqa madaku ²⁹ amge laa nug Kayak Oudi dabiata, awa awa qeteb amu Kayak Nug hipunin amu uhuqa ii metama. Hipunin amu iita ii mema, hanhan daaku,” awa aum. ³⁰ Ag, “Jesus Nug oudi nau ele,” apig amunu ag Kayak Oudinu anam amananu, Jesus Nug anam amelagpa aum.

JESUS BAEKUDPA NUG ANIDKULAGNU UDIPIG

³¹ Jesus Nug anam anan dayeye amu Nug anig amakud ele udina, dimitim daana, Jesus gumata dokunu danab laa amegpa aeg, nug danab daapig ele amu, ag amelagpa aum. ³² Danab ah kudumnab ag Jesus talilidna daanna, nai amu doona, Jesus amegpa apig. “Na anin

amapad ele na anidkulagnu udin, dimitim daateb,” aon apig. ³³ Aon aeg amu Nug aum. “Da anil amalad ele am aun adi?” awa aum. ³⁴ Nug anam anana amu Nug neeka oiyaya, ag talilidna daapig amu anata, Nug aum. “Anteg! Imu amu da anil amalad ele. ³⁵ Danab laa nug Kayaknu dab mak dim lamidte amu nug am da anil, amal, apinal ele,” awa aum.

E EPAKNU NAI

4 Aria Jesus Nug Galelia le ameg ihipa mehuqak udag dig meum. Dig me amu danab ah kudumnab udin qag mepig amunu Jesus Nug ubpa teum. Nug te, danab ah ag le ihipa daaegeg, ² Jesus Nug keeke danab ag dooteb ii dooteb ele ou aqata, ipuanata, nai amubia kudumpa mehuqaqa, inam matiom. ³ “Ag nai imu doona maidkulag. E epak danab nug e hadag ebakunu aha, ⁴ data uka oiyaya, e hadag taodom. Nug taoda ugeke, hadag laala amu danab ib oitebpa nena qena niiegeg, ai ag udin, hadag amu lapig. ⁵ E hadag laala ag wan men duqe ukak amupa nena qepig amu wan unuqag iita amunu pahanab bepig ⁶ amge aam na qe, ag didilag wan opanab ii noum amunu bunadpig. ⁷ Aria e hadag laala ag wan mudu qaun elepa nena qeeg, mudu qaun ba, nadi ma, teguate, bunadna, meu ii opig. ⁸ E hadag laala ag wan enapa nena qena, ena bena, meu opig. Hadag laipu laa beum amu nug aeg tieti oom, laa am siksti oom amu laa am wan handat oom.” Jesus Nug anam aum.

⁹ Nug anam anana Nug baula ele aum, “Danab nug daug ele dayeb amu nug doyad!”

¹⁰ Jesus Nug anam a amu dimpa Nug amu nuhikud ipunitak awak danab tuelp amu nug laikud laala ele ag aka daanna, ag Jesus nai aum amunu od medapig.

¹¹ Od metaeg amu Jesus Nug aum. “Ag am Kayaknu do madodnu keeke diig

lo_kumak amu dooglagnu ma_tom amunu ag doo_teb amge danab laala, ag dahil nai dim ii lamid_teb, ag nai danab nug keeke danab ag doo_teb ii doo_teb ele ou aqata, ipuanad_te, nai amupaib anid_teb ¹² amunu Jesaia nai yom, nai amu elele meda_te. Nai am inam. ‘Ag neeg_teb amu ag diig tutu_ku ii anid_teb. Ag nai daulagpa doo_teb amu ag diig a_temun tutu_ku ii doo_teb. Ag doyaknu uu_teb. Ag anam ii helob, ag nai dahil doona, ag oolag e_dueb, Kayak Nug ahilag hipunin uhuqa ma_talo,” awa aum. ¹³ Jesus Nug anam anana amu Nug Nai baula tu_di_ta aum. “Da keeke danab ag doo_teb ii doo_teb ele ou aqaten ipuanat_ne ami amu, nai amuam ug i_ita amge ag meunab nuhig ii doo_pig amunu dimpa da nai amubia amge gaga_tag ele madi_pi, ag a_tem oolag maid_ku? ¹⁴ Danab nug Kayak nai mehu_qte amu nug am danab e eb_te bia. ¹⁵ Hadag laala ibpa nena qepig ele amu, nai amu inam ipunig_te. Danab laala ag nai doo_teb amge Satan nug paha ag oolagpa noa he, Kayak nai i_ita me_te. ¹⁶ Amu e hadag men duqe u_kakpa nena qepig ele amu, nai amu inam ipunig_te. Danab laa ag nai doon, oolag gamag ahehe, pahanab aote_b ¹⁷ amge ahilag oopa genab doyak am gaga_tag i_ita, haen tutunuib amunu ded_l laa ag dahil nai dim lamid_teb, diig amunu ug laa be_te, o danab laala ag heeg, qaga_tak doo_teb amu ag pahanab ahilag oopa genab doyak pada_teb. ¹⁸ E hadag wan mu_di qaun elepa nena qepig ele amu, nai amu inam ipunig_te. Danab amu ag nai doo_teb ¹⁹ amge ag wan imupan ug laala, amu enub awak u_dat amu ameg qak kobol ele, keeke amu oh ag oolagpa he, Kayak nai i_ita ma, meu ii o_te. ²⁰ Aria e hadag wan enapa nena qepig ele amu, nai amu inam ipunig_te. Danab laa ag nai doonna, aon oolagpa meteb amu ag meu ena o_teb, laa tieti, laa siksti, laa handat, anam o_teb,” awa aum.

AMAH_LAKNU NAI

²¹ Aria Jesus Nug nai imu ele ma_tiom. “Danab laa nug lam amota, tapi_d o_kai waapa o i_ita balal waapa me_tete? I_ita! Nug amota, a_tan me e_te. ²² Amubia gemu keeke laa lo_kumak daa_teb amge dimpa miag atiglag. Keeke oh danab ag lo_kumpig daa_teb amu dimpa ag miag atipe_g, danab oh anid_kulag. ²³ Danab nug daug ele dayeb amu nug doya_d!” awa aum.

²⁴ Aria Jesus Nug baula aum. “Ag doyeg! Ag lail_kad dilagnu kobol tutu_ku o kobol ehedpa epediad_kulag amu Kayak Nug ele melemel amupa ag he_todia_ta, baula ele tu_di_dku. ²⁵ Danab laa nug Kayak nai ada_te ele amu dimpa Kayak Nug baula ele tu_di_ta, nug medaku amge danab laa nug Kayak nai laa ii ada_te aria nug nakok hamu a_dom amu Kayak Nug amu e_dua ad_idku,” awa aum.

KAYAKNU DO MADOD A_TEM DAA_KU

²⁶ Jesus Nug nai amu ma_tiowa, Nug Kayaknu do ma_dod a_tem daa_kunu amu inam ma_tiom. “Kayaknu do ma_dod amuam danab nug e wanpa eb_te bia. ²⁷ Nug epowa amu nug tuqanpa niiaya, amunpa nug u_dat laala haaha oiye_ye amu e nug ba, o_kai me_te. O_kai me_te amge danab nug e amu a_tem ba o_kai me_te nug ii doo_te. ²⁸ Nug u_dat laa hee_he, wan nug nu_ka e i_tag mede_te, e amu be_te. Tatam am u_dug, dimpa hadag qe_te amu dimpa nug meu o_te. ²⁹ Aria meu wa o_due, meu awak haen aa_ku doum amunu danab nug meu aote,” awa aum.

³⁰ Nug anam anana amu Nug nai tu_di_ta aum. “Ig Kayaknu do ma_dod am adi bia daa_te a_kunig. Ig nug am keeke adi laa ele ou aqat-ta, nug diig tutu_ku anid_kunig? Am inam. ³¹ Kayaknu do ma_dod am ad mastet aeg epaeg be_te amubia. Mastet aeg nug am e laa aeg bia i_ita. Nug aeg nakoknab amge danab nug

wanpa ebte, nug bete. ³²Nug ba, okai ma, dad opanu e laa oh edadte. Edata, epeg ele okai daaegeg, ai laala ag nug logopa daateb,” awa aum.

³³Haen oh Jesus Nug keeke danab ag dooteb ii dooteb ele ou aqata ipuanata, ag amelagpa matiom. Keeke ag doodpig ele amupa Nug nai elele tuditom. ³⁴Nug nai amubia aakuib matiom amu Nug nuhikud ipunitak awak danab ele ag haen laala akaib daanna, Nug nuhig nai oh amu diig mehuqom.

JESUS NUG HE, KODKOD QAK IITA MEUM

³⁵Ded amu tueb me, aam noono Jesus Nug nuhikud ipunitak awak danab amelagpa aum. “Ig ahat, Galelia le ameg mataqta, laih gokunig,” awa aum.

³⁶Awa a amu ag ahan, danab ah kudum uuadna, ub nakok, Nug ub amupa dayom ele amu, ub amupa ukaegeg, ub naunau laala ele oh gopig. ³⁷Ag ukaegeg, ulah okainab heeche, le ameg nug kodkod huan qa, ub oopa noa, am bekunu heum. ³⁸Le anam heeche amu Jesus Nug ub bitobpa udunpa nieye, nuhikud ipunitak awak danab ag Nug mad etan apig. “Ipunikak ihinig, ig mauhkunignu hetem, amu na amunu dab iite metem?” aon apig. ³⁹Ag anam aeg amu Jesus Nug aha, ulah amegpa nug anam hemanu anana, le amegpa, “Na uuna, to etan daye!” awa aum. Nug anam a amu ulah nug iita me, le ele to eta, manin niom. ⁴⁰Nug anam ha amu Nug nuhikud ipunitak awak danab amelagpa aum. “Adinu ag badaateb? Ag oolagpa genab iite dooteb?” awa aum. ⁴¹Nug anam a, nuhikud ipunitak awak danab ag nuhignu enanag doon, oolag ele otaie, ag aka aka apig. “Ulah le ele amu a ele danab imunu nai dim lamidtep amunu am atemun? Nug am aun?” aon apig.

JESUS NUG HE, DANAB OUDI NAU ELE ENA DAYOM

5 Aria ag gona, Galelia le ameg laih Gerasa wanpa eedpig. ²Eedna amu ag ub uun, wanpa noegeg, danab laa, nug oudi nau ele, matmatpanu Jesus gumita udiom. ³Nug hanhan matmatpa dayaya oitom amu ag danab amu mudipa o senpa ele qakaglagnu elele iita. ⁴Ag haen kudum qagapig amge nug haen oh wagai ma, sen pakua, baegpan adaknu keeke ele he aodtom. Danab laa nug danab amu adakunu elele iita. ⁵Nug anam haaha, tuqan amun ele nug matmatpa oitom, qaukopa ele oiyaya gaatom. Nug nukā bedu menpa ele tuqatom.

⁶Anam daatom amunu haen amupa nug nakok uma dayaya, Jesus anta, nug Jesus gumita gokunu qaibaq uka, Jesus noobpa gateg qaun oum. ⁷⁻⁸Nug gateg qaun o amu Jesus Nug oudi nau, danab amupa dayom ele amu, nug amegpa, “Danab amu uuidna uke!” awa aum. Nug anam aum amunu danab amu nug ewa aum. “Jesus, na Kayak atannunab beka. Na da atem heidkutnu hetem? Kayak onigpa da na amenpa gagatag atem. Na da guitak aib medame!” awa aum. ⁹Aria Jesus Nug oudi nau od metom. “Na onin aun?” Od mete amu oudi nau nug aum. “Ig am kudumnab amunu da onil, ‘Daup kudum,’” awa aum. ¹⁰Aum amunu oudi nau amu nug Jesus amegpa, “Ig wan imu uut gokunignu aib ame,” ii daye daye unuqitom.

¹¹Nug anam aawo, bo kudumnab qaukopa ameg laipu daanna, e laegeg, ¹²amu oudi nau ag Jesus unuqidna apig. “Ig lamigkutnu dayeb amu lamigpe, bo bedulagpa notu!” aon apig. ¹³Ag anam aeg amu Jesus Nug, “Anam heig!” awa a, ag danab amu uun gona, bo bedulagpa nopig. Noeg amu bo ag oolna, huana gona, aben oola noakpa Galelia le ameg-

pa nona, le lanana mauhpig. Bo amu, ahilag eb qak am 2000 anam.

¹⁴ Ag mauheg amu bo gumatak danab ag ahan gona, ab okai amu nuhig wan taliliak ele amupa keeke adi anidpig amu aeg doopig. Doona amu ag keeke amu anidkulagnu ahan gopig. ¹⁵ Ag gona, Jesus gumidna tena, ag danab amu dayeye anidpig. Nug hanhan oudi nau ele dayom amge haen amupa nug lamema, dab mak ena ele to eta dayom. Anam dayeye anidna, ag badapig. ¹⁶ Aria danab ag Jesus Nug danab oudi nau ele nuhignu aem heum amu anidpig ele amu, ag amunu matinna, bonu ele madipig. ¹⁷ Matieg, ag doona amu ag Jesus Nug ahilag wanpanu aha, laih gokunu apig.

¹⁸ Ag anam apig amunu Jesus Nug ubpa teete, danab oudi nau uuidpig ele amu, nug Jesus ele oh gokulahnu ii daye daye od metom. ¹⁹ Nug od metom amge Jesus Nug aum. "Iita, na edun, baenadpa gumadna gona, Nadi nahipnu oo doye amu nahippa adi heum ele amunu ape, doyeg!" awa aum. ²⁰ Jesus anam aum amunu danab amu nug edua uka, Dekapolis apa ta, Jesus adi nuhigpa heum amu amelagpa matieye, ag nuhig nai doona, ag dab mak kudum aopig.

JESUS NUG AH LAA NID AHIN ELE EHANATOM

²¹ Aria Jesus Nug ubpa ta, Galelia le ameg matada, le laih waum. Wana, le ihipa dayeye, danab ah kudumnab gumidna gopig. ²² Ag anam daaegeg amu Juda dilag nai doyak lagnu iki danab laa onig Jairas, nug Jesus gumita uka, gateg qaun wa, ²³ nug Jesus unuqita aum. "Nid ahin dahil nug mauhkun hete amunu na gona, epenpa adape, ena daakunu od medatem," awa aum. ²⁴ Nug anam a amu Jesus nug ele oh ukaehheh, danab ah laala kudumnab ag Jesus haputna, qataetan daaegeg gopig.

²⁵ Amu ah laa apa dayom ele amu nug kalam qak ode mad tuelp oopa haen oh anidtom. Iita ii metom. ²⁶ Nug dokta kudum gumata uka, men dodo oh nuhig hamu matom amge dokta ag nug ii ehaniteg, ode nuhig uka uka, okai meum aakuib. ²⁷⁻²⁸ Nug anam dayaya amu nug, "Jesus ode danab kudum bapalate, ena daateb," naipulag amu doya, nug nuhig dab makpa, "Da lamema nuhigib nakok adakul amu da ena daakul," aum amunu nug danab ah Jesus ele gopig amu ag oolagpa Jesus dimugpa gonana, Jesus gumita wana, lamema nakok adom. ²⁹ Ade amu nuhig ode laipun iita me, nug amu doye, ³⁰ Jesus Nug nuhig gagatag laa uke doya, Nug edua od matom. "Aun dahil lamema adom?" awa aum. ³¹ Nug anam a amu nuhikud ipunitak awak danab ag Nug amegpa apig. "Danab ah ameg nadi talilidna daateb amunu adinu na, 'Aun adailom?' aon aem," aon apig. ³² Ag anam aeg amge Jesus Nug ahilag nainu dab ii metom. Iita, Nug neeka, aun heum amu anidkunu neekata dayom. ³³ Dayeye amu ah nug, "Da nuhig lamema adami amunu Nug dahilnu ate," dab makpa anana, nug bada hahadada, Jesus noobpa wana, gateg qaun wa, keeke oh nuhigpa beum amunu oh miag Jesus amegpa aum. ³⁴ Nug anam a amu Jesus Nug aum. "O adel, na ootpa genab doome amunu na ena daatem. Ode nahip male, na ena daatem. Na madod ele uke!" awa aum.

³⁵ Jesus Nug anam matiaya dayeye, danab laala ag iki danab Jairas, amu nug laugpanu udin, Jairas amegpa apig. "Na aden mauhom amunu na ipunitak danab imu udat baula aib metame," aon apig. ³⁶ Ag nug amegpa aegeg, Jesus Nug nai amu daugpa doya, Nug Jairas amegpa aum. "Na aib badame! Na ootpa genab doye!" awa aum.

³⁷ Nug anam anana amu Nug danab ah laa oh amu nuhikud ipunitak awak

danab ele ag dim lamidmananu, “Aib,” aum. Amu oh oolagpanu nuhikud ipunitak awak danab ewam, Petrus, Jakobus amu Johannes ele aakuib Jesus ele Jairas laugpa gopig. Jakobus Johannes ele, a am eamag. ³⁸Ag gona, nug laugpa tenana, Jesus Nug qanak baag okai ahilag doyaya, mahitak kobol laala ele heegeg antom. ³⁹Nug anam anta, lag oopa noa amu ag amelagpa aum. “Adinu ag inam henan gaateb? Nid ahin imu nug ii mauhom, nug niite,” awa aum.

⁴⁰Nug anam aum amunu ag Nug imidpig amge Nug ag oh lamate, dimitim noeg, Nug nid ahin mameg, anig ele nuhikud ipunitak awak danab ewam ele ag aakuib diiate, nid ahin niompa nopig. ⁴¹Ag nona, Jesus Nug nid ahin epeg ada, ag nailagpa aum. “Talita kumi.” Nai amu diig am inam. “Da atem, nid ahin, na ahe!” ⁴²Jesus Nug anam a amu nid ahin nug pahanab aha oiyeye, danab ah ag nid ahin anidna, ag huanak otaina, dab mak kudum aopig. Nug am mad tuelp ele. ⁴³Aria Jesus anam hewowa amu Nug ag danab laala amelagpa amananu, “Aib,” anana, ag nid ahin e metaglagnu ele aum.

PROPET NUG AB DIIGPA ONIG IITA

6 Anam hewowa, ded laa Jesus Nug apag diigpa gokunu ahe, nuhikud ipunitak awak danab ele ag oh gopig. ²Ag gona tena daanna, Metidpa Nug Juda dilag nai doyak laka ta, Kayaknu nai ipuanatom. Ipuanate amu danab ag doona, dab mak kudum aona apig. “Danab imu am atemun? Aun danab imu doyak imu oh metom? Nug atem ha udat laala danab haknu elele iita ele hete? ³Nug am lag hak danab! Ig dootem, nug am Maria beka. Nug amakud am Jakobus, Joses, Judas, Simon ele. Amu

nug apinkud amu ag ig ele iite daatem?” aon apig. Ag anam anana amu ag Jesus ele oolag laipu ii dayom.

⁴Ag oolag laipu ii dayom amunu Jesus Nug ag amelagpa aum. “Propet nug ab ohpa onig ele amge nug apag diigpa, nug tiilag laipu ele oolagpa amu nug laugpa ele amu nug onig iita,” awa aum. ⁵Ag nuhignu oolagpa genab ii doopig amunu apa Nug ode danab kudum ii bapalatom, laipu laipuib. ⁶Ag oolagpa genab ii doopig amunu Nug dab mak kudum awa, Nug ab amupanu aha, ab laalapa uka, Kayak nai mehuqom.

JESUS HE, IPUNITAK AWAK DANAB TUELP AG UDATPA GOPIG

⁷Nug anam oiyaya amu Nug nuhikud ipunitak awak danab tuelp onilagpa e udieg, Nug adit adit maate, ag ab laalapa gokulagnu daaegeg amu Jesus Nug ag oudi nau lamadkulagnu gagatag mata, ⁸Nug ag amelagpa aum. “Ag hokat dud qaknu amu adaglagnu elele amge bret, batam, men dodo ele amuam aib aopig. ⁹Ag baelag gada lamen ele amu mekulag amge lamen adit amu aib mepig,” awa aum. ¹⁰Nug anam anana amu Nug nai baula tudita aum. “Ag gona, ab laapa danab laa laugpa tena, ag lag amupaib daanna, ukaknu haen beeb, ab amupanu ahan ukeg! ¹¹Amge ded laa ag ab laapa tepeg, ab amupan danab ag diin, laka ii maadna, nai ahilag ele ii doopeg amu ag ahan, ab amu uunna, ag ab amupan danab ag ehed hepig dooglagnu, ag baelagpanu gapud qeqalpeg nad!” awa aum. ¹²Nug anam aum amunu ag ahan gona, nai mehuqnana, danab ah oh ag hipuninnu oolag edukunu apig. ¹³Anam henana amu ag oudi nau ele lamadnana, ode danab ag Kayaknu dab mekulagnu, ipunitak awak danab ag olipnu goden layadna unuqiteg, bedulag ena dayom.

HERODES ANTIPAS NUG LAYATAK JOHANES BAG OTADOM

¹⁴ Amu Jesus Nug udat heeche, udatnu nai wan amu oh tone, king Herodes Antipas doyom. Doyeye, danab laala ag Jesusnu udat amu anidna doona ag, "Layatak Johanes mauhowa, nug edua hibaita oite amunu gagatag okai okai nuhigpa bete," apig. ¹⁵ Ag anam apig amge laala ag, "Nug am Elias," aegge, laala ag, "Nug am propet, anuka propet daapig, amubia," aon apig. ¹⁶ Laa ag anam apig amge Herodes Antipas nug anam doya, nug aum. "Imu am genab Layatak Johanes. Da nug baag otadmi amge Kayak Nug he, nug edua hibaitom," awa aum.

¹⁷⁻¹⁸ Amu Layatak Johanes nug mani guitakpa ii dayom haenpa amu Herodes Antipas nug awag Pilip, nug wau Herodias adita awom. Awe amu Layatak Johanes nug Herodes Antipas amegpa, "Na awan wau aome, amupa na do tipalme, kobol amuam ena iita," awa aum amunu Herodes Antipas nug a, nuhikud daup danab ag gona, Johanes epeg hipalna, aon gona, mani guitakpa mepig. ¹⁹ Johanes aum, diig amunu ele Herodes Antipas wau Herodias nug oo aeg be, nug Johanes qeeb mauhkunu heum amge elele iita. ²⁰ Adinu? Herodes Antipas nug doyom, Johanes am Kayak noobpa danab tutuku, oiyak nuhig am ena amunu Herodes Antipas nug heeb mauhmanu bada, atog noum. Amu ded laala Herodes Antipas nug Johanes nai madikunu onigpa e udia, nai matie amu Herodes Antipas nug Johannesnu nai amunu dab mak kudum awom amge nug nai amu dookunu oo ele dayom.

²¹ Aria ag anam daanna, ded laa Herodias nug Johanes qekunu ib antom. Ded amupa Herodes Antipas nug nuhig men-uak ded be, nug gabmannu iki danab amu daup iki danab amu Galeliano

danab okai laala ele, ag nuhig men-uak ded amunu gamag ahak hekulagnu hobul heum. ²² Haen amupa ag Herodes Antipasnu hobulpa daaegge, Herodias adeg, lag oo amu oopa noa, ahi godege, Herodes Antipas adi ag nug anidna, ag itag aqe, Herodes Antipas nug aha, nug nid ahin amu amegpa nai gagatag qeta, inam aum. "Na adin oot hete? Na keeke laa aokutnu oot dayeb am da na medakul. ²³ Na keeke dahil imu oh laih aokutnu oot dayeb amu da gamagpa opatpi, laih na aokut," awa aum. ²⁴ Nug anam a amu nid ahin nug aha, dimitim uka, nug keeke adi aokunu amu Herodes Antipas amegpa akunu anig od metom. Od mete amu anig nug aum. "Na Layatak Johanes iki medakunu ape doya!" awa aum. ²⁵ Nug anam a amu nid ahin nug paha edua uka, Herodes Antipas amegpa aum. "Na geha iikunab Layatak Johanes baag otadna, iki tapidpa mena, medakutnu ool daate," awa aum.

²⁶ Nid ahin nug anam a amu Herodes Antipas nug oo ug okainab ele dayom amge nug tatam nai gagatag qeta aawo, do danab ag nug ele daapig amu ag ele nai amu doopig ²⁷ amunu nug paha nuhig daup laa amegpa, "Na gona, Johanes baag otadna, na nug iki aon do!" awa aum. Nug anam a, nuhig daup danab mani guitakpa uka, Johanes baag otada, ²⁸ nug iki tapidpa ma, awa udia, nid ahin mete, nug anig metom. ²⁹ Ag anam heeg amu Johannesnu ipunitak awak danab ag doon gona, Johanes gada aon gona boompig.

JESUS NUG DANAB 5000 E MATOM

³⁰ Aria Jesusnu ipunitak awak danab ag edun udieg, ag Jesus ele qag mena, ag udat hepignu amu nai ipuanadpignu ele Jesus amegpa apig. ³¹ Apa daaegge, danab ah kudum ag ukak udiak heegge, Jesus amu nuhikud ipunitak awak danab ele ag e lanaknu haen laa ii anid-

pig amunu Jesus Nug nuhikud ipunitak awak danab amelagpa aum. “Ahapeg gota, aben danab ii daatebpa amu ag apa hik nakok aweg!” awa aum.

³² Jesus anam a amu ag ubpa tena, atu laih danab ii daatebpa gopig. ³³ Ag anam gopig amge apan danab ag Jesus nuhikud ipunitak awak danab ele anadna doona, ag ab ohpanu ahan, baelagpa tatam anuqna gona, aben Jesus adi gokulagnu gopig amupa ag tatam tepig. ³⁴ Tena daaegeg amu Jesus Nug nuhikud ipunitak awak danab ele ag gona eedna, Jesus Nug danab ah kudum gona, aben amupa daaegeg anata, Nug ahilagnu oo doyom. Adinu? Ag am dod sipsip ag gumak danab ita, mauhnoak oiteb, amubia daapig. Nug oo doyak awa, Nug ag keeke kudum ipuanatom.

³⁵ Ipuanatete aam no, nuhikud ipunitak awak danab ag Jesus gumidna dona, amegpa apig. “Imu am aben danab ii daateb ele. Aam ele nokun hete. ³⁶ Amu danab ah imu ag e laa ita amunu na ape, ag ahan, danab laulagpa amu ab ab ele gona, e aon laig!” aon apig. ³⁷ Ag anam aeg amu Jesus Nug aum. “Ag e madapeg laig!” awa aum. Awa a amu ipunitak awak danab ag apig. “Ehe, Ig gota, bret 1000 kina keeke anampa daden mekunigte? Ig men dodo amubia itananab ita,” aon apig. ³⁸ Ag anam aeg amu Jesus Nug aum. “Ag epelagpa e gane daate. Gona anteg!” awa aum. Awa a amu ag gona, matin anidna, ag edun dona, amegpa apig. “Bret kunum tanig ele amu kakai adit ele daate,” aon apig.

³⁹ Ag anam aeg amu Jesus Nug ipunitak awak danab amelagpa aum. “Danab ah oh apeg doona, ag ameg ameg gikida enapa dayeg!” awa aum. ⁴⁰ Nug anam a amu ipunitak awak danab ag aeg, danab ah anam daapig. Ameg laala eb qak 100, ameg laala eb qak 50. Ag anam daaeg ukom. ⁴¹ Ag anam daaegeg amu Jesus Nug bret tanig

ele amu kakai adit ele diia ada, Nug hab atan neeka dayaya, unuqitom. Unuqitowa amu Nug bret, kakai ele pane ne, ipunitak awak danab ag aon panin mataglagnu mate, ag danab ah mataeg, ⁴² oh laeg, ag oolag ditie, ⁴³ e big dayom amu ipunitak awak danab ag aon, kalg tuelp inaeg am beum. ⁴⁴ Danab e lapig ele amu ahilag eb qak am 5000.

JESUS LE BADEPA OIYOM

⁴⁵ Ag e lana malaeg amu Jesus Nug nuhikud ipunitak awak danab amelagpa aum. “Da danab ah imu oh qatiglagnu abipi, ag ahan, ubpa tena, Galelia le ameg matadana, laih Betsaida ukeg!” awa aum. ⁴⁶ Nug anam a amu ag ahan ukaegeg, Jesus Nug danab ah amelagpa, “Enade ukeg,” awowa, Nug nuka amu unuqidkunu qaukopa teum. ⁴⁷ Ta dayeye, aam no, ipunitak awak danab ag ubpa, le ameg gamagpa ukaegeg, Jesus Nug nuka apa dayom. ⁴⁸ Anam dayeye amu ulah okai ub nob awe, edue laih goknu heehe amu ipunitak awak danab ag el qak udat okai heegeg, Jesus anatom. Anate, wagkadede butuanab Nug aha, le gada tapa, gumata uka, qe edata goknu ukom amge ipunitak awak danab ag ⁴⁹ Nug anam le gadapa ugeke, ag anidna, “Umuam dotog,” anana, badan, huan epig. ⁵⁰ Ag oh anidna, ehed badaeg, Jesus Nug ag amelagpa aum. “Ag gagatag dayeg! Imu daib, aib badapig,” awa aum. ⁵¹ Nug anam anana amu Nug ub atan oola te, ulah okai to etom. To ete amu ipunitak awak danab ag dab mak kudum aopig. ⁵² Adinu? Ag Jesus bretpa kobol heum amu ag oolag ii maitom. Ag oolag ituak dayom. Jesus Nug ag atog noadkunu elele ii doopig.

⁵³ Aria ag le ameg matadana, Genesaret eedna tepig. ⁵⁴ Eedna teeg, haen amupanab amu apan danab ag Jesus anidna amu ag Nug idu doona, ⁵⁵ ag

paha ab ohpa gona, aeg doona, ag ode danab diin, Jesus adepa dayom doona amu ag apa gumidna gopig.⁵⁶ Amu Jesus Nug ab ab oiyeeye, ag ode danab diin, ab gamagpa maadna, ag Jesusnu lamen daugib adaglagnu unuqidna apig. Unuqidna aeg amu ode danab oh ag Jesusnu lamen adapig ele amu, ag daaeg, ag bedulag ena dayom.

KAYAKNU DO AM DANABNU DO EDIDTE

7 Aria amu dimpa do gumak danab-Parasia amu do mehuqak danab ele ag Jerusalemnu ahan, Jesus gumidna gona,² Jesusnu ipunitak awak danab laala, ag Juda dilag do amupanab epelag ii ihapig, ag epelag hamu ihona, e lanan daaegeg anadpigi.³ Juda dilag do gumak danab-Parasia amu Juda danab laala ele ag epelag ii ihana, ag alalkad apig amubia, ag e ii lateb.⁴ O ag e odiak abenpanu edun, laka gona, ag haen amu ele ag epelag ii ihana amu ag e ii lateb. Ag do laala kudum amubia dim lamidteb, hai gokođ ihaknu, wa ihaknu, amu tapid ihaknu ele.

⁵ Anam hanhan hedapig amunu ag Jesusnu ipunitak awak danab epelag ii ihapig, e laeg anadna, ag Jesus amegpa apig. “Ipunitak awak danab nahipad ag epelag ii ihona, e lateb. Adinu ag alankad dilag kobol ii dim lamidteb?” aon apig.⁶ Ag anam aeg amu Jesus Nug ag amelagpa aum. “Anuka amu propet Jesaia nug ag ham bupuaq danab, ahilagnu tutuku yom. Nai amuam inam. ‘Danab imu ag odelagpaib da binal meteb. Ag oolag amu uuida pidenab daate.’⁷ Ag danab ah dilag do aakuib mehuqnana amu ag amunu, “Kayaknu do,” aon ateb amunu ag da hamu binal meteb.’⁸ Ag Kayaknu do uuidna, danab dilag do aakuib dim lamidteb,” awa aum.

⁹ Jesus Nug anam anana amu Nug nai baula tudita aum. “Ag ahilag dab mak dim lamidkulagnu, Kayaknu do tabapeg nekunu doon aotna aoteb.¹⁰ Imu ante! Moses nug aum. ‘Na anin mamen ele binalah mena, ahilah nai dim lamite!’ Amu nuhig nai laa ele am, ‘Danab nug Kayak onig diia, anig mameg ele a nob nau aoglahnu aku amu ag qepeg mauhad!’”¹¹ Moses nug anam aum amge ag inam ateb. ‘Danab laa nug moni laa anig mameg ehanatkunu ele amge nug a amelahpa, “Da moni imu Kayaknu tituanmi,” anana amu¹² nug anig mameg ele ii ehanatma.’¹³ Ag ag alalkad dilag donu anuqak doon dim lamidteb amupa ag heeg, Kayaknu do amu hamu bia daate. Ag keeke kudum amubia heteb,” awa aum.

¹⁴ Aria Jesus Nug baula danab ah kudum gumidna gokulagnu e, ag ukaeg, Nug amelagpa aum. “Ag nai dahil tutuku doon, dab metan aotna aweg!¹⁵ Keeke dimitimnu danab oopa note ele, keeke amu danab oo dubutid ii medte. Iita! Keeke danab dab makpa lokumak dayaya, odepanu dimitim bete, amuam danab oo he, dubutid medte.¹⁶ [Danab nug daug ele dayeb amu nug doyađ!” awa aum.]¹⁷ Nug anam anana amu Nug danab ah ele uuata, laka uke, nuhikud ipunitak awak danab ag nai amu, Nug nai amupa keeke danab ag dooteb ii dooteb ele ou aqata ipuanata matiom ele, nai amu diignu od medapig.¹⁸ Od metaeg amu Jesus Nug aum. “Ag am danab laala ag dab mak iita biate amunu ag nai amunu diig ii dooteb? Ag doyeg! Dimitimnu keeke nug danab oopa noa heeb, danab amu nug oo dubutid ele ii daama.¹⁹ Adinu? Danab nug e late amu e amu nug danab dab mak abenpa ii gote. Iita, nug danab biigpa uke, biie gote,” awa aum. Jesus Nug anam aum amunu ig dootem. E oh lanaknu am enaib.²⁰ Aria Jesus Nug anam anana

amu Nug nai baula tuđiṭa aum. “Ehed hak nau oh am danabnu dab makpa dig meṭe amunu keeke amu nug he, danab oo dubuṭid medṭe. ²¹ Genab kobol ehed imu oh danabnu dab makpanu beṭe, dab mak nau, gapai kobol diigdiig, yabhok kobol, danab qe mauhak kobol, ²² ameg qak kobol, oo nauha amya oiyak kobol, nai genab iṭa anak kobol, uḍa nak kobol, oo aeg bak kobol, danab laanu nai nau anak kobol, nuḵa binag mak kobol amu ham bupuak kobol kuḍum laa ele. ²³ Kobol amu oh danabnu dab makpa dig men bena heeg, danab nug hipunin he, oo dubuṭid ele daate,” awa aum.

WAN LAAPAN AH NUG JESUSNU OOPA GENAB DOYOM

²⁴ Aria dimpa Jesus nug aha uḵa, ab onig Taia heqopa, lag laapa ta, apa loḵuma daḵunu ha dayom. Amge danab laala ag Jesus uḍiom doopig amunu Jesus Nug loḵuma ii dayom. ²⁵ Loḵuma ii dayom amunu ah laa, nug adeg am ouḍi nau ele, nug Jesus apa dayom doya, nug paha gumiṭa uḵa, Jesus noobpa gateg qaun oom. ²⁶ Ah amu nug am Grik ah. Nug Panisia wan, Siria gumapig ele amupa dayom. Nug Jesus gumiṭa uḵa, Jesus Nug heeb, ouḍi nau nug adeg beḍupa dayom amu uuidḵunu ii daye daye oḍ meṭom. ²⁷ Ah nug anam a amu Jesus Nug aum. “Ig nid naunau dilag bret aot, qai maṭagnig am kobol ena iṭa amunu nid naunau ag tatam lapeg, oolag ditiad!” awa aum. ²⁸ Awa a amu ah nug aum. “O Nadi, ena aṭem ge nid naunau ag bret lanana heeg, bret hupu nakok balalpanu na qeṭe ele amu qai ag balal waapa daana laṭeb,” awa aum. ²⁹ Nug anam a amunu Jesus Nug ahnu oopa genab doyak oḵai ele anṭa, Nug aum. “Na ena ame! Na oot gamag ahebeb, lautpa uḵe! Oudi nau nug na aḍen uuiṭom,” awa aum. ³⁰ Jesus anam a amu ah nug eḍua laugpa uḵa, nug adeg bal-

alpa niieye anṭom. Oudi nau nug genab uuiṭa uḵom.

JESUS NUG DANAB OḌE, DAUG ELE ITUAK BABAITOM

³¹ Dimpa Jesus Nug Taia heqopa dayom apanu aha noa, Saidon gamappa noa uḵa, Dekapolis apa wana uḵa, le ameg Galelia apa noum. ³² Nug no amu danab laala ag danab daug ituak, nai elele ii maḍiṭe ele Jesus topa omalna gona, Jesus ehanidḵunu unuqidpig. ³³ Unuqiteg amu Jesus Nug nuḵa danab amu omala, piḍe wana, epeg doḍo danab daugpa me no, hunua, lemaḍu aḍom. ³⁴ Nug anam ha amu Nug hab aṭan neekeke, oo hik bopane, danab amegpa, “Epata,” aum. “Epata,” eḍuak am “Matulak daye!”. ³⁵ Jesus Nug anam a amu danab amu nug daug paha matule, lemaḍu ele ug iṭa me amu nug nai ena maṭiom. ³⁶ Aria Jesus Nug anam ha amu Nug aaḵu keeke amunu maṭimnanu ḍo gagataḡ meum. Meum amge ag amu dim ii lamidpig. Iṭa. Ag gona, amunu madipig. Nug heum, amunu amananu Nug baubau, “Aib,” aum amge ag amu dim ii lamidpig. Iṭa. Ag tuḍidna, huana Nug heumnu madipig. ³⁷ Ag Jesus heum anidna, ag huanak oṭaina, ag dab mak kuḍum aonna, ag apig. “Nug aḍi heṭe amu Nug enaib heṭe. Danab daulag ituak ele Nug he, ag nai dooṭeb amu danab oḍetup ele ag nai maḍiṭeb,” aon apig.

JESUS DANAB 4000 E MAṬOM

8 Aria ded laa danab ah kuḍumnab ag Jesus gumidna gopig. Ag gona daaegeg, e iṭa amunu Jesus Nug ipuniṭak awak danab onilagpa e doeg Nug aum. ² “Da danab ah imu dilag ool dooṭe. Ag dahilpa uḍieg, ig ded ewam imu aaḵu daamut. Ag e oh laaeg, iṭa me, gemu amu ag e iṭa. ³ Laala ag umanu uḍipig amunu da e ii maṭen hepi, ag enug aqebeg gonana, ib manpa ag amelag

qitineb, nena qekulag,” awa aum. ⁴Nug anam a amu nuhiḱud ipunitak awak danab ag apig. “Laih ipa amu danab ag ii daateb amunu ig bret adepa aognig?” aon apig. ⁵Ag anam aeg amu Jesus Nug oḱ matom. “Ag bret gane apa daate?” awa aum. Awa a amu apig. “Bret eblaih aḱit ele daate,” aon apig.

⁶Ag anam aeg amu Jesus Nug danab ah oh ag heḱep nena daaglagnu anana, Nug bret awa, bret amunu Kayak amegpa, “Ena hen meḱame,” awowa, Nug pana, nuhiḱud ipunitak awak danab paniglagnu mate, ag panipig. ⁷Kakai nakok laipu laipu ele dayom amunu Jesus Nug amunu ele Mameg amegpa unuqitowa, paniglagnu ipunitak awak danab ele matom. ⁸Ag panieg, danab ah oh laeg, ag oolag diḱie, e big dayom amu ipunitak awak danab ag aon inaeg amu kaleg eblaih aḱit am beum. ⁹Danab ah haen amupa e lapig ele amu eb qak ahilag 4000 anam. ¹⁰Ag e laeg, Jesus ag gokulagnu aum. Ag uḱaegeg, Jesus Nug nuhiḱud ipunitak awak danab ele ag ub aḱan tena, ab oḱai onig Dalmanuta gopig.

¹¹Jesus Nug uḱa te, ḱo gumak danab-Parasia laala ag Jesus aḱaglagnu ib anidḱulagnu ag Nug gumidna gona, ag Jesus Nug hab aḱannu eponak keeke, danab heḱunu elele iita laa heeb anidḱulagnu apig. ¹²Ag heḱunu aeg amu Jesus Nug nai amunu nuḱa gaḱa tuqak bia doya, Nug aum. “Aḱinu gemun danab ag da eponak keeke, danab heḱunu elele iita hepi anidḱulagnu oḱ medateb? Da gemu daateb imu amu ag anidḱulagnu uḱat amubia amu da laa ii hepa,” awa aum. ¹³Nug anam anana amu Nug uuata, ub aḱan ta, le ameg Galelia matada laih ugeḱe, ipunitak awak danab nuhiḱud ag ele oh gopig.

YIS AM KOBOL NAU IPUNIGTENU NAI

¹⁴Amu nuhiḱud ipunitak awak danab ag bret laa aon gokulagnu daulag atiom, laipuib am ubpa dayom ele amu aon gopig. ¹⁵Amu Jesus Nug ag amelagpa aum. “Ag ḱo gumak danab-Parasia amu Herodes ele, amu dilag bret titidaknu keeke onig yis amunu dab meig!” awa aum. ¹⁶Nug anam a amunu ipunitak awak danab ag aḱa aḱa apig. “Ig bret iita amunu Nug anam aum,” aon apig.

¹⁷Aon aeg amu Jesus Nug ahilag nai doya, Nug oopa guitak doyaya, Nug aum. “Da bretnu ii ami. Ag amunu nai kuḱum aib madipig. Ag da keeke hemi iite dooteb? Ag dab mak iitate? ¹⁸Ag dahil uḱatnu oolag maidḱunu elele iitate? Ag uḱat amu daulag atiomte? ¹⁹Deḱ laa da bret tanig ele panai, danab 5000 ag lana malaeg amu ag e hupu kaleg gane inaeg am beum?” awa aum. Awa a amu ag, “Tuelp” apig. ²⁰Anam aeg amu Nug aum. “Aria, deḱ laa da bret eblaih aḱit ele panai, danab 4000 lana malaeg amu ag e hupu kaleg gane inaeg am beum,” awa aum. Awa a amu ag, “Eblaih aḱit ele,” apig. ²¹Ag anam aeg amu Jesus Nug aum. “Anam amu ag doyeg! Da bretnu ii ami. Da ḱo gumak danab-Parasia amu Herodes ele, ahilag kobol ehednu ami,” awa aum.

JESUS HE, DANAB AMEG GADUAK EDUA NEEKOM

²²Aria ag ubpa gona, le daugpa eedna nona, gona Betsaida teeg, apan danab ag danab laa ameg nauhak ele omalna, Jesus gumidna gona, Nug danab amu bapaidḱunu unuqidpig. ²³Ag unuqiteg amu Jesus Nug danab amu epegpa aḱa, omala ab dimitim uḱa, Nug waḱu hune, danab amegpa no, Nug epeg danab beḱupa ma oḱ meḱom. “Na keeke laa anidḱemte?” awa aum. ²⁴Jesus Nug oḱ meḱe amu danab nug aum. “Ao,

da danab anadtem amge tutukunab ii anadtem. Ag am ad bia anadtem,” awa aum. ²⁵Nug anam a amu Jesus Nug epeg edua amegpa me, nug ameg ena daye, nug elele neekom. ²⁶Elele neeke amu Jesus Nug aum. “Na aib edun ab oopa gome. Na lautpa uke!” awa aum.

PETRUS NUG JESUS AM KRISTUS MIAG AUM

²⁷Jesus Nug anam a amu ded laa nug nuhikud ipunitak awak danab ele ag ahan, ab nakok laa Sisaria Pilipai taliliak daapig amupa gopig. Ag gonana amu Jesus Nug od matom. “Danab ag dahilnu adi ateb?” awa od matom. ²⁸A amu nuhikud ipunitak awak danab ag apig. “Laa ag nahipnu, ‘Layatak Johanes,’ ateb amge laa ag, ‘Nug am Elias,’ ateb amu laa ag, ‘Nug am propet laa,’ aon ateb,” aon apig. ²⁹Anam aeg amu Jesus Nug aum. “Anam amge ag aka amu dahilnu adi ateb?” awa aum. Awa a amu Petrus nug aum. “Na am Kristus, Kayak Nug na tituanitom!” awa aum. ³⁰Petrus nug anam a amu Jesus Nug ag nuhignu danab laala amelagpa matimnanu do gagatag meum.

JESUS NUG ATEM MAUHKUNU DIG MA MATIOM

³¹Aria haen amupa Jesus Nug dig ma nuhigpa, Nug am Danab Bekalag, nuhigpa adi bekunu amu ipuanatom. Nug Juda iki danab, mana metak danab okai amu do mehuqak danab ele, ag Nug di metaglagnu, Nug guitak dookunu, mauhkunu, ded ewam uueb edua hipaidkunu, keeke amu ohnu Nug dig ma, ipuanatom. ³²Nug miag atiak a amu Petrus nug omala, pide wana, dig ma daug batete, ³³Jesus Nug edua, ipunitak awak danab laa oh neekatata, Nug Petrus daug bata, amegpa aum. “Satan, na da dimulpa uke! Adinu? Na Kayaknu dab mak ii dim lamidtem,” awa aum.

³⁴Anam anana amu Nug danab ah amu nuhikud ipunitak awak danab ele ag onilagpa e udieg, Nug amelagpa aum. “Laa nug da dim lamidkunu oo dayeb amu nug nuhig dab mak dim lamidkunu dab ii mema, nuhig ug amu mawa, da dim lamidad! ³⁵Aria danab laa nug wanpan bau daakunu dab mak anuqak aote, dimpa amge danab laa nug dahilnu amu Nai Enanu ele anuqak doote, nug wanpanu bau dayak amunu anuqak ii doote amu nug am bauklel hanhannu aoku. ³⁶Danab nug wanpan keeke oh aote amge nug bau dayak hanhannu ii aote amu keeke amu nug atem ehanidku? ³⁷Nug adi keekepa bau dayak hanhannu daden meku? ³⁸Aria danab laa nug wan imupan hipunin danab, ag kobol ehed laala kudum heteb ele amu, nug ag oolagpa oiyaya, nug dahilnu, dahil nainu ele uda neeb amu dimpa da Kayaknu gagatag ele amu nuhikud engel ele edut udit, haen amupa danab amunu da ele udal neku,” awa aum.

9 Jesus Nug anam anana amu Nug nai baula tudita aum. “Da genab atem. Danab laala gemu ipa hipaidna daateb ele amu ag paha ii mauhmana. Iita. Tatam Kayaknu do madod gagatag ele dig ma beeb anidna mauhkulag,” awa aum.

JESUS BEDU EDUOM

²Aria ded eblaih laipu uue amu Jesus Nug Petrus, Jakobus, Johanes ele omalata, qauko okai laapa te, ag aka daapig. Apa daanna amu Jesus Nug bedu eduom. ³Bedu edue amu nuhig lamen ele hakabnab epom. Wan imupanu danab laa nug lamen heeb, hakab amubia bekunu elele iita. ⁴Jesus Nug anam dayeye amu Elias Moses ele a tulai doeh, Jesus ele nai madipig.

⁵Anam daaegeg amu Petrus nug Jesus amegpa aum. “Ipunitak danab, ig aben

imupa daagnignu am enanag amunu na ape, ig peh ewam buugnig. Nahip laipu, Mosesnu laipu amu Eliasnu laipu ele,” awa aum. ⁶Adinu nug anam aum? Ag badan daanna, nai laa anak iita amunu Petrus nug nai amu aum. ⁷Ag anam daaegeg amu lombig laa ag tonatete, lombig oopa baag laa inam a doopig. “Imu am nid dahil, da nuhignu ool huanak mauhte. Ag nuhig nai doyeg!” awa aum. ⁸Baag anam doona amu ag pahanaab neekeg ugeke amu ag danab laa ii anidpig. Jesus nukā ag ele daanna anidpig.

⁹Ag anam anteg amu Jesus Nug ag ele ahan, qauko uun nonana, Jesus Nug ag kobol amu anidpig ele, ag amunu danab laa amegpa paha amananu do gagatag meum. Nug, Nug am Danab Bekalag amu, Nug tatam edua hibaitēb ag matiglagnu aum. ¹⁰Jesus Nug anam a amu ipunitak awak danab ag nai amu aona, aka aka apig. “Edua hibaitak nai am adi nai?” aon apig. ¹¹Ag aka aka anam anana amu ag Jesus od medapig. “Adinu ihinig do mehuqak danab ag, ‘Elias nug tatam udieb, dimpa Kristus udiku,’ ateb?” aon apig. ¹²Ag anam aeg amu Jesus Nug aum. “Ag, ‘Elias nug tatam udia, keeke oh bapaidku,’ ateb amu ag genab ateb amge ag Kayak nai laa ele dab mekulag. Nai amuam inam. ‘Danab Bekalag da, da guitak doopi, gedilkulag.’ ¹³Elias nug matu udiom amu ag nuhignu ehed hekulagnu oolagpa dayom, yak niite amubianab ag hepig. Nai amunu niom bia hepig amunu danab bekalagnu nai amu ele am anam beku,” awa aum.

NID LAA OUDI NAU ELE AMU JESUS OUDI AMU LAMITOM

¹⁴Jesus Nug nuhikud ipunitak awak danab ewam ele ag anam anana amu ag nuhikud ipunitak awak danab laa gumadna gona, ag danab ah kudum qag

mena daaegeg anadpig. Do mehuqak danab laala ag Jesusnu ipunitak awak danab ele awa awa qetak nai madipig. ¹⁵Danab ah kudum ag Jesus anidna, ag otaina, ag ahan gumidna gona, “Aaku udime,” apig. ¹⁶Anam aeg amu Jesus Nug ipunitak awak danab apa daapig ele amu od matom. “Ag keeke adinu do mehuqak danab ele nai aeg ona aeg dote?” awa aum.

¹⁷Nug anam a amu danab ah kudum oolagpan danab laa nug Jesusnu od mak nob ma aum. “Ipunitak danab, nid dahil nug oudi nau ele, nai matiaknu elele iita amunu da awe, na gumite udimi. ¹⁸Haen kudum oudi nau amu nug he, nid dahil nug wanpa na qa, hipadu neene, nug aeg ganudada, bedu ele tai edate. Amunu da nahipad ipunitak awak danab oudi nau amu lamidkulagnu od matami amge ag elele iita,” awa aum. ¹⁹Danab nug anam a amu Jesus Nug aum. “Ag oh oolagpa genab doyak iita. Da ag ele haen elab daamut amge ag dahilnu oolagpa genab ii dooteb amunu da ool ug ele. Ag haen ganeb ag dahilnu oolagpa genab dooglag? Ag nid amu omalna dahilpa doig!” awa aum.

²⁰Nug anam a amu ag nid omalna, Jesus topa waeg, oudi nau nug Jesus anta, nug paha he, nid nug bedu hahadede, na qa wanpa niaya, itodieye, hipadu neum. ²¹Anam heeche amu Jesus Nug nid mameg od metom. “Nid imu nug inam hete ele amu, haen adekupanab dig meum?” Awa a amu nid mameg nug aum. “Nug nid nakokpa imu dig meum. ²²Haen kudum oudi nau nug nid imu heeb mauhkunu he, ab adupa o lepa na qete amunu na elele dootem dayeb amu na ihinihnu oo doyak doona ehanite,” awa aum. ²³Nug anam a amu Jesus Nug aum, “Da hekulnu elele amge na amunu ootpa genab dootemte? Danab nug oopa genab doyak ele amu nug keeke oh hekunu elele,” awa aum. ²⁴Jesus Nug

anam a amu nid mameg nug aum. “Da oolpa genab nakokib dootem amge na hepe, okai bad!” awa aum.

²⁵ Nug anam a amu Jesus Nug danab ah kudum qag meeg anta, Nug oudi nau amegpa, “Ode ituak, daug ituaknu oudi nau, na nid imu padaidna gona, bau edun nug bedupa aib udime!” awa aum. ²⁶ Jesus Nug anam a amu oudi nau nug gayowa, nug nid huan udala, uuiita ukom. Ugeke amu nid nug mauhak bia niieye, danab laala kudum ag, “Nug mauhom,” apig. ²⁷ Ag anam apig amge Jesus Nug nid epegpa ade, aha hibaitom. ²⁸ Aria dimpa Jesus Nug laka uke, nug nuhikud ipunitak awak danab ele daanna, ag Nug od medapig. “Adinu ig oudi nau amu lamidkunignu elele iita?” aon apig. ²⁹ Aon aeg amu Jesus Nug aum. “Laa nug oudi nau imubia ib laapa ii lamidma. Iita. Unuqitakpa aakuib,” awa aum.

JESUS NUG BAULA ATEM MAUHUNU AUM

³⁰ Ag anam hewona amu ag ahan nona, Galelia wanpa Kapenaum gokulagnu gonana, Jesus Nug danab laala nug anidkulagnu oo ii dayom. ³¹ Adinu? Nug nuhikud ipunitak awak danab nuhignu inam ipuanataa aum. “Danab Bekalag da amu danab laa nug da danab epelagpa meideb, ag hepeg, mauhkul. Mauhoya amu ded ewampa da eduen hipaidkul,” awa aum. ³² Nug anam a amu ag nai amunu oolag tutuku ii maitom amge ag Jesus Nug nai amu mehuqkunu od metaglagnu badapig.

AUN KAYAK AMEGPA OKAI DAATE

³³ Ag gona, Kapenaum tena, laka daanna amu Jesus Nug od matom. “Ig ibpa oitta amu ag adi keekenu madipig?” ³⁴ Nug anam od mate amu ag ibpa, aun ag oolagpanu am okai dayom amu madipig amunu ag Jesusnu od mak amu

nob ii mepig. ³⁵ Ag anam heeg amu Jesus Nug ag onilagpa e doeg, Nug aum. “Danab laa nug anuqak daakunu oo dayeb amu nug danab laala oh waalagpanab dayaya, ahilag udat nid dayad!” awa aum.

³⁶ Nug anam anana amu Nug nid nakok laa awa, ag oolagpa me, hibaita dayeye, odokia aum. ³⁷ “Danab laa nug da onilnu nid nakok laa imubia oo meta humidte amu nug da oo meda humidte. Amu laa nug da oo meda humidte amu nug daib ii humidte. Iita. Nug da Mamel ele oo meta humidte,” awa aum.

EHANITAK KOBOL AM NOB ENA ELE

³⁸ Jesus Nug anam a amu Johanes nug Jesus amegpa aum. “Ipunitak danab, ig danab laa nug na oninpa oudi nau lamate anidmut amge nug am ig dim lami ke ii oitem amunu ig nug oudi nau lamadmanu do memut,” awa aum. ³⁹ Awa a amu Jesus Nug aum. “Danab nug udat okai amubia da onilpa hete ele amu nug paha dahilnu nai ehed laa akunu elele iita amunu ag nuhig udat amu aib okulpig. ⁴⁰ Adinu? Danab nug ihinig keked iita amu nug am ig lainig. ⁴¹ Anteg! Aun nug ag anata, ag am dahilad amunu nug ag ehanata, le ougib hai gokodpa madate amu Kayak Nug danab amu nob ena medaku, Nug daug iinab atima.

LAA HE, HIPUNIN HAKNU NAI

⁴² Amge danab laa nug nid nakok laa, nug dahilnu oopa genab doote ele amu, nuhig oopa genab doyak heeb aib nauhom. Nug anam heku am naunab. Nug ii heum haenpa danab ag nug baagpa men qakan, maopeg yupa noa mauhlo amuam nakok nau amge nug dayaya, nid nakok laanu oopa genab doyak heeb nauhku, amuam naunab nau. ⁴³ Na epen amu nug na hipunin hekutnu eedidte dayeb amu na epen laih amu okule!

Na epen laihigib ele daanna, na haen oh bauklel daakut, amuam ena. Amge na epen adit oh ele daakut amu ag na aben ehedpa mawidpeg gokut amuam ena iita. Apanu ab amu nug ii qauhte. ⁴⁴ [Ge! Apa amu gauat ag ii mauhtebe amu ab ele nug ii qauhte.] ⁴⁵ Amu na baen nug na hipunin hekutnu eedidte dayeb amu na baen laih amu okule! Na baen laihigib ele daanna, na haen oh bauklel daakut amuam ena. Amge na baen adit oh ele daakut amu ag na mawidpeg, aben ehedpa gokut amuam ena iita. ⁴⁶ [Apa amu gauat ag ii mauhtebe amu ab ele nug ii qauhte.] ⁴⁷ Laa ele amu na amen nug na hipunin hekutnu eedidte dayeb amu na amen laih amu kehan, maope ukad! Na amen laipuib ele hab abpa gokut amuam ena. Amge na amen adit oh ele daanna, aben ehedpa gokut amuam ena iita. ⁴⁸ Apa amu gauat ag ii mauhtebe amu ab ele nug ii qauhte,” awa aum. ⁴⁹ Yu ab ele am nakok udat laipu bia hetep amu Jesus Nug nai baula tudita aum. “Ab nug keeke laala ewe, opia awak daate. Yu kalu amu nug ele anam. Aria ag da dim lamidtebe ele amu ded laala ag ug anidkulag. Ug amuam yu kalu ewak bia. Nug heeb, ag elele oiglag. ⁵⁰ Yu kalu am keeke ena amge nug yu ubuhi iita dayeb amu atem heput, nug edua ubuhi ele daaku? Dahil nai am yu kalu ena, nuhig ubuhi ii iita meum ele, amubia amunu ag dahil nai tutuku doonna, ag hanhan madod daanna oiyege!” awa aum.

NUG AWAK OTADAKNU NAI

10 Jesus anam ana mala amu Nug Kapenaumnu aha uka, Juda wan laa Jodan le laih dayom ele amu apa ukom. Uka apa dayeye amu danab ah kudum ag Nug gumidna ukaeg, Nug kobol hanhan hetom amubia ag amelagpa Kayak nai ipuanatom.

² Haen amupa amu do gumak danab-Parasia ag Jesus gumidna gona, Nug inam od medapig. “Ithinig dopa amu danab laa nug ah nuhig lamitebe goku am enate o ena iitate?” aon apig. Ag Jesus adaglagnu ib anidkulagnu anam od medapig. ³ Ag anam od metaeg amu Jesus Nug od elagpa awa, od matom. “Keeke amunu amu Moses nug do atem meum?” awa aum. ⁴ Nug anam a amu ag apig. “Moses nug inam aum. ‘Danab laa nug wau lamidkunu oo dayeb amu nug nai amu udugpa ya, wau metowa, lamitebe goku,’” aon apig. ⁵ Ag anam aeg amu Jesus Nug aum. “Ao, amge ag am oo doyak ele ii dootebe amunu ag ah ug okai matamnanu, ag hamu lamadmananu, Nug do bau, ag geha iiku amunu apig amu meum. ⁶ Amge tatam keeke oh heum haenpa amu anam iita. Haen amupa Kayak Nug adi heum amu danab laa nug amunu inam yom. ‘Kayak Nug danab ah ele hatom,’ ⁷ amunu diig amunu danab nug anig mameg ele uuata, nug wau ele ou qeya, ⁸ adit amu a bedulah laipu daaglah. A anam heya, a baula adit iita. A am bedulah laipu. ⁹ Aria ag doyege! Danab ah ele a nug aotebe amu Kayak Nug nuka matulatam amunu danab laa nug amu aib otadom,” awa aum.

¹⁰ Nug anam a amu Nug nuhikud ipunitak awak danab ele ag ahan, laka gona, ag Jesus nai amunu od medapig. ¹¹ Od metaeg amu Nug ag amelagpa aum. “Danab laa nug ah nuhig lamitowa, nug ah bau aotebe amu danab amu nug gapai kobol hete. ¹² O ah laa nug danab nuhig lamitowa, nug danab bau aotebe amu ah amu nug gapai kobol hete,” awa aum.

JESUS NID NAUNAU ELE

¹³ Aria danab ah ag nid naunau omaladna, Jesus Nug epeg bedulagpa ma, ititak madakunu gumidna ukaeg amu Jesusnu ipunitak awak danab ag anadna,

laa nid omaladna uḍipig ele amu aladpig. ¹⁴Ag alategeg, Jesus Nug anaṭa, kobol hepig ele amunu nug oo nauhe, amelagpa aum. “Danab ag nid naunau bia daateb, ag am Kayaknu ḍo maḍoḍ oopa daateb amunu ag nid uuadpeg, dahilpa doig! Ag ib ahilag aib oo nepig. ¹⁵Da genab ag amelagpa aṭem. Danab nug Kayaknu ḍo maḍoḍ nid nakok aote amubia ii aoku amu nuhignu ib laa iita,” awa aum. ¹⁶Nug anam anana amu nug nid naunau oḍakiata, epeg beḍulagpa ma, ititaṭ maṭom.

DANAB BAU ENUB OḐAI ELE JESUS GUMITA UKOM

¹⁷Jesus Nug anam ha mala amu Nug ibpa ugeke, danab laa nug qaibad Jesus gumita uka, Jesus baegpa gateg qaun wa aum. “Ipunitak danab ena, da bauklel hanhannu aokulnu amu da aṭem hekul?” awa aum. ¹⁸Nug anam a amu Jesus Nug aum. “Kayak Nug nukā am ena amunu na dahilnu, ‘Danab ena,’ ame amu na nai amunu tatam dab mewona ame, o iita na hamute ame? ¹⁹Amge nahip oḍ maknu amu na ḍo oh dooṭem. Na gapai kobol aib heme. Na danab aib qepe mauhom. Na yabhoi aib heme. Na danab laanu ham bupuak nai aib maṭime. Na kobol ham bupuakpa keeke aib aome. Na anin mamen ele oḍelah dim lamidna binalah me!” awa aum. ²⁰Jesus Nug anam a amu danab amu Nug aum. “Ipunitak danab, da nid nakok dayeye, ḍo amu oh dim lamiti uḍie, gemu ele anamib heṭem,” awa aum. ²¹Awa a amu Jesus Nug danab amunu dab mak awa, nuhignu oo mauhe amu nug amegpa aum. “Keeke laipunu amupaib na elele iita. Na gona, na enun oh mepe, danab laala daden mepeg, na men doḍo amu oh aon, daḍek danab maṭona, na hab aṭan enun oḐai ele daakut. Na anam hewona amu na eḍun da dim lamide!” awa aum.

²²Jesus Nug anam a amu danab amu nug nai amunu idu tigugude, nug eḍua, oo ug ele ukom. Adinu? Nug enub kuḍum ele.

²³Nug ugeke amu Jesus Nug eḍua, ipunitak awak danab nuhikud ag amelagpa aum. “Danab ag enulag kuḍum ele amu ag Kayaknu ḍo maḍoḍ oopa gokulagnu am ug oḐai ele,” awa aum. ²⁴Jesus Nug anam a amu nuhikud ipunitak awak danab ag nai amu doon, dab mak kuḍum aweg anaṭa amu Nug ag amelagpa aum. “O nid nakud, Kayaknu ḍo maḍoḍ oopa gokunu am ug ele. ²⁵Doḍ laa onig kamel nug koitaknu tutui gidopa nokunu am ug ele amge danab nug enub kuḍum ele amu, nug Kayak ḍo maḍoḍ oopa gokunu am ugnab ele,” awa aum. ²⁶Jesus anam a amu nuhikud ipunitak awak danab ag oṭainna, aka aka apig. “Anam dayeb amu aun nug bauklel aokunu elele?” aon apig. ²⁷Aon aeg amu Jesus Nug tutuku neekata aum. “Danab ag aka elele iita amge Kayak Nug anam bia ii daate. Kayak Nug keeke oh heḍunu elele,” awa aum.

²⁸Jesus Nug anam a amu Petrus nug aum. “Ig ihinig keeke oh uut, na dim lamidṭem,” awa aum. ²⁹Awa a amu Jesus Nug eḍua ag oh amelagpa aum. “Da genab ag amelagpa aṭem. Danab laa nug dahilnu amu dahil Nai Enanu ele ha, nug anig, mameg, amag, awag, apinag, nug wau, bekod, aḍekud, nug laug amu nuhig dad ele uuata, da dim lamidṭe, ³⁰nug geha haen imupa hamu ii daama. Iita! Nug awakud, amakud, apinkud, anikud, nid naunau amu dad ele tudita, wan handat baula aoku. Laa ele amu danab laala ag qagaitak kuḍum meṭaglag amge nug bau hanhan aoku. ³¹Amge danab kuḍum anuqak daateb amu ag dim daaglag. Am kuḍum laa ag dim daateb amu ag anuqkulag,” awa aum.

JESUS NUG BAULA ATEM MAUHĶUNU AUM

³² Amu ag Jerusalem goĳulag^{nu} ibpa gonana amu Jesus Nug anuqa ugeĳe, ipunitak awak danab ag dab mak kuĳum aonna, dim lamidpig. Danab laala Jesus dim lamidpig ele amu, ag ahilagpa aĳi beĳunu baĳanna, dim lamidna gopig. Anam gonana amu Jesus Nug nuhiĳud ipunitak awak danab ag onilagpa e, gumidna uĳaeg, Nug diiata, pide wana, nuhiĳpa keeke aĳi beĳu amunu amelagpa inam aum. ³³ “Doyeg! Ig gemu iĳku Jerusalem gotem. Goput, laa nug Danab Beĳalag da, mana metak danab okai amu do mehuqak danab ele ag epe- lagpa meideb, ag da hetodiakpa meidna, iupeg mauhĳulnu nai qaĳana, ag da iĳta aĳi epelagpa meidĳulag. ³⁴ Meidpeg amu iĳta aĳi ag aon aon iuna, wippa ehed matadilna, hunu iuna, iupeg mauhpi, ded ewam uueb amu da eduen bau ahakul,” awa aum.

JAKOBUS JOHANES ELE OĳAI DAAGLAHNU JESUS Oĳ MEDAPID

³⁵ Amu dimpa Sebedi bekoĳ Jakobus, Johannes ele, a Jesus gumidya goya apid. “Ipunitak danab, na ihinihnu keeke laa heĳutnu oonih daate,” aoya apid. ³⁶ Anam aeh amu Jesus Nug oĳ matom. “Da ahilahnu aĳi heĳulnu oolah daate?” awa aum. ³⁷ Awa a amu a apid. “I oonih inam daate. Dimpa na oĳai daanna, wan imu oh gumanna, na ape, i amu na heqon laih laih daagnih. Laa na heqon nadiapa dayeb, laa na heqon nanehpa daaku,” aoya apid. ³⁸ A anam aeh amu Jesus Nug a amelagpa aum. “A aĳep amu a keeke amu ii dootep. Keeke ehed laa da tonidĳku, keeke amuam le mua bia, a le mua amu, da lakul amubia lakulahnu elelete?” awa aum. ³⁹ Awa a amu a apid. “I am elele!” A anam aoya aeh amu Jesus Nug aum. “Genab le mua ele, da lakul

amu a ele lakulah ⁴⁰ amge aun nug da heqol nadiappa daaku, aun nug da heqol nanehpa daaku amu da aĳulnu elele iĳta. Da Mamel Kayak Nug aben aĳit amu aunnu babaitom amu a aĳuib amupa daaglah,” awa aum.

⁴¹ Jesus, Jakobus, Johannes ele ag anam matiegeg amu ipunitak awak danab eblaih tanig ele laa ag doona, ag Jakobus, Johannes ele ahilahnu oolag nauhom. ⁴² Oolag nauhe amu Jesus Nug ag oh onilagpa e, gumidna doeg, Nug ag amelagpa aum. “Ag dootep, wan imupan danab ah oh ag danab oĳai waalagpa daateb amu danab oĳai ag do aĳi metep amu danab ah ag amuib dim lamidteb. ⁴³ Amge kobol amu ag oolagpa aib dayom. Iĳta. Danab laa nug ag oolagpa oĳai daakunu oo dayeb amu nug ahilag ehanitak dayad! ⁴⁴ Amu ele danab laa nug ag oolagpa anuqak daakunu oo dayeb amu nug ahilag begbeg dayad! ⁴⁵ Ag anam heĳulag^{nu} diig amu Danab Beĳalag da, da wan imupanu danab ah ag da ehanidĳkulag^{nu} ii uĳimi. Iĳta! Da ag ehanadĳkulnu uĳimi amu da dahil mauhakpa danab ah kuĳum bauklel hanhannu aoglag^{nu} ele uĳimi,” awa aum.

JESUS HE, BATIMIAS EDUA NEEGĶUNU ELELE DAYOM

⁴⁶ Ag ibpa gona, Jeriko apa tena, Jesus Nug nuhiĳud ipunitak awak danab amu danab ah laala kuĳum ele ag Jeriko edidna uĳaeg, Timon beĳa Batimias, nug ameg gaĳuak amu, nug apa ib daugpa dayaya, danab men doĳo keeke, metaglag^{nu} unuqadtom. ⁴⁷ Nug unuqata dayaya amu nug, “Nasaret ted Jesus uĳite,” doya, nug huanak ewa aum. “Dawit beĳa Jesus, na dahilnu oot gai iĳta doye!” awa aum. ⁴⁸ Nug anam aawo amu danab laala kuĳum ag aidna apig. “Na oĳen qamute!” aon apig amge nug nai amu ii doya, baula huanak ewa aum. “Dawit beĳa, na dahilnu oot gai iĳta

doye!” awa aum. ⁴⁹Nug anam eewo, Jesus Nug doya amu Nug hibaiṭa dayaya, amelagpa aum. “Ag onigpa epeg doad!” awa aum. Nug anam a amu ag danab ameg gaḍuak ele amegpa apig. “Na oot gamag ahad! Na Nug gumidna gokutnu aum amunu na ahan wa!” aon apig. ⁵⁰Ag anam aeg, nug doya, nug lamen ulahnu uḍowa, paha aha, Jesus gumiṭa waum. ⁵¹Nug gumiṭa wa amu Jesus Nug od meṭom. “Da nahipnu adi heḱulnu oot daate?” awa aum. Awa a amu nug aum. “Ipuniṭak danab, na hepe, da neegḱulnu ool daate,” awa aum. ⁵²Danab nug anam a amu Jesus Nug aum. “Na dahilnu ootpa genab doome amunu na neegḱutnu elele. Enad uke!” awa aum. Nug anam a amu pahanab danab amu nug neekunu elele dayom amunu nug Jesus ibpa dim lamiṭom.

JESUS DONKI AṬAN TA JERUSALEM UḶOM

11 Aria ag gona, Jerusalem guḱuidna, ag Betani, Betpasi, Olipnu Qauko ele guguiṭak apa, Jesus Nug ipuniṭak awak danab adit amelagpa aum. ²“A goya, ab nakok miag amupa teya, apa ab daugpa a donki nag laa nakok okai meum qaḱak daate ana anidḱulah. Donki amu nug bau, danab laa nug aṭan ta ii oiyom. Anidya amu uhuqya, aoya uḍied! ³A anam hebeped amu danab laa nug, ‘Aḱinu a anam hetep?’ ab amu a inam aid! ‘Naḱi Nug donki imunu uḍat ele. Haen elabnu iṭa. Nug paha eḍua meeb uḍiku.’ A anam aid!” awa aum.

⁴Jesus Nug anam a amu a goya, donki bau ab oopanu ibpa lag odpa qaḱak dayeye anidpid. Anidya amu a uhuqehéh, ⁵danab laala ag guguiṭak daanna, ag od matapig. “Aḱinu a donki amu uhuqtép?” ⁶Oḍ mataeg amu a Jesus aum Nug ode bia aeh amu ag, “Ena,” aon apig. ⁷Ag anam aeg, ipuniṭak awak danab adit a

donki amu aoya, Jesus gumidya uḱaeh, ag lamén ulahnu donki gomepa duqeg, Jesus Nug donki aṭan teum. ⁸Ta dayeye amu danab kuḍum ag ahilag lamén ulahnu ib manpa duqaegeg, laala ag ad epeg okulna, ib manpa mepig. ⁹Anam duqegeg, Jesus ugeḱe, amu danab laala ag anuqna, Jesus noobpa uḱaegeg, laala ag Jesus dim lamitegeg amu ag oh enan apig. “Ig Kayak onig humatu! Danab imu Nug Kayak onigpa uḍite, Kayak Nug itidte. ¹⁰Danab imu Nug ig alanig Dawit dayom amubia daaḱunu uḍite amu Kayak Nug itidte. Kayak, Nug aṭan daate ele amu, ig Nug onig humatu!” aon apig. ¹¹Ag gona, Jerusalem tena amu Jesus Nug Juda dilag mana meṭak lag oopa noa, keeke oh anaṭa malowa, tueb meum amunu Nug nuhiḱud ipuniṭak awak danab ele ag eḍun, Betani gopig.

JESUS NUG DANAB MANA MEṬAK LAḶA EHED HEPIG AMU LAMATOM

¹²Aria deḱ amu dimpa, buṭua amu ag Jerusalem gokulagnu Betaninu ahan uḱaegeg, Jesus Nug enug qeum. ¹³Ag gonana amu Jesus Nug neeḱe, nakok uma uḱe, ad pig anṭom. Ad amu nug uḍug kuḍum amunu Jesus Nug me aokunu guḱuita uḱa, meunu haen iṭa amu Nug meunu neeḱa, Nug meulaa ii anṭom, uḍugib. ¹⁴Anam anṭom amunu Nug aum. “Na baula meut iinab omana!” awa aum. Awa a amu nuhiḱud ipuniṭak awak danab ag nai amu doopig.

¹⁵Doona amu ag gona, Jerusalem tena amu Jesus Nug Juda dilag mana meṭaknu lag oopa noa, Nug danab lag amu oopa mana meṭaknu keeke dadennu maadpig, laala daden mepig ele amu Nug ag oh lamatom. Apan danab laala ag men doḍo baolipig ele amu nug ahilag balal huma awe, uḱa na qe, am laala ag upuḍil meeg, daden maadpig ele amu ahilag dayak aben ele huma

awe, uka na qeum. ¹⁶Laa ele amu Jesus Nug, “Ag keeke aon laih gokulag^{nu} amu ag Kayak laug oopa nona gokulag^{nu} am elele iita,” awa aum. ¹⁷Jesus Nug anam hewowa amu Nug ag amelag^{pa} aum. “Kayak naipa yak inam daate. ‘Da laul am danab oh dilag unuqitak lag,’ amge ag heeg, nug yabhok danab dilag loikumak aben bia daate!” awa aum. ¹⁸Jesus Nug anam a amu mana metak danab okai amu do mehuqak danab ele ag danab ah laala kudum Jesusnu nainu oolag dayom anidpig amunu ag Jesusnu badan, qepeg mauhkunu ib madipig. ¹⁹Jesus Nug anam he amu tueb meeme, Jerusalem oopa niiak aben oh am beum amunu Nug nuhkud ipunitak awak danab ele ag ahan, ab laapa ni-
 iglag^{nu} gopig.

JESUS HE, AD PIG BUNADOM

²⁰Ag niipig butua amu ag edun, Jerusalem gokulag^{nu} ahan gona, ibpa ag ad pig, Jesus ad amunu meu baula ii omanu aum ele amu, nug epeg didi oh bunadom anidna, ²¹Petrus nug dab mak awowa, Jesus amegpa aum. “Ipunitak danab, ante! Tumai na ad pig bunadkunu ame amu aaku bunadom!” awa aum. ²²Petrus nug anam a amu Jesus Nug aum. “Ag unuqitakpa keeke laa hepeg bekunu oolag dayeb amu ag Kayak Nug hekunu amu ag oolag^{pa} genab doyeg! ²³Da genab ag amelag^{pa} atem! Danab laa nug Kayaknu oopa genab doyak ele, nuhig dab mak adit iita amu nug qauko imu ameg^{pa}, ‘Na ahan yupa uke!’ ab amu nug anam heku. ²⁴Amunu ag keeke laa bekunu unuqidnana, ag aoglag^{nu} oolag^{pa} genab doonna amu ag unuqidpig amubia ag aoglag. ²⁵Laa ele amu na unuqidnana, na Mamen, hab atan daate, Nug nahip hipunin uhuqa medakunu amu danab laa nug nahipnu ehed heum dayeb amu na hipunin amu uhuqna

mete! ²⁶[Amge na danab laanu hipunin uhuqna ii medape amu na Mamen, Nug hab atan daate amu, Nug ele nahip hipunin uhuqa ii metama.”]

JUDA DILAG OKAI AG JESUS NUHIG UDATNU OD MEDAPIG

²⁷Ag nai amu matinna gona, Jerusalem tena amu Jesus Nug mana metak lag oopa noa oiyeeye, mana metak danab okai amu do mehuqak danab amu Israel dilag gumak danab ele ag Jesus gumidna gona, ²⁸Nug od medapig. “Na gagatag adipa udat imu hetem? Aun gagatag amu mete, na udat imu hetem?” aon apig. ²⁹Ag anam aeg amu Jesus Nug aum. “Da ele ag keeke laipunu od madapi, ag nob mepeg amu da gagatag adipa udat imu hetem, diig amu api dooglag. ³⁰Od mak dahil am inam. Johannesnu layatak am adepanu beum, keeke amuam hab atannu keeke o iita amuam danabnu keekeib? Ag amu apeg dookul,” awa aum. ³¹Jesus anam a amu ag aka aka matin apig. “Ig, ‘Habnu keeke,’ aput amu Nug, ‘Anam amunu ag adinu oolagpa genab ii doopig?’ aku. ³²Amge ig, ‘Danabnu keeke,’ aput amu danab ah oh ag Johannesnu, nug am propet oolagpa genab dooteb amunu ag iqapeg mauhkunig,” aon apig. ³³Ag aka aka anam anana amu ag Jesus amegpa apig. “Ig ii dootem,” aon apig. Aon aeg amu Jesus Nug aum. “Aaku amunu da ele gagatag adipa udat hetem amu da api ii doomna,” awa aum.

DAD GUMAK DANABNU NAI

12 Jesus Nug anam awowa amu Nug dig ma, keeke danab ag dooteb ii dooteb ele ou aqata, ipuanata, inam aum. “Danab laa nug grep dad epowa, ad ita, dad oopa grep lepu awaknu aben laa ha, nug dad gumak danabnu lag elab laa ele heum. Aria nug udat amu oh ha mala, udat hak danab epelagpa mewowa, nug

aha, atu laih umanab ukom. ²Uka day-eye amu grep meu awak haen be, nug begbeg danab nuhig me, grep meu laih nuhig aokunu udat hak danab gumata ukom. ³Uke amu dad udat hak danab ag adanna, makudna meeg, edua hamu ukom. ⁴Edua uke amu dad mameg nug begbeg laa me uke, dad udat hak danab ag danab amu iki ona, kobol ehed laala ele nuhigpa hepig. ⁵Anam heeg amu nug begbeg laa ele me uke, dad udat hak danab ag nug qeeg mauhom. Mauhe amu dad mameg nug laala ele maate ukaeg, dad udat hak danab ag laala makudadna, laala ag aqaeg mauhpig.

⁶Dad mameg nug anam ha mala amu nug beka, nug beka laa iita, laipuib, nug nuhignu oo huan mauhtom ele amu nug me ugeke, inam aum. 'Da bekal amu ag nug ode dooglag,' awa aum. ⁷Nug anam a, nug beka uke amu dad udat hak danab ag anidna, ag aka aka apig. 'Nid imu nug dimpa mamegnu keeke oh aoku amunu ahapeg, ig qeput mauheb, dad imu amu ihinig daaku,' aon apig. ⁸Ag anam anana amu ag ahan gona, nid amu qeeg mauhe, ag nug gada budieg, dad dimitim ukom." Jesus Nug anam maom. ⁹Jesus Nug anam anana amu Nug nai tudita od matom. "Ag anam hepig amunu dad mameg nug ahilagnu adi heku? Da ag amelagpa aтем. Dad mameg nug aha uka, nuhig dad udat hak danab amu oh aqeb mauhpeg amu nug grep dad amu edua awa, danab laala epelagpa meku," awa aum. ¹⁰Nug anam anana amu Jesus Nug tudita aum. "Ag nai laa Kayak naipa daate ele amu, ag iite eb qepig. Nai amuam inam. 'Men laa amu lag hak danab ag men amu uupig amge lag mameg nug men amu awa me, lagnu men anuqak daate. ¹¹Nadi Nug keeke amu he beum amunu ig amenigpa anidta otaitem,'" awa aum. ¹²Jesus Nug anam a amu Juda danab okai ag Jesus Nug keeke danab ag dooteb ii dooteb

ele ou aqata, ipuanatak nai amu ag ehed hak ahilag anidkulagnu maom doopig amunu ag Jesus adaglagnu ib madipig. Madipig amge ag danab ah laala kudum ele badadpig amunu ag Jesus uuidna gopig.

TAKIS KAISA METAKNU NAI

¹³Ag gona amu ag do gumak danab-Parasia amu Herodesnu ehantak danab oolagpanu laipu laipu ele maateg gona, ag Jesus takisnu od medapeg, Nug ehed ab, ag Nug adaglagnu gopig. ¹⁴Ag gumidna gona amu ag apig. "Ipunitak danab, ig dootem, na am danab tutuku. Na danab okai onig ele o danab onig iita amu na amu ohnu dab ii metem. Iita, na nai genabib aтем. Na nai genab amupaib danab ah Kayaknu kobol ipuanadtem amunu keeke imunu ape doog-nig. Na aтем dootem? Ig takis Kaisa metagnig am ena o ena iita? ¹⁵Ig metagnig o iita?" aon apig. Ag anam apig amge Jesus Nug ahilag dab mak ham bupuak doya, Nug aum. "Adinu ag da adailkulagnu heteb? Ag men doo laa onig danarius aon dopeg, da ante!" awa aum ¹⁶Awa a amu ag men doo laa aon doeg, Jesus Nug ag od matom. "Men doo amupa am aun onig dotog ele daate?" awa aum. Awa a amu ag, "Kaisanu," aon apig. ¹⁷Ag anam aeg amu Jesus Nug aum. "Aria ag Kaisanu keeke amu ag Kaisa metaglag amge Kayaknu keeke amu ag Kayak meteg!" awa aum. Awa a amu ag dab mak kudum aopig.

EDUA HIBAITAKNU NAI

¹⁸Aria do gumak danab-Sadusi ag Jesus topa udipig. Danab amu ag, "Danab mauhteb amu ag edun ii hipaidmana," aon adapig amunu ag Jesus od metan apig. ¹⁹"Ipunitak danab, Moses nug ihinignu nai laa inam yom. 'Danab ah ele a ewau daaiya, a nid ii aopid haenpa danab nug mauheb, ah nug bau dayebeb

amu danab amu amag nug ah amu aweb, a nid menuglah amge a nid menuglah amu, nid amuam danab amunu iita. Nid amuam nug awag beka daaku.’²⁰ Aria haen laa e amakud eblaih adit daapig. Ag anam daanna, awalag tatammu nug ah awa, nid iita mauhom.²¹ Mauhe amu nug dimugpanu nug ah amu awa, nug ele nid iita mauhom. Mauhe nug dimugpanu ele anamib.²² Aria laa oh ele anam ah amuib aona mauheg, dimpa ah amu nug ele mauhom.²³ Aria eamakud amu oh ag ah amu aakuib aweg, nug ag waalag dayom amunu edua hibaitak haenpa amu ah amu nug eamakud eblaih adit amu ag oolagpa aunna wau daaku?” aon apig.

²⁴ Ag anam aeg amu Jesus Nug aum. “Ag Kayaknu nai ii doonna, Kayaknu gagaṭag amu ele ag ii dooteb amunu ag nai augigiak, diig iita maditeb.²⁵ Edua hibaitak haenpa amu danab ag ah ii diimna, ah ele ag danab ii diimna. Iita, ag engel hab atannu bia daaglag.²⁶ Amge danab mauhna, edun hipaidteb keeke amunu amu ag Moses nug Kayak naipa nai laa yom amu ag iite eb qepig? Haen amu ab ewewe, ad ewa iita ii meeme, Moses nug andete, Kayak Nug Moses amegpa a amu nug Kayak ode inam yom. ‘Da amu Abrahamnu Kayak, Isaknu Kayak amu Jakopnu Kayak ele,’ awa aum.²⁷ Kayak Nug anam aum amunu ig dootem, danab ewam amu ag gemu daateb. Ag mauhpig amge ag iita ii mepig amunu Kayak Nug danab daateb dilag Kayak daate. Nug anam daate amunu Nug ele heeb, ag edun hipaidkuglag. Ag do gumak danab-Sadusi, ag edua hibaitak amunu ag ootot okai aqeheteb,” awa aum.

DO ATEN ANUQAK DAATE

²⁸ Jesus Nug anam a amu do gumak danab laa nug ag nai amu matin heegeg doya, Jesus Nug nob ena meum ele

doya amu nug Jesus inam od metom. “Ihinig do aten amu nug anuqak daate?” awa aum.²⁹ Nug anam a amu Jesus Nug odepa awa aum. “Do anuqak am inam. ‘O Israel, ag doyeg! Kayak, Nug ihinig Nadi amu, Nug nuqa Kayak daate.³⁰ Nadi, Nug am nahip Kayak amu, na ootpa, na oudinpa, nahip dab makpa amu nahip keeke ohpa ele nuhignu oot mauhad!’³¹ Aria do amu dimugpa amu inam. ‘Na naka nahipnu oot mauhte, amubia na danab laa dilag ele oot mauhad!’ Do laipu laa amu adit imu ii edat-te,” awa aum.³² Jesus Nug anam a amu do mehuqak danab nug aum. “Ipunitak danab. Na ena ame! Na ame am genab. Kayak Nug nuqa Kayak daate, laa iita³³ amu ig genab ig oonigpa, ihinig dab makpa, ihinig keeke ohpa nuhignu oonig mauhku amu ig ika ihinignu oonig mauhte amubia ig laa dilag oonig mauhku, keeke adit amu a mana metak oh edidtep,” awa aum.³⁴ Danab nug anam a amu Jesus Nug nob nuhig am ena anta, nug amegpa aum. “Na Kayaknu do madod oop gokutnu amu na ib amu odepa daatem!” awa aum. Awa a amu danab laala ag dab mak ehedpa ele ag Jesus keeke laanu od metaglagnu badana, ii hepig.

JESUS AM AUN BEKA

³⁵ Aria Jesus Nug mana metak lag oopa dayaya, danab ah ipuanata amu Nug ag od matom “Do mehuqak danab ag, ‘Kayak Nug laa tituanom, amuam Kristus, Nug am Dawit beka,’ aon ateb amge atem doona, ag anam ateb?³⁶ Adinu? Kayak Oudi Nug he, Dawit nug inam aum. ‘Nadi Jehowa Nug dahil Nadi amegpa inam aum. “Na da epel nadiappa daappe ukeb, da nahip keked na waatpa maadkul.”’³⁷ Ag iikud anteg! Danab nug, nug bekanu, ‘Nadi,’ ii ate amge Dawit nug nuqa, nug bekanu, ‘Nadi,’ aum amunu ig atemun Kristusnu, ‘Nug

am Dawit bekaib, akunig?" awa aum. Awa a amu abpan danab ag nuhig nainu oolag gamag ahom.

³⁸ Jesus Nug anam anana amu Nug nai baula tudita, danab ah amelagpa aum. "Do mehuqak danab ag lamen enanag elab ele takana, danab ah noolagpa oiglagnu oolag anuqak dayeye, ag danab laala ag humadkulagnu oolag okai ele daate. ³⁹ Ag nai doyak laka amu hobul haenpa ele amu ag aben anuqakpa daaglagnu itag aqate amge ag ahilag kobol amu hemananu dab meig! ⁴⁰ Do mehuqak danab ag anam henana amu ag ah qab ham bupualadna, laulkad yab awona, ahilag hipunin amu danab ah amelagpa lokumkulagnu ag unuqitak elab heteb amunu epediak haenpa geha ag ug okainab aoglag," awa aum.

AH QAB NUG MEN DODO KAYAK METOM

⁴¹ Jesus nai amu matiom dimpa amu Nug men dodo mak aben guguitak dayaya, Nug danab laala men dodo kunuppa meegeg anatom. Laala, ag enulag kudum ele amu ag kudum mepig. ⁴² Meegeg amu ah qab dadek ele nug apa uka, men dodo adit, wan toea bia, kunuppa meum. ⁴³ Me amu Jesus Nug nuhikud ipunitak awak danab onilagpa e doeg, Nug ag amelagpa aum. "Da genab ag amelagpa atem. Ah qab dadek ele imu nuhig men dodo kunuppa meum amu danab laala mepig ele amu oh edadte. ⁴⁴ Adinu? Laa oh ag men dodo kudum ele amu, ag laih nakok amupan aon mepig amge ah imu nug men dodo nakoknab nuhig, nug ehanidkunu dayom, amu oh meum," awa aum.

HAEN MALAKUNU EPONAK KEEKE DIIGDIIG

13 Jesus Nug anam a amu Nug nuhikud ipunitak awak danab ele ag ahan, mana metak lag dimitim

gonana, nuhig ipunitak awak danab laa nug Jesus amegpa aum. "Ipunitak danab, ante! Ag men enapaib lag imu oh ena hepig!" awa aum. ² Nug anam a amu Jesus Nug aum. "Ag lag okai imu anadteb amge dimpa ag men imu lopadpeg, nena qena, laa nug laa qadepa iinab daama. Ohnab lopadpeg, honap nena qekulag," awa aum.

³ Aria Jesus Nug aaku mana metak lakanu aha noa, Olip qaukopa ta dayeye amu Petrus, Jakobus, Johanes amu Andreus ele ag aka gumidna gona, ⁴ Nug od medapig. "Na amenigpa ame amu kobol amu haen genab beku? Amu ele eponak keeke adi tatam beeb, keeke amu oh bekunu miag daate amu ig doog-nig?" aon apig. ⁵ Ag anam aeg amu Jesus Nug aum. "Danab laa ag bupualadmanu ag dab meig! ⁶ Adinu? Danab kudum ag da onilpa udin, 'Da am Kristus' anana, kudum laa bupualadkulag. ⁷ Amu ag bannu doonna, bannu ulah nai ele dooglag. Keeke amu genab bekulag amge doyeg, ag aib otaipig. Wan haen malak iita. ⁸ Danab bedulag laa ag danab bedulag laa ele nug qekulag amu wan laa ag wan laa ele nug qekulag. Aben laalapa amu mim nebepeg, enug haen okai ele nekulag. Kobol amu oh am nid dokunu ah ag guitak tatam dooteb amubia aakuib.

⁹ Amu ag ahilag oiyaknu dab meig! Ag laala amu ag adualadna, hetodiakpa maadkulag. Ag laala amu ag nai doyak laka apa makudadkulag. Da onil ahilagpa daate amunu ag diiadna, king gabman ele epelagpa maadpeg, ag hetodiadkulag. Amu ag haen amupa dahilnu nai ena amelagpa mehuqkulag. ¹⁰ Dahilnu Nai Ena amu wan ohpanu danab ag doon malapeg amu malaknu haen miag daaku. ¹¹ Amu ag dahilnu Nai Ena mehuqkulag amunu ag adualadna, hetodiakpa maadpeg ag haen amupa adi akulag, nai amunu dab huan aib mepig.

Iiṭa, haen amupaib Kayak Oudi Nug nai aḍi ipuanateb, ag nai amuib aḱulag. Ag aḱa iṭa. Kayak Oudi Nug nuhig uḍat ahilagpa heḱu. ¹²Haen amupa danab laa nug awag o nug amag mauhḱunu kekeḍ epelagpa meḱu. O danab laa nug beḱa ele anam heḱu. Nid naunau ag ele eḍun anilḱad mamelḱad mauhḱulagnu gedadna, kekeḍ epelagpa maadḱulag. ¹³Da onil ahilagpa daate amunu danab oh ag oolagpa ahilagnu nau, ninig ele dooglag amge laa nug gagatag dayeb eb uḱeb, keeke oh ba maleb, haen amupa ele nug gagatag daaḱu amu, nug padal ii mema.

¹⁴Aria propet Daniel nug keeke naunab laa, nug ab he nauhte ele, amunu yom. Danab aun nug nai imu eb qeṭe amu nug meu nuhig tutuḱu aokunu dab maḍ! Amu ag keeke naunab amu nug aben daaḱunu elele iṭapa dayeb anidna, ag Juda danab ah ag ahan oolna qaukopa uḱeg! ¹⁵Genab, haen amupa danab laa nug ulah awak abenpa, lag aṭan daate amu agupa dayaya, nug oolḱunuib dab maama, nug lag oopa noa, keeke ii aoma. Iiṭa. Oola uḱaḍ! ¹⁶O laa nug daṭa dayaya, nug oolḱunuib dab maama, nug eḍua lamem nuhig aokunu laḱa ii goma. ¹⁷Haen amupa ah oolag ele, ah ag nid yuḍ huh madateb ele amu, ahilagnu amu gadonnab. ¹⁸Ag keeke amu oug haenpa bemanu unuqiteg! ¹⁹Aḍinu? Haen amupa amu ug naḍinab daaḱu. Ug amubia deḍ laa Kayak dig ma keeke oh heum uḍiak gemu ele, dimpa ele amubia ii daama. ²⁰Anam daate amunu Kayak Nug haen amu tutuib daaḱunu, haen amu ii oḱullo, danab ah oh padal melob amge Kayak Nug danab ah nuhikud tituanatom ele, Nug amu dilag dab ma, haen tutu oḱulḱu. ²¹Aria haen amupa danab laa nug ag amelagpa, 'Anteg! Kristus Nug ipa ina daate,' o iṭa, 'Anteg! Kristus uḱa uma daate,'

ab amu ag oolagpa genab aib doopig. ²²Aḍinu? Geha ham bupuak danab laa ag ham bupuna, 'Da am Kristus,' o 'Da am propet,' aḱulag. Ag amu henana, ag ahan, danab Kayak Nug tituanatom ele amu ag amelagpa eponak keeke, danab heḱunu elele iṭa henana, ag ham bupualadḱulagnu wagai meḱulag amge elele iṭa. ²³Amunu ag dab meig! Da keeke amu ii neumpa, keeke amu ohnu ag amelagpa ain malami," awa aum. ²⁴Jesus Nug anam anana amu Nug nai baula aum. "Aria ug amu oh maleb amu aam nug ii amahalma, kalam ele ii amahalma, ²⁵habpanu hoḍopai laala ag nena qebepeg, laa ag uḍalnana, ag ipulag tutuḱu ii dim lamidmana. ²⁶Keeke amu oh ba maleb, Danab Bekalag da, da lombigpa gagatag oḱai amu amahlak oḱai ele uḍipi anidḱulag. ²⁷Da uḍien amu da dahilad engel hepi, ag gona, danab ah da tituanadmi amu, aben ohpanu qag maadna, diin uḍiglag. ²⁸Nai amunu amu ag ad pignu kobol dab menana, dab mak aoglag. Ag ad pig nug uḍug bau beḱunu dig ma haulṭe anidna amu ag haen amupa, 'Aam haen nug aaḱu dig mete,' aon aṭeb. ²⁹Ag ad pig nug bau beḱunu dig ma haulṭe anidna ag, 'Aam haen miag dote,' dooteb amubia ag kobol diigdiig oh da ami ele amu bebepeg anidna, ag dahilnu, 'Nug eḍua uḍikunu haen aaḱu miag daate,' dooglag. ³⁰Da genab ag amelagpa aṭem. Danab ah haen imunu oh ii mauhadpeg, geha keeke amu oh beḱu. ³¹Hab wan ele amu iṭa meḱulah amge dahil nai amu iṭa iinab mema," awa aum.

JESUS EDUA UDIKUNU HAEN AMU, DANAB LAA II DOOTE

³²Anam amge laipu laa nug deḍ amunu haen ii doote. Engel hab aṭannu ele ii dooteb. Da ele ii dootem, Mama Nug nuḱa keeke amu doote. ³³Ag haen amu ii dooteb amunu ag dab menan

dayeg! ³⁴Haen amu inam bia beku. Danab laa nug atu laih gokunu aha, nug laugpanu udat oh otia, nuhikud udat danab epelagpa mewowa, laa nug nuhig okai edua udikunu dab maama daakunu anana, aha ukom. ³⁵Amunu ag danab, nug nuhig okai edua udikunu dab maama daakunu aum, amubia amu ag dab menana dayeg! Adinu? Ag Nug edua udikunu haen ii dooteb, tuebtai o tugmagtai o butua wagdebtai. ³⁶Nug pahatai edua udiku amunu ag niimnanu dab meig! ³⁷Nai imu amu ahilagib iita. Da danab ah oh dilagnu ele atem. "Ag dab medanna dayeg!" awa aum.

BETANI ABPA AH LAA GODEN AWA UKA JESUS LAAITOM

14 Jesus Nug nai amu oh matia male amu dimpa Pasowa metid hobul ded ii nak, nekunu ded adit dayeye, hobul amupa ag bret hamuib ladapig ele amu, mana metak danab okai, do mehuqak danab ele amu ag lokumakpa Jesus adan, qepeg mauhkunu ib madipig. ²Amu ag keeke amu hekulagnu inam apig. "Danab ah nug qemana, mutub ele qemananu amu ig Pasowa hobul haenpa Jesus ii adamta," aon apig.

³Aria Jesus Nug Betani apa danab onig Simon, nug gada ode ele amu, nug laugpa e lanan dayeye, ah laa nug men id enanag, goden mutudig enanag, nob okainab ele inak, amu awa, gumita udiom. Ag goden amu bala laa onig nad, amupa hedapig. Aria ah amu nug amu awa udia, id baag amu qe aode, Jesus igipa gokadom. ⁴Nug anam he amu danab laala, apa daapig ele amu, ag oolag nauhe, aka aka kobol amunu matin apig. "Adinu nug goden amu hamu kakitom? ⁵Nug goden amu meeb, danab laa nug mad laipunu udat nob editak daden meeb, men dodo amu dadek danab matalo am ena,"

aon apig. Ag anam anana amu ag ah amu aidpig. ⁶Ag anam aiteg amu Jesus Nug ag amelagpa aum. "Ag ueeg! Adinu ag ah imu oo ug medateb? Nug dahilnu kobol enanag heum. ⁷Dadek danab amu, ag ag oolagpa hanhan daaglag amunu ag ehanadkulagnu oolag dayeb amu ag ehanadkulag. Amge da ag ele haen oh ii daamta. ⁸Ah imu nug dahilnu kobol ena hekunu elele anta, nug heum. Nug da bedul modpa nokunu gadal babaita, goden amu gokadom. ⁹Da genab ag amelagpa atem. Dimpa danab ag dahilnu Nai Ena wan adepa adepa mehuqnana, ag ah imu keeke heum, nug ag daulagpa dokunu, ag amunu ele matiglag," awa aum.

¹⁰Aria haen amupa ipunitak awak danab tuelp, ag oolagpan laipu, nug onig Judas Iskariot, nug mana metak danab okai gumata uka, Jesus ag epelagpa mekunu aum. ¹¹Nug anam a amu ag oolag gamag ahe, nug anam heeb, ag men dodo metaglagnu nai qakan apig. Ag anam aeg amunu Judas nug haen ena adeku Jesus ag epelagpa mekunu ib matiom.

JESUS PASOWA HEUM

¹²Aria Pasowa metid hobulnu babaitaknu ded ne, ded amu Juda danab ag Pasowa hobulnu dod sipsip aqaeg mauhadtapig ele, ded amupa Jesusnu ipunitak awak danab ag Jesus od medapig. "Ig na Pasowa e lakutnu amu ig amunu adepa bapaidkunignu oot daate," aon apig. ¹³Ag anam aeg amu Jesus Nug ipunitak awak danab adit amelahpa aum. "A ahaya goya, abpa noya, apa amu a danab nug nipud, le am bak ele, amu mawa doa, a udalah teeb amu a nug dim lamidya uked! ¹⁴Dim lamidya goped, nug lag atempa teeb amu a lag amu nug mameg amegpa inam aid! 'Ipunitak danab ihinih Nug inam aum. "Da dahil ipunitak awak

danab ele ig na lautpa oo atēpa Pasowa lakunig?" ' aoya akulah. ¹⁵A anam aped, geha nug lag oo okai, balal dayak aben ele amu ana ipuanateb, a lag oo amupa Pasowa babaited!" awa aum. ¹⁶Jesus Nug anam a amu a ahaya goya, abpa noya amu Jesus Nug aum amubiaib anidpid. Anidya amu a Pasowanu e bapaidpid.

¹⁷Bapaidya malapid amu tueb meeme, Jesus Nug nuhikud ipunitak awak danab tuelp amu ag oh apa gopig. ¹⁸Aria ag gona tena, balalpa e lanana, Jesus Nug aum. "Da genab ag amelagpa atem. Ag oolagpanu danab laa, nug da ele geha iiku e latep amu nug da keked epelagpa meidku," awa aum. ¹⁹Nug anam a amu ipunitak awak danab ag oolagpa ugnab doonna, ag anen anen Jesus od medapig, "Na ame am date?" ²⁰Ag anam od metaeg amu Jesus Nug nai iikuib nob meum. "Ag danab tuelp amu ag oolagpanu laa nug da ele geha iiku e latep amu nug ana heku. ²¹Danab Bekalag da, Kayak nai ate amubianab, da mauhkul amge danab nug da keked epelagpa meidku amu nuhignu gadonnab, nug anig amu nug ii menulo am ena," awa aum.

²²Jesus Nug anam a, ag oh e lanan daanna amu Jesus Nug bret awa, Kayak unuqita, pane ne, pania madata, inam aum. "Ag aon laig! Imu da bejul." ²³Nug anam anana amu Nug wain hai gokodpa awa, unuqita mate, ag oh lapig. ²⁴Ag laegeg amu Jesus Nug ag amelagpa aum. "Imu da tiil, amupa da tituanak bau hetem. Da danab ah kudum dilag hipunin uhuqen madakulnu gokadtem. ²⁵Da genab ag amelagpa atem. Da grep lepu wain geha iiku latep imubia baula paha ii lapa. Iita. Dimpa da Kayaknu do madoq oopa dayeye am da wain bau lakul," awa aum.

²⁶Nug anam a amu ag ahi laa etona, ag ahan, dimitim wana, Olipnu qaukopa gopig.

JESUS NUG PETRUS, "DA NUG II DOOTEM," HAEN EWAM AKUNU AUM

²⁷Ag gona tena, Jesus Nug aum. "Kayak naipa yak laa niite am inam. 'Da gumak danab qepi mauheb, sipsip ag oh oolna matatun gokulag!' amunu yak amubia amu gemu tuqan imu ag oh uuidna oolna gokulag. ²⁸Amge dimpa da eduen hibaiten, da anuqen, Galelia wanpa gopi, ag da dim lamidna gokulag," awa aum. ²⁹Nug anam a amu Petrus nug Jesus amegpa aum. "Danab laa oh ag nahipnu ehed doon, uuidna oolna gokulagtai amge da am anam ii hepa!" awa aum. ³⁰Petrus nug anam a amu Jesus Nug odepa awa aum. "Da genab na amenpa atem. Gemu tuqan imupa na dahilnu, 'Da Nug ii dootem,' aon, haen ewam batak akut. Na haen ewam anam ape, dimpa matuk dawai nug gaaku," awa aum. ³¹Awa a amu Petrus nug gaga tag aum. "Iita! Da na ele mauhkuni-hnu dayeb amu da amunu ug ii dootem amge da nahipnu, 'Da ii dootem,' ii apa! Iitanab iita," awa aum. Awa a amu ipunitak awak danab laa oh ag anamib apig.

JESUS GETSEMANI UNUQITOM

³²Ag gona, aben laa onig Getsemani tena, Jesus Nug ipunitak awak danab amelagpa aum. "Ag igupa daapeg, da uken unuqidkul," awa aum. ³³Nug anam anana amu Nug Petrus, Jakobus, Johannes ele aakuib diiate, Nug ele gopig. Gona amu Nug oopa ugnab doyom. ³⁴Nug anam doya, Nug ag amelagpa aum. "Da oolpa kahipan tode mauhak bia dootem amunu ag igupa daanna, dab menan dayeg!" awa aum.

³⁵Nug anam anana amu Nug nakok laa ele wana uka, apa Nug dup noa,

gateg qaun wa, haen nau amu ii anidkunu inam unuqitom. ³⁶“O Mame, ug oh da maokul ele, amuam lepu mua ehed hai gokodpa daate bia, amu na ib laa anidna na ape, da le hai gokod amupanu amu da ii lapa amge na da ool daate aib dim lamidme. Na oot daate amuib dim lamite!” awa aum.

³⁷Nug anam anana amu Nug edua, ipunitak awak danab ewam niiegeg anata, Nug Petrus amegpa aum. “Simon, na niitemte? Na aam ameg laipuib dab menan daakutnu elele iitate?” ³⁸Satan ag eedateb, ehedpa gomananu ag dab menan daanna, unuqiteg! Ag oudilag am elele amge ag bedulag am elele iita,” awa aum.

³⁹Nug anam anana amu nug edua uka tatam unuqitom anamib baula unuqitom. ⁴⁰Unuqitowa amu Nug edua uka, ipunitak awak danab ag amelag ehed neum amunu ag niiegeg anate, ag Nug amegpa nai laa akulagnu ii doopig.

⁴¹Aria haen ewampa nug edua uka, ag niiegeg anata amu Nug ag amelagpa aum. “Ag iite ahapig? Ag geha iiku elete niin aotna aotebte? Aaku elele! Danab nug Danab Bekalag da, hipunin danab epelagpa meidkunu haen aaku doum. ⁴²Ahapeg gotu! Anteg, danab nug da keked epelagpa meidku ele amu nug aaku udite,” awa aum.

⁴³Jesus Nug nai amu matieye amu ipunitak awak danab tuelp oolagpan laa onig Judas, amu danab kudum ele, danab amu ag qep elab amu dadib maha ele adapig amu, ag mana metak danab okai amu do mehuqak danab amu Juda iki danab ele ag apig bia, Judas ele udipig. ⁴⁴Tatam Judas nug ag Jesus adaglagnu eponak keeke laa hekunu amelagpa inam aum. “Da danab laa ootuqidkul ele amu, ag Nug adan, aon ukeg!” awa aum. ⁴⁵Anam amunu Judas adi ag gona, Getsemani tena, Judas nug paha Jesus gumita

uka, “Ipunitak danab,” awowa, nug ootuqitom. ⁴⁶Ootuqite amu ag Jesus adapig. ⁴⁷Adaegeg amu laa apa dayom ele amu nug qep elab nuhig eeda awa, mana metak iki danab, nuhig begbeg laa daug hoiyom. ⁴⁸Anam he amu Jesus Nug amelagpa aum. “Da yabhok danabte daatem amunu ag qep elab amu dadib ele aon adailkulagnu udipig?” ⁴⁹Da ded oh mana metak laka danab ah ipunitak maadtami amge ag ii adailpig. Amge Kayak nai ate amuib bad!” awa aum. ⁵⁰Nug anam a amu nuhikud ipunitak awak danab ag oh uuidna, oolna gopig.

⁵¹Amu nid bau laipu laa nug Jesus Getsemani ugeke, haen amu nug ele Jesus dim lamitom. Nug lamen linen taka ukom. Uka dayeye amu ag Jesus adana, ag nug ele adaeg, ⁵²nug lamen uua, hamu oola ukom.

JESUS NUG JUDA DILAG EPEDIAK OKAI, ONIG SANHIDREN, AG NOOLAGPA DAYOM

⁵³Ag Jesus adana amu ag Nug aon gona, mana metak iki danab topa gopig. Amu mana metak danab okai, abnu iki danab amu do mehuqak danab ele ag oh apa qag mepig. ⁵⁴Ag Jesus adan omalna teegeg amu Petrus nug dim lamaatom amge nakok pide dim lamaatom. Dim lamaata, lagnu ad oopanab ta, lag mamegnu daup oolagpa ab udika dayom.

⁵⁵Petrus nug apa dayeye amu lag oopa mana metak danab okai amu Juda dilag hetodiak okai, onig Sanhidren, amunu danab ele, ag oh Jesus qepeg mauhkunu danab laa nug Jesus adi ehed heum amunu akunu madipig. Madipig amge ag laa ii anidpig. ⁵⁶Matiegeg amu danab laala ag ahan, ham bupuna, Jesus Nug adi ehed heum apig amge ahilag nai am idu laipu iita, pide pide. ⁵⁷Anam heegeg amu laala ag ham bupuna, Jesus gedidna, inam apig. ⁵⁸“Danab imu

Nug inam a doomut. ‘Da mana metak lag imu, danab epelagpa hepig ele amu, da hepi nauheb, ded ewampaib amu da bau hekul amge da epelpa ii hepa.’ Nug anam aum,” aon apig. ⁵⁹Ag anam apig amge ahilag nai amu ele idu laipu iita, pide pide.

⁶⁰Ag anam ham bupun matieg amu mana metak iki nug ag noolagpa hibaita, Jesus od metom. “Nai amunu amu na nob iite memana? Nai anak amuam genab o genab iitate?” awa aum. ⁶¹Nug anam aum amge Jesus Nug nai nakok laa ii matiom. Aria mana metak iki nug edua, bau od metom. “Na am Kristus, Kayak bekte?” awa aum. ⁶²Nug anam od mete amu Jesus Nug aum. “Yo, da iiku amu dimpa ag Danab Bekalag da, Kayak gagaṭag oh ele amu, Nug epeg nadiappa, amuam anuqak aben, amupa daappi anidna amu hab waapanu lombigpa ele uḍippi anidkulag,” awa aum. ⁶³Jesus Nug anam a amu mana metak danab dilag iki nug nuhig lamen ada, patida, nug aum. “Ig danab laala danab imu ehed heumnu matiglagnu ii matimta. Iiku elele! ⁶⁴Nug nukā nuhignu, ‘Da am Kayak,’ aum amunu Nug Kayak dabiṭa awa awa qetom. Ag nai amu doopig amu ag nuhignu adi ateb?” awa aum. Nug anam a amu ag oh, “Nug ehed heum, Nug mauhku,” apig. ⁶⁵Ag anam anana amu laa ag hunu qeegeg, laa ag lamempa ameg qakana, epelagpa maḱudnana apig. “Kayak ehaniteb, na aun na oitom ape dootu!” aon apig. Aria mana metak iki, nuhikud daup, ag ele nug maḱudpig.

PETRUS JESUSNU, “DA NUG II DOOTEM,” AUM

⁶⁶Amu Petrus nug lagnu ad oopa dayeye, mana metak iki, nuhig begbeg nid ahin laa nug doa, ⁶⁷Petrus nug ab udika dayeye anta, nug aum. “Na ele am Nasaret ted Jesus, Nug ele oipid!” awa

aum. ⁶⁸Nug anam a amu Petrus nug aum. “Iita! Da nai amuam da ii dootem!” awa aum. Anam anana amu nug aha, lagnu ad odpa uka dayom. ⁶⁹Daye, dimpa begbeg ah amu nug Petrus baula anta amu nug laala daapig ele amu, ag amelagpa aum. “Danab imu nug Jesus adi lailag!” awa aum. ⁷⁰Nug anam a amu Petrus nug baula, “Iitanab,” awa aum. Nug a amu nakok dimpa danab apa daapig ele amu, ag Petrus amegpa apig. “Na am Galelia ted amunu genab na am Jesus layag!” aon apig. ⁷¹Ag anam aeg amu Petrus nug nai gagaṭagnab inam aum. “Da nai genab ii api amu Kayak Nug da nob nau medad! Da genab iiku atem! Danab amu ag nuhignu ateb ele amu, da Nug iinab dootem!” awa aum. ⁷²Petrus nug anam a amu matuk dawai nug paha baula gayom. Gayeye amu Jesusnu nai, “Tuqan imupa na dahilnu, ‘Da Nug ii dootem,’ ape, haen ewam batak akut. Na haen ewam anam ape, dimpa matuk dawai nug gaaku,” nai amu Petrus daugpa doum. Nai amu Petrus daugpa do, dab maama gayom.

JESUS PILATUS NOOBPA DAYOM

15 Aria wagde butua amu mana metak iki danab, Juda iki danab, do mehuqak danab amu Juda dilag hetodiak okai, onig Sanhidren, amunu danab ele ag oh qag mena, Jesus mauhkunu nai qakona, Jesus epeg mudipa qakana, aon gona, Pilatus epegpa mepig. ²Jesus Nug anam dayeye amu Pilatus nug od metom. “Na Juda dilag kingte?” awa aum. Awa a amu Jesus Nug aum. “Na aaku atem,” awa aum. ³Jesus Nug anam a amu mana metak danab okai ag nuhignu nai hamu yaan henan, “Jesus ehed kudum heum,” Pilatus amegpa apig ⁴amunu Pilatus nug Jesus od metom. “Ag na ehed kudum hemenu ateb amu na nai amunu eduna, nob iitai amana?” awa aum. ⁵Pila-

tus anam aum amge Jesus Nug ođepa ii awom amunu Pilatus nug dab mak kuđum awom.

⁶Aria mađ ohpa Pasowa hobulnu dedpa gabman nug danab ah ag hipunin danab ađen uhuqa madakunu apig amu nug mani guitakpanu od matule dođom. ⁷Amu danab laa ag gabman ele ban henana, ag danab aqaeđ mauhpig amunu ag mani guitakpa daapig amu ag oolagpanu danab laa onig Barabas, nug ag ele oh haen amupa mani guitakpa daapig. ⁸Nug mani guitakpa dayeye, Jesus Nug Pilatus epegpa dayeye amu Juda danab kuđum ag ahan, Pilatus topa gona, ag nug hanhan mani guitak danab laa uhuqtom bia hekunu apig. ⁹Ag anam aeg amu Pilatus nug aum. “Da Jesuste uhuqkulu oolag daate?” awa aum. ¹⁰Pilatus nug Jesus nuhig hak ena, hak amupa Nug Juda okai edađom amunu ag oolag nauhe, Jesus hetodiakpa mepig dođom amunu nug anam od mađom. ¹¹Pilatus nug anam od mađom amge mana metak danab okai ag ahan, wagai mena, danab oh gađa mataeg, ag Barabas uhuqkunu apig. ¹²Ag Barabasnu apig amunu Pilatus nug aum. “Amge ag Juda dilag king imu, da nuhignu adi hekulu oolag daate?” awa aum. ¹³Nug anam a amu ag epig. “Ad emaitakpa atule!” aon epig. ¹⁴Ag anam eeg amu Pilatus nug od mađom. “Adinu? Nug adi ehed heum?” awa aum. Nug anam aum amge danab kuđum ag baula huan epig. “Ad emaitakpa atule!” aon epig. ¹⁵Ag anam eeg amu Pilatus nug danab kuđum ag oolag ena daakunu Barabas uhuqom. Barabas uhuqa amu nug nuhikud daup ag Jesus wippa ehed matadkulagnu a, ag anam heeg, Pilatus nug Jesus ad emaitakpa atulkulagnu anana, nug Jesus awa, ag epelagpa meum.

BAN DANAB AG JESUS AON AON QEDAIG

¹⁶Pilatus anam mađiom amunu nuhikud daup ag Jesus aon gona, gabman dilag okai laug oopa nona, ag daup laa oh onilagpa eeg, udieg, ¹⁷ag oh lamen kokod enanag Jesus aduiteg no, ag king igipan bala bia muđi qaun elepa hewona, Jesus igipa ađaeđ noum. ¹⁸Ađaeđ no amu ag aon aon qetan, Jesus humidna apig. “Na am Juda dilag king! Na binan ele!” aon apig. ¹⁹Ag anam henana amu ag gumu laa, qaitobđob gumu bia, amu aona, Jesus iki onana, hunu qenana, Nug noobpa ham bupuak dup nona, gatelag qaun opig. ²⁰Ag aon aon qetan malana amu ag lamen kokod enanag uđidna, nuhig lamen edun aduiteg no, ag ad emaitakpa atulkulagnu aon gopig.

AG JESUS AD EMAITAKPA ATULPIG

²¹Ag ibpa gonana amu ag Sairini ted, Rupas, Aleksanda ele mamelah, onig Simon, nug ab dimitimnu uđia, ab okaipa nokunu dođo, ag nug anidna amu ag duđunna heeg, nug Jesusnu ad emaitak maokunu apig. ²²Nug ad emaitak mawewe amu ag gona, Golgata apa tepig. Golgata diig am Ikilag Ebehi. ²³Tena, apa amu ag Jesus wain marasin laa onig mir koboliak, Nug amu lakunu metaeg am Nug ii laum. ²⁴Jesus Nug anam he, ag Nug ad emaitakpa atulona amu ag nuhig lamen aoglagnu amu ag otina, ameg wadele mewona, aun nug ameg ađen aoku amu ag keeke laa onig dais amupa qid hena, aopig. ²⁵Ag butua aam ameg eblaih wadelepa ad emaitakpa atulpig. ²⁶Rom danab ag danab ad emaitakpa atuladđapig ele amu, ag adi nai ag beđulagpa yaapig ele, danab ag amu anidkulagnu, ag udugpa yaana, ad emaitakpa atulpig. Aria Jesusnu amu

ag, “Nug Juda dilag king,” anam ana yan, ad emaitakpa atulpig. ²⁷ Ag danab adit laa, a am yabhok danab amu, ag a Jesus ele oh atuladpig. Ag danab laa Jesus epeg nadiapa atulona, laa am epeg nanehpa atulpig. ²⁸ [Ag Jesus danab adit ele atuladpig amunu Kayak nai laa danab yom amu meu oom. Nai am inam. “Ag nuhignu, ‘Nug am hipunin danab lailag,’ akulag.”] ²⁹ Jesus Nug ad emaitakpa dayeye amu danab ah ag Nug noobpa dona wanana, ag ikilag matudna, aon aon qetanna, inam apig. “O! Na mana metak lag lopadna, edun ded ewampaib hekutnu ame ³⁰ amunu na anam hekutnu elele amu na ad emaitakpanu bedun uhuqna nena, ena daye!” aon apig.

³¹ Ag anam aegeg amu mana metak danab okai, do mehuqak danab ele ag aon aon qetan apig. “Nug danab laa ehanatom amge Nug nukā ehanidkunu elele iita. ³² Nug am Kristus, Juda dilag kingde! Nug ad emaitakpanu neeb, ig anita, ig nuhignu oonigpa genab doognig,” aon apig. Ag anam aegeg amu danab adit ag a Jesus ele atuladpig amu a ele Jesus amegpa awa awa qetak nai madipid.

JESUS MAUHOM

³³ Anam heegeg uke, aam ameg tuelpa gatatu wan amu oh na tone uke, aam ameg ewampa batom. ³⁴ Aria aam ameg ewampa Jesus Nug bag okaipa ewa aum. “Eloi Eloi lama sabaktani,” awa aum. Nai amu eduak am, “O Mame O Mame! Adinu na da uuidme?” ³⁵ Jesus Nug anam e, danab apa Nug guguitak daapig ele ag amu doon apig. “Doyeg! Nug Elias onigpa ete,” aon apig. ³⁶ Ag anam anana amu ag oolagpanu danab laa nug aha, qaiqad uka, yupan keeke laa, nug le huanak eehte ele onigspan amu awa, wainpa mewowa, nug awa, gumu laa, qaitobtob gumu bia,

amupa ita, medakunu haaha, nug aum. “Daapeg, Elias nug na ehaniteb, nug ad emaitakpanu neku o iita amu ig anidkunig,” awa aum. ³⁷ Danab nug anam a amu Jesus Nug baag okaipa ewowa, Nug mauhom. ³⁸ Jesus mauhom, haen amupa mana metak lag oopa lamen nadi aiheg dayom ele amu, gamagpanab atannu katida uka, honap noum. ³⁹ Jesus mauhe amu daup ikilag nug Jesus atem mauhom anta, nug aum. “Genab, danab imu Nug am Kayak beka!” awa aum.

⁴⁰ Amu Jesus Nug ad emaitakpa dayeye amu ah laala ag pide daanna anidpig. Ag oolagpanu laa amuam Maria, Magdala ted, laa amu Jakobus gehanu Josi ele anilah Maria, laa am Salome. ⁴¹ Ah ewam amu ag Jesus Nug Galelia oiyeye ehanitegeg, Nug Jerusalem teete amu ag ele tepig. Ah laala apa daapig amu ag ele Jesus dim lanidna, Jerusalem tepig.

JOSEP AMU NIKODEMUS ELE A JESUS BOOMPID

⁴² Aria Jesus Nug mauhe amu tueb me, ded amuam Juda dilag Metidnu keeke babaitaknu ded, ded amu dimugpa amu ahilag Metid ⁴³ amunu Arimatia ted Josep nug ii bada, Pilatus topa uka, Jesus gada aokunu od metom. Josep nug Juda dilag hetodiak okai onig Sanhidren, amunu nug laa aaku. Amu laa ag amunu danab daapig amu nug ag oolagpanu am onig ele. Laa ele nug Kayak do madod ameg meum. ⁴⁴ Josep nug Pilatus od mete amu Pilatus nug Jesus paha mauhom amunu nug dab mak kudum awom. Awa amu nug daup ikilag onigpa e udie, “Jesus Nug matu mauhomte o iitate?” awa od metom. ⁴⁵ Anam anana amu Pilatus nug daup ikilag odepa Jesus mauhomnu doya, nug Arimatia ted Josep nug Jesus gada aokunu elele aum. ⁴⁶ Pilatus nug a amu Josep nug lamem linen daden ma, Je-

sus gada ad emaitakpanu awowa, gada lamen amupa ita, mod menpa bapaidpig ele, amupa mewowa, nug men laa budibdib mete uka, men modnu ode tonom. ⁴⁷Nug Jesus gada men modpa meeme amu Maria, Magdala ted, amu Josi anig Maria ele a aben amu anidpid.

JESUS EDUA HIBAITOM

16 Jesus Nug modpa niieye amu Juda dilag Metid male, Maria, Magdala ted amu Jakobus anig Maria amu Salome ele ag keeke mutudig enanag ele Jesus gada bapaidkulagnu daden mepig. ²Aria Juda dilag Metid male uke, wagde butuanab aam dig ma beebe amu ag ahan, men modpa, Jesus gada bapaidkulagnu gonana, ³ag aka aka apig. “Aun nug ehanika, men nadi mod odepan amu, men amu dutuna megaku?” Men amuam nadinab amunu ag anam apig.

⁴Ag anam matinna, ag neekek uke, men nadi mod odepanu amu laa nug dutune ukom. ⁵Amunu ag gona, men mod oopa nona, nid bau laa nug lamen hakab ele nug nadiappa dayeye anidna, ag badapig. ⁶Ag anam badan heegeg amu nid bau amu nug aum. “Ag aib badapig. Ag Nasaret ted Jesus, ad emaitakpa atulpig ele maditeb amge Nug ipa ii daate. Nug edua hibaitom. Ag Nug mepig aben amu iikude anteg! ⁷Amunu ag gona, Petrus amu Jesusnu ipunitak awak danab laa oh ele inam apeg dooglag. ‘Jesus Nug anuqa, Galelia gote amunu ag ele gona, Nug anuka aum bia apa Nug anidkulag,’” awa aum. ⁸Nug anam a amu ah ag edun, dimitim gona, mod uuna, ag bedulag hahadede, dab mak kudum aopig. Ag huan badapig amunu ag danab laa amegpa ii apig.

⁹[Jesus Nug Metidpa, wagde butuanab edua hibaitowa amu Nug tatam Maria, Magdala ted, nug gumita waum. Ah amuam Jesus Nug anuka oudi nau

eblaih adit ele bedupanu lamaom. ¹⁰Ah nug Jesus anta amu nug uka, nuhikud ipunitak awak danab, ag oolag ug ele gaana daaegeg, ag amelagpa inam aum. “Jesus Nug edua hibaita, bau daate! Da Nug anidmi,” awa aum. ¹¹Nug anam a, ag Jesus edua hibaitom, ah amu Nug ele antom doopig amge ag oolagpa genab ii doopig.

¹²Aria dimpa danab adit laa a laih gokulahnu ibpa ukaeheh, Jesus Nug bedu edua gumata waum. ¹³Wana amu Jesus Nug he, a Nug dooia, a eduya goya, nai amu aeh amu laa ag oolagpa genab ii doopig.

¹⁴Danab laala ag, “Jesus edua aha, bau daate,” aeg, ipunitak awak danab elewen ag doopig amge ag oolagpa genab ii doopig. Ag nai amunu ahilag dab makib dim lamidna, “Elele iita,” apig amunu dimpa Jesus Nug ag e lanana daaegeg, Nug tula gumata wana, Nug ahilag hak adit amunu alatom. ¹⁵Alatowa amu Nug ag amelagpa aum. “Ag ahan, wan atu ohpa gona, dahilnu Nai Ena danab oh amelagpa aig! ¹⁶Ag apeg doona amu danab laa nug oopa genab doya, layatak aweb amu Kayak nug edua aoku. Laa nug oopa genab ii doya amu nug Kayak noobpa nai ele daaku. ¹⁷Danab ag dahilnu oolagpa genab dooteb ele amu, ag da onilpa kobol laala danab hekunu elele iita imubia hekulag. Ag oudi nau lamadkulag, ag nailag pide pide matiglag. ¹⁸Ag mat nau adaglag o le ehed laa lakulag amu amupa ag ii mauhmana. Ag ode danab bedulag adapeg, ag ode uuadku,” awa aum.

¹⁹Jesus Nug anam a amu Kayak Nug he, Jesus Nug hab atan ta, Kayak epeg nadiappa, amuam anuqak aben, amupa hedep na daate. ²⁰Aria ipunitak awak danab ag wan ohpa gona, Jesusnu nai mehuqegeg, Jesus Nug ag ehanate, ag udat nadi gagatag laala ele heegeg,

amupa danab ag mehuqak ahilag genab
doopig.]

KAYAKNU NAI LUKAS YOM

LUKAS NUG NAI IMU TIOPILASNU YOM

1 O danab nadi Tiopilas, danab kudum ag tatam keeke ig oonigpa bepig, amunu nai yaapig. ²Dig makpanu uke batakpā danab ag keeke amu anidpig ele ag aeg doout yaapig. Ag am Nai Ena mehuqak danab daanna, nai amu aeg doomut. ³⁻⁴O danab Nadi Tiopilas, na ele keeke amunu aeg doome. Aeg doome amunu da ele na nai doome am genab dookutnu nahipnu nai amu baula yaakulnu ool dayom amunu da keeke amu dig makpanu uke batakpā ele ohnu ođ mak tutuku eledenab hei, aeg doyen, iiku elelepa yaatem.

ENGEL SAKARIAS AMEGPA NID MENUKUNU AUM

⁵Aria haen Herodes okai nug Juda dilag king dayeye, mana metak danab laa dayom. Nug am ameg laa onig Abaisa ameg, amu oopanū, nug onig Sakarias. Nug wau am onig Elisabet. A oh am Aron buđub. ⁶A oh Kayak noobpa tutuku oitapid. Do nai oh ena dim lamidya, Kayak amegpa ele daadtapid. ⁷Amge a nid iita. Elisabet nug ah mađoi amunu a hamu oiya, kaino mepid.

⁸Aria haen laa Sakarias laikud ele ag udat ahilag hekulagnu haen be, ag henan daanna amu Sakarias nug ele Kayak noobpa mana metak udat nuhig heum. ⁹Nug heehe amu ag nug uka, kalu, kahug nuhig mutudig ena ele, amu amotkunu meeg, nug mana metak lag oogun ele amupa noum. ¹⁰Kalu amotom, haen amupa danab ah kudum ag dimitim qag mena, unuqidnana daapig.

¹¹Daaegeg, Sakarias nug udat nuhig heehe, Kayaknu engel nug kalu, kahug mutudig ena ele, amu amotaknu qadab

heqo laih nadiapanu hibaita dayeye, Sakarias nug antom. ¹²Sakarias engel anta, nug huan otāia, oo ele bađom. ¹³Oo bađom amge engel nug Sakarias amegpa aum. “Na aib bađame. Unuqitak nahip amu Kayak Nug aaku doyom. Na waat Elisabet nug geha nid danab menueb amu na nid onig Johanes atade! ¹⁴Geha na oot ena dayeb, gaman ele ahebeb amu danab ah kudum ele nug dounnu gamalag ahaku. ¹⁵Nug Kayak noobpa onig ele daaku. Nug wain amu kaaka qaknu le laa oh ele ii lama. Nug anig oopa dayeb amu Kayak Oudi am nug oopa am beku. ¹⁶Dimpa nug heeb, Israel danab kudum ag Kayaknu kobol dim lamidkulagnu dab mebepeg, ag oolag eduku. ¹⁷Nug Kayaknu propet Eliasnu hak gagatag amubia awa, Nadi nob awa, anuqa uka heeb, danab ag ahilkad nid naunau ele oo mak daaglag. Nug heeb amu nai tape nak danab ag oolag edueb, dab mak ena tutuku opia awak ele aon daaglag. Nug heeb, danab ah kudum Jesus udikunu babaitak daaglag,” awa aum. ¹⁸Nug anam a, Sakarias nug engel amegpa aum. “Da atem heina, nai amuam genab daate dookul? Da kaino memi amu ah dahil ele kaino meum,” awa aum. ¹⁹A amu engel nug odepa awa aum. “Da am Gabriel. Da Kayak noobpa daatem ele. Kayak nuka he, da amenpa nai ena imu api dookutnu uđimi. ²⁰Amge na da nai ami amu ootpa genab ii doome amunu na oden qamuteb, nai ii matimna. Iita, na anam daape ukeb, haen keeke amu oh genab beeb, na edun nai madikut. Da nai ami amu haen dob, genab meu beku,” awa aum.

²¹Aria engel nug nai amu matieye, Sakarias nug lag oopa dayeye, danab ah ag nug ameg mena daanna, dab mak kudum aona, aka aka apig. “Lag oo gunpa keeke atem be, nug haen elab daate?” aon apig. ²²Dimpa nug dimitim doa,

nug odepa ag amelagpa nai akunu elele iita amunu ag doopig, Kayak Nug mana metak lag oopa keeke laa ipunitom. Ag amu doopig amu nug ode qamute, nai ii matiaya, epegpaib he doopig.

²³ Aria anam daye dimpa Sakarias nug nuhig udat haen, mana metak lakanu, amu male, nug edua apagpa ukom. ²⁴ Uka dayeye, dimpa nug wau Elisabet oo ele daya, nug kalam tanig ele laka lokuma dayaya nug aum. ²⁵ “Nadi Nug dahilnu oo doye, ehanida, uda nak dahil danab oh amelagpa opiom,” awa aum.

ENGEL MARIA AMEGPA JESUS MENUKUNU AUM

²⁶ Amu Elisabet nug oo ele dayeye, kalam eblaih laipu ele oopa Kayak Nug engel Gabriel me, Nug Galelia wanpa, ab laa onig Nasaret, apa ukom. ²⁷ Nug nai awa, ah makun laa danab aokunu tituanpig ele gumita ukom. Danab amu onig Josep, nug Dawit budub. Ah makun amu onig Maria. ²⁸ Gabriel gumita noa, humita aum. “O ah makun, na madod ele daye! Kayak Nug na ititom. Nahip ititak am ah laa oh dilag ititak edidte. Nug na ele daatep,” awa aum.

²⁹ Maria nug nai amu doya, nug otaia, dab mak kudum awa, nug nuk a nuhig dab makpa aum. “Nai amu atemunab?” awa aum. ³⁰ Anam a amu engel nug amegpa aum. “Maria, na aib badame. Kayak nahipnu oo ena daate. ³¹ Doye, geha na oot ele daanna, nid danab menuna, na Nug onig Jesus atadkut. ³² Nug am dimpa danab Nadi daaku. Ag nuhignu, ‘Kayak atannunab beka,’ aon akulag. Kayak Nug heeb, nug king alag Dawit dayom bia daaku. ³³ Nug haen oh Jakop budubnu king daaku. Nuhig do madod amu ii tuqa aoma,” awa aum. ³⁴ Anam a amu Maria engel amegpa aum. “Keeke amuam atemutai beku? Da danab ii aomi,” awa aum. ³⁵ Anam a amu engel nug odepa awa aum. “Geha

Kayak Oudi nahippa udieb, Kayak atannunab, nuhig gagatag na tonidku amunu na nid amu, Nug am hak tutukuib, Nug ham bupuak nakok laa iita, am Nug opia awak ele, amu na Nug menupe, ag nuhignu, ‘Kayak Beka,’ aona akulag. ³⁶ Doye, na gayap Elisabet nug kaino meum amge nug oo ele. Nug nid danab menuku. Anuka nug nid menuaknu elele iita amge gemu nug oo ele dayeye, nuhig kalam eblaih laipu ele daate. ³⁷ Ante! Kayak Nug keeke oh hekunu elele,” awa aum. ³⁸ Anam a amu Maria nug aum. “Da amu Nadinu udat ah. Na ame bia amu Nug dahilpa anam heku,” awa aum. Awa a amu engel nug edua ukom.

MARIA ELISABET GUMITA UKOM

³⁹ Engel uke haen amupa Maria nug aha, paha aben qauko elepa, Juda dilag ab laapa ukom. ⁴⁰ Uka, Sakarias laugpa ta, nug Elisabet humitom. ⁴¹ Anam he amu Elisabet nug Marianu nai amu doyeye, nid oopa niiom amu nug otaia, oola te, Kayak Oudi Nug Elisabet oopa am beum. ⁴² Nug oopa am be, Elisabet nug Maria amegpa ewa aum. “Na am ititak ele. Nahip ititak amu ah laa oh dilag ititak edidte amu na ootpanu nid, Nug ele ititak ele. ⁴³ Nadi dahil amu, Nug anig da gumida udiom amu da amunu ool ena, itag qete. ⁴⁴ Doye, da daulpa nahip humitak dooiyi, da oolpa nid nug ele gamag ahe, nug otaia, oola teum. ⁴⁵ Kayak a, na ootpa genab doome amunu na Kayaknu ititak aome daatem. Nug aum amu genab anam beku.” Elisabet nug anam aum.

MARIANU AHI

⁴⁶ Elisabet nug anam a amu Maria nug aum. “Da ool nug Nadi binag humate. ⁴⁷ Ehanitak dahil am Kayak. Da nuhignu gamal ahate. ⁴⁸⁻⁴⁹ Adinu? Da am nuhig udat ah, keeke hamu amge Nug dahilnu oo doyom! Kayak Ebehi Oh

Ele Nug keeke naḍinab dahilpa heum amunu gemu, buṭi adi, dimpa ele danab ah budub ohpa ag aḱulag. 'Kayak Nug ititak okai nug meṭom,' aon aḱulag. Nug onig am inam, Hak Tutuḱuib, Ham bupuak Laa iṭa, Opia Awak Ele. ⁵⁰ Nug danab laala ag nuhignu enanag doon, oolag ele oṭaiṭe amu, Nug amu dilagnu oo gai iṭa dooṭe. Aun aḍi ag Nug waapa daanna oiṭeb ele amu, Nug ahilagnu hanhan anamib dooṭe. ⁵¹ Nug nuhig ga-gaṭagpa uḍat haaha, danab ag aḱa binalag humateb ele amu, Nug ag amu ahilag dab mak ele aḱe gopig. ⁵² Nug king ebehilag ele tabate noeg, danab onilag iṭa amu humaṭom. ⁵³ Nug danab enug aqak doopig ele amu Nug he, oolag am beum. Danab ag enulag ele amu Nug aḍate, ag keeke laa ii aḍapig, hamu gopig. ⁵⁴⁻⁵⁵ Nug uḍat danab nuhikud Israel ehanatōm. Nug ig alankad Abraham aḍi amu ag budulkad ele, Nug amu dilagnu hanhan oo gai iṭa dookunu ig alankad amelagpa aum, amubia Nug nai amu daug ii atite. Iṭa, Nug anam hete," awa aum.

⁵⁶ Anam a amu Maria nug Elisabet ele kalam ewam anam dayoya, dimpa nug eḍua apagpa uḱom.

ELISABET LAYATAK JOHANES MENUOM

⁵⁷ Maria nug eḍua apagpa uke, Elisabet nug nuhig nid awak haen be, nug nid danab menuom. ⁵⁸ Menue amunu Elisabet mudipanu amu nuhikudpa ele ag Naḍi nuhignu oo gai iṭa doya ehanitōm amu doona, ag nug ele gamalag ahom. ⁵⁹ Amu ded eblaih ewampa ag nid gaḍa otadḱulagnu gona, ag nid amu nug mameg onig Sakarias oela qetaḱlagnu apig ⁶⁰ amge nid anig nug aum. "Iṭa! Ig nug onig Johannes atadḱunig," awa aum. ⁶¹ A amu ag nug amegpa apig. "Na budunadpa ag onilag anam laa ele iṭa," apig. ⁶² Anana, ag epelagpa nid amu nug onig

aun aḱulagnu nug mameg oḍ medapig. ⁶³ Epelagpa anam heeg amu Sakarias nug epegpa yaknu udug nug meṭaglagnu heum. He meṭaeg amu nug, "Nid onig amu Johannes," yom. Anam ye amu ag dab mak kuḍum aopig. ⁶⁴ Nug nid onig ye anidna, ag dab mak kuḍum aoegeg amu haen amupanab Sakarias nug oḍe opate, lemaḍu ug iṭa me, nug nai maṭi-aya, Kayak binag meum. ⁶⁵ Anam he, nug mudipanu laikud ag oh baḍapig. Aria ag ahan, nai amu tuḍiteg, Juda ab aben qauko elepa daateb amu ohpa uḱom. ⁶⁶ Danab oh ag nai amu doona oolagpa dab mak kuḍum aona apig. "Dimpa nid amu ena ma amu nug aḍi heku," aon apig. Aḍinu? Naḍinu gagatag nug ele dayom amu ag anidpig.

SAKARIASNU AHI

⁶⁷ Amu Kayak Ouḍi Nug Johannes mameg Sakarias nug oopa am be, Sakarias nug Kayak ode mehuqa aum. ⁶⁸⁻⁶⁹ "Ig Naḍi, Israel dilag Kayak, Nug binag metu. Aḍinu? Nug Israel danab nuhikud ehanata uhuqatōm. Nug ig ehed daamtanu eḍua awikak danab gagatag, nuhig uḍat danab Dawit, nug budubpa me uḍiom. ⁷⁰ Nug anuka nuhikud propet ag odelagpa anam heḱunu mehuqa maṭi-aya aum amu Nug amu aaku heum. ⁷¹ Nug ig keked ihinkad epelagpanu amu danab laa ag ihinignu oolagpa nau, ninig ele dooṭeb amu, ag epelagpanu ele eḍua awikunu aum. ⁷² Nug ig alankad dilagnu oo gai iṭa dookunu, Nug ag tituanata, keeke laa heeb beḱunu nai qaqa aum ele amu, Nug nai aḍit amu daug ii atimanu aum. ⁷³⁻⁷⁵ Nug ig nuhikud begbeg, baḍak iṭa ele daagnignu, ig Nug noobpa danab tutuḱu, opia awak, ham bupuak iṭa, ihinig ded oh daagnignu nai genab gagatag ig alanig Abraham amegpa nai qaqa aum amu Nug keeke amu oh aaku ha malom," awa aum. ⁷⁶⁻⁷⁷ Sakarias nug anam anana,

nug nai baula tuđita aum. “O nid dahil, na Nađinu ib bapaidkutnu, na Kayak, Nug danab nuhi kud, hipunin uhuqak ibpa edua diikunu ipuanadkutnu amu na Nađi noob aon, anuqna gokut amunu ag nahipnu, ‘Nug am Kayak atannabnu propet,’ aon akulag⁷⁸ Kayak ihinig Nug oo gai iita doyak nađi ele amunu Nug ig ehanigku. Geha Nug heeb, hab atannu amahlak uđia, ig amahiligku.⁷⁹ Danab ag gatatupa mauhkulagnu miag daateb amu amahlak madaku. Nug ig ib oo mak madod ele amu tapat gokunignu ulum daaku,” awa aum.

⁸⁰ Aria dimpa nid nug ena meeme, Kayaknu Ouđi Nug ehanitom. Ehanitete, nug atu tadakpa dayaya, dimpa Israel amelagpa Kayak nai dig ma mehuqom.

MARIA JESUS MENUOM

2¹⁻² Amu Elisabet nug Layatak Johanes menue, haen amu nakok dimpa Sarinus nug Siria dilag danab okai dayeye amu Kaisa Agastas nug Rom danab ah oh onilag yaaglagnu do meum. Ag onilag awak udat amu haen amupa dig mepig.³ Kaisa nug do me, onilag yaaglagnu apalag diigpa ukageg,⁴⁻⁵ Josep nug Dawit budub amunu nug Maria ele, a layam daapiđ amu, a ab okai Nasaret, Galelianu ahaya, Juda wanpa, ab onig Betlehem, apa onilah mekulahnu gopid. Maria nug oo ele dayom⁶ amu a apa daaeheh, Marianu nid awak haen do,⁷ nug nid danab tatamnu menuom. Menua, niiak lag am beum amunu nug beka lamem elabpa ehaka, dod dilag e lanak tadad oopa me niiom.

SIPSIP GUMAK DANAB AG JESUS DOUMNU DOOPIG

⁸ Amu tuqan amupa Betlehem ab guguitak dod sipsip gumatak danab ag sipsip gumadna daaegeg,⁹ Kayaknu engel gumata ne, Nađinu amahlak ag talilita honadom. Honade amu ag huanak

badan heeg,¹⁰ engel nug amelagpa aum. “Ag aib badapig. Da oo gamag ahaknu nai ena danab oh dilagnu awe nemi.¹¹ Gemu ded imupa Betlehem abpa ah laa nid awom. Nid amu Nug ag edua diadku, Nug amu Nađi, Kristus.¹² Ag Nug anidkulagnu eponak keeke amu inam. Nug anig Nug lamem elabpa ehaka, dod dilag e lanak tadad oopa me niite,” awa aum.

¹³ Engel nug amelagpa ana male, pahanab Kayaknu engel kudum neeg, moitan daanna, ahi etana apig.¹⁴ “Kayak Nug atannab daate. Ig Nug binag atan humatem. Wanpanu danab, ag nuhignu daateb amu, ag madod matom,” aon apig,¹⁵ Engel ag anam awona, ag edun, hab atan teeg amu sipsip gumak danab ag ahan, aka aka nai inam madipig. “Ig Betlehem gota, kobol Nađi Nug amenigpa aum amu anidtu!”

¹⁶ Anam anana amu ag paha gona, Maria Josep amu nid yud ele, nug dod dilag tadadpa niieye, anatona,¹⁷ ag edun gonana, danab laala amelagpa nid amunu nai doopig amu ag mehuqpig.¹⁸ Mehuqeg doona amu ag oolag otaie, ootot ele aqom.¹⁹ Amge Maria nug nai amu oopa me dayeye, dab metom.²⁰ Anam dayeye amu gumak danab ag oolag gamag ahehe, edun gona, ag kobol oh ag amelagpa anidna, nai daulagpa doopig ele amu, ag amunu Kayak onig binag ele humapig.

JOSEP WAU ELE JESUS AOYA, MANA METAK LAKA GOPID

²¹ Dimpa, ded eblaih ewampa, ag nid nakok gada otadna, ag Nug onig Jesus atadpig. Nug anig oopa ii dayeye, engel nug onig amu kulagnu aum.

²² Aria ah bedu babaitak daakunu, Moses dopa yom amu, haen amu iita me, Josep wau ele a nid Kayak epegpa mekulahnu Jerusalem tepid.²³ Kayaknu dopa ag anam hekulagnu yak daate. Yak am

inam. “Nid danab tatamnu, ag anilkad menuadpeg amu ag diin, Nadi epegpa maadkulag.” ²⁴ A anam hekulahnu teya amu a Maria bedu babaitak daakunu mana metak amu ele hekulahnu tepid. Dopa, amu haknu yak inam daate. “Ag upudil okai adit Kayak main metaglag o iita upudil nakok adit main meteg!”

²⁵ Haen amupa danab laa Jerusalem dayom, nug onig Simon. Nug Kayak noobpa tutuku oiyaya, Kayak binag ena maama, Israel dilag ehanatak danab ameg meum. Kayak Oudi Nug ele daapid. ²⁶ Nug Kayak Oudi ele daapid amu Kayak Oudi Nug danab amu nug paha ii mauhma, tatam nug Nadi Kristus anitowa amu dimpa nug mauhkunu ipunitom. ²⁷ Aria Josep wau ele gopid, ded amupa Kayak Oudi Nug he, Simon nug aha uka, mana metak lag oopa no, anig mameg ele a nid nakok omalya, do ate bia hekulahnu tepid. ²⁸ Teeh, Simon anata, nug nid awa, epegpa ada, Kayak binag ma aum. ²⁹⁻³¹ “O Nadi, na anuka da amelpa da nid imu, ihinig ehanitak, na danab ah oh anidna dooglagnu me neum ele amu, da anidkulnu ame amu da gemu iiku amelpa anidmi amunu da mauhkul am nai iita. ³² Nug iita adi ag nahip ib anidkulagnu, Nug Israel ag binalag aoglagnu, amahlak daate,” awa aum. ³³ Nug anam a amu Josep Maria ele a Simon Jesusnu anam matie doya, a nai amunu dab mak kudum aoeh, ³⁴ Simon nug ititak matowa, nid anig Maria amegpa aum. “Doye, nid imu heeb, Israel danab ah kudum ag nena qekulag amge heeb, kudum ag edun ahaglag. Nug amu Kayak anidkunignu eponak keeke daaku amge danab kudum nuhignu nai nau akulag. ³⁵ Amunu danab kudum dilag dab mak aaku miag atiak daaku. Amu oo doyak okai, qep aegpa yak bia, na yaaidku,” awa aum.

³⁶ Aria propet ah laa dayom onig Ana. Nug Asa budub, Panuel adeg. Anuka nug danab awe amu gamu ele mad sewenib daapid. ³⁷ Anam daaiya, nug gamu mauhe, qab ma, hamu mad 84 dayaya, nug mana metak lag ii uutom. Nug Kayak binag mekunu e lakunu haen kudum kud ma dayaya, unuqitata, tuqan amun ele binag maama dayom. ³⁸ Haen amupaib nug ele udia, Kayak amegpa, “Ena heme,” aum. Anana nug nid amunu nai mehuqa, danab oh Jerusalem daanna, Kayaknu do madod ameg mepig ele amu Jesusnu amelagpa aum.

³⁹ Amu a keeke oh Nadinu do ate bia heya malaeh, ag Galelia, ahilag ab okaipa, Nasaret gopig. ⁴⁰ Gona daanna, nid ena ma, doyak ena awa, gagatag ele awe, Kayak Nug nuhignu ena doya, Nug ehanitom.

JESUS MAD TUELP DAYAYA, MANA METAK LAKA UKOM

⁴¹ Amu Jesus anig mameg ele a haen oh mad ohpa metid okai Pasowa, amuam bret yis iita lanaknu hobul, amupa daaglahnu Jerusalem tedapid. ⁴² Haen Jesus Nug mad nuhig tuelp aria ag metid okai amunu kobol dim lamidna, Jerusalem tepig. ⁴³ Dimpa Pasowa ded amu male, ag edun ukaegeg, Jesus Nug Jerusalem dayom amge Nug mameg anig ele a Nug dayom amu a ii doopid. ⁴⁴ A ahilah dab makpa, “Nug danab oolagpa oite,” ayaya, ded laipu oiyeh, tueb me, a baeltipa mudipan lailti oolagpa ele nug madipid. ⁴⁵ A madipid amge a ii anidpid amunu a eduya, matiya, Jerusalem gopid. ⁴⁶ Goya, a Nug matieheh, ded adit uke, dimpa ded ewampa a Nug mana metak lag oopa dayeye anidpid. Nug Juda dilag ipunitak danab oolagpa dayeye, ag nai matiegeg doya, Nug edua od madete daapid. ⁴⁷ Amu danab oh ag nuhig nai doopig ele amu, ag nuhig doyaknu amu

ođ maknu nob meum amunu ele dab mak kudum aopig.

⁴⁸Daaegeg, mameg anig ele a Nug anidya, huanak oțaiya, anig Nug amegpa aum. “O nid dahil, na ađinu anam he, i inam oițep? Na mamen nug da ele i oonih ugnab dayeye, na mațidmuđ,” awa aum. ⁴⁹Anam a amu Nug eđua amelahpa inam aum. “A ađinu ahaya, da matidțep? Da Mamelnu uđat hekulnunab daațem amu a iite dooțep?” awa aum. ⁵⁰Ge nai Nug amelahpa aum amu a diig ii doopid.

⁵¹Aria Jesus Nug a ele eđun, Nasaret gona amu Nug a ođelah dim lamitete, anig nug keeke amu ohnu oopa me dayeye, dab maama dayom. ⁵²Amu Jesus Nug ena meeme, nuhig doyak ele okai meeme, Kayak noobpa, danab noolagpa ele Nug ena oiya, tuđița he, enaib doopig.

LAYATAK JOHANES NAI MEHUQOM

3 Amu Kaisa Taibirias nug Rom danab gumadkunu dig me uke uke, mađ 14 uue, nuhig gumak mađ 15 oopa, Romnu wan okai laa onig Palastin oopa, Pontius Pilatus nug wan obatak laa onig Juda gume, Herodes tetrak nug wan obatak laa onig Galelia gume, amag Pilip nug wan obatak ađit laa onilah Ituri amu Trokonaitis ele gumate, Laisenias nug wan obatak laa onig Abilini gumom. ²Amu Anas Kaipas ele a mana mețak dilag iki daaeh, haen amupa Sakarias beka Johannes, nug atu tadakpa dayeye, Kayak Nug uđat hekunu nug amegpa aum. ³A amu Johannes nug aha, Jodan atu ohpa uka, nug danab amelagpa Kayak Nug ahilag hipunin uhuqa madakunu, ag oolag eđueb, layatak aoglagnu aum. ⁴Johanes nug Jesaia Kayak ođe awa, bukpa yom bia heum. Nai amuam inam. “Danab laa atu tadakpa dayaya, danab amelagpa nai inam mehuqa ewa aku. ‘Ag hipunin

ahilag di mețana, ag oolagpa ihinig Nadinu ib babaiteg! ⁵Aben qe ta qe nak amu ag hepeg, uđem meeb, qauko okai nakok ele amu, ag amu oh buupeg elele dayeb, ib kaliak oh tutuku medapeg, ib men ele amu oh bapaidpeg, ena dayad! ⁶Danab oh geha Kayak Nug ig eđua awigkunu uđat heeb anidkulađ,” awa aum.

⁷Aria Johannes nug nai mehuqege, danab ameg ohnu layatak aoglagnu Johannes gumidna gopig. Ukaeg nug ag amelagpa aum. “Ag am danab nau, mat nau bia. Aun aum amunu ag hipuninnu bu aqak, Kayak epegpanu uđite amu, ag amu ii aomnanu hamu uđipig. ⁸Ag oolag ii eđueb, ag aoglag amge ag oolag eđueb, kobol ena dim lamidna, ag ahilag ehed haknu nob amu ii aomna. Amu ele ag oolagpa inam aib apig. ‘Abraham nug ig mamenig, nug am danab tutuku, ig nug buđub daațem amunu nuhig hak enapa ig nob ii aomta.’ Da ag amelagpa ațem, Kayak Nug men imu ag eđun, Abraham bekod daaglagnu hekunu elele. ⁹Epediak haen am miag. Ad meu ii oțe amu nug mameg o qiie, ab ađupa maote eote, amubia danab nug ena ii hețe ele amu nuhigpa anamib beku,” awa aum.

¹⁰Johanes nug ag amelagpa anam a amu danab ag nug ođ medapig. “Ig amu ațem hekunig?” aon apig. ¹¹Aon aeg amu nug eđua ag amelagpa aum. “Danab aun laa nug lamen ađit ele daațe, nug lamen laa amu awa, danab lamen iita ele medaku. Danab nug e ele amu nug ele anam heku,” awa aum.

¹²Aria gabman dilag takis awak danab laala ele ag layatak aoglagnu gumidna uđin, ag ođ medapig. “Ipunitak danab, ig ațem hekunig?” aon apig. ¹³Aon aeg amu Nug amelagpa aum. “Ag men dodo, Rom danab okai aum bia, elelepa aweg! Aib tipalna laa ele aopig,” awa aum.

¹⁴Anam a amu ban danab laala ele ag ođ medapig. “Ig amu ațem hekunig?” aon apig. Aeg amu nug amelag-

pa aum. “Ag danab ham bupualadnana, ahilag men dodo yab aib aopig. Ag ham bupuna, danab ehed heum aib apig amu ag ahilag udatnu nob tutuku aona, baubau awaknu aib dab mepig. Ag aoteb ele amu, ag amunu elele doonna dayeg!” awa aum.

¹⁵ Johannes nug anam heeche, danab ah ag otaina, oolag ii maite, oolagpa dab mak kudum daye apig. “Johanes nug Kristustai,” aon apig. ¹⁶ Anam aeg amu Johannes nug amelagpa aum. “Da ag lepa layadtem, amge danab Nug da dimulpa uдите amu nuhig gagaṭag amu dahil eḍidte, Nug am danab okainab, da am okai iita. Dahil hak imu nuhignu ele elele iita. Nug amu ag Kayak Oudi, ab adu elepa ag layadku,” awa aum. ¹⁷ Awa anana amu nug nai baula tudita aum. “Nug wit aeg amu wit gada ele pide pide daakunu udat amu haknu keeke babaitom daate. Nug udat amu ha, e-lenab mewowa, Nug wit meu amu e mak laka meku. Mewowa, Nug wit gada amu ab adu ii qauhte elepa maneb eoku,” awa aum. ¹⁸ Johannes nug nai kudum laalapa ele ag doopeg oolag maidkunu nai ena anam mehuqa, danab ah amelagpa aum.

¹⁹ Anam haaha amu nug Herodes Antipas ehed ha, nug amag Pilip wau Herodias adita awa, kobol nau kudum laala ele heum doya, Johannes nug amunu Herodes daug batom. ²⁰ Daug bate amu Herodes nug daug batak nai amu doya, nug kobol nau nuhig amu tudita, Johannes awa, mani guitakpa meum.

JOHANES JESUS LAAITOM

²¹ Amge Johannes mani guitakpa ii dayom haenpa danab oh ag layatak aoegeg, Jesus ele layatak awom. Nug layatak awa malowa, Nug unuqitete, hab obate, ²² Kayak Oudi Nug ai upudil bia nuhigpa ne, baag laa hab atannu Nug amegpa aum. “Na am da bekal, da

nahipnu ool mauhte. Nahip haknu ele amu da ool ena daate,” awa aum.

JESUS MEMETAPUD ONILAG

²³ Jesus Nug layatak awom, dimpa Nug nuhig mad 30 anam dayaya, Nug udat dig ma heum. Nug am Kayak Beka amge danab ah ag nuhignu, “Nug Josep beka,” aon apig. Josep mameg am Hilai. ²⁴ Hilai mameg am Matat. Matat mameg am Lewi. Lewi mameg am Melkai, Melkai mameg am Janai, Janai mameg am Josep. ²⁵ Josep mameg am Matataias, Matataias mameg am Amos, Amos mameg am Neam, Neam mameg am Eslai, Eslai mameg am Nagai. ²⁶ Nagai mameg am Meat, Meat mameg am Matataias, Matataias mameg am Semen, Semen mameg am Josek, Josek mameg am Joda. ²⁷ Joda mameg am Joanan, Joanan mameg am Resa, Resa mameg am Serababel, Serababel mameg am Sialtiel, Sialtiel mameg am Nerai. ²⁸ Nerai mameg am Melkai, Melkai mameg am Edai, Edai mameg am Kosam, Kosam mameg am Elmedam, Elmedam mameg am Er. ²⁹ Er mameg am Josua, Josua mameg am Eliese, Eliese mameg am Joram, Joram mameg am Matat, Matat mameg am Lewi. ³⁰ Lewi mameg am Simion, Simion mameg am Juda, Juda mameg am Josep, Josep mameg am Jonam, Jonam mameg am Elaiakim. ³¹ Elaiakim mameg am Melia, Melia mameg am Mena, Mena mameg am Matata, Matata mameg am Natan, Natan mameg am Dawit. ³² Dawit mameg am Jesi, Jesi mameg am Obet, Obet mameg am Boas, Boas mameg am Salmon, Salmon mameg am Nason. ³³ Nason mameg am Aminadap, Aminadap mameg am Atmin, Atmin mameg am Anai, Anai mameg am Hesron, Hesron mameg am Peres, Peres mameg am Juda. ³⁴ Juda mameg am Jakop, Jakop mameg am Isak, Isak

mameg am Abraham, Abraham mameg am Tira, Tira mameg am Naho. ³⁵Naho mameg am Serak, Serak mameg am Reu, Reu mameg am Pelek, Pelek mameg am Ebe, Ebe mameg am Sela. ³⁶Sela mameg am Kanan, Kanan mameg am Apaksat, Apaksat mameg am Sem, Sem mameg am Noa, Noa mameg am Lamek. ³⁷Lamek mameg am Metusala, Metusala mameg am Inok, Inok mameg am Jaret, Jaret mameg am Mahalalil, Mahalalil mameg am Kanan. ³⁸Kanan mameg am Inos, Inos mameg am Set, Set mameg am Adam, Adam mameg am Kayak.

SATAN JESUS OO EEDOM

4 Aria Jesus Nug layatak awe, Kayak Oudi Nug Jesus oopa noa am ba, Jesus omala, Jodan lepanu awa, atu tadakpa ukom. ²Uka ded 40 dayeye, Satan nug Jesus ehed hekunu oo eedede, haen amu ohpa Jesus Nug e laa ii laum amunu haen amu male, Nug enug qeum. ³Enug qe, Satan nug Jesus amegpa aum. “Na Kayak beka daatem dayeb amu, na ape, men imu edua bret mad!” awa aum. ⁴Awa a amu Jesus Nug Satan odepa awa aum. “Kayak naipa yak inam daate, ‘Danab ah epaib bau daanna ii oiteb,’” awa aum. ⁵Awa a amu Satan nug Jesus omala, qaukopa ta, pahanab wan oh, ahilag gumak aben aben ele ipuniowa, ⁶Satan nug aum. “Keeke amu oh gumaknu gagatag amu onig binag ele da na medakulnu hetem. Keeke umu oh amu laa Nug da medom amunu da danab laa medakulnu ool dayeb amu da medakul. ⁷Amge na da noolpa dup nona, gaten qaun ona, da binal mepe amu keeke umu oh amu da na medakul,” awa aum. ⁸A amu Jesus Nug Satannu nai nob ma aum. “Kayak naipa yak daate, ‘Na Nadiib binag me! Nug am nahip Kayak amunu na nuhig udat aakuib he!’” awa aum. ⁹Anam a amu Satan nug Jesus omala, Jerusalem uka, mana metak lag atan te

dayeye, amegpa aum. “Na Kayak Beka daatem dayeb, na ipanu oolna honap no! ¹⁰⁻¹¹Adinu? Kayak naipa yak inam daate. ‘Na baen men yaamanu, Nug engel amelagpa nahipnu ab, ag na epelagpa mawidkulag,’” awa aum. ¹²A amu Jesus Nug Satannu nai nob ma aum. “Kayak naipa yak inam daate. ‘Na Nadi, nahip Kayak, Nug keeke laa hekunu aum am genab hekutai o iitai dookutnu amu na Nug aib eedme,’” awa aum. ¹³Satan nug Jesus ib amu ohpa ehed hekunu oo eedowa, nug uuiwa ukom. Ded ena laa baula hekunu ameg meum.

JESUS GALELIA UDAT DIG MEUM

¹⁴Aria Satan nug Jesus oo eeda male amu Jesus Nug Kayak Oudinu gagatag ele edua, Galelia uke, nuhignu nai amu uke, apanu oh doopig. ¹⁵Hanhan Nug ahilag nai doyak laka nai mehuqaqa, danab ah ipuanatete, danab ah oh ag Nug binag mepig.

¹⁶Anam dayeye, ded laa Jesus Nug Nasaret ukom. Nug apa nid nakok dayeye, anig mameg ele a atog noeheh, ena meum. Nug Nasaret uka amu Nug Juda dilag Metidpa, Juda dilag nai doyak laka, Nug haen oh hetom bia ha noum. Noa amu Nug Kayak nai eb qekunu hibaitete, ¹⁷ag Kayaknu propet Jesaianu buk laa medapig. Nug buk awa kola, Nug Kayak naipa nai inam daate, amu anta eb qeum. ¹⁸“Nadinu Oudi amu dahilpa daate, amunu Nug da Nai Ena dadek danab noolagpa mehuqkulnu, da mani guitak danab ag dimitim dokulagnu, danab amelag gaduak ele ag ena neegkulagnu amu danab ag laala waalagpa ehed nau daateb ele, ag uhuqak aoglagnu amelagpa akulnu ¹⁹amu Nadinu do madodnu nai mehuqpi, nuhikud danab ah oh ag amu dooglagnu otide udimi.”

²⁰Jesus Nug buk eb qewowa, edua gumak danab metowa, aaku balalpa

dayom. Dayeye, danab ah oh ahilag nai doyak lag oopa daapig amu ag neegna, Jesusib anidpig.²¹ Antegeg amu Nug dig ma amelagpa aum. “Gemu da nai imu eb qeiyi, Kayaknu yak amu aaku meu oum,” awa aum.

²² Nug a, ag doonna, ag Nug binag menana, ag nai genab itag ele Nug mañom amu ag amunu dab mak kudum ele aopig. Amu ag apig, “Adekutai? Danab umu Nug am Josep beka iitai?” aon apig.²³ Aon aeg aria Nug ag amelagpa aum. “Genabnab genab ag dahilnu inam akulag, ‘Dokta, na naka na bedun babaite! Kobol na Kapenaum abpa he, ig nai doomut ele amu, amubia ipa, imu am na apan diig, ipa ele he!’ aon akulag.”²⁴ Anam awowa amu Nug tudita aum. “Da genab ag amelagpa atem. Propet apag diigpan danab amu ag nug ii aomna.²⁵ Ag doyeg! Eliasnu haenpa Israel oolagpa ah qab kudum daeeg, haen amupa mad ewam, kalam siks ele gu ii ne, wan ohpa enug haen nadi dayom.²⁶ Amge Kayak he, Elias nug Israel dilagpa ah qab gumata ii ukom. Iita, Nug he, Saidonnu ab laa onig Sarpat, ah qab laa apa dayeye, nug gumita ukom.²⁷ Am laa ele, Kayaknu propet Eliesanu haenpa, danab kudum ag gada ode ele Israel oolagpa daapig amge ag oolagpanu danab laipu laa nuhig ode amu iita meumte? Iita. Siria ted Neaman nukaiab,” awa aum.

²⁸ Jesus Nug anam a amu danab oh, Juda dilag nai doyak laka daapig ele, ag am Juda danab amu ag ham bupun, “Ig Judaib ig oopa genab doyak ena ele,” dab mepig amunu amu ag nai amu doona, opodilag huana be,²⁹ ag ahan, Jesus aona, ab okai dimitim gopig. Ab okai ahilag amu qauko atan apa dayom amunu ag Jesus aona, qauko amupa tena, aon ab giginpa wana, budipeg baipa nokunu hepig³⁰ amge Jesus Nug ag oolagpanu aha, uuta ukom.

JESUS NUG OUDI NAU LAMITOM

³¹ Amu Jesus Nug edua Galelia wanpa ab okai Kapenaum apa uka, amupa nug Juda dilag Metidpa nai ipuanatom.³² Nug am nai diig tutuku gagatag ipuanate anidna, ag dab mak kudum aopig.

³³ Aria Juda dilag nai doyak laka apa amu danab laa dayaya, nug bedupa oudi nau ele amu, nug Jesus anta, nug baag okaipa ewa aum.³⁴ “Jesus, Nasaret ted, na ig atem heigkutnu udime? Na hepe, ig nauhkunignu udimete? Da na dooidtem. Na am Kayaknu Laa, Opa Awak Ele?” awa aum.³⁵ Nug anam aum amge Jesus Nug oudi nau amegpa aum. “Na oden qamutna, danab amu uuidna uke!” awa aum. Jesus Nug anam a amu oudi nau nug ag oolagpanu he, danab amu wanpa na qe, nug uuita ugaka, danab amu nug bedupa ehed laa ii heum.³⁶ Amunu danab oh ag dab mak kudum aona, aka Jesusnu apig. “Nai umu amu atemunnab? Danab amu Nug ehah ena, gagatag ena ele amunu Nug oudi nau amelagpa, ‘Ag ukeg!’ ate amu ag uuadna goteb,” aon apig.³⁷ Anana, ag Jesus keeke heum, nai amu pahanab tuditeg, wan amunu ab ohpa ukom.

JESUS ODE DANAB KUDUM BAPALATOM

³⁸ Aria Jesus Nug Juda dilag nai doyak lakanu aha, Simon laug oopa noum. Simon nome nug ode, bedu gakadak huanaknab amunu ag Jesus ehanidkunu amegpa apig.³⁹ Aeg amu Jesus Nug noa, gumita hibaita dayaya he, ode uuite, nug paha aha, ahilag e babaitom.

⁴⁰ Babaita aria ded amu aam noono amu danab ab mudipan, ag lailkad ode diigdiig ele amu akan, Jesus topa ukaeg, Nug danab amu epegpa adalate, ena daapig.⁴¹ Ele amu Jesus Nug he, oudi nau ag danab ah kudum uuadna, “Na amu Kayak Beka,” ana enan gopig

amge ag doopig, Nug am Kristus amunu Nug ag baula maṭimnanu ag amelagpa, “Aib!” a, ag odelag qamutpig. ⁴²Aria wakadede, butuanab Nug ab amu uua aha, aben laih danab haen oh ii daatebpa uke, danab ag Nug maṭin oin oin, gumidna ukan, Nug ag uuata ii go-manu hagaka aon hepig ⁴³amge Nug ag amelagpa aum. “Da Kayaknu do madodnu Nai Ena amu ab okai laalapa ele mehuqkul. Adinu? Kayak Nug da anam hekulnu meide udimi,” awa aum. ⁴⁴Nug anam anana amu Juda dilag nai doyak lag laalapa noawa, nai mehuqom.

JESUS A AMU PETRUS NUG KAKAI KUDUMNAB AWOM

5 Ded laa Jesus Nug le ameg Gensaret, le amu ihipa hibaita dayeye, danab ah kudum ag Kayak nai dooglagnu uḍin itun daaegge, ²Nug ub nakok adit laa le ameg ihipa eedy daaeheh anatom. Kakai awak danab ag ub adit amu uuatna nena, uhui ihanna daapig. ³Nug ub adit daapig amu oolahpa laipu laa, ub amuam Simonnu, amupa oola teum. Nug ta, Simon nug ub le ihipanu dutuneb, nakok wakunu amegpa a, nug anam he amu Nug ub atan dayaya, danab ah nai maṭom.

⁴Nug nai maṭa malowa aria dimpa nug Simon amegpa aum. “Ub el qepe, le gamag okai pa wab, ag uhui kakai aoglagnu eig!” awa aum. ⁵A amu Simon odepa awa aum. “Danab Nadi, tuqan imu ohpa ig udat nadi hemut amge ig kakai laa ii aomut amge na ame amunu ig uhui ekunig,” awa aum. ⁶Nug anam a amu ag Jesus aum bia heeg, kakai eb qaknu iita noeg, uhui pagukunu heum. ⁷Anam anidna, ag ahilkad udat laipu, ub laapa daapig amu, ag dona ehanadkuglagnu epelagpaib onilagpa epig. Eeg doeg, ub adit ohpa kakai amu inapig. Inaeg, ub adit amu oh tuadiglahnu hepid.

⁸Ag anam antegeg, Simon Petrus nug kakai anam aona anta, nug Jesus baegpa dup noa, iki wan ya aum. “Nadi, na da uuidna uke! Da hipunin danabde,” awa aum. ⁹Nug kakai huanak aopig amu antom amunu nug otaia, dab mak kudum awom. Danab laa nug ele oh daapig, ag ele anamib doopig. ¹⁰Sebedi bekoḍ adit, Jakobus Johanes ele, a Simon ele layam batan udat laipu hepig ele amu, a ele ehed badaeheh, Jesus Nug Simon amegpa aum. “Na aib badame, geha dimpa udat laapa na danab ah anam bia diiadkut,” awa aum. ¹¹Aria ag ub eedateg, audam teeh amu ag keeke amu oh uuadna, ag gona, Jesus dim lamidpig.

JESUS DANAB ADIT BAPALATOM

¹²Jesus Nug ab okai laapa nakok dayeye amu danab laa gada ode am bak ele, nug Jesus anta, nug Jesus noobpa dup noa, iki wan ya, unuqita aum. “Nadi, na oot heeb, na hepe, ode dahil am iita meku,” awa aum. ¹³A amu Jesus Nug epeg bahia, danab amu ada aum. “Da ool anam daate, na ena daye!” awa aum. Aria geha aaku pahanab gada ode amu uuitom. ¹⁴Uuite amu Jesus Nug danab amu amegpa aum. “Na danab laa amegpa da na bapaidminu amu aib ame! Iita, na gona, na bedun mana metak danab ipunidna, na Mosesnu do ate bia, na dod main, Kayak mete! Adinu? Danab oh ag amupa, na ode iita, dooglag,” awa aum. ¹⁵Nug anam aum amge Jesus Nug keeke heumnu nai amu uke, ag tuditeg uke, oh doona, danab kudumnab ag ahan, Jesusnu nai dooglagnu, Nug ode ahilag bapaladkunu ele uḍipig ¹⁶amge Nug hanhan aben laih, danab ii daatebpa uka, Nug unuqitom.

¹⁷Ded laa Jesus Nug danab ah nai ipuanata dayeye, do gumak danab-Parasia amu do mehuqak danab ele, ag Galelia ab ohpanu, Judanu, amu

Jerusalemnu ele uđin daaegeg, Jesus Nug nai mehuqom. Kayaknu gagatag amu Jesus Nug ode danab heeb ena daaglagnu ele nuhigpa dayom. ¹⁸Dayeye, danab laala ag danab laa, nug baeg epeg ele mauhak ele amu, ag nug qadaqadpa maon udipig. Ag maona, lag oopa nona, Jesus gumidna wana mekulagnu hepig ¹⁹amge aben oh danab ah kudum ituak daaegeg, ag ode danab maon nokulagnu amu ib iita amunu ag lag atan tena, lag amu kodoko uđem metak ele amunu ag tena, lag kodoko lopadna, danab qadaqadpa niieye, ag nug padaeg, danab oh oolagpa Jesus noobpa meeg, noa dayom.

²⁰Meeg dayeye, Jesus Nug ahilag oopa genab doyak am okai ele anta, Nug ode danab amegpa aum. "Loyal, nahip hipunin oh amu da uhuqe medatem," awa aum. ²¹Nug anam a amu do mehuqak danab amu do gumak danab-Parasia ele apa daana, ag aka aka dab makpa inam apig. "Danab imu amu Nug am aun? Nug nai umu ate amu Nug Kayak dabita, awa awa qedate. Kayak Nug nuka hipunin uhuqa megakunu elele," aon apig. ²²Aeg, Jesus Nug nuhig dab makpa ahilag dab mak amu doya, Nug ag amelagpa aum. "Adinu ag dab mak anam ele? ²³Adi nai am anaknu ug iita? Hipunin uhuqa metaknu nai amute am ug iita o iita aha tapa ukaknu nai, amutai am ug iita? Amu oh iita. Adit amu oh am ug ele, danabib hekunu elele iita ²⁴amunu ag Danab Bekalag da, da wan imupa hipunin uhuqen madakulunnu gagatag ele, ag amu dooglagnu amu da hepige, aha goku," awa aum. Jesus Nug anam anana amu Nug edua, ode danab amegpa aum. "Na ahan, qadaqad nahip aon, laka uke!" awa aum. ²⁵Nug anam a amu ode danab nug aha, ni-iaq qadaqad nuhig awa, ag nolagpanu dimitim uka, laugpa taata, Kayak binag meum. ²⁶Ugeke amu ag dab mak kudum

aona, Kayak binag menana, ag nuhignu enanag doonna, oolag ele otaie, ag apig. "Gemu ig kobol imu laanab anidmut," aon apig.

JESUS LEWI ONIGPA EUM

²⁷Aria dimpa Jesus Nug aha oiyaya, Nug takis awak danab laa, onig Lewi, nug takis awaknu laka dayeye antom. Jesus Nug anta, amegpa aum. "Na dona, da dim lamide!" awa aum. ²⁸Nug anam a amu Lewi nug aha, nuhig keeke oh uuaŕowa, Jesus dim lamitom.

²⁹Dim lamitowa, Lewi nug Jesusnu e nadi laugpa he amu takis awak danab amu laala kudum ele ag uđieg, ag ele daanna, e lapig. ³⁰Laegeg amu do gumak danab-Parasia amu do mehuqak danab laala, ag do gumak danab-Parasia huupa daapig ele amu, ag ele Jesusnu ipunitak awak danab noolagpa nai hena, amelagpa apig. "Adinu ag takis awak danab, hipunin danab amu danab laa, ag ihinig do oh ii dim lamidteb ele amu, ag ele oh daanna, e lanana, le ele lateb?" aon apig. ³¹Anam aeg amu Jesus Nug ag amelagpa aum. "Danab nug ode iita amu nug dokta topa ii gote. Iita, danab ode ele nug gote. ³²Amubia amu da hepige, danab kobol tutuku enaib heteb ele ag oolag edukunu ii uđimi. Iita. Da hepige, danab kobol tutuku ena ii heteb ele ag oolag edukunu uđimi," awa aum.

E LANAKNU KUD MA DAYAKNU NAI

³³Amu laala ag Jesus amegpa apig. "Layatak Johannesnu ipunitak awak danab ag am ded kudum e oh lanaknu kud mena daanna, hanhan unuqidteb. Amu do gumak danab-Parasia dilag ipunitak awak danab ag ele anamib heteb amge ipunitak awak danab nahipad ag amu anam ii heteb, ag hamu e le ele lateb," aon apig. ³⁴Ag Jesus amegpa anam apig amu Jesus Nug aum. "Da amu danab nug ah aote

bia. Aria dahil ipunitak awak danab amu ag am da lailad. Amu ig dootem, nug awak haen am oo gamag ahak ele amunu danab nug ah aote amu, nug laikud ele ag e oh lanaknu kud mena daaglagnu am iita. Ag oolag gamag ahak ele amunu ag e ii uumna, ag lakulag. ³⁵Anam aaku daate amge ded laa dimpa ag lailag, ah awom ele amu, nug laih ukeb, haen amupa ag oolag ug ele amunu ag e oh lanaknu kud mena daaglag. Amu da ami. Da amu danab ah aote bia. Dahil ipunitak awak danab ag am da lailad bia. Da gemu ag ele daatem amunu ag e oh lanaknu kud mena daaglagnu elele iita. Dimpa da gopi am ag anam hekulag,” awa aum.

³⁶Amunu Jesus Nug keeke danab ag dooteb ii dooteb ele amu ou aqata, ipuanata, nai laa inam amelagpa aum. “Danab nug lamem qati bau awa, lamem alag nu gido amupa tona ii koit-te. Iita! Nug anam helo amu dimpa nug lamem iheb, lamem bau nug edua nakok epa, lamem alag eedeb, gido okai ele daaku. Ele amu lamem bau, lamem nau alag ele am nakok laipu iita,” awa aum. ³⁷Anam anana amu Nug nai keeke amunu baula inam aum. “Laa ele amu danab nug grep lepu bau le itaknu dod gada alagpa ii inate. Nug anam helo amu grep lepu nug edua, wain baaba, titida heeb, dod gada alag nug gagatag epom, okai mekunu elele iita amunu nug aodeb, wain, dod gada ele oh iita mekulah. ³⁸Ag anam ii heheb. Danab nug grep lepu bau amu le itaknu dod gada baupa inaglagnuib daate. Ag anam hekulag am grep lepu amu dod gada ele am ena daaglah,” awa aum. ³⁹Jesus Nug anam anana amu Nug nai tudita aum. “Amu danab nug grep lepu alag lanana amu nug grep lepu bau hak amu lakunu oo uute. Uua nug ate. ‘Grep lepu alag nug lanak ena,’ awa ate,” awa aum.

JUDA DILAG METIDNU DO TIPALAKNU NAI

6 Aria Juda dilag Metid ded laapa Jesus Nug nuhikud ipunitak awak danab ele ag ibpa wit dad laa oopa gonana, ipunitak awak danab nuhikud ag wit aeg laala aon, epelagpa ododna lapig. ²Aon laeg amu do gumak danab-Parasia ag hepig amunu inam apig. “Ag adinu do nug danab laa Metidpa e datanu ii aomanu ipunigte amu ag Juda dilag Metidnu do amu tipalna, ag e aon lateb,” aon apig. ³Anam aeg amu Jesus Nug odelagpa awa aum. “Ag Kayak naipa Dawitnu nai laa daate amu ag nai amu iite eb qepig? Haen amu Dawit nug laikud ele oiyegeg, enug aqeqe, ⁴ag gona tena, Dawit nug Kayaknu lag oopa noa, nug bret dayom amu awom. Bret amu danab oh lanaknu gun ele, mana metak danab agib lakulagnu elele amge Dawit nug awa lanana, laikud ele mate lapig,” awa aum. ⁵Anam awowa Jesus Nug baula ag amelagpa aum. “Danab Bekalag da amu da Metid ded gumatem,” awa aum.

⁶Ded laa, Juda dilag Metidpa, Jesus Nug Juda dilag nai doyak laka noa, danab ah nai ipuanate, danab laa epeg nadiap mauhak ebehitak ele apa dayeye antom. ⁷Do gumak danab-Parasia amu do mehuqak danab ele ag apa daana, Jesus Nug adi heeb anidkulagnu meidpig. Nug Metidpa danab epeg nau ele ehaniteb, elele dayeb amu ag Jesus Nug hetodiak abenpa mekulagnu oolag dayom. ⁸Anam daaegeg, Jesus Nug ahilag dab mak doyaya, Nug danab epeg nau ele amegpa aum. “Na ahan, gamagpa hipaidna daye!” awa aum. ⁹Nug anam a, danab nug hibaita dayeye, Jesus Nug do gumak danab-Parasia amu nai mehuqak danab ele od matom. “Do ihinig adi ate? Ig danab Metidpa ehanidput elele daaku amu enatai o iita ig

danab heput nauhku amuam enatai? Ig heput, danab laa nug mauhkunu hete, nug elele daaku am enatai o iita ig uuput mauhku amu enatai?" awa aum. ¹⁰Nug anam awowa, Nug neeka, danab oh anaowa, Nug danab epeg nau ele amegpa aum. "Na epen tai ete!" awa aum. Jesus Nug anam a amu danab amu nug epeg tai ete, epeg edua, laih bia, ena dayom. ¹¹Aria danab ag Jesus meidna daapig ele amu ag anam anidna, ag Jesusnu opodilag be, guatak bia doona, aka aka matinna apig. "Ig Jesus nuhigpa aitem hekunig?" aon apig.

JESUS NUG IPUNITAK AWAK DANAB 12 DIOM

¹²Haen amupa Jesus Nug tuqan Kayak unuqidkunu qaukopa teum. Ta, Nug tuqan amu oh unuqitete uke, wagdom. ¹³Wagde, aam be, nuhikud ipunitak awak danab diikunu oo daye, Nug ag onilagpa e, gumidna udieg, Nug danab tuelp tituanata, ag onilag total danab atadom. ¹⁴Laa am Simon. Amu Jesus Nug onig laa, Petrus atadom. Laa am Andreus, nug Simon ele, a am eamag. Aria, Jakobus Johanes ele amu Pilipus Batolomiu ele. ¹⁵Mateus Tomas ele amu Jakobus laa nug amu Alpias beka. Amu Simon laa, nug am selot. ¹⁶Laa am Judas, nug Jakobus beka amu Judas Iskariot ele, nug amu dimpa Jesus awa, keked epelagpa meum.

JESUS NAI MEHUQAQA, ODE DANAB BAPALATOM

¹⁷Amu Jesus Nug ag ele oh nona gona, Nug wan udem enapa hibaita dayom. Nuhikud ipunitak awak danab ameg nadi laa amu danab ah kudumnab laa, ag Judanu, Jerusalemnu amu ab okai adit, onilah Taia Saidon ele, amu dilah wanpanu ele oh udieg daapig. ¹⁸Ag nai nuhig dooglagnu, Nug ag ode ahilag bapaidkunu ele udiwig. Ag udin daaegeg,

danab laa ag oudi nau ele amu Jesus Nug oudi nau amu lamate ena daapig. ¹⁹Danab ah oh ag epelag bahin, Jesus bebu adaglagnu oolag dayom. Adinu? Ag adaeg, nuhig gagatag amu bedulagpa uka he, danab oh ag ena daapig.

²⁰Ag anam heeg amu Jesus Nug ameg huma, nuhikud ipunitak awak danab amu neekata, Nug aum. "Ag gemu enulag iita, ag ititak ena aopig daateb. Adinu? Ag Kayaknu do madod aopig daateb. ²¹Ag gemu enug aqate ele amu ag ititak ena aopig daateb. Adinu? Kayak Nug heeb, ag oolag didiku. Ag gemu oolagpa ug doon gaateb ele amu ag ititak ena aopig daateb. Adinu? Ag oolag gamag ahaku. ²²Ag da dim lamidteb amunu haen danab laala ag amu anidna, ag ahilagnu oolagpa nau, ninig ele doon, ag gedadna, nai nau ahilagnu anana, ag am danab nau ele ateb amu ag dahilad amu ag ititak ena aopig daateb. ²³Danab kobol nau amu heteb ele amu, anuka ag alalkad, ag Kayaknu propet bedulagpa ele anam hepig amunu ag ahilagnu ele anam hepeg amu aria ag gamalag ahebeb, oolag enaib dayad! Adinu? Nob ahilag hab atan amu okainab. ²⁴Amge o gadon ag danab enulag ele. Ag dab meig! Keeke ahilag, ag oolag ena daakunu amu, ag wan imupa aaku aon malapig. ²⁵O gadon ag danab ag gemu laeg, oolag didite ele. Ag dab meig! Geha dimpa ag enug aqaku. O gadon ag danab ag gemu imteb ele. Ag dab meig! Geha dimpa ag ug doon gaapeg, amelag leb neku! ²⁶Amu haen danab laa oh ag binalag mekulag amu ahilagnu am gadon. Ag amunu dab meig! Anuka amu ag alalkad ag anamib propet ham bupuk dilagpa hepig.

²⁷Amge ag dahil nai dooteb ele, da ahilagnu aitem. Ag ahilag kekednu amu ag oolag mauhad! Amu aun adi ag ahilagnu oolagpa nau, ninig ele dooteb amu ag kobol ena ahilagpa heig! ²⁸Danab

laala ag nob nau aoglagnu apeg, ag dahlad amu ag ahilagnu edun anam aib hepig. Iita! Ag ititak ena mateg! Amu aun laala ag ahilagnu awa awa qetak nai maditeb amu ag ehanadna, ahilagnu unuqiteg! ²⁹ Am danab laa nug na hipen laih ob amu na edun nob nau aib metame. Iita. Na edun hipen laih amu ele medakut. Am danab laa nug lamen nahip aweb amu na elele daakutnu do noobpa wagai aib meme. Iita! Na lamen laa nahip amu ele medakut. ³⁰ Am danab laa nug keeke medakutnu od meteb amu na nug mete! Aria danab laa nug adi keeke nahip aweb amu na aib edua medakunu wagai meme. ³¹ Amu ag dahlad amu ag danab ag kobol atemun ahilagpa hekulagnu oolag daate amu ag anamib ahilagpa heig! ³² Amge ag danab ag ahilagnu oolag mauhte ele, ag amu dilagib oolag mauhebeb amu kobol amupa Kayak Nug ag binalag madakute? Iita. Hipunin danab ag ele anam heteb. Yo, hipunin danab ag danab ag ahilagnu oolag mauhte ele amu, ag amu dilag oolag mauhte. ³³ Amu ag danab laa ag kobol ena ahilagpa heteb ele, ag amu dilagpaib kobol ena hepeg amu kobol amupa Kayak Nug ag binalag mekute? Iita. Hipunin danab ag ele anam heteb. ³⁴ Amu ag keeke ahilag danab laa nob edua madakunu matona amu ag dimpa edun nob aoglagnu oolag dayeb amu kobol amupa Kayak Nug binalag mekute! Iita! Hipunin danab ag ele anam heteb. Yo hipunin danab ag hipunin danab laa nob edua madakunu, ag keeke metona amu ag edun keeke ahilag, nob anamib aoglagnu medateb. ³⁵ Amge ag keked ahilkadnu ag oolag mauhad! Amu ele ag ahilagpa kobol ena heig! Danab ag ahilagnu keeke nob edua mataknu aoglagnu apeg amu mateg! Matona, dimpa ag ahilagpa keeke amu edun aoglagnu aib dab mepig. Ag anam hepeg amu nob ena ahilag amu okai

daaku. Ag Kayak atannab daate ele amu, Nug bekod daaglag. Adinu? Nug nuhig oo doyakpa danab laala, nuhignu dab ii meteb ele, danab ag aka ahilagib dab meteb ele amu, Nug amu dilag ele keeke ena madate. ³⁶ Amunu ag Mamelag, Nug danab dilagnu oo gai iita doote, amubia ag laa dilagnu oolag gai iita doyeg!” awa aum.

LAILKAD EPEDIATAKNU NAI

³⁷ Jesus Nug anam anana amu Nug baula aum. “Ag nob nau gagatagnab aomnanu amu ag laa dilag ag nob nau gagatagnab aoglagnu aib dab mepig. Laa ag, ag onilag hepeg nauhmanu amu ag laa onilag aib hepeg nauhom. Ag laa dilag hipunin uhuqna madapeg amu laa ag ahilag hipunin uhuqna mataglag. ³⁸ Ag danab keeke madapeg amu ag edun mepeg, keeke am beeb, yaapeg nob, baubau inapeg, am ba gokadebeb, ag mataglag. Ag danab melemel madateb amu melemel amupaib geha ag mataglag,” awa aum.

³⁹ Jesus Nug anam anana amu Nug nai tudita keeke danab ag dooteb ii dooteb ele ou aqata, ipuanata, nai laa inam ele amelagpa matia aum. “Danab ameg gaduak, nug layag ele ameg gaduak amu, laa nug laa ib ipunidkunu elelete? Iita. Nug anam heeb amu a oh goya, modpa neya qekulah. ⁴⁰ Ipunitak awak nid nug ipunitak danab nuhig ii edidte. Nug ipunitak nai oh awa malowa amu nug ipunitak danab nuhig bia daaku. ⁴¹ Adinu na layap amegpa kinipan hupu nakok daate amunu na neegtem amge na amenpa, ad maha okai daate na amunu dab ii metem? ⁴² Na dab mak atem aona, na layap amegpa, ‘Lai, da kinipan hupu nakok na amenpa daate amu aokulnu hetem,’ atem? Na anam atem amge na naka amenpa ad maha okai daate amu na ii anidtem. Na am ham bupuk danab! Tatam na ad maha

okai, na amenpa daate ele, amu mautpe na ukeb, aria dimpa na pehetan neeg-nana amu dimpa na layap amegpa kini-pan amu maute!” awa aum.

⁴³ Anana amu Nug baula aum. “Amu ad ena nug meu nau ii ote, amubia ad nau nug meu ena ii ote. ⁴⁴ Danab ag nuhig meupa ad anidna dooteb. Amu danab ag ad pig meu amu muḍi qaun elepanu ii aoteb, ag grep meu amu ad nakok qaun elepanu ele ii aoteb. ⁴⁵ Danab ena nug nuhig dab mak enaib oopa daate amunu nug kobol enaib hete. Danab nau nug nuhig dab mak nauib oopa daate amunu nug kobol nau hete. Nug oopa am bak daate amuib amu odepa ele madite.

JESUSNU NAI AWA OYAKNU IPUNITAK NAI

⁴⁶ Adinu ag dahilnu, ‘O Nadi, O Nadi,’ aon aṭeb amge ag dahil nai dim ii lamidteb? ⁴⁷ Amu danab laa nug da gumida uḍia, dahil nai doya, nug dim lamidte ele, da nuhig kobol amunu ag inam ipuanadpi anidna oolag maidku. ⁴⁸ Nug am danab laa amu nug lag buukunu ha, nug tatam moḍ awe, uma noa uke, wan oopa men nadi qadepa nug lag mawa daakuknu keeke ade, men ada dayeye aria dimpa nug amu atan lag heum bia daate. Danab amu nug lag anam heum amunu dimpa le ui na dutune amu lag na qekunu elele iita. Adinu? Danab nug lag enanag heum. ⁴⁹ Amge danab nug dahil nai doya ii dim lamidte ele amu, nug am danab laa lag hamu wanpaib he dayom bia. Nug wan oopa men qadepa lag mawa daakunu keeke ii adom amunu dimpa le ui na, lag amu dutune, pahanab na qa, lopada, iita meum,” awa aum.

JESUS DAUP IKINU BEGBEG HE, ENA DAYOM

7 Jesus Nug danab ah keeke amu oh amelagpa awowa aria Nug Kape-naum ukom. ² Amu Rom danab laa, nug daup 100 dilag iki amu, nuhig begbeg laa, nuhignu oo doote ele amu, nug ode ma mauhkunu heum. ³ Nug anam dayom amu daup iki nug Jesus apa uḍiom doya, nug Juda dilag iki danab laala ag gona, Jesus apeg uḍia, begbeg nuhig amu heeb ena daakunu he gopig. ⁴ Ag Jesus gumidna gona, daup ikinu ii daye daye apig. “Nug am danab ena, na nug ehanidkutnu elele. ⁵ Nug am ig Juda ihinignu oo mauhte. Nug nuka ihinig nai doyak lag amu buuom,” aon apig. ⁶ Anam aeg amu Jesus ahe, oh gona, guguitegeg amu daup iki nug laikud laa Jesus apeg dookunu amelagpa a, ag gona, nug aum ode Jesus amegpa apig. “Danab Nadi na hamu uḍie nidte. Da am danab enate amu na uḍin da laul oopa nekut? ⁷ Am da ele da dootem, da danab ena iita amunu da na gumiten gokulnu amu da elele ii doomi amge na begbeg dahil edua ena daakunu naiib a! Na anam naiib ape amu begbeg dahil nug edua ena daaku. ⁸ Da amu dootemnu diig am, da ele udat imunu danab okai waalagpa daaiyi, ag da gumidegeg amu dahilad daup ag da waalpa daateb. Amunu da laa amegpa, ‘Na uke!’ ai aria nug gote. Amu da laa amegpa, ‘Na do!’ ai aria nug dote. Dahil begbeg ele amegpa, ‘Na udat imu he,’ ai aria nug hete amunu na naiib ape, keeke amuam beku dootem.” Danab amu ag okai ahilag ode amu aon, Jesus amegpa apig. ⁹ Ag anam aeg, Jesus Nug doya, Nug dab mak kudum awawa, Nug edua, danab ah ameg nadi ag Nug dim lamidpig ele amu, Nug ag amelagpa inam aum. “Da ag amelagpa aṭem. Da Israel danab oolagpa oopa genab doyak imubia amu da

laa ii anidmi,” awa aum. ¹⁰ Aria danab daup iki nug he, ag Jesus topa gopig ele amu, danab amu ag edun nug laugpa gona, begbeg nuhig amu edua ena day-eye anidpig.

JESUS NUG NEN NID MAD ETOM

¹¹ Amu nakok dimpa Jesus Nug ab okai laa onig Nen uke, nuhig ipunitak awak danab amu danab ah ameg nadi ag Nug ele oh gopig. ¹² Nug uka, ab amunu od okai amu guguita noono, ag danab mauhak laa maon dopig. Danab mauhom nug anig am ah qab, nug beka laipu amu aakuib. Amu danab ah ameg nadi ab amupanu ag ah amu, nug ele udipig. ¹³ Jesus Nug ah amu anta, nuhignu oo doye, Nug ah amu amegpa aum. “Na aib gaame,” awa aum. ¹⁴ Anam anana, Nug qadaqad maopig amu kukuita wana, epeg bahia, danab mauhak niom ele qadaqad amu ade, danab qadaqad maopig ele, ag hipaidna daapig. Daaegeg Jesus Nug aum. “Nid bau, da atemde, na ahe!” awa aum. ¹⁵ Anam a, danab mauhom amu edua aha dayaya, nai matie, Jesus Nug edua awa, anig metom. ¹⁶ Danab ah oh ag amu anidna, Kayaknu ena doona, ag oolag otaie, ag Kayak binag mena apig. “Propet nadi laa ig oonigpa udiom. Kayak Nug ig ehanigkunu udiom,” aon apig. ¹⁷ Amu danab ag Jesus keeke heum amunu ag matieg uke, Juda wan ohpa amu wan laala, Juda talilitak ele uke, apan danab ag doopig.

JOHANESNU DANAB ADIT JESUS GUMIDYA GOPID

¹⁸ Ag Jesus heumnu matiegeg amu Johannesnu ipunitak awak danab ag keeke amu ohnu nug amegpa aeg doyom. ¹⁹ Doya amu Johannes nug nuhikud ipunitak awak danab adit onilahpa e, gumidya doeh, a goya Jesus inam od metaglahnu aum. “Danab laa udikunu

aeg doomut am na aakute o iita ig laate ameg mekunig?” Nug anam amelahpa anana, nug he gopid. ²⁰ Anam a amu danab adit amu Jesus gumidya goya, a apid. “Layatak Johannes nug he, i na od metagnihnu gumidda udimud. Od mak am inam. Danab laa udikunu aeg doomut am na aakute o iita, ig laate ameg mekunig?” aoya apid. ²¹ Haen amupanab Jesus Nug danab ah kudum ag ode diigdiig ele amu he ena daaegeg, Nug oudi nau kudum lamataata, ameg gaduak kudum Nug he, ag amelag opate ag neegpig. ²² Amunu Jesus Nug ahilah nai amu edua nob ma amelahpa aum. “A goya, keeke oh gemu a anidya doopid, aakude Johannes aped doyad! ‘Danab ag amelag gaduak amu gemu ag edun neegteb. Didilag adak amu ag ena oiteb. Amu gadalag ode ele amu ode amu iita mete, daulag ituak ele ag edun, nai dooteb, danab mauhpig ele amu ag edun bau daateb, dadek danab ag ele Nai Ena dooteb.’” ²³ Amu danab aun nug nuhig oopa genab doyak dahilnu ii pade nete ele amu, Kayak Nug danab amu ititak medate,” awa aum.

²⁴ Am danab adit Johannesnu nai aoya udipid ele amu, a eduya ukaeheh, Jesus Nug Johannesnu danab ah amelagpa inam aum. “Ag anuka ag Johannes gumidna atu tadakpa gopig amu ag adi keeke anidkulagnu gopig? Ag keeke gai iita, qaitobtob bia, ulah he udalte amu anidkulagnu gopigte?” ²⁵ Iita, ag gopig am adi keeke anidkulagnu gopig? Ag gona danab laa lamen enanagnab, kobol ele takom amu anidkulagnu gopigte? Iita. Danab ag lamen enanagnab, kobol ele tagateb amu ag king laugpa daateb. ²⁶ Amge ag adi keeke anidkulagnu gopig? Ag propet laa anidkulagnu gopigte? Da ag amelagpa atem, ao, ag am propet anidkulagnu gopig. Nug am propet amge propetib iita. Nug amu propet laa oh edatak. ²⁷ Nug am

laa, Kayak Nug nuhignu a, propet laa nug Kayak ode awa, Kayak naipa yom daate. Nai am inam. ‘Ante! Da hepi, dahil nai awa uka matiaknu danab laa nug na noom awa, nahip ib bapaidku.’”²⁸ Jesus Nug anam awowa, Nug nai tudita aum. “Da ag amelagpa aтем. Layatak Johannes nug danab anuka propet daapig amu oh edatom amge danab laa nug Kayaknu do madod oopa danab nakokib daate, nug nuhig ititak amu Johannesnu edidte.

²⁹ Danab ah oh am takis awak danab ele ag Johannesnu nai doopig amunu ag, ‘Kayak Nug tutukuib hete,’ aon anana, ag Johannes epegpa layatak aopig.³⁰ Amge Juda dilag do mehuqak danab amu do gumak danab-Parasia ele ag amu ag Kayak Nug ib ena ipuanatom amu ag uun, di metaeg, Johannes nug ag ii layatom,” awa aum.

³¹ Jesus Nug anam anana amu Nug nai tudita aum. “Da danab ah haen geha imunu da ahilagnu adi bia akul? Ag am adi danab?”³² Ag am nid naunau hadappa daanna, ameg laa amu ameg laa amelagpa enana, ‘Ig ahilagnu dumutum iwalmut amge ag ahi ii edapig. Ig ahi oo doyak ele etamut, amge ag ii gaapig,’ ateb amubia heteb.³³ Adinu? Layatak Johannes nug udia amu nug e digdiig ii laum, wain ele ii laum amunu ag, ‘Nug bedupa oudi nau ele,’ aon ateb.³⁴ Aria Danab Bekalag da, da udien, da e lain, le ele lami amunu ag, ‘Anteg, nug e huanak lanana, wain ele huanak late. Nug laikud am takis awak danab, hipunin danab amu danab laa, ag ig Juda, ihinig do oh ii dim lamidteb,’ aon ateb.³⁵ Amge Kayaknu doyak am keeke genab amu nuhig hakpa ag am genab amidkular,” awa aum.

AH JESUS BAEGPA GODEN GOKADOM

³⁶ Amu do gumak danab-Parasia laa nug Jesus ele e lakulahnu Jesus onigpa e, nug laugpa uke, a e lakulahnu daapid.³⁷ Daaehéh, ab okai amupanu hipunin ah laa dayom, nug, “Jesus udia, do gumak danab-Parasia laugpa e late,” amu doya, nug men botol goden enanag laa awa udia,³⁸ Jesus baegpa, guguita dimugpa hibaita gayaya dayom. Ameg leb gokada, Jesus baegpa ne amu iki udugpa opiaya, Jesus baeg ootugqitata, goden amu Jesus baeg laaitom.

³⁹ Amu do gumak danab-Parasia, Jesus onigpa e udiom ele, nug keeke amu anta, inam dab mak awom. “Danab umu Nug genab propetlob amu ah umu epeg bahia adate amu nuhig kobol ele doolo. Ah umu nug hipunin ah,” awa aum.⁴⁰ A amu Jesus Nug danab amu nuhig dab makpa anam aawo doya, Nug miag matula od meta aum. “Simon, da nai laa madipi na dookutnu ool daate,” awa aum. Awa a Simon nug aum. “Ipunitak danab, nahip nai amu mehuqe!” awa aum.⁴¹ Anam a amu Jesus Nug nai imu matia aum. “Danab adit laa a bedulahpa danab laanu keekenu nob ele. Danab laa nug nuhig daden nob amu 100 kina ele. Danab laa nug nuhig daden nob amu 10 kina ele.⁴² Amu a keeke nob amu eduglahnu amu elele iita amunu danab amu nug ahilah keeke nob amu uua, oo ii daye, uhuqa matom. Aria a oolahpa danab aun nug danab men dodo matom, nuhignu oo okainab mauhku?” awa aum.⁴³ Awa a amu Simon nug Jesus nai matie doya, odepa awa aum. “Dahil dab makpa amu danab nug keeke nob okai uua, uhuqa metom ele, nug am anam dooku,” awa aum. A amu Jesus edua amegpa aum. “Dab mak amu tutuku, na nob ena meme,” awa aum.

⁴⁴Jesus Nug anam anana amu Nug eđua, ah neekitađa, Simon amegpa aum. “Na ah imu anidtem. Da na laut oopa nemi amu na le aon dona, da bael ii ihame amge ah imu nug ameg lebpa da bael ihaha, nug iki uđugpa opiom.” ⁴⁵Na da ii ootuqilme amge da lag oopa neiyi, ah imu nug dig ma, da bael ootuqitađa daate. ⁴⁶Amu na da ikil gođen ii laaidme amge ah imu nug gođen awa uđia, da bael laaidte. ⁴⁷Amunu da na amenpa ațem. Nug hipunin kuđum heum amu da aađu uhuđa medațem. Adinu? Nug dahilnu oo huanak mauhte. Amge danab nug hipunin nakok he, da hipunin nuhig uhuđen metai, nug dahilnu oo nakokib mauhte,” awa aum. ⁴⁸Nug anam anana amu Nug ah amegpa aum. “Da hipunin nahip amu uhuđen medațem,” awa aum. ⁴⁹Jesus Nug ah amegpa nai anam a amu danab nug ele oh balalpa daapig ag aka aka nai mațin apig. “Nug am danab aun, Nug hipunin uhuđa mețak danabte?” ⁵⁰Anam aeg amge Jesus Nug baula ah amu amegpa aum. “Na ootpa genab doome amunu da hei, na ena daațem. Na mađođ ele uke!” awa aum.

DANAB E HAĐAG DAĐA TAOĐOMNU NAI

8Haen laa dimpa Jesus Nug uka, ab okai ab nakok ele laalapa talilitađa oiyaya, Kayaknu do mađođnu Nai Ena amu mehuđa, danab ah ipuanatom. Nuhikud ipunitak awak danab tuelp ag Nug ele oiegeg ²amu ah laala ag ele oh gopig. Anuka ah amu ag ena ii daapig. Laa am ode ele, laa am ouđi nau ele amu Jesus Nug he, ena daapig. Laa, Magdala ted Maria, nug anuka ouđi nau eblaih adit ele bedupa daaegeg Jesus lamatom. ³Laa Joana, nug amu Herodes laug gumapig ele dilag okai onig Susa, nug wau. Amu Susana aria ah laala ele gopig. Ah amu ag ahilag keekepa Jesus

amu nuhikud ipunitak awak danab ele ehanadpig.

⁴Jesus Nug anam oiyeye, danab ah ameg nadi ag uđin, Jesus topa qag meeg amu danab ah ab okai ohnu ele uđieg, Nug keeke danab ag dooteb ii dooteb ele ou aqata, ipuanata inam mađa aum. ⁵“E epak danab nug e hađag ebađunu aha, dađa uka oiyaya, e hađag taođom. Nug taode ugeke, hađag laala amu danab ib oitebpa nena qena niiegeg, danab ag tapaegeg, ai ag uđin, hađag amu lapig.” ⁶E hađag laala ag wan men duqe ukak ele amupa nena qena bepig amge wan tepu iita amunu ag diđilag bau dayak elele iitanu qada ete bunadpig. ⁷Aria e hađag laala ag wan mudi qaun elepa nena qeeg, mudi qaun ele ba, nadi ma teguatom. ⁸E hađag laala ag wan enapa nena qena, ena bena, meulkad kuđumnab opig. Wan handat, wan handat anam.” Jesus Nug anam anana Nug ewa, “Danab nug daug ele dayeb amu nug doyađ!” awa aum.

⁹Aria dimpa nuhikud ipunitak awak danab ag Jesusnu nai amu meu nuhig am adi amunu ođ medapig. ¹⁰Ođ meťaeg amu Jesus Nug aum. “Ag am Kayaknu do mađođnu keeke diig lođumak amu dooglagnu mațom amunu ag dooteb amge danab laala ag nai, danab nug keeke danab ag dooteb ii dooteb ele ou aqata, ipuanadte, nai amupaib anidteb amunu Jesaia nai yom, nai amu elele medate. Nai am inam. ‘Ag neegna amu ag diig tutuku ii anidteb. Ag nai daulagpa dooteb amu ag nai meu am tutuku ii dooteb,” awa aum.

¹¹Jesus Nug anam anana amu Nug nai baula tuđita aum. “Keeke danab ag dooteb ii dooteb ele ou aqaten, ipuanaten mațimi amu, nuhig meu am inam. E hađag amu Kayaknu nai. ¹²Amu hađag laala ibpa nena qepig ele amu, nai amu inam ipunigte. Danab laala ag nai doopig amge dimpa Satan nug uđia, ag

oolagpa noa he, Kayak nai iita meṭe. Satan nug nuhig dab makpa, 'Ag nai amu oolagpa genab doopeg, Kayak Nug ag edua diima,' anana heṭe. ¹³ Amu e haḍag laala men duqe ukakpa nena qepig ele amu, nai amu inam ipunigte. Danab laa ag nai doon, oolag gamalag ahehe, pahanaḅ aoteḅ amge ahilag oopa genab doyak am gagataḅ iita, haen tutuib daate amunu deḍ laa ahilag oopa genab doyak iita meḱunu ug laa be amu ag paha ahilag oopa genab doyak amu paḍateḅ. ¹⁴ Amu e haḍag laa wan muḍi qaun elepa nena qepig ele amu, nai amu inam ipunigte. Danab amu ag nai dooteḅ amge ag gona oiyegeg, wan imupa ug laala amu enub awaknu udat amu ameg qak kobol ele, keeke amu oh ag oolagpa he, Kayak nai iita ma, danab tutuku elelenab daakunu meu ii oṭe. ¹⁵ Amge e haḍag wan enapa nena qepig ele amu, nai amu inam ipunigte. Danab laa ag nai doon, ag aona, oolagpa meeg, tutuku oolagpa ena dayeye, ag gagataḅ daanna amu ag meu oṭeḅ," awa aum.

DANAB AG LAM TAPIḍ WAAPA II MEṬEB

¹⁶ Aria Jesus Nug nai imu ele maṭiom. "Danab laa nug lam amota, tapiḍ waapa o balal waapa ii meṭe. Iita, nug amota, balal aṭan me ewewe, danab ag lag amu oopa nona, ag amahlak anidṭeḅ. ¹⁷ Amubia gemu keeke laala loḱumak daate amge dimpa miag atiglag. Keeke oh danab ag loḱumpig daateḅ amu dimpa ag miag atipeg, danab oh anidḱulag. ¹⁸ Ag nai dahil dooteḅ ele amu, ag amu dab menan dayeg! Am danab laa nug Kayak Nai aḍate ele amu, dimpa Kayak Nug baula ele tuḍita, nug medaku amge danab nug Kayak nai laa tutuku ii aḍada, nug, 'Da keeke matu aḍami,' awa aṭe amu geha Kayak Nug amu edua aḍidku," awa aum.

JESUS ANIG AMU AMAḶUD ELE

¹⁹ Jesus Nug anam anana dayeye amu Nug anig amaḱud ele anidḱulag nu uḍipig amge danab kuḍum ag itun daapig amunu ag Jesus gumidna waḱulag nu ib iita. ²⁰ Ag uḍin daaegeg, danab laala ag Jesus amegpa apig. "Na anin amapad ele ag na anidḱulag nu uḍin, dimiṭim daateḅ," aon apig. ²¹ Aon aeg amu Jesus Nug amelagpa aum. "Danab ah ag Kayaknu nai doon dim lamidṭeḅ ele, ag amu da anil, amalad ele," awa aum.

JESUS ULAH NAḌI AMEGPA A TO EṬOM

²² Deḍ laa Jesus Nug ub laa aṭan te, nuhiḱud ipuniṭak awak danab ele teeg amu Nug ag amelagpa aum. "Ig le ameg matadta, laih upa goḱunig," awa aum. A amu gopig. ²³ Ub ugeke amu Jesus Nug niim. Niieye, ulah naḍi laa laipun na, le amegpa he, le ite, ub oopa noa am beḱunu he, ag mauhḱulag nu hena, ²⁴ nuhiḱud ipuniṭak awak danab ag wana, Jesus maḍ eṭan apig. "Ipuniṭak danab, ipuniṭak danab, ig mauhḱunignu heṭem!" aon apig. Aon aeg am Jesus Nug aha, ulah le koḍkoḍ qeum ele amu, Nug a amelahpa a anam hemayanu a amu ulah nug iita me, le ele to eṭa, manin dayom, le nug baula ii uḍalom. ²⁵ Aria Jesus Nug ipuniṭak awak danab amelagpa aum. "Ag ahilag oopa genab doyak amu adepa daate?" awa aum. Nug anam heum amu ag nuhignu enanag doon, ag oolag ele oṭaie, ag dab mak kuḍum aona, ag aka aka maṭin apig. "Ulah le ele amu danab imu ahilahnu nai aum amu dim lamidpiḍ amunu am aṭemun? Nug am aun?" aon apig.

JESUS OUDI NAU DANAB LAA BEDUPANU LAMITOM

²⁶ Dimpa ag el qena gona, laih Gerasa wanpa eedpig. Wan amuam Galelia le ihi laih daate. ²⁷ Amu Jesus Nug ubpanu aha, honap le ihipa no amu danab laa ab okai amupanu Nug gumiṭa doum. Danab amu nug ouḍi nau kuḍum ele. Haen elab nug bam iṭa oiyaya, laḵa ii daatom. Iṭa, nug matmatpa daatom. ²⁸ Danab amu nug Jesus anṭa, ewawa, wanpa Jesus baegpa na qa, huanaknab ewa aum. “Jesus, na Kayak Aṭannab Beḵa, na da aṭem heidkut heṭem? Da na unuqidtem. Na da guṭak aib meḍame,” awa aum. ²⁹ Am Jesus Nug matu ouḍi nau nug danab unidkunu aum amunu nug anam aum. Haen kuḍum ouḍi nau nug danab amu adede, danab ag nug gumanna, senpa qakan, baegpa adakunu keeḵepa ele qagtapig amge nug sen keeḵe amu oh pakua awe, ouḍi nau nug nug awa ade, laih atu tadakpa gotom. ³⁰ Aria Jesus Nug oḍ meṭom. “Na onin aun?” Awa a nug aum. “Da onil amu, ‘Daup kuḍum,’” awa aum. Aḍinu? Ouḍi nau kuḍumnab nug oopa nona daapig. ³¹ Ouḍi nau ag Jesus amegpa, “Na aib ig lamigpe, Satan amu nuhiḵud daup daatebpa eḍut gomut,” aon ii daye daye unuqidpig.

³² Amu bo ameg naḍi laa qauko nakok amupa e lanana daapig amunu ouḍi nau ag Jesus unuqidna apig. “Na hepe, ig bo umu oolagpa gotu!” aon apig. Aon aeg aaku Jesus Nug he gopig. ³³ Ouḍi nau ag danab amu uuidna, ag gona bo oolagpa noeg amu bo ag oolna, huana gona, aben oola noakpa nona, le amegpa le lana mauhpig.

³⁴ Amu bo gumak danab ag keeḵe beum, amu anidna, ag oolna gona, ag keeḵe amunu ab okaipa amu nuhig wan taliliak ele amupa keeḵe aḍi anidpig amu aeg doopig. ³⁵ Maṭieg doona amu danab ah ag keeḵe amu anidkulanu Jesus gu-

midna gona, ag danab ouḍi nau uuidpig amu anidpig. Nug lamen taḵa, dab mak ena ele Jesus baegpa hedep na dayeye anidpig. Danab ah ag anam anidna, ag baḍapig. ³⁶ Danab ag anidpig ele amu, ag Jesus Nug danab ouḍi nau ele amu he ena dayom, ag keeḵe amu ohnu madipig. ³⁷ Maṭieg, laih Gerasa, apan danab oh ag Jesus uuata gokunu unuqidpig. Aḍinu? Ag huan baḍapig. Aeg aaku Jesus Nug ub aṭan ta, Nug eḍua uḵom.

³⁸ Danab ouḍi nau uuidpig ele nug Jesus ele gokulahnu ii daye daye oḍ meṭom. Nug anam aum amge Jesus Nug he, eḍua ugeḵe, amegpa aum. ³⁹ “Na eḍun, na apanpa gona, Kayak keeḵe oh nahipa heum amu na mehuqe!” awa aum. A amu danab amu uḵa, ab okai nuhigpa ta, danab ah oh amelagpa nuhigpa Jesus keeḵe oh heum amu mehuqom.

IḶI DANAB AḌEG AM AH JESUS LAMEN AḌOM ELE

⁴⁰ Jesus Nug Galelia le ameg heqo laihnu eḍua uḍieye, danab ah oh ag Nug uḍiom amunu gamalag ahom. Aḍinu? Ag oh Nug ameg mena daapig. ⁴¹ Jesus uḍieye amu danab laa onig Jairas, nug Juda dilag nai doyak lag gumak danab laa, nug uḍia, Jesus noobpa dup noa, iḶi wan ye, Jesus Nug laugpa gokununab unuqitom. ⁴² Aḍinu? Nug aḍeg laipu, maḍ 12 ele, nug mauhkunu heum. A amu Jesus Nug ugeḵe, danab ah kuḍumnab ag talilidna daaegeg gopig.

⁴³ Uḵaegeg, ah laa ele apa dayom amu nug kalam qak oḍe maḍ tuelp haen oh anidtom. Iṭa ii meṭom. Nug dokta gumaṭa uḵe babaitegeg, nug men doḍo nuhig iṭa meum amge nug eḍua ena ii dayom. ⁴⁴ Aria ah amu nug Jesus dimugpa doa, epeg bahia, Jesusnu lamem daug nakok aḍom. Aḍe amu pahanab oḍe amu iṭa meum. ⁴⁵ Iṭa me amu Jesus Nug dayaya, oḍ meum. “Aun da aḍailom?”

awa aum. Od me amu ag apig. “Da iita, da iita,” aon apig. Aon aeg, Petrus nug aum. “Ihinig okai, danab ah ameg nadi talilidna daateb amunu adinu na, ‘Aun da adailom?’ aon atem?” awa aum. ⁴⁶ Amge Jesus Nug aum. “Da dootem, laipu laa epegpa da adaele, gagatag laa uuida ukom,” awa aum. ⁴⁷ Aria ah amu nug doya, loikumkunu elele iita amunu nug bada hahadada, danab ah oh noolagpa Jesus baegpa gateg qaun wa, nug adinu epeg bahia Jesus ade, laipun ode nuhig iita meum ele amunu aum. ⁴⁸ Amu Jesus Nug ah amu amegpa aum. “O adel, na ootpa genab doome amunu na edun ena daatem. Na madod ele uke!” awa aum.

⁴⁹ Jesus Nug nai amu matiaya dayeye, danab laa nug iki danab Jarius, amu nug laugpanu nai awa udia, Jairas amegpa aum. “Na aden mauhomde amunu na ipunitak danab imu aib udat metame,” awa aum. ⁵⁰ A amu Jesus Nug nai amu doya, Nug Jairas amegpa aum. “Na aib badame. Iita, na ootpa genab doye! Na anam hepe amu na aden nug edua bau daaku,” awa aum. ⁵¹⁻⁵³ Aria Jesus Nug iki danab amu laugpa uka, Nug Petrus, Johannes, Jakobus, nid mameg anig ele aakuib diiate, Nug ele lag oopa nopig. Laa oh ag lag oopa nokulagnu aib aum. Nug lag oopa noa, Nug danab ah ag nid amunu oolag doye, mahinna, qanak ele henan daaegeg anata, Jesus Nug ag amelagpa aum. “Ag aib gaapig! Nug ii mauhom, nug niite,” awa aum. Jesus Nug anam a amu ag imidpig. Adinu? Ag doopig, nid ahin nug mauhom. ⁵⁴ Ag anam heegeg, Jesus Nug ag lamatowa, Nug nid ahin amu epegpa ada aum. “Nid ahin, na ahe!” awa aum. ⁵⁵ Amu nid ahin amu nuhig oudi edua udie, laipun bau edua ahom. Ahe, Jesus Nug ag e medapeg lakunu amelagpa aum. ⁵⁶ Nid ahin mameg anig ele a anam anidya, a otaiya, dab mak kudumnab

aopid amu Jesus Nug gagatag amelahpa aum. “A keeke imunu danab laa amegpa aib apid,” awa aum.

JESUS IPUNITAK AWAK DANAB 12 UDAT MATOM

9 Jesus Nug ipunitak awak danab tuelp onilagna e udieg, Nug ag oudi nau lamadnana, ode diigdiignu ele hepeg ena daaglagnu gagatag matom. ² Nug he, ag gokulagnu daaegeg, amelagpa aum. “Ag gona, Kayaknu do madodnu nai mehuqnana, danab ode ele hepeg ena dayeg!” awa aum. ³ Nug anam anana, Nug nai tudita amelagpa aum. “Ag oiyaknu keeke, hokat, batam, e, men dodu ele, aon aib oipig. Aria ag lamen adit ele aib aon gopig. ⁴ Ag lag laapa tena amu agupaib daanna, apa udat malona aria ahan ukeg!” awa aum. ⁵ Nug anam anana amu Nug nai tudita aum. “Ge danab ag diiadna laulagpa ii maadpeg amu ag ab amu uun gona, ab amupan danab ag ehed hepig dooglagnu ag gapud baelag gadapanu qeqalpeg neeb, ag ab amu uun ukeg!” awa aum. ⁶ Anam a amu ipunitak awak danab ag ahan, ab ab gona, Nai Ena amu mehuqnana, ode danab atu ohpanu ele heeg, ena daapig.

⁷ Aria, Herodes Antipas nug Galelia wan guma dayeye, Jesus Nug udat heehe, Herodes Antipas nug udat okam oh heum amunu doya, nug dab mak kudum awom. Adinu? Danab laala ag, “Herodes nug Layatak Johannes baag otadom amge Layatak Johannes nug edua hibaita oite,” aegeg doyom. ⁸ Ag anam aegeg am laala ag, “Nug am Elias, edua hibaitom,” aegeg, laala ag, “Nug propet anukanu laa edua hibaitom,” aon apig. ⁹ Ag anam aeg am Herodes anam doya, nug aum. “Genab da Layatak Johannes baag otadmi amge danab umu Nug am aun, ag nuhignu nai amu unam

aṭeb?” awa aum. Awa anana nug Jesus anidkunu heum.

JESUS DANAB 5000 E MAṬOM

¹⁰ Aria ded laa Jesusnu ipunitak awak danab tuelp ag edun uḍin, Jesus amegpa, ag gona keeke oh hepig amunu aeg doya, Nug aha omalaṭe, ab laa Bet-saida, amupa aka gopig. ¹¹ Ukaeg dimpa, danab ah ameg nadi ag amu doon, ag dim lamidna gona, gumidna waeg, Jesus Nug ag uḍipig amunu gamag ahe, Nug Kayaknu do maḍodnu nai amelagpa mehuqaqa, ode danab amu he ena daapig.

¹² Ded amu tueb, aam noono, nuhikud ipunitak awak danab tuelp ag Jesus gumidna dona apig. “Na ape, danab ah ag ab ab gona, danab laulagpa ele gona, ag e aon lawona niiglag. Aḍinu? Aben ig daatem imupa amu danab ag ii daateb,” aon apig. ¹³ Aon apig amge Jesus Nug amelagpa aum. “Ag e madapeg laig!” awa aum. A amu ag apig. “Ig e kuḍum iita. Bret kunum tanig ele, kakai adit eleib daate. Am na oot aṭem daate? Ig gota, danab ah ameg imu oh dilag e daden mekunigte?” aon apig. ¹⁴ Danab ag ele apa daapig amu 5000 anam. Ag anam aeg amu Jesus Nug nuhikud ipunitak awak danab tuelp amelagpa aum. “Ag danab ah hepeg, ameg laipu laipu eb qak anen anen pipti keeke, anam dayeg!” awa aum. ¹⁵ Amu Jesus aum bia ipunitak awak danab ag anam heegeg, danab ah ag daapig. ¹⁶ Daaegeg, Jesus Nug bret tanig ele, kakai adit amu ele diia ada, hab atan neekaka unuqitom. Unuqitowa, pane ne, ipunitak awak danab ag aon panin, danab ah mataglagnu mate, ag panieg ukom. ¹⁷ Ag oh e amu laeg, oolag ditie, e big dayom amu ipunitak awak danab ag aona, kaleg tuelp inaeg am beum.

PETRUS NUG JESUS AM KRISTUS MIAG ATIA AUM

¹⁸ Ded laa Jesus Nug nukā unuqitata dayeye, nuhikud ipunitak awak danab ag gumidna ukaeg, nug od maṭa aum. “Danab ag dahilnu amu adi aṭeb?” awa aum? ¹⁹ A amu ag apig. “Laa ag nahipnu, ‘Layatak Johanes,’ aṭeb amge laa ag, ‘Nug am Elias,’ aṭeb. Aria laa ag nahipnu, ‘Nug am Kayaknu propet anukanu laa edua hibaitom,’ aon aṭeb,” apig. ²⁰ Nuhig ipunitak awak danab ag anam aeg amu Jesus edua ag od maṭom. “Anam aaku amge ag aka amu dahilnu adi aon aṭeb?” awa aum. A amu Petrus nug aum. “Na amu Kristus, Kayak Nug na tituanitom. Kayak Nug na Israel ehanadkutnu aum!” awa aum. ²¹ Petrus nug anam a amu Jesus Nug ag danab laa amelagpa nai amu maṭimnanu do gagatag meum. ²² Jesus Nug anam anana, Nug nai amu tudita aum. “Danab Bekalag da, geha dimpa Juda iki danab, mana metak danab okai amu do mehuqak danab ele ag da di medan, guitak medan, iupeg mauhkul amge dimpa ded ewampa Kayak heeb, da eduen hipaidkul,” awa aum.

²³ Anam anana amu Nug nuhikud ipunitak awak danab oh amelagpa aum. “Laa nug da dim lamidkunu oo dayeb amu nug nuhig dab mak dim lamidkunu dab ii mema, nug nuhig ad emaitak ded oh mawa, da dim lamidaḍ!” ²⁴ Aria danab laa nug wanpanu bau daakunu dab mak anuqak aote amu nug bauklel hanhannu ii aoma amge laa nug dahilnu anuqak doote, nug wanpan bau dayak amunu anuqak ii doote amu, nug am bauklel hanhannu aoku. ²⁵ Danab nug wanpanu keeke oh aote amge nug bau dayak hanhannu ii aote amu keeke amu nug aṭem ehanidku? Kayak Nug danab amu di medaku amu nuhig keeke am aṭem ehanidku? ²⁶ Amu danab nug dahilnu

am dahil nainu ele uḁa neeb amu dimpa da dahil gagatag, Kayaknu gagatag amu nuhiḁud engel dilag gagatag elepa eḁue uḁiḁul, haen amupa danab amunu da ele uḁal neḁu,” awa aum. ²⁷ Jesus Nug anam anana, Nug nai baula tuḁiḁa aum. “Da genab aḁem, danab laala gemu ipa hipaidna daateb ele amu, ag paha ii mauhmana. Iiḁa. Tatam ag Kayaknu ḁo maḁoḁ amu dig ma beeb anidna, mauhḁulag,” awa aum.

JESUS BEDU EDUOM

²⁸ Amu Jesus Nug nai amu maḁie, dimpa ded eblaih ewam keeke anam uue amu Jesus Nug unuḁiḁḁunu, Petrus, Johannes amu Jakobus ele omalate, qaukopa tepig. ²⁹ Tena unuḁiḁata dayeye amu Nug iḁu eḁuom. Nuhig lamem amu eḁua, haḁabnab diḁiag apinak bia dayom. ³⁰ Jesus Nug anam dayeye, danab aḁit laa, Moses Elias ele, a tulai doeh, Nug ele nai madipig. ³¹ Danab aḁit a Kayaknu amahlak ele beeh, Jesus Nug Jerusalem apa Kayak uḁat meḁom amu hewowa, wan imu uua goḁu amunu nai madipig. ³² Jesus Nug Moses Elias ele nai maḁiegeg am Petrus nug laikud ele ag amelag ug meḁe, niiglagnu hepig amge ag niin autna ii aopig. Iiḁa. Ag anam daaeg uḁe, amelag eḁua obate, ag Jesus binag oḁai ele, amu danab aḁit a Jesus ele hipaidna daaeg, am anadpig. ³³ Moses Elias ele a Jesus uuiḁeh, Petrus nug Jesus amegpa aum. “Ipuniḁak danab, ig aben imupa daagnignu am enanag amunu na ape, ig peh ewam buugnig, nahip laipu, Mosesnu laipu, Eliasnu laipu ele,” awa aum. Petrus nug nai amu diig tutuḁu ii doyaya, nug nai aum.

³⁴ Petrus nug anam aawo amu lombig laa tonate, ag baḁapig. ³⁵ Baḁaeg, lombig oopanua baag laa inam a doopig. “Imu am nid dahil, da nuhignu ool huanaḁ mauḁe. Ag nuhig nai doyeg!” awa

aum. ³⁶ Baag anam a doyona amu ag Jesus nuḁa dayeye anidna, ag aḁa aḁa dab mepig. Ag keeke anidpig amu ag amunu danab laala amelagpa haen amupa ii apig.

JESUS NID LAA BEDUPANU OUḁI NAU LAMITOM

³⁷ Amu ded amu uue, wagde ded amupa ag qaukohanua noeg, danab ah ameg naḁi ag uḁin Jesus uḁa tepig. ³⁸ Amu danab ah ameg naḁi amu oolagpa danab laa nug ewa aum. “Ipuniḁak danab, da na unuḁiḁtem. Dahil nid imu ante, da nid dahil laipu iḁiḁib, ³⁹ amu ouḁi nau laa nug haen kuḁumnab aḁede, eḁeḁ eewo, ouḁi nau nug he, huana hahade, hipaḁu neene, ouḁi nau nug he, beḁu nauha auta awe amu paha ii uuiḁe. ⁴⁰ Am da nahipad ipuniḁak awak danab ag ouḁi nau lamidḁulagnu unuḁadmi amge ag elele iḁa!” awa aum. ⁴¹ Anam a amu Jesus oḁepa awa aum. “Ag oolagpa genab doyak iḁa. Ag nai genab amu kobol tutuḁu ele ii heḁeb. Da ag ele haen elab daamut amge ag dahilnu oolagpa genab ii doḁteb amunu da ool ug ele. Ag haen ganab ag dahilnu oolagpa genab dooglag? Na nid nahip omalna do!” awa aum. ⁴² Nug anam a amu nug nid amu awa, Jesus topa doodo, ouḁi nau am nid buḁie, na qa, wanpa hahadom. Nug anam heum amge Jesus Nug ouḁi nau amegpa, “Na uḁe!” awa a, nid ena daye, awa eḁua, mameg meḁom. ⁴³ Jesus Nug anam he, danab ah ag Kayaknu gagatag anidna amu ag oḁaḁipig. Ag keeke oh heum amunu dab mak kuḁum aoeg, Jesus Nug nuhiḁud ipuniḁak awak danab amelagpa aum. ⁴⁴ “Ag nai imu daulagpa tutuḁunab doyeg! Dimpa haen elab iḁa, laa ag Danab Bekalag da, ag da awiḁna, danab epelagpa meḁulag,” awa aum. ⁴⁵ Nug anam aum amge ag nai amu ii doopig, nai amunu diig am ag oolagpa loḁumak

dayom amunu ag tutuku ii doopig. Ag ii doopig amge ag nai amunu Jesus od metaglagnu badapig.

KAYAKNU DO MADOD OOPA AMU AUN NUG AM OKAI

⁴⁶ Am haen laa ipunitak awak danab ag oolagpa aun nug okai daate, dab mak am be, ag amunu aeg ona aeg doum. ⁴⁷ Amu Jesus Nug dab mak amu ag oolagpa dayeye doym amunu Nug nid nakok laa awa do, Nug guguita heqo laih me, hipaidya daaiya, ⁴⁸ Nug ag amelagpa aum. “Danab nug da onilnu nid nakok imu oo meta humidte amu nug da oo meda, humidte. Danab nug da oo meda humidte amu nug Laa, Nug he da udimi ele amu, Nug oo meta humidte. Ag oh oolagpanu danab nug nakoknab daate amu nug amu anuqak,” awa aum.

⁴⁹ Jesus Nug anam a amu Johannes nug aum. “Ipunitak danab, ig danab laa nug am na oninpa oudi nau lamate anidmut amge nug am ig dim lamike ii oitem amunu ig nug oudi nau lamadmanu do memut,” awa aum. ⁵⁰ Nug anam aum amge Jesus Nug amegpa aum. “Aun nug am ahilag keked iita, nug am ag lailag amunu ag nuhig udat amu aib okulpig,” awa aum.

SAMARIA DANAB LAAG JESUS AWAK UUPIG

⁵¹ Amu Jesus Nug edua Mameg topa gokunu haen miag do doyaya, Nug Jerusalem gokunu dab mak gagatag awom. ⁵² Dab mak amu awom amunu Nug danab laala he, ag nai aon, anuqna gona, ag Samaria dilag ab laapa tena, apa ag nuhig keeke bapaidkulagnu hepig. ⁵³ Amge danab ab amupanu ag Jesus Nug ag laulagpa daakunu amu uupig. Adinu? Ag doopig, Nug Jerusalem tekunu gagatag dab meum. ⁵⁴ Ag anam heeg, ipunitak awak danab adit, Jakobus Johannes ele, a anam

anidya a apid. “Nadi, i apud hab atannu ab adu na, danab amu ewadkunu oot daatete?” aoya apid. ⁵⁵ Anam apid amge Jesus Nug edua, a daulah batom. ⁵⁶ Daulah bate amu ag ahan, ab laapa gopig.

DANAB NUG JESUS DIM LAMIDKUNU NAI

⁵⁷ Ag gona ibpa ukaegeg, danab laa Jesus amegpa aum. “Na adep adep gokut amu da na dim lamidkul,” awa aum. ⁵⁸ Anam a amu Jesus Nug amegpa aum. “Dod laa onig poks, biun bia, ag wan odepa niiaknu aben ele, ai ag ele ted ele amge Danab Bekalag da amu da niiaknu aben laa iita,” awa aum. ⁵⁹ Anam anana, Nug danab laa amegpa aum. “Na dona, da dim lamide,” awa aum amge danab amu nug aum. “Nadi na ape, da tatam uken, mama boomoya, da eduen na dim lamidkul,” awa aum. ⁶⁰ Anam a amu Jesus Nug odepa awa aum. “Uupe! Mauhak adi, ag dahil udat haknu dab ii meteb ele amu, ag mauhak lailkad boomadkulag amge na gona, Kayaknu do madodnu nai mehuqe!” awa aum. ⁶¹ Anam a amu danab laa nug aum. “O Nadi, da na dim lamidkul amge na ape, da tatam gopi, baeladpa ele sigan mewota, da eduen dim lamidkul,” awa aum. ⁶² Nug anam aum amge Jesus Nug amegpa aum. “Aun nug dahilnu oo adit ele amu nug Kayaknu do madod oopa daakunu ele iita.”

JESUS DANAB 72 MISIN UDATNU MAAṬE GOPIG

10 Amu dimpa Nadi Nug danab 72 laa, ag adit adit anuqna, ab okai nakok ele ohpa, Nug gokunu dab meum ele, amupa gopeg, dimpa Nug nuka ele amupa dim lamata gokunu otiaom. ² Nug otiafa, Nug amelagpa aum. “Danab ah kudumnab ag dahilnu oolagpa genab ii dooteb amu, ag am

datanu e bia. E amu oh ođua malom amge udat danab kuđum iita amunu ag dad Mameg unuqidpeg, nug udat danab baula maateb gona, e meu akan qag mekulag,” awa aum. ³Nug anam anana amu Nug nai baula tudita aum. “Ag aakude ukeg! Da ag maati, ag sipsip nakud wolp oolagpa goteb bia goteb. ⁴Ag men dođo inaknu hogot amu batam, baelag gađa ele amu aib aopig. Ag gonana, dab mak laa aona, udat imu aib uupig.

⁵Amu ag lag laa oopa nona aria ag tatam inam akulag. ‘Danab ah lag imupanu ag oolag mađod ele daaglagnu oonig daate,’ aon aig! ⁶Amu danab laa oo mađod ele lag amupa dayeb amu aria nug nai amu doya gamag ahebeb awa humadku. Amge danab laa nug anam ele iita amu aria nug nai amu doya ii humadma. ⁷Ag lag laipu humadpig ele, amupaib daanna, lanaknu keeke, e le ele madapeg laig! Adinu? Udat danab nug nuhig udatnu, nob aaku aote. Ag lag laala ohpa aib daapig. ⁸Am ag gona, ab okai laapa nopeg, ag diiadna, laulagpa gona, e panin madapeg amu ag laig! ⁹Ab amupan ode danab amu ag hep-eg, ena daapeg, ag amelagpa, ‘Kayaknu do mađod ahilagpa miag doum,’ aon aig! ¹⁰Amge ag gona, ab okai laapa nopeg, apanu danab ag diiadna laulagpa ii gopeg amu ag gona, ab okai amunu ibpa daanna ¹¹ag inam aon aeg! ‘Ahilag abnu gapud, ig baenigpa teum daate amu, ag ehed hepig amu ipuanadkunignu, ig gapud amu iiku opiut nete amge ag imu dab mena autna aweg! Kayaknu do mađod miag doum!’ aon aig! ¹²Anam aaku amu da ag amelagpa aтем. Wan haen maleb, ab amu nug Sodom nob awom amu editak aoku,” awa aum.

¹³“O gadon Korasin, o gadon Betsaida ele! Da ahilah danab oolagpa oiyeye, kobol diigdiig danab hekunu elele iita

hemi amu danab laa nug Taia Saidon ele, danab apa daateb ag am iita adi danab amu, nug danab amu ahilagpa kobol amubia helo amu Taia Saidon ele dilah danab ag anukanab lamen nau hedag ele takan, uhudpa daanna, ag oolag edulo. ¹⁴Amunu da ag amelagpa aтем, epediak haenpa amu Taia Saidon ele dilah danab ah, ag ug aoglag amge ag danab ah ag Korasin Betsaida ele daateb amu, ag amu dilag ug editak, ug okainab aoglag. ¹⁵Amu Kapenaum na onin okai, laa oh edatak, aokut-te? Iita! Geha na padal mekut,” awa aum. ¹⁶Jesus Nug anam anana, Nug ipunitak awak danab amelagpa aum. “Danab nug ahilag nai doote amu nug dahil nai doote. Am danab nug ag di madate amu nug da di medate. Danab nug da di medate, nug laa Nug he, da uđimi ele amu Nug di medte,” awa aum.

¹⁷Dimpa danab 72 ag gamalag huan ahehe, edun uđin apig. “Nađi, ig na onin diiutut, ouđi nau ag ihinig nai dim lamidpig,” aon apig. ¹⁸Anam aeg am Jesus Nug ag amelagpa aum. “Da Satan nug amemdi bia hab atannu na qeeqe anidmi. ¹⁹Amu doyeg! Da ag gagađag matai, ag mat, apiap ele tapadna, kekednu gagađag amu oh edadkulagnu elele daateb. Keeke laipu laa heeb, ag ii nauhmana. ²⁰Amge ouđi nau ag nai ahilag dim lamidteb, amunu ag oolag aib gamag ahom! Iita. Kayak Nug ag onilag hab atan yom amunu ag gamalag ahad!” awa aum.

²¹Haen amupa Kayak Ouđi Nug he, Jesus oo gamag ahe, Nug aum. “O Mame, na hab wan ele dilah Okai daatem amu, na danab dab mak ele, doyak danab ele, na amu dilagpa keeke imu lokumna, nid naunau ipuanadme amunu da na onin humatem. Yo Mame, na nahip dab makpa amu nahip doyakpa ele heme,” awa aum. ²²Jesus Nug anam anana amu Nug nai baula tudita

aum. “Da Mamel Nug keeke oh da epelpa meum. Amu danab laipu laa nug Kayak Beḱa ii doote, Kayak Nug nuḱaib doote. Am danab laipu laa nug da Mamel ele ii doote. Nug Beḱa daib Nug dooṭem amu danab, da ag da Mamel ipuanadṭem ele, ag da Mamel dooṭeb,” awa aum. ²³ Aria Jesus Nug nai amu oh maṭia mala, Nug eḱua, ipuniṭak awak danab aakuib amelagpa aum. “Ag enanag daateb. Ag ititaḱ aopig daateb. Aḱinu? Ag da amu dahil hak amu dahil nai ele iiku anidṭeb. ²⁴ Da ag amelagpa aṭem. Anuḱa propet kuḱum, king ele ag keeke gemu ag anidṭeb amu anidḱulagnu oolag dayom amge ag ii anidpig. Amu nai gemu ag dooṭeb amu ag dooglagnu oolag dayom amge ag ii doopig,” awa aum.

SAMARIA TED NUG JUDA DANAB LAANU OO DOYOMNU NAI

²⁵ Aria deḱ laa ḁo doyak danab laipu laa aha, nug Jesus eheḱ ab anidḱunu oḱ ma aum. “Ipuniṭak danab, da aṭem hein bauklel hanhan ena dayaknu aokul?” awa aum. ²⁶ Anam a amu Jesus Nug amegpa aum. “ḁopa, nai yak amunu aḱi daate? Na apa aḱi eb qeṭem?” awa aum. ²⁷ Jesus anam a, Nug oḱepa awa aum. “Naḱi Nug am Kayak nahip amunu na nuhignu oot mauhad! Na ootpa, na ouḱinpa, nahip gagataḱ ohpa amu nahip ḁab mak ohpa ele anam he! Amu laa amu na naḱa nahipnu oot mauhte, amubia nahip mudipanu dilag ele oot mauhad!” awa aum. ²⁸ Awa a amu Jesus Nug amegpa aum. “Na tutuḱu ame, na anam henana, na bauklel hanhannu aokut,” awa aum. ²⁹ Nug anam aum amge ḁo doyak danab nug nuḱa onig ena daḱunu ha, nug Jesus oḱ meṭa aum. “Am dahil mudipan danab am aun?” awa aum. ³⁰ Awa a aria Jesus Nug oḱepa awa aum. “Danab laa Jerusalemnu aha, nug Jeriko gokunu noum. Noono, yab danab ag nug ibpa anidna, ag nuhig keeke amu

oh aḱidna, ag nug eheḱ maḱuḱpig. Ag maḱudeg, ibpa anam mauhḱunu ha niieye, ag gopig. ³¹ Haen amupa Juda dilag mana meṭak danab laa nug ele gokunu ib amu noum. Am nug danab amu andaṭa, nug qe eḱita, ib daug aḱa, wana uḱom. ³² Ugeḱe, Lewi buḱupanu laa ele nug ib amuib dim lamaṭa uḱa, nug danab amu andaṭa, qe eḱita, ib daug aḱa, wana uḱom. ³³ Amge Samaria danab laa, Samaria Israel ele ag layam ena iita amu, nug ib amupa uḱia, danab amu gumita doa, danab amu anṭa, nug oo doyom. ³⁴ Nug oo doye, gumita wana, nug goḱen wain ele awa gokade, danab amu ihiudpa no, itom. Itowa nug danab amu huma awa, nuhig donki atan ma, awa uḱa, ḁo lag amupa ma nug gumom. ³⁵ Gume uḱe, deḱ amu uue, wagde, deḱ amupa nug men doḁo deḱ aḱitnu uḱatnu nob, 10 kina bia awa, ḁo lag mameg amu medata, amegpa aum. “Na men doḁo imupa danab imu ḁab meṭan autna awe! Na danab imu ehanidpe, men doḁo imu iita meeb, nug ena daḱunu, na keeke laa men doḁo nahipa daden meḱut dayeb amu aria dimpa da eḱue uḱien amu nob na medaḱul,” awa aum. ³⁶ Jesus Nug anam awowa, Nug eḱua danab tatam nug amunu oḱ meṭom ele amu, nug oḱ meṭa aum. “Nahip ḁab mak amu aṭem daate? Danab ewam amu oolagpa aun nug danab yab danab maḱuḱpig ele amu, nuhig mudipan bia heum?” awa oḱ meṭom. ³⁷ Anam a amu ḁonu doyak danab nug aum. “Danab nug oo gai iita doya ehanitoṃ ele, amu,” awa aum. A amu Jesus Nug amegpa aum. “Na gona amu na ele anam he!” awa aum.

MATA MARIA ELE DILAH NAI

³⁸ Jesus Nug nuhikud ipuniṭak awak danab ele ag gonana amu Nug ab nakok laapa no, ah laa onig Mata, nug omalata, laugpa uḱom. ³⁹ Mata nug maḱeg amu onig Maria. Jesus Nug laḱa te amu Maria

nug Nađi gumiṭa doa, baegpa hedep na dayaya, Jesus nai maṭiom ele amu, nug doymom. ⁴⁰ Amge Mata nug e hak uḍatib ha, hik qe, dab mak nuhig ib piḍe piḍe dayom amunu Mata nug Jesus gumiṭa wana aum. “Nađi, da maḱel nug da ii ehanidṭe, da ḍakaib e hak uḍat heṭem. Na amunu dab iite meṭem? Na amegpa ape doa, da ehanidḍ!” awa aum. ⁴¹ Amge Nađi Nug odepa awa aum. “Mata, Mata, na dab mak kuḍum ootpa dayeye, na keeke kuḍumnu oṭaitem ⁴² amge keeke laipuib am oḱai daate am Maria nug keeke ena amu tituanom. Keeke ena nuhig amu ig aḍidta ii aomta,” awa aum.

UNUQITAKNU KOBOL

11 Haen laa Jesus Nug aben laapa unuqitata dayom. Unuqita male, dimpa nuhig ipunitak awak danab laa amegpa aum. “Nađi, Layatak Johanes nug anuḱa nuhikud ipunitak awak danab ipuanatom bia, na ig unuqidkunignu ipunike!” awa aum. ² A amu Jesus amelagpa aum. “Ag unuqidna amu inam aig! Mame, na hepe, danab oh ag na onin, nug onilag laa oh eḍadṭe doon, aṭannab human dab menan oiyeḱ! Na hepe, ḍo maḍoḍ nahip wan imupa dayad! ³ Ig e megtem ele amu gemunu ele meḱe! ⁴ Laa hipunin megteb, ig uhuqta madatem amubia na hipunin ihinig uhuqna meḱe! Na ipun ena, ig nau hekunignu eedak iitapa omaigpe gotu!”

⁵⁻⁶ Jesus Nug anam anana amu Nug baula ipunitak awak danab amelagpa aum. “Ag oolagpanu laa nug tuḱan tugmag uḱa, layag amegpa, ‘Lai, da layal laa oiya oiya uḍia, da gumida be, da e laa nug medakulnu amu iita amunu na bret kunum ewam mede!’ awa aḱu dayeb ⁷ amu nug layag, nug lag oopa daate amu, nug odepa awa, inam aḱutai. ‘Na da uḍat aib medame. Od manak, nid naunau dahilad da ele abenpa niitem.

Da ahe na keeke medakulnu amu elele iita,’ awa aḱu. ⁸ Anam aḱu amu da ag amelagpa aṭem. Lag mameg nug danab amu layag, nug amu dab ma aha, keeke ii medakutai amge nug layag dimitim dayaya, tapada, ge iita eeb, bahi yeeb, nug aha, nug keeke oh iitanu aum amu medaku.

⁹ Anam daaku amunu da ag amelagpa aṭem. Ag Kayak unuqidpeg, Nug ag keeke madaḱu. Ag keeke maṭina amu anidkulag. Ag od qeqalpeg, Kayak Nug ahilag od matulḱu. ¹⁰ Danab nug Kayak unuqidṭe amu nug aote. Danab nug keeke madite amu nug anidṭe. Danab nug od qeqalṭe amu Kayak Nug od matulṭe.

¹¹ Am ag oolagpanu danab laa beka nug mameg kakai laa medakunu od meṭeb amu mameg nug mat nau laa awa medakute? Iita! ¹² Aria nid nug mameg matuk opa medakunu od meṭeb amu mameg nug apiap awa medakute? Iita! ¹³ Anam amunu ag danab nau ag keeke ena ag nid ahilkad madateb amunu ig tutuku doognig, ig Mamenig, hab aṭan daate, Nug danab ag Nug unuqidpeg amu Nug nuhig Oudi ag madaḱu,” awa aum.

JESUS BELSEBUB ONIGPA UḌAT HETE APIG

¹⁴ Aria haen laa Jesus Nug oḍetup danab laa, oudi nau laa nug he, danab amu nug oḍetup dayom amu, Jesus Nug danab amu anṭa, Nug oudi nau lamite uḱe, aria danab ode opate, nai maṭie, danab ah ag amu anidna, oṭaina, dab mak kuḍum aopig. ¹⁵ Amge danab laala ag apig. “Nug Belsebub, oudi nau iki-lag ele amu, nuhig gagatagpa oudi nau lamadṭe,” aon apig. ¹⁶ Ag anam aeg amu danab laala ag Jesus aḍaglagnu ib anidkulagnu, ag henana, ag Nug hab aṭannu eponak keeke, danab haknu elele iita, amu laa heeb anidkulagnu

apig ¹⁷ amge Nug ahilag dab mak oh doya, Nug ag amelagpa aum. “Amu wan laipupan danab ag ahan, opatna, ameg adit bena, nug qekulag amu wan amu nug elele iita, gagatag ii daama. Laa ele, ab iki laipupanu ag opatna, nug qekulag amu ab iki amu nug na qeku. ¹⁸ Amubia Satannu daup ag opatna, ameg adit bena, aka aka nug qeteb amu Satannu do amu atem ha gagatag daaku? Ag dahilnu ateb. ‘Nug oudi lamadte amu, Nug Belsebub gagatagpa hete,’ aon ateb. ¹⁹ Da genab Belsebub gagatagpa oudi nau lamadtem dayeb amu, ag Juda, ag bekalkad laala ag udat imu ele heteb amu, ag ele anamib amge amu oh iita amunu ag bekalkad, ag epediadpeg, ag Juda ag ehed hak ahilag miag atiku. ²⁰ Amge Kayak Nug da ehanide, da oudi nau lamadtem dayeb amu ag doyeg, Kayaknu do madod aaku ahilagpa udiom,” awa aum.

²¹ Jesus Nug anam anana amu Nug nai tudita aum. “Amu danab gagatag laa nug ban aeg ele keeke ada, nug laug guma gagatag dayeb amu aria nuhig keeke oh amu ena daaku. ²² Amge danab gagatagnab laa, nug danab amu editak, nug udieb, a nug qeya, aria nug keeke oh, ban qep elab ehanitom, amu adita awa, nug keeke oh pania, danab laa madaaku. ²³ Danab nug da ele layam iita amu nug dahil keked. Danab laa nug da ele udat laipu ii hetep amu nug Satan ehanidte.

²⁴ Haen oudi nau laa nug danab laa uuidte amu nug uka, atu tadakpa nug aben laa anta, hik awa daakunu oite. Oiya oiya, nuhig dayaknu aben ena laa ii anidte dayeb amu nug ate. ‘Da eduen, anuka daampipa uken daakul,’ awa ate. ²⁵ Anana amu nug uka, tatam dayom amupa ta, lag amu oo tatak, bala mak ele anta, ²⁶ aaku nug edua uka, oudi nau eblaih adit laa ele, ag ahilag gagatag, kobol nau hekulagnu am nug editak ele,

nug amu diie, nug ele uditeb. Udin, ag lag amu oopa nona daateb. Noeg amu danab amu nug anuka nau dayom amu gemu nug naunab daate,” awa aum.

²⁷ Jesus Nug nai amu matiom am haen amupa danab ah ameg nadi daaegeg, ag oolagpanu ah laa ewa aum. “Ah na menuita, nug na huh metom ele amu, nuhignu am ena,” awa aum. ²⁸ Amge Jesus Nug aum. “Anam iita! Danab ag Kayak nai doon dim lamidteb ele amu, ahilagnu am ena,” awa aum.

DANAB LAA AG EPONAK KEEKE ANIDKULAGNU APIG

²⁹ Danab ah kudum ag udin qag meegeg, Jesus Nug ag amelagpa inam aum. “Danab ah haen gemu imunu ag danab ah nau. Ag eponak keeke danab hekunu elele iita laa anidkulagnu ateb amge da laa ii hepa. Propet Jona nuhigpa adi beum aakuib ag ipuanadkul.

³⁰ Jona nug Niniwe dilag eponak keeke dayom amubia amu da gemu imun danab ah dilag eponak keeke daakul.

³¹ Am dimpa haen Kayak Nug danab ah epediadku, haen amupa wan laapan ah okai, wan amuam yau uditepanu daate, nug aha, danab ah haen gemunu dilag ehed hak amu miag atiku. Adinu? Nug wan batakpanu amge nug Solomonnu doyak ena amu nug dookunu Solomon gumita udiom amge gemu laa Solomon editak am iiku daate. ³² Haen Kayak Nug danab ah epediadku amu Niniwe danab ah ag ahan, danab ah haen gemunu dilag ehed hak amu miag atiglag. Adinu? Niniwe danab ag Kayak nai Jona odepa doona, ag oolag eduom amge gemu laa Jona editak am iiku daate,” awa aum.

BEDUNU AMAHLAK

³³ Jesus Nug nai amu anana amu Nug nai baula tudita aum. “Am danab ag lam amotna ii lokumteb. Ag lag hedkud, ode amupa ii inateb o tapid

okai waapa ii meteb. iita. Ag balal atan meeg, danab ag oopa nonana, amahlak anidteb. ³⁴Na amen amu na beḍun laih laih oh amahlak madate. Na amen nug ena dayeb amu na beḍun laih laih laa oh amu amahlak ele daaglag amge na amen am nau dayeb amu na beḍun laih laih laa oh amu gatatu manak oopa daaglag. ³⁵Amunu na Kayak keekenu dab mekutu elele iita daamnanu amu na dab me! ³⁶Am na beḍun oh amahlak ele dayeb, na beḍun laih laa gatatu iita amu aria na beḍun laih oh ag amahlak ele. Amuam lamnu amahlak amahalidte amubia,” awa aum.

JESUS NUG DANAB LAALANU GADONNAB AUM

³⁷Jesus Nug nai amu matia male, do gumak danab-Parasia laa nug laugpa e lakulag nu onigpa e, Jesus Nug uka, laka ta, Nug balalpa dayom. ³⁸Dayom amge do gumak danab-Parasia amu nug Jesus tatam ahilag do ate, kobol amupa Nug epeg ii ihowa e laum amu anta, Nug dab mak kudum awom. ³⁹Anam heum amge Jesus Nug amegpa aum. “Ag do gumak danab-Parasia ag tapid hai gokod ele beḍu dimitim amuib ihateb. Amubia ag danab noolagpa ena bia oiteb amge ag oolagpa amu yab awak, ehed hak laa ohnu ele am am bak. ⁴⁰Ag am dab mak ena iita ele. Kayak keeke heum amu dimitimnuib ii heum, oopa ele heum ⁴¹amunu ag danab dadek ehanadpeg, ii nauhepeg, ag oolag opia awak ele daaku.

⁴²Amge o gadon do gumak danab-Parasia ag dab meig! Ag qanai, lombu am keh laa oh ag opateg, ameg eblaih tanig ele neeg, ag laipu Kayak medateb amge ag danab kobol tutukupa epedaknu kobol, Kayaknu oo mauhak kobol ele amu ag edatpig. Ag kobol amu anam henana, laala ele ii uadlob amuib am tutuku. ⁴³O gadon do gumak danab-Parasia, ag dab meig! Ag nai doyak

lag oopa danab ah noolagpa anuqak daaglag nu amu qag mak abenpa danab ah ag humadkulag nu amunuib heteb. ⁴⁴O gadon, ag dab meig! Ag amu matmat wan oopa lokumak dayeye, danab ii doonna, qadepa oiteb amubia daateb,” awa aum.

⁴⁵Jesus Nug anam a amu donu doyak danab laa nug oḍepa awa aum. “Ipunitak danab, na nai ame amu na nai gatagpa ig ele yaaigtem,” awa aum. ⁴⁶A amu Jesus Nug aum. “O gadon ag donu doyak danab, ag dab meig! Ag keeke ug ele danab ah qadelagpa meegeg, ag maoglag nu udat okai heteb amge ag aka amu ag epelag dodo laa ug amu maoglag nu nakok ii meeg ote.

⁴⁷O gadon, ag dab meig! Ag alalkad amu anuka ag Kayaknu propet aqaeg mauhpig amge gemu ag ahilag matmat amu ag bala medteb. ⁴⁸Ag kobol amupa ag alalkad anuka hepig, ag amunu oolag ena dayeye, ag danab ipuanadteb. Ag alalkad ag Kayaknu propet aqaeg mauhpig. Ag gemu daateb amu, ag alalkad bia, ag ele oolag ena iita amunu ag ahilag udat tudidna, matmat ahilag bala medteb. ⁴⁹Amu Kayak nuhig doyak enapa amunu Nug matu aum. ‘Da am dahil total danab am propet ele maadpi, ahilagpa gopeg, ag danab amu laala lamadkulag amu ag laala aqapeg mauhkulag!’ awa aum. ⁵⁰Anuka ag Kayaknu propet aqaeg mauhegeg udie, gemu ele aqaeg mauhtebe amu danab ah haen geha imunu ag hipunin amu ohnu ug anidkulag. ⁵¹Amu dig mak Abel mauhe udie, Sakarias batak, ag nug qadab, lag gun ele gamagpa heeg mauhom ele amu, hipunin amu oh danab ah haen geha imunu ag qadelagpa daaku. Ao, da ag amelagpa atem. Hipuninnu nob nau amu oh danab ah haen gemu daateb amu qadelagpa beku.

⁵²O gadon, ag donu doyak danab, ag dab meig! Ag doyak awaknu ki amu

maweg ukom. Od ag aka matulna ii nopig amu ag danab ah ag nokulagnu heteb ele amu, ag nomananu, ag ib oo nepig,” awa aum.

⁵³ Amu Jesus Nug lag amu uua noa, dimitim no, am do gumak danab-Parasia amu do mehuqak danab ele ag gakaḍak bia doonna, ag ib diigdiigpa Jesus ehed heeb anidna aḍaglagnu hepig. ⁵⁴ Nug nai laa ab, ag Nug dimug mekulag amunu hepig.

KOBOL NAUNU DAB METAKNU NAI

12 Danab ah ameg tausen kuḍum ag qag mena, qata eṭan am laala ag aka aka nug baeg tapan daaegeg amu Jesus Nug tatam nuhiḱud ipunitak awak danab amelagpa aum. “Ag do gumak danab-Parasia dilag hak amunu dab meig! Da ahilag ham bupuak kobolnu aṭem. ² Amu keeke oh itak daṭe am geha tula miag beḱu. Lokumak nai ele geha danab ag dooglag. ³ Amunu nai oh ag gatatupa madipig am geha aam neeb, danab ah dooglag. Amu nai oh ag lag oopa otiptippa madipig amu geha lag aṭan hipaidna daanna mehuqpeg goḱu,” awa aum.

⁴ Jesus Nug nai amu anana amu Nug nai tudita aum. “O lailad, da ag amelagpa imu aṭem. Ag laa ag beḱulagib hepeg nauhkunu elele daṭeb amu ag ahilag nu aib baḍadpig. Ag anam henana, ag keeke laa heḱulag nu elele iita. ⁵ Amge aun ag baḱidḱulag nu amu da ag ipuanadḱul. Laa nug danab qeeb mauheb, buḱieb padal mak abenpa goḱunu gagaṭag ele amu, ag nuhig nu baḱeg! Ao, da ag amelagpa aṭem, ag nuhig nu baḱeg! ⁶ Danab ag ai naunau tanig ele toea aḱitpa daden meteb amge Kayak Nug ai nakok laipunu am daug ii atite. ⁷ Nug ag iḱilag uḱug ele amu oh eb qeum amunu ag aib baḱadpig, ag ai naunau kuḱumnab amu ag eḱadpig amunu Kayak Nug ahilag nu daug ii atima.

⁸ Am da ag amelagpa aṭem. Danab laa nug da onil danab ah amelagpa mehuḱḱu amu geha Danab Beḱalag da amu, da ele danab amu onig Kayaknu engel amelagpa mehuḱḱul. ⁹ Amge danab nug danab ah noolagpa da di meḱate am geha da ele Kayaknu engel noolagpa danab amu di meḱaḱul. ¹⁰ Am danab nug Danab Beḱalag da, da onil nu hamu doya, qeeb nekunu heeb amu geha Kayak Nug hipunin amu uhuqa meḱaḱu. Amge danab nug Kayak Oudi dabiṭa, awa awa qeṭeb amu Kayak nug hipunin amu uhuqa ii meṭama. ¹¹ Amu laa ag ag diiadna, nai doyak laḱa o gabman noolagpa o epeḱiak danab noolagpa keeke gopeg amu ag aib dab mak inam aopig. “Ig nai nob meta aḱi aḱunig?” o iita, “Ig aḱi nai aḱunig?” ¹² Aḱinu? Am aua amupaib geha Kayak Oudi Nug ag aḱi aḱulag nu amu ag ipuanateb, ag amelagpa maṭiglag,” awa aum.

ENUB DANABNU KAYA

¹³ Jesus Nug anam a amu danab laa danab ah ameg amu oolagpanu, nug amegpa aum. “Ipunitak danab, na da awal amegpa ape, nug i mameniḱnu keeke amu otia laih da meḱaḱ!” awa aum. ¹⁴ Amge Jesus Nug amegpa aum. “Amu aṭemun? Aun nug da a epeḱiatḱulnu meḱaḱ amu ahilah keeke otikḱulnu ele meḱidom,” awa aum. ¹⁵ Anam anana, Nug amelagpa aum. “Ag dab mena, tutuḱu doyeg! Ag keeke kuḱum aoglag nu aib amelag qeum. Aḱinu? Danab nug keeke ohnu eledenab daate amu nug nuhig keekepa bau dayak ii aote,” awa aum. ¹⁶ Anana amu Jesus Nug keeke danab ag dooteb ii dooteb ele ou aqata, ipuanata, inam amelagpa aum. “Enub danab laa nug omepa e meu huanak ele anta, ¹⁷ Nug oopa nuhig dab mak inam dayom. ‘Da e dahil huanak imunu aṭemtai heḱul, da e dahil oh qag meḱulnu amu e maknu lag

elele iita,' awa aum. ¹⁸Aria nug anam anana, nug baula aum. 'Da inam hekul. Da e maknu lag oh lopadena, e mak lag okai okai heina amu da wit qag mein, keeke ena dahil oh ele lag amupa qag mepi dayeb, ¹⁹da inam dab mekul. Da lagnu laa ii bahunupa, dahil keeke ena ena daate, mad kudum daakunu elele. Aria da hik awe dayeye amu keeke oh lanakib lainne, gamag ahakpa daakul,' awa aum. ²⁰Nug dab mak nuhigpa anam aum amge Kayak Nug amegpa aum. 'Na kaaka danab! Na gemu tuqan imupa amu na mauhkut. Amu na keeke oh bapaidme daate amu aun nug aoku,' awa aum?" ²¹Jesus Nug nai amu anana, Nug nai gog ta aum. "Danab ag keeke kudum ahilagnu qag meteb amge Kayak noobpa amu ag danab ena iita daateb, ag am amubia anidkulag," awa aum.

UG DOYA DAB MAK KUDUM AWAK KOBOLNU NAI

²²Aria Jesus Nug nuhikud ipunitak awak danab amelagpa aum. "Anam daate amunu da ag amelagpa a'em, ag bedulag bauklel dayaknu dab mena, 'Ig adi lakunig,' o iita bedulagnu, 'Ig adi keeke aot, bedunig takidkunig?' aib apig. ²³Bedu bauklel dayak amu e lanakib iita, bedu nug lamen takaknuib ele iita. ²⁴Ag ai aakude anadna doyeg! Ag wit ii ebteb, e qag mekulagnu udat ele ii heteb. Ag epulag enulag ele mekulagnu lag laa iita amge Kayak Nug e madate. Am danab ah ag ai iite edadteb? Yo, ag huana edadteb. ²⁵Am ag oolagpanu danab laa hik qeeb, wagai ma, nug nuhig haen nakok tuditeb, nuhig bau dayak haen elab daakunu elelete? Iita. ²⁶Ag keeke nakok laa anam hekulagnu elele iita amu aria adinu ag keeke laanu dab mak huana aoteb? ²⁷Ag bala hadag onig lili umu anteg! Ag udat ii heteb, lamen ele ii heteb amge da ag amelagpa a'em. Anuka

Solomon nug bala nuhig oh meum amge nuhig bala ena, bala hadag amubia laa iita. ²⁸Ao ud nug data gemu hipaita daate amu buti ag okulna, ab adupa maopeg teku. Ud nug keeke hamu amge Kayak Nug bala medate amunu ag tutuku doyeg, Kayak Nug ag ele genabnab dab madaaku. Ag oolagpa genab nakokib dooteb. ²⁹Amu ag adi lakulagnu hik aib aqom. Ag baalag qada eteb, ag adi lakulagnu amu ag amunu ele aib hik aqom. ³⁰Amu wan imupanu iita adi ag keeke amu oh aolagnu wagai huan mena, keeke amu ohnu maditeb amge ag dahilad amu, ag Mamelag Nug ag keeke amu aolagnu matu doyom. ³¹Amge ag Kayaknu do madod amunu anuqak doopeg am geha Nug keeke amu oh ele ag madaaku.

³²O lailad, ag aib badapig. Da Mamel Nug nuhig do madod ag madakunu oo daate. ³³Ag ahilag keeke oh maadpeg, danab daden mepeg, men do do aona, dadek danab ehanadna mateg! Ag anam hekulag amu ag hogot, alag ma nauhkunu elele iita amu, ahilag en ele, nug ii iita mema, hab atan qag mekulag. Apa amu yab danab laa nug ii daama, gauat ele ag keeke laa ii hepeg nauhma. ³⁴Am aben adekupa ahilag keeke ena ena daate ele amu, ahilag dab mak ele am apaib daaku," awa aum.

BABAITAK DAYAKNU NAI

³⁵Jesus Nug nai amu anana, Nug nai imu ele matiom. "Ag lamen matagid ele takan, lam amotna, udat hekulagnu bapaidna, ³⁶ag udat danab, ag ahilag danab okai, nug danab ah ele dilah nug awak hobulpanu edua udia, od qe-qaleb, od paha matulkulagnu ameg men daateb bia dayeg! ³⁷Am danab okai nug udia, nuhikud udat danab ag ii niipeg anadku aria udat danab amu, ahilagnu am ena. Da genab ag amelagpa a'em. Geha danab okai nug nuka lamen tutu

matagid ele takowa, nug ab, udat danab amu ag balalpa daapeg, nug nuka ag e madaku. ³⁸ Amu nug tuqan tugmagtai udiku, iita matuk laipu gayebtai udia ag ii niipeg anadku, udat danab amu ahilagnu am ena. ³⁹ Ag keeke imu tutuku anteg! Lag mameg nug yabhoi danab udikunu haen doolu amu yabhoi danab nug laug lopada nokunu am elele iita. ⁴⁰ Amunu ag ele bapaidna dayeg! Adinu? Danab Bekalag da amu da haen laa ag ii dab mekulag ele, haen amupa udikul,” awa aum.

⁴¹ Awa a aria Petrus nug aum. “Nadi, na keeke danab ag dooteb ii dooteb ele ou aqatna, ipunitak nai matime ele amu, na ihinignuib amete o iita na danab oh dilag amete?” awa aum. ⁴² A amu Nadi Nug aum. “Aun nug am udat gumak danab dab mak ena ele, nug nuhig udat tutuku doote, nuhig danab okai nug udat nid nuhikud amu gumatata, haenpa e madakunu elele daate anta, nug amu hekunu meum amu, da nuhignu maditem. ⁴³ Udat danab nug anam dayeb, dimpa nuhig danab okai nug edua udia, danab amu nug danab okai nuhig anuka amegpa aumbia hete anidku amu nuhignu am ena. ⁴⁴ Da genab ag amelagpa atem. Danab okai nug udat danab amu, nuhig keeke ohnu ikilag meeb daaku. ⁴⁵⁻⁴⁶ Amge udat danab amu nug oopa, ‘Danab okai dahil nug paha ii udim,’ dab meku dayeb amu nug dig ma, udat nid laa, udat ah laa ele ag makudatata, nug e lanana, le gagatag ele lana, kaaka qeeb amu nuhig danab okai nug haen ded ele, udat danab amu nug ii doyom, ii dab meum ele, amupa edua udiku. Udia amu danab okai nug udat danab amu ehednab hetowa, awa meeb, danab laala ag oolagpa genab ii dooteb ele amu, ag ele daaglag.

⁴⁷ Am udat nid nug nuhig danab okainu dab mak amu doyom amge nug

dig ma ii babaita, nuhig danab okainu dab mak amu dim ii lamitom, geha danab okai nug huana makudku ⁴⁸ amge udat danab nug nuhig danab okainu dab mak ii doyom amge nug bu aokunu kobol heum amu geha nuhig danab okai nug nakok makudku. Danab ag keeke kudum aopig amu ag edun keeke kudum nob mekulag. Am danab ah ag keeke kudum danab laa epegpa mekulag, geha ag nug keeke huanak edua nob madakunu onigpa ekulag,” awa aum.

DANAB AG AMEG AMEG OPATKULAG

⁴⁹ Jesus Nug baula tudita aum. “Da hepi, hipuninnu gagatag wan imupa iita mekunu udimi. Nuhig gagatag aaku iita melo am ena ⁵⁰ amge ug laa da maokulnunab daate amunu da ool ug ele daate. ⁵¹ Da udimi amunu wanpa madodib daaku amu ag anam aib dab mepig. Da udimi amunu madodib ii daama. Iita, danab ag opatna, ameg ameg daaglag. ⁵² Am gemu, dimpa ele, geha lag laipupan tanig ele ag daanna, laa ag da dim lamidpepeg, laa ag iita amunu ag geha opatna, ameg adit daaglag. Ewam amu ameg laa daaglag, adit amu a ameg laa daaglah. ⁵³ Am anamib mameg nug beka ele a madod ele ii daamya. Geha anig nug adeg ele a madod ele ii daamya. Amu anig nug geha beka wau ele a madod ele ii daamya,” awa aum.

KEEKE DIMPA BEKUNU DOYAKNU NAI

⁵⁴ Jesus Nug danab ah ameglagpa ele anana aum. “Ag anidna dooteb. Lombig nug aam nodepa tete anidna, paha ag, ‘Gu nekunu hete,’ aon ateb amu genab gu nug nete. ⁵⁵ Am yau udite amu ag, ‘Geha aam nug gakadku,’ ateb amu genab, anam aaku hete. ⁵⁶ Ag ham bupuak danab, ag wanpanu keeke amu hab waapanu keeke ele tutuku dooteb

amunu adinu ag dahil haknu tutuku ii dooteb? ⁵⁷ Am adinu ag aka kobol amu tutuku ii dab mena, tutuku ele ii epediteb?

⁵⁸ Aria haen na nahip ehednu danab laa nug hetodiakpa meidkunu goyaya, ibpa a nai amu babaited! Iita amu nug na hetodiakpa meidkutai. Meiteb amu epediak danab nug na hetodiaknu daup laa epegpa meiteb amu daup amu nug na mani guitakpa meidku. ⁵⁹ Meiteb amu da na amenpa atem. Na mani guitakpa daanna, nahip ehed hak nob ohnab edun medape, ag od matulpeg, dimitim dokut,” awa aum.

DANAB NUG OO II EDUEB AMU NUG PADAL MEKU

13 Haen amupanab amu danab laala ag daanna, Galelia danab laala ag mana metak heegeg, Pilatus he, aqaeg mauhpig amunu Jesus amegpa apig. ² Amu aeg amu Jesus Nug amelagpa aum. “Ag ahilag dab makpa, ‘Galelia danab amu ag hipunin danab nau, Galelia laa oh edatak amunu aqapig,’ aon atebte? ³ Am da tutukunab ag amelagpa atem, amu iita. Amunu ag dab meig! Ag oolag ii edueb amu ag ele laa amu mauhpig bia mauhkulag. ⁴ Laa ele, danab 18, anuka Siloam apa lag elab na qa, aqe mauhpig amu ag ahilag dab makpa ag amu dilagnu amu ag, ‘Danab amu, ehed hak ahilag amu danab laala Jerusalem daateb ele amu, ahilag ehed hak oh edatak,’ aon atebte? ⁵ Am da tutuku ag amelagpa atem, amu iita. Amunu ag dab meig! Ag oolag ii edueb amu ag ele laa amu mauhpig bia mauhkulag,” awa aum.

⁶ Jesus Nug nai baula tudita, keeke danab ag dooteb ii dooteb ele ou aqata, ipuanata, nai laa matia aum. “Danab laa nug nuhig wain dadpa ad pig laa epom, am dimpa nug udia meu anidkunu dab meum amge meu iita antom ⁷ amunu

nug dadnu udat danab amegpa aum. ‘Doye, mad ewam uue iiku da ad pig meu anidkulu udimi amge meu iita amunu na ope qiad! Adinu nug wannu itag hamu late?’ awa aum? ⁸ Amu dadnu udat danab nug amegpa aum. ‘Danab okai, uupe! Mad imuib dayeb, da diigpa wan buen, wan itag nug diigpa mekul. ⁹ Anam hepi, mad laapa geha nug meu okutai. Oku am ena amge nug meu ii oku aria na ope qiiku,’ awa aum.” Jesus Nug anam aum.

JESUS NUG AH LAA BABAITOM

¹⁰ Aria Juda dilag Metidpa Jesus Nug ahilag nai doyak lag oopa danab ah nai ipuanatete ¹¹ amu ah laa apa dayom, nug bedupa oudi nau ele. Mad 18 oudi nau nug bedupa dayaya, bedu ode mete, nug gomelmel oiyom. ¹² Jesus Nug ah amu anta, onigpa e do, amegpa aum. “Ah da ode nahip amu uhuqtem,” awa aum. ¹³ Nug anam awowa, Nug epeg ah amu qadepa me amu pahanab nug tutuku hibaita, Kayak binag meum. ¹⁴ Amge Juda dilag nai doyak lagnu iki nug Jesus Juda dilag Metidpa Nug ah amu he ena dayom amunu opodi be, nug danab ah amelagpa aum. “Ded eblaih laipu ele amu udat haknu daateb amunu ag danab nug ode ahilag heeb ena daaglagnu dayeb amu aria ag udat dedpaib udina, ehanitak amu aoglag. Amge Metidpa ag amunu aib udipig,” awa aum. ¹⁵ Anam a amu Nadi Nug edua aum. “Ag am ham bupyak danab. Juda dilag Metidpa amu ag oh dod laulagpa goteb. Gona ahilkad bulmakau donki ele diin gona, le madateb. ¹⁶ Amu ah imu, nug amu Abraham adag laa, am Satan nug mad 18 ode meta ada dayom. Amu diig adinu da Juda dilag Metidpa da nug bedu ii uhuqkul? Am adinu amuam elele iita?” awa aum. ¹⁷ Nug anam a amu nuhikud keked ag udalag ehed neum amge danab

ah laa oh ag nuhignu gamalag ahom. Adinu? Nug keeke oh ena heum.

JESUS NUG MASTET AEGNU YISNU ELE AUM

¹⁸ Am Jesus Nug nai imu ipuanata aum. “Kayaknu do madod amu nug adi keeke bia daate? Da adi keeke laa ipuanadpi, ag Kayaknu do madodnu oolag maidku? ¹⁹ Nug am ad mastet aeg bete amubia. Danab laa nug ad mastet aeg amu awa, dad nuhigpa epe, dimpa nug ba, ad okai me, ai ag uđin epegpa daateb,” awa aum.

²⁰ Nug nai amu anana amu Nug edua aum. “Da adi keeke laa ipuanadpi, ag Kayaknu do madodnu oolag maidku? ²¹ Nug am yis bia, amu ah laa nug yis nakok awa, plaua ele kabolie dayeye, am dimpa plaua oh titidte,” awa aum.

²² Anam anana amu Jesus Nug aha uka, ab okai nakok elepa oiyaya, danab ah nai ipuanatata, Nug Jerusalem gokunu ukom. ²³ Am danab laa nug Jesus od metom. “Nadi, dimpa Kayak Nug danab laipu laipuib edua diiadkute?” od metom. Od mete amu Jesus Nug amelagpa aum. ²⁴ “Amu ag od ode nakokpa noaknu elele daaglagnu amu ebehilag qai etad! Da ag amelagpa atem, danab kudum ag od ode nakokpa nokulagnu hekulag amge ag elele iita. ²⁵ Lag mameg nug aha, lag od maneb amu ag uđina, dimitim daanna, od qeqalnana, inam akulag. ‘Nadi na od ihinignu matule,’ aon akulag. Amu geha nug ag amelagpa aku. ‘Da ag ii doyardtem, ag adepanu udipig?’ ²⁶ Nug anam ab amu ag nug amegpa akulag. ‘Ig amu na ele e, le ele lamut. Na ig ipunigpa daanna, amenigpa ipunitak nai ele ame,’ aon akulag. ²⁷ Ag anam akulag amge nug ag amelagpa aku. ‘Da ag ii doyardtem, ag adepanu udipig? Ag nauhak danab. Ag oh uuidna ukeg!’ ²⁸ Amge ag oopa ii nopig

ele amu, ag Abraham, Isak, Jakop amu propet oh ag Kayaknu do madod oopa daapeg anadnana, ag am gedatak dimitim daateb doonna amu ag gaanna, aelag ele kikiđkulag.

IB ODE NAKOK

²⁹ Amu geha danab ag laih laih ohnu uđina, ag Kayaknu do madod amu oopa nona daaglag. ³⁰ Ao danab laala gemu dim daateb amu geha ag anuqkulag amu danab laala gemu ag anuqak daateb amu geha ag dim daaglag,” awa aum.

JESUS JERUSALEMNU GAYOM

³¹ Jesus Nug nai matieye, aam ameg amupanab Juda dilag do mehuqak danab amu do gumak danab-Parasia laala ele ag dona, nug amegpa apig. “Na ab imu uun, ahan laih uke! Herodes Antipas nug na niteb mauhkutnu hete,” aon apig. ³² Am Jesus Nug amelagpa aum. “Ag gona, hipeg qakak danab amu amegpa inam apeg dooku. ‘Doye, da gemu, buti ele am oudi nau lamatepe, ode danab amu ele hepi, ena daapeg am ded ewampa amu da geha udat dahil gog tekul.’ ³³ Amge gemu, buti, laatu ele amu da oikul. Adinu? Ag amu propet danab laa ab laapa qepeg ii mauhma. Iita. Ag Jerusalem apa nug qepeg mauhku.

³⁴ O Jerusalem, O Jerusalem, na propet aqae mauhtebe, udat danab amu Kayak nahippa maate uđitebe ele amu na ag ele menpa aqae mauhtebe. Da haen kudum da na begapad, matuk anig nug nakud haugpa qag maata tonadte, amubia qag maadkulnu hemi amge ag uupig. ³⁵ Amunu da ag oolagpa ii daapa, ag hamu daaglag. Da ag amelagpa atem. Ag da baula paha ii anidmana. Iita. Ag, ‘Danab umu Nug Kayak onigpa uđite. Kayak Nug itidte,’ anana, ag da edun anidkulag,” awa aum.

JESUS NUG DO GUMAK DANAB-PARASIA LAUGPA UKOM

14 Am Juda dilag Metid laapa Jesus Nug do gumak danab-Parasia dilag iki laa laugpa e lakunu ukom. Uke amu do gumak danab-Parasia ag nug meidna daapig. ²Amu danab laa nug leele agitak ele amu nug ele apa dayom. ³Am Jesus Nug danab amu anta, nug donu doyak danab amu do gumak danab-Parasia ele od mata aum. “Dopa adi yak niite? Ig Metidpa danab ode ele bapaidkunigun am elelete o iitate?” awa aum. ⁴Nug anam aum amge ag Nug amegpa amunu nai laa ii madipig amunu Nug danab amu awa, ode nuhig amu babaitowa, he uke, ⁵Nug ag amelagpa aum. “Ag oolagpanu danab laa nug nuhig nidtai o dod nuhigtai le modpa nob amu danab nug Metidpa paha eedeb iite bema?” awa aum. ⁶Nug nai amu matia od matom amu ag nob mekulagnu nai laa ii anidpig.

⁷Aria Jesus Nug danab ag hobulpa udipig amu ag balalpa daaglagnu, ag balal anuqak tituanategeg anata, Nug keeke danab ag dooteb ii dooteb ele ou aqata, ipuanata, nai matiaya amelagpa aum. ⁸“Am danab laa nug, nug awaknu hobul nadipa gokutnu na oninpa eeb amu na gona, na balal anuqakpa aib daame. Adinu? Danab nug hobul amu hete ele amu nug danab laa, binag okai ele, na binan editak, nug ele onigpa eeb udikutai. ⁹Anam dayeb amu a oh hobulpa udipe aria danab onilahpa eum ele nug doa, na balal anuqakpa daape anita amu nug na amenpa, ‘Na balal amu danab okai binag ele imu mete!’ aku. Anam ab am na geha udan ehed neeb, na gona dimulagpanab daakut. ¹⁰Amge danab laa nug hobul amupa gokutnu na oninpa eeb amu na gona, na laa dimulagpa daye! Na anam daape, danab oninpa eum ele nug geha amenpa, ‘Lai na udin

balal anuqak imupa daye!’ awa aku. Nug anam heeb amu na geha e lanakpa danab oh noolagpa am na binan ele daakut. ¹¹Am danab aun nug onig humate amu Kayak Nug heeb, danab amu nug onig neku amge danab aun nug onig qe nete amu Kayak Nug danab amu onig am humaku,” awa aum.

¹²Aria Jesus Nug ag amelagpa anam anana, Nug danab nug ele e lakulahnun onigpa eum ele amu, nug amegpa aum. “Am na hobul hekutnu oot dayeb, na laipad, na awanad amapad, na budunad, nahip mudipan, ag enulag kudum ele amu, ag dimpa na ahilag hobulpa edun daakutnu oninpa emananu, na amupa nob ena edun aomnanu, na ag onilagpa aib eme. ¹³Iita. Na e nadi hewona aria na dadek danab, bedulag nauhak, baelkad nau, amelag gaduak ele amu onilagpa ekut. ¹⁴Am danab amu, ag am nahip e amu nob metaglagnu elele iita, am na anam hepe amu Kayak na ititak medaku. Yo dimpa Kayak Nug amunu haen danab tutuku ag edun hipaidkulag amu Nug na nob ena medaku,” awa aum.

HOBUL OKAINU NAI

¹⁵Nug nai matia male, ag daapig ele amu ag oolagpanu danab laa nug nai amu doya, Jesus amegpa aum. “Danab nug geha Kayaknu do madod oopa e laku amu, nuhignu am ena,” awa aum. ¹⁶Amge Jesus Nug amegpa aum. “Am danab laa nug hobul okai hekunu ha, nug danab kudum ag nuhig hobul okai amupa udin, e lakulagnu onilagpa eum. ¹⁷Aria e lanak haen amu do amu danab amu nug begbeg nuhig nug uka, danab anuka udiglagnu ded maatom ele amu, nug ag amelagpa inam akunu aum. ‘Ag udieg! Keeke oh amu babaita malak.’ Nug anam amegpa a, nug uka anam aum. ¹⁸Nug anam aum amge danab amu ag oh ahilag dab mak anen anen adaeg be matina, ag hobul amu anuqak iita

doona uupig. Anam maṭin, danab laa nug amegpa aum. ‘Da amu dad laa daden memi amunu da uken anidkul. Gadon, hobulpa gokulnu am elele iita. Amu na okai nahip amunu amegpa ape doya, nug oo ug aib qeum,’ awa aum.¹⁹ Am laa nug amegpa aum. ‘Da amu bulmakau udat haknu eblaih tanig ele daden maadmi amunu da uken udat mate anidkul. Gadon, da hobulpa gokulnu am elele iita amu na okai nahip amunu amegpa ape doya, nug oo ug aib qeum,’ awa aum.²⁰ Amu laa nug aum. ‘Ge da amu geha iiku ah aomi amunu da am gokulnu elele iita,’ awa aum.²¹ Aria begbeg amu nug edua uka, nug nuhig danab okai amegpa ag apig amu maṭiom. Aaku lag mameg nug opodi be, nuhig begbeg amu amegpa aum. ‘Na paha gona, ab okai imunu ib okai ohpanu, ib nakok ohpanu ele dadek danab amu danab bedulag nauhatak ele, amelag gaduak, baelag nauhak ele amu, na amu oh omaladpe, ag da laul oopa udieg!’ awa aum.²² Nug anam a am dimpa begbeg nug nuhig okai amegpa aum. ‘Nadi, da na ame amu dim lamiten hein malami amge balal laa oh am ii beum,’ awa aum.²³ Anam a amu danab okai nug begbeg amegpa edua aum. ‘Na gona, ib okai ohpa, dad ohnu ad ele maṭan gonana amu na danab ah oh eedadpe uḍin, oopa noig! Da laul imu nug am bekunu da ool daate.²⁴ Am imu da na amenpa ele aṭem. Danab amu oh da ag anuka onilagpa emi ele amu, ag e dahil iinab aomna,’ awa aum.” Jesus Nug anam aum.

DAB MAK TUTUḶU AWA JESUS DIM LAMIDḶUNU NAI

²⁵ Aria dimpa danab ah ameg nadi ag Jesus dim lamiteg gonana, Nug edua ag amelagpa aum. ²⁶ “Am danab nug dahilpa uḍite amge nug am mameg, anig, am nuhig ah, bekod dilag am awag amag apinkud dilag, nug nuka nuhig

bau dayak ele amunu anuqak doote ele, aria nug dahil ipunitak awak danab daakunu am elele iita. ²⁷ Am danab nug nuka nuhig ad emaitak mawa, da dim ii lamidte, nug am dahil ipunitak awak danab daakunu am elele iita.

²⁸ Am ag oolagpanu danab laa nug lag elab laa heeb, aṭan tekunu ha am aṭemtai heku? Nug tatam dayaya, nug lag amunu nob amun dab ma tutuku dooku. Nuhig men doḶo, lag amu ha malakunu am elelete o elele iitate amu dookunu anam heku. ²⁹ Amu nug tatam anam ii heku amu aria dimpa nug lag amunu mawa daakunu keeke hewowa, lag malakunu amu elele iita dayeb, danab oh ag nug anidna, geha ag nug imidna, ³⁰ inam akulag. ‘Danab umu nug am lag umu hekunu dig meum amge nug ha malakunu elele iita,’ aon akulag.

³¹ Amu anamib king laa nug king laa ele ban hekulag aria nug am tatam dayaya, dab mak tutuku aoku. Adinu? Nug am nuhig daup 10 tausenib, am king laa nug nuhig daup am 20 tausen amunu nug tatam dooku, nug am king laa amu ele ban heya, nug lamidkunu elele o elele iita. ³² Amu nug dab ma, nug elele iita anta amu aria haen nuhig keked amu nug uma dayebeb amu, nug nuhikud danab laala heeb, ag gopeg, ag ban hep-eg ii bemanu nai maṭiglag. ³³ Amge amubia ag oolagpanu danab nug nuhig keeke oh uuaṭa ii di madate aria nug dahil ipunitak awak danab daakunu am nug elele iita,” awa aum. ³⁴ Jesus Nug anam anana, Nug nai tudita aum. “Yu kalu amuam keeke ena amge yu kalu nug nuhig ubuhi amu iita meeb aria geha danab laa nug heeb, yu amu nug edua ena daakunu aṭem heku? ³⁵ Am yu kalu anam amu danab ag wanpa o iita aben laapa udat metaglagnu elele iita. Ag hamu maopeg goku. Danab nug daug ele dayeb amu nug doya!” awa aum.

SIPSIP QETODOMNU NAI

15 Amu takis awak danab, hipunin danab amu danab ag Juda dilag do oh ii dim lamidpig ele, ag Jesus gumidna uđina, nuhig nai doopig. ² Amunu do gumak danab-Parasia amu do mehuqak danab ele ag nai hena apig. “Danab amu Nug hipunin danab amu danab laa, ag ihinig do oh ii dim lamidteb ele amu, Nug ag ele layam batan, ag ele oh e lateb,” aon apig ³ amunu Jesus Nug keeke danab ag dooteb ii dooteb ele ou aqata, ipuana, imu amelagpa aum. ⁴ “Ag oolagpanu danab laa nug sipsip 100 ele amge nug nuhig sipsip laipu nug am padal meeb, aria geħa sipsip mameg nug 99 laa amu uuateb, ag aben laapa e lanana daapeg, nug am uka sipsip laipu amu matia matia nug anidku. ⁵ Anġa amu aria nug gamag ahebeb, huma awa, mawa goku. ⁶ Nug mawa uka, laugpa ta amu nug laikud am nuhig mudipan ele ag onilagpa eeb, ag uđin qag mepeg amu nug amelagpa, ‘Da dahil sipsip laipu imu nug padal meum amge da nug matien eduen aomi amunu da ag ele ig oh gamanig ahaku,’ awa aku. ⁷ Amunu da ag amelagpa atem, amubia hab atan apa ag danab tutuku 99, amu dilag gamalag ahate, oo eduak udat ahilag am malom amge hipunin danab laipu laa nug oo edueb, haen amupa am gamag ahak nađinab hab atan daaku.

MEN DODO QETODOMNU NAI

⁸ Am laa ele inam. Ah laa nug amu silwa men dodo ten ele amge laipu laa qetodeb am geħa nug lam amota, laugpa kinipan tateb ukeb, matia neeka auta awa haaha amu nug anġa aoku. ⁹ Anġa awa amu aria geħa nug laikud am mudipan ele onilagpa eeb, ag uđin qag mepeg, nug ag amelagpa, ‘Men dodo dahil laipu qetodom amge da matie

eduen aomi amunu da ag ele ig oh gamanig ahaku,’ awa aku. ¹⁰ Amunu da ag amelagpa atem. Amubia am hipunin danab laipu laa nug oo edute amu Kayaknu engel ag gamalag ahate,” awa aum.

NID BAU NUG MAMEG UUITA UKOMNU NAI

¹¹ Jesus Nug anam awowa, Nug baula matiom. “Danab laa bekođ adit. ¹² Amu nid gehanu nug aha, mameg amegpa aum. ‘Mame, keeke oh na geħa da awai ele i ihinih aognihnu otikut amu otiak dahil aokulnu amu na gemu da medel’ awa aum. Aria mamelah nug nuhig keeke oh bekođ aoglahnu otia mate aopid.

¹³ Nug a mate aoeh, haen elab iita amu beka gehanu nug aha, keeke am oh aka, qag ma awa, ab laapa umanab ukom. Nug nukā apa wan amupa dayaya am nuhig men dodo amu enaen mak kobolpa oh ake ukom. ¹⁴ Amu nug nuhig keeke oh ake uka male, dimpa wan amupa enug haen nađi beum, ge nug keeke laa iita. ¹⁵ Amunu nug uka, wan amupanu danab laa nuhig udat hekunu he, danab amu nug he, nid amu uka, danab amu nuhig bo gumatom. ¹⁶ Amu nug bo dilag e lakunu baag ukom amge danab laa nug lanak keeke laa nid amu ii metom.

¹⁷ Aria nug qagaitak dayaya, nug nukā oopa be, dab ma, nug nukā nukā nai matia aum. ‘Da mamelnu begbeg oh ag am e kudumnab ele amge da ipa daatem amu enug huanaknab nide, mauhkulnu hetem. ¹⁸ Amu da atem hekul? Da gemu ahe edue, mame topa uken am da nug amegpa inam akul. “Mame da Kayak amegpa, na noompa ele hipunin hemi. ¹⁹ Am gemu na dahilnu, ‘Na am nid dahil,’ aon akutnu elele iita amunu na hepe, da nahip begbeg laa bia daakul,” awe akul.’ Nug nukā nuhignu anam aum.

²⁰ Aria nug anam anana, nug aha ukom amge nug uka, uma upa pide udieye, mameg nug anta, nuhignu oo huanak doye, qaibađ uka, beka ađa ootuqitom. ²¹ Ootuqite amu beka nug mameg amegpa aum. ‘Mame, da Kayak amegpa, na noompa ele hipunin hemi amunu na dahilnu, “Na am nid dahil,” aon akutnu elele iita,’ awa aum. ²² Nug dig ma anam aum amge nug mameg nug begbeg nuhikud onilagpa e doeg amelagpa aum. ‘Lamen ena paha aon dona tagitona, enag laa aon dona, epeg dodopa adapeg nob, baeg gada ele aona, baegpa adapeg tad! ²³ Amu makau nag itag ele laa aon dona qepeg, ig latata gamanig ahad! ²⁴ Am adinu? Dahil nid imu nug mauhom amge nug edua bau daate. Nug padal meum amge ig nug edut aomut,’ awa aum. Amunu ag hobul laa hepig.

²⁵ Heegeg, nid tatamnu nug data dayaya, dimpa nug uđia, nug lag guguiđa ba amu ag ahi etana, godana heegeg doya, nug dumuđum baag ele doya, ²⁶ nug begbeg laa onigpa e do, ođ metom. ‘Umu ađi henana heteb?’ awa aum. ²⁷ A amu begbeg nug amegpa aum. ‘Na amap nug edua uđie, na mamen nug bulmakau nag itag ele qeum. Adinu? Nug nid edua awe, nug ena daate, ii padal meum,’ awa aum. ²⁸ A amu nid tatamnu nug anam doya, opođi be, nug lag oopa noak uuom. Uue aria mameg aha dimitim doa, nug oo mekunu oo mak nai amegpa aum ²⁹ amge nug edua mameg amegpa aum. ‘Da mađ kuđum nahip begbeg bia, nahip uđat hemi. Deđ laipu laa da na oden tapai ii neum amge na meme nag laipuib laa, da lailad ele gamag ahak hekunignu, ii medame. Amu iitanab. ³⁰ Amge nid nahip amu, nug ib baag ah ele oinna, nahip keeke oh ake ukom ele amu, nug edua uđie, na nuhignu oot doye, na makau nag itag ele aku qeme,’ awa aum. ³¹ Aaku mameg nug beka amegpa aum. ‘Nagpi, haen oh

i oh daatep amunu dahil keeke oh amu nahip ³² amge gemu amu ig gamag ahak dooput, ig oonig ele ena daakunu elele. Adinu? Na amap imu nug mauhom amge gemu nug am bau daate. Nug padal meum amge ig nug anidta aomut,’ awa aum.” Jesus Nug nai amu matiom.

UĐAT GUMAK DANAB LAANU NAI

16 Aria Jesus Nug nuhikud ipunitak awak danab amelagpa matia aum. “Enub danab laa nug dayaya, nug uđat danab laa nuhig keeke oh gumakunu tituane dayom. Am danab laa ag enub danab amu gumidna uđin, uđat gumak danab nuhig amu dimug mena inam apig. ‘Nahip uđat gumak danab nug nahip keeke hamu kakidte,’ aon apig. ² Anam aeg amu nug uđat gumak danab nuhig onigpa e uđie, amegpa aum. ‘Na keeke heme amu nai amu da doomi amunu na gona, dahil keeke oh na adatem amu uđug laapa yaakut. Adinu? Na baula uđat gumak danab daakutnu am elele iita,’ awa aum. ³ Anam a amu uđat gumak danab amu nug nuđa nuđa nai matia aum. ‘Da atemtai hekul? Danab okai nug am dahil gumaknu uđat amu edua aote. Da wan opatkulnu amu da gagatag elele iita, laa amu da danab laa unuqadpi, e medaglagnu amu da uđal nete,’ awa aum. ⁴ Anam anana am nug baula dab makpa aum. ‘Okai dahil nug uđat dahil edua aweb, da danab laala ag da ag laulagpa daakulnu akulagnu amu da inam hekul. Danab amu ag dahil okainu keeke nob edun metaglagnu aopig amu da ag ehanadpi, dimpa ag da ehanidkulag,’ awa aum. ⁵ Anam anana amu nug danab laipu laipu ag bedulagpa nuhig danab okainu keeke nobnu ele amu ag onilagpa e, gumidna uđipig. Aaku danab laa nug tatam be, uđat gumak danab nug ođ metom. ‘Na amu bedunpa dahil danab okainu keeke nobnu am gane ele?’ awa aum.

⁶ A am nug, 'Tri tausen lita olip goden,' awa aum. A am udat gumak danab nug amegpa aum. 'Na keeke nobnu yak qati nahip iikude aon, na paha daanna, na amunu big laih wan tausen paip handatib ye!' awa aum. ⁷ Nug anam he dimpa amu udat gumak danab nug danab laa od metom. 'Nahip keeke nobnu amu gane?' A am nug, 'Wan tausen bek wit,' awa aum. A amu nug amegpa aum. 'Na keeke nobnu yak qati nahip iikude aona, na amunu big laih eit handatib ye!' awa aum. ⁸ Gumak danab nug anam he, dimpa danab okai nug danab nau amu binag meum. Adinu? Nug am danab dab mak ele bia kobol heum. Wan imupan danab ag amu, ag ahilag udat hekulagnu eledenab, ag amupa amu ag danab amahlakpanu amu ag edadteb," awa aum. ⁹ Jesus Nug anam anana, Nug baula aum. "Amunu da ag amelagpa atem. Ag wan imunu enub nau, men dodo, amupa ag hepeg, danab ah amu ag lailkad daaglag. Am dimpa men dodo iita meeb aria ag omaladpeg, ag hanhan ena daaglagnu laulagpa gokulag.

¹⁰ Am danab laa nug keeke nakok amu ena elele dab metak doote aria geha nug keeke okai am ele ena elele dab medaku. Amu danab nug keeke nakokpa udat tutuku haknu am ii doote am geha nug am keeke okaipa udat tutuku haknu am ii dooma. ¹¹ Am anamib ag enub nau, men dodo, wan imunu ag amu ena dab metaknu ii dooteb am geha aun nug ag keeke genab gumaglagnu madaku. ¹² Am ag danab laanu keeke amu ag atog ii nopeg am geha aun nug ag keeke aka ahilagnab atog nokulagnu amu ag madaku?

¹³ Danab laipu nug gumak danab adit dilahnu udat hekunu elele iita. Am nug laanu oo mauhebeb, laanu amu nug oopa nau, ninig ele dooku. Doyaya, laaib amu nug dim lamitata, laa amu di medaku. Amu ag Kayaknu udat amu

enub udat ele oh hekulagnu elele iita," awa aum.

¹⁴ Amu do gumak danab-Parasia, ag am men dodonuib oolag dayom, amunu Jesus Nug nai amu oh matie doona amu ag ahan, nuhignu guhuditak nai madipig ¹⁵ amge Nug ag amelagpa aum. "Ag amu danab noolagpaib kobol miag atiak tutuku hekulagnu amunuib oolag daate amge Kayak Nug am ag oolag diig amu doote. Danab ag adi keekenu enanag dooteb ele amu Kayak noobpa keeke amuam hamuib.

¹⁶ Do nai amu Kayaknu propet dilag nai ele, anuka danab ag amu mehuqegeg udie udie, Layatak Johannesnu haen batak amu Layatak Johannesnu haenpa udie, gemu ele amu ag Kayaknu do madodnu nai genab ena amu ag mehuqteb. Amu danab oh ag Kayaknu do madod amu oopa nokulagnu wagai meteb. ¹⁷ Geha dimpa hab wan ele amu iita mekulah amge Kayaknu do nai, nuhig hupu laipu laa amu iinab qetodma.

¹⁸ Amu danab oh ag ahilkad ah am lamadna, ag ah bau laa diiteb amu ag gapai kobol heteb. Amu danab nug ah laa nug gamu anuka uuite oiyeeye aote, danab amu nug ele gapai kobol hete," awa aum.

ENUB DANAB LASARUS ELE

¹⁹ Jesus Nug ele aum. "Anuka enub danab laa dayom am nug hanhan bedupa lamen kokod bala ena ena eleib metom. Am nug hanhan e ena enaib latom. ²⁰ Amu nug laug od guguitak amu dadek danab laa hanhan meeg daatom. Nug onig amu Lasarus. Nug bedu ihiud nau am bak ele. ²¹ Nug am enub danab amu nug e labob, e hupu neeb amu awa lalonu dab ma daatom. Nug anam dayeye, qai ag dona, lemadulagpa nug ihi nau amu hoduegeg daatom.

²² Am dimpa daḁek danab amu nug mauhom. Mauhe am engel ag nug aon meeg, Abraham ele daapiḁ. Daaehēh amu enub danab nug ele mauhe, ag nug boomeg, ²³ nug uka, Hadespa guiṭak naḁi ele dayom. Anam dayaya, nug neeke aṭan uke, Abraham umanab dayeye, Lasarus nug ele daaehēh anatom. ²⁴ Anata amu enub danab nug ewa aum. 'Mame Abraham, na dahilnu oot gai iṭa doon, na hepe, Lasarus nug uḁia, nug epeg hiqal nob nakok lepa ma, lemaḁulpa meeb, oug nakok maḁ! Adinu? Da ab gakaḁak imupa guiṭak naunab dooṭemde,' awa aum. ²⁵ Awa a amu Abraham nug aum. 'Nagpi, keeke laipu imu na dautpa doḁu. Anuka haen na bau daanna amu na keeke ena oh aome amu Lasarus nug am keeke oh nau awom. Amge gemu aben imupa nug am oo ena dayeye, ge na amu guiṭak nau dooṭem. ²⁶ Amu keeke laa ele, ig ag ele oh gamagpa Kayak Nug bai naḁi umanab noa uka laipu meum daaṭe amunu danab ipa daaṭeb ele amu ag ahan, bai amu nona tena, ag daaṭebpa wakulagnu amu ag elele iṭa. Am danab apa daaṭeb ag ahan, bai amu nona bena, ig daaṭempa doḁulagnu amu ag elele iṭa,' awa aum. ²⁷ Anam a amu enub danab nug aum. 'Mame, anam dayeb amu da na oḁ medṭem, na hepe, Lasarus nug da mamel laugpa uka, ²⁸ da amalad tanig ele amu, ag ele aben guiṭak naḁi imupa uḁimnanu, Lasarus nug dab mak awaknu nai ab, ag dooglag,' awa aum. ²⁹ Amge Abraham nug aum. 'Ag amu Mosesnu nai am Kayaknu propet dilag nai ele, ag am nai amu doyeg!' awa aum. ³⁰ A am enub danab nug aum. 'Iṭa mame Abraham! Ag amu dooṭeb amge laipu mauhom ele, nug matmatpanu eḁua aha uka amelagpa ab, ag oolag eḁuku,' awa aum. ³¹ Nug anam aum amge Abraham nug amegpa aum. 'Ag Mosesnu nai amu Kayaknu propet dilag nai ele doona ii

dim lamidpeg amu aria laipu laa nug mauhom, matmatpanu aha uka amelagpa ab amu, ag amu ele geha ag oolagpa amunu genab ii doomna,' awa aum." Jesus Nug nai amu maṭiom.

KOBOL NAU DANABNU OOPA GENAB DOYAK HE NAUHTE

17 Amu Jesus Nug nuhiḁud ipu niṭak awak danab amelagpa aum. "Am keeke diigdiig kuḁum bena hepeg, danab ah ag hipuninpa nena qeḁulag amge danab nug heeb, danab laala ag nena qeḁulag amu nuhignu gadonnab. ² Amu laa nug heeb, nid naunau imunu laipu laa nug hipuninpa na qeeb amu danab he na qeum ele, ag nug ii heum haenpa ag baagpa men okaṭi laa qaḁan, buḁipeg, yupa nolo am nakok nau amge nug dayaya heeb, nid laa hipuninpa na qelo amuam naunab nau. ³ Am ag aka ahilagnu ele dab meig! Amu ag awalag o amalag laa nug hipunin heeb amu na nug daug bate! Amu nug oo eḁueb amu na nuhig hipunin uhuqna meṭe! ⁴ Amu nug nahippa deḁ laipu hipunin heeb, uka eblaih aḁiṭ teeb, haen eblaih aḁiṭ nug eḁua na gumita uḁia, 'Gadon da ehed hemi,' awa ab amu na nuhig hipunin amu uhuqna meṭe!" awa aum.

⁵ A amu ipuniṭak awak danab ag Naḁi amegpa apig. "Na hepe, ig ihinig oopa genab doyak amu okaṭinab maḁ!" aon apig. ⁶ Aeg amu Naḁi Nug aum. "Ag ahilag oopa genab doyak amu mastet aeg bia anam dayeb am geha ag ad onig Mulber imu, nuhignu, 'Na diḁin ele oh kakedinna, gona yupa be!' aḁulag amu nug geha ahilag nai am dim lamidku. ⁷ Amu ag oolagpan laipu laa nug nuhig begbeg, nug daṭa wan opatḁunu ab, o iṭa nug doḁ sipsiptai gumadḁunu ab, begbeg nug uka ha, dimpa nug eḁua laḁa uḁieb amu gumak danab nuhig nug nug amegpa, 'Na paha dona daanna e la!' awa aḁute? ⁸ Iṭa. Nuhig okaṭi nug nug

amegpa inam aku. 'Na dahil e bapaidna, matagid takana, na dahil e yaan aon dope, da tatam lawoya, le ele lapi, dimpa amu na e lawona, le la!' awa aku. ⁹ Begbeg nug anam heeb amu nuhig okai amu nug begbeg nug nuhig nai dim lamitom amunu nug amegpa, 'Ena heme,' awa akute? iita. ¹⁰ Amubia ag ele keeke oh Kayak aum amu ag hena malona, ag, 'Ig am begbeg nau, ig keeke hemut ele amu ig ihinig udat aakuib hemut,' aon aku-lag," awa aum.

JESUS DANAB 10 GADALAG ODE ELE BAPALATOM

¹¹ Amu Jesus Nug Jerusalem ukaknu ib amu dim lamita, nug Samaria Galelia ele tompa uka, ¹² ab laapa teete amu danab eblaih tanig ele, ag gada ode ele, ag ibpa anidpig. Ag uma pide upa hipaidna daanna, ¹³ ag am huana enan apig. "O danab Nadi Jesus, na ihinignu oot gai iita doye!" ¹⁴ Ag anam aon eeg, Nug ag anata, Nug amelagpa aum. "Ag gona, bedulag amu mana metak danab ipuanateg!" awa aum. Nug anam a aria ag wana ukaegeg, ibpa ode ahilag amu iita meum. ¹⁵ Amu ag oolagpanu danab laipu, nug bedu edua ena dayom anta, nug edua uka, huana ewa, Kayak binag meum. ¹⁶ Nug am uka, Jesus baegpa gomela, gateg qaun wa, iki wan ye, "Na ena heme," anana, Nug humitom. Danab amu nug am Samaria danab. Samaria Juda ele ag am layam ena iita. ¹⁷ Am Jesus Nug danab amu nug anam he anta, Nug aum. "Am da dootem, ag danab eblaih tanig ele bedulag edua ena dayom amge danab eblaih wadele laa amu ag adepa daateb?" ¹⁸ Danab laa nug edua udia, Kayak binag mekunu amu iitatai? Danab imu nug am laihnu, nug nukai iikuibte?" awa aum. ¹⁹ Nug anam anana amu Nug danab amu amegpa aum. "Na ahan uke! Na ootpa genab doome amunu na edun ena daatem," awa aum.

KAYAK DO MADOD GEHA UDIKU

²⁰ Amu haen laa do gumak danab-Parasia ag Jesus od metan apig. "Haen ganeb Kayaknu do madod am udiiku?" aon apig. Aon aeg amu Jesus Nug nai ahilag amu nob ma aum. "Amu Kayaknu do madod udieb amu danab ah ag amelagpa anidkulagnu am elele iita. ²¹ Amu ele danab ah ag, 'Anteg, ipa ina daate,' o iita 'Anteg, laih upa uma daate,' ii amana. Adinu? Kayaknu do madod amu ag oolagpa daate," awa aum.

²² Awowa Jesus Nug edua, nuhikud ipunitak awak danab amelagpa aum. "Geha dimpa haen laa udiebeeb, ag am Danab Bekalag da ele ded laipu oignignu oolag huanak daaku amge geha anam ii daamna. ²³ Am geha danab laala ag amelagpa inam akulag. 'Anteg! Nug am laih upa uma daate,' o iita, 'Anteg! Nug am ipa ina daate,' aon akulag amge ag am aib dim lamadna gopig. ²⁴ Amemdi awa amahalte amu ag dooteb. Amemdi awa nuhig amahlak amu atu ohpa amahalte, lokumak iita. Am Danab Bekalag da, geha dahil haenpa da ele lokumak ii udipa amunu ag laa amu aib dim lamadna gopig. ²⁵ Amge tatam amu da guitak kudum aopi, danab haen gemu imunu amu ag da di medaglag," awa aum.

²⁶ Nug anam anana amu Nug baula aum. "Amu danab ag kobol Noanu haenpa hepig, anamib geha Danab Bekalag da, dahil haenpa amu ag ele anam hekulag. ²⁷ Haen amupa amu ag e lanana, le lanana, nug aona, ah ele nug medapig. Ag anam henan daaegeg uke, haen Noa nug ub oopa noum batak. Ag anam heegeg, le hid nadi ba, danab ah amu ohnab diie padal mepig. ²⁸ Amu Lotnu haenpa am ele anamib hepig. Ag e lanana, le lanana, keeke daden menana, keeke danab laa mataeg, daden meegeg, e aona, lag buunna daapig. ²⁹ Amge Lot

nug Sodom uua ukom, ded amupa amu ab adu hab atanu gu bia na, danab ah ewate, padal mepig. ³⁰ Amu geha Danab Bekalag da amu, da dahil dedpa miag beku amu danab dilag kobol am anamib daaku. ³¹ Amu ded amupa danab laa nug hik awak abenpa, lag atan daate amu, agupa dayaya, nug oolkunuib dab maama, nug nuhig keeke lag oopa daate ele amu nug keeke amu aokunu lag oopa ii noma. Anamib danab laa nug data dayaya amu nug oolkunuib dab maama, keeke laa aokunu edua laka ii goma. ³² Ag Lot wau daulagpa doad! ³³ Am danab laipu laa nug wan imupanu bau dayak nuhig amu adaku, aria geha bauklel nuhig amu iita meku amge danab laa nug wan imupanu bau dayak amu uute am geha nug bauklel hanhan daaku. ³⁴ Am da ag amelagpa atem, geha tuqan amupa danab adit laa niak aben laipupa niiglah am Kayak Nug laipu awawa, laa amu uuiteb daaku. ³⁵ Am ah adit laa a aben laipup bretnu plaua nekunu hebeped, am Kayak Nug laipu awawa, laa amu uuiteb daaku. ³⁶ [Am geha danab adit laa data daaped am geha Kayak Nug laipu amu aoku, laa am uuiteb daaku,] awa aum.] ³⁷ Jesus Nug anam a, ag amu doona, ag apig. "Nadi amuam geha adepa beku?" Ag anam aeg am Jesus Nug amelagpa aum. "Mauhak gadalag niiteb, aben amupa ai laa kaub bia udin, apa qag meteb," awa aum.

AH QAB EPEDIK DANAB ELE DILAH KAYA

18 Amu Jesus Nug keeke danab ag dooteb ii dooteb ele ou aqata, ipuanata, ag haen oh unuqidkulagnu, ag bahilag yaamanu ele amelagpa aum. ² Amu Nug inam aum. "Amu ab okai laapa epediak danab laa nug Kayaknu am keeke hamu doyaya, danab dilagnu ele dab ii madata dayom. ³ Am ah qab laa ab amupa ele dayom, nug haen oh

udia amegpa aum. 'Keked dahil nug da hipel qagate amunu na da ehanidna, ug dahil babaite!' awa aum.

⁴ Ah amu nug anam heeche, epediak danab nug laa ehanidkunu amu kobol amu nug bedupa ii daatom amge dimpa nug oopa aum. 'Da Kayaknu am keeke hamu bia dootem amu danab dilagnu ele am da dab ii metem ⁵ amge ah qab imu nug da dutunida heeche, da bedul bahi ye amunu da nuhig nai amu da bapaidkul. Iita am nug edua udieb udieb, da oolpa nokuhkuh okai qeku amunu nuhig nai amu bapaidpi, uua goku,' awa aum." Jesus Nug keeke danab ag dooteb ii dooteb ele ou aqata, ipuanata, nai amu matiom.

⁶ Aria Jesus Nug nai amu matia mala, Nug nai tudita aum. "Ag epediak danab nau amu nuhig nai imu doyeg! ⁷ Nug ah amu ehanidkunu aum amu Kayak Nug danab ah nuhikud, Nug ag tituanatom ele amu, ag hanhan tuqan amun ele ded oh unuqidpepeg amu Kayak Nug ag iite ehanadma? Nug am ag amelag maama, paha iite ehanadma? Anam iita. ⁸ Amu da ag amelagpa atem. Nug am paha ag ehanadku. Amge Danab Bekalag da, da edue udien, haen amupa geha ag wan danab ah amu ag oopa genab doyak ele anidkultai," awa aum.

⁹ Am Jesus Nug danab laala ag aka ahilagnuib, "Igib danab tutuku," anana amu ag danab laa dilagnu, "Ag nau, hipunin ele," aon apig ele amu, Jesus Nug ag amelagpa keeke danab ag dooteb ii dooteb ele amu ou aqata, ipuanata, nai imu matiom. ¹⁰ Nug aum. "Danab adit laa a unuqidkulahnu mana metak lag oopa teya daapid. Laa amu do gumak danab-Parasia. Laa amu takis awak danab. ¹¹ Amu do gumak danab-Parasia nug hibaita, atan neeka dayaya, nuka nuhignu unuqita aum. 'Kayak, da am danab laala oh bia iita. Ag am yab aoteb, hak ena iita heteb am gapai ele heteb. Da am anam iita, takis awak danab imu hete

bia ele iita amunu da na amenpa, “Ena heme,” a^{tem}.¹² Am da haen oh metid laipu oopa ded adit amu e oh lanaknu kud mein dayeye amu da keeke aotem oh amu opati, ameg eblaih tanig ele neeg, amu da na ameg laipu medatem,’ awa aum.

¹³ Nug anam aum amge takis awak danab nug am pide dayaya, dup noa, hab atan ii neekom. Iita. Nug ehednab doym amunu nug epegpa gamag qe-tata, nug aum. ‘Kayak, da am hipunin danab amunu na dahilnu oot gai iita dookutnu od medatem,’ awa aum.”

¹⁴ Am Jesus Nug nai amu matiowa, Nug baula amelagpa aum. “Da ag amelagpa a^{tem}, Kayak he, takis awak danab nug tutuku daye, edua laugpa ukom amge danab laa nug am anam iita. Amunu laa nug onig humate amu Kayak Nug heeb, danab amu nug onig neku amge danab nug onig qe nete amu Kayak Nug danab amu nug onig humaku,” awa aum.

JESUS NID NAUNAU ITITAK MATOM

¹⁵ Amu danab ah ag nid yud ahilkad diadna, Jesus Nug epeg bedulagpa ma, ititak madakunu gopig amge nuhikud ipunitak awak danab ag amu anidna aladpig. ¹⁶ Ag anam apig amge Jesus Nug nid naunau onilagpa e, gumidna doeg, Nug nuhikud ipunitak awak danab amelagpa aum. “Danab ag nid nakok bia daateb, ag am Kayaknu do madod oopa daateb amunu ag nid naunau uuadpeg, ag dahilpa doig! Ag ahilag ib aib oo nepig,” awa aum. ¹⁷ Anam anana Nug amelagpa aum. “Da genab ag amelagpa a^{tem}. Danab nug Kayaknu do madod nid nakok aote amubia ii aoku amu nuhugnu ib laa iita,” awa aum.

IKI DANAB LAA KEEKE KUDUM ELE

¹⁸ Aria Juda dilag iki laa nug Jesus inam od metom. “Ipunitak danab ena, da a^{tem} heina, da bauklel han-

hannu aokul?” awa aum. ¹⁹ Anam a, Jesus Nug edua amegpa aum. “Kayak Nug nuka am ena amunu na dahilnu, ‘Danab ena,’ ame amu na nai amu tatam dab mewonate ame o iita na hamute ame?

²⁰ Amge nahip od maknu amu na do oh dootem. Na gapai aib heme. Na danab aib qepe mauhom. Na yabhoi aib heme. Na danab laanu ham bupuak nai aib matime. Na mamen anin ele odelah dim lamidna binalah me!” awa aum. ²¹ Jesus Nug anam a amu Juda iki danab nug aum. “Da nid nakokpanu do amu dim lamiti udie, gemu ele anamib hetem,” awa aum.

²² Nug anam a, Jesus Nug nai amu doya, amegpa aum. “Keeke laipu amupaib na elele iita. Na gona, na enun oh mepe, danab laala ag daden mepeg, na men do^{do} amu oh aon, da^{dek} danab matona, na hab atan enun okai ele daakut. Na anam hewona, na u^{din} dim lamide!” awa aum. ²³ Nug anam a amu iki danab nug nai anam doya, nug oo ugnab dayom. Adinu? Nug enub kudum ele.

²⁴ Amu Jesus Nug danab amu nug oopa ug doym an^{ta}, Nug aum. “Danab ag enulag kudum ele amu ag Kayaknu do madod oopa gokulagnu am ug okai ele. ²⁵ Amu kamel nug koitaknu tutui gidopa nokunu amu ug ele amge danab enub okai ele, nug Kayaknu do madod oopa gokunu am ug okainab,” awa aum.

²⁶ Am danab ag nai amu doopig ele ag apig. “Anam dayeb amu aun nug bauklel aokunu elele?” aon apig. ²⁷ Aeg amu Jesus Nug aum. “Keeke danab ag aka hekulagnu elele iita daateb amu Kayak Nug hekunu elele,” awa aum. ²⁸ A amu Petrus nug aum. “Ante, ig ihinig keeke oh uuta, na dim lamid^{tem},” awa aum. ²⁹ Anam a, Jesus Nug edua, ag oh amelagpa aum.

“Da genab ag amelagpa a^{tem}. Danab aun nug Kayaknu do madodnu ha amu nug laug, nug anig mameg, nug laikud, nug wau, be^{kod}, a^{dekud} ele uuata, da dim lamid^{te} amu nug geha haen imupa hamu

ii daama. Iita, ³⁰nug haen imupa keeke uua oiyom amu nob huana eḏatak awa amu dimpa haen uḏieb, nug bauklel hanhannu ele aoku,” awa aum.

JESUS MAUHOWA EDUA HIPAIDKUNU BAULA AUM

³¹Amu Jesus Nug nuhiḱud ipuniṭak awak danab tuelp diia, piḏe bia wana, amelagpa aum. “Doyeg, ig gemu iiku Jerusalem gotem. Kayaknu propet ag anuḱa Danab Beḱalag da, dahilnu Kayak aum, oḏe madipig, nai amu meu gemu miag beḱu. ³²Ag geha da aiḏna, iita aḏi epelagpa meidpeg, ag aon aon iuna, guhuḏilna amu hunu iuglag. ³³Amu ag da wippa ehed matadilna, ag iupeḱ mauhḱul amge ded ewampa da eḏuen hipaidḱul,” awa aum. ³⁴Am Jesus Nug nai amu maṭiom amge ipuniṭak awak danab ag oolag ii maṭiom. Nai amu, diig nuhig amu ag oolagpa loḱumak dayom amunu ag Nug nai aum amu ag ii doopig.

JESUS AMEG GADUAK LAA BABAIṬOM

³⁵Aria Jesus Nug uḱa, Jeriko guḱuṭeṭe, danab ameg gaduak ele laa ib daugpa dayaya, danab ah men doḏo meṭaglagnu ewa unuqatata dayom. ³⁶Am nug anam haaha dayeye, danab ah ameg naḏi ag uḏiegeg doyaṭa, nug danab laala oḏ maṭa aum. “Umu ag aḏi diignu unam heteb?” awa aum. ³⁷A amu ag nug amegpa apig. “Jesus, Nasaret ted, Nug uḏiṭe,” aon apig. ³⁸Ag aeg, nug doya, ewa aum. “Jesus, Dawit Beḱa, na dahilnu oot gai iita doye!” anana eum. ³⁹Am danab ameg laa anuqna gopig ele amu ag nug aidna apig. “Na oḏen qamute!” aon apig amge nug edua, huanaknab ewa aum. “Dawit Beḱa, na dahilnu oot gai iita doye!” awa aum. ⁴⁰Nug anam eewo, Jesus Nug doa hibaiṭa dayaya, amelagpa aum. “Ag nug aon, da gumidna doig!” awa

aum. Nug anam a amu ag nug aon, Jesus gumidna doeg amu Jesus Nug oḏ meṭom. ⁴¹“Da nahippa aḏi heḱulnu oot daate?” awa aum. Awa a amu nug aum. “Naḏi, da neegḱulnu ool daate,” awa aum. ⁴²Amu Jesus Nug amegpa aum. “Na amen edua opateb, amahlak ante! Na dahilnu ootpa genab doome amunu na ena daateṃ,” awa aum. ⁴³Anam aawo, pahanab nug ameg amu obata, ena daye, neeḱa amahlak antom. Aria nug geha aaku Jesus dim lamita uḱa, Kayak binag meum. Danab ah ag amu anidna, ag ele Kayak binag mepig.

JESUS SAKEUS ELE DILAH KAYA

19 Amu Jesus Nug tutuḱu noa, Jeriko oopa ugeḱe, ²am danab laa apa dayom, nug onig amu Sakeus. Nug am danab takis aoteb amu dilag iḱi. Danab amu nug enub okai ele. ³Amu nug Jesus Nug am danab aṭemunab anta dookunu oo dayom amge danab ah ameg naḏi Jesus qehaḱeg, Sakeus nug ele am danab tutu amunu nug Jesus anidḱunu elele iita. ⁴Elele iita amunu Jesus Nug ib amupa uḏiṭe doyom amunu nug qaibaḏ anuqa uḱa, Jesus anidḱunu ha, ad siki-mon laa teum.

⁵Amu Jesus Nug uḱa uḱa, Sakeus day-ompa ta, baeg ya dayaya, ameg huma aṭan neeḱa, nug amegpa aum. “Sakeus na paha ne! Gemu da na lautpa daaḱul,” awa aum. ⁶Nug anam aum amunu Sakeus nug oo gamag ahe, paha honap na, Jesus omale nug laugpa gopid. ⁷Am Jesus Nug Sakeus laugpa goya daaeheh, danab oh ag amu anidna, ag aka naitud maṭin Jesusnu apig. “Nug uḱa, hipunin danab umu laugpa ḏo danab daaḱunu teum,” aon apig. ⁸Aria Sakeus aha hibaiṭa, Jesus amegpa aum. “Naḏi, gemu da dahil keeke oh amu gamagpanab opaten, laih awe, daḏek danab madaḱul. Amu da danab laa ham bupuiṭen, nuhig keeke yab aomi dayeb amu aria da amu

eduen, nob amu tuditen, ewam laa ele nug medakul,” awa aum. ⁹Anam a, Jesus Nug Sakeus amegpa aum. “Gemu Kayak Nug lag imupanu danab ah edua diiom. Danab imu ele amu nug Abraham beka,” awa aum. ¹⁰Anam anana, Nug nai tudita aum. “Danab Bekalag da amu da danab ag padal mepig daateb ele, da ag eduen diiadkulnu udimi,” awa aum.

BEGBEG 10 AG MEN DODO, TUDIDKULAGNU AOPIG

¹¹Jesus Nug Sakaesus laugpa dayaya, nai amu matie doyeg, Nug Jerusalem guguita dayeye, danab ah ag, “Kayaknu do madod am geha iiku miag atiku,” dab menan doopig amunu ag anam dab memananu, Jesus amu Nug nai tudita, keeke danab ag dooteb ii dooteb ele amu ou aqata, ipuanata, inam matiom. ¹²Nug matia aum. “Wan laapan gumak danab laa nug aha, wan laapa uma ukeb, geha ag nug ahilag okai daakunu mepeg, dimpa amu nug edua udia, udat adit amu oh hekunu dab meum. ¹³Nug anam dab maama aria nug nuhikud udat danab eblaih tanig ele onilagpa ewowa, nug am siks handat kina anen anen anam pania madata, amelagpa aum. ‘Ag imu tudidna, qag mebepeg, da edue udipi, medapeg aokul,’ awa aum.

¹⁴Amge nug mudipan laikud ag anuka ag oolagpa nuhignu nau, ninig ele doopig amunu nug uke, am danab laala ag heeg, ag oolagpan danab laa ag nug dim lamidnana amu ag inam apig. ‘Ig am danab imu nug ihinig king daakunu amu ig oonig ii daate,’ aon apig. ¹⁵Ag anam apig amge wan laapa ag nug king meeg, dimpa nug edua udia, nug wanebpan danab amelagpa aum. ‘Udat danab anuka da men dodo matami ele amu onilagpa epeg, ag oh anen anen men dodo amu tudidna tuditak gane aopig amu da dookul,’ awa aum. ¹⁶Eeg dona amu danab laa ba nug aum. ‘Nadi,

da siks handat kina nahip imu bau laa tudite qag mein, tuditak siks tausen kina aomi,’ awa a am king nug amegpa aum. ¹⁷‘Na udat danab ena, na udat enanag heme, na keeke nakoknab dab metan autna aome amunu gemu da na ab okai ten gumadkutnu gagatag medatem,’ awa aum. ¹⁸Aria laa dim ba aum. ‘Nadi, da siks handat kina nahip imu bau laa tudite qag mein, tuditak tri tausen kina aomi,’ awa a, king nug amegpa aum. ¹⁹‘Da na ab okai tanig ele gumadkutnu gagatag medatem,’ awa aum. ²⁰Amu udat danab laa nug aum. ‘Nadi, nahip siks handat kina amu ina daate. Da lamen qati laa oopa iten mei dayom. ²¹Adinu? Da na anidtem, na danab gagatag ele, danab laa nug keeke me daate amu na aona, danab laa e epom amu na amunu meu ele aotem. Amunu da nahipnu badami,’ awa aum. ²²A amu king nug nid amu amegpa aum. ‘Na udat danab nau, bodo etaknab. Amu da na naka nahip nai amupa na epedidkul. Amu genabnabte na doome, da am danab gagatag ele? Amu keeke oh danab laala meeg, da aotem amu danab laala e epaeg, da hidatem, da anam heiyi doomete?’ ²³Na genab da am danab gagatag doolom amu na da badilna, na men dodo dahil amu benkpa melom, dimpa da edue udien, men dodo amu, am nuhig tuditak ena ele aolom amge na anam ii heme,’ awa aum. ²⁴Nug anam anana amu nug danab guguitak hipaidna daeegeg amelagpa aum. ‘Ag nug epegpa siks handat kina daate amu adidna aon, danab laa siks tausen kina ele amu meteg!’ awa aum. ²⁵Nug anam a amu ag apig. ‘Nadi nug am siks tausand kina awa adate,’ aon apig. ²⁶Anam aeg nug aum. ‘Da ag amelagpa atem, danab nug keeke adate ele amu da baula ele medakul amge danab laa nug keeke nakok tatam awom aakuib adeb amu da adidkul,’ awa aum. ²⁷Gumak danab amu

nug anam anana, nug nai tudita aum. 'Aria laa ag da keked median, da ahilag king daakulnu uupig ele amu ag diin, da noolpa ipa dona, aqapeg mauheg!' awa aum."

JESUS KING BIA JERUSALEM TEUM

²⁸ Amu Jesus Nug nai amu matia mal-owa, Nug aha anuqa, Jerusalem ukaknu ib awa ukom. ²⁹ Nug uka Betpasi, Betani ele gukuata, ab adit amu a qauko Olip ele ateb, qauko amu guguitak amu, apa nug he, nuhikud ipunitak awak danab adit laa anuqya gokulahnu aum. ³⁰ Nug a amelahpa inam aum. "A goya, ab nakok miag amupa teya, apa ab daugpa a donki nag laa nakok okai meum ele amu, qakak daate anidkulah. Anuka danab laa amu atan ii oiyom ele. A anidya amu a uhuqya aoya udied! ³¹ A anam aoped amu danab laa, 'Adinu a donki amu uhuqtep?' awa od mateb amu aria a nug amegpa inam aid! 'Nadi Nug nuhignu udat ele amunu i uhuqteb,' akulah," awa aum.

³² Jesus Nug danab adit otiatom ele amu a goya, keeke oh a amelahpa aum ele amu anidpid. ³³ Anidya, a donki qakak, mu di amu uhuqeh, donki mameg ag a od matan apig. "Adinu a donki nag bau amu uhuqtep?" aon apig. ³⁴ Aon aeg amu a apid. "Nadi Nug nuhignu udat ele," aoya apid. ³⁵ Aria a donki amu aoya, Jesus gumidya ukaeh, ag lamen ulahnu ahilag aon, donki gomepa duqona amu Jesus ehaniteg, donki atan ta dayom. ³⁶ Am Jesus Nug donki atan ugeke, danab ah ag lamen ulahnu ahilkad akan ibpa duqadpig.

³⁷ Am Jesus Nug uka, ib laih qauko Olip amu edita no amu nuhikud ipunitak awak danab kudum laa ele ag oh nuhignu gamalag ahom. Adinu? Nug udat danab hekunu elele iita kudum he anidpig amunu ag baalag okaipa enan Kayak binag humapig. ³⁸ Ag Kayak bi-

nag human, baalag okai enan apig. "Ig king binag metu, Nug Nadi onigpa udite! Kayak Nug itidte. Nuhigpa Kayak Nug ig danab, ihinignu oo ena daate. Ig Kayak Ebehi Ele, Nug binag atannab humatu."

³⁹ Ag anam heegeg, Juda dilag do gumak danab-Parasia ag danab ah ameg amu oolagpa daanna, ag Jesus amegpa apig. "Ipunitak danab, na nahipad ipunitak awak danab amelagpa ape, ag to eteg!" aon apig. ⁴⁰ Aon aeg amu Jesus Nug ag anam apig amunu amelagpa aum. "Da ag amelagpa atem, imu ag odelay qamutpeg, aria men amu ag ekulag," awa aum.

⁴¹ Anam anana Jesus Nug uka, Jerusalem guguita wana, Nug ab okai amu anta, ameg leb ne, ⁴² Nug aum. "O gadon, ag madod daaglagnu ib ii dooteb. Ug awak haen ahilag am miagnab amge ag atemun madod daaglagnu ib amu anidlob, ag ug amu ii anidlob amge ib amuam ag amelagpa lokumak daate. ⁴³ Amunu ag doyeg! Geha dimpa haen amu udieb, ahilag keked ag aqaglagnu u din, talilidna, wan buupeg ukeb amu qalana wana, ag aben ohpa ag oo matan autanab aoglag. ⁴⁴ Amu geha keked, ag amu ag budulkad ele, ag tapaladna ododadna autna aoglag. Abnu ad, lag ele menpa hepig amu keked ag men laipu uupeg abenpa ii daama. Kayak Nug ag Juda ehanadkunu heum amge ag amu ii doopig amunu keked ahilagnu ag anam hekulag," awa aum.

JESUS NUG LAA MANA METAK LAG OOPANU LAMATOM

⁴⁵ Amu Jesus Nug mana metak lag oopa noa, nug danab lag amu oopa mana metaknu keeke dadennu maadpig amu, Nug dig ma ag lamatom. ⁴⁶ Nug amelagpa inam aum. "Kayak naipa yak inam daate. 'Da laul amu unuqitak lag,' amge ag heeg, yabhok danab dilag lokumak aben bia daate," awa aum.

⁴⁷ Nug anam hewowa amu Nug ded oh mana metak lag oopa noa, danab ah Kayak nai ipuanatom. Nug anam heehe amu mana metak danab okai amu do mehuqak danab am danab ah gumatak iki ele ag ahan, Nug qepeg mauhkunu ib madipig. ⁴⁸ Amge danab ah oh ag nuhig nai dooglagnu wagai mena hepig amunu iki danab ag Nug qepeg mauhkunu ib laa ii anidpig.

AG JESUS AUN GAGATAG METOMNU OD MEDAPIG

20 Am ded laa Jesus Nug mana metak lag oopa danab ah nai ipuanatata, Nug Nai Ena amelagpa mehuqege, mana metak iki danab amu do mehuqak danab am Juda dilag iki danab ele ag Jesus gumidna gona, ² Nug amegpa inam apig. “Na ape ig dootu! Na gagatag adipa udat imu hetem? Danab aun nug gagatag amu metom?” aon apig. ³ Amu Nug ag apig amu nob ma amelagpa inam aum. “Amu da ele keeke laipunu ag od madapi amu ag apeg dookul. ⁴ Od mak dahil am inam. Johannesnu layatak am adepanu beum? Keeke amuam hab atannu keeke o iita amuam danabnu keekeib?” awa aum. ⁵ Am Jesus Nug anam od mate aria ag aka aka matin apig. “Ig, ‘Habnu keeke,’ aput amu Nug, ‘Anam amunu ag adinu oolagpa genab ii doopig?’ awa aku. ⁶ Amge ig, ‘Danabnu keeke,’ aput am geha danab oh ag Layatak Johannesnu, nug am propet, oolagpa genab dooteb amunu ag menpa iqaglag,” aon apig. ⁷ Ag aka anam anana, ag Jesus aum amu nob mena apig. “Ig ii dootem,” aon apig. ⁸ Aeg am Jesus Nug amelagpa aum. “Aaku amunu da ele gagatag adipa udat hetem amu api ii doomna,” awa aum.

DANAB NAU WAIN DAD GUMAPIG NAI

⁹ Jesus Nug anam awowa, Nug dig ma keeke danab ag dooteb, ii dooteb ele ou aqata, ipuanata, danab ah amelagpa matia inam aum. “Danab laa nug grep dad epom. Nug grep dad epowa amu awa, udat hak danab epelagpa mewowa amu nug aha laih umanab uka, haen elab dayom. ¹⁰ Am nug apa dayeye, grep meu awak haen be, nug begbeg nuhig me, nug udat danab grep meu laih, danab okainu aokunu gumata ukom amge danab dad amupa udat hepig ele ag udat nid amu makudna, gedidna lamiteg, hamu edua ukom. ¹¹ Am dad mameg nug begbeg laa he, gumata ukom amge ag nug ele ehed makudna, kobol ehed laala nuhigpa hewona, ag lamidna gediteg, hamu edua ukom. ¹² Aria nug begbeg laa me ukom. Amu ag ahan qena, guitak okai metona, aon dad dimitim budieg ukom.

¹³ Ag anam heeg, dad mameg nug aum. ‘Geha da aditai hekul,’ awa aum. Nug anam anana amu nug aum. ‘Nid danab dahil, da nuhignu ool mauhte ele amu, da nug mepi goku. Ukeb geha ag nuhig nai amu dooglagtai,’ awa aum. ¹⁴ Amge danab dad amupa udat heteb ele, ag nug beka amu udieye anidna, ag aka aka nai matina apig. ‘Nid umu nug geha dimpa mamegnu keeke oh aoku amunu ahapeg, ig nug qeput mauheb amu ig dad imu aognig,’ aon apig. ¹⁵ Ag anam awona, ag ahan, beka amu adan budieg, grep dad dimitim uke, ag qeeg mauhom,” awa aum. Jesus Nug anam awowa, Nug nai tudita aum. “Aria ag anam hepig amunu grep dad mameg nug ahilagnu adi heku? ¹⁶ Nug inam heku. Nug aha uka, nuhig dad hak danab amu oh aqeb mauhpeg, nug grep dad amu edua awa, danab laala epelagpa meku,” awa aum. Am Jesus Nug nai amu matie,

ag doyona apig. “Keeke anam amu aib beum!”

¹⁷ Ag anam apig amge Jesus Nug ag neekataa aum. “Anam amunu Kayak naipa yak daate am adi ipunigte? Nai amuam inam. ‘Men laa, udat danab ag men amu uupig amge lag mameg nug men amu awa, lagnu men anuqak me daate.’ Nai amu diig am adi? ¹⁸ Am laa nug men amu atan na qeku amu nug nakok nauhku amge men amu nug laa qadepa na qeku amu nug nauha auta aoku,” awa aum.

¹⁹ Amu mana metak iki danab amu do mehuqak danab ele ag Jesus Nug keeke danab ag dooteb ii dooteb ele ou aqata, ipuanatak nai amu ag ehed hak ahilag anidkulagnu matiom doona, ag haen amupanab ahan adaglagnu ib madipig amge ag danab ah dilag badapig.

AG JESUS KAISA TAKIS METAKNU OD MEDAPIG

²⁰ Aria ag Jesus meidnana daanna heeg, ameg qakak danab laala ag ahan gumidna gopig. Ag gona, Nug amegpa danab tutuku bia daanna, ag nuhig nai matiak amupa, ag ib laa anidna, aon gabmannu hetodiak epegpa mekulagnu hepig. ²¹ Ag inam od medapig. “Ipu-nitak danab, ig dootem, nahip nai am genab tutuku, na nai genabib danab ah ipuanadnana amu na danab okai onig ele o danab onig iita amu na amu dab menan, na nai baolin, ag amelagpa ii maditem. Iita. Na danab ah Kayaknu nai ena tutukuib ipuanadtem. ²² Amunu na keeke imu ape doognig. Na atem dootem? Ig takis Kaisa metagnig am ena o ena iita?” aon od medapig. ²³ Amge Jesus Nug ahilag ameg qakak od mak amu matu doyom amunu nug amelagpa aum. ²⁴ “Ag men dodo laa onig danarius ipunidpeg antei!” awa aum. A amu ag men dodo ipuniteg anta, Nug od matom. “Men dodo amupa amu aun onig dotog

ele daate?” Nug anam awa od mate ag apig. “Amu Kaisanu,” aon apig. ²⁵ Anam aeg, Nug ag amelagpa aum. “Aria ag Kaisanu keeke amu Kaisa metaglag amge ag Kayaknu keeke amu Kayak meteg!” awa aum. ²⁶ Ag nuhignu ameg qakak hepig amu ag Nug danab ah noolagpa amu Nug nai laa ii etom. Nuhig nai amu ahilag ameg qakak nai editom amunu ag dab mak kudum aona, nai laa ii madipig.

AG JESUS EDUA HIBAITAKNU OD MEDAPIG

²⁷ Amu dimpa amu do gumak danab Sadusi ag Jesus topa udipig. Danab amu ag, “Danab mauhteb ag edun ii hipaidmana,” aon adapig amunu ag ²⁸ Jesus od metan apig. “Ipuunitak danab, Moses nug ihinignu nai laa inam yom. ‘Danab laa nug ah awa, nug nid laa ii awa mauheb, amu aria nug amag nug ah amu aweb, nid menuglah amge a nid menuglah amu nid amuam danab amu nuhig nid iita, awagnu daaku.’ Moses nug anam yom. ²⁹ Aria amu e amakud eblaih adit ele ag daapig. Ag anam daanna, awalag tatamnu nug ah awa, nug nid iita mauhom. ³⁰ Mauhe amag nug aha, ah amu awom amu nug ele nid iita mauhom. ³¹ Dimpa amalah laa edua ah amuib awom amge nug ele nid iita mauhom. Anamib e amakud eblaih adit ele ag oh ah laipu amuib aopig. Ag oh ah laipu amuib aopig amge ag nid laa ii aopig, hamu mauhadpig. ³² Ag mauheg, dimpa ah amu ele nug mauhom. ³³ Aria eamakud amu oh ag ah amu aakuib aweg, nug ag waalag dayom amunu edua hibaitak haenpa ah amu nug eamakud eblaih adit amu ag oolagpa aunna wau daaku? Ah amu nug danab eblaih adit amu oh ahilag ah dayom,” aon apig.

³⁴ Ag anam aeg amu Jesus ag amelagpa aum. “Danab ah gemu haen imunu amu ag ewau daaglagnu nug aoteb

³⁵ amge dimpa Kayak Nug danab ah haen amu daaglagnu elele anaṭeb, ag eḍun hipaidna amu danab ag ah ii diimna, ah ele ag danab ii diimna. Iiṭa. ³⁶ Ag engel bia daaglag amunu ag mauhkuḷagnu elele iṭa. Ag eḍun hipaidna daaglag amunu ag am Kayak beḱod. ³⁷ Amu Moses nug ele danab mauhpig eḍun hipaidkuḷagnu ad nakok ab ewewe, ii iṭa meum, kaya amupa nug amu ipunigte. Moses nug haen amupa Naḍinu amu, ‘Nug am Abrahamnu Kayak, Isaknu Kayak, Jakopnu Kayak ele,’ awa aum. ³⁸ Anam aum amunu ig dootem, danab ewam amu ag gemu daateb. Ag mauhpig amge ag iṭa ii mepig amunu Kayak Nug danab daateb dilag Kayak daate amunu Nug ele heeb, ag eḍun hipaidkuḷag. Amu Kayak Nug nuhig dab makpa danab oh bau daateb,” awa aum. ³⁹ Am Jesus Nug anam a amu ḍo mehuqak danab laala ag, “Ipunitak danab na ena ame,” apig. ⁴⁰ Amu ag Nug baula keeke laanu oḍ metaglagnu ib iṭa.

JESUS NUG IḶI DANAB KRISTUSNU OḶ MATOM

⁴¹ Anam dayeye amu Nug ag amelagpa aum. “Laa ag, ‘Kayak Nug laa tituanom, amuam Kristus, Nug am Dawit beḱa?’ aon aṭeb amge ag aṭem doona, anam aṭeb? ⁴² Dawit nug nuḱa buk Sampu amu inam yom. ‘Kayak Jehowa Nug dahil Naḍi amegpa inam aum. “Na da epel nadiappa daape uḱeb, ⁴³ da nahip kekeḍ na waatpa maadkuḷ.”’ ⁴⁴ Ag iḱud anteg! Danab nug, nug beḱanu, ‘Nadi,’ ii aṭe amge Dawit nug, nug beḱanu, ‘Nadi,’ aum amunu ig aṭemun Kristusnu, ‘Nug am Dawit beḱaib,’ aḱunig?” awa aum.

⁴⁵ Amu danab ah oh ag daanna, Jesusnu nai doyegeg, Nug nuhikuḍ ipunitak awak danab amelagpa aum. ⁴⁶ “Ḷo mehuqak danab ag lamen enanag elab ele taḱan, danab ah noolagpa oiglagnu oolag anuqak dayeye, e oḍiak aben-

pa danab ah ag humadkuḷagnu oolag oḱai ele daate. Ag nai doyak laḱa, amu hobul haenpa ele amu ag aben anuqakpa daaglagnu iṭag aqate amge ag dahilad amu, ag ahilag kobol amubia hemananu dab meig! ⁴⁷ Ḷo mehuqak danab amu ag ah qab ham bupualadna, ag laulḱad yab awona, ahilag hipunin amu danab ah amelagpa loḱumkuḷagnu ag unuqitak elab heteḱ amunu epeḍiak haenpa geha ag ug oḱainab aoglag,” awa aum.

AH DAḶEK MEN DODO KOLEKTA KUNUPPA MEUM

21 Jesus Nug mana metak laḱa dayaya, Nug anam awowa, Nug neeka dayeye amu danab ah ag men dodo, ahilag kolekta, kunuppa meegeg anaṭom. ² Am nug ah qab daḶek ele, nug men doḶo adit, wan toea bia, kunuppa meum. ³ Nug me, Jesus Nug aum. “Da genab ag amelagpa aṭem, ah qab daḶek ele imu, nuhig men doḶo meum amu danab laala mepig ele, amu oh eḶadṭe. ⁴ AḶinu? Laa oh ag men doḶo kuḶum amu ag laih nakok amupan aon mepig amge ah imu nug amu men doḶo nakoknab nuhig, nug ehanidkuḶunu dayom amu oh meum,” awa aum.

JESUS NUG KEEKE DIMPA BEḶUNU AUM

⁵ Amu dimpa ipunitak awak danab laala ag mana metak lagnu nai inam madipig. “Ag mana metak lag imu hepig ele amu, ag men enapa heegeg, danab ah ag keeke ena Kayak medapig ele, keeke amupa bala enanag medapig,” aon apig. Ag anam aeg, Jesus Nug aum. ⁶ “Gemu keeke imu oh ag anidṭeb amu haen laa ana beeb, men imu ag lopadpeg, nena gena, laa nug laa qadeḶa iinab daama. Ohnab lopadpeg, honap nena qekuḷag,” awa aum. ⁷ Nug anam a, ag Nug oḶ medapig. “Ipunitak danab, na ig amenigpa ame amu kobol amu haen ganeb

beku? Amu ele eponak keeke adi tatam beeb, ig doognig, ug aaku bekunu miag daate?" aon apig. ⁸ Ag anam aeg, Jesus Nug aum. "Laa ag ham bupualadmanu, ag dab meig! Adinu? Danab kudum ag da onilpa udin, 'Da amu Kristus,' anana, 'Haen miag aaku doum,' ele aon aku-lag amge ag ahan, ag aib dim lamadna gopig. ⁹ Am ag bannu doonna amu ag ab iki iki ag ahan ban hetebnu nai amu ele dooglag. Keeke amu genab bekulag amge doyeg, ag aib otaipig. Wan haen malak ita," awa aum.

¹⁰ Anam anana Nug amelagpa ele aum. "Danab bedulag laa amu ag danab bedulag laa ele nug qekulag. Wan laa amu wan laa ele nug qekulag. ¹¹ Aben laalapa amu mim okai nebepeg, enug haen okai amu ode haen nadi ele beku-lag. Habpa amu eponak keeke okai okai keeke diigdiig ena ita ele beku-lag. ¹² Amge keeke amu oh ii bebepeg, geha danab laa ag ahan, ag dahilad amu ag ag adualadna, ag ehed hadna, nai doyak laka apa dimulag mena, diin mani guitakpa maadkulag. Da onil ahilagpa daate amunu ag diin, king gabman ele noolagpa maadpeg, epediadkulag. Da onil ahilagpa daate amunu ag kobol amu ahilagpa hekulag. ¹³ Ag epediadpeg amu haen amupa ag dahilnu nai ena ag amelagpa mehuqkulagnu elele daanna, ag anam hekulag," awa aum. ¹⁴ Nug anam anana, Nug nai tudita aum. "Ag nai amu nob atem akulagnu aib ug aqeb, dab mak kudum aopig. ¹⁵ Geha da daka ag nai akulagnu ode-lagpa mein, dab mak ena ele madakul. Geha keked ahilkad ag da nai madakul amu otadna tabapeg nokunu ele ita. ¹⁶ Haen amupa ag mamelkad, anilkad, awalkkad, amalkkad, lailkad, budulkkad ele amu, ag geha ag diin, keked epelagpa maadkulag. Amu geha ag oolagpanu laala aqapeg mauhkulag. ¹⁷ Am geha danab oh ag oolagpa ahilagnu nau, ninig

ele dooglag. Adinu? Da onil ahilagpa daate. ¹⁸ Ag anam hekulag amge ag dahilad amu ag ikilag udug laipu laa ii qetodma. ¹⁹ Ag gagatag daan, bauklel hanhannu aoglag!

²⁰ Amge dimpa haen amunu ami amu laa ag udin, Jerusalem talilidpepeg, amupa ag dooglag, ab okai imu he nauhaknu haen aaku miag daate. ²¹ Am haen amupa Juda danab ah ag oolna qaukopa ukeg! Amu danab Jerusalem oopa daateb amu ag ab uun laih ukeg! Danab ab dimitim daanna, ag edun oopa ii nomana. ²² Adinu? Haen amu Kayak Nug ahilag ehed hak nob edua madaku. Kayak naipa nai daate amu, nai amunu meu beku. ²³ Amu haen amupa ah oolag ele, ah ag nid yud huh madateb ele amu, ahilagnu gadonnab. Adinu? Haen amu ug okainab wan imupa beku amu Juda danab ah haen amupa ag hipuninu bu aqak, Kayak epegpanu udite amu, ag amu aoglag. ²⁴ Geha laala ag qep elabpa mauhkulag am laala, ahilkad keked, ag ag diin gona, danab ah ameg laa ohnu oolagpa maadpeg daaglag. Amu ita adi ag udin, Jerusalem aon daana, Jerusalem nug ag waalagpa dayeb, ukeb ukeb, ahilag haen, Kayak tituanom, amu maleb amu malaku.

²⁵ Dimpa kobol adi idu idu aam, kalam, hodupai elepa heeb**e**b amu wanpa danab ah ameg ohpa ag oolag huan otaiebeb, yupa duban okai kodukodu qeebeb amunu badaglag. ²⁶ Geha danab ah kudum ag keeke wanpa beku amunu dab menana, ag oolag huan badeb, amelag uu edaku. Adinu? Habpan hodupai ag udualnana, ag ipulag tutuku ii dim lamidmana. ²⁷ Ag anam hebepeg, Danab Bekalag da, da lombigpa gagatag okai amahlak okai ele udipi anidkulag. ²⁸ Dimpa keeke amu bekunu dig ma heeb**e**b, haen amupa ag ahan gokulagnu babateg! Kayak Nug ag edua diikunu aaku miag daate," awa aum.

²⁹Jesus Nug nai amu amelagpa matiowa amu Nug keeke danab ag dooteb ii dooteb ele ou aqata, ipuanata, matia aum. “Ag ad pig, ad laala ele dab menan anteg!” ³⁰Ag udulag bau haulegeg anadna amu ag, ‘Aam haen ena dig mete,’ aon ateb. ³¹Ad udug bau bekulag nu dig men haulteb anidna, ag, ‘Aam haen ena miag daate,’ dooteb amubia ag kobol diigdiig oh, da ami ele, amu bebepeg anidna ag, ‘Kayaknu do madod aaku miag doum daate,’ dooglag. ³²Da genab ag amelagpa atem, danab ah haen imunu oh ii mauhadpeg, geha keeke amu oh beku. ³³Amu hab wan ele iita mekulah amge nai dahil amu iita iinab mema,” awa aum.

³⁴Jesus Nug anam anana, Nug nai tudita aum. “Keeke amu bekun daate amunu ag daulag atieb, ag hanhan e lanaknuib hik aqeb, le gagatag labepeg, kaaka aqeb, be du ena dayak amunu guatebeb hebepeg, kobol amuib aha ag tonadmanu tutuku dab meig! Kobol amu ag tonateb, Nadinu ded amu paha etak, dod pelem pa note bia ag anadku. ³⁵Amu ded amu danab ah oh wan ohpa daateb ag beeb anidkulag. ³⁶Amunu ag hanhan tutuku dab mena daanna, keeke amu oh anidmananu amu ag Danab Bekalag da, da noolpa hipaidkulag nu elele daaglag nu ele unuqiteg!” awa aum.

³⁷Ded oh Jesus Nug mana metak lag oopa ag nai ipuanatata, tuqan amu Nug uka, qauko laa onig Olip amupa niitom. ³⁸Nug anam heehe, danab ah oh ag butuanab ahan, ag nai dooglag nu mana metak laka uditapig.

JUDAS NUG JESUS IKI DANAB MADAKUNU NAI QAKOM

22 Aria metid hobul laa, hobul amupa ag bret yis iita lateb, hobul amuam onig Pasowa, amu bekunu miag dayeye, ²mana metak danab okai, do mehuqak danab ele ag danab ah

badadna apig. “Ig atem heta, Jesus qeput mauhku,” aon madipig. ³Ag anam matieg amu Satan nug Judas Iskariot, nug oopa noum. Nug amu ipunitak awak danab tuelp amunu laipu. ⁴Satan nug oopa no amu Nug uke, mana metak danab okai, mana metak lag gumaknu daup iki adi ele nug ib adekupa Jesus awa, ag epelagpa mekunu nai madipig. ⁵Nug anam he, ag gamalag ahe, men dodo laa metaglag nu nai qagapig. ⁶Ag anam aeg, Judas nug men dodo aoku amunu oo ena dayeye, nug ded laa danab ah ameg nadi ag Jesus ele ii daapeg, nug Jesus awa, danab nug ele nai madipig amu ag epelagpa mekunu ib matiom.

JESUS IPUNITAK AWAK DANAB ELE PASOWA LAPIG

⁷Aria Pasowa metid hobul nu babaitaknu ded beum. Kayak Nug anuka ag ded amupa Pasowanu sipsip nakud aqaglag nu do meum. ⁸Amu ded amu be, Jesus Nug Petrus Johanes ele he udieh, amelahpa aum. “A goya, Pasowa ihinig bapaidped, ig lakunig,” awa aum. ⁹Nug anam a amu a Nug amegpa apid. “Adepa bapaidkunihnu oot daate?” aoya od medapid? ¹⁰Od metah, Nug amelahpa aum. “Doyed! A goya, ab okaipa nope, danab laa nug nipud, le am bak ele, amu mawa doa, a udalah teeb amu a nug dim lamidped, nug lag laa oopa nob amu a lag amupa ele noid! ¹¹Noya lag mameg amegpa inam aid! ‘Ipunitak danab ihinig Nug nahipnu inam aum. “Da dahilad ipunitak awak danab ele ig na lautpa oo atempa Pasowa lakunig?” ’ aoya akulah ¹²A anam aped, geha nug lag oo okai atan, balal dayak aben ele ipuanateb, a lag oo amupa Pasowanu e babaited!” awa aum. ¹³Aria a goya, Jesus amelahpa aum amubiaib anidya, a amupa aaku Pasowa bapaidpid.

¹⁴Pasowa babaiteh, haen male, Jesus Nug nuhiḱud ipunitak awak danab tuelp ele ag balalpa daapig. ¹⁵Daanna, Nug amelagpa aum. “Da ag ele Pasowa e imu tatam lakunignu ool huanak daate. Aria dimpa da guitak maokul. ¹⁶Da ag amelagpa aтем. Da ag ele e Pasowa baula paha ii lamata. Dayebeb uḱeb, Kayaknu do maḱodpa keeke imu gogpa teeb amu da baula lakul,” awa aum. ¹⁷Nug anam awowa, Nug hai gokod laa awa, Nug Kayak unuqitowa aum. “Ag imu aon panin aweg! ¹⁸Da ag amelagpa aтем. Da baula grep lepu paha ii lapa. Iiṭa, haen uḱeb, dimpa Kayaknu do maḱod beeb, da edue lakul,” awa aum. ¹⁹Nug anam awowa, Nug bret awa, Kayak unuqitowa, pane ne, pania madaṭa Nug aum. “Imu amu da bedul, da amupa ag ehanadkulnu madaṭem. Ag dahilnu dab mekulagnu kobol imu heig!” awa aum. ²⁰Ag e lana malona, dimpa Nug hai gokod awa madaṭa aum. “Hai gokod imupa da tituanak bau hetem. Da tiil ag ehanadkunu gokadṭem. ²¹Amge iikud anteg! Danab da keked epelagpa meidku ele amu nug da ele oh iiku balalpa daatem. ²²Danab Bekalag da, da Kayak anuḱa aum amubia mauhkul amge danab nug da keked epelagpa meidku ele amu, nuhignu am gadonnab,” awa aum. ²³Nug anam a amu ag ahan, aḱa aḱa nug od metan apig. “Aun nug kobol amu heku?” aon apig.

²⁴Amu hewona, ipunitak awak danab ag ahilag dab makpa, ag oolagpanu aun nug am anuqak amunu adaeg be, maṭin aeg ona aeg do heegeg ²⁵amu Jesus Nug ag amelagpa aum. “Iiṭa adi danab ag ahilkad king waalagpa daateb amu king ag danab amu dilag adi hekulagnu aṭeb amu ag heteb. Ag nai amu uuglagnu ib iita ²⁶amge ag dahilad daateb ele amu, ag am anam iita. Ag oolagpa danab aun nug anuqak daate amu nug amu

danab dimnab daate bia dayad! Aun nug iki daate amu nug ahilag udat nid dayad!” awa aum. ²⁷Nug anam awowa Nug baula aum. “Wannu kobolpa amu aun nug am anuqak? Laa nug balalpa dayaya e late, nug am anuqakte, o iita begbeg nug laa balalpa daateb ele, nug ag e madaṭe amu, nug am anuqaktai? Iiṭa. Laa balalpa e late, danab amuam anuqak daate amge da amu ag oolagpa begbeg bia ag ehanaten daatem amunu amupa ag dooteb, danab nug anuqak daaku, nug begbeg bia dayad! ²⁸Aria haen ug diigdiig dahil beum amu ag da ele daadmut, ag da ii uuidpig. ²⁹⁻³⁰Amu da Mamel, Nug do maḱod da medom amu, anamib da ag do maḱod dahil, amupa ag dahil balalpa e le ele lanan daaglagnu, Israel budub tuelp amu ele gumadkulagnu, gagatag madaṭem,” awa aum.

³¹Jesus Nug nai amu maṭiowa Nug Simon onig diia, baula aum. “Simon, Simon, na doye! Satan nug matu ag ahilag oopa genab doyak am gagatag o gagatag iita antaknu, ug madakunu Kayak od metom ³²amge da na ehaniten, oopa genab doyak nahip amu iita ii memanu Kayak unuqidmi. Amu geha na edun gagatag daanna, na laipad gagatag daaglagnu ehanate!” awa aum. ³³Nug anam a, Petrus nug Jesus amegpa, “Nadi da na ele mani guitakpa goda, oh mauhkunihnu ug ii dootem. Hekulnuib dootem,” awa aum. ³⁴Amge Jesus Nug aum. “Petrus, da na amenpa aṭem, tuḱan imupa na dahilnu, ‘Da Nug ii dootem,’ aon, haen ewam batak akut. Na haen ewam anam ape, dimpa matuk dawai nug gaaku,” awa aum.

³⁵Jesus Nug Petrus amegpa nai amu awowa, Nug nai baula tudita ipunitak awak danab tuelp amelagpa aum. “Anuḱa da hei, ag gonana amu men dodo inaknu hogot, baṭam, baelag gada ele ii akan gopig, haen amupa amu ag

keeke laanu tutu mak doopigte o iita?" od matom. Od mate amu ag, "iita," apig. ³⁶Ag anam aeg, Nug ag amelagpa inam aum. "Amge gemu danab nug men doḏo inak hogot amu baṭam ele aoku. Danab nug qep elab iita, nug lamen nuhig awa meeb, danab laa men doḏo medapeg, nug qep elab awad! ³⁷Aḏinu? Kayak naipa nai laa daate. Nai amuam inam. 'Ag Nug danab nau ele laipu qag maadkūlag.' Nai amu daate amunu da ag amelagpa aṭem, keeke amu geha dahilpa beku. Ao genab, nai oh Kayak naipa dahilnu daate amu gemu meu oku," awa aum. ³⁸Nug a amu ag apig. "Nadi, na ante! Ig amu qep elab aḏit iiku," aon apig. Aon aeg Nug ag amelagpa, "Aaku elele," awa aum.

JESUS GETSEMANI DATA UNUQITOM

³⁹Nug anam awowa, Nug dimitim noa, Nug haen kuḏum hetom bia Nug Olipnu qaukopa ukom. Nug ugeke, nuhikud ipunitak awak danab ag Nug dim lamidpig. ⁴⁰Uka Nug qaukopa ta amu ipunitak awak danab amelagpa aum. "Satan ag eeḏateb, ag ehed gomananu amu ag unuqiteg!" ⁴¹Nug amelagpa anam anana, uuata nakok pide waum, danab men doḏo maoe goṭe amubia. Wana gategpa wan ya, dup noa, unuqita aum. ⁴²"O Mame, ug oh da maokul ele, amuam lepu mua ehed hai gokodpa daate bia amu na ib laa anidna ape, da le hai gokod amupanu amu da ii laapa amge na da ool daate imuib aib dim lamidme. Iita na oot niite amuib dim lamidkut," awa aum. ⁴³[Nug unuqite, engel laa hab atannu na, gagatag meta ehaniṭom. ⁴⁴Jesus Nug beḏupa ug nau, mauhak bia doyaya, Nug gagatag unuqiteṭe, hedi tiig bia na, wanpa noum.] ⁴⁵Nug unuqita mala, aha hibaita, nuhikud ipunitak awak danab gumata wana, ag oolag ug nadi ele amu ag beḏulag ug mete niiegeg anaṭom. ⁴⁶Anata

Nug amelagpa aum. "Ag aḏinu niiteb? Satan ag eeḏateb, ag ehed gomananu amu ag ahan unuqiteg!" awa aum.

JUDAS NUG JESUS KEKED EPELAGPA MEUM

⁴⁷Jesus nai amu amelagpa anana dayeye, danab ameg nadi uḏipig. Judas, nug am ipunitak awak danab tuelp oolagpanu, nug anuqa uḏia, Jesus ootuqidkunu gumita ukom. ⁴⁸Uke amu Jesus aum. "Judas, na Danab Bekalag da, da ootuqitakpa awidna keked epelagpa meidtemte," awa aum? ⁴⁹Jesus Nug Judas amegpa anam aawo, ipunitak awak danab ag Jesus ele daanna, laa ag adi hekulagnu heeg anidna, Jesus amegpa apig. "Nadi ig qep elab imupa aqadput mauhkulagte?" aon apig. ⁵⁰Ag anam awona, ag oolagpanu laa aha, qep nuhig awa, mana metak danab dilag iki, nuhig begbeg laa daug nadiap hoiyom. ⁵¹Jesus Nug ipunitak awak danab nug anam he anta, Nug aum. "Kobol amu uueg!" awa aum. Anana Nug danab amu nug daug nakok ade, daug edua dayom bia tuadiom. ⁵²Jesus Nug amu hewowa, Nug mana metak danab okai, mana metak lag gumaknu iki danab, amu Juda iki danab, ag Nug adaglagnu uḏipig, Nug amu dilag aum. "Da yabhok danabte daatem amunu ag qep elab amu daḏib ele aon adailkulagnu uḏipig? ⁵³Ded oh da ag ele mana metak lag oopa daamut amge ag ii adailpig amge haen imu amu ahilag haen amu Satan nug udat nuhig ahilagpa hete," awa aum.

PETRUS NUG JESUS II DOOTENU AUM

⁵⁴Jesus Nug nai amu amelagpa ana male, ag Nug adan, aon gopig. Ag Nug aon, mana metak danab dilag iki laugpa ukaeg, Petrus nug dim lamata ukom amge nug nakok pide dim lamata ukom. ⁵⁵Amu danab ag lag amunu hadap-

pa ab ilan uđigna daaegeg, Petrus ele oh daapig. ⁵⁶Daaegeg, uđat hak nid ahin laa Petrus ab uđika dayeye anća, ah amu nug Petrus neekićata, “Danab imu nug Jesus ele oipid,” awa aum. ⁵⁷Ah nug aum amge Petrus nug amegpa aum. “Iića, da Nug ii dooćem,” awa aum. ⁵⁸Nug anam awowa, nakok dayeye amu danab laa nug Petrus anća, nug amegpa, “Na ele nuhig danab laa,” awa aum. Amge Petrus nug amegpa aum. “Da am iitanab,” awa aum. ⁵⁹Nug anam a, dimpa aua laipu uke, danab laa nug Petrusnu inam aum. “Danab umu nug amu Galelia danab amunu genabnab, nug Jesus ele oh oipid,” awa aum. ⁶⁰Nug anam aum amge Petrus nug aum. “Danab, da na nai amu ame amu da ii dooćem!” Nug anam aawo, matuk dawai paha gayom. ⁶¹Anam he, Nađi Nug edua Petrus neekiće, nug ameg qewoya, Petrus aaku Jesusnu nai, “Tuqan imupa na dahilnu, ‘Da Nug ii dooćem,’ aon, haen ewam batak akut. Na haen ewam anam ape, dimpa matuk dawai nug gaaku,” nai amu Petrus daugpa doum. ⁶²Nai amu daugpa do, aaku Petrus dimitim uka, oo doyak huanak ele gayom.

AG JESUS AON AON QEDAPIG

⁶³Amu danab ag Jesus adapig ele amu, ag Nug aon aon qetan, Nug makudpig. ⁶⁴Ag ele lamenpa ameg qakan, epelagpa Nug idu owona amu ag apig. “Kayak na ehaniteb, aun nug na oitom ape dootu!” aon apig. ⁶⁵Ag anam henan, ag Nug aon aon qedapig.

LAALA JESUS HETODIDPIG

⁶⁶Ag anam heegeg, aam be, Israel iki danab, mana metak danab okai amu do mehuqak danab ele ag uđin qag meeg, ag Jesus aon gona, ag noolagpa meeg dayom. ⁶⁷“Nug apa dayeye amu ag Nug od medapig. Na amenigpa a! Na amu Kristuste o iića?” aon apig. Aeg amu Nug

ag amelagpa aum. “Da ag amelagpa api amu ag genab ii doomna,” awa aum. ⁶⁸Anana Nug aum. “Da keeke laanu od madakul amu ag nai dahil amu nob edun ii akulag ⁶⁹amge dimpa Danab Bekalag da, da Kayak gagatag oh ele amu, da Nug epeg nadiappa, amuam anuqak aben, amupa daakul,” awa aum. ⁷⁰Jesus anam a amu ag oh apig. “Aaku amunu na amu Kayak bekte?” aon apig. Aeg amu Nug amelagpa aum, “Ag anam ateb,” awa aum. ⁷¹Anam a amu ag apig. “Ig danab laala danab imu ehed heumnu matiglagnu ii matimta. Nug nuća Nug odepa aawo, ig nuhig nai aaku doomut,” aon apig.

23 Ag Jesus aum amu doona, ag oh ahan, omalna Pilatus topa gona, nug epegpa mepig. ²Ag gona, apa ahan, nug bedupa nai huanak yaan apig. “Ig danab imu anitutum, Nug ihinig kobol kabolite, ig kaisanu takis mematanu gun ma, Nug nuća hume, atan te aum. ‘Da Kristus, da king laa,’ awa aum,” aon apig. ³Ag anam aeg amu Pilatus nug Jesus od metom. “Na Juda dilag kingte?” A amu Jesus aum, “Na aaku atem,” awa aum. ⁴Aaku Pilatus nug mana metak iki danab amu danab ah ameg nadi ag amelagpa aum. “Da danab imu nuhigpa ehed hak laa da ii anidmi,” awa aum. ⁵Nug anam aum amge ag huana gagatagnab enan apig. “Nug danab ah oh biilagpa yak nai madete, laih Judanu ag oh dab mak kudum aoteb. Nug kobol amu Galelianu dig me uđia, ipa ele beum,” aon apig. ⁶Ag anam aon aeg, Pilatus doya amu nug ag od matom. “Danab imu Nug am Galelia danabte?” awa aum. ⁷Aria nug Jesus am Galelianu, Herodes Antipas wan amu gumom ele, apanu uđiom doya, nug me Herodes Antipas topa ukom. Haen amupa Herodes Antipas nug Jerusalem dayom.

⁸Uke, Herodes Antipas anća, oo gamag ahom. Nug Jesusnu nai doya, haen elab

nug Jesus anidkunu dab meum. Adinu? Nug Jesus kobol danab hekunu elele iita laa heeb anidkunu oo dayom. ⁹ Amunu Herodes Antipas nug keeke kudumnu Jesus od metom amge Jesus Nug od mak amu oh edua nob laa ii meum. ¹⁰ Amu mana metak danab okai amu do mehuqak danab ele ag uđin, bedupa nai huana yaapig. ¹¹ Herodes Antipas nug nuhikud daup ele ag Nug aon aon qetan, di metan, lamen kokod laa aon, takidna meeg, edua Pilatus topa ukom. ¹² Anuka Herodes Antipas nug Pilatus ele a keked daapid amge ded amupa amu a layam batapid.

PILATUS AG JESUS AD EMAITAKPA ATULKULAGNU AUM

¹³ Aria Jesus Nug edua uke, Pilatus nug mana metak danab okai amu ab gumak ikilkad amu danab ah ele ag onilagpa e, ag gumidna ukaeg, ¹⁴ nug ag amelagpa aum. “Ag danab imu aon, da gumidna uđin, ‘Nug danab ah ag gabman ele ban hekulagnu mad adate,’ apig amu da Nug ag amelagpa hetodimi amge da nuhig ehed hak laa ii anidmi,” awa aum. ¹⁵ Herodes Antipas nug ele ehed hak laa ii anta, edua me, ihinigpa uđiom amunu doyeg! Danab imu ig Nug qeput mauhkunu ehed laa ii heum. ¹⁶ Anam daate amunu da Nug bupa guitakib metoya, hepi goku,” awa aum. ¹⁷⁻¹⁸ Aria Pilatus nug anam a, danab ah ameg nadi ag daanna, ag oh enan apig. “Danab amu Nug qepe mauhad! Barabas edun aon meke!” aon epig. [Ahilag kobol laa anam daatom. Haen oh Pasowa dedpa Pilatus nug mani guitak danab laipu uhuqe do, madatom.] ¹⁹ Barabas nug am ab okai amupa gabman keked meta, ban ha, danab laa aqe mauheg, mani guitakpa dayom. ²⁰ Aria Pilatus nug Jesus uhuqkunu oo dayom amunu nug danab ah ameg nadi amelagpa Jesus uhuqkunu baula aum ²¹ amge

ag enan apig. “Ad emaitakpa atule, ad emaitakpa atule!” aon epig. ²² Aria Pilatus nug baula, amuam haen ewam, amelagpa aum. “Adinu? Nug adi ehed heum? Nuhigpa ehed hak laa, ig Nug qeput mauhkunu da laa ii anidmi. Anam amunu da nug bupa guitak metoya, hepi goku,” awa aum. ²³ Pilatus nug anam aum amge Juda ag wagainab mena, huanak gagatagnab enana, Pilatus nug Jesus ad emaitakpa atulkunu epig. Ahilag ewak amu Pilatus nai aum amu editom ²⁴ amunu Pilatus nug ahilag nai dim lamidkunu dab ma, ²⁵ nug danab gabman keked meta, ban ha, danab laa aqe mauhpig amunu mani guitakpa dayom, ag nug aoglagnu epig ele amu, Pilatus nug danab amu awa mata, nug Jesus, ag Nug qepep mauhkunu, daup danab epe-lagpa meum.

JESUS AD EMAITAKPA ATULPIG

²⁶ Pilatus nug Jesus daup epelagpa me, daup ag Jesus aon gonana, ibpa ag Sairini ted onig Simon anidpig. Nug ab dimitimnu uđia, ab okaipa nokunu doodo, ag nug dutunna hena, ad emaitak aon, nug gugapa meeg, nug mawa, Jesus dim lamița ukom. ²⁷ Danab ah ameg nadi ag Jesus dim lamidna gonana, ah kudum ag nuhignu oo doyak doonna gaapig. ²⁸ Ag anam hepig amge Jesus Nug edua amelagpa aum. “Jerusalem ah, ag dahilnu amu aib gaapig! Ag aka ahilagnu amu ag bekal kad adelkad dilagnu ele gayeg! ²⁹ Ag doyeg, dimpa haen nau laa uđieb amu danab ag akulag. ‘Ah ag nid iita, ah ag nid ii menupig, ah ag ded laa nid huh ii madapig ele amu, ahilagnu am ena,’ aon akulag. ³⁰ Geha haen amu uđieb, ag qaukonu akulag. ‘Na nena qadenigpa qe!’ Amu qauko nakoknu akulag. ‘Na nena tonike!’ aon akulag. ³¹ Adinu? Ag gemu haen nakok enapa kobol nau imu heteb amunu dim-

pa haen naupa amu mua naunab ag tonadku,” awa aum.

³² Haen amupa ag Jesus aon gonana, ag danab adit laa ele diiatna gopig. A kobol nau hepid amunu a Jesus ele aqaglagnu diiadna gopig. ³³ Ag gona, aben laa onig Ikilag Ebehi, apa tena, apa Jesus ad emaitakpa atulpig. Danab nau adit a ele oh atuladpig. Ag danab laa Jesus epeg nadiappa atulona, laa amu epeg nanehpa atulpig. ³⁴ Ag anam heeg, Jesus Nug unuqita aum. “Mame, na ahilag hipunin imu uhuqna mate! Ag heteb imu amu, ag ii doona heteb,” awa aum. Amu daup amu ag nuhig lamem aoglagnu amu ag otina, ameg wadele mewona, aun nug ameg aten aoku amu ag keeke laa onig dais amupa qid hena aopig.

³⁵ Danab ah ag hipaidna daanna antegeg amu iki danab ag nug aon aon qetan apig. “Nug danab laala ehanatom amunu Nug genab Kayak beka, Kayak tituanom dayeb amu, Nug nukta Nug ehanitad!” aon apig. ³⁶ Ag anam aegeg, daup danab ag ele aon aon qetan, gumidna dona, wain nau mua ele metaglagnu hepig. ³⁷ Ag anam henan amu inam apig. “Na Juda dilag king daatem dayeb amu na naka bedun uhuqe!” aon apig. ³⁸ Amu nuhignu nai laa inam aon yaana, ad emaitak igipa atulpig. “Danab imu nug amu Juda dilag king.”

³⁹ Danab nau adit atulatpig amu laa nug ele Jesus awa awa qeta aum. “Na am Kristusde! Na naka na bedun uhuqna, i ele uhuqite!” awa aum. ⁴⁰ Am laa nug anam aum amge laa nug laa aum amu doya, daug bata, amegpa aum. “Na anam aib ame! Na Kayak iite badidna, kobol nau nahip amu tudidna hekutnu hetem? ⁴¹ I nitaeg mauhtep imunu am ena, ag kobol elele hepig. I nob imu aognihnu am nai iita. Adinu? Ihinih ehed hemud nob iiku aotep amge danab imu Nug ehed laa ii heum,” awa aum. ⁴² Nug

anam anana, nug Jesus amegpa aum. “Jesus, na nahip do madodpa daanna amu na dahilnu dab mekutnu ool daate,” awa aum. ⁴³ Nug anam a amu Jesus Nug amegpa aum. “Da genabnab na amenpa atem. Gemu na da ele Paradispa daag-nih,” awa aum.

JESUS MAUHOM

⁴⁴⁻⁴⁵ Ag anam heeg uke, aam ameg tuelppa aam gatatu me, gatatu wan oh tona male uke, tueb aam ameg ewampa batom. Anam he, lamem okai mana metak lag oopa aiheg dayom amu katida adit meum. ⁴⁶ Anam he, Jesus Nug baag okaipa ewa aum. “Mame, da oudil na epenpa metem,” awa aum. Nug anam awowa, Nug mauhom.

⁴⁷ Jesus mauhe, daup 100 dilag iki nug amu anta, nug Kayak binag ma aum. “Genabnab danab imu Nug danab tutuku,” awa aum. ⁴⁸ Danab ah oh anidkulagnu udipig, ag kobol beum amu anidna, ag oolag ug ele edun gopig. ⁴⁹ Keeke amu oh beum amu Jesus laikud amu ah laala Galelianu ahan udipig ele, ag pide daanna, kobol amu oh anidpig.

JESUS GADA AMU MEN MODPA MEPIG

⁵⁰⁻⁵¹ Aria danab laa, onig Josep, nug Juda dilag ab okai Arimatia ateb, apanu, nug amu danab ena tutuku, nug am Juda dilag hetodiak okai onig Sanhidren amupa udat heum amge nug hetodiak laala ahilag dab mak, ahilag kobol ele Jesusnu hepig amu, nug uuom. Nug Kayaknu do madod ameg ma dayom. ⁵² Danab amu nug Pilatus gumita uka, Jesus gada aokunu od mete, Pilatus nug aokunu elele aum. ⁵³ Nug anam a, Josep nug Jesus gada awa, linen lamempa ita, nug mod laa oopa meum. Mod amu ag menpa bapaidpig. Mod bapaidpig amupa mauhak gada laa ii mepig, hamu dayom. ⁵⁴ Ded amupa amu ag Juda dilag

Metidnu keeke babaitaknu ded, Metid ahilag amu dig mekunu heum.

⁵⁵ Josep nug anam heeche, ah ag Galelianu ahaeg Jesus ele udipig, ag Josep dim lamidna gona, mod amu anidna, Josep nug Jesus gada atem meum amu ele ag anidpig. ⁵⁶ Ag antona amu ag edun laka gona, ag marasin goden mutudig ena ele Jesus bedu laaitaknu amu babaitona, ag Juda dilag Metid amu, do ate bia, hik aopig.

JESUS EDUA HIBAITOM

24 Aria Juda dilag Metid uka male, butuanab amu ah ag ahan modpa gopig. Ag goden mutudig ena ele babaitag dayom, amu ele akan gopig. ² Ag gona, men nadi mod ameg tonom amu laa nug dutune uka, mod amegpa ii daye anidna, ³ ag mod oopa nopig amge Nadi Jesus gada amu ag ii anidpig. ⁴ Ii anidna, ag amunu dab mak kudum aona, ootot aqe henana amu ag danab adit miag hipaidya daaeheh anatpig, ahilah lamen amu hakab ditag apinak ele. ⁵ Anidna, ah ag badan, wampa dup nopig amge danab adit a ag amelagpa apid. “Adinu ag danab bau am ag mauhak gadalag maadteb abenpa matin oiteb? Nug ipa iita. Nug edua hibaitom,” aoya apid. ⁶ A anam ayaya amu amelagpa nai tudidya apid. “Nai imu haen Nug Galelia dayaya, ag amelagpa matiom amu, ag daulagpa doad! ⁷ Nug ag amelagpa inam awa aum. ‘Ag amu Danab Bekalag da, da adailna, iita adi danab epelagpa meidpeg, ag amu da ad emaitakpa atulidpeg amu geha ded ewampa Kayak Nug heeb, da edue hipaidkul,’ awa aum,” aoya apid. ⁸ Aria ag Jesus Nug nai amu anuka amelagpa aum amunu dab mepig.

⁹ Aaku modpa daapig amu ag uun, edun gona, ipunitak awak danab elewen amu amelagpa awona amu danab laala ele amelagpa ag keeke oh anidpig,

amunu madipig. ¹⁰ Maria, Magdala ted, Joana amu Maria, Jakobus anig, aria ah laala ag ele ag nai amu ipunitak awak danab amelagpa madipig. ¹¹ Ah ag nai amu amelagpa madipig amge ipunitak awak danab ag ahilag dab makpa, “Ah ag nai ulah hamu maditeb,” aon anana, ag nai matieg doopig amunu oolagpa genab ii doopig. ¹² Oolagpa genab ii doopig amge Petrus nug aha, qaibad modpa uka, gemela, mod oopa neeke no amu linen lamenib dayeye antowa amu nug edua uka, keeke amunu dab mak kudum awom.

DANAB ADIT EMAUS IBPA JESUS ANIDPID

¹³ Amu ded amupaib ag oolagpa danab adit a ab nakok onig Emaus apa gopid. Ib Jerusalemnu aha Emaus ukak amu 11 kilomita anam. ¹⁴ A goyaya amu a keeke oh Jerusalem apa hepig amunu madipid. ¹⁵ A amu matiiya, nug od metaiya ukaeheh, Jesus Nug tula do, a ele oh gopig. ¹⁶ Ag oh gopig amge a Nug am Jesus a ii doopid. Adinu? A amelah ii opatom.

¹⁷ Amunu Nug a od mata, amelahpa aum. “A amu adi keekenu nai matiya gotep?” Anam awa a amu danab adit amu oolahpa elele ii dooya, idulah nauhe, hipaidya daapid. ¹⁸ Anam daaiya, danab onig Kliopas nug aha amegpa aum. “Amu danab ab laih laihnu oh ag gemu Jerusalem daateb amu ag oolagpa na naka akuibtai keeke oh haen imupa Jerusalem beum am iite dootem?” awa aum.

¹⁹ Nug anam awa a amu Jesus Nug a od matom. “Adi keeke?” Awa a amu aria a Nug amegpa kobol oh Jesusnu hepig amu matiya inam apid. “Jesus, Nasaret ted, Nug amu Kayaknu propet, Nug Kayak nai diig genab gaga tag ele Kayak noobpa danab ah amelagpa ele matia mehuqaqa, udat gaga tag ele haaha oiyom. ²⁰ Amu mana

metak danab okai, amu ihinkad iki danab ele ag aon, gabman epelagpa mena, qepeg mauhkunu aeg, gabman ag nug ad emaitakpa atulpig. ²¹ Amge ig nuhignu amu genab doomut, Nug amu Israel dilag edua awikak danab. Ag anam heeg udie, gemu am ded ewam iiku. ²² Amu laa ele amu gemu ig oonigpan ah laala, ag heeg ig otaimut. Ag butuanab ahan modpa gopig ²³ amge ag Jesus gada ii anidpig. Ii anidna amu ag edun udin, ag engel adit anategeg, 'Jesus Nug bau daate,' apid amu aeg doomut. ²⁴ Ag anam aeg amu ig oonigpan danab laala ag modpa gona, keeke ah ag apig ele amuib anidpig amge Nug amu ag ii anidpig," aoya apid.

²⁵ Anam aeh, Jesus Nug amelahpa aum. "A danab dab mak iita ele. Kayaknu propet dilag nai amu mehuqpig amge a oolahpa amu a genab ii doopid," awa aum. ²⁶ Nug anam anana, Nug a amelahpa nai tudita aum. "Kristus Nug guitak awa, amupa anuqak abenpa daaku amu propet laa nug Kayak ode awa iite yom?" awa aum. ²⁷ Nug anam amelahpa awowa, Nug Mosesnu naipa dig me uke, Kayaknu propet oh dilag nai amu amelahpa mehuqom. Nug Kayak nai yak oopa nuhignu nai aum niite amu oh diig mehuqom.

²⁸ Nug mehuqege, ag gona, ab a gopid ele amu gukuidnana, Jesus Nug anam haaha, uuata gokunu heum ²⁹ amge a Nug hagaka aoya apid. "Na i ele daatu! Aam no, uu doumde!" Anam aeh, amu Nug lag oopa no, oh daapig. ³⁰ Daanna dimpa e lakulagnu hena, Jesus Nug ele oh daanna, Nug bret awa, Kayak unuqita, pane ne, Nug matete, ³¹ a amelah opate, a Nug amu Jesus anidya doyeheh, Nug ukom. Uke, a Nug baula ii anidya ³² amu aya aya inam apid. "I ibpa udiudud, Nug Kayak nai meu tutuku mehuqe doomud amu i oonihpa nuhig nai meu elenab iite doomud?" aoya apid.

³³ A anam ayaya, a ded amupaib ahaya, eduya Jerusalem goya, ipunitak awak danab elewen apa daapig amu laala ele ag qag mena daaegeg anapid. ³⁴ Anateh amu ag a amelahpa apig. "Genabnab, Nadi Nug edua hibaitom, Simon nug antom," aon apig. ³⁵ Ag anam aeg amu danab adit a ibpa keeke oh be anidpid amunu matiya amu tudidya apid. "Nug Kayak unuqita, bret pana mete, i nug anidna, aaku i Nug doomud," aoya apid.

IPUNITAK AWAK DANAB AG JESUS ANIDPIG

³⁶ Ipunitak awak danab amu danab laala ele ag nuhignu aaku matinna daaegeg, Jesus Nug nuka tula doa, oolagpa hibaita, amelagpa aum. "Ag oo mak, madoq ele dayeg!" awa aum. ³⁷ Nug anam a, ag otaina, badan ag dab makpa apig. "Ig dotog laa anidtem," apig. ³⁸ Amge Nug ag amelagpa aum. "Ag adinu otaina oolagpa dab mak laala aoteb?" ³⁹ Ag da epel bael ele iikud anteg! Daib iiku daatem. Ag epelag bahina adailna anteg! Dotog nug bedu, ebehi ele iita, ag da anidteb bia," awa aum. ⁴⁰ Nug anam anana amu Nug epeg baeg ele ipuanatom. ⁴¹ Ag Nug anidna, ag oolag gamag huan ahom amunu ag oolagpa genab ii doopig, ahilag dab mak pide pide ele anata amu amelagpa aum. "Ag e laa ana daatete?" awa od matom. ⁴² A amu ag kakai laih maipig amu aon metaeg, ⁴³ Nug ada lanana antegeg, ⁴⁴ Nug amelagpa aum. "Anuka da ag ele daatta ag amelagpa dahilnu nai oh Mosesnu dopa amu Kayaknu propet dilag yakpa ele nai amu oh bekununab ami amu aaku meu beum," awa aum.

⁴⁵ Nug anam anana, Nug nai yak amu oolagpa tutukunab genab maiteb dooglagnu ipuanatata, ⁴⁶ amelagpa aum. "Kayaknu yak inam ipunigte. Kristus Nug guitak awowa amu ded ewampa

nug edua hipaidku. ⁴⁷ Amu danab ag oolag edukunu amu ag hipunin uhuqa metak aoglagnu, laala ag Nug onigpa nai amu danab budub ohnu oolagpa mehuqpepeg dooglag. Ag udat amu Jerusalem dig mekulag. Kayak nai anam ipunigte. ⁴⁸ Amu ag gemu da ele iiku daatem amu ag dahilpa keeke oh anidpig,” awa aum. ⁴⁹ Jesus Nug anam anana, Nug baula tudita aum. “Doyeg! Da Mamel Nug keeke amu anuka ag madaḱunu nai qaqa aum amu da hepi

neku amge ag ab okaipa daapeg, hab atanu gagatag amu ahilagpa neeb, ag udat dig mekulag,” awa aum.

⁵⁰ Nug anam awowa, Nug aha, diie gona, Betani apa Nug epeg huma itatom. ⁵¹ Nug itatete amu Kayak awe, nug uuate, hab atan ukom. ⁵² Nug anam he, ag oolag gamag ahak nadi ele Nug binag mena, ag edun Jerusalem gopig. ⁵³ Gona ag hanhan mana metak laka daanna, ag Kayak binag menan daadtḱig.

KAYAKNU NAI JOHANES YOM

JESUS, ONIG LAA NAI, NUG DANAB BEUM

1 Kayak Nug keeke oh dig ma heum, haen amu ii nak amu Kristus, Nug onig laa Nai, Nug dayom. Nug Kayak noobpa dayom amge anamib iita, Nug ele Kayak dayom. ²A oh daapid amu Kayak Nug keeke hekunu dig ma, ³Nug keeke oh Kristus epegpa me heum. Keeke laa ib laapa ii beum. ⁴Jesus Nug am bauklel hanhannu diig. Bauklel amuam danab oh dilag amahlak. ⁵Amahalak amu Nug gatatupa amahalte amu gatatu nug amahlak amu edidkunu elele iita.

⁶⁻⁷Kayak Nug danab laa nug danab ah amelagpa nai mehuqkunu epedie doum. Danab amu onig Johanes. Nug amahlaknu nai mehuqebeb, danab ah oh ag nuhig mehuqak amupa oolagpa genab dooglagnu ahom. ⁸Nug am amahlak amu iita amge nug amahlak amunu mehuqkunu ahom.

⁹Amahlak amuam amahlak genab. Nug wanpa udia amu danab ah oh amahlak madate. ¹⁰Ao, Kristus, onig laa Nai, nug wanpa dayom, wan imu amu Nug he beum amge wanpanu danab ah ag Nug ii doopig. ¹¹Nug keeke heumpa na dayom amge danab ag Nug do ii metan ii aopig. ¹²Amge laala ag Kristus aopig amu ag aaku Kayak bekod daaglagnu gagatag matom. ¹³Ag tiig makulakpa amu bedunu kobolpa, o danabnu dab makpa, ag Kayak bekod ii bepig. Iita! Kayak Nug he, ag Nug bekod bepig.

¹⁴Am Kristus, onig laa Nai, Nug danab bedu awa, ig oonigpa dayom. Nug am Kayak beka laipunab amunu nuhig binag okai ele dayeye, ig Nug binag amu okai anidmut. Amu genabnu diig

amu ehaniatak okai hamu metak kobol ele amuam nuhigpa am baknab ele daate. ¹⁵Amu Johanes nug nuhignu nai mehuqaqa ewa aum. “Da anuka nuhignu matimi ele amu aaku. Da ami. ‘Nug da dim lamida udite, Nug am da edilak. Adinu? Da ii daami haenpa amu, Nug haen amupa ele dayom,’” awa aum. ¹⁶Keeke ena oh amu nuhigpa am bak daate amunu ig nuhigpa ehaniatak digdiig aaku aomut. ¹⁷Yo, do amu ig Moses nuhigpa aomut amge ehaniatak okai hamu metak kobol am keeke genab ele amu ig Kristus nuhigpa aomut. ¹⁸Danab laipu laa nug haen laa Kayak ii antom. Iitanab. Kayak Beka laipunab, Nug Kayak ele ou qak daatep amu, Nug aakuib anita doya, Kayak ipunikom.

JOHANES UDAT DIG MEUM

¹⁹Aria ded laa Juda okai ag mana metak danab amu Lewi budub danab laa ele Jerusalem apanu Johanes nuka nuhignu od metaglagnu maateg gona, “Na am aun?” ana od metaeag, ²⁰Johanes nug ag amelagpa, “Da am Kristus iita,” akunu ii uuom. Iita, nug miag nai mehuqaqa, “Da am Kristus iita,” awa aum. ²¹Anam a amu ag apig. “Anam daate dayeb amu na am aun? Na am Eliaste?” aon apig. Aeg amu nug aum. “Da am nug iita.” Nug anam a amu ag apig. “Ge na nug iita daatem dayeb amu na am propet laa udikunu, ig nug ameg metem ele amute?” aon apig. Ag anam aeg amu nug, “Iita,” awa aum. ²²Anam a amu ag apig. “Ehe! Ig danab meikeg udimut ele amu ahilag od mak nob edugnignu am na naka nahipnu amu adinab atem?” aon apig. ²³Ag anam aeg amu Johanes nug inam aum. “Da amu, baag laa propet Jesaia aum bia, atu tadakpa, ‘Ag oolagpa Nadinu ib babaiteg!’ awa ete,” awa aum. ²⁴⁻²⁵Anam daye amu maateg udipig ele amu ag oolagpanu laala ag do gumak danab-Parasia daapig

amu ag Johanes od metan apig. “Na Kristus iita, Elias iita amu propet ele iita. Anam dayeb amu na adinu danab ah layadtem?”²⁶ Ag anam aeg amu Johanes amelagpa aum. “Da amu ag lepa layadtem amge ag oolagpa apa laa hibaitom daate ele amu ag Nug ii dooteb.²⁷ Danab amu Nug da dimulpa udite amge dahil hak amu nuhig ele, elele iita, Nug am da edilak,” awa aum.²⁸ Johanes nug Jodan lepa danab layate, keeke imu oh amu Betani apa beum. Betani amu Jodan le laih apa dayom.

JOHANES KAYAKNU SIPSIP NAG IPUANATOM

²⁹Wagkade ded amupa Jesus Nug Johanes gumita udieye, Johanes Nug anta aum. “Anteg, Kayaknu Sipsip Nag, Nug wanpan danab dilag hipunin uhuqte ele amu, Nug am uuqu.³⁰ Am danab umu aakuib da nuhignu inam ami. ‘Danab Nug da dimulpa udite ele amu, Nug da edilak. Adinu? Nug anukanab da ii daami haenpa ele, Nug dayom.’³¹ Laa ele, Nug Kayaknu sipsip nag daakunu matu ii doomi amge da Israel danab Kayaknu Sipsip Nag ipuanadkulnu udien, danab ah lepa layadtem,” awa aum.

³²Johanes anam anana amu nug nai tudita aum. “Da Kayak Oudi Nug hab atannu, ai upudil bia na, Nug qadepa dayeye anidmi.³³ Da ele Nug ii doolom amge laa Nug da danab ah lepa layadkulnu meide udimi ele amu, Nug a doomi. Nug aum. ‘Kayak Oudi Nug na, danab laa qadepa daaku amu danab amu aakuib Nug geha Kayak Oudipa layadku,’ awa aum.³⁴ Amu da anidmi, nuhignu da maditem ele amu, Nug am Kayak beka.” Johanes anam aum.

JESUS IPUNITAK AWAK DANAB DIG MA DIIOM

³⁵Aria ded amu uue wagkade, ded amupa Johanes nug baula apa dayeye, nuhig ipunitak awak danab adit ele daapig.³⁶ Ag anam daanna, nug Jesus oieye anta aum. “Anted! Umu am Kayaknu Sipsip Nag,” awa aum.³⁷ Nug anam a amu ipunitak danab adit a Johanes nai aum amu a dooya, a Jesus dim lamiteh, ³⁸Jesus Nug edua anata, Nug aum. “A adi maditep?” awa aum. Nug anam a amu a apid. “Rabi na adepa daatem?” aoi apid. Rabi eduak am ipunitak danab.³⁹ Aeh amu Nug aum. “A doya, da daatem aben anted!” Nug anam a amu a Nug dim lamiteh gona, Nug daate aben amu anidpid. A Nug ele oh gopig, amuam aam ameg wadele anam amu ded amu, haen amu uke tueb batak a Nug ele apa daapig.⁴⁰ Aria nid adit Johanesnu nai dooya, Jesus dim lamidpid ele, amunu oolahpa laipu laa nug onig Andreus, nug Simon Petrus ele, a am eamag.⁴¹ Amu nug paha uka, Simon anta, nug amegpa aum. “I Mesias aaku anidmud,” awa aum. Mesias diig amu danab laa Kayak Nug Nug wan imu ohnu okai daakunu epedim. Grik naipa Mesias eduak amu Kristus.⁴² Anam anana amu Andreus nug Simon omala, Jesus topa ukom. Uke Jesus anta, amegpa aum. “Simon, Johanes beka, nahipnu ag geha Sipas akulag,” awa aum. Grik naipa Sipas eduak amu Petrus. Onig adit amu oh meu am men.

JESUS PILIPUS NATANIEL ELE ONILAHPA EUM

⁴³⁻⁴⁴Wagkade, ded amupa Jesus Nug Galelia gokunu dab maama, Nug Pilipus, nug am Betsaida ted, nug Andreus Petrus ele, ag oh apalag laipu amu, Jesus Nug nug matia anta amu nug amegpa aum. “Na da dim lamide!” awa aum.⁴⁵ Anam

a amu Pilipus nug Nataniel matia anta, amegpa aum. “Danab Moses nug anuka do naipa nuhignu yom, propet ag ele nuhignu yaapig amu ig aaku anidmut. Nug am Josep beka Jesus, Nasaret ted,” awa aum. ⁴⁶Nug anam a amu Nataniel nug aum. “Nasaret upanu amu keeke ena anam laa ii udim,” awa aum. A amu Pilipus nug aum. “Dona ante!” awa aum. ⁴⁷Pilipus nug anam a, Nataniel nug Jesus anidkunu udieye, Jesus Nug anta, Nug aum. “Anteg! Umu am Israel ted genab. Nug oopa am ham buprak laa iita,” awa aum. ⁴⁸Anam a amu Nataniel Jesus od metom. “Atemun na da dooidme?” awa od metom. Nataniel anam a amu Jesus odepa awa aum. “Pilipus nug na oninpa eum, haen amu ii nak, da na ad onig pig waapa dayeye anidmi,” awa aum. ⁴⁹Jesus anam a amu Nataniel odepa awa aum. “Ipunitak danab, na am Kayak beka, na Israel dilag King,” awa aum. ⁵⁰Anam a amu Jesus Nug Nataniel odepa awa aum. “Da na ad pig waapa anidmi ami amunute na ootpa genab dootem? Na keeke amu editak, laa ele geha anidkut,” awa aum. ⁵¹Jesus Nug anam anana, Nug nai baula ele tudita aum. “Da genabnab genab ag amelagpa atem, geha hab obateb, Kayaknu engel ag Danab Bekalag da, da gumidna nenan tebepeg anadkulag,” awa aum.

JESUS NUHIG UDAT DIG MEUM

2 Aria ded adit uee, ded ewampa, ab onig Kana, Galelia wanpa, apa danab laa ah aokun heum. Jesus anig nug hobul amupa danab amu laugpa dayom amu ²ag Jesus Nug nuhikud ipunitak awak danab ele, ag oh ele hobul amupa daaglagnu onilagpa epig. ³Ag anam eeg daaegeg, dimpa danab amu ahilag wain iita me, Jesus anig nug Jesus amegpa aum. “Wain ahilag iita meum,” awa aum. ⁴Nug anam a amu Jesus Nug ameg-

pa aum. “Anai, imu am i ohnu keeke iita. Da keeke danab hekunu elele iita, amu hekulun haen iite doum?” awa aum. ⁵Jesus anam a amu anig nug begbeg danab amelagpa aum. “Nug nai laa amelagpa ab amu ag Nug ode dim lamiteg!” awa aum. ⁶Amu le itaknu hanak menpa hak eblaih laipu ele, Juda ag haen oh ahilag kobolpa amupa le laaglagnu meeg daapig. Hanak amu anen anen le hai gokod 100 keeke inakunu elele. ⁷Amu Jesus Nug begbeg danab amelagpa aum. “Ag le itapeg, hanak am beigi!” awa aum. Nug anam a amunu ag le itaeg, hanak amu oh am bena, agap bepig. ⁸Hanak am beeg, Nug aum. “Laa itapeg nob, aon gona, e gumak danab okai amu meteg!” awa aum. Nug anam a, ag aon gona, ⁹nug metaeg amu e gumak danab okai nug le geha wain eduom amu baag dookunu nakok laum. Nug wain amu adepanu amu nug ii doyom amge begbeg danab le itapig ele amu ag doopig. Aria e gumak danab okai nug wain amu nakok lawowa, nug danab ah aote ele, danab amu onigpa eum. ¹⁰Onigpa e udie amu nug aum. “Danab oh ag wain ena amu tatam mataeg laeg, dimpa amu ag wain nakok nau bia amu madateb. Amge na am wain ena amu haka awe dayom, geha iiku wain ena aon dome,” awa aum. ¹¹Aria Jesus Nug amu heum amu amupa Nug eponak keeke danab hekunu elele iita, kobol amu hekunu dig ma heum. Nug Kana abpa, Galelia wanpa anam ha, amupa Nug nuhig gagatag ipuanate, nuhikud ipunitak awak danab ag nuhignu oolagpa genab doopig. ¹²Hobul amu male, Jesus Nug anig, laikud amu nuhikud ipunitak awak danab ele ag Kapenaum apa nona, nakok daapig.

JESUS JUDA DILAG MANA METAK LAKA UKOM

¹³Apa daaegeg uke, Juda dilag Pasowa metid hobul guguitete, Jesus Nug

Jerusalem apa ukom. ¹⁴ Apa mana metak lag oopa danab ag bulmakau, sip-sip, amu upudil ele ag daden meegeg anatom. Amu danab men dođo baoliteb ele amu, ag ele daegeg anatom. ¹⁵ Jesus Nug anam anaťa, Nug matađaknu keeke muđipa aka, danab mana metak laka daapig ele amu ahilkad sipsip, bulmakau oh lamaťaťa amu Nug danab balalpa men dođo baolina daapig ele amu ahilag men dođo gokade no, balal ele huma awe, na qeum. ¹⁶ Na qe, danab ai meeg daden mepig ele amu amelagpa aum. “Keeke amu akan ukeg! Ag da Mamel laug amu aib hepeg, en lag bia dayom!” awa aum. ¹⁷ Jesus anam a, nuhikud ipunitak awak danab ag Kayak naipa, nai daate, amu daulagpa doum. Nai amuam inam. “Da na lautnu ool huanak daate amunu da na laut ena daakunu wagai metem.”

¹⁸ Anam daye amu Juda ag amu anidna, ag Jesus amegpa apig. “Na adi eponak keeke, danab hekunu elele iita laa hepe, ig anidta amu na gagatag amupa daatem amu ig doognig?” aon apig. ¹⁹ Aeg amu Jesus Nug ag ode-lagpa awa aum. “Ag mana metak lag imu ag hepeg nauheb, da ded ewam oopa da edue bapaidkul,” awa aum. ²⁰ Jesus anam a amu ag apig. “Mađ 46 anam ag mana metak lag imu henan daapig, amu na ded ewam oopa hekutnu atemte?” aon apig. ²¹ Amge Jesus Nug mana metak lagnu ii aum. Iita. Nug bedunu aum. ²² Amunu dimpa Jesus Nug modpa mauhak oolagpanu edua hibaite amu ipunitak awak danab ag Nug anuka aum amu daulagpa do, ag nai yak, amu nai Jesus Nug aum, amu ele oolagpa genab doopig.

²³ Amu Jesus Nug Pasowanu metid hobul amu apa dayaya, eponak keeke, danab hekunu elele iita kudum heehe, danab ag anidna, nuhignu oolagpa genab doopig. ²⁴ Amge Jesus Nug danab

ah dilag dab mak, ag Nug ahilag wan imupan okai daakunu mekulagnu dab mepig, dab mak amu doyom amunu ag anam hemananu Nug nukta Nug awaitom. ²⁵ Nug danab diilag oh doyata malom. Danab laipu laa nug danab dilag dab mak amu amegpa akunu elele iita. Nug nukta danabnu dab mak oh doya malom.

JESUS NIKODEMUS ELE NAI MADIPID

3 Aria do gumak danab-Parasia laa onig Nikodemus, nug am Juda dilag iki, ² danab amu nug tuqan Jesus gumita udia, Nug amegpa aum. “Ipunitak danab, ig dootem, na am ipunitak danab Kayak topanu udime. Ante, Kayak Nug danab laa ii ehaniteb amu nug eponak keeke, danab hekunu elele iita, na hetem ele amu, nug hekunu elele iita,” awa aum. ³ A amu Jesus odepa awa aum. “Da genabnab genab na amenpa atem. Danab nug bau menuak ii aoku amu nug Kayaknu do mađod ii anidma,” awa aum. ⁴ Jesus anam a amu Nikodemus nug amegpa aum. “Danab nug kaino daate amu nug atemun edua bau menuak aoku? Nug baula anig oopa nob, anig nug edua menukunu elelete?” awa aum. ⁵ Nikodemus anam a amu Jesus odepa awa aum. “Genabnab genab da na amenpa atem. Danab nug lepa, amu Kayak Oudipa ele menuak ii aoku amu nug Kayaknu do mađod oopa gokunu elele iita,” awa aum. ⁶ Danab nug bedu bau daakunu, amuam anig mameg dilahpa aote amge danab nug oiyak bau, hanhan dayaknu amu, nug amu Kayak Oudi epegpanu aote. ⁷ Anam daate amu da na bau menuak aokutnu ami amu na amunu dab mak kudum aib aome. ⁸ Am ulah nug adekupanu udia, aten gote amu na ii dootem, nug ukak nuhigib dim lamidte amu na nuhig oqoti aakuib dootem. Amubia danab ah Kayak Oudipa bau menuak aoteb ele amu,

danab ag amunu diig oh anidna, oolag maidkunu elele iita,” awa aum. ⁹Jesus anam a amu Nikodemus odepa awa aum. “Keeke amu nug atemun anam beku?” awa aum. ¹⁰Nug anam a, Jesus baula Nikodemus odepa awa aum. “Na amu Israel dilag ipunitak danab okai am atemun na keeke imu ii dootem?” ¹¹Genab genab da na amenpa atem. Keeke ig dootem ele amu ig amunu mehuqtem, keeke ig anidtem ele amu ig amunu maditem amge ihinig matiak amu ag dab ii medteb. ¹²Da wan kobolnu mati, ag oolagpa genab ii doopig amunu atemun da hab atan kobolnu madipi, ag oolagpa genab dooglag? ¹³Laipu laa nug hab atan ii teum. Iita. Danab Bekalag da aakuib apa dayeye, hab atannu udimi. ¹⁴⁻¹⁵Anuka atu tadakpa mat nau ag Israel oolagpa bena, danab ah emalateg mauheg am Kayak Nugib Moses amegpa a, mat dotog laa braspa ha qape, danab ag amu neegna anidna, ag ii mauhpig, amubia danab aun adi ag dahilnu oolagpa genab dooglagnu, ag bauklel hanhannu aon, hanhan bau daaglagnu, ag Danab Bekalag da, ad emaitakpa aihidkulag.

¹⁶Kayak Nug wan imupan danab oh dilag oo huana mauhom amunu Nug Beka laipunab me udiom. Nug me udiom amunu aun nug nuhignu oopa genab doote ele amu, nug padal ii mema. Iita! Nug bauklel daaku. ¹⁷Kayak Nug, Nug beka wan imupa me udiom amge Nug danab ah epediadkunu me ii udiom. Iita. Kayak Nug nuhigpa danab ah oh edua diiadkunu me udiom. ¹⁸Am aun nug nuhignu oopa genab doote amu nug nob nau awaknu hetodiakpa ii daate amge aun nug nuhignu oopa genab ii doote amu nug aaku nob nau awaknu hetodiakpa teum daate. Adinu? Nug Kayak beka laipunab amu nuhignu oopa genab ii doyom. ¹⁹Nob nau awaknu hetodiak diig amu iiku, amahlak wanpa udiom

amge danab ag wanpanu gatatu amunu oolag heum, ag amahlaknu oolag ii heum. Adinu? Ahilag kobol am nau. ²⁰Amunu am danab oh ag hak naupa daateb amu ag amahlaknu keked. Ahilag hak nau miag atimanu amu amahlakpa daaglagnu oolag ii daate. ²¹Amge laa nug kobol genabpa daate amu nug nuhig kobol amu Kayak Nug a doya heum amu miag atiak anidkulagnu amahlakpa daate,” awa aum.

JOHANES JESUSNU UDAT AMUNU DIIG PEHETA IHUHUOM

²²Anam mati malaeh, dimpa Jesus Nug nuhikud ipunitak awak danab ele ag Jerusalemnu ahan, Juda wanpa aben laih gona, Nug ag ele ded laala daanna, danab ah layatom. ²³Johanes nug ele Inon, am Salen guguitak, apa le kudum ele amunu nug apa danab ah layatete, ag udin layatak aopig. ²⁴Herodes nug Johanes mani guitak ii inom, haen amupa layatak amu dayom. ²⁵Anam heegeg, Johanesnu ipunitak awak danab laala ag Juda danab laa ele, ag danab Juda dilag dopa opia awak daakunu nai madipig. ²⁶Ag anam matina amu Johanesnu ipunitak awak danab ag gona, Johanes amegpa inam apig. “Ipunitak danab, danab laa Nug na ele anuka Jordan le laihpa daaiya, na nuhignu matime ele, danab amu Nug danab layatete, danab ah oh nuhigpaib goteb,” aon apig.

²⁷Anam aeg amu Johanes odelagpa awa aum. “Kayak hab atannu, Nug keeke laa danab epegpa ii meeb amu danab nug nuka nuhig dab makpa keeke amu aokunu elele iita. ²⁸Ag aka ele anuka da inam matiyi doon malapig. ‘Da am Kristus iita amge Kayak da meide, da nuhig ib bapaidkulnu anuqe udimi.’ ²⁹Amunu amu da am nid baunu kadoi bia. Nid bau nug ah aote amu ah amuam nuhig amge kadoi nuhig nug layag ah bau awom doya, oo gamag ahaate. Nid

baunu kadoi nug oo gamag ahak amu doote amubia da Jesusnu oolpa gamag ahak okainab dootem. ³⁰Nug onig amu okainab daaku, da amu nug waapaib daakul.

³¹Am laa Nug hab atannu nete amu Nug keeke oh editak daate. Laa nug wanpa bete amu wan imupanu keekeib madite. Laa Nug hab abpanu nete amu Nug keeke oh editak. ³²Laa Nug hab atannu neum amu, keeke Nug doya malom amu keeke Nug antom ele, Nug amunu madite amge laala ag oolagpa genab ii dooteb. ³³Amge danab nug nuhig matiak doya dab medate ele amu, nug Kayak Nug genabnu diig daate, nug amu oopa gagaṭag genab doote danab ah ipuanadte. ³⁴Yo, laa Kayak me udiom amu Nug Kayak nai madite amu Kayak Nug nuhig Oudi am bak medate. ³⁵Mame Kayak Nug Bekanu oo mauhte amunu keeke oh Nug epegpa meum. ³⁶Am laa nug Kayak bekanu oopa genab doote ele amu, nug bau dayak hanhannu awom daate. Laa nug nuhig nai dim ii lamidte amu nug bau dayak hanhannu ii awom. Iita. Opoḍi bak, Kayak Nug danab dilag hipuninnu doote ele amu, opoḍi bak amu nuhigpa daate,” awa aum.

JESUS SAMARIA AH ELE NAI MADIPID

4 Haen amupa do gumak danab-Parasia ag, “Jesus Nug Johanes edita, danab ah kudum diia layadte,” nai anam doopig. ²Amge Jesus ii layatom, nuhig ipunitak awak danab ag layadpig. ³Do gumak danab-Parasia ag nai amu doyeg, Jesus Nug amu doyom amunu Nug Juda atu uua, edua Galelia ukom.

⁴Nug Galelia gokunu ib elab ukak uua, Samaria opata wana, Galelia gokunu ugaka, ⁵Nug Samaria ab okai laa onig Saika, apa teum. Ab amuam Jakop nug beka Josep wan metom, amu guguitak. ⁶Anuka Jakop nug apa le mod nuhig

buuom. Amu Jesus Nug uka, amupa ta, beḍu bahi yom amunu Nug le mod amu guguitak hik awa, apa dayom. Haen amu aam ameg tutuku anam. ⁷⁻⁸Jesus Nug dayeye, nuhikud ipunitak danab amu ag e daden mekulagnu ab okai amupa gopig. Amu Samaria ah laa le itakunu udiom. Udie Jesus Nug ah amegpa aum. “Na le aon dope lai!” awa aum. ⁹Nug anam a amu Samaria ah nug aum. “Na amu Juda danab, da am Samaria ah. Amu atemun na, ‘Le aon dope lai!’ aon atem? Da am Samaria ah, Juda ag Samaria ele ou qak ii oiteb,” awa aum. ¹⁰Ah anam a amu Jesus odepa awa aum. “Na Kayak Nug do medakunu hete doolom amu na danab aun Nug nahipnu, ‘Na le aon dope lai!’ aum ele amu, na Nug amegpa ape, Nug na le bauklel ele amu metalo,” awa aum. ¹¹Jesus Nug anam a amu ah nug aum. “Danab Naḍi, na le itakutnu tapid iita am le mod imu ele umanab unuqagnab daate amunu amu na le bauklel ele amu adepanu aokutnu ame? ¹²Am ig alanig Jakop, nug le mod imu mekom. Nug bekod amu nuhikud bulmakau, sipsip ele ag anuka le imu ladapig ele amu, na nug edidtemte? Iita!” awa aum. ¹³Ah anam a amu Jesus odepa awa aum. “Danab oh ag le mod imupanu le lateb ele amu, ag le lapeg, haen oh le baalag baula diiku ¹⁴amge laa nug le da medatem ele imu, nug amu laku amu nug baula le baag ii diima. Iita. Le da medakul ele imu amu le mod bia nug oopa baaba daaku. Anam haen oh qepudia baaba, nug bau dayak hanhannu medaku,” awa aum. ¹⁵Jesus anam a amu ah nug Jesus amegpa aum. “Naḍi, le amu da mede! Medape, da baula le baal ii diima, ipa haen oh le itakulnu ele ii udipa,” awa aum. ¹⁶Anam a amu Jesus Nug amegpa aum. “Gona, na gamut ape doyeb, eduya udie!” awa aum. ¹⁷Anam a amu ah nug Jesus odepa awa aum. “Da danab

iiṭa,” awa aum. Anam a amu Jesus amegpa aum. “Na danab iiṭa aṭem am na genab aṭem. ¹⁸ Aḍinu? Danab tanig ele ag tatam na gamutad daapig amu danab laa gemu na ele daaṭep amu nug am na gamut iiṭa,” awa aum. ¹⁹ Jesus Nug anam a aria ah nug Jesus amegpa aum. “Danab Naḍi, da aaku na dooidmi, na am propet amunu ²⁰ na ape doyei! Ig mamenkaḍ amu ag qauko imupa Kayak binag medapig, gemu ig ele heṭem amge ag Juda amu, ag danab ah oh Jerusalem apa binag meḱulagnu aṭeb, amu ig aṭem heḱunig am ena?” awa aum. ²¹ Anam a amu Jesus oḍepa awa aum. “Ah, na dahil nai ootpa genab doye! Haen elab iiṭa ag baula Mame Kayak Nug binag meḱulagnu amu qauko imupaib binag ii memana o Jerusalem apaib ele Mame Kayak Nug binag ii memana. ²² Samaria ag amu ag Kayak binag meteb amu ag nuhig diig pehetak ii dooteb amge eḍua diiaknu uḍat amu ig Juda ihinigpa beṭe amunu ig Nug binag metem amu ig nuhig diig tutuku dooṭem. ²³ Amge haen aaku uḍiom, danab ag binag mak genab heḱulagnu amu ag Kayak Nug diig ipuniḱom dab menana, ag Kayak Oudi ehanitakpa ele Mame binag meḱulag. Binag mak anam amu Mame Nug oo daaṭe. ²⁴ Kayak Nug am Oudi amunu danab ag Nug binag elele meḱulagnu amu ag Nug diig ipuniḱom dab menana, ag Oudi ehanitakpa ele binag mepeḱ, elele beḱu,” awa aum. ²⁵ Jesus anam a amu ah nug Jesus amegpa aum. “Da Mesias uḍiḱunu aeg doomi, Nug am Kristus aṭeb. Nug uḍia, keeke oh danab ah ipuanadḱu,” awa aum. ²⁶ Ah nug anam maṭie amu Jesus amegpa aum. “Da na ele nai maditep imu amu daib am Nug aaku,” awa aum.

²⁷ Jesus anam aawo, haen amupa nuhiḱud ipuniṭak awak danab ag eḍun uḍin, Jesus Nug ah ele nai maṭieheh anatna, ag dab mak kuḍum aopig amge laipu laa nug ah amegpa, “Na aḍin oot

heṭe?” awa oot ii meṭom. O iiṭa, laa nug Jesus amegpa, “Na aḍinu nug ele nai maditep?” oḍ ii meṭom.

²⁸ Anam daaegeg, ah nug le itaḱunu hanak nuhig uue dayeye, eḍua abpa uḱa, danab amelagpa aum. ²⁹ “Dona, danab imu aṭeg! Nug keeke oh da anuḱa hemi amu miag amelpa aum. Nug am Kristus-tai?” awa aum. ³⁰ Aria danab ag ahan, ab uuna, Jesus gumidna uḍipig. ³¹ Amge haen gamag amupa nuhiḱud ipuniṭak awak danab ag Jesus amegpa apig. “Ipu-niṭak danab na e la!” aon apig. ³² Amge Nug aum. “Da e laa ele, ag e amu ii dooteb,” awa aum. ³³ Nug anam a amu ipuniṭak awak danab ag aḱa aḱa nug oḍ meṭan apig. “Danab laa e nuhig awa uḍia meṭomtai,” aon apig. ³⁴ Ag anam maṭiegeg amu Jesus Nug aum. “Laa Nug da meide uḍimi ele amu da Nug ode dim lamiteṭe, nuhig uḍat oh hein malakul amuam e dahil. ³⁵ Ag inam aon aṭeb. ‘Kalam wadele uueb, e oduak haen doḱu,’ aon aṭeb. Amge da ag amelagpa aṭem. Ag amelag humana, atu oh italna aṭeg. E oh oḍun malapig. ³⁶ Am laa nug meu aote amu nug nuhig uḍat nob awawa, nug danab laala bauklel hanhannu aoglagnu ehanadṭe. Ehanadṭe amunu e epak danab amu meu awak danab ele a oh oolah gamag ahaḱu. ³⁷ Anam daaṭe amunu nai imu am genab, ‘Danab laa nug e ebaṭe amu laa nug meu aote’.” ³⁸ Da danab laa uḍat hepigpa ag dahilad, gemu daaṭeb amu, ag dad amupa meu aoglagnu maati gopig. Laa ag tatam ahilag wagai makpa dad oopa e ebapig amu ag oopa nona meu aoteb,” awa aum.

³⁹ Aria Samaria kuḍum ag ahnu nai doona, ag Jesusnu oolagpa genab doopig. Aḍinu? Ah nug, “Da anuḱa keeke oh hemi amu Nug da amelpa aum,” awa aum. ⁴⁰ Amunu Samaria danab ag Jesus gumidna donana, Nug ag ele daaglagnu unuqidpig. Unuqiteḱ

amu Jesus Nug ded adit ag ele ab amupa daapig. ⁴¹Anam daanna, danab kudumnab ag nuhig nai doona, oolagpa genab doopig. ⁴²Oolagpa genab doona amu ag ah amu amegpa apig. “Ig na ame amupa oonigpa genab ii doomut. Iiṭa. Ig ika ele Nug odepa a doomut amupa ig aaku dootem, Nug am genab ig wan imupanu danab ah edua awikak danab,” aon apig.

JESUS GABMANNU IKI DANABNU NID BABAITOM

⁴³Ded adit amu uue, Jesus aha, Galelia ukom amge apag diigpanab ii ukom. Adinu? ⁴⁴Jesus Nug nuka anuka, “Propet nug apag diigpa amu onig iita,” awa aum. ⁴⁵Amu Nug uka, Galelia te, Galelia danab ag ele Pasowanu metid hobul nadipa gona, ag Jesus Jerusalem apa metid nadipa udat heehe anidpig amunu ag nuhignu oolag gamag ahom.

⁴⁶Aria Jesus Nug Galelia wanpa oiyaya, ab onig Kana apa ukom. Ab amupa Nug anuka le he, edua wain beum. Apa dayeye, Kapenaum abpa gabmannu iki danab laa amu nug beka ode ele dayom. ⁴⁷Haen amu danab amu nug Jesus Judanu aha, Galelia teum doya, nug ab, Jesus Kapenaum uka heeb, beka ena daakunu unuqidkunu ukom. Adinu? Nug beka ode ele amu nug mauhkunu miag dayom. Danab amu uka, Jesus gumita ta, nug bekanu Jesus unuqite ⁴⁸amu Jesus Nug nug amegpa inam aum. “Da hepi, ag eponak keeke, danab hekunu elele iita diigdiig ii anidkulag amu ag oolagpa genab ii dooglag,” awa aum. ⁴⁹Nug anam a amu gabmannu iki danab nug aum. “Nadi, nid dahil mauhmanu paha ne!” awa aum. ⁵⁰Nug anam a, Jesus Nug amegpa aum. “Na oot ug aib dayom. Na uke! Na bekat nug bau ena daaku,” awa aum. Danab amu nug Jesusnu nai doya, oopa genab doya, nug ukom. ⁵¹Nug ugeke amu

begbeg nuhikud ag uḍin, ibpa anidna amegpa apig. “Na bekat nug bau meum daate,” aon apig. ⁵²Anam aeg amu nug od matom. “Aam ameg atempa nug ena daakunu dig meum?” awa od matom. Od mate amu ag apig. “Tumai belo bek, wan kilok amu beḍu gakadak oug meum,” aon apig. ⁵³Aeg amu nug aam ameg amupanab Jesus Nug, nug bekanu amegpa aum doyom amunu nug nuhikudpa ele ag oh oolagpa genab doopig. ⁵⁴Jesus Nug Judanu Galelia uḍia amu eponak keeke, danab hekunu elele iita namba tu aaku heum.

JESUS BETSAIDA APA DANAB LAA BABAITOM

5 Keeke amu oh ba male amu dimpa Juda dilag Pasowa metid hobul laa beum. Be amu Jesus Nug Jerusalem ukom. ²Jerusalem ab adubnu od laa onig Sipsip Dilag Od, od amu guguitak amu le ameg laa dayom. Arameik naipa amu ag, ‘Betsaida,’ aon ateb. Le amu agapa danab daaglagnu ag ulah lag tanig ele, gediak iita hepig. ³Lag amupa ode danab kudumnab, amelag gaduak, didilag adak, bedulag laiḥ mauhak, ebehilag kaliatak ele daapig. [Ag le uḍalak ameg mena daadtapig. ⁴Haen laala engel nug le amupa na, le amu uḍaltom. Le uḍala male amu, aria danab aun nug tatam anuqa lepa notom amu nug ode nuhig atemutai ele amu haen agupa nug ena daatom.] ⁵Aria danab laa apa dayom amu nug mad 38 didi adak daatom. ⁶Jesus Nug danab amu niieye anta, Nug ode haen elab niiom amu Nug doya, danab amu od metom. “Na ena daakutnu oot daatete?” awa aum. ⁷Awa a amu ode danab odepa awa aum. “Danab nadi, haen le imu uḍalte amu danab laa da ehanida, le umupa meidkunu laa iita. Da daka le amu oopa nokulnu heiyi amu laa ag da qe edilna, ag tatam anuqna noteb,” awa aum. ⁸Danab anam a amu Jesus

Nug danab amegpa aum. “Na hipaidna, niiak keeke nahip aon, maon uke!” awa aum. ⁹ Jesus anam a amu pahanab danab beḁu ena daye, niiak keeke nuhig mawa, tapa ukom.

Jesus Nug amu heum amu Nug Juda dilag Metidpa heum ¹⁰ amunu Juda okai ag danab niiak keeke mawom ele amu amegpa apig. “Gemu am Metid, na niak keeke maomnanu do daate. Na aib tipalme,” aon apig. ¹¹ Aon aeg amu danab odelagpa awa aum. “Danab Nug he, da ena daami ele amu, Nug da amelpa, ‘Na niiak keeke nahip maon uke!’ aum,” awa aum. ¹² Nug anam a amu ag danab od medapig. “Laa Nug na niiak keeke nahip maokutnu aum amu, danab amuam aun?” aon apig. ¹³ Ag anam od medapig amge danab beḁu ena dayom ele amu, nug danab aun he, nug ena dayom ele amu nug ii doyom. Adinu? Danab, ah, nid nau-nau ele kudumnab amunu Jesus Nug ag oolagpa uka qetodom. ¹⁴ Danab amu nug Jesus ii doyom amge dimpa Jesus Nug danab amu mana metak laka apa anta, amegpa aum. “Ante! Gemu na beḁun paha etom. Ug nadinab na tonidmanu amu na baula hipunin aib heme,” awa aum. ¹⁵ Jesus anam a amu danab amu nug uka, Juda okai amelagpa aum. “Danab Nug he, da ena daami ele, Nug am Jesus,” awa aum.

¹⁶ Nug anam a, Jesus Nug keeke amu Juda dilag Metidpa heum doopig amunu diig amupa Juda okai ag Jesus ug metaglagnu dig mena ib madipig. ¹⁷ Ag anam hepig amge Jesus Nug amelagpa aum. “Mama Nug hanhan udat heeḁe uḁiom, gemu ele haaha daate amunu da ele udat hetem,” awa aum. ¹⁸ Amupa Juda ag Jesus qepeg mauhkununab oolag dayom. Adinu? Nug Metidnu doib ii tipalom. Iita! Nug, “Kayak Nug am da Mamelnab,” aum amunu nai amupa Nug Kayak ele laipu ipuanatom. ¹⁹ Juda okai

ag amunu ehed doopig amunu Jesus Nug amelagpa inam aum. “Genabnab genab, da ag amelagpa aḁem. Kayak Beḁa da, dahil dab makpa keeke laa ii hetem. Iita. Da Mamel he anidmi amu da ele anamib hetem. Keeke oh Mama heḁe amu Nug Beḁa da, da ele hetem. ²⁰ Mama Nug dahilnu oo mauḁe amunu keeke oh Nug heḁe ele amu, Nug da ipuniḁom. Nug geha udat kudum okainab, keeke amu oh eḁitak ele, ag oolag otaiḁunu, ipunidku. ²¹ Mama Nug laa mauhpig ele amu mad ate ahaeg, bau dayak madate, amubia Nug Beḁa da, da ele laala bau dayak madakulnu ool daate amu da madatem. ²²⁻²³ Mama Nug danab laa ii epedite. Iita, Nug danab ah oh ag Nug binag meteb, amubia da binal mekulagnu epediak udat amu oh Nug Beḁa da, da epelpaib meum. Am danab nug Kayak Beḁa da, da binal ii meḁe amu Mama, Nug da meide uḁimi ele amu, Nug binag ele ii meḁe.

²⁴ Da genabnab genab ag amelagpa aḁem. Laa nug nai dahil doya, laa Nug da meide uḁimi amu nuhignu ele oopa genab doote amu nug bau dayak hanhannu ele, nug padal maknu epediak ii anidma. Iita. Nug aaku mauhaknu ib uua, gemu nug bau dayak hanhannu ibpa daate. ²⁵ Da genabnab genab ag amelagpa aḁem. Haen laa uḁiḁunu heḁe, gemu iiku uḁiom amu, mauhak adi ag Kayak Beḁa da, da baal dooglag. Am danab amu oolagpanu aun adi ag amu doona amu ag bau daaglag. ²⁶ Mama Nug nuḁa nuhig bauklel ele amubia Nug Beḁa da, da ele da daka dahil bauklel ele daakulnu medom. ²⁷ Amu ele, da am Danab Beḁalag amunu hetodiakpa da danab epediadkulnu gagatag ele medom.

²⁸⁻²⁹ Anam amunu ag dab mak kudum aib aopig. Adinu? Haen laa uḁieb amu danab oh mauhpig, modpa niiteb ele amu, ag da baal doona, ag

mauhak aben uuna, edun hipaidkulag. Am danab ag kobol ena hepig ele amu ag edun hipaidna, bauklel daaglag. Danab ag kobol ehed hepig ele amu edun hipaidna, ag hetodiakpa daaglag.

LAA AG JESUSNU MADIPIG

³⁰ Am da daka dahil dab makpa keeke laa ii hetem. Iita, da Mama topanu nai aomi amupa da danab epediadtem amunu dahil epediak am ena. Adinu? Da daka dahil dab mak ii dim lamidtem. Iita. Laa Nug da meide udimi ele amu, Nug oo niite amuib da dim lamidtem.

³¹ Am da dakanab dahilnu nai imu matilom amu dahil nai matiak imuam elele iita daalo ³² amge laa daate, amu Kayak, Nug dahilnu madite. Amu da dootem, Nug nai tutukuib madite.

³³ Am anuka ag danab laala maateg Johannes topa ukaeg, nug dahilnu genab matie doopig ³⁴ amge danab ag dahilnu maditeb amunu amu da dab mak okai ii aotem. Iita, amge ag Johannesnu nai dab mena, dahilnu oolagpa genab doopeg, Kayak Nug ag edua diikunu amu da amunu Johannesnu nai amu matimi.

³⁵ Johannes nug amu amahlak amahalte bia, nug amahlak ag matom. Mate, ag haen tutu amunu oolag ena daye, gamag ahak dooglagnu ena doopig. ³⁶ Amge keeke laa ele Mame Nug da meide udimi amu ipuanadte. Keeke amuam Johannesnu nai edidte. Keeke amuam udat da hetem imu. Da Mamel Nug da amu hein malakulnu meide udien hetem.

³⁷ Aria Mama Nug da meide udimi ele amu, Nug dahilnu matiom amge ag Nug ode nakok laa iinab doopig, ag Nug ele nakok laa ii anidpig. ³⁸ Nug da meide udimi ele amu ag dahilnu oolagpa genab ii dooteb amunu nuhig nai ag oolagpa ii daate. ³⁹ Ag Kayak nai yak niite, nai amu eb qena autna aona, 'Nai amu bau dayak megate,' ateb amge nai amuam dahilnu aaku ate ⁴⁰ amunu, adinu ag

da gumidna udina, bauklel aoglagnu ii heteb? ⁴¹ Da danab ag da binal mekulagnu dab mak okai ii aotem ⁴² amge da ag tutuku doyadtem. Kayaknu oo mauhak kobol ahilagpa nakok laa ii daate amunu ag aka binalag aoglagnu dab mak okai aoteb. ⁴³ Da Mama onigpa udimi amu ag dahilnu oolagpa genab ii dooteb. Amge danab laa nug nukha nug onigpa udia, nai matieb amu ag nuhignu oolagpa genab dooglag. ⁴⁴ Ag am lailkad dilagpa binalag okai aoglagnu heteb amge binalag laa, Kayak topanu udite ele amu, ag amu aoglagnu ii heteb amunu ag atem hena, oolagpa genab dooglag? ⁴⁵ Da amu ag hetodiakpa naipa yaaladkulnu aib dab mepig. Danab nug ag hetodiakpa naipa yaaladku ele amu Moses. Danab amunu amu ag, 'Nug ig ehanigku,' aon ateb. ⁴⁶ Ag Mosesnu nai oolagpa genab doolob amu ag dahilnu ele oolagpa genab doolob. Adinu? Nug am dahilnu nai yom. ⁴⁷ Amge ag nuhig nai yak amu oolagpa genab ii doonna amu atem hena, ag dahil nainu oolagpa genab dooglag?" awa aum.

JESUS DANAB 5,000 E MATOM

6¹⁻⁵ Imu dimpa Juda dilag Pasowa metid hobul haen miag do, Jesus Nug le ameg Galelia, laa ag le amunu, "Le ameg Taiberias," aon ateb, le amu heqo laih gokunu le amu matadom. Jesus Nug laih ugeke, danab kudumnab ag le ihi aidna, dim lamidna gopig. Adinu? Ag Nug eponak keeke, danab hekunu elele iita, ode danab bedulagpa heehe, ag ena daaegeg anidpig. Jesus Nug apa uka, qauko nakok laapa te, nuhikud ipunitak awak danab ele ag hedep nena daapig. Daanna amu Jesus Nug neeke uke, danab kudumnab ag gumidna udiegeg anatom. Amunu Nug Pilipus od metom. "Ig e elele adepanu imu oh matagnignu daden mekunig?" awa od metom. ⁶ Nug nai amu Pilipus

oo anidkunu od metom, Nug nuka amu atem hekunu amu matu doyom. ⁷Nug anam od mete amu Pilipus odepa awa aum. “Danab oh ag bret hupu nakok nakok lakulagnu amu ig bret 1000 kina editak daden mekunig,” awa aum. ⁸Nug anam a amu nuhig ipunitak awak danab laa Andreus, nug Simon Petrus ele a am eamag amu, nug aum. ⁹“Nid laa iiku daate, nug am bali bret kunum tanig ele amu kakai adit ele. Amge amuam keeke nagnag, danab am huanak,” awa aum. ¹⁰A amu Jesus amelagpa aum. “Danab imu oh hepeg, ag hedep nena dayeg!” awa aum. Apa amu gikidah tepu ele dayom amunu danab oh ag hedep nena daapig. Danab amu ag 5,000 keeke anam. ¹¹Ag daaegeg, Jesus bret diia ada, Kayak amegpa, “Ena hen mekame,” awowa, bret pane ne, pania danab daapig amu oh anen anen matom. Nug kakai amu ele anamib heum amu danab oh ag e elele aopig. ¹²Haen danab ag oh oolag ditia male, Jesus Nug nuhikud ipunitak awak danab amelagpa aum. “E big niite amu oh qag meig! Ig hupu nakok laa ii kakidmata,” awa aum. ¹³Nug a amu ag e big qag mena amu kaleg tuelp inaeg am beum. Amuam bali bret tanig ele, danab laeg, oolag dite uupig amu inapig. ¹⁴Danab ag Jesus kobol he anidpig ele amu ag apig. “Genab ig propet laa nug wan imupa udikunu nai amu doomut ele am iiku!” aon apig.

¹⁵Aria Jesus doyom, ag Nug adan hep-eg, ahilag king daakunu hepig amunu Nug aha, qauko laapa nuka ukom.

¹⁶⁻¹⁷Aam no uu doowo, Jesusnu ipunitak awak danab ag le ameg ihipa nona, Nug ameg mena daapig amge gatatu neene, Jesus Nug gumata ii udiom amunu ag ubpa tena, le ameg mataadna Kapenaum gokulagnu gopig. ¹⁸Ukaegeg, ulah huanak dig meum amunu duban dig ma ahom. ¹⁹Duban

ahעה, ag ub el qena, nakok 4 o 5 kilomita anam ukaegeg, Jesus Nug le gadapa tapa, ag gukuata do anidna, ag huana badapig. ²⁰Amge Nug amelagpa aum. “Ag aib badapig, imu daib,” awa aum. ²¹Nug anam a amu ag Nug aon, ubpa mekulagnu hepig. Heeg te, ub nug pahanab aben ag gokulagnu gopig ele amu guguitom.

DANAB AH JESUS MATIN GOPIG

²²Ded Jesus danab kudum e matom, ded amu uue, ded amupa danab ah kudum amuib ag le ihipa apa daapig. Daanna amu ag apig. “Tumai amu ub laa iita, laipu ipunitak awak danab tena gopig ele aakuib dayom amu Jesus Nug nuhikud ipunitak awak danab ele oh ii gopig, ag aka gopig.” Ag amu matinna daanna doopig. ²³Aria ag anam doonna daapig amu ub laala Taibiriasnu ag udin, Nadi Nug unuqitowa, bret mate lapig abenpa eedpig. ²⁴Amunu danab ah ag Jesus, nuhikud ipunitak awak danab ele apa ii daapig doona, ag aka ubpa tena, Jesus matin Kapenaum gopig.

²⁵Ag gona, Jesus laih dayeye anidna, od metan apig. “Ipunitak danab, Na haen adipa na ipa udime?” aon apig. ²⁶Anam aeg amu Jesus odelagpa awa aum. “Da genabnab genab ag amelagpa atem. Ag eponak keeke laala, danab hekunu elele iita hemi amu, ag amu anidpig amge ag diig amunu da matidna ii udipig. Iita. Ag bret laeg, oolag ditiom amunuib udipig. ²⁷Ag e aon lapeg, bedulag gagatag qeeb, wan imupan udatib hekulagnu amu aib anuqak doopig. Iita. Ag Kayak nai aon dab menan, nuhig udat hekulagnu anuqak doyeg! Mama Kayak Nug da nai amu madaulnu gagatag medom amunu amu Danab Bekalag da, geha ag madaul. Ag nai amu aon, udat hepeg, udat amuam iita ii mema, hanhan daaku,” awa aum. ²⁸Nug anam a amu ag apig. “Ig atem heta, Kayaknu

uđat hekuniġ?” aon apig. ²⁹ Aeg am Jesus ođelagpa awa aum. “Kayaknu uđat amu iiku. Kayak Nug laa me uđiom amu ag nuhignu oolagpa genab dooglag. Laa uđiom amuam da,” awa aum. ³⁰ Jesus Nug anam aum amunu ag apig. “Na ađi eponak keeke, danab hekunu elele iita laa hepe amu ig anidta, oonigpa genab doognig?” ³¹ Ig mamenkad ag atu tađakpa bret laa onig mana lapig amu Kayak naipa, nai amunu laa daate. Nai amuam inam. ‘Nug hab ađannu bret mate lapig.’ Nai anam daate amu na amubia hekut-te?” aon apig. ³² Aeg amu Jesus Nug amelagpa aum. “Da genabnab genab ag amelagpa ađem. Moses nug hab ađannu bret genab ii matom amge da Mamel, Nug amu hab ađannu bret genab ag madađe. ³³ Bret Kayak madađe ele, amuam danab laa hab ađannu neum. Bret amu Nug wanpanu danab ah bau hanhan dayak madađe,” awa aum ³⁴ Jesus anam a amu ag apig. “Nađi, bret amuam na haen oh meke,” aon apig. ³⁵ Aon aeg amu Jesus Nug aum. “Bau hanhan dayaknu bret am da. Danab nug dahilpa dođe amu nug enug laa ii qema. Am danab nug dahilnu oopa genab dođe amu nug le baag laa ii diima. ³⁶ Amge da tatam ag amelagpa ami amubia. ‘Ag da anidpig amge ag oolagpa genab ii dođeb.’ ³⁷ Amu danab ah aun Mame Nug da međate ele amu, ag oh dahilpa dokulag am aun nug dahilpa dođe amu da nug ii geđidpa. ³⁸ Ađinu? Da hab ađannu wanpa uđimi amu da dahil maitak o dahil dab mak dim lamidkulnu ii uđimi. Iita. Da am laa, Nug da meide uđimi ele amu, Nug ođe dim lamidkulnu uđimi. ³⁹ Aria laa Nug da meide uđimi amu, Nug oo niite ele amu inam. Danab ah oh da međom ele amu, ag ohnab dahilib daaglag. Laa ii qetodma. Wan haen malakpa da ohnab mađ adapi, ag eđun hipaidkulag. ⁴⁰ Ao, da Mamel Nug oo niite ele amu anam

aaku. Danab aun ag Nug Beđa da, ag da anidna, ag oolagpa genab dođeb ele amu, ag bau dayak hanhannu aoglag. Da dađa geħa wan haen malakpa mađ adađul,” awa aum.

⁴¹ Jesus Nug matu, “Da am hab ađannu bret wanpa uđimi,” awa aum amunu Juda ag nuhignu oolagpa elele ii daye, aka aka nai kuđum madipig. ⁴² Ag inam mađinna apig. “Danab umu Nug am Jesus, Josep beđa. Nug anig mameg ele amu ig iite dođem? Ađem he Nug, ‘Da hab ađannu uđimi,’ awa ađe?” aon apig. ⁴³ Ag anam mađiegeg amu Jesus Nug amelagpa aum. “Ag aka aka anam aib madipig. ⁴⁴ Am laa nug nuđa dahilpa dokunu elele iita, Mame, Nug da meide uđimi ele amu, Nug ehaniteb, aakuib am nug dahilpa doku. Doku amu da nug wan haen malakpa mađ edađul. ⁴⁵ Propet dilag yakpa, nai inam niite. ‘Danab ah oh am Kayak nuđa nuħig kobol ipuanadku.’ Aria Nug ag eħanađa ipuanate, ag Mame ođe doona, nuħig kobol aona amu ag dahilpa dođeb. ⁴⁶ Da danab laa Kayak anđom ii ađem. Iita, danab ah wanpanu laipu laa nug amegpa Kayak ii anđom. Iita. Laa nug Kayak topanu uđiom ele amu Nug aakuib Kayak anđom. ⁴⁷ Genabnab genab da ag amelagpa ađem, aun nug dahilnu oopa genab dođe ele amu, nug bau hanhan dayak ele awom daate. ⁴⁸ Da aakuib am bau dayaknu bret. ⁴⁹ Ag mamelkad am atu tađakpa e onig mana lapig ele amu ag mauħpig. ⁵⁰ Amge bret hab ađannu neum amu daib amu, laa nug bret imu lađu amu nug ii mauħma, bau daaku. ⁵¹ Da amu hanhan dayaknu bret hab ađannu uđimi. Am laa nug bret imu lanana amu nug bau hanhan daaku. Amu ele bret da danab ah oh madađul ele imu am, da beđul,” awa aum.

⁵² Jesus Nug anam a amu Juda laala ag aka aka nai mađin, “Ađemnab danab imu Nug tepu ig mekeb lakuniġ?” aon apig. ⁵³ Anam aeg amu Jesus amelagpa aum.

“Genabnab genab da ag amelagpa a_{tem}. Ag Danab Bekalag da, da tepul tiil ele ii lakulag amu ag bau ii daamna. ⁵⁴ Am laa nug da tepul tiil ele laku amu nug bau dayak hanhannu ele, am wan haen malakpa da nug ma_d edapi, nug edua hipaidku. ⁵⁵ Adinu? Da tepul tiil ele amu lanaknu e genab. ⁵⁶ Aun nug da tepul tiil ele late amu, nug dahilpa daate amu da ele nuhigpa daatem. ⁵⁷ Mame, Nug bauklel daate ele, Nug da meide u_{dimi} amu, da nuhigpa bau daatem amubia aun nug da laidte amu, nug dahilpa bau daate. ⁵⁸ Bret imu amu ag mamelkad bret lawona mauhpig amubia iita. Bret imu amu hab atannu neum, am aun nug bret imu late amu nug haen oh bau daaku,” awa aum. ⁵⁹ Jesus Nug Kapenaumnu nai doyak laka apa danab ah ipuanata, nai amu matiom.

JESUS AM BAUKLELNU NAI MATIOM

⁶⁰ Aria nuhig ipunitak awak danab kudum ag nai matiom amu doona amu ag apig. “Nai umuam ug elenab, aun nug dookunu elele?” aon apig. ⁶¹ Ag anam apig amge Jesus Nug ipunitak awak danab, ag aka aka nuhig nai matiak amunu ag oolagpa elele ii daye, nai kudum madipig amu Nug nuka oopa matunab doyom amunu Nug ag amelagpa aum. “Ag nai amu aoglagnu elele iite dooteb? ⁶² Anam dayeb amu Danab Bekalag da, da anuka daadmi, aben amupa eduen tebipi am ag a_{tem} dooglag? ⁶³ Ag doyeg! Kayak Oudi nuka, Nug danab bauklel medate, danabnu gagatag nug ig ehanigkunu elele iita. Am nai da ag matami imu nug Oudi amu nug bauklel ele. ⁶⁴ Anam daate amge ag oolagpa laala ag oolagpa genab ii dooteb,” awa aum. Jesus Nug dig makpan aun adi ag oolagpa genab ii doopig amu danab aun nug Jesus keked epelagpa meku amu Nug amu oh doyom. ⁶⁵ Jesus Nug anam anana, Nug nai tudita

matiaya aum. “Diig amunu da ag amelagpa ami. Laa nug nuka nuhig dab makpa amu da gumida ii doma. Iita. Mame Nug laa ehanite amu, nug aakuib da gumida do_{te},” awa aum.

⁶⁶ Jesus Nug nai amu matiom, haen amupa amu nuhig ipunitak awak danab laala ag Nug di medapig, baula Nug dim ii lamidpig. ⁶⁷ Jesus anam anta amu nuhig ipunitak awak danab tuelp amu ag amelagpa aum. “Ag ele da uuidna gokulagnu oolag daatete?” awa aum. ⁶⁸ Jesus anam a amu Simon Petrus nug aum. “Nadi, ig aun topa gokunig? Nai nahip amu bauklel ele, haen oh daate. ⁶⁹ Ig na dooidta, oonigpa genab ele dootem, na aakuib am Kayak Be_{ka} opia awak ele,” awa aum. ⁷⁰ A amu Jesus Nug nuhikud ipunitak awak danab amelagpa aum. “Da ag danab tuelp epediadmi amge laipu laa ag oolagpanu amu nug oudi nau,” awa aum. ⁷¹ Jesus Nug Simon Iskariot beka Judasnu aum. Ipunitak awak danab tuelp amu oolagpanu, nug laa aku amge dimpa nug Jesus qepeg mauhkunu keked epelagpa meum.

NUG AMAKUD AG JESUSNU OOLAGPA GENAB II DOOPIG

7 Keeke amu oh dimpa Jesus Nug laih Galelia apa uka oiyom. Juda wanpanu Juda danab ag Nug qepeg mauhkunu hepig amunu Nug Juda wanpa oikunu uua, aha uka, Galelia apa oiyom. ² Aria Juda ag memetalkad ag Igipta wan uun oipig amu ag amu peh hena, apa metid laipu bia daanna dab mekulagnu, ag Kayak ele binag mekulagnu hobul laa hedapig amu hobul amunu haen guguite, ³ Jesus amakud ag Nug amegpa apig. Na aben imu uuna, Juda wanpa uke! Gope, nahipad ipunitak awak danab ag nahip udat, na hetem ele amu, hepe anidkulag. ⁴ Danab laa nug danab laa oh nuhig udat anidkulagnu oo daate ele amu, nug lokuma ii

hete. Amunu na eponak keeke, danab hekunu elele iita hetem amu na danab ah oh noolagpa hipaidna daana he!” aon apig. ⁵ Adinu? Jesus amakud ag ele nuhignu oolagpa genab ii doopig amunu ag nuhignu anam madipig.

⁶ Jesus amakud ag anam matieg am Jesus Nug ag amelagpa aum. “Gemu da gokulnu haennab iita, haen imu oh am ahilagib. ⁷ Wanpanu danab ah ag oolagpa ahilagnu nau, ninig ele dooglagnu elele iita amge dahilnu ag anam dooteb. Adinu? Da haen oh kobol nau, tutuku iita, ag heteb ele amu, da amunu maditem. ⁸ Amu ag am hobulpa ukag! Da geha imu ii gopa. Da dahil haempa gokul,” awa aum. ⁹ Jesus Nug amakud amelagpa anam anana, Galelia apa dayom.

JESUS JUDA DILAG PEHNU METID HOBUL ANIDKUNU UKOM.

¹⁰ Aria Jesus amakud ag Juda dilag hobul amu anidkulagnu ukag, dimpa Jesus Nug ele ukom amge Nug miag atiak ii ukom. Lokuma ukom. ¹¹ Amu Juda ag hobulpa tepig amu ag Nug matinna, ii anidna apig. “Danab amuam adepa daate?” aon apig. ¹² Danab ah ag ele Jesusnu nai kudum madipig. Laa am apig. “Nug am danab ena,” amge laa apig. “Nug am danab nau, nug danab ah kudum ham bupualadte,” aon apig. ¹³ Anam madipig amge ag Juda okai dilag badapig amunu laipu laa nug ag noolagpa nai miag atiak laa ii matiom. ¹⁴ Ag anam matiegeg, Jesus Nug metid hobul gamagpanab mana metak laka noa, danab ah amelagpa nai ipuanatom. ¹⁵ Nug anam nai matieye amu ag dab mak kudum aonna, aka aka nug od metan apig. “Danab imuam Nug sul laa ii heum amu Nug atem ha, doyak okainab awom?” aon apig. ¹⁶ Ag anam matiegeg amu Jesus Nug ag amelagpa aum. “Da nai ag amelagpa maditem ele

imuam dahil iita. Kayak, Nug da meide udimi ele amu, da nuhig nai maditem. ¹⁷ Am danab laipu laa nug Kayak nai dim lamidku amu nug nai, da maditem imu, nai amuam Kayak topanu beum o iita da dahil dab makpatai maditem amu nug dooku. ¹⁸ Am danab laa nug nukā nuhig dab makpa nai madite amu nug am nukā onig okai aokun hete. Amge danab laa, nug laa me udiom ele amu, nug onig humate amu danab amu nug tutukunab, nug nuhigpa ehed laa ii daate. ¹⁹ Anuka Moses nug ag do matom amge ag oolagpa laipu laa nug do amu tutukunab dim ii lamidte amunu adinu da iupeg mauhkulnu heteb?” awa aum.

²⁰ Nug anam a amu danab ah ag apig. “Oudi nau laa na bedunpa daate. Aun nug na nitebeb mauhkutnu hete?” aon apig. ²¹ Aeg am Jesus Nug aum. “Da Metidpa danab babaitak udat hemi amunu ag otaina dab mak kudum aoteb. ²² Ag alalkad ag dig mena Kayak ode dim lamidna, gada otadak heegeg udie, Moses nug do naipa meum daate. Amunu ag ele Metidpa udat henana, nid naunau gadalkad otadteb. ²³ Ag Mosesnu do amu tipalmananu, ag Metidpa udat hemananu do, ag do amu tipalna, Metidpa udat henan, nid naunau gadalag otadteb. Aria, ag anam heteb amunu da danab laa Metidpa bedu babaiti, amu ag amunu adinu dahilnu opodilag beum? ²⁴ Ag amelagpaib keeke aib epedipig. Dab mak tutuku aona, kobol tutukupā, dahil udat imu epedin anteg!” awa aum.

LAA AG, “DANAB IMU AM KRISTUSTAI,” APIG

²⁵ Jesus Nug anam a amu Jerusalem danab laala, ag Juda okai ag Jesus qepeg mauhkunu dab mepig amu ag amu doona, ag apig. “Danab imuam ag qepeg mauhkunu apig ²⁶ amge Nug geha iiku nai oh miag atiakib madite amu ag

nuhignu nai laa ii maditeb. Iki danab ag ele Nug am Kristus oolagpa genab doopigtai? ²⁷ Amge ig Nug apag diig am doot malamut. Kristus udiku am danab laipu laa nug Kristus apag diig dookunu iita,” aon apig.

²⁸ Danab ah ag anam matiegeg, Jesus Nug mana metak laka danab ah noolagpa hibaita dayaya, baag okaipa nai matiya aum. “Ag da dooidteb, da apal diig ele dooteb amge da daka dahil dab makpa ii udimi. Mame Nug da meide udimi. Nuhig dig am genabib amge ag Nug ii dooteb. ²⁹ Da Nug dootem. Da Nug ele daada, Nug da meide udimi,” awa aum.

³⁰ Jesus Nug anam a, ag Nug adaglagnu hepig amge nuhig haen ii malom amunu laipu laa nug Jesus ii adom. ³¹ Laala ag adaglagnu hepig amge danab ah kudum nuhignu oolagpa genab doona, ag apig. “Danab imu Nug eponak keeke, danab hekunu elele iita kudum hete amu haen Kristus Nug udiku amu Nug eponak keeke, danab hekunu elele iita kudumnab, danab imu editak hekute? Iita,” aon apig.

³² Danab ah ag matiegeg, mana metak danab okai amu do gumak danab-Parasia ele ag danab ah nai kudum matiegeg doona, ag ahilag daup laa Jesus adaglagnu maateg udipig. ³³ Udieg am Jesus Nug aum. “Da haen tutuib ag ele dayota, da eduen, laa Nug da meide udimi ele amu, nuhigpa gokul. ³⁴ Gopi, ag da anidkulagnu hekulag amge da ii anidmana. Amu ele aben da gotem ele, amupa ag gokulagnu elele iita,” awa aum. ³⁵ Anam a amu Juda ag aka aka nai matinna apig. “Nug adepa ukeb, ig Nug ii anidmata? Nug Juda laala Grik wanpa daateb, ahilagpa uka Grik danab ipuanadkutai. ³⁶ Nug, ‘Ag da matidkulag amge da ii anidmana,’ amu ele, ‘Da uke daakulpa amu ele ag gokulagnu elele iita’ awa aum, am Nug adepanab gokunu

aum? Nai amuam diig adekunab?” aon apig.

LE BAUKLEL ELE

³⁷ Metid hobul amu malaknu ded beum, ded amuam hobul amunu nadinab amu, haen amupa Jesus Nug hibaita, baag okaipa ewa aum. “Danab laa nug le baag diieb amu nug da gumida udia, le lanad! ³⁸ Laa nug dahilnu oopa genab doote amu, Kayak naipa yak laa daate amubia. ‘Nug oopanu bau hanhan dayaknu le, nug ba ugaka daaku. Iita ii mema.’ ³⁹ Jesus Nug nai amuam Kayak Oudinu aum. Danab ag oolagpa genab doona amu ag aoglag. Amge haen amupa Jesus Nug Mame topa ii ukom amunu Kayak Oudi, Nug danab oolagpa ii dayom.

DANAB AH OPATNA ADIT DAAPIG

⁴⁰ Danab ah laala ag nai amu doona, “Genabnab danab imu am propet,” aon apig. ⁴¹ Laala ag apig. “Nug am Kristus,” amge laala ag apig. “Kristus Nug Galelia apate beku? ⁴² Kayak naipa yak laa daate. Nai amuam inam. ‘Kristus nug Dawit budubpa Betlehem, anuka amuam Dawit apag diig amu, apa beku,’” aon apig. ⁴³ Danab ah ag anam matinna, ag otin, ameg adit daapig. ⁴⁴ Daana, laala ag Jesus adaglagnu hepig amge laipu laa nug epeg bahia, Jesus ii adom.

IKI DANAB AG JESUSNU OOLAGPA GENAB II DOOPIG

⁴⁵ Anam heeg am daup ag edun, mana metak danab okai am do gumak danab-Parasia ele gumadna ukaeg amu ag apig. “Atem hena, ag Nug adan ii aon udipig?” aon apig. ⁴⁶ Anam aeg am daup amu ag apig. “Danab laa nug danab imu nai madite bia laa matie ii anidmut,” aon apig. ⁴⁷ Daup ag anam aeg amu do gumak danab-Parasia ag apig. “Jesus Nug ag elete ham bupualatom?

⁴⁸Ig iki danab, ig oonigpanu o iita do gumak danab-Parasia ag oolagpanu laipu laa Jesusnu oopa genab dootete? Iitanab. ⁴⁹Amge danab ah amu ag do ii dooteb, ag nob nau aoglagnu daateb, ag nuhignu oolagpa genab dooteb,” aon apig. ⁵⁰Anam matiegeg amu ag oolagpanu laipu laa, nug onig Nikodemus, nug anuka Jesus gumita ukom ele amu, nug od matom. ⁵¹“Ig ihinig dopa danab laa hetodiakpa ii dayom haenpa, nug ehed heumnu akunignu am elelete? Iitanab. Nug keeke heum amu ig tatam doota amu ig nug epedignig,” awa aum. ⁵²Nug anam a amu ag nuhig nai inam nob mepig. “Na ele am Galelia ted amunu na doyak iitatai? Na nai atog nona eb qena am tutuku anidna dookut. Propet laipu laa nug Galelia apanu iinab bema,” aon apig. ⁵³[Anam daye amu danab oh aben aben ukadpig.

8 Danab ah ag aben aben ukadpig amge Jesus Nug amu olipnu kaukopa ukom.

AH LAA GAPAI HEUM

²Uke wakade butuanab Jesus edua udia, mana metak lag oopa no, danab ah kudum nug gumidna udieg, Nug hedep na dayaya, nai ipuanatom. ³Nug anam ipunitak nai madete, Juda dilag do mehuqak danab amu do gumak danab-Parasia ele ag ah laa gapai kobol heehe anidna, aon dona, danab ah kudum noolagpa meeg, hibaita dayom. ⁴Anam dayeye ag Jesus amegpa apig. “Ipunitak danab, ah imu nug gapai kobol he anidmut. ⁵Mosesnu do nug ig ah imubia menpa makudkunignu ipunigte. Am na adi atem?” ⁶Ag nai amupa Jesus nai ehed laa ab amu ag Nug adan aon, hetodiakpa mena, nai bedupa yaaglagnu ib madipig. Ag anam apig amge Jesus Nug gomela, epeg hiqalpa dig ma, wampa yaaya dayom. ⁷Anam dayom amge ag edunna, od metak baubau hepig. Anam

heeg amu Nug edua tutuku dayaya, ag neekatata aum. “Ag oolagpa aun laa nug hipunin iita daate amu nug tatam menpa ah imu makudad!” awa aum. ⁸Jesus Nug anam awowa, Nug baula gomela, epeg hiqalpa edua wampa yaaya dayom.

⁹Aria danab amu ag nai anam doona, ag ohnab laipu laipu lag oopanu dimitim gona malapig. Kaino ag tatam anuqna dimitim waageg, laala dim gopig. Ukaeg Jesus Nugib dayeye am ah, nuhignu apig ele amu, nug ele Jesus noobpa hibaita dayom. ¹⁰Nug anam dayeye, Jesus edua hibaita od metom. ‘Ah, ag adepa gopig? Laipu laa na hetodiakpa iite meitom?’ awa aum. ¹¹Anam a amu ah nug aum. “Nadi, laipu laa anam ii heum,” awa aum. A amu Jesus aum. “Da ele na hetodiakpa ii meidpa, na gona hipunin baula aib heme,” awa aum.]

JESUS AM WANPANU AMAHLAK

¹²Aria Jesus haen laapa baula danab ah amelagpa nai matiaya aum. “Da am wannu amahlak. Aun laa nug da dim lamidku amu nug gatatupa ii oima. Iita, nug bauklelnu amahlak ele daaku.” ¹³Jesus anam matie amu do gumak danab-Parasia ag apig. “Na naka nahipnu nai mehuqtem amunu nai nahip am ham bupuaq,” aon apig. ¹⁴Aon aeg am Jesus Nug aum. “Am genab, da dahil nai maditem amge dahilnu nai amu genab. Adinu? Da adepanu udimi amu da dootem, amu da edue gokulnu amu da ele dootem. Amge ag da adepanu udimi amu adepa edue gokul amu ag ii dooteb. ¹⁵Ag amu wannu kobolpa danabnu hak epediteb. Da am epediak udat laa ii hetem. ¹⁶Amge da danab laa epedidlom amu da tutukunab epedidlom. Adinu? Da daka ii hetem, Mame, Nug da meide udimi ele amu, Nug da ele oh daatep. ¹⁷Ahilag dopa amu nai inam yak daate. ‘Danab adit a nai diig laipu atep amu, nai ahilah am genab’.

Yak anam niite. ¹⁸Da daka da dahilnu nai maditem, Mame, Nug da meide udimi ele amu, Nug ele dahilnu nai madite,” awa aum. ¹⁹Anam a amu ag Nug od medapig. “Na Mamen amu adepa daate,” aon apig. Aon aeg amu Jesus Nug aum. “Ag am da ii dooidteb, da Mamel ele ag ii dooteb. Ag da dooidnalob amu da Mamel ele doolob,” awa aum. ²⁰Nug nai amuam mana metak lag oopa, men dodonu kunup guguitak dayaya ipuanatom amge Nug mauhkunu haen ii malom amunu laa Jesus adakun ii heum.

²¹Amu Jesus baula ag amelagpa aum. “Da gokulnu hetem amu ag da geha matidkulag amge ag da ii anidmana, hipunin ahilag amu ag tonateb, mauhkulag. Aben da gokulpa ag apa gokulagnu elele iita,” awa aum. ²²Nug anam a amu Juda ag aka aka nug od metan apig. “Nug nuka Nug beđu qa mauhkute? Diig amunu Nug, ‘Ag da gokulpa amu ag gokulagnu elele iita,’ atete?” aon apig. ²³Aon aeg am Jesus Nug nai tudita aum. “Ag am honapnu, da amu atannu. Ag am wan imupanu, da amu wan imupanu iita. ²⁴Amunu da ag amelagpa tatam ami. ‘Ag hipunin ahilag amu ag tonateb mauhkulag.’ Am genab, ag da am Kayak ag amu oolagpa genab ii dooglag amu ahilag hipunin genab tonateb mauhkulag,” awa aum. ²⁵Jesus anam a amu ag Nug od medapig. “Na am aun?” apig. Aeg am Jesus Nug aum. “Da tatam ai doopig ele, da am anamnab aakuib. ²⁶Da ag amelagpa nai kudum madikulnu elele, da hetodiak danab, Nug danab hetodiakpa epedite, amubia da ag epedidakulnu elele amge laa Nug da meide udimi ele, Nug am genabnu diig, da nuhigpa nai oh aomi amu da wanpanu danab amelagpa amuib maditem,” awa aum. ²⁷Nug anam aum amge ag Jesus Nug Mameg Kayaknu aum amu ag oolag ii maitom. ²⁸Amunu Jesus Nug ag ame-

lagpa aum. “Dimpa ag Danab Bekalag da ad emaitakpa atulidona amu ag da am danab aun amu dooidkulag. Amu ele, da dahil dab makpaib keeke ii hetem. Iita. Mame Nug da ipunidom amu da amunu maditem amu ele dooglag. ²⁹Am aun Nug da meide udimi ele, Nug da uuide, daka ii daatem. Adinu? Da haen oh keeke Nug oo niite ele amu, da amu hetem,” awa aum. ³⁰Jesus anam a amu danab ah kudum ag nuhignu oolagpa genab doopig.

“IG AM ABRAHAM BEKOD,” APIG

³¹Juda danab ag Jesusnu oolagpa genab doopig ele amu, Nug ag amelagpa aum. “Ag ipunitak nai dahil dim lamidteb dayeb amu ag am genab ipunitak awak danab dahiladnab daaglag. ³²Ag geha nai genab dooglag amu nai genab amu heeb, ag uhuqak enapa daaglag,” awa aum. ³³Jesus anam a amu laala nuhignu oolagpa genab ii doopig amu ag apig. “Ig am Abraham bekod, am ig haen laa wanpanu danab waapa laa ii daamut. Am atem hena, na ig uhuqak ena aognignu atem?” aon apig. ³⁴Anam aeg am Jesus Nug aum. “Da genabnab genab ag amelagpa atem. Aun laa nug hipunin hete amu nug am hipuninnu begbeg daate. ³⁵Laa nug danab okainu begbeg danab daate ele amu nug okai amu nuhig nidnab ii daate, haen oh nug laugpa ii daate amge danab okai beka, nug amu nug mameg ele haen oh daatep. ³⁶Amunu Danab Bekalag da, da ag uhuqak madapi, ag genab uhuqak enapa daaglag. ³⁷Da dootem, ag Abraham budupud amge nai dahil amu ahilagpa ii daate amunu ag da iupeg mauhkulnu heteb. ³⁸Da nai imu maditem ele amu, da Mame ele daadda doyen anidmi amu maditem amge ag am ag mamelagnu kobol heteb,” awa aum. ³⁹Nug anam a amu ag apig. “Ig mamenig am Abraham,” aon apig. Aeg amu

Jesus amelagpa aum. “Ag genab Abraham buḍupudlob, ag nug kobol heum bia helob.”⁴⁰ Da nai genab oh Mame topanu aomi amu maṭiyi doopig amge ag da niḍaglag heṭeb. Abraham nug anam ii heum.⁴¹ Ag am ag mamelagnu kobol heṭeb,” awa aum. Jesus anam a amu ag apig. “Ig aninig nug ib imuagpa danab kuḍum ele oiyona ii menuikom. Ig mamenig laipu, Kayak aakuib,” aon apig.

⁴² Aeg am Jesus amelagpa aum. “Ag mamelag genab Kayaklob, ag dahilnu oolag mauhlo. Aḍinu? Da Kayak ele daaḍa uḍimi. Da dahil maitakpa ii uḍimi. Iiṭa. Kayak Nug da meide uḍimi.⁴³ Am aḍinu ag dahil nai tutuku dab ii medateb? Amu diig am ag dahil nai ii dooteb.⁴⁴ Ag mamelag am Satan, ag nug beḱod daṭeb amunu ag mame-lag oo niite amu ag dim lamidk_ulagnu wagai meteb. Nug anukanu danab aq_e mauḥteb. Ag mamelag nug kobol genab ii dim lamidte. Aḍinu? Kobol genab amu nuhigpa ii daate. Nug ham bupuak nai maṭiaya amu nug nuhig diig aakuib dim lamidte. Aḍinu? Nug nai ham bupuak madite, nug nai ham bupuak mamegnab daate.⁴⁵ Ag Satan beḱod daṭeb amunu da nai genab maditem amu ag dahil nai ag oolagpa genab ii dooteb.⁴⁶ Da hipunin laa ii hemi. Danab laa nug dahilnu, ‘Nug hipunin heum,’ akunu elele iita amunu da nai genab maditem imu amu aḍinu ag oolagpa genab ii dooteb? ⁴⁷ Laa ag Kayak beḱod daṭeb ele amu, ag Kayak ode dim lamidteb. Ag amu Kayak beḱod ii daṭeb amunu ag nai ii dooteb,” awa aum.

⁴⁸ Awa a amu Juda danab ag Jesus odepa aon apig. “Ig nahipnu genab aṭem. Na Samaria ted, ootpa hahail ele,” aon apig.⁴⁹ Aeg am Jesus odelagpa awa aum. “Da oolpa hahail iita, da amu, da Mamel binag humateṃ amge ag da bi-

nal qeeg neṭe.⁵⁰ Da daḱa da binal ele daakulnu ii heṭem. Iiṭa! Laa, amuam Kayak, Nug da binal humate. Nug da heṭodila, ehed laa ii anidte.⁵¹ Da genabnab genab ag amelagpa aṭem, laa nug dahil ipunitak nai awa dim lamidku amu nug iinab mauhma,” awa aum.⁵² Awa a amu ag nug amegpa apig. “Gemu ig genab dooteṃ, na ootpa hahail ele! Abraham nug mauhom amu propet ele mauhpig, amge na aṭem, ‘Laa nug nahip nai dim lamita amu nug am iinab mauhma.’⁵³ Na nahipnu adi dooteṃ? Na ig mamenig Abraham editakte? Nug amu propet laa oh ele ag oh mauhpig amge danab ag na dim lamidteb ele, ag ii mauhmananu aṭem. Na naka nahipnu aḍinab dooteṃ?” aon apig.⁵⁴ Aon aeg amu Jesus odelagpa awa aum. “Da daḱa da binal ele daakulnu hepi amu da binal am hamu. Amge da Mamel, ag nuhignu, ‘Nug am ihinig Kayak,’ odelagib aṭeb amu, Nug da binal ele daakulnu heṭe.⁵⁵ Ag Nug ii dooteb amge da amu Nug dooteṃ. Da nuhignu, ‘Da Nug ii dooteṃ, alom amu da ag bia ham bupuak danab daalom amge da Nug dooteṃ amunu nuhig nai ele dim lamidteṃ.⁵⁶ Ag mamelag Abraham nug dahil udiak haen anidkunu oo gamag ahehe, ameg ma dayom. Nug anta, nug oo gamag ahom,” awa aum.⁵⁷ Awa a amu ag Nug amegpa apig. “Na maḍ nahip 50 iita dayeye, na Abraham anidmenu aṭem. Na ham bubuṭem,” aon apig.⁵⁸ Anam aeg, Jesus ag odelagpa awa aum. “Da genabnab genab ag amelagpa aṭem. Abraham ii dayom haenpa da daami, gemu daateṃ, buti adi daakul,” awa aum.⁵⁹ Nug anam aum amunu ag Nug maḱudk_ulagnu men agapig amge Jesus Nug danab kuḍum oolagpa beḱo loḱumitata, mana metak lag oopan_u aha wana, dimitim ukom.

JESUS DANAB AMEG GADUAK EHANITOM

9 Jesus Nug dimitim uka, Nug wana, ib man ugaka, danab ameg gaduak ele antom. Nug anig oopanu ameg gaduak ele anam doum. ² Jesusnu ipunitak awak danab ag amu anidna apig. "Ipunitak danab, aun nug hipunin he, anig nug danab amu ameg gaduak ele menuom. Nug hipunin heumte, o iita anig mameg eletai hipunin hepid?" aon apig. ³ Anam aeg amu Jesus amelagpa aum. "Danab amu nuhig hipuninpa o anig mameg ele dilah hipuninpa ameg gaduak ii awom amge kobol amu beum amunu Kayaknu udat amu danab amupa miag atia beku. ⁴ Amahlak aaku daate amunu ig laa, Nug da meide udimi ele amu, nuhig udat hekunig. Gatatu nekunu haen aaku malate, gatatu neeb amu aun laa nug udat ii hema. ⁵ Da wan imupa dayeye, da amahlak madatem," awa aum. ⁶ Jesus anam anana, Nug hunue, wanpa no, wan ele kabolia awa, danab amegpa qata qeum. ⁷ Qata qe-wowa, danab amegpa aum. "Na gona, Siloam le amegpa amen ihe!" awa aum. Siloam diig amu meeg ukom. Amunu nug uka, le layowa, ena daya, neeka, nug edua udiom.

⁸ Aria, nuhig lag od laipu amu laikud ab laipu amu laa ag nug anuka dayaya, men dodonu unuqtom ele amu anidna apig. "Nug am anuka danab laa nug keekenu danab unuqadtom ele amutai?" aon apig. ⁹ Laa ag apig. "Nug aakuib," aon apig. Aeg am laa apig. "Iita, nug danab ameg gaduak ele amubia," aon apig. Amge nug nuka amu, "Da iikuib," awa aum. ¹⁰ Nug anam a amu ag nug od medapig. "Na amen atemnab ha, ena dayom?" aon apig. ¹¹ Aeg am nug ag amelagpa aum. "Danab laa onig Jesus ateb amu Nug wan wadu ele kabolia, amelpa mewowa, Nug da amelpa aum.

'Na gona, Siloam le amegpa amen ihe!' awa aum. Amunu da uke, amel ihai amu amel ena daye, da iiku neegtem," awa aum. ¹² Nug anam a amu ag nug od medapig. "Danab amuam adepa daate?" aon apig. Aeg amu nug aum. "Da ii dootem," awa aum.

¹³ Nug anam a amu ag nug omalna, do gumak danab-Parasia, ag gumadna gopig. ¹⁴ Haen amuam Juda dilag metid deḏ dayeye, Jesus wan wadu ele kabolia, danab amu ameg babaitom. ¹⁵ Anam amunu do gumak danab-Parasia ag edun od medapig. "Na amen amu atemnab ha, ena dayom," aon apig. Aeg amu nug ag amelagpa aum. "Nug wan lekoh amelpa me, da amel ihai amu da amel ena dayom," awa aum. ¹⁶ Danab nug anam a amu do gumak danab-Parasia laa ag Jesusnu apig. "Danab amuam Kayak topanu ii udiom. Adinu? Nug ihinig Metidnu do ii dim lamidte," aon apig amge laa ag apig. "Atemun ha, danab hipunin ele Nug eponak keeke danab hekunu elele iita amubia anam heku?" aon apig. Ag anam anana, opatna ameg adit daapig. ¹⁷ Ag anam hena amu ag edun, danab anuka ameg gaduom ele amu od medapig. "Danab amu Nug na amen babaitom amunu na nuhignu adi atem?" aon apig. Anam aeg am nug aum. "Nug am Propet," awa aum. ¹⁸ Nug anam aum amge Juda okai ag nug anuka ameg gaduom, gemu nug ameg ena daate amu ag amunu oolagpa genab ii doona, danab amu anig mameg ele onilahpa eeg udieh, ¹⁹ od matan apig. "Imu a bekalahte? A nuhignu nug iikuib anuka anig oopanu ameg gaduak ele doum atepete? Amu atem ha, nug edua neegte?" aon apig. ²⁰ Ag anam od mataeg amu a apid. "Imu am nid ihinih amu i dootep, nug anig oopanu ameg gaduak ele doum. ²¹ Amge atem ha, nug aaku neegte, o aun nug ameg he, ena dayom amu i ii dootep. Ag nug od meteg! Nug okai meum. Nug

nuka nuhig nai matieb doyeg!” aoya apid. ²² Anig mameg ele a Juda okai dilag badapid amunu a anam apid. Juda okai ag tatam nai inam qagapig. “Danab laipu laa nug Jesus am Kristus aku amu nug lamidput, Juda dilag nai doyak lag uua, ad dimitim noku,” apig amunu a badapid. ²³ Ag anam apig amunu danab anig mameg ele a apid. “Nug okai meum, ag nug od meteg!” aoya apid.

²⁴ Juda okai ag ahilah nai doon, danab amu genab ameg gaduak dayom, gemu ena daate oolagpa genab doopig amunu ag baula ameg gaduak ena dayom ele amu onigpa eeg udie, ag nug amegpa apig. “Na Kayakib binag me! Ig dootem, danab amuam hipunin danab,” aon apig. ²⁵ Ag anam aeg amu nug aum. “Nug hipunin danabtai o iitatai amu da ii dootem amge keeke laipuib da dootem. Da anuka amel gaduak daami am Nug he, da edue neegtem. Aakuib da dootem,” awa aum. ²⁶ Nug anam a amu ag nug amegpa apig. “Nug atemnab heum? Nug amenpa atemnab he, na neegtem?” aon apig. ²⁷ Ag anam aeg amu nug aum. “Da tatam amelagpa ami amge ag ii dab mepig. Adinu ag baula dooglagu heteb? Ag ele nuhig ipunitak awak danab daaglagu hetebte?” awa aum. ²⁸ Nug anam a amu ag guhuḍidnana apig. “Na aaku nuhig ipunitak awak danab. Ig am Mosesnu ipunitak awak danab. ²⁹ Ig dootem Kayak Nug Moses nai metom amge danab amuam adebtagnu uḍiom amu, ig ii dootem,” aon apig. ³⁰ Ag anam aeg amu danab ameg ena dayom ele amu nug aum. “Imu am laanab, ag Nug adepanu uḍiom ii dooteb amge Nug he, da amel obatom. ³¹ Ig dootem Kayak Nug hipunin danab odelag ii doote amge danab aun nug Kayaknu kobol dim lamidte, Nug oo atem niite amu hete ele amu Kayak Nug ode doote. ³² Anuka dig makpanu uḍiak gemu batak amu danab laa nug

anig ameg gaduak ele menue, danab laa ameg babaite, ameg ena dayomnu laa ii dootem. ³³ Kayak Nug danab imu meeb ii uḍilo amu Nug keeke inam laa ii helo,” awa aum. ³⁴ Nug anam a amu ag amegpa apig. “Na anin nug menuite, na hipunin danab daame amunu adinu na ig ipunikutnu hetem?” Ag anam anana, lamiteg, dimitim ukom.

³⁵ Jesus ag danab amu lamidpignu nai doya, Nug danab amu matia anta, amegpa aum. “Na Danab Bekalagnu ootpa genab dootemte o iita?” awa aum. ³⁶ Jesus anam a amu nug aum. “Nadi, Danab Bekalag amu aun? Na ape da nuhignu oolpa genab dookul,” awa aum. ³⁷ Nug anam a amu Jesus aum. “Na Nug anidme amu danab Nug geha iiku na ele nai maditep am Nug aakuib,” awa aum. ³⁸ Anam a amu danab nug aum. “Nadi, da oolpa genab dootem,” awa aum. Nug anam anana, dup noa Jesus binag meum. ³⁹ Danab nug anam he, Jesus aum. “Da danab epediadkulnu wan imupa uḍimi amunu amu danab ag ameg gaduak bia elele ii daanna dooteb ele amu, ag oolag edueb, ena daaglag. Laa ag danab nug ena neegte amubia ag aka ahilagnu, ‘Ig am danab ena,’ ateb amu, ag oolag ii edueb, ag ena ii daamna,” awa aum. ⁴⁰ Do gumak danab-Parasia laa apa nug gukuidna daapig ele amu, ag amunu apig. “Ig elete danab ena iita, amenig gaduak bia?” aon apig. ⁴¹ Anam aeg am Jesus Nug ag amelagpa aum. “Ag amelag gaduak daalo amu ag hipunin iita daalob. Amge ag, ‘Ig amenig ii gaduom,’ ateb amunu am ahilag hipunin ana daate,” awa aum.

JESUS NUG AM SIPSIP GUMAK DANAB ENA

10 Jesus Nug nai amu matia mala, Nug nai imu ele matiom. “Da genab ag amelagpa atem. Danab laa nug sipsipnu ad odpa ii note, nug ad leta

note ele, danab amu nug am yabhok danab. ²Am danab nug adnu odpa tutuku note ele amu, nug am sipsipnu gumak danab. ³Amunu nug udie amu sipsipnu od gumak danab nug od matula mete, nug oopa no, sipsip nuhikud ag nug baag dooteb. Ag dooteb amu nug nuhikud sipsip onilagpa ewa diia, dimitim gotē. ⁴Haen nug sipsip nuhig diia dimitim uka amu nug anuqa ugeke, sipsip ag nug baag doon dim lamidteb. ⁵Ag danab laa dim ii lamidteb. Iita. Ag oolna gotēb. Adinu? Ag danab laa amu nug baag ii dooteb,” awa aum. ⁶Jesus Nug keeke danab ag dooteb ii dooteb ele ou aqata, amu ipuanatata mehuqom amge ag adinu aum amu ag oolag ii maitom

⁷amunu Jesus Nug nai laa mati-aya aum. “Sipsip ag laulag oopa gokulagnu amu ag ahilag ad odepā gotēb. Amubia da genabnab genab ag amelagpa atem. Da daka am hab abpa ukaknu od daatem. Danab ag hab abpa gokulagnu amu daib ehanadpi gokulag. ⁸Laa oh anuqna udina, ‘Da am Kristus,’ apig ele amu ag am yabhok danab amu keeke laanu mauhnoak eeda awak danab. Amge sipsip ag danab amu baalag ii doopig. ⁹Da daka am od. Laa nug dahilpa doa, ad oopa noa amu haen oh ena daaku. ¹⁰Yabhok danab nug sipsip yab awa, aqeb mauhkulagnu udite amge da udimi ele imu amu, ag bau dayak enanag amu madakulnu udimi. Ag aopeg ahilagpa am bak daaku.

¹¹Da daka amu sipsip gumak danab ena. Sipsip gumak danab ena nug sipsip ena daaglagnu mauhkunu dayeb amu mauhku. ¹²Danab nug udat nob aokunu udat hete amu nug sipsip gumak danab genab iita, nug sipsip mamelag ele iita amunu nug qai dakuḍ anta amu nug sipsip uuata, oola ugeke, qai dakuḍ nug sipsip aqa lamate, mauhnoak oolna, matatun tamtam gotēb. ¹³Danab amu nug nob aokunuib udat hete amunu nug

oolte. Nug sipsip pehetak dab ii madate. ¹⁴Da daka amu sipsip gumak danab ena. Da dahilad sipsip doyadtem, sipsip ag ele da dooidteb ¹⁵amubia Mame Nug da dooidede, da Mame dootem. Laa ele, da dahilad sipsip, ag ena daaglagnu dab mein dayeye, dahil bau dayak hepi iita meku. ¹⁶Da am sipsip laa, ad dahil imupan iita, amu ele dahilad, da amu ele diikul. Diipi, ag da baal dooglag amu, ag oh sipsip ameg laipuib daapeg, ahilag gumak danab ele daib daakuḍ. ¹⁷Da daka bau dayak dahil edue aokulnu da dahil bau dayak hepi iita meku amunu Mame Nug dahilnu oo mauhte. ¹⁸Laa nug heeb, bau dahil iita mekunu am iita, da daka dahil bau hepi, iita meku. Da dahil gagatagpa bau dayak dahil hepi, iita meku amu dahil gagatagpa bau dayak dahil edue aokulnu dootem. Am da Mame topanu gagatag amu aomi,” awa aum.

¹⁹Jesus anam a, Juda danab ag doona, edun opatna, ameg adit daapig. ²⁰Anam daanna, kudum laa ag apig. “Oudi nau nuhigpa daate amunu Nug ootot qe hetede. Ag adinu Nug ode dooteb?” aon apig. ²¹Ge laa am apig. “Imu am danab oudi nau elenu nai iita. Oudi nau nug danab ameg gaduak ele heeb, ameg opatkute?” aon apig.

JUDA AG JESUSNU KEKED DAAPIG

²²Am Jerusalem apa metid hobul laa, ag anuka mana metak lag od edun matulpig ele, metid hobul amu daulagpa daakunu haen be, danab ah oh apa qag mepig. Haen amuam oug haen. ²³Jesus Nug haen amupa mana metaknu lag talilia gediak oopa noa, Solomonnu aben ateb ele amupa noa, aben amupa oiyom. ²⁴Nug anam noa oiyeye, Juda ag dona hipaidna, Jesus oo metan daanna apig. “Na haen ganebnab hepe, ig dab mak adit ele daatem amu iita meku? Na genab Kristus daatem dayeb amu na peh etana tutuku miag atiak ape dootu!”

aon apig. ²⁵ Anam aeg amu Jesus Nug ag amelagpa inam aum. “Da amelagpa ami amge ag oolagpa genab ii doopig. Udat oh da Mame onigpa hetem amu ele, da am Kristus, ipuanadte. ²⁶ Amge ag am dahil adpanu sipsip iita amunu ag oolagpa genab ii dooteb. ²⁷ Sipsip dahilad amu ag da baal dooteb, da ele ag doyardtem. Doyatiti ag da dim lamidteb. ²⁸ Ag da dim lamidegeg, da ag bau dayak hanhannu madatem. Ag padal ii memana. Iitanab. Laa nug da epelpanu matakata ele ii diima. ²⁹ Da Mamel Nug ag da medom amu, Nug am keeke oh edatak. Laa ag Nug epegpanu iinab mataka aoma. ³⁰ Da Mamel ele amu i am laipu,” awa aum.

³¹ Jesus anam a amu Juda okai ag baula men aon, makudpeg mauhkunu hepig. ³² Makudkulagnu heeg amu Nug ag amelagpa aum. “Da Mamenu gagatagpa udat ena ena kudumnabpa danab ah ehanadmi amu adi udat amu ena iita anidna, da menpa oidpeg mauhkulnu heteb?” awa aum. ³³ Jesus anam a amu Juda ag apig. “Ig udat ena laa dab meta, na menpa oidput mauhkutnu ii hetem. Iita. Na Kayak dapidna, aon aon qedatem, na danab hamu amge na, ‘Da am Kayak,’ aon ame amunu ig hetem,” aon apig. ³⁴ Aeg amu Jesus aum. “Ahilag dopa Kayak ode inam yak niite. ‘Da ami, ag am Kayak ganiapud.’ ³⁵ Anuka Kayak nai wan imupan danab, amu dilagpa ukom amu Nug ahilagnu, ‘Ag am Kayak ganiapud,’ aum. Aria ig dootem, Kayak nai keeke laa ham bupuak ii ipunigte? Iita! Tutukuib ipunigte ³⁶ amunu adinu ag dahilnu, ‘Nug Kayak dabiita, awa awa qedte,’ ateb? Kayak Nug da tituanida, meide wanpa udimi. Nug anam heum amu anuka Nug wan imupan danab laa dilag, ‘Ag am Kayak ganiapud,’ aum amunu, ‘Da am Kayak beka,’ ami am adinu ag amunu, ‘Nug Kayak aben

aokunu hete,’ aon apig. ³⁷ Da Mamenu udat ii hetem dayeb doona amu ag oolagpa genab aib doopig. ³⁸ Amge da Mamenu udat hetem dayeb, ag amunu dahil nainu oolagpa genab dooglagnu elele iita dayeb amu da udat laala, danab haknu elele iita hetem amu, ag amu anidna, oolagpa genab doyeg! Amupa ag doyak aona amu Mame Nug dahilpa dayeye, da nuhigpa daatem amu tutuku dooglag,” awa aum. ³⁹ Jesus Nug anam a, ag nug adaglagnu hepig amge Nug ag edatata ukom.

⁴⁰ Anam daye amu Jesus Nug edua, Jodan le matada, anuka Johanes nug danab ah dig ma layatak matompa, apa uka dayom. ⁴¹ Nug apa dayeye amu danab ah kudum Nug gumidna udipig. Udin amu ag apig. “Genab, Johanes nug am kobol danab hekunu elele iita laa ii heum amge nug nai oh danab imunu matiom ele amu oh genabib,” aon apig. ⁴² Ag anam anana, danab ah kudum ag Jesusnu oolagpa genab doopig.

LASARUS MAUHOM

11 Aria danab laa onig Lasarus, Betani ted, nug am ode ele. Amu Maria Mata ele, a ele am ab amupanu. ² Maria, nug am Jesus baegpa goden gokadowa, iki udugpa opiom ele, ah amu aakuib, nug apinag Lasarus nug ode meum. ³ Lasarus nug ode meum amunu nug apinkud a nai meeh, Jesus topa uke apid. “Nadi, na nuhignu oot mauhte ele, danab amu aaku ode meum,” aoya apid. ⁴ Jesus Nug amu doya aum. “Ode amuam danab nug mauha iita maknu iita. Iita, ode amupa Kayak Nug binag okai aweb, Kayak Beka da, da ele amupa binal okai aokul,” awa aum. ⁵ Jesus Nug Maria, Mata amu a apinlah Lasarus ele, Nug amu dilagnu am oo mauhtom. ⁶ Aria Nug Lasarus ode me doyowa, Nug ded adit laa ele apa dayom. ⁷ Dayaya dimpa Nug nuhikud ipunitak

awak danab amelagpa aum. “Ig edut, Juda gotu!” awa aum. ⁸Nug anam a amu ag apig. “Nadi, tumainab iiku Juda okai ag menpa oidkulagnu hepig am na edun gokutnu aaku hefemte?” aon apig. ⁹Aeg amu Jesus aum. “Aam laipu am aua 12 haen oh iite daate? Am danab nug amunpa aam amahlakpa oiite, nug amahlak anidte amunu nug na ii qete. ¹⁰Amge danab nug tuqan oiite dayeb amu nug amahlak laa iita amunu nug na qete,” awa aum. ¹¹Jesus nai amu matia mala am Nug aum. “Ig lainig Lasarus nug niiom amge da uken mad edakul,” awa aum. ¹²Anam a amu ipunitak awak danab ag apig. “Nadi, nug niite dayeb amu nug ena daaku,” aon apig. ¹³Jesus Nug Lasarus mauhomnu aum amge ag oolagpa amu, “Nug genab niite,” aon apig. ¹⁴Ag anam dab meegeg amu Jesus Nug miag atia amelagpa aum. “Lasarus mauhom ¹⁵amge da nug ele apa ii daamud amunu amu da ool gamag ahafe. Adinu? Da ahilagnu dab metem. Da dahil udat laa hepi, ag kobol amupa ag dahilnu oolagpa genab dooglag. Ahapeg, ig gota anidtu!” awa aum. ¹⁶Amu Tomas, nuhignu ag Didi-mas ele ateb amu, nug ipunitak awak danab laa amelagpa aum. “Dopeg, ig goput, Juda hepeg, ig Nug ele mauhtu!” awa aum.

JESUS NUG HIBAITAK, BAU DAYAK ELE DIILAH

¹⁷Aria ag ahan gona, Betani apa teeg amu apanu danab ag amelagpa Lasarus ded wadele modpa niiomnu apig. ¹⁸Jerusalemnu Betani ukak amu nakok kilomita adit o laipu keeke anam, umanab iita ¹⁹amunu Juda kudum ag Mata Maria ele a lailah mauhom, a amunu a oolah ena daakunu ehanatkulagnu gumatna gopig. ²⁰Ag gona daaegeg, Jesus Nug udieye, Mata nug Jesus ibpa uditenu nai doya, nug

Jesus ib manpa anidkunu ukom amge Maria nug laka dayom. ²¹Mata nug uka, Jesus anta, amegpa aum. “Nadi, na ipa daalom amu da apinal nug ii mauhlo. ²²Amge da dootem, na geha iiku ele keeke laanu Kayak unuqidpe amu Nug amu medaku,” awa aum. ²³Nug anam a amu Jesus Nug amegpa aum. “Na apinam amu edua hipaidku,” awa aum. ²⁴A amu Mata nug aum. “Ao da dootem, gogtak haenpa danab ah edun hipaidkulag, haen amupa nug ele edua hipaidku,” awa aum. ²⁵Anam a amu Jesus Nug aum. “Edua hibaitaknu diig am da, bau dayak hanhannu diig amu ele daib. Laa nug dahilnu oopa genab doote ele amu, nug mauhku amge nug bauklel aoku. ²⁶Amu danab oh ag dahilnu oolagpa genab dooteb ele amu ag bauklelib daaglag. Na nai amu ootpa genab dootemte?” awa aum. ²⁷Jesus anam a amu Mata aum. “Ao Nadi, na am Kristus. Na Kayak Beka wan imupa udime. Da amu oolpa genab dootem,” awa aum.

²⁸Mata anam anana amu nug uka, Maria onigpa e do, omala, nakok giginpa uka, qinonob amegpa aum. “Ipunitak danab udiom, upa uma ibpa dayaya, na oninpa ete,” awa aum. ²⁹Maria nai amu doya, nug pahanab aha, Jesus gumita ukom.

³⁰Jesus Nug abpa paha ii teum, Nug ibpa, Mata uka antom ele, aben amupa apa dayom. ³¹Aria Juda ag Maria ele laka apa nug oo ena daakunu daapig ele amu, ag nug pahanab aha, dimitim uke anidna, ag, “Nug apinag mahidkunu matmatpatai gokunu gote,” anana, ag ahan, Maria dim lamidna gopig. ³²Maria nug uka, Jesus aben amupaib dayeye antom. Anta amu guguita wana, Jesus baegpa dup noa aum. “Nadi, na ipa daalom amu da apinal ii mauhlo,” awa aum. ³³Maria anam a amu Jesus Nug Maria gayeye anta, Juda ag Maria ele

udipig amu, ag ele gaaegeg anaṭom. Anam anaṭa amu Nug ele oo hik bopane, gaakunu heum. ³⁴ Anam haaha amu Nug aum. “Ag adepa mepig?” awa aum. A amu ag apig, “Naḍi na uḍin aṭe,” aon apig. ³⁵ Anam aeg amu Jesus gayom. ³⁶ Juda ag amu anidna apig. “Anteg, Nug danab amunu oo huanak mauhom,” aon apig. ³⁷ Amge laa amu apig. “Nug am danab amelag gaduak ele amu he ena daateb am nug haen imupa daalo amu danab imu ehaniteb ena daalotai?” aon apig.

JESUS LASARUS MAD ETOM

³⁸ Aria Jesus aaku anam baula oo hik bopanene, Nug mod guguita waum. Mod amuam ag men ode laa bapaidpig. Bapaidna men laapa mod ode amu tonapig. ³⁹ Amu Jesus Nug amelagpa aum. “Ag men ode amu matuleg!” awa aum. Nug anam aum amge Mata nug aum. “Naḍi, nug ded wadele modpa niom amunu uḍig oṭe,” awa aum. ⁴⁰ A am Jesus Nug aum. “Da tatam na amenpa ami. ‘Na ootpa genab dookut amu na Kayak ebehi gemu anidkut,’” awa aum. ⁴¹ Jesus anam a, ag men mod ameg matulpig. Matuleg, Jesus hab aṭan neekaka aum. “Mame, na unuqitak dahil doome amu da amunu, ‘Ena heme,’ awe aṭem. ⁴² Da dooṭem, na dahil unuqitak haen oh dooṭem amge da danab ah daateb imu dilag heina, nai imu na amenpa aṭem. Amupa ag na da meide uḍimi amu ag oolagpa genab dooglag,” awa aum. ⁴³ Nug anam unuqitowa amu Nug huanak ewa aum. “Lasarus, na ahan dimitim do!” awa aum. ⁴⁴ Anam a amu danab mauhak amu aha, dimitim doum. Ag nug baeg, epeg, idu amu oh lamen laa linen amupa itapig amunu nug uḍie, Jesus Nug amelagpa aum. “Lamen uhuqpeg ukad!” awa aum.

IKI DANAB AG JESUS QEḶULAGNU NAI QAGAPIG

⁴⁵ Jesus danab mauhak maḍ eṭe amu Juda kuḍum Maria anidkulagnu uḍipig ele amu, ag Jesus udat amu he anidna, ag nuhignu oolagpa genab doopig. ⁴⁶ Amge laa ag gona, ḍo gumak danab-Parasia amelagpa Jesus aḍi heum amunu madipig.

⁴⁷ Maṭieg amu mana meṭak danab okai amu ḍo gumak danab-Parasia ele ag Juda dilag hetodiak okai onig Sanhidren, amunu danab oh qag maadna apig. “Ig aṭem hekunig? Danab imu Nug eponak keeke, danab hekunu elele iita kuḍum hete. ⁴⁸ Ig dootta daapput, Nug inamib heeb amu danab ah oh nuhignu oolagpa genab dooglag. Genab doopeg amu geha Rom ag, ‘Umuam king laa ahom daate,’ anana, ag uḍin, ihinig mana meṭak lag lopadna, hepeg nauheb, ig ele lamigpeg, laih gokunig,” aon apig. ⁴⁹ Amge danab laipu laa, ag oolagpa dayom ele amu, nug onig Kaiapas, nug maḍ amupa mana meṭak danab dilag iki dayom ele amu, nug laikud amelagpa aum. “Ag keeke laipu iinab dooṭeb. ⁵⁰ Ag imunu dab mak iitai aopig? Ig oh Rom epegpa mauhkunig am ena iita. Yo, danab ah oh mauhkulag am ena iita amge danab laipu nug danab ah oh abenlag awa mauhku, amuam ena amunu danab umu Nug mauhad!” awa aum. ⁵¹ Nug nukā nuhig dab makpa Jesus mauhkunu nai amu ii aum. Iita. Maḍ amupa nug mana meṭak danab dilag iki dayom amunu Jesus mauha, Juda ehanadkunu aum. ⁵² Amu ele nug Jesus Juda dilagib mauhkunu ii aum. Iita. Nug Jesus mauhku amupa danab ah atu ohpa daateb amu Nug ag oh diia, qag maateb, ag Nug bekod daaglagnu aum.

⁵³ Aria Juda okai ag ded agupaib dig mena, Jesus qepeg mauhkunu nai madipig ⁵⁴ amunu Jesus Nug baula Juda

oolagpa miag atiak ii oiyom. Nug ab amu uua, aha ab laa onig Epraim, atu tadak guguitak, apa ukom. Uke, nuhikud ipunitak awak danab ele ag ab amupa daapig. ⁵⁵ Ag apa daaegeg, Juda dilag Pasowa metid hobul miag doum amunu ab laih laihnu danab ah oh Jerusalem apa, ag aka tatam oolag bapaidna opia awak daapeg, hobul dig mekunu hena gona amu, ⁵⁶ ag Jesus madipig. Ag mana metak lag oopa daanna amu ag aka aka nug od metan apig, “Ag aтем dooteb? Nug Pasowanu metid hobul anidkunu iitai uđima,” aon apig. ⁵⁷ Am mana metak iki danab amu do gumak danab-Parasia ele ag tatam danab amelagpa, danab laa nug Jesus adepa daate amu doya amu nug ag amelagpa ab, Jesus aon mani guitakpa mekulagnu apig.

MARIA JESUS GODENPA LAAITOM

12 Aria Pasowa metid hobul bekunu heeche, ded eblaih laipu anam daye, Jesus Nug tatam danab mauhe mad etom ele, onig Lasarus, amu apagpa, Betani ukom. ² Ag Jesusnu lewa nakok ab amupa heeg, Mata nug e ye-eye, Lasarus nug amu, Jesus, danab laala ele ag balapa daanna e lapig. ³ E lanana, Maria nug goden, bala onig nadpa hepig ele, mutudig enanag, ug nuhig amu paun laipu, nuhig daden okai ele amu, nug amu awa, Jesus baeg laaitowa, iki udugpa opiom. Anam he, godennu mutudig amu lag amu oh tona malom. ⁴ Amge nuhikud ipunitak awak danab laa, Judas Iskariot, nug Jesus keked epelagpa meku ele amu, nug aum. ⁵ “Goden umu amu nuhig nob am mad laipunu udat nob editak amunu adinu nug danab laa daden mekunu ii meum? Nug anam ha, men dodo aololob amu nug dadek danab matalo,” awa aum. ⁶ Judas nug anam awa aum amge nug dadek danab dilag dab ma ii aum. Iita. Nug ipunitak awak dilag men dodonu kunup gu-

mama yab aotom amunu men dodo amu kunuppa melo amu nug yab aolo. ⁷ Judas nug anam a amu Jesus Nug aum. “Uue! Ah imu nug da boomidkulagnu beđul babaitom. ⁸ Dadek danab amu, ag ag oolagpa hanhan daaglag amge da am ag ele haen oh ii daamta,” awa aum.

⁹ Ag anam henan daaegeg, Juda kudum ag Jesus ab amupa daate doona, ag gumidna udipig amge ag Jesusib anidkulagnu ii udipig. Iita. Jesus Nug Lasarus modpanu mad ete ahom amunu ag Lasarus anidkulagnu ele udipig. ¹⁰⁻¹¹ Juda kudum ag Lasarus anidkulagnu gona, ag Jesus he, Lasarus modpanu edua hibaitom amu dab menana, ag Jesus oolagpa genab doopig amunu mana metak danab okai ag Lasarus ele qepeg mauhkunu nai madipig.

JESUS KING BIA JERUSALEM UKOM

¹² Aria, danab ah ameg nadi ag metid hobul anidkulagnu uđin apa daapig. Daegeg, ded nadi ii nak haenpa, buti nekunu dayom amu, danab kudum ag Jesus Jerusalem uđite amu doopig. ¹³ Ag anam doona, ag ad epeg udug ele anam qialadna, Jesus ibpa anidkulagnu gopig. Ukaeg, Jesus ele nug uda tena apig. “Ig Kayak onig humatu! Danab imu Nug Kayak onigpa uđite. Kayak Nug itidte. Nug am Israel dilag King! Kayak Nug itidte,” aon apig. ¹⁴ Jesus Nug donki nag laa nakok okai meum ele amu anta, Nug amupa ta dayom. Nug Kayak naipa, nai laa daate, amubia heum. Nai amuam inam. ¹⁵ “O Sion, Na aib badame! Ante, king nahip aaku uđite, Nug donki nag, nakok okai meum ele amu, nug atan dayaya uđite.” ¹⁶ Yak anam niite amge Jesusnu ipunitak awak danab ag tatam nai amunu diig amu ag oolag ii maitom. Dimpa Jesus Nug hab abpa uke, haen amupa ag nai yak nuhignu niite amu

danab ag Jesusnu hepig amunu ele dab mepig.

¹⁷ Aria Lasarus nug mauha modpa niom, haen amupa am danab ah kuḍum ag ele daanna, Jesus Nug Lasarus onigpa ewa maḍ eṭe, aha dimitim do anidpig amu, ag amunu maṭiegeg, ¹⁸ danab ah laala ag Jesus Nug eponak keeke, danab heḱunu elele iṭa amu heum, ag nai amu doopig amunu ag Jesus ibpa anidkūlagnu gopig. ¹⁹ Ag gopig amunu ḍo gumak danab-Parasia ag aḱa aḱa nai maṭin apig. “Ig nuhig ib oo nekunignu elele iṭa. Anteg! Danab ah oh Nug dim lamidteb,” aon apig.

GRIK LAALA AG ELE JESUS ANIDKULAGNU GOPIG

²⁰ Amu haen amupa Grik laala ag ele Jerusalem apa danab ah ag metid hobul amu anidkūlagnu uḱaegeg, ag ele oh gopig. ²¹ Grik danab amu ag Betsaida ted Pilipus gumidna gona, amegpa apig. “Danab nadi, ig Jesus anidkunignu oonig daate,” aon apig. ²² Aeg am Pilipus uḱa, Andreus amegpa aum. A amu Andreus nug Pilipus ele oh goya, Jesus amegpa apid. ²³ Aeh amu Jesus Nug amelahpa aum. “Danab Bekalag da, da onil oḱai aokulnu haen aaku uḍiom. ²⁴ Genabnab genab da ag amelagpa aṭem. Buah aeg nug wanpa ii na qeḱu, qaḍu beeb, aeg nug ele ii beḍaku amu aeg nug aakuib daate amge nug wanpa na qa beḍaku dayeb amu nug bau ba, meu huanak ote. ²⁵ Anam amunu aun nug beḍu wan imupanuib bau daḱunu dab mak oḱai aote amu nug padal meḱu. Amge aun laa nug wan imupan beḍu bau dayak oo ii qeṭe, amunu dab mak oḱai ii aote amu, nug bau dayak nuhig haen oh nuhigpa daaku. ²⁶ Amu laa nug dahil uḍat heḱunu dayeb amu nug da dim lamidaḍ! Am da adepa daaṭem am dahil uḍat danab nug ele apa daaku. Am laa nug

da dim lamidḱu amu Mame Nug ele nug binag humaku,” awa aum.

JESUS NUG AG NUG AD EMAITAKPA ATULKULAGNU AUM

²⁷ Jesus Nug nai amu anana, Nug nai tuḍita aum. “Da oolpa dab mak kuḍumnab aotem. Da, ‘Mame, na haen imunu mua nau imu hepe da ii anidpa,’ aḱulte? Iṭa! Da uḍat imu heḱulnu uḍimi,” awa aum. ²⁸ Jesus Nug anam anana amu Nug nai tuḍita aum. “Mame, na binan humape oḱai dayad!” awa aum. Anam a amu baag laa hab aṭannu na aum. “Da tatam binal oḱai humami amu baula oḱainab humakuḱul,” awa aum. ²⁹ A amu danab ah laala apa daapig amu ag, “Hakaḍ qeum,” aon apig. Laa am apig, “Engel nug, Nug amegpa nai maṭiom,” aon apig. ³⁰ Ag anam aeg amu Jesus ag amelagpa aum. “Baag imu am da ehanidḱunu ii neum. Iṭa! Ag ehanadḱunu neum. ³¹ Gemu amu wan imupan danab oh dilag epediak haen. Gemu haen imu amu, wan imunu gumak danab nau amu lamiteb dimitim goḱu. ³² Amge da ad emaitakpa atulidḱulag, haen amupa amu da danab ah oh eedadpi, ag dagatolpa doḱulag,” awa aum. ³³ Jesus Nug nuhig mauhaknu ib amu miag atikunu, Nug nai anam maṭiom.

³⁴ Nug anam maṭie amu danab ah kuḍum nug oḍepa aon apig. “Ig ḍopa nai inam doomut. ‘Kristus Nug hanhan daaku!’ Am aṭemun na Danab Bekalag aihḱulagnu aṭem? Danab Bekalag Nug am aun?” aon apig. ³⁵ Anam aeg am Jesus Nug aum. “Ag haen naḱoknab laa ele amahlak ele daaglag. Haen imupa ag amahlak ele amunu gatatu ag tonadmanu ag amahlak ele oiyeḱ! Laa nug gatatupa oiṭe amu nuhig ib ii anidṭe. ³⁶ Ag amahlak ele daanna amu amahlaknu oolagpa genab doyeḱ! Ag oolagpa genab dooglag amu ag amahlak

beƙod daaglag,” awa aum. Jesus nai amu awowa, uuata, ag amelagnu loƙumom.

JUDA KUƊUM AG JESUSNU OOLAGPA GENAB II DOOPIG

³⁷ Jesus Nug danab ah kuƊum amelagpa eponak keeke, danab heƙunu elele iita heum amge ag nuhignu oolagpa genab ii doopig. ³⁸ Ag oolagpa genab ii doopig amunu ag heeg, propet Jesaianu nai aaku elele meƙom. Propet nug nai inam aum. “Nadi, danab laa nug ihinig nainu oopa genab ii doote. Am danab laa nug Nadi Nug udat gagatag heum amu udat amunu diig ii doote.” ³⁹ Ag nai ii doopig, Kayaknu udat okainu diig ele ii doopig amunu ag Jesusnu oolagpa genab ii doopig. Keeke amunu am Jesaia nug nai laa inam ele yom. ⁴⁰ “Nug danab amu ag amelag he gaduom, ag oolag ele he, gagatag epom amunu ag amelagpa keeke laa anidna, oolag edueb, oolag tutuku dab medapeg, da ag bapaladƙulnu elele iita.” ⁴¹ Jesaia Jesus binag okainab antom amunu nug Jesusnu aum.

⁴² Jesaia anam anta yom amubia iki danab kuƊum ag oolagpa genab ii doopig amge laala, nakok kuƊum, ag oolagpa genab doopig. Ag oolagpa genab doopig amge ag do gumak danab-Parasia, amu dilag badapig. Ag ag lamadpeg, nai doyak lag dimitim daamanu badana, oolagpa genab doyak amu miag ii atipig. ⁴³ Ag danab ag binalag meƙulagnu dab mak okai aopig. Kayak Nug ag binalag meƙunu amu, ag amunu dab mak okai ii aopig.

⁴⁴ Amu Jesus huanak ewa nai maƙiya aum. “Laa nug dahilnu oopa genab doote amu nug dahilnu oopa genab ii doote. Iita. Aun nug da meide uƙimi ele amu, Nug nuhignu ele oopa genab doote. ⁴⁵ Am laa nug da anidte amu nug aun da meide uƙimi ele amu Nug ele anidte. ⁴⁶ Amu laa nug dahilnu oopa genab

doote, nug gatatupa ii oimanu amu da amahlak awen, wan imupa uƙimi.

⁴⁷ Am laa nug dahil nai doya dim ii lamidte amu da nug ii epedipa. Da wan imupan danab epediadƙulnu ii uƙimi. Iita. Da ag eduen diikulnu uƙimi. ⁴⁸ Laa nug da di meda, dahil nai ii aoku amu nuhig epediak, nug aokunu apa ana daate. Nai da nug dookunu maƙimi ele amu, nai amu geha nug hetodiakpa epediku. ⁴⁹ Da daka dahil nab makpa nai ii maditem. Iita. Mame, Nug da meide uƙimi, Nug da udat meƙom ele amu, Nug da adi nai akulnu, adi madikulnu ele meƙom. ⁵⁰ Am da dootem, Mamenu nai amu bau hanhan dayaknu nai amunu da nai amu maditem ele amu Mame Nug amelpa aum amuib maditem,” awa aum.

JESUS IPUNITAK AWAK DANAB BAELAG IHOM

13 Pasowa meƙid hobulnu ded ii neumpa, Jesus Nug doyom, Nug wan imu uua, Mameg topa gokunu haen aaku malom. Nug anam doya, Nug danab ah nuhiƙudnu oo mauhe, Nug genab anam huanak doyom amu ipuanaƙom. ² Nug nuhiƙud ipunitak awak danab ele e lanan daanna, Satan nug tatam Judas Iskariot, Simon beƙa, nug Jesus keked epelagpa meƙunu dab mak meƙom amu ³ Jesus Nug Mameg keeke oh Nug epegpa meum doya, Nug Kayak topanu uƙiom, Nug edua Kayak topa gokunu ele doya, ⁴ Nug e uua aha, ulahnu lamenu nuhig uƙa maama, bedu opiaknu lamenu laa awa, imuagpa takom. ⁵ Nug anam hewowa, le tapidpa qe noum. Qe no, aaku Nug dig ma, nuhiƙud ipunitak awak danab baelag ihaha amu lamenu imuagpa takom ele, amupa baelag lepu opiom. ⁶ Am Nug baelag lepa ihaha uƙa uƙa, Simon Petrus gumita wa, Petrus nug Jesus oƙ meƙom. “Nadi, na da bael ihakutnute hetem?” awa aum. ⁷ Anam a amu Jesus amegpa aum,

“Keeke da hetem imu na geha imu ii dootem amge dimpa dookut,” awa aum. ⁸Awa a amu Petrus aum. “Nadi, na da bael iinab ihamna, gemu buti adi ele iinab ihamna,” awa aum. A am Jesus Nug aum. “Da na baen ii ihaikul amu na dahil iita,” awa aum. ⁹Anam a amu Simon Petrus aum. “Nadi, anam dayeb amu na da baelib aib ihame. Na epel, ikil ele oh ihe!” awa aum. ¹⁰Petrus anam a amu Jesus Nug amegpa aum. “Laa nug le layom ele amu, nug beđu dubuđid iita amunu nug baegib iheb, nug beđu oh opia awak daaku. Ag am opia awak daateb amge ag ohnab opia awak iita,” awa aum. ¹¹Jesus Nug laa Nug keked epelagpa mekunu amu doyom amunu Nug, “Ag oh opia awak iita,” awa aum.

¹²Aria, Jesus ag baelag iha malowa amu nuhig ulah lamen edua awa, ade no, edua dayom. Dayaya Nug ipunitak awak danab amelagpa aum. “Da keeke ahilagpa hemi imu ag oolag maidtete?” ¹³Ag dahilnu, ‘Ihinig ipunitak danab amu ihinig Nadi ele,’ aon ateb. Da genab da anam aaku daatem amunu ag ena anam ateb. ¹⁴Da am ahilag Nadi amu ahilag ipunitak danab ele amu da ag baelag ihaladmi amunu ag ele lailkad baelkad ihalateg! ¹⁵Da kobol imu ag ipuanadmi, ag ele kobol da gemu ahilagpa hemi amubia heig! ¹⁶Da genabnab genab ag amelagpa atem, begbeg danab nug gumak danab nuhig ii edidte. Am danab nug udatpa gote amu nug danab me gote ele amu ii edidte. ¹⁷Ag amu doona, ag anam hekulang amu ag oolag gamag ahaku.

¹⁸Da maditem imu amu da ag oh ahilagnu ii atem. Da danab dahilad, da tituanadmi ele amu, da ag diilag dootem. Amge Kayak nai niite amu genab meu beku. Nai amu inam ate. ‘Danab nug da ele e latep ele amu, nug da tapidkunu baeg humaku!’ ¹⁹Da imu ii beumpa iiku ag amelagpa atem amunu dimpa beeb

amu ag dooglag, da am Kayak beka. ²⁰Da genab ag amelagpa atem. Laa nug udat danab, da nug mei gote ele amu, nug oo međa humidte amu nug da aaku oo međa humidte. Laa nug da oo međa humidte amu nug laa, da meide uđimi ele amu, Nug oo međa, humidte,” awa aum.

JUDAS JESUS KEKED EPELAGPA MEKU

²¹Jesus nai anam matiowa, Nug oopa ugnab doyom. Oopa ug doya amu Nug nai matia aum. “Da genabnab genab ag amelagpa atem. Ag oolagpanu laipu laa nug da keked epelagpa meidku,” awa aum. ²²Nug anam a amu ipunitak awak danab ag aka aka nug neekidpig. Nug aunnutai aum amu ag ii doopig. ²³Ipuunitak awak danab laa, Jesus nuhignu o huanak mauptom ele, nug Jesus guguitaknab dayom. ²⁴Dayeye amu Simon Petrus nug epegpaib amegpa aum. “Na od mete, Nug aunnu ate,” awa aum. ²⁵Anam a amu ipunitak awak danab Jesus guguitaknab dayom ele amu nug aum. “Nadi, na aunnu atem?” awa aum. ²⁶Nug anam a amu Jesus amegpa aum. “Da geha bret tapid lewa elepa mepi nob, taulen medakul amu danab nug aakuib,” awa aum. Aria Jesus Nug bret lewapa ma awa, Simon beka Judas Iskariot metom. ²⁷Judas e amu awe amu Satan nug oopa noum. No amu Jesus Nug nuhignu aum. “Keeke na hekutnu hetem am paha he!” awa aum. ²⁸Anam aum amge balalpa daapig ele, amunu laipu laa Jesus Judas amegpa aum ele, nai amu diig ii doyom. ²⁹Laala ag Judas men dođo kunup gumtom amunu, “Jesus Nug pasowa hobulnu keeke awaknutai ate,” o iita, “Dadek danab dilag keeke daden ma mataknutai ate,” aon apig. ³⁰Aria Judas nug bret maha amu awowa, pahanab dimitim ukom. Dimiitim amu gatatu ele aaku neum.

DO BAU

³¹ Judas dimitim uke amu Jesus Nug aum. “Danab Bekalag da aaku binal okai aomi. Dahilpa Kayak ele binag okai aote. ³² [Kayak Nug dahilpa binag okai aweb] da nuhigpa binal aokul. Yo, Nug pahanab da binal okai medaku. ³³ O nid naunau dahilad, haen nakoknab da ag ele daagnig amu dimpa ag da matidkulang. Da tatam Juda amelagpa ami, amu gemu ele ag amelagpa iiku aтем. Ag aben da gotem ele, amupa ag gemu gokulagnu elele iita. ³⁴ Amu gemu da do bau ag madatem. Ag lailkad dilag oolag mauhad! Amu da ahilagnu ool mauhte, amubia ag ele ag lailkad dilag oolag mauhad! ³⁵ Ag lailkad dilag oolag mauhebu amu danab laa ag miagib dooglag, ag amu ipunitak awak danab dahilad,” awa aum.

³⁶ Jesus anam a amu Simon Petrus od metom. “Nadi, na adepa gokut?” Petrus anam a amu Jesus Nug amegpa aum. “Aben da gotem ele, amupa amu gemu na da dim lamidna gokutnu elele iita amge dimpa amu na dim lamidkut,” awa aum. ³⁷ Anam a amu Petrus nug aum. “Nadi aтемun? Da geha imu na dim lamidkulnu elele iitate? Da geha na ehaniten, da nahip aben awen mauhkul amunu amu, da ugnab laa ii dootem,” awa aum. ³⁸ A amu Jesus odepa awa aum. “Na dahil aben aona mauhkut-te? Da genab na amenpa aтем. Na tuqan imupa, na dahilnu, ‘Da Nug ii dootem,’ aon, haen ewam batak akut. Na haen ewam anam ape, dimpa matuk dawai nug gaaku,” awa aum.

MAME TOPA UKAKNU
IB AMU JESUSIB

14 “Ag oolag ug aib dayom. Ag Kayaknu oolagpa genab doona, ag dahilnu ele oolagpa genab doyeg! ² Da Mamel laug amu oo kudum ele

amu da laa ahilagnu bapaidkulnu gotem. Anam laa ii daalo amu da ag amelagpa alom. ³ Da uken, ahilag aben babaitoya amu da eduen udien, omalate gokul. Adinu? Da daakulpa amu, ag da ele daagnig. ⁴ Amu da gokulnu ib amu ag dooteb,” awa aum. ⁵ Anam a amu Tomas od metom. “Nadi, na adepa gokut amu ig ii dootem amunu ig aтем heta, ib na gokut ele amu doognig?” awa aum. ⁶ A amu Jesus Nug nob ma aum. “Ag laih gokulagnu henana amu ag ibpa goteb. Amubia da am hab abpa ukaknu ib. Laa ele amu genab diig am da, bau dayaknu diig amu ele daib. Danab nug Kayak gumita gokunu amu, daib nug ehanidpi gokunu elele daatem. ⁷ Ag da dooidlob amu ag da Mamel ele doolob amge geha iiku amu ag Nug dooteb amu ag ele anidteb,” awa aum. ⁸ Anam a amu Pilipus nug aum. “Nadi, Na Mama ipunigpe, amupa ig elele doognig,” awa aum. ⁹ Pilipus anam a amu Jesus aum. “Pilipus, haen elabnab da ag ele daamut am na iite dooidtem? Danab nug da anidte amu nug Mama anidte. Am adinu na Mama anidkutnu od medatem? ¹⁰ Da Mame topa daaiyi, Mame Nug dahilpa daate. Pilipus na amu ootpa genab iite dootem?” awa aum. Jesus Nug anam matiowa, Nug nai tudita ag oh amelagpa aum. “Nai da ag amelagpa maditem ele imu, amuam da daka, dahil dab makpanu iita. Mame Nug dahilpa daate amu Nug nuhig matiak hete. ¹¹ Da Mama topa daaiyi, Mame Nug dahilpa daate, nai amu ag oolagpa genab doyeg! Iita dayeb amu da keeke danab hekunu elele iita kudum hetem, ag amu anidna, ag oolagpa genab doyeg! ¹² Da genabnab genab ag amelagpa aтем. Laa nug dahilnu oopa genab doote ele amu nug udat da hetem imu amu nug ele heku. Nug udat da hetem ele amu, udat dahil amu editak, okainab ele heku. Adinu? Da geha Mame topa

gokul. ¹³ Amu Mama Nug binag okai dahilpa aokunu amu ag keeke laanu da onilpa apeg amu da hekul. ¹⁴ Keeke oh ag da onilpa da od medapeg amu da hekul.

JESUS KAYAK OUDI MEEB UDIKUNU AUM

¹⁵ Am ag dahilnu oolag mauhte dayeb amu dahil do ena tutuku dim lamidkuglag. ¹⁶ Amu da Mamel od medapi, Nug ehanitak laa madaku. Nug ag ele hanhan daaglag. ¹⁷ Nug am Kayak Oudi, Nug nai genab Kayaknu ag ipuanadte. Wan imupan danab, ag oolagpa genab ii dooteb ele amu, ag aoglagnu amu elele iita. Adinu? Ag Nug ii anidteb am ag ele ii dooteb. Amge ag da ele geha iiku daateb, ag am Nug dooteb, Nug ag ele daateb, dimpa Nug ag oolagpa ele daaku. ¹⁸ Da ag nid laa, nug anig mameg ele mauhpig, nukanan daate, amubia ii uuadpa. Iita, da gumate udikul. ¹⁹ Nakok laa ele wan imupan danab, ag oolagpa genab ii dooteb ele amu, ag da ii anidmana amge ag dahilad daateb amu ag am da anidkulag. Da haen amupa bau daakul amunu ag ele bau daaglag. ²⁰ Haen amupa amu, da Mame topa daatem, ag am dahilpa daateb, da ahilagpa ele daatem amu ag dooglag. ²¹ Am aun laa nug dahil do awa, tutuku dab medata dim lamidte ele amu, nug aakuib am dahilnu oo mauhte. Am aun nug dahilnu oo mauhte amu Mame Nug ele nuhignu oo mauhku. Da ele nuhignu ool mauhebeb, da dahil kobol miag atiak nug ipunidkul,” awa aum.

²² Jesus anam awa a amu Judas laa, Judas Iskariot iita, nug aum. “Adinu igib nahip kobol ipunigkut amge iita adi dilagpa amuam iita?” awa aum. ²³ Judas laa amu nug anam a amu Jesus Nug aum. “Danab laa nug dahilnu oo mauhebeb amu nug dahil nai ele dim lamidku. Aria danab amunu amu da Mamel Nug

nuhignu oo mauhku. Amu da Nug ele, i nuhigpa nepud, ig oh laipu, danab ewam lag laipupa daateb, amubia haen oh daagnig. ²⁴ Laa nug dahilnu oo ii mauhte ele amu nug nai dahil ele dim ii lamidte. Am ag dooteb, nai amuam dahil iita. Nai amuam Mame, Nug da meide udimi ele amu, nuhig nai.

²⁵ Keeke imu oh amu da ag ii uuadmi, da ag ele daatta, haen imupa iiku maditem. ²⁶ Amge ahilag ehanitak, Kayak Oudi, da Mamel Nug da onilpa meeb udiiku amu, Nug udia, keeke oh ipuanata, da ag amelagpa adi ami amu Nug heeb, ag daulagpa doku. ²⁷ Da madod awe ii gopa. Iita! Da dahil madod ag madatem. Wan imupa madod amubia ii madatem amunu ag oolag ug aib qeum. Ag aib badapig.

²⁸ ‘Da ag uuate ukoya, eduen ag gumate udikul,’ ai doopig. Ag genab dahilnu oolag mauhlolob, ag da Mame topa gokulnu amu ag amunu oolag gamag ahalo. Adinu? Mame Nug am Nadi, Nug da edilak. ²⁹ Keeke imu neeb, ag oolagpa genab dooglagnu amu da keeke imu ii neumpa iiku da ag amelagpa ami. ³⁰ Wan imupan okai nug amu nug udat nuhig hekununu haen miag beum daate amunu da ag ele nai kudum baula ii matimta. Nug dahilpa keeke laa hekununu gagatag iita ³¹ amge danab ah oh ag da Mamenu ool mauhte anidkulagnu, ag da Mame Nug adi hekulnu amelapa matiom amuib hetem ele dooglagnu amu da iiku hetem. Ahapeg ig gotu.

JESUS NUG MUDI ONIG GREP GENAB

15 Da am mudi laa onig grep amu nug ebekud diig. Da anam daaiyi amu da Mamel Nug am gumak danab. ² Mame Nug dahilpa epeg oh meu ii nitteb ele amu okulata gedadte. Epeg laa meu nitteb ele amu ag meu huana okulagnu amu Nug bapaladte. ³ Da nai ag matami amu he, ag ena bepig daateb.

⁴Ag dahilpa daapeg, da ahilagpa daakul. Mudi grep epeg nug nuḱa awaitak dayaya meu niikunu elele iita, nug mudi grep tuditak dayaya meu niikunu elele amubia ag da ele ii daagnig amu ag ele meu ena ii omana. ⁵Da amu mudi grep, ag amu mudi grep ebekud. Laa nug dahilpa daate, da nuhigpa daatem amunu nug meu kudumnab ote. Ag da uuidna amu ag keeke laa hekulagnu elele iita. ⁶Laa nug dahilpa ii daate ele, nug mudi grep ebekud danab ag okulna akaeg uke bunadteb amubia daate. Danab ag mudi grep ebekud amu ag qag maadna akaeg, ab adu nadipa teeg eote. ⁷Ag dahilpa daapeg amu dahil nai ahilagpa dayeb, ag oolag daate amu ag amunu da od medanna, ag aoglag. ⁸Ag meulkad huanak okulag amupa da Mamel Nug onig okai aoku. Amupa ag dahil ipunitak awak danab genab ele daaglag.

⁹Mame Nug dahilnu oo mauhte amubia da ahilagnu ool mauhte. Ag dahil oo mauhak amu oopa ag hanhan dayeg! ¹⁰Da Mamenu do tutuku dim lamitete, nuhig oo mauhak oopa daatem amubia ag dahil do tutuku dim lamidkulag amu ag haen oh dahil oo mauhak oopa daaglag. ¹¹Da oo gamag ahak dahil ahilagpa daakunu nai imu matimi. Amupa oo gamag ahak ag oolagpa am baknab daaku. ¹²Dahil do amu inam. Da ahilagnu ool mauhte, amubia ag ele lailkad dilagnu oolag mauhad! ¹³Laa nug laikud dilag dab ma, nuhig bau dayak padate amu oo mauhak kobol amuam oo mauhak kobol laa oh edidte. ¹⁴Amu ag da do matami, ag amubia hekulag amu ag dahil kadoi daaglag. ¹⁵Begbeg danab nug danab okai nuhig adi hete amu nug ii doote, nug, 'Na gona udat amu he,' ate amuib aaku nug hete amunu da baula ahilagnu begbeg ii atem. Iita. Da ahilagnu kadoi atem. Adinu? Da Mamel keeke oh amelpa a

doomi amu ohnab matiye ag doopig. ¹⁶Ag da ii tituanidpig. Iita! Ag da onilpa adi keekenu Mame amegpa unuqidpeg amu Nug ag madaḱunu, da ag dahilad daaglagnu tutuanaten, ag gona oina, meulag okulagnu amu meu amu hanhan daakunu maadmi. ¹⁷Da do iiku ag madaatem, ag lailkad dilagnu oolag mauhad!

DANAB AH IPUNITAK AWAK DANAB KEKED MATAGLAG

¹⁸Danab ah ag oolagpa ahilagnu nau, ninig ele doopeg amu ag doyeg, danab ah amu ag tatam dahilnu anam doopig. ¹⁹Ag wan imupanu danab ele laipu daalob, wan imupanu danab ag ahilagnu ag lailkad bia doolob amge ag wan imupanu danab ele laipu iita. Da ag danab amu oolagpanu tituanaten, wan imupanu kobol imu uuglagnu ag maadmi amunu diig amupa ag ahilagnu keked daateb. ²⁰Nai da ag amelagpa ami ele amu daulagpa doad! Nai amuam inam. 'Begbeg danab nug gumak danab ii edidte.' Amu aun adi laa ag da lamidna gedilpig amu ag ag ele lamadna gedadkulag. Aun laa ag dahil nai dim lamidpig ele amu ag am ahilag nai ele dim lamidkulag. ²¹Amge laa ag Mame, Nug da meide udimi amu, ag Nug ii dooteb amunu ag, ag da onilpa oiteb doona, ag ahilagpa ehed hekulag. ²²Da udien, danab amu ag amelagpa nai laa ii matilom amu ag hipuninnu ab iita daalob amge gemu ag hipuninnu ab iita daaglagnu ib laa iita. ²³Am laa nug da guhudilte amu nug da Mamel ele guhudidte. ²⁴Da keeke danab hekunu elele iita, danab laa ii heum ele amu, ahilagpa ii helom amu ag hipuninnu ab iita daalob amge ag anidna, hamu bia doona, da amu da Mamel ele ag oolagpa ihinihnu nau, ninig ele doopig. ²⁵Am ahilag dopa yak niite amu elele metom.

Nai amu inam. 'Ag oolagpa, dahilnu diig iitapa nau, ninig ele doopig.'

²⁶Kayak Oudi, Nug onig laa Ehanitak, Nug amu keeke ohnu genab diig, Kayak topa daate amu da Nug geha mepi, ag ehanadkunu ahilagpa udiku. Nug amu Mame nuhigpa dayaya udiku. Geha Nug udia, nai dahilnu ag amelagpa matieb dooglag. ²⁷Amu ag ele dahil nai matinna oiye! Adinu? Ag dig makpanu da ele daaut udie, gemu ele daatem.

16 Ag ahilag oopa genab doyak ii padamnanu da nai imu oh amelagpa ami. ²Danab ag Juda dilag nai doyak lag oopanu lamadkulag. Dimpa haen beeb, ag ag aqapeg mauhpepeg, 'Ig Kayaknu udat ena hetem,' aon akulag. ³Danab amu ag da Mama ele ii dooitpig amunu ag anam hekulag. ⁴Da nai imu matiminu diig am haen amu beeb, da dab mak awaknu nai imu matami amu ag dab mekulag. Dig makpa da ag ele daamut amunu da nai imu ag amelagpa ii ami, gemuib maditem.

JESUS MAMEG TOPA UKEB, KAYAK OUDI NEKU

⁵Gemu amu da laa, Nug meide udimi ele amu, Nug gumite gotem. Amu ag oolagpa laipu laa nug da od meda, 'Na adepa gotem,' laa ii ate. ⁶Da nai matimi, diig amunu ag oolagpa oo doyak okainab aoteb. ⁷Da genab ag amelagpa atem. Da hab abpa gokul am ena. Da ii gopi am ena iita. Adinu? Da ii gopi amu Kayak Oudi, ahilag ehanitak, Nug ii nema amge da tein dayeye, da hepi, Nug ag gumata neku. ⁸Nug udia, wan imupan danab hipuninnu, kobol enanu amu epediaknu ele ag ipuanadku. ⁹Nug danab ag hipuninnu ipuanateb, ag hipunin diignab, am danab ag dahilnu oolagpa genab ii dooteb amu, dooglag. ¹⁰Nug kobol enanu ipuanateb, ag da Mama topa gotem amunu ag kobol ena hekulagnu elele daaglag,

ag amu dooglag. ¹¹Nug epediaknu ele ipuanateb, ag wan imupan okai, Satan, nug aaku epediak awa malom amunu ag hetodiakpa ii daaglagnu ib aaku babaitak daate amu ele dooglag.

¹²Da nai kudum ag amelagpa madikulnu hetem amge geha imu ag aoglagnu elele iita. ¹³Amge Kayak Oudi, genabnu diig, Nug na, keeke oh genabnuib amu ipuanadku, Nug nuka nuhig dab makpa ii matima. Iita. Nug adi doyom aakuib madiku. Adi adi dimpa beku amu ele ipuanadku. ¹⁴Nug amu nai genab dahil awa, ag madaqu amunu amupa Nug da binal okai medaku. ¹⁵Mamenu keeke oh amu dahil amunu da ami. 'Kayak Oudi Nug keeke dahil amu awa, ag ipuanadku.' ¹⁶Nakok laa ele ag da ii anidmana. Nakok laa ele dimpa amu ag da baula anidkulag," awa aum.

¹⁷Jesus anam a amu ipunitak awak danab nuhikud laala ag aka aka nug od metan apig. "Nai nuhig imu am diig atemu? 'Nakok laa ele ag da ii anidmana amu nakok laa ele dimpa amu ag da edun anidkulag.' Nug inam ele aum, 'Da Mama topa gokul.' ¹⁸'Nakok laa ele,' nai amuam diig atemu? Nug aditainu nai amu aum amu ig diig ii dootem," aon apig. Ag anam anana, aka aka nug od metaegeg, ¹⁹amu Jesus Nug doyom, ag Nug ele od metaglagnu hepig amunu Nug ag amelagpa aum. "Da nai ami amunute ag aka aka nug od medteb? Da inam ami. 'Nakok laa ele ag da ii anidmana amu nakok laa ele dimpa amu ag da edun anidkulag!' awe ami. ²⁰Da ag amelagpa genabnab genab atem. Wanpan danab ah ag am oolag gamag ahaku amge geha ag dahilad daateb amu, ag nadi gaaglag, ag oo doyak ele gaaglag. Ag geha oolag ug ele daaglag amge ahilag oo ug dayak am edueb, ag oo gamag ahak dooglag. ²¹Ah nug nid menukunu haen male doya amu

nug oo ug daate amge nug nid men-uowa amu nug baula ug ii doote. Adinu? Nug nid menue doum amunu nug oo gamag ahaṭe. ²² Anamnab aaku. Gemu amu ag oolag ug ele daateb amge da geha ag edue anadkul. Ag geha haen amupa oo gamag ahak okai dooglag. Laa amu nug ahilag oo gamag ahak amu qeeb nekunu amu elele iita,” awa aum. ²³ Jesus Nug anam anana, Nug nai tuḍita aum. “Geha ded amupa ag keeke laanu da iinab od medamna. Da genabnab genab ag amelagpa aṭem, Mame Nug ag keekenu oolag heeb, da onilpa Nug od medapeg amu Nug ag madaḱu. ²⁴ Uḍie uḍie, gemu batak ag keeke laanu da onilpa Nug od ii medapig. Ag oolag gamag aheb, oolag meḱunu amu ag od mena amu geha aoglag.

²⁵ Da keeke danab ag dooteb ii dooteb ele ou aqate, ipuanateṭe, keeke imu ohnu ag amelagpa maṭimi amge geha haen amu uḍieb, da baula ag amelagpa anam bia ii madipa. Iita! Da nai miag matule, Mamenu madiḱul. ²⁶ Haen amu uḍieb, ag geha Nug da onilpa od meṭaglagnu amu da ag oulag dayeye, Nug unuqidkulnu ii aṭem. ²⁷ Iita! Mame Nug nuka ahilagnu oo mauḥte. Adinu? Ag dahilnu oolag mauḥte amu ag ele da am Kayak topanu uḍimi oolagpa genab dooteb amunu Nug ahilagnu oo mauḥte. ²⁸ Genab, da Mama topanu uḍie, wanpa nemi daatem. Gemu am da wan imupan ahe, edue Mama topa gokul,” awa aum. ²⁹ Nug anam a amu nuhiḱud ipuniṭak awak danab ag Nug amegpa apig. “Gemu na nai miagib matulna maditem, na keeke danab ag dooteb ii dooteb ele ou aqatna, ipuniṭak nai ii aṭem. ³⁰ Gemu amu ig dooṭem, na amu keeke oh dooṭem amunu danab laa nug tatam na od meṭeb, na dimpa nug nob medaḱutnu iita. Iita. Na od mak amu matu doon malame. Amupa na Mame topanu uḍime amu ig oonigpa genab

dooṭem,” aon apig. ³¹ Anam aeg amu Jesus amelagpa aum, “Gemu iikute ag oolagpa genab doopig? ³² Anteg! Haen aaku uḍite, aaku miag doum, geha ag lamadpeg, da uuidna, matatun, apalagpa ukadkulag. Amge da ḱaḱa ii daapa. Iita. Da Mamel Nug da ele daagnih. ³³ Da nai imu ag maḱod aon daaglagnu amelagpa ami. Wan imupa amu ag ug anidkulag amge ag ug aib aqom! Adinu? Da wanpanu ug oh edidmi,” awa aum.

JESUS UNUQITOM

17 Jesus nai maṭiowa, Nug ameg huma, hab aṭan neeka dayaya, unuqita aum. “O Mame, haen aaku uḍiom. Da am na bekat. Da na binan humakulnu amu na da binal okai hume! ² Na da danab ah medame ele amu, da ag bau hanhan dayak madaḱulnu, na da danab ah oh dilag iḱilag daaḱulnu gagatag medame amubia na da binal medaḱut. ³ Bau hanhan dayak amuam inam. Danab ag na da ele dooitkulag. Na amu na naḱa am Kayak genab. Da amu da am na bekat, na da meide uḍimi. ⁴ Uḍat na da medame amu da hein malami, amupa da wan imupa na binan okai humami. ⁵ O Mame, anuka wan ii dayeye, da na ele daadḱa, da binal okai ele daaiyi uḍiom amu gemu na binal amuib eḱun mede!

⁶ Ao Mame, da wan imupan danab na medame amu da ag amelagpa na di-itnu mehuqi doopig. Ag am nahipad, na da medame amu, ag nahip nai dim lamidṭeb. ⁷ Ag aaku dooteb, keeke oh na da medame amu nahipanu uḍiom. ⁸ Nai oh na da medame ele amu da ag maṭai aopig. Da nahippanu uḍimi amu ag genab doopig, na da meide uḍimi, ag amu ele oolagpa genab doopig. ⁹ Amu da ahilagnu unuqidtem. Da haen imupa wan imupan danab, ag oolagpa genab ii dooteb ele amu, da amu dilagnu ii unuqidtem. Iita. Da danab na medame,

amu dilagnu unuqidtem. Adinu? Amu oh am nahipad. ¹⁰Dahilad imu oh am nahipad. Nahipad oh am dahilad ele. Ag da binal meteb. ¹¹Gemu da wanpa baula ii daapa. Da na gumite gotem amge dahilad imu ag wan imupan danab, ag oolagpa genab ii dooteb ele amu, ag oolagpa daateb. O Mame opia awak, na oninpa danab ah da medame imu dab madape, da na ele laipu daateb amubia ag oolag laipu ele dayeg! ¹²Haen da ag ele daamut amu da dab mataiyi, ag da onil, na medame ele, amupa daapig. Laipu laa ii padal meum. Laipu aakuib am nug nuka nuhig dab mak dim lamitom ele amu, nug aakuib padal meum. Amupa nai yak nahip genab meu oum.

¹³Da gemu na gumite gokulnu doyena amu dahilad danab ag oo gamag ahak dahil oh aoglagnu amu da amunu nai imu madiitem. ¹⁴Nai nahip amu da ag matai, iita adi ag dahilad imu dilagnu ag oolagpa nau, ninig ele dooteb. Adinu? Da wan imupanu iita amubia ag ele wan imupanu iita. ¹⁵Da na ag wan imupanu diiadkutnu ođ ii medatem. Iita. Na hepe, Satan nug ag diiadkunu elele iita daaku amunu na ođ medatem. ¹⁶Ag wan imupanu danab iita, da ele wan imupanu iita amubia. ¹⁷Amunu nai nahip am genab amunu amupa na hepe, ag na noompa eledenab opia awak dayeg! ¹⁸Na wan imupa meide udie, danab ah oolagpa daami, amubia da ag maadpi, ag ele danab ah oolagpa daaglag. ¹⁹Da dahilad imu ag da anidna, nahip nai pehetak dim lamidna, opia awak daaglagnu amu da na oden tutukunab dim lamidtem.

²⁰Da dahilad ipunitak awak danab imu ahilagnu aakuib ii unuqidtem. Iita. Imu ag dahilnu madipeg, danab laala ele ag dahilnu oolagpa genab dooglag, da ahilagnu ele iiku unuqidtem. ²¹O Mame, Na dahilpa daatem, da nahippa daatem, amubia amu ag i ele laipu daagnignu unuqidtem. Danab laala amu

ag nid dahilad ag oolag laipu daateb anidna amu ag oolagpa, na he da uđimi, genab dooglagnu amu da ag oh oolag laipu daaglagnu unuqidtem. ²²Na da ele i laipu daatep, amubia dahilad imu ag laipu daaglagnu amu na da binal medame ele amu da ag matami. ²³Dahilad amu ag oolag laipunab dayeb, iita adi ag na da meide uđimi, na dahilnu oot huana mauhom amubia na dahilad, ahilagnu ele oot huanak mauhte dooglagnu amu da ahilagpa daapi, na dahilpa daakut. ²⁴Mame, danab ah na da medame amu haen da binal ele daakul amu ag da ele aben amupa daagnignu ool daate. Ag da binal anuka wan ii dayompa na dahilnu oot mauhe, na da medame amu ag anidkulanu ool daate. ²⁵O Mame tutukunab, iita adi amu ag na ii dooidteb amge da am na dooidtem amu dahilad imu ag na da meide uđimi amu dooteb. ²⁶Da na dit ahilagpa miag atimi. Amu na dahilnu oot mauhte, oo mauhak amu ag oolagpa daakunu, da ele ag oolagpa daakulnu amu, da baula na dit ipuanadkul,” awa unuqitom.

JUDAS JESUS KEKED EPELAGPA MEUM

18 Jesus anam unuqita male, nuhikud ipunitak awak danab ele ag ahan gona, le Kidron matađna, olip dad laa apa dayom amu ag dad amu oopa nopig. ²Judas, nug Jesus keked epelagpa meum ele amu, nug ele dad amu doyom. Adinu? Haen kudum Jesus Nug ipunitak awak danab ele ag dad amupa qag medapig. ³Amunu Judas nug Rom dilag ban danab amu mana metak danab okai amu do gumak danab-Parasia, ahilag daup laala ele diie, aben amupa uđipig. Ag amahlak, hul amu bannu keeke ele aon gopig. ⁴Jesus Nug keeke oh nuhigpa hekulanu amu oh doya malom amunu ag uđieg, Nug guguata wana aum. “Ag aun

maditeb?" awa aum. ⁵ Anam a amu Nug odepa aon apig. "Jesus Nasaret ted," aon apig. Aeg am Jesus ag amelagpa aum. "Da iiku," awa aum. Judas, nug Jesus keked epelagpa meum ele amu Nug ele oh hipaidna daapig. ⁶ Hipaidna daaegeg, Jesus amelagpa, "Da iiku," awa a, ag otaina, bitumtum gona, wanpa nena qepig. ⁷ Ag nena qeeg amu Jesus Nug baula od matom. "Ag aun maditeb?" awa aum. Anam a amu ag apig, "Jesus Nasaret ted," aon apig. ⁸ Anam aeg am Jesus aum. "Da am danab amu iikuib, da matu amelagpa ami. Ag da matidna dopig dayeb amu ag danab imu uuadpeg ukeg!" awa aum. ⁹ Nug nai amu aum amu Nug anuka nai laa aum, nai amu meu oum. Nai Nug anuka aum am inam. "Na da medame amu laipu laa padal ii meum." ¹⁰ Aria Simon Petrus nug qep elab ele amunu nug ee da awa, mana metak danab dilag iki, nuhig begbeg laa daug nadiap amu hoiyom. Nid amu onig Malkus. ¹¹ Anam he amu Jesus Petrus amegpa aum. "Na nahip qep elab edun abenpa me! Atemu? Le mua hai goko dpa daate, Mame medom ele amu, da iite lapa?" awa aum.

¹² Nug anam a amu ban danab amu ban danab ikilag amu Juda ikilag, ahilag daup ele ag Jesus adana, mudipa hipalpig. ¹³ Hipalona, ag aon, tatam Kaiapas tanab Anas topa gopig. Kaiapas nug mad amupa mana metak danab dilag iki dayom. ¹⁴ Kaiapas amu nugib tatam Juda amelagpa inam aum. "Danab laipu laa geha danab ah abenalag awa mauhku amu ena," awa aum.

PETRUS, "DA JESUS II DOOTEM," AWA AUM

¹⁵ Am Simon Petrus nug ipunitak awak danab laa ele, a Jesus dim lamidpid. Mana metak danab dilag iki nug ipunitak awak danab laa amu doyom

amunu nug mana metak danab amu laug ad oopa noum ¹⁶ amge Petrus nug ad dimitim, od odepa dayom. Anam dayeye amu ipunitak awak danab laa, mana metak danab dilag iki nug doyom ele amu, nug wana, nid ahin od gumom ele amu amegpa anana, Petrus omala oopa noum. ¹⁷ Ipunitak awak danab, mana metak danab dilag iki nug doyom ele amu, nug anam he, nid ahin od gumom ele amu Petrus amegpa aum. "Na ele danab imunu ipunitak awak danab laatai?" awa aum. Nid ahin nug anam a amu Petrus aum, "Da iita!" awa aum. ¹⁸ Haen amuam oug haen amunu begbeg danab amu daup ele ag oug doona, ag ab laa ilan udignana daaegeg, Petrus nug ele ulah qeum amunu nug ele gaka dak aokunu ab ilapig amu udika dayom.

MANA METAK DANAB DILAG IKI JESUS OD METOM

¹⁹ Anam dayeye amu mana metak danab dilag iki nug Jesus ipunitak awak danab nuhikudnu amu danab ah amelagpa nai mehuqom amunu ele od metom. ²⁰ Od mete amu Jesus Nug odepa awa inam aum. "Da am danab ah amelagpa aben miag atiakpa nai matimi. Da nai doyak lag kudumpa am metid lag oopa ele ipunitak maadtami. Da loxumakpa laa ii mehuqtami. ²¹ Amunu adinu na da od medatem? Na danab ag nai dahil doopig ele amu ag od mate! Ag am dahil nai doopig," awa aum. ²² Anam a amu daup laa hibaita dayom ele amu, epeg oohap ta, hipeg mata dda aum. "Na mana metak danab dilag iki nai amupate nob medatem?" awa aum. ²³ Anam a amu Jesus amegpa aum. "Da nai nau ami dayeb amu na tutuku da amelpa ape doyei! O iita da nai tutuku ami dayeb amu adinu na da oidme?" ²⁴ Jesus anam a amu Anas nug Jesus, epeg mudipa qakak ele, Kaiapas, nug am mana metak danab dilag iki, nug topa me ukom.

**PETRUS BAULA, “DA JESUS II
DOOTEM,” AWA AUM**

²⁵ Simon Petrus nug ab udiḱa day-eye, ag nug oḁ medapig. “Na ele nuhig ipuniṱak awak danab laatai?” aon apig. Anam aeg amu nug aum. “Da iṱa,” awa aum. ²⁶ Mana meṱak danab dilag iḱinu begbeg laa, nug am begbeg danab Petrus daug hoiyom ele, amunu tiig laipu amu, nug aum. “Genabnab na ele data apa dayeye, da anidmi,” awa aum. ²⁷ Anam a amu Petrus eḁua amegpa, “Iṱa,” awa aum. Nug anam a amu matuk paha gayom.

JESUS AON PILATUS TOPA GOPIG

²⁸ Matuk gaye amu buṱuanab Jesus Kaiapas topanu aona, gabman oḱai top gopig. Ag aon gopig amge ag aḱa ag gabman oḱai laug oopa ii nopig. Ag oolagpa, “Gabman oḱai imu nug Juda iṱa, ihinig ḁopa ig nug lag oopa gota, ig oonigpa hipunin ele daagnig amu ig hipunin ele daatta amu ig Pasowa meṱid hobul ii lamata amunu ig lag oopa ii gomata,” anana, lag oopa ii gopig. ²⁹ Anam amunu ag dimitim daaegeg, Pilatus nug dimitim ag gumata doa, amelagpa aum. “Danab imunu nai aṱemu?” awa aum. ³⁰ A amu ag nug oḁepa aon apig. “Nug hipunin iṱa dayeb amu ig omalta, nahip-pa ii uḁdilom,” aon apig. ³¹ Aeg amu Pilatus nug ag amelagpa aum. “Ag aḱa Nug aon gona, ahilag ḁopa nuhig nai epedieg!” awa aum. Anam a amu Juda ag apig. “Rom ag ig danab laa qeput mauhkunu aib apig amunu ig danab laa qeput mauhkunu ii dooṱem. Diig amunu amu ig na Rom dilag kobolpa danab imu ad emaitakpa aihḱutnu oonig daṱe.” aon apig. ³² Ag nai amu apig amu Jesus Nug kobol aḁipa mauhkunu aum ele, nuhig nai amu meu oum.

³³ Anam aeg am Pilatus nug eḁua laugpa noa, Jesus onigpa e do, amegpa aum.

“Na Juda dilag Kingte?” awa aum. ³⁴ Pilatus anam a amu Jesus amegpa aum. “Na naḱa nai amu aṱemte oo iṱa laa ag na amenpa apigte?” awa aum. ³⁵ Anam a amu Pilatus nug aum. “Da am Juda tedte? Nahipad danab ah amu mana meṱak danab oḱai ele ag na omaidna uḁin, da epelṱa meidpig. Na aḁi heme?” awa aum. ³⁶ Pilatus anam a amu Jesus aum. “Dahil ḁo maḁoḁ am wan imupan iṱa. Dahil ḁo maḁoḁ wan imupanulob amu dahilad danab ag wagai mepeg, Juda oḱai ag da ii aḁailob. Amge dahil ḁo maḁoḁ amu ipanu iṱa,” awa aum. ³⁷ Jesus anam a amu Pilatus amegpa aum. “Na anam aṱem amunu na kingte?” awa aum. A amu Jesus Nug aum. “Na dahilnu, ‘Na am king daatem,’ maṱina aṱem. Da nai genab mehuqeḱe oiḱulnu wanpa nei, da anil menuiḁom. Laa oh ag nai genab dim lamidṱeb amu ag dahil nai dooṱeb,” awa aum.

³⁸ Nug anam a amu Pilatus amegpa aum. “Nai genab amu aḁi?” awa aum. Nug anam anana amu aha, dimitim Juda gumata uḱa aum. “Da nuhigpa ehed laa ii anidmi. ³⁹ Am ag ahilag kobol laa ele daṱe amu kobol amupa, da Pasowanu meṱid hobul haenpa danab laipu laa uhuqe madateṱem amunu ag aḁi aṱeb? Da Juda dilag King amute uhuqe madakul?” ⁴⁰ Nug anam aum amge ag qalan apig. “Nug iṱa! Barabas uhuqna meḱe!” aon apig. Barabas nug am danab aqaqa, danab dilag keeke mauhnoak aotom.

19 Anam aeg amu Pilatus nug a, nuhig daup danab ag Jesus wip-pa ehed mataḁpig. ² Mataḁna amu daup ag King igipanu bala bia muḁi qaun aeg elepa hewona, Jesus igipa adaeg no, king dilag lamen ele aḁuiteḱ nom. ³ Ag anam hena, Jesus gumidna uḁin apig. “Na am Juda dilag king! Na binan ele,” aon apig. Ag anam anana, ag epelag oohap tena, hipeg mataḁpig. ⁴ Ag anam heegeḱ amu Pilatus eḁua dim-

itim doa, amelagpa aum. “Anteg, da nug bedupa ehed hak laa ii anidmi amunu ag amu dooglagnu omalpi, dimitim dokunu hetem,” awa aum. ⁵ Anam a, Jesus mudi qaun ele igipa meeg dayeye, King dilag lamen enanag amu ele bedupa dayeye, Nug dimitim doum. Do amu Pilatus nug aum. “Ag danab imu anteg!” awa aum. ⁶ Anam a amu mana metak danab okai, ahilkad daup ele ag Jesus anidna, huanak ena apig. “Ad emaitakpa atule! Ad emaitakpa atule!” aon apig. Anam aeg amu Pilatus nug aum, “Ag aka aon, ad emaitakpa atuleg, da am nuhigpa ehed laa ii anidmi,” awa aum. ⁷ Pilatus anam a amu ag apig. “Ig do ele amu ihinig dopa amu Nug mauhkunu daate. Adinu? Nug, ‘Da am Kayak beka,’ aum,” aon apig.

⁸ Ag anam aeg, Pilatus doya, nug huanak bada, ⁹ nug edua lag opa noa, Jesus od metom. “Na am ab adepanu udime?” od meta aum amge Jesus odepa nakok laa ii awom. ¹⁰ Odepa ii awe amu Pilatus nug aum. “Atemun? Na dahil nai imu nob iite mekut? Da na ad emaitakpa atulidkulnu api amu atulidkulag, o iita da uhuqidkulnu api amu uhuqidkulag. Na amu iite dootem?” awa aum. ¹¹ Anam a amu Jesus amegpa aum. “Atannu laa Nug na gagatag ii metalo amu na da ii adailom amunu aun nug da na epenpa meidom ele amu, nuhig hipunin am okainab, nahip editak,” awa aum. ¹² Pilatus nai amu doya, Nug Jesus uhuqkunu heum amge Juda ag enan apig. “Na danab amu uhuqpe goku amu na Kaisa layag iita! Danab laa nug nukā nuhig, ‘Da am king,’ ate, nug am Kaisanu keked,” aon apig. ¹³ Pilatus nug nai anam doya, nug Jesus omala dimitim doa, epediak aben onig Men Duqapig, apa epediak okainu balalpa dayom. Men duqak amunu ag Hibru naipa, Gabata, aon adapig. ¹⁴ Ded amuam Pasowanu metid hobul babaitaknu ded amu aam ameg 12 bia dayom. Anam dayeye, Pi-

latus Juda amelagpa aum. “King ahilag iiku,” awa aum. ¹⁵ Anam a amu Juda ag apig. “Aon ad emaitakpa atuleg! Aon ad emaitakpa atuleg!” aon apig. Anam aeg am Pilatus od matom. “Ahilag King amu da ad emaitakpa atulkulnu oolag daatete?” awa aum. Pilatus nug anam a amu mana metak danab okai ag inam apig. “Ig King laa iita. Kaisa aakuib!” aon apig. ¹⁶ Anam aeg amu Pilatus Jesus ad emaitakpa atulkulagnu ag epelagpa meum.

JESUS AD EMAITAKPA ATULKULAGNU AON GOPIG

¹⁷ Pilatus Jesus ag epelagpa me, ban danab ag aoeg, Jesus nukā ad emaitak mawewe, aben laa onig Ikilag Ebehi, apa gopig. Hibru naipa ag aben amunu Golgata aon ateb. ¹⁸ Ag aben amupa ad emaitakpa atulpig. Danab adit laa ele nug heqo laih laih atulatpig, ag Jesus gamagpa atulpig.

¹⁹ Pilatus nug nai iki laa ya, ad emaitak igipa atulom. Nai am inam. Jesus Nasaret ted, Juda dilag king. ²⁰ Nug nai amu Hibru naipa, Laten naipa, Grik naipa ele yom. Aria aben ag Jesus ad emaitakpa atulpig ele amuam ab okai guguitak amunu Juda danab kudum ag nai amu eb qepig. ²¹ Ag eb qepig amunu mana metak danab okai ag Pilatus amegpa apig. “Na, ‘Nug am Juda dilag king,’ aib yaame. Iita na, ‘Nug nukā, ‘Da am Juda dilag king,’ awa aum,’ anam ye!” aon apig. ²² Anam apig amge Pilatus nug ag amelagpa aum. “Da yaami am aaku yaami,” awa aum.

²³ Aria daup danab ag Jesus ad emaitakpa atulpig, haen amupa ag nuhig lamem aona, daup danab wadele ag laih laipu laipu anam aopig. Ag amu aona amu ag lamem elab nuhig, baagpanu uka baegpa noak amu ele aoglagnu hepig ²⁴ amge lamem amuam koitak ele iita, kunum anam hepig amunu daup danab

ag apig. “Ig lamén amu ii patidmata. Ig dais qid heta, ig oonigpanu aun ig laa oh edika amu nug aoku,” aon apig. Ag anam heeg amu Kayak naipa, nai laa daate amu elele metom. Nai amuam inam. “Ag lamén dahilad otialadna diipig. Ag dais qid hena, danab laa otieg, lamén elab dahil awom.” Daup danab ag anam hepig. ²⁵ Aria ag anam heeg amu Jesus anig amu nug makeg amu Kliopas wau Maria amu Maria Magdala ted ele, ah amu oh ag Jesusnu ad emaitak guguitak daapig. ²⁶ Ag anam daegeg, Jesus Nug anig amu ipunitak awak danab laa, Jesus Nug nuhignu oo huanak mauhtom ele amu, nug ele anata, Nug anig amegpa aum. “Ah, nid imu am na bekat,” awa aum. ²⁷ Nug anam anana amu Nug ipunitak awak danab amegpa ele aum. “Imu am na anin,” awa aum. Jesus anam a amu ipunitak danab nug ah amu omala, nug laugpa uka, haen amupa nug dig ma gumeme, oh daadtapid.

JESUS MAUHOM

²⁸ Keeke amu oh ba male amu Jesus doyom, udat nuhig oh aaku ha malom amunu Kayak naipa yak laa daate, amu elele medakunu, Jesus aum. “Da le baal diite,” awa aum. ²⁹ Nai amu a, ag wain ena iita, apa dayom amunu ag keeke laa lamén bia, le eedte ele, amu onig span, keeke amu wainpa mewona, aon, ud laa onig hisop, amu gumupa itana, meeg te, Jesus lemađu yaapig. ³⁰ Ag Jesus wain anam metag lawowa, Nug aum. “Dahil udat aaku hein malami,” awa aum. Nug anam ana mala, Nug dug guda ne mauhom.

³¹ Nug mauhom, ded amuam Juda ag ahilag Pasowanu metid hobul bapaidkulagnu ded aaku oqiom. Ded amu ueeb am metid okai bekonu dayom amunu danab gada metid amupa aihatak ii nimanu, Juda ag Pilatus amegpa daup ag gona, danab aihadpig ele amu ag baelag

qiipeg, ag mauhpeg, ag diiglagnu apig. ³² Amunu daup danab ag gona, danab adit Jesus ele atulatpig ele amu baelah qiipeg. ³³ Ag anam qiatpig amge ag Jesus gumidna wana, Nug mauhom anidpig. Nug mauhom anidna, baeg ii qiipeg ³⁴ amge daup danab laipu nug Jesus ban palapalpa qeti atule am pahanab tiig le ele neum. ³⁵ Laa nug keeke imu oh amegpa antom ele amu, nug iiku miag madite. Nug madite imu am genab, nug doyom amu ag ele oolagpa genab dooglagnu madite. ³⁶ Keeke amu oh am Kayak naipa, nai daate amu genab elele mekonu beum. Nai amunu laa am inam. “Ag ebehi laa ii qiimna.” ³⁷ Am Kayak naipa nai amunu laa ele daate am inam. “Laa ag qeti yaapig ele amu, laa ag Nug anidkulag.”

JESUS MODPA MEPIG

³⁸ Keeke imu oh dimpa amu Josep, Arimatia ted, nug Juda okai dilag bada, lokumakpaib Jesusnu ipunitak danab oitom ele amu nug uka, Jesus gada aokunu Pilatus unuqitom. Unuqite, Pilatus nug, “Ena,” awa a amu Josep uka, Jesus gada awom. ³⁹ Nikodemus, danab amu nug anuka dig makpa Jesus tuqan gumita ukom ele amu, nug ele udiom. Nug ad diig aditnu tiilah, mutudilah ena ele, tiilah amu koboliatpig, keeke amunu ug amu nakok 75 paun anam, nug amu awa udiom. Laa onig Mir am laa onig Alos. ⁴⁰ Udie amu a Jesus gada aoya, Mir Alos ele meya, Jesus gada ele linen lamén elab amupa itapid. Juda ag danab gada boomkulagnu hedapig amubia hepid. ⁴¹ Amu dad laa, ag Jesus Nug ad emaitakpa atulpig ele, aben amu guguitak apa dayom. Dad amupa men mod bau, anuka danab amupa laa ii mepig ele amu apa dayom. ⁴² Juda dilag Pasowanu metid hobulnu bapaidkulagnu ded aaku dayeye, amunu metid guguitete, metid amupa udat hemananu,

men mod amu miag dayom amunu a apa Jesus gađa mepid.

JESUS EDUA HIBAITOM

20 Juda dilag Metid amu uka male, Maria, Magdala ted, nug butuanab gatatu ele modpa uka, men nadi mod ameg tonom amu laa nug dutune uka, mod amegpa ii dayeye antom. ²Anam anta, nug edua qaibad uka, Simon Petrus amu ipunitak awak danab laa, Jesus Nug nuhigun oo huanak mauhtom ele amu, a amelahpa aum. “Ag Nadi aon, adehtag mepig amu ig ii dootem,” awa aum. ³Nug anam a amu Petrus, ipunitak awak danab laa ele a ahai, modpa gokulahnu ⁴qaibad gopid. Goyaya amu ipunitak awak danab laa amu nug Petrus edita, nug tatam mod guguita ukom. ⁵Nug uka ta, gomela neeke, mod oopa uke amu nug lamen elab, ag amupa Jesus gađa itapig ele amu nug amuib niieye antom amge nug oopa ii noum. ⁶Nug anam neeka dayeye, dimpa Simon Petrus nug uka ta, nug ipu meta, mod oopa uka, nug ele linen lamen amu anta, ⁷nug lamen laa, ag lamen amupa Jesus iki hautpig ele amu, nug lamen amu ele antom. Lamén amu qak dayom bia nuká anam dayeye, linen lamén ele amu nug ele nuká dayeye antom. ⁸Anam ante amu ipunitak awak danab nug tatam men modpa ukom ele amu, nug ele oopa noa anta, nug oopa genab doyom. ⁹A amelahanab anam anidya, a Kayak naipa, Jesus Nug edua hipaidkunu nai amu yak daate amu a amunu oolah ii maitom. ¹⁰A anam antoya amu ipunitak awak danab adit a eduya laulahpa gopid.

MAGDALA AH MARIA JESUS ANTOM

¹¹Ipunitak awak danab adit ukaeheh, Maria nug dimitim hibaita, gayaya dayaya, nug gomela neeke, men mod oopa ukom. ¹²Neeke uke amu engel

adit, lamén hakab ele, Jesus gađa niom aben amupa laa igipa laa baegpa anam daaeheh anatom. ¹³Anate, a nug amegpa apid. “Ah na adinu gaatem?” aoya apid. Anam aeh amu nug aum. “Danab ag dahil Nadi aon adehtag gopig, adehtag mepig, da ii dootem,” awa aum. ¹⁴Nug anam anana, nug edua amu Jesus hibaita dayeye antom amge Nug am Jesus amu nug ii doyom. ¹⁵Ah nug edua Jesus ante amu Jesus ah od metom. “Ah, na adinu gaatem? Aun maditem?” od meta aum. Od mete amu ah nug danab amu nug dad amu mamegtai anana amu amegpa aum. “Danab nadi, natai aon gome? Anam dayeb amu na adepa meme amu da amelpa ape, da uken aokul,” awa aum. ¹⁶Anam a amu Jesus edua ah onig diia, “Maria,” awa aum. Anam a amu ah nug edua Hibru naipa, “Rabonai,” awa aum. Amu diig am, “Ipunitak danab.” ¹⁷Nug anam a amu Jesus aum. “Na da aib adailme, da Mame topa ii gomi. Amge na da odel aona, da lailad gumadna gona, amelagpa inam a! ‘Da, da Mamel, Nug am ag Mamelag ele, da dahil Kayak amu ahilag Kayak ele amu, da Nug gumite gotem,” awa aum. ¹⁸Jesus anam amegpa a amu Maria, Magdala ted, nug uka, ipunitak awak danab amelagpa aum. “Da Nadi anidmi,” awa aum. Anana amu nai Jesus nug amegpa aum amu oh amelagpa aum.

¹⁹Aria ded amupaib Metidpa gatatu ne, Jesusnu ipunitak awak danab ag Juda dilag okai badadna, lag od manon daaegeg, Jesus udia tula, ag gumata doa dayaya, ag amelagpa aum. “Ag oo mak madod ele aweg!” awa aum. ²⁰Nug anam awowa amu Nug epeg, qeti ele ipuanatom. Ag Nadi anidna amu ag oolag gamag ahak okai doopig. ²¹Ag oolag gamag ahe amu Jesus baula amelagpa aum. “Ag oo mak madod ele aweg! Mame Nug da meide udimi, amubia da ele ag maati goteb,” awa

aum. ²² Anam awowa, Nug ouđi ahilagpa iwala, Nug aum. “Ag Kayak Ouđi aweg!” ²³ Ag danab dilag hipunin opina maṭaglag amu danab amu dilag hipunin iṭa mekūlag. Ag ii opina maṭaglag amu danab amu dilag hipunin iṭa ii memana,” awa aum.

²⁴ Haen amupa ipuniṭak awak danab laa Tomas, nuhignu ag Didimas ele aṭeb amu, nug ag ele ii daaegeg, Jesus Nug uđiom ²⁵ amunu ipuniṭak awak danab laikud laa ag Nađi anidpignu amegpa aeg, nug aum. “Ag Nug epeg tutuipa atulpig amunu duđupa amu da amelpa anṭena, da duđupa amu epelpa aden, Nug qeṭi duđupa ele epelpa ađe doyena amu da oolpa genab dookul,” awa aum.

²⁶ Nug anam a dimpa metid laipu uue, ipuniṭak awak danab ag baula Metidpa laka qag mena daanna, haen amupa Tomas nug ele oh daapig. Ag daanna, lag od oh amu manaton daapig amge Jesus Nug uđia oolagpa dayaya aum. “Ag oo mak madođ ele aweg!” ²⁷ Anam awowa, Nug Tomas amegpa aum. “Na epen dođopa da epel nakok adan, amepa ele da epel anṭe! Na epen bahin, da qeṭil ele nakok ađe! Na oopa genab ii doyak danab bia aib heme. Iṭa! Na ootpa genab doye!” awa aum. ²⁸ Nug anam a amu Tomas ođepa awa aum. “Na dahil Nađi. Na dahil Kayak!” awa aum. ²⁹ Nug anam a amu Jesus amegpa aum. “Na amu amepanab da anidna, na ootpa genab doome. Laa ag da ii anidna, oolagpa genab dooṭeb amu, Kayak Nug ag ititak madate,” awa aum.

³⁰ Jesus Nug nuhikud ipuniṭak awak danab noolagpa eponak keeke, danab hekunu elele iṭa idu idu kudum laa ele heum amu buk imupa oh ii yak. ³¹ Amge yak imu daate amu ag eb qenana, ag, Jesus Nug am Kristus, Nug am ele Kayak Beka daate, ag amu doona, oolagpa genab dooglagnu daate. Ag nuhignu oolagpa genab doonna amu ag Nug onig-

pa ag bauklel aoglagnu yak imu amunu ele daate.

IPUNIṬAK AWAK DANAB EBLAIH LAIPU ELE AG JESUS ANIDPIG

21 Deđ laa Jesus Nug nuhikud ipuniṭak awak danab ag Nug baula anidkūlagnu Taibirias le ihipa gumaṭa waum. Keeke amuam inam beum. ² Apa Simon Petrus, Tomas, nuhignu ag Didimas ele aṭeb amu, aria Nataniel, nug am Galelia wanpanu danab, nug apag diig am Kana amu Sebedi Bekođ adit amu Jesusnu ipuniṭak awak danab adit laa ele, ag oh apa daapig. ³ Anam daanna amu Simon Petrus nug amelagpa aum. “Da kakainu gokul,” awa aum. Nug anam a amu ag apig. “Ig na ele oh gokunig,” aon apig. Anam ana amu ag oh ahan gona, ub laapa tepig amge tuqan amupa ag kakai nakok laa ii aopig.

⁴ Butua wakadede amu Jesus uka, le ihipa hibaita dayom amge ipuniṭak awak danab ag danab amu, Nug am Jesus amu, ag ii doopig. ⁵ Am Jesus Nug ag ođ maṭom. “O nid, ag kakai laa aopigte?” awa aum. Anam a amu ag, “Iṭa,” aon apig. ⁶ Ag anam aeg amu Jesus aum. “Ag uhui ub heqo laih nađiapa eig! Ag anam hena amu ag kakai aoglag,” awa aum. Jesus anam a amu ag uhui nađiapa ena amu ag kakai huanak aopig. Awona, uhui eedpeg bekunu elele iṭa.

⁷ Anam daye amu ipuniṭak awak danab laa, Jesus nuhignu oo huanak mauhtom ele amu, nug Simon Petrus amegpa aum. “Umu am Nađi,” awa aum. Anam a, Simon Petrus nug udat haaha, ulahnu lamenu uđa dayom ele amu nug, “Umu am Nađi,” nai amu doya, nug ulah lamenu awa ma, oola lepa noum. ⁸ Nug oola lepa no, ipuniṭak awak danab laa oh ag ubpa daanna, uhui kakai ele eedpig. Ag umanab ii daapig, yu ihi guguitak, 90 mita keeke daapig. ⁹ Ag ub el qena uđin, le ihipa dona amu ab laa ilak ewawa

dayeye anidpig. Kakai laala ab otagpa anadna amu bret ele dayeye anidpig. ¹⁰ Ag keeke anam anteg amu Jesus amelagpa aum. “Kakai ag geha aaku dipig ele amu, laa akan doig!” awa aum. ¹¹ Jesus anam a amu Simon Petrus nug ubpa ta, uhui kakai ele amu eede, uduaman be, kakai okai okai amu eb qena, 153 anidpig. Am huanaknab amge uhui nakok laa ii pakuom. ¹² Anam daye amu Jesus amelagpa aum. “Dona e laig!” awa aum. Ipunitak awak danab laipu laa nug Jesus od metā, “Na aun,” anam laa ii aum. Ag doopig, nug am Nađi. ¹³ Ag anam doopig amu Jesus Nug doa, bret awa, pania mařom. Kakai ele awa, pania mařom. ¹⁴ Jesus Nug edua hibaitom amu haen ewam aaku nuhikud ipunitak awak danab ag Nug anidkulgagnu gumata waum.

JESUS PETRUS OO MAUHAKNU OD METOM

¹⁵ Ag e lana malona, Jesus Nug Petrus od metom. “Simon, Johanes beka, na laa oh edatak dahilnu oot mauhtete?” awa aum. Anam a amu Petrus aum. “Nađi na doořem. Da nahipnu ool mauhte,” awa aum. Petrus anam a amu Jesus aum. “Na dahil sipsip nakud bekadna mede!” awa aum. ¹⁶ Jesus anam anana amu Nug baula od metom. “Simon, Johanes beka, na dahilnu oot mauhtete?” awa aum. Anam a amu Petrus aum. “Ao, Nađi na doořem, da nahipnu ool mauhte,” awa aum. Anam a amu Jesus baula aum. “Na dahilad sipsip atog noadna mede!” awa aum. ¹⁷ Jesus baula ewam batak Petrus od metom. “Simon, Johanes beka, na dahilnu oot mauhtete?” awa aum. Petrus Jesus haen ewam batak, “Na dahilnu oot mauhtete?” aum amunu oopa guřtak doyaya, nug Jesus amegpa aum. “Nađi na keeke oh doon malame amu na da nahipnu ool mauhte ele doořem,” awa

aum. Petrus anam a amu Jesus amegpa aum. “Dahil sipsip bekadna mede!” awa aum. ¹⁸ Jesus Nug anam anana, Nug nai baula tudita aum. “Da genabnab genab na amenpa ařem, na nid bau daanna amu na naka mařagid imuanpa takana, aben na naka gokutnu oot dayom amu na amupa gořame. Amge dimpa na kaino mena amu na epen humape, laa nug na mařagid imuanpa tagita, aben na gokutnu oot ii daate, amupa omaiteb gokut,” awa aum. ¹⁹ Jesus nai amu mařiom amu dimpa Petrus nug ib ařemupa mauha, nug Kayak binag amupa meku amunu aum. Nai amu oh dimpa Jesus Nug, “Petrus na da dim lamide!” awa aum.

²⁰ Petrus Jesus ele goyaya amu Petrus nug edua neeka, ipunitak awak danab laa, Jesus nuhignu oo huanak mauhtom ele, nug anuka e lanak haenpa Jesus guguiřa dayaya, “Nađi, aun nug na keked epelagpa meidku?” aum ele amu, nug dim lamatete ařom. ²¹ Petrus nug ařta amu Jesus amegpa aum. “Nađi, danab imu am adi heku?” awa aum. ²² Anam a amu Jesus Nug Petrus amegpa aum. “Da nug anam dayebbeb, da edue udikulnu amegpa akulnu daalo amu, amuam nahip keekete? Na daib dim lamide,” awa aum. ²³ Jesus anam a amu nug laikud oolagpa ipunitak awak danab amuam ii mauhmanu nai anam nađi meum amge Jesus Nug, “Danab amu nug ii mauhma,” ii aum. liřa! Nug, “Da api, nug ii mauheb, da eduen nekul am nahip keekete?” aakuib aum.

²⁴ Am ipunitak awak danab amuib nug keeke imu oh amegpa ařta, nai amu madite, nai imu ele iiku yom amunu ig doořem, nai imu genab.

²⁵ Amu keeke kudum laa ele Jesus Nug heum amu, keeke amu oh danab nug bukpa yaalo amu buk huanaknab daalob, buk amu wan imupa am belo.

TOTOL UDATNU NAI

JESUS HAB AṬAN TEUM

1¹⁻²O Tiopilas, yak dahil da tatam yaami amu da yak amupa Jesus Nug uḍat oh heumnu, Nug danab ah keeke ipuanatomnu ele yaami. Nug uḍat amu dig me uḍie, deḍ Nug hab aṭan teum batak amu Nug uḍat amu oh heum. Heehe da amunu yaami. Aria da nai yaami anidme ele amu, Nug mauha bau hibaite, deḍ 40 uue Nug hab aṭan teum. Amge ii uḍom haenpa Nug gokunu haaha, tatam Nug nuhikud totol danab elewen, Nug tituanatom ele amu, ag nai amu tuḍidna hekulagnu, Nug Kayak Oudi gagatagpa nai maṭom. ³Aria Nug guitak nau amu awa mauhowa, dimpa genab eḍua hibaitom amu Nug nuhikud totol danab elewen haen gamag deḍ 40 amupa gumata ona, ib kuḍumpa keeke amu ipuanatom. Nug deḍ 40 amupa Kayaknu do maḍoḍnu nai ele mehuqe doopig. ⁴Amu ele deḍ 40 amupa Nug ag ele oh haen laa e lanan daanna, Nug amelagpa aum. “Ag Jerusalem paha aib uupig. Am ag keeke ena, da Mamel Nug ag keeke amu madaḍunu nai qaka aum, keeke amunu ele da ag ai doopig amu, ag Nug ameg mekulag. ⁵Am genab Johannes nug danab ah lepa layatom amge haen elab iita amu ag Kayak Oudipa layatak aoglag,” awa aum.

⁶Nug anam a, haen laa ag oh qauko onig Olip apa qag mena, Nug aum amunu ag Nug od medapig. “Naḍi, haen imupanab na hepe, Rom ag ahapeg, ig Israel ig eḍut wan ihinig gumagnigte?” aon apig. ⁷Aeg amu Nug ag amelagpa aum. “Amu ahilagte keeke amunu ag da Mamel Nug haen deḍ ele aum amu ag dooglag? Iita. Nug nukā keeke amu gumate. ⁸Amge geha dimpa Kayak Oudi Nug ahilagpa neeb, ag gagatag aon amu

geha ag dahil nai Jerusalem mehuqna amu Juda wan ohpa amu Samaria amu ukeḅ wan atu ohpa ele gona mehuqkuglag,” awa aum. ⁹Am Nug nai amu amelagpa ana male, ag neegna daaegeg, Kayak he, Nug aṭan teete amu lombig laa haute, ag baula Nug ii anidpig. ¹⁰Nug uke, ag hab aṭan neegna daaegeg am danab aḍit, a lamen haḅab ele, a tulai doeh, ag ele hipaidna daanna, ¹¹a apid. “Galelia danab, aḍinu ag hipaidna daanna, hab aṭan neegna daateḅ? Amu gemu Kayak Nug Jesus ahilagpanu awe, hab aṭan uḍom. Aria geha Nug hab aṭan ugeke anidpig bia eḍua uḍiku,” aoya apid.

TOTOL DANAB AG JUDAS OU OTIPIG

¹²Aria ag qauko, Olip aṭeb, apanu eḍun Jerusalem wapig. Qauko amupanu Jerusalem wanak amu miag, kilomita laipu maha ele. Juda dilag ḍopa danab nug ahilag Meṭidpa tapa uḅak elab amubia gokunu elele. ¹³Ag ab okaipa tena amu ag gona, ag lag oo aṭan, ag daapig ele amupa tepig. Ag onilag amu Petrus, Johannes, Jakobus, Andreus, Pili-pus, Tomas, Batolomiu, Mateus, Alpias beḅa Jakobus, Simon, nug am Selot, amu Jakobus beḅa Judas aaku. ¹⁴Danab amu ag oh oolag laipu mena, haen kuḍum danab ah laala ele oh qag mena, unuqidnana daapig. Danab ah amuam Jesus anig Maria, Jesus amakud amu ah laala ele.

¹⁵Ag anam daanna, haen amupa Petrus nug laikud, ag Jesusnu oolagpa genab doopig ele, ahilag eb qak 120 anam amu nug ag oolagpa aha, hibaite, Judasnu nai maṭiom. ¹⁶⁻¹⁹Danab amu nug ehed ha, uḍat amunu men doḍo awom ele amupa ag wan laih nakok laa daden mepig. Aria nug nukā wan amupa nug beḍu aiha na qe, oo aode, biig oh wanpa ne, dimpa danab Jerusalem daapig ag oh amu doopig amunu ag ahi-

lag naipa, ag aben amunu, Akeldama aṭeb. Amu eduak am, Wan Tiig ele. Amu Petrus nug inam aum. “O lailad, Kayak Oudi Nug laa oḍepa keeke laa Judas nuhigpa beḵunu a, beḵununab dayaya aaku beum. Danab amu nug ig ele daatta, ig ele oh udat laipu hemut amge nug ele danab ag Jesus adaglagnu ib dayom. ²⁰ Kayak Oudi nug anam heḵunu doya amu Nug he, Judasnu nai imu Dawit oḍepa be, buk Sampa inam yak daate. ‘Lag nuhig amu hamu dayad! Danab laa apa aib dayom!’ Amu Sam laapa yak daate amu, ‘Danab laa nug nuhig udat amu aoku,’ ²¹ amunu gemu ig danab laa, nug ig ele haen oh oidmut amu nug Judas aben aokunu tituan-kunig. ²² Haen Nadi Jesus Nug Johannesnu layatak awe udie udie, deḍ Kayak Nug awe, hab atan teum batak amu danab laala ag ig ele laipu oimut, ag oolagpanu laa tituan-kunig. Amu nug ig ele, Jesus edua hibaitom, nai amu mehuqkunig,” awa aum.

²³ Petrus nug anam a, aria ag danab adit otiatpig. Laa amu Sabas beka Josep, onig laa Jastus. Am danab laa amu Mataias. ²⁴⁻²⁵ Ag danab adit otiatona, ag inam unuqidpig. “Nadi, na danab oh oolag diig dootem amunu danab adit imu oolahpan na aun nug Judas abenpa ba, total udat imu aokunu tituanme amu na ig ipunike! Judas nug nuhig abenpa gokunu udat amu uuom,” unuqidna anam apig. ²⁶ Anam unuqitona, aria ag Kayaknu dab mak dooglagnu kobol ahilag hena, Mataias anidna aopig. Ag nug aona, total danab elewen amu ele tudidpig.

KAYAK OUDI NEUM

2 Aria Juda dilag deḍ okai laa onig Pentikos, deḍ amu udie amu ag oh uḍin, aben laipu apa qag mepig. ² Qag men daaegeg, hab atanu oqoti paha

laipun uḍiom. Oqoti amu ulah nadi gagaṭag uḍiaya, oqoti oṭe bia. Udie, ag daapig ele amu, ag lag amu oo ohpa oqoti huana doopig. ³ Ag keeke amu doyeg amu ab ewawa, lemadmad qete amubia haaha, pane ne, danab daapig amu oh anen anen dilagpa paniom anidpig. ⁴ Anam he amu danab oolagpa genab doopig ele, danab amu ag oh Kayak Oudi ag oolagpa am be, ag ahan, nai diigdiigpa nai madipig. Amu Kayak Oudi Nug he, ag oḍelagpa anam nai madipig.

⁵ Haen amupa wan ohpanu Juda danab, ag Kayak dab medapig ele amu, ag gona ab ab daapig, apanu uḍin Jerusalem daapig. ⁶ Ag haen amu oqoti amu doona, danab ah ameg nadi uḍin qag mena, danab pide pidenu ag oh total danab, ag ahilag naipa nai mehuqegeg doopig. ⁷ Ag nailagpa nai mehuqeg doonna, ag otaina, ag dab mak kuḍum aona apig. “Umu adi? Aṭem hena heteb? Danab nai maditeb ele umu ag amu Galelia danab. ⁸ Amu aṭemmun ig oh danab ab laalapanu amu ig nainigpa nai dootem? Ig aninkad mamenkad matiegeg dootem amubia dootem. ⁹ Ig amu Patia, Midia, Ilam, amu Mesopotemia ele daatem. Amu Juda, Kapadosia, Pontus Asia ele daatem. ¹⁰ Amu Prisia, Pampilia, Igipta amu laih Libianu, Sairini guguitaknu ele daatem. Amu Rom danab ele ig oh uḍimut daatem. ¹¹ Ig Juda amu laala Juda kobol awak ele, amu ig Krit amu Arabia apanu ele uḍimut. Uḍit, ig oh nainig aben abenpa Kayak udat enanag heumnu mehuqegeg dootem,” aon apig. ¹² Ag anam anana, ag oh ehed otaina, dab mak kuḍum aona, ag aka aka, “Keeke umu amu aṭemunnab?” aon apig. ¹³ Ag anam apig amge laala ag awa awa qetak nai matin, inam apig. “Umu amu ag wain huana laeg, kaaka aqe heteb,” aon apig.

PETRUS NAI MEHUQOM

¹⁴Ag anam aon aeg amu Petrus aha hibaiṭe, totol danab elewen amu ele ahaeg, nug gagatag ewa, danab ah ag tutuku doona maidkulagnu inam aum. “Juda danab ag amu danab uḍipig gemu Jerusalem daateb ele ag oh, da nai madipi, ag daulag human dab mebepeg, da keeke amunu diig mehuqpi doyeg!
¹⁵Ag, ‘Danab imu wain laegeg, kaaka aqate,’ ateb amge danab imu ag anam ii heṭeb. Iiṭa! Geha iiku am butua 9 kilokib amu ag dooteb, ig butuanab wain ii laṭem. ¹⁶Kobol imu am kaaka aqaknu iita. Kobol imu amu anuḳa propet Joel nug Kayak ode awa, nai maṭiom amu, nug maṭiomnu iiku beṭe. ¹⁷Kayak Nug inam Joel amegpa a doya yom. ‘Dimpa haen nug malakunu heeb, haen gamag amupa da dahil Oudi, danab ah madaḳul. Madapi amu ag Kayak Oudi aopig ele, ag oolagpanu amu laala geha ag propet dahil nai mehuqkulag. Amu geha da laala keeke diigdiig tuleglegpa ipuanadkul am laala ag amu doyak tul niaḳpa madaḳul. ¹⁸Amu geha haen amupa da udat nid, udat ah dahil lad ele Oudi dahil madapi, ag dahil nai mehuqkulag. ¹⁹⁻²⁰Da geha kobol diig laa habpa hepi, aam nug gatatu manebeb, kalam am tiig eduḳu. Aria wanpa da eponak keeke, tiig, ab adu amu kahug nadi ele hepi, geha beḳulag. Amu Nadinu ded am geha dim beḳu. ²¹Amu danab ah oh ag Nadi edua diikunu ekulag amu, ag ehanitak amu aoglag.’ Joel anam yom.

²²Amu Israel danab ag nai imu doyeg! Da ag amelagpa Jesus, Nasaret ted, nuhignu api dooglag. Ag aka aaku dooteb, Kayak Nug ehanite, Nug ag oolagpa eponak keeke, danab heḳunu elele iita diigdiig heum. Kayak he, Jesus anam heum, amuam Kayak Nug Jesus me neum ipuanadte. ²³Kayak Nug

anuḳa nuhig doyakpa anam heḳunu nai maṭiom amu Nug Jesus awa, ag epelagpa me, ag danab nau, ahilag ehanitakpa, ad emaitakpa atulna qeeg mauhom. ²⁴Amge Kayak Nug mauhak oolagpanu uhuqa he, edua hibaiṭom. Mauhak amu Nug adakunu elele iita. ²⁵Amuam Dawit nuhignu yom amubia. Dawit nug inam yom. ‘Nadi Nug ou iwa daate anidtem. Nug da ele ou qeda, gagatag medede amunu keeke laa nug da ii uḍalidma. ²⁶Amunu da oo madod enanag ele dayeye, oo gamag ahak nai maṭieye, da daka dimpa keeke ena aokul amunu ameg metem. ²⁷Adinu? Na geha da ii uuidmana amunu da mauhak daateb abenpa ii daapa. Am geha na nahip danab tutuku opia awak ele amu, na ii uuidmana amunu mauhak nug heeb, beḳu ii nauhma. ²⁸Na bau dayaknu ib da ipunidme. Na da ele daagnih amunu da oo gamag ahak okainab dookul,’ awa yom.” Petrus nug anam awa aum.

²⁹Nug anam anana, nug nai baula tudita aum. “O lailad, Dawit nug nai amu maṭiom amu nug nuhignu dab maama ii maṭiom. Ig amu aṭem doognig am Dawit nug mauhe boomeg, nuhig boomak aben ig oonigpa iiku daate. ³⁰Dawit nug propet dayom amu Kayak Nug nuḳa nuhig nai gagatag qedata, Dawit amegpa inam a doyom. ‘Dimpa na buḍunpan da king laa otipi ba, nahip king udat amu Nug heḳu,’ awa aum. Nug anam a, Dawit doyom amge ³¹amu ii nak haenpa nug dimpa Kayak Nug heeb, Kristus Nug mauhakpanu edua hipaidku, mauhak abenpa ii daama, Nug beḳu ele ii beḳamanu aum. ³²Aria anam amunu ag doyeg! Kayak Nug he, Jesus edua hibaiṭom. Ig oh Nug anam heum amu anidmut amunu ig iiku maditem. ³³Nug hab atan teum, Kayak epeg nadiappa, amuam anuqak aben, amupa daate. Mameg Kayak Nug nuhig Oudi, anuḳa medakunu nai qaqa aum bia amu, Nug

metom. Meṭe, Jesus Nug ig ele iiku gemu Kayak Oudi mekom amunu ag keeke imu gemu anidna dooteb,” awa aum. ³⁴⁻³⁵ Amu Petrus nug anam anana, nug nai imu tudita amelagpa aum. “Dawit nug nai laa ele aum am inam. ‘Nadi Nug Nadi dahil amegpa inam aum. Na am dahil dayaknu aben anuqak imupa daape ukeb, dimpa da geha keked nahipad oh tapaladpi, ag na waatpa daaglag,’ awa aum. Aria Dawit nai amu matiom haenpa nug nukā nuhignu dab maama ii matiom. Iita. Nug mauhe, bedu hab atan ii teum. Iita. Ag nug boom-pig amunu nug nai amupa Jesus ipunika heum. ³⁶ Amunu Israel bekod, ag oh tutukunab doyeg! Kayak Nug he, Jesus Nug Nadi, am Kristus ele daate. Ag Nug ad emaitakpa atulpig.” Petrus amelagpa anam matie doopig.

³⁷ Ag nai matie doona, nai amu ag oolagnab yom amunu ag ahan, Petrus amu total danab elewen ele ag amelagpa inam apig. “O ig lainkad, geha ig atem-tai hekunik?” aon apig. ³⁸ Aon aeg am Petrus nug amelagpa aum. “Kayak Nug ahilag hipunin uhuqa madakunu amu ag oh aka anen anen ag oolag edueb, Jesus Kristus onigpa layatak aweg! Ag anam hepeg, Kayak Nug nuhig Oudi ag hamu madaku. ³⁹ Am Kayak Nug anuka Nuhig Oudi ag amu ag bekalkad amu wan laa adepa danab ah daateb ag ele madakunu nai qaka aum. Yo aun adi ag ihinig Nadi Kayak Nug ag onilagpa eku amu, ag madakunu nai qaka aum,” awa aum. ⁴⁰ Am Petrus nug nai kudum laala ele dab mak awaknu nai mehuqaga, nug amelagpa inam aum. “Ag lailkad ag Jesusnu oolagpa genab ii dooteb amubia ag aib hepig. Iita! Ag oolag edueb, Kayaknu ehanitak aweg!” awa aum.

KRISTEN BAU AMU AHILAG HAK ENA

⁴¹ Am danab Petrus nai matiom amu genab doonna, ahilag eb qak 3000 keeke

amu ag layatak aopig. Aona ag Jesusnu oolagpa genab doopig ele amu oolagpa ukaeg, oh laipu daanna ⁴² amu ag totol danab tuelp nai mehuqegeg doonna, laipu dayak ena daanna, nug ehanidnana, e laipu lanan, Kayak unuqidpig. ⁴³ Ag anam henana, danab ah oh ag Kayaknu enanag doona, ag oolag ele otaiom. Amu Kayak Nug total danab tuelp epelagpa eponak keeke, danab hekunu elele iita amu kudum diigdiig ele heum. ⁴⁴ Anam heeche, danab oh ag Kristusnu oolagpa genab doopig ele amu, ag oolag laipu mena, laipu qag mak daanna, danab laala ag keeke ele amu aka ahilagnuib ii adapig. Iita, ag laipu qag mak daateb ag oh ahilag dayom. ⁴⁵ Am danab laala ag wan ele amu laala ag keeke ele amu ag heeg, danab laa daden meeg, ag men dodo amu aona, danab laala e aon lakulagnu elele iita daapig amu otin madapig. ⁴⁶ Ag anam henan, ag oh oolag laipu daanna amu ded oh mana metak laka gonana, Kayak nai doopig. Amge ag laulag anen anen oh oina, ag oo gamag ahak doonna, ag Kayak amegpa, “Ena hen mekame,” anana, e lapig. ⁴⁷ Anam henana, haen oh Kayak binag meegeg, danab ah laala oh ahilagnu oolag enaib dayom. Haen amu ded ohpa Kayak Nug danab ah laala edua diieye, ag kristen tamaniak oopa daapig ele amu, ag ele tudidpig.

DANAB BAEG NAU ELE EDUA ENA DAYOM

3 Haen amu ded laa Petrus Johannes ele a aam ameg ewampa, unuqitak haenpa, mana metak laka unuqidkulahnu gopid. ² Ukaeh, danab laa dayom, nug baekud baag batak, wan tabte ele, a oh mauhpig. Nug anig oopanu anam doum. Ag ded oh nug aon gona, mana metak lagnu ad odpa, od amunu ag, Antaknu Enanag ateb, amu gukuidna meeg dayaya, danab ah

ag mana metak lag oopa noegeg, men dođo meťaglagnu unuqatata dayom. ³Danab amu nug Petrus Johanes ele a mana metak lag oopa noeheh anata, nug keeke meťaglahnu unuqatom. ⁴Unuqata, Petrus Johanes ele a nug gagatag neekidyaya amu Petrus nug aum. “Na i anite!” awa aum. ⁵Anam a, danab amu edua, oo ekude, ahilahpa uke amu nug oopa, “A keeke međaglahnu hetep,” awa aum.

⁶Amge Petrus nug aum. “Da men dođo iita amge da dahil keeke daate amu da na medakul. Jesus Kristus, Nasaret ted, Nug onigpa da na amenpa atem. Na ahan oiye!” awa aum. ⁷Petrus nug anam awowa, epeg bahia, epeg nadi-appa ada, hume, pahanab baekud oh gagatag qepid. ⁸Nug baekud gagatag epaeh, nug paha aha hibaita tapa oiyye, nug Petrus Johanes ele oh mana metak lag oopa nonana, nug aha oola ta oola nana oiyya, Kayak binag meum. ⁹Danab amu aha, Kayak binag maama oiyye, danab ah oh ag nug anidna, ¹⁰ag nug doopig, nug am danab laa iita, nug aaku hanhan mana metak lagnu ad odpa, od amunu ag, Antaknu Enanag ateb, amupa meeg dayaya, danab ah lag oopa noegeg, nug men dođo meťaglagnu unuqatata daatom ele, nugib aaku gemu ena dayom, ag amu anidna, ag otaina, dab mak huana aopig.

PETRUS MANA METAK LAG OOPA NAI MEHUQOM

¹¹Amu ag anam dab mak huana aoegeg, nug aha, Petrus Johanes ele adualatete amu danab ah oh ag ahan qaibad dona, mana metak lagnu ad oopa aben laa, Solomonnu Aben ateb, amupa qag mepig. Adinu? Ag huana otaina hepig. ¹²Ag anam heeg, Petrus nug anata, nug amelagpa inam aum. “Israel danab, ag adinu keeke imunu dab mak kudum aonna, ag i neekit-teb? Amu atemun ag

i iya, ihinih gagatagpa o iita i iya ihinih ena hakpa i heud, danab imu nug aha oiye ateb? Anam iitanab, iita. ¹³Abrahamnu, Isaknu, Jakop elenu Kayak, Nug am ig alankad dilag Kayak, Nug aaku nuhig udat imupa nuhig nid Jesus binag humate. Amge ag Nug aon keked epe-lagpa meeg, Pilatus nug uhuqkunu aum amge iita, ag am danab amu di medapig. ¹⁴Ag am danab amu, Nug hipunin laa ii heum, Nug am opia awak danab amu, ag Nug di metan, ag Pilatusnu eeg, nug danab laa, nug danab aqe mauhpig ele amu, nug danab amu uhuqa awa, ag mata, heeb gokunu enan, ¹⁵ag danab ena, Nug ig bau hanhan ena dayaknu ib, ib amupa omaigte ele amu, ag Nug qeeg mauhom. Ag qeeg mauhom amge Kayak Nug he, edua hibaite, i nuhig nai amunu mehuqte. ¹⁶Amu i Jesusnu oonihpa genab doomud amupa Jesus Nug he, danab imu, ag nug anidna dooteb ele amu, nug enanagib daate. Yo, i Jesusnu oonihpa genab dooteb, ib amupa Nug he, danab imu nug edua, ag anidteb bia ena daate,” awa aum.

¹⁷Petrus anam anana, nug nai tudita aum. “O lailad, da genab dootem, ag Jesus nuhigpa ehed hepig amu, ag tutuku ii doonna, ag kobol amu hepig, ahilkad iki danab ele anamib aaku.

¹⁸Kayak Nug anuka nuhikud propet oh odelagpa, nuhig Kristus, Nug guitak nau amu aokunu ana mehuqa aum. Nai amu niie udie, ag amu hepig amu, amupa Kayak he, nuhig nai aaku meu oum. ¹⁹⁻²⁰Amunu Kayak Nug ahilag hipunin opieb, ag opia awak daaglagnu, geha Kayak oo gamag ahak haen madakunu, Nug heeb, Kristus, Kayak Nug ahilag ehanitak daakunu tituanom ele amu, Nug udikunu, ag oolag edueg! Kayak Nug anuka laa tituanom ele amu, Nug am Jesus. ²¹Amu gemu Nug Kayaknu dayak aben anuqakpa daate. Nug apa dayaya, Kayak keeke oh edua bau

heḱunu anuḱa maṱia, nuhiḱud propet, ag opia awak ele amu, ag oḱelagpa Nug mehuḱom, haen amu ameg meṱe. ²² Nuhignu Moses nug inam aum. ‘Kayak, Naḱi ahilag, Nug geha ag lailag laa heeb aha, Nug propet ahilag daḱu, da bia. Nug aḱi ab amu ag doyeḱ! ²³ Am danab ag propet amu, nuhig nai ii doonna, ag mauhḱulag. Ag Israel oolagpa baula ii daamna,’ awa aum.

²⁴ Amu propet oh anuḱa nai mehuḱpig amu Samuelnupa dig mak, propet daaeg uḱiom amu ag oh haen gemu ihinigpa doum daate imunu apig amu iḱu ig anidṱem. ²⁵ Kayak Nug propet odelagpa aḱi beḱunu aum, nug Abraham ele tituana, keeke laa heeb beḱunu nai qakom ele amu, ag gemu daateb, ag nai aḱit amu a meulah aoglagnu daateb. Nai Nug Abraham amegpa qaḱa aum am inam. ‘Da hepi, na buḱunpa wan ohpan danab ag ititaḱ aoglag,’ awa aum. ²⁶ Amunu Israel danab, Kayak Nug nuhig uḱat danab otia he, Nug tatam ahilagpa ag ititaḱ madakunu uḱiom. Nug heeb, ag oh aḱa anen anen ahilag eheḱ hak naupanu eḱun, Nug dim lamidḱulagnu heum,” awa aum.

AG PETRUS JOHANES ELE AḱALATṱIG

4 ¹⁻² Petrus Johanes ele a danab ah Jesusnu ipuanadyaya, nuhig gagataḱpa danab mauhpig ele ag eḱun hipaidḱulagnu ele mehuḱehev, mana meṱak danab amu mana meṱak lag gumaknu daup iḱilag amu ḱo gumak danab-Sadusi aḱi ele ag a nai madipid amunu ahilahnu oolagpa aeg bak nau doyegeḱ, danab aḱit amu a nai amu maṱiehev, iḱi danab amu ag ahilahpa uḱipig. ³ Uḱin, tueb meum amunu ag aḱualatna, mani guitaḱ oopa maateg, tuḱan laipu daapid. ⁴ Ag anam hepig amge danab ah kuḱum, a nai madipid ele amu, ag nai amu doona, ag oolagpa genab doopig. Amu haen

amupa, oh ag oolagpa genab doopig ele amu, ag oolagpanu danabnuib eb qak am 5,000 anam.

⁵ Aria Petrus Johanes ele a mani guitaḱ oopa daaehev, wagde amu Juda dilag danab oḱai amu Juda iḱi danab am ḱo mehuḱak danab ele amu ag uḱin, Jerusalem qag mepig. ⁶ Am mana meṱak danab dilag iḱi Anas, amu Kaiapas, Johanes, Aleksanda amu danab laala ele, ag oh buḱub laipunu amu, ag laa qag mepig ele amu, ag oh qag mena, ⁷ ag totol danab aḱit amu diiatna, ag heṱodiakpa maatna oḱ matapig. “A gagataḱ aḱipa o a aun onigpa uḱat amu hepid?” aon oḱ matapig.

⁸ Aria ag anam aon oḱ mataeḱeg, Kayak Oudi Nug Petrus oopa am be, nug aha ag amelagpa aum. “Israel danab oḱai amu ag iḱi danab ele, ⁹ ag adeḱu? Gemu ag i danab baeg nau ele amegpa auḱ, nug ena dayom, amunutai iḱu oḱ metateb. ¹⁰ Anam dayeb amu aria gemu ag oh tutuku doopeḱ am Israel buḱub oh ag ele amu inamib dooglag. Jesus Kristus, Nasaret ted, ag gemu daateb imu, ag Nug ad emaitakpa atulpig amge Kayak Nug he, eḱua hibaitom ele amu, Nug he, danab imu eḱua ena daya oiyeve, ag anidṱeb. ¹¹ Amu lag hak danab ag lagnu men anuḱak daakunu, amu anidna uupig bia ag gemu daateb, ag Jesus anidna di medapig amge Nug anuḱak beum daate. ¹² Wan imupan danab aun nug ig eḱua awikeb, ig hipunin waapa ii daamta? Iita! Jesus Nug nuḱaib elele. Wan imu ohpa ig laa onigpa ehanitaḱ amu aognignu iita, Jesus nuḱa,” awa aum.

¹³ Juda dilag danab oḱai amu ag Petrus Johanes ele a ii baḱapid anidna, amu a sul oḱai ii hepid ele doona, ag dab mak kuḱum aopig. Anam henana amu ag Petrus Johanes ele a Jesus ele oipig amu dab mepig. ¹⁴ Ag dab meegeḱ, danab beḱu ena dayom amu nug Petrus Johanes ele ag oh hipaidna daeḱeg

anadna, ag a nai apid̄ amu edun nob mekulagnu ib laa ii anidpig. ¹⁵ Ag anam daanna amu ag Petrus Johanes ele, a Juda dilag heṭodiak okai, onig Sanhidren, lag oo amu a uuya, dimitim gokulahnu aeg uk̄aeh, ag aṭem hekulagnu amu maṭina apig. ¹⁶ “Ig danab adit umu am aṭemtai hatkunig? Adinu? A kobol danab heṭunu elele iita amu hepid. A heeh, Jerusalem danab ah daateb umu ag oh doon malapig amunu ig a ii hepid aot akunignu am elele iita. ¹⁷ Amge danab laih laihnu ag doomnanu, ig danab adit imu a baula Jesus onigpa nai ii maṭimyanu aput doyed!” aon apig.

¹⁸ Ag anam awona, edun aeg waeh, ag a amelahpa apig. “A Jesus onigpa nai baula edui danab ah amelagpa iinab mehuqmaya! A baula iinab ipuanadmaya.” Ag a amelahpa gagatag anam apig. ¹⁹ Ag amelahpa anam apig amge Petrus Johanes ele a apid. “I Kayak nai imu uuda, ahilag nai dim lamidkunih am Kayak Nug keeke amunu am ena awa akute? Ag tutuku anidna dab mak aweg!” aoya apid. ²⁰ A anam awoya am baula tudidya apid. “I amu odenih qamutkunihnu ele iita. Adinu? I keeke oh amenihpa anidda, nuhig nai doomud̄ ele amu, ib laa iita, mehuqkunihna,” aoya apid.

²¹ A anam aeh, aria danab okai ag a amelahpa nai gagatag apig amu, ag nai anam bia laala ele tudidna awona, ag danab ah oh ag Kayak keeke he anidna, amunu oolag gamag ahe, ag Nug binag mepig anidna, ag danab ah amu diig amunu badapig amunu ag Petrus Johanes ele guitak mataglagnu ib ii anidna, heeg gopid. ²² A aeh, Jesus he, danab edua ena dayom ele amu, nug nuhig mad̄ 40 anam amunu danab ah ag Kayak binag mepig.

KRISTEN GAGATAG AOGLAGNU UNUQIDPIG

²³ Aria danab okai ag heeg, Petrus Johanes ele a goya, a lailti gumadya goya, mana metak danab okai amu iki danab ele ag heṭodiakpa nai apig amu oh aeh doopig. ²⁴ Amu ag oh doona, baalag laipu mena, Kayak unuqidna inam apig. “Nadi, na hab wan yu amu keeke oh agupa daateb ele amu, keeke amu oh na hadme. ²⁵ Amu anuka na he, nahip Oudi Nug nai nahip imu ig alanig Dawit, nug am udat nid nahip amu, nug amegpa a doya, nug aum. ‘Amu adinu iita adi danab ag Kayaknu oolagpa aeg bak nau dooteb? Adinu danab ah budub amu ag Nug edidkulagnu qag men, nai hamu maditeb? ²⁶ Wanpanu okai okai ag Kayak amu laa Nug tituanom ele, ag a ele ban hekulagnu bapaidna amu wanpanu okai laala ag bannu qag mepig.’ ²⁷ Dawit nug aum bia amu ag genab anam hepig. Herodes Antipas, Pontius Pilatus ele am iita adi danab amu ag Israel ele, ag oh ab okai imupa qag mena, ag Jesus gedidpig, Nug am udat danab nahip, opia awakna ele. Na Nug anuka tituanme. ²⁸ Ag anam hekulagnu qag mena anam hepig amu, Kayak na keeke oh anam beṭunu anuka ib amunu ame amu ag amuib hepig. ²⁹ Nadi, danab amu, ahilag nai matiak ena iita amu ante! Anidna amu nai ig, nahipad udat danab amu, na ig ehanigpe, ig badak iitapa nahip nai mehuqkunig. ³⁰ Laa ele amu na Jesus, nahip udat danab opia awak ele amu, na Nug onigpa epen bahin, ode danab adaladpe, ag edun ena dayeg! Kobol danab heṭunu elele iita amu na amu ele Jesus onigpa he!” aon unuqidpig. ³¹ Ag unuqidna, baag qeegeg, lag ag daapig ele amu udalele, Kayak Oudi ag oolagpa am be, ag ii badana, Kayak nai mehuqpig.

KRISTEN AG NUG EHANITAK HEPIG

³²Ag anam aaku henana, oolagpa genab doopig ele ag oh dab mak laipupa oolag laipu dayeye amu danab laa nug keeke ele amu nuhignuib ii adom. Iita. Keekepa amu ag nug ehaniteg ³³amu totol danab tuelp ag Nadi Jesus edua hibaitomnu nai amu gagatag ele mehuqegeg, Kayaknu ehanitak okai hamu megte ele amu, ahilagpa okai dayom. ³⁴Anam dayeye, ag oolagpa danab laa nug keekenu, enu ele tutu mak hamu ii dayom. Iita. Danab laala ag wan o lag ele, ag aeg, danab laa daden meeg, men doo amu aon ucin, ³⁵totol danab tuelp mataegeg, ag otin, danab laala elele iita amu madapig. ³⁶Ag anam heegeg, danab laa apa dayom, nug onig Josep, nug am Lewi budub, Saipras ted. Nug onig Josep amge danab tuelp ag am nug onig Banabas atadpig. Onig amu diig eduak amu inam, heeb oolag gagatag qak danab. ³⁷Aria danab amu nug wan laih nuhig he, danab laa awe, nug men doo amu awa ucia, totol danab matom.

ANANIAS SAPIRA ELE

5 Amu danab laa onig Ananias, nug wau onig Sapira, nug wan laih me, danab laa awe, nug men doo awa, ²nug otia laih amu nuhig maama, nug men doo laih amu awa ucia, totol danab tuelp mata, “Wan dahilnu nob oh iiku,” awa aum. Nug wau ele oh a totol danab anam ham bupualadkulahnu oolah laipu dayom. ³Nug anam a amu Petrus nug aum. “Ananias, adinu Satan na ootpa am be, na Kayak Oudi amegpa ham bupuak nai matinna, ‘Da wan mei, laa nug daden me, men doo aomi amu oh iiku,’ ame amge na laih nahip daakunu lokumna, laihib aon ucime?” ⁴Na tatam wan amu laa aokunu ii meeme amu naka nahip dayom. Am dimpa na ae,

daden meeg, men doo amu ele nahipib. Amu adinu na kobol amu hekutnu ootpa dab meme? Na heme amu danab ii bupuidme. Iita. Na Kayak amegpa ham bupuak nai matime,” awa aum. ⁵Aria Ananias nug Petrus nai aum amu doya, nug na qa mauhe, danab oh ag amunu nai doona amu ag huan badapig. ⁶Aria nid bau ag ahan dona, lamen laapa bedu hautna, aon gona boompig.

⁷Amu aam ameg ewam uke, Ananias wau nug ucia, lag oopa noum. Nug amunu nai laa ii doyom. ⁸Nug no, Petrus od meta aum. “Na ape doyei! Atemu? A wannu daden nob amu elele iikuibte?” awa aum. A am ah nug aum. “Amu aakuib,” awa aum. ⁹Ah nug anam a, Petrus nug amegpa aum. “Amu adinu a oh nai laipu matiya, a Nadi Oudi, Nug ahilah ehed hak amunu nob mataku o iita anidkulahnu heya eedpid? Doye, danab ag na gamut boomona dopig, ag odpa hipaidpig daateb, geha ag na ele boomidkulagnu mawidkulag,” awa aum. ¹⁰Petrus nug anam aawo, ah amu laipun nug baegpa na qa mauhe, nid bau ag lag oopa nona, ah mauhom anidna, ag aon maon gona, gamu boompigpa ou qen boompig. ¹¹Amu kobol amu be, kristen tamaniak oh amu danab ag keeke amunu nai doopig ele, ag ele huan badapig.

TOTOL DANAB AG DANAB BAPALADPIG

¹²⁻¹⁴Aria haen amupa totol danab tuelp, kristen tamaniak amu abpan danab laala ele ag hanhan mana metak lagnu ad oopa, aben laa Solomonnu aben ateb, amupa qag medapig. Qag menan oinna, totol danab tuelp ag abpan danab oolagpa eponak keeke, danab hekunu elele iita kudum diigdiig ele hepig. Ag anam qag mena oipig amge Juda laa ag, ag ele qag mekulagnu uupig. Ao, Juda laa ag, ag ele oh qag mekulagnu uupig amge abpan danab ag kristen tamani-

aknu oolag enaib dayom. Ag oolagpa ena dayeye, danab ah ele kuḍumnab ag Jesusnu oolagpa genab doona, ag kristen tamaniak oopa gopig.¹⁵ Aria totol danab tuelp ag uḍat danab heḱunu elele iṭa heegeg, danab laala ag oḍe danab amu qadaqadpa aḱan uḍin, ib daugpa maateg niipig. Amunu diig am Petrus oiyebbeb amu nuhiḱ itotog amu oḍe danab qadelagpa uḱeb, ena daaglagnu oolag dayom.¹⁶ Ag anam heegeg amu danab ah, ab laala Jerusalem guguitak daateb, apan ag ele ahan, danab oḍe ele amu danab ouḍi nau ele aḱan uḍiegeg amu ag oh eḍun ena daapig.

LAA AG TOTOL DANAB EHED HADPIG

¹⁷ Ag anam heegeg amu mana metak danab dilag iḱi amu nuhiḱud ehanitak danab laala, ag am ḍo gumak danab-Sadusi oolagpanu, ag oolagpa aeg bak nau doopig.¹⁸ Ag anam hena ahan, totol danab tuelp aḍaladna, mani guitak okai amupa maadpig.¹⁹ Amge tuḱan amupa Naḍinu engel nug mani guitak lag od matula he, dimitim doeg, nug amelagpa aum.²⁰ “Ag eḍun gona, mana metak lag oopa nona, danab ah amelagpa kristen bau oiyaknu diig, amunu mehuqpeg doyeg!” awa aum.

²¹ Engel anam a amu wagḍe buṭuanab totol danab tuelp ag ahan gona, mana metak lag oopa nona, danab ah amelagpa engel aḱulagnu aum ele amu, ag nai amu danab ah ipuanadpig. Amu totol danab tuelp ag mana metak lag oopa daaegeg, mana metak danab dilag iḱi amu nuhiḱud ehanitak danab ele ag qag mena, Juda dilag hetodiak okai, onig Sanhidren, amunu danab amu Israel dilag iḱi danab oh onilagpa eeg, ag uḍieg amu ag ahilag daup ag mani guitak laka gona, totol danab tuelp diin uḍiglagnu apig.²² Ag aeg, daup ag mani guitakpa gopig amge totol danab tuelp ag apa ii daapig anidna amu ag eḍun qag mepigpa

gona, ag keeke aṭem aṭem anidpig amu aeg doopig.²³ Ag inam apig. “Ig gota, mani guitak lag amu od lok gagatag aqak daaegeg, daup ag od oh gumapig anidmut. Aria ig od matulmut amu ig lag oopa danab laa daaegeg ii anadmut,” aon apig.²⁴ Anam aeg doona aria mana metak danab dilag iḱi amu daup iḱi ele ag dab mak kuḍum aonna apig. “Keeke aṭemtai laa ana daakutai,” aon apig.

²⁵ Amu ag anam matiegeg, danab laa uḍia amelagpa aum. “Doyeg! Danab ag mani guitakpa inadpig ele amu, ag mana metak lag oopa, Jesusnu nai danab ah ipuanadteb,” awa aum.²⁶ Danab amu anam a doona, daup iḱi amu daup ele ag gona diipig amge ahilagnu ehed laa ii hepig. Aḍinu? Ag badan inam apig. “Ig ag makuḍadput amu danab ah ag ig menpa iqaglag,” aon apig.

²⁷ Ag anam anana, diin uḍin heeg, hetodiak okai, onig Sanhidren, amupa hipaidna daaegeg, mana metak danab dilag iḱi nug amelagpa aum.²⁸ “Amu ig ag amelagpa ag Jesus onigpa nai baula danab ah iinab ipuanadmananu amut. Aḍinu ag amu anam heegeg, danab ah oh Jerusalem daateb ele aaku doopig. Amu ag danab ag ihinignu amu, ‘Jesus Nug danab ena, ag qeeg mauhom,’ aon aḱulagnu heṭeb,” awa aum.

²⁹ Nug anam a amu Petrus nug totol danab tuelp ele ag oh eḍun apig. “Ig am Kayaknu nai amu dim lamidḱuning. Danabnu nai amu ig ii dim lamidmata.³⁰ Amu ag Jesus ad emaitakpa atulna qeeg mauhom amu ig alanignu Kayak Nug he, eḍua hibaitom.³¹ Nug am King amu ihinig ehanitak daakunu, Nug ihinig gamag danab amunu Nug heeb, ig Israel ig oonig eḍueb, Kayak Nug hipunin ihinig uhuqa megakunu amu Kayak he, Nug eḍua hibaita, aṭan ta, Nug Kayak epeg nadiappa, amuam anuqak aben, amupa daate.³² Amu ig keeke amu ohnu nai mehuqak danab daaṭem. Kayak

Oudi ele nai amunu mehuqa aṭe. Kayak Nug danab ah ag nai nuhig dim lamidṭeb amu nuhig Oudi madate,” aon apig. ³³Ag nai amu aeg doonna, ag oolagpa aeg naunab be, totol danab tuelp aqapeg mauhḱulagnu apig.

GAMALIEL TOTOL DANAB EHANATOM

³⁴Ag anam heḱulagnu apig amge Juda dilag heṭodiak okai, onig Sanhidren, amunu danab laa aha hibaitom. Nug am do gumak danab-Parasia onig Gamaliel. Nug danab ah do ipuanadṭom amu ag nug binag humapig. Nug aha, ag amelagpa totol danab tuelp apeg, nakok dimiṭim gokulagnu aum. ³⁵Nug a, ag heeg, dimitim ukaeg, nug heṭodiak okainu danab laa daapig amu amelagpa aum. “Ag Israel danab, ag kobol aḱi danab imu dilag heḱulagnu heteb amu ag dab meig! ³⁶Aḱinu? Ag imu dooteb. Matu haen Tiudas nug aha, ‘Da danab okai,’ anana nug nuḱa binag ma, ham bupualata he, danab 400 ag ahan dim lamidpig. Amge gabman nug Tiudas qe mauhe amu danab ag nuhignu oolagpa genab doopig ele amu, ag ele gona qetodeg, nuhig udat aaku iita meum. ³⁷Amu Tiudas onig iita me, nug heum bia haen gabman nug danab ah onilag awewe, Galelia ted Judas nug aha, danab ah laala biilagpa ya he, ag nug dim lamiteg gona, Rom dilag gabman lamidḱulagnu ban hepig. Amge nug ele qe mauhe amu danab oh nug diie oipig ele amu ag matatun gona, hamu oipig. ³⁸Ig amu anam anidmut amunu da ag amelagpa aṭem. Ag danab umu amu, ag uuadpeg dayeg! Uupeg, ag daanna hebepeg, keeke amu diig am danabnu dayeb amu, geha na qeeb, iita meku. ³⁹Amge genab Kayak Nug keeke amu he bete amu ag Nug ipu oo neḱulagnu am elele iita. Ag anam hena amu ag aaku Kayak ele ban heḱulag,” awa aum.

⁴⁰Gamaliel nug anam a, ag nuhig nai dim lamidna, totol danab tuelp ii aqapig amge ag diin, bupa ehed matadatonā, nai Jesus onignu amu ii maṭimnanu gagatag amelagpa awona, heeg gopig. ⁴¹Ag anam heeg, totol danab tuelp ag Juda dilag heṭodiak okai, onig Sanhidren, amupanu dimitim gona, ag oolag gamag ahehe, ena doona, inam dab mepig. “Ig Jesus onignu uḱanak guitak ele aomut amuam ena,” Ag anam dab mepig. ⁴²Ag anam awona, ded oh ag mana metak laḱa amu danab ah laulagpa ele oina, Jesus Nug am Kristus, amu mehuqnana ipuanadpig. Ag Nai Ena amu mehuḱulagnu ii uupig.

AG DANAB EBLAIH ADIT ELE OTIADPİG

6 Ag Jesus Kristusnu Nai Ena amu mehuqegeg, haen amupa danab kuḱum Jesusnu oolagpa genab doyegeg, ameg amu tuditegeg, okai meum. Anam beebe, ag oolagpa ameg laa, ag Grik nai dooteb ele amu, ag ahan, ameg laa Hibru nai dooteb ele amu, ag ele aeg ona aeg do amelagpa apig. “Ag ded oh udat imu tipalṭeb. Ag ah qab ahilḱad, ag e iita ele amu, ag e madateb amge ag ihilḱad ah, qab daṭeb amu, ag ii ehanadṭeb,” aon apig. ²Anam daye, totol danab tuelp ag aeg, danab Jesusnu oolagpa genab doopig ele amu ag oh uḱin, qag meeg, amelagpa apig. Ig Kayak nai maṭiak udat ii uumta. Ig anam heḱunig am Kayak noobpa ena iita ³amunu o lainḱad, ig inam, heḱunig. Ag oh oolagpanu ag danab eblaih adit laa, danab ah ag danab amunu ehed laa ii aṭeb, ag Kayak Oudi aopig, ahilag doyak ele am ena amu, ag danab eblaih adit amubia anateg! Danab amu ig udat amu madaput, ag heḱulag. ⁴Amge ig totol danab amu, ig hanhan unuqidtata, Kayak nai amu danab ah ipuanadḱunig,” aon apig. ⁵Ag

anam aeg, danab ah oh ag nai amunu oolag laipu daye, ag danab otiadpig. Ag otiadpig ele amu ag onilag am Stepanus, nug oopa genab doyak nuhig am gagatag, Kayak Oudi nug oopa am bak ele. Aria laa am Pilip amu laa am Prikoras, laa Naikena, laa am Timon, laa Pemenas, amu laa am Nikolas. Nikolas nug am Antiok ted amu nug Juda dilag metid dim lamitom. ⁶Ag danab amu otiadna heeg, totol danab tuelp noolagpa hibaiteg, ag epelag qadelagpa mena, ahilagnu unuqidpig.

⁷Ag Kayak nai mehuqegeg, danab ah kudum ag oolagpa genab doopig. Jerusalem apa danab kudum ag oolagpa genab doona, kristen tamaniak oopa ukaeg, nuhig eb qak okai meeme, mana metak danab kudum ele oolag eduom.

STEPANUS ADAPIG

⁸Amu Kayak Nug Stepanus ehanitak okai ele mete, nug eponak keeke danab hekununu elele iita amu danab ah oolagpa heum ⁹amge danab laala ag ahan, Stepanusnu nai nau ham bupuak bedupa yaan aegeg, nug ag ele nai aeg ona aeg doum. Danab amu ag am Juda dilag nai doyak laqa, ag lag amunu, Danab Begbeg Iita ateb ele amu, amupa ag Kayak nai doodpig. Danab amu ag am Sairini, Aleksandria, Silisia, Asia elenu udiak. ¹⁰Am Kayak Oudi Nug doyak ena Stepanus meta he, ag nuhig nai edidna, tabapeg nokunu elele iita. ¹¹Ag anam anidpig amunu ag kobol ham bupuakpa hena, danab laala eedateg, ahan apig. "Ig nug, Moses Kayak ele dabata, awa awa aqatete doomut," aon apig. ¹²Ag anam ham bupueg, danab ah amu, Juda iki danab amu do mehuqak danab ele ag otaina, Stepanusnu ehed doopig. Ehed doyeg, danab ag Stepanus ele nai aeg ona aeg doum ele amu, ag gona, nug adan, aon Juda dilag hetodiak okai, onig Sanhidren, apa gona, ¹³ag

qag mak amupa heeg, danab laala ag oolagpanu ahan, Stepanusnu nai ham bupuak inam aon apig. "Danab imu nug hanhan lag imunu, do nai elenu nai ehed madite. ¹⁴Amu nug matiaya, inam aawo ig doomut. 'Jesus, Nasaret ted, geha nug ab imu heeb nauheeb, anuka Moses nug kobol ig mekom amu ele Nug eduku,' awa aum," aon apig. ¹⁵Ag anam ham bupueg, danab hetodiak okai, onig Sanhidren, apa daapig, ag oh Stepanus neekidna, ag nug idu engel bia anidpig.

STEPANUS IKI DANAB DILAG QAG MAKPA NAI MATIOM

7 Anam anidna amu mana metak danab dilag iki nug Stepanus amegpa aum. "Nai apig umu am genabte?" awa aum. ²Amu Stepanus nug mehuqa amelagpa aum. "Da lailad mamelad ele ag doyeg! Anuka ig alanig Abraham nug Mesopotemia dayaya, nug Haran ii ukom, haen amupa Kayak, nuhig amahlak enanag ele, nug gumita noa, amegpa aum. ³'Na ahan, wan nahip imu uuna, laipad ele uuadna amu, wan laa da na ipunidkul amupa uke!' awa aum.

⁴Kayak aum amu Abraham nug Kaldia wan uua, aha uqa, Haran dayom. Apa dayeye, dimpa mameg mauhe amu Kayak Nug he, aha Kanan wan, gemu ag daateb ele imu, igupa udiom. ⁵Amu Kayak Nug wan imupa laih nakok laa Abraham epegpanab daakunu ii metom amge Kayak Nug dimpa wan amu Abraham amu nug budub ele madaakunu nai qaqa aum. Amu haen Abraham nug nid iita oiyeye, Kayak Nug nai amu amegpa qaqa aum. ⁶Amu Kayak Nug inam amegpa aum. 'Na budunad ag geha danab budub laa dilag wanpa daapeg amu budub laapan amu ag geha heppeg, na budunad ag ahilag begbeg mad 400 daapeg, ag ehed hadkulag,' awa aum. ⁷Nug anam anana am Kayak Nug tudita ele aum. 'Geha dimpa da danab

ah amu, ag na buđunad, ag ahilag beg-beg udat hekulag^u adaladkulag amu, da ag kobol nau amunu nob madakul. Aria da anam hepi, dimpa amu na buđunad ag wan amu uun uđin, wan imupa amu geha ag da unuqilnana, binal mekulag. Kayak Nug anam awa aum. ⁸ Amu Kayak Nug Abraham tituana, amegpa nai qaqa anam awowa, dimpa Nug tituana amunu do laa Abraham meťa, Abraham amu nug buđub ele ag oh gađalag otadadkulag^u aum. Kayak aum amunu dimpa Abraham nug beka Isak menua, ded eblaih ewampa gađa otadom. Aria Isak nug Jakop menua, gađa otade, Jakop nug dimpa bekod tuelp menuata, gađalag otadom.

⁹ Aria ig alankad ag Josepnu oolag aeg be, ag nug aon, danab laa maťaeg, men dodo maťaanna, ag aon, Igipta gopig amge Kayak Nug Josep dab medete ¹⁰ Josep nug ug diigdiigpa dayeye amupa ele Kayakib ehanitom amunu haen nug Igipta dilag king ele nai matieheh, Kayak Nug doyak ena Josep metom amunu king nug Josepnu oo daye, awa me, Igipta dilag gabman anuqak dayaya, king laugpanu keeke oh amu gumama, nug kingib waapa dayom.

¹¹ Anam dayeye, dimpa Igipta wanpa amu Kanan wanpa ele enug haen be, ag ug okai anidna amu ig alankad adi ag e laa aon lakulag^uni iita ¹² amge ag aeg, Jakop nug, 'Igipta apa e daate,' doyom. Aria nug he, alai adi ag e daden mekulag^uni Igipta gopig. ¹³ Amu dimpa ag edun ukaeg, Josep nug awakud amag ele noolagpa nuka miag, 'Da am Josep,' aum. Nug anam he amu haen amupa Paro nug ag am Josep awakud doyom. ¹⁴ Paro anam doye, Josep nug mameg Jakop, Jakop baekudpa ele oh, danab ah amu eb qak ahilag amu 75, ag nug gumidna gokulag^uni aum. ¹⁵ Aria Jakop nug noa, Igipta dayeye amu dimpa nug amu nug bekod ele ag oh mauhad-

pig. ¹⁶ Ag mauhateg, gađalag amu edun akan gona, Sikem matmatpa boomadpig. Anuka Abraham nug silwa men dođopa wan amu Hamo buđub, danab amu ag epelagpanu awom.

¹⁷ Amu Kayak Nug anuka nai Abraham amegpa keeke laa hekunu nai qaqa aum amu haen amu aaku bekunu miag doodo, Israel ag apategeg, agib Igipta wan am bekunu heum. ¹⁸ Amge amu ii nak haenpa Igipta dilag king ag benana, Josep nug Igipta wan ena gumom, kaya amu ag doopig. Anam daye uke, Kayak keeke hekunu aum, haen amu miag do amu danab laa ba, king dayom. Nug am Josep udat ena heum, kaya amu ii doyom ¹⁹ amunu nug ig lainkad ag nuhig udat hena, nugib ehanidkulag^uni ha, udatpa ug maťom. Nug ig alankad dilagpa kobol nau ehed gagatagnab he, ahilkad nid naunau bau amu uuadpeg, dimitim daana mauhkulag^uni wagai ma aum.

²⁰ Ag ug nau amupa daanna, haen amupa Moses anig nug menuom. Nug Kayak noobpa nid ena daye amu nug anig mameg ele a kalam ewam anam laka lokumeh dayom. ²¹ Anam lokumeh daye, dimpa nug nakok okai me, a ub nakok itai, aoya lepa meeh dayeye amu King adeg nug anta awa, nuhig nid bia gumom. ²² Anam he, Moses nug okai ma amu Igipta dilag doyak amu oh doya malowa, nug danab, nuhig nai matiak amu nuhig udat ele am gagatag, anam dayom.

²³ Dimpa Moses nug mad nuhig 40 dayeye amu nug laikud Israel anadkunu dab mak awa, aha oiyaya, ²⁴ amu Igipta ted laa aha, Israel laa ehed hedete anta, nug Israel ted amu ehanita, Igipta ted heum amu Moses nug nob ma, Igipta ted amu makude mauhom. ²⁵ Am nuhig dab mak am inam dayom. 'Da hepi, da lailad ag da anidna ag, "Kayak heeb, Moses nug geha ig ehanikeb, ig baula

nau ii daamta,” aon akulag.’ Nug dab mak amu awom amge Israel ag dab mak anam ii aopig. ²⁶Nug anam he, wagde ded amupa Moses nug edua oiyaya amu Israel danab adit laa a nug qeeheh anata, uuglahnu amelahpa inam aum. ‘A diig laipu amu adinu a anam nug guitak meṭaya heṭep?’ awa aum.

²⁷Moses nug uuglahnu aum amge danab aha layag maḱudom ele amu, nug aha, Mosesnu nai otaḱa aum. ‘Aun na ig gumignana, ihinig ug bapaidḱutnu meite, na uḱin aṭem?’ ²⁸Na tumai Igipta ted maḱude mauhom bia da oidpe mauhḱulnu hetemte?’ awa aum. ²⁹Nug nai amu a amu Moses aaku oola uka, Midian dilag wanpa do danab dayaya, dimpa ah awa, nid danab adit menuatom.

³⁰Apa dayeye, maḱ 40 uke, atu taḱapṭa engel laa qauko Sinai guguitak apa gumiṭa neum. Ab adu amu ad nakok laapa ewewe, engel nug ab ewom amu oopa dayom. ³¹Moses nug ab ewak amu anṭa, nug oo ii maite, dab mak kuḱum awa, nug peheṭa anidḱunu gumita waawo, Naḱi Nug aum. ³²‘Da am na alanad dilag Kayak. Da amu Abrahamnu Kayak, Isaknu Kayak, Jakopnu Kayak,’ awa aum. Awa a, Moses nug otaiya baḱa, Kayak anidmanu ii neekom.

³³Anam dayeye, Naḱi Nug amegpa aum. ‘Na hipaidna daatem, wan amuam gun ele amunu na baen gaḱa amu uḱe!’ ³⁴Da Igipta danab, ag dahilad danab Igipta daateb ele amu, ahilagpa kobol ehed huanak heegeg anate, danab dahilad dilag qanak ele dooṭem amunu da ag ehanatena, ahilag ug amu aotḱulnu nemi. Amu na ahan edun Igipta uke!’ awa aum.

³⁵Moses nugib aaku, anuka ag nug guhudidna, ‘Aun nug na ig gumignana, ihinig ug bapaidḱutnu meite uḱime?’ aon apig, danab amuib aaku Kayak awa, gumak danab mewowa he, Israel di-

ikunu ukom. Kayak he, engel nug ad nakokpa, ab ewak oopa ba, Moses anam heḱunu aum. ³⁶Amu Moses nug danab amu ag Igiptanu omalaṭa goḱunu haaha, nug kobol danab heḱunu elele iita diigdiig heum. Nug omalaṭa ugaka, nug le kokodpa amu atu taḱapṭa ele, maḱ 40 bataḱ anamib heum. ³⁷Amu Moses nugib nai imu Israel amelagpa aum. ‘Kayak Nug geha ag oolagpanu lailag laa heeb, nug propet, da bia, beḱu,’ awa aum. ³⁸Moses nugib dimpa Israel ele oh ag atu taḱapṭa, Sinai qaukopa qag mena amu nug engel amu, ig alankad ele dilag gamag danab dayeye, Engel nug Kayak nai bau dayaknu amu mete, nug awa, ag matom.

³⁹Amge ig alankad ag Moses nug nai aum amu doyaknu uupig. Ag nug guhudidnana, ag edun Igipta goḱulagnu amu oolag guatom. ⁴⁰Ag anam henana, ag Aron amegpa apig. ‘Na ihinig kayak laala doṭolag hena megape, ig omaigkulag. Moses nug Igiptanu aika omaike uḱimut amu adebtag ukom, ig ii dooṭem?’ aon apig. ⁴¹Aria ag anam anana, haen amupa ag makau nag doṭog laa hena, ag doḱ main kayak ham bupuak amu meṭanna, ag epelagpa keeke hepig ele amunu ag gamalag ahe, nuhig hobul okai hepig. ⁴²Ag anam heeg, Kayak Nug heqo maṭa, ‘Ag ehed heḱulagnu oolag dayeb amu uuadput heig!’ awa aum amu ag kalam hoḱopai ele amu unuqidnana, propet dilag naiṭa, nai daate bia hepig. Nai amuam inam. ‘Israel ag anuka atu taḱapṭa maḱ 40 daanna, ag bulmakau, sipsip ele aqan mana meṭak hepig amu dahil mana meṭak hepigte? Iita! Ag dahil ii hepig. ⁴³Ag kayak ham bupuak Molok, nuhig sel lag am kayak ham bupuak Repannu hoḱopai ele aon oipig. Ag keeke amu doṭolah hena, binalah mepig. Ag anam hepig amunu geha da ag diien, maad-

pi gona, laih Babilon editak upa mani guitak daaglag, awa aum.

⁴⁴Aria amu ig alankad anuka ag atu tadakpa daapig amu haen amupa ag metid lag dod gadapa hena, oopa amu men tapel do nai yak ele amu meeg dayeye, Kayak nug amahlak okai ele noa amupa dayaya, nai matom. Ag lag hepig, amu hekulagnu dotog amu, Kayak Nug Moses ipunitom, amubia hepig. ⁴⁵Dimpa Josua nug ig alankad ag diie, Kanan wan imupa udiegeg, Kayak Nug danab wan imupa daapig ele amu lamate, haen amupa dod gada metid lag amu ag maon, udieg dayeye uke, dimpa Dawitnu haen batak. ⁴⁶Amu Kayak, Nug Dawitnu oo daye, Dawit nug Kayak, Nug am Israel dilag Kayak, Nug laug hekunu unuqitom. ⁴⁷Amge nug ii heum. Iita, nug beka Solomon nug amu heum.

⁴⁸Amge Kayak atannab, onig ele, Nug lag danab heteb amupa ii daate. Amu propet laa nug nai amunu matiom am inam. ⁴⁹'Nadi Nug inam ate. Hab amu dahil dayak aben, wan amu bael mekulnu balal nakok. Ag lag atemnab laa dahil hepeg daakul? Aben atempa geha da daye hik aokul? ⁵⁰Keeke amu oh da epelpa hein malami.' Kayak Nug anam aum.

⁵¹Aria Israel ag am tape nak danab, ag oolag daulag ele amu iita adi danab bia amunu ag alalkad hepig amubia ag hanhan Kayak Oudi di medteb. ⁵²Amu propet aun laa dayom, ag alalkad ag nuhigpa kobol ehed laa iite hepig? Laa iita. Anuka propet ag Danab Tutuku udikunu nai amu mehuqegeg, ag alalkad ag aqaeg mauhpig. Aria Danab Tutuku Nug udie, ag gemu daateb amu ag Nug aon, keked epelagpa mena, heeg mauhom. ⁵³Kayaknu do nai amu engel nug ag matom amge ag amu dim ii lamidteb." Stepanus anam aum.

AG STEPANUS MENPA MAKUDPIG

⁵⁴Am Stepanus nug nai amu aum amunu ag oolag ye, guate, oolag nauhe, opodilag huan be, amelag kokod epe, Stepanusnu aelag kikidpig. ⁵⁵Ag anam hepig amge Kayak Oudi amu Stepanus oopa am be, tutukunab hab atan neeka, Kayaknu amahlak enanag kobol kobol ele hab abpa andata, Jesus Nug Kayak epeg nadiappa, amuam anuqak aben, amupa Nug hibaita dayeye antom. ⁵⁶Anta Stepanus nug aum. "Anteg! Da hab obate, Danab Bekalag Nug Kayak epeg nadiappa, amuam anuqak aben, amupa hibaita dayeye anidtem," awa aum.

⁵⁷Nug anam a, ag doona, ag huanaknab enana, daulag itun, ag oh ahan qaibad wana Stepanus adapig. ⁵⁸Ag adan aon, ab okai amu dimitim gona, ag menpa nug makudpig. Tatam danab ag nug bedupa nai yaapig ele amu ag ahilag ulahnu lamen amu udan, nid bau laa gumakunu medapig. Nid amu onig Saul.

⁵⁹Ag men aon, Stepanus makudegeg, Stepanus nug unuqita aum. "Nadi Jesus, da oudil na epenpa awe!" awa aum. ⁶⁰Nug unuqita anam awowa, nug gateg qaun wa, nug huana ewa aum. "Nadi na ahilag hipunin imu aib nob meme." Stepanus nug anam ewowa, nug mauhom.

SAUL KRISTEN TAMANIAK DILAG EHED HATOM

8¹⁻²Stepanus menpa makudeg mauhe, Saul nug amunu oo ena dayeye amu danab laala Kayaknu oolagpa genab doopig ele ag Stepanusnu oolagpa ug nadi doona, gada amu aon gona boompig. Ag Stepanus boomeg, haen amupa Juda dilag okai ag ahan dig mena, kristen tamaniak Jerusalem dayom amu heeg, nauha auta awom amunu kristen ag ahan, matatun gona,

Juda Samaria ele oopa daapig. Amu kristen ag amu ahan gopig amge totol danab tuelp ag am Jerusalem ii uupig, ag daapig. ³ Amu Saul nug aha, kristen tamaniak heeb iita mekunu ug madaṭa, nug uka lag lag oiyaya, kristen danab amu ah ele diia uka, mani guitakpa inatom.

PILIP NUG SAMARIA UKA JESUSNU NAI MEHUQOM

⁴ Anam heehe, kristen ag oolna, matatun ab laalapa gona daanna, ag Nai Ena amu mehuqpig. ⁵ Amu kristen ag anam heegeg, udat danab laa onig Pilip nug ab okai laa onig Samaria, apa noa, apa nug Kristusnu Nai Ena amu mehuqom. ⁶ Nug Kristusnu Nai Ena mehuqege, danab ah kudumnab ag nai amu doonna, nug kobol danab hekunu elele iita amu ele hatete anidna, ag Pilip nai mehuqom amu elele aopig. ⁷ Apan danab ah kudumnab ag oudi nau ele daapig amu, oudi nau ag huan enana, ag uuadna dona ukaegeg amu danab kudumnab bedulag mauhak, amu baelkad nau ele ag edun ena daapig. ⁸ Amunu ab okai amupanu danab ah ag anam anidna, ag oolag gamag huana ahom.

BAD MAK DANAB ONIG SAIMON, NUHIG KAYA

⁹ Ag oolag anam gamag ahehe amu danab laa ab okai amupa dayom, nug onig Saimon. Anuka nug am onig awak, bad mak kobol heehe, Samaria danab ah oh ag nuhignu dab mak kudum aoegeg, nug nuka binag ma, “Da am danab okai,” atom. ¹⁰ Nug anam aawo, danab ah laala onilag ele, laala onilag iita ele, ag oh Saimonnu nai dooglagnu ii daye daye, wagai mena apig. “Ig gagatag laa, gagatag amunu amu ig, ‘Gagatag okai,’ aot atem, gagatag amu Kayaknu udite ele amu, danab umu nug gagatag amu aaku

awom,” aon apig. ¹¹ Ag anam anana, nuhig nai amu dim lamidkulagnu am hik aqom. Adinu? Haen elabnab nug nuka nuhig ham bupuak kobol laapa, nug keeke danab hekunu elele iita he anidnana, ag dab mak kudum aopig. ¹² Amge Pilip nug Jesus Kristusnu amu Kayaknu do maodnu Nai Ena mehuqe, ag doonna, haen amupa danab ah ele ag oolagpa genab doyeg layatom. ¹³ Ag layatak aoegeg, Saimon ele oopa genab doya, layatak awe, Pilip ele daaya, nug kobol danab hekunu elele iita diigdiig okai be anta, nug dab mak kudum awom.

¹⁴ Pilip nug layate, totol danab tuelp Jerusalem daapig ele amu, ag Samaria danab ah Kayak nai doopig amu doona, ag heeg, Petrus Johannes ele noya anapid. ¹⁵ A gumadya noya, ag Kayak Oudi aoglagnu unuqidpid. ¹⁶ Adinu? Kayak Oudi Nug ahilagpa ii neum. Ag Jesus onigpaib layatak aopig. ¹⁷ Amunu a unuqitoya, a epelah qadelagpa meeh, ag aaku Kayak Oudi aopig.

¹⁸ Amu Saimon nug Petrus Johannes ele a epelah danab ah qadelagpa meeheh, ag Kayak Oudi aoegeg anata, Nug men dodo awa doa, ahilah gagatag amu daden mekunu amelahpa inam aum. ¹⁹ “Danab adit, a udat hetep ele, gagatag amu da laa medaped amu, da ele danab laa qadepa epel mepi, nug Kayak Oudi aoku,” awa aum. ²⁰ Saimon nug aum amge Petrus nug amegpa aum. “Na Kayaknu keeke ena ena, nuhig oo metakpa hamu megte amu na men dodopa aokutnu hetem. Men dodo nahip amu na ele oh iita memayanu na dab me! ²¹ Na udat imu, ig hetem ele amu, na amu oopa daakutnu elele iitanab. Kayak anidte, na oot am tutuku iita. ²² Am na kobol nau nahip amunu oot edueb, dab mak nau nahip dab makpa beum amu, Kayak Nug amu uhuqa medakunu, na Kayak unuqite! ²³ Adinu? Da anidtem,

na hipuninnu nob nau mua ele aokutnu oitem,” awa aum! ²⁴Petrus anam awa a, Saimon nug inam aum. “A Kayak unuqidped, Nug da ehanideb, keeke a atep amu dahilpa aib beum,” awa aum. ²⁵Amu Petrus Johannes ele a danab ah amelagpa Kayaknu mehuqeh doyeg, aria dimpa a eduya Jerusalem gopid. A ibpa goyaya, Samerianu ab kudumpa a Nai Ena mehuqpid.

PILIP ITIOPIA DANAB AMEGPA NAI MEHUQOM

²⁶Petrus Johannes ele a anam heyaya ukæheh, aria Kayaknu engel nug Pilip amegpa aum. “Na ahan, laih yau uditæpa gona, ib laa Jerusalemnu Gasa ukakpa daate amu apa te! Ib amuam atu tadakpanu ib,” awa aum. ²⁷A amu aria Pilip nug aha ukom. Amu ibpa nug Itiopia danab laa antom. Danab amu nug am Itiopia dilag Kuin Kandesin amu nuhig udat gumak danab laa. Nug am danab matoi. Nug Kandesinu keeke ena oh gumtom. Danab amu nug metid hekunu Jerusalem udiom. ²⁸Amu ded Pilip ukom, ded amupa nug edua ugaka, nuhig karispa dayaya, nug propet Jesaianu yak amu eb qaaqa ukom. ²⁹Nug amu eb qaaqa ugeke, Kayak Oudi Nug Pilip amegpa aum. “Na karis umu gukuidna uke!” awa aum.

³⁰Aria Pilip nug paha gumita wana, danab amu nug propet Jesaianu yak amu eb qeeqe doya, od metæ aum. “Na nai eb qetem ele amu diig nuhignu amu na oot maittete, o iita?” awa aum. ³¹Am danab amu nug aum. “Danab laa da dookulnu ii ipunidebeb amu da atem hein doopi, ool maidku?” awa aum. Awa anana, nug Pilip amegpa aum. “Na bepe, da ele daadu!” awa aum. ³²Amu nug Kayak nai laih laa eb qeum amu iiku. “Ag dod sipsip qepeg mauhkunu aon, qak abenpa goteb bia aon gopig. Ag dod sipsip nag udig otadeg nug ii gaate, amu-

bia Nug ele ode qamuta, toi eta dayom. ³³Ag Nug onig qeeg ne dayeye, nuhig hetodiak amu, elele ii hepig. Ag Nug qeeg mauhom amunu Nug wanpa budub iita.” Laa nug Kayak naipa anam yom.

³⁴Aria gumak danab amu Pilip amegpa aum. “Da od metem. Propet nug nai imu danab aunnunab aum? Nug nukæ nuhignute aum o iita danab laanute aum?” Nug anam od metom. ³⁵Od mete aria Pilip nug danab amu amegpa Kayak nai, nug eb qeum, amupa dig ma, nai laala ele awa, Jesusnu nai ena amu mehuqom. ³⁶A anam heyaya goya goya, le laa anidya, gumak danab nug aum. “Ante! Le iiku. Adi keeke laa da layatak ii aopanu da qakidte?” awa aum. ³⁷[Aria Pilip nug aum. “Na ootpa genab doona am na aokut.” Awa a, nug odepa awa aum. “Da Jesus Kristusnu oolpa genab dootem, Nug am Kayak Beka,” awa aum.] ³⁸Aria Kandesinu gumak danab nug a, karis dayeye, aaku Pilip, gumak danab amu ele, a le amupa noya amu Pilip nug danab amu layatak metom. ³⁹Nug laaite, a le uuya teeh amu pahanab Kayak Oudi Nug Pilip awa uke, gumak danab nug baula ii antom amge nug oo gamag ahehe, apagpa ukom. ⁴⁰Anam ukom amge Pilip nug Asdot apa tula ba, ab okai laalapa uka oiyaya, nug Nai Ena mehuqom. Nug anam haaha uka, Sisaria waum.

SAUL OO EDUE, KRISTEN BEUM

9 Amu haen gamag amupa ele Saul nug danab ah Jesusnu oolagpa genab doopig ele amu, ag aqeb mauhkulag nu, nug gagatag anana, wagai ma haaha, nug mana metak danab dilag iki gumita uka ²amegpa a, nug Juda dilag nai doyak lag Damaskus daateb amunu iki danab dilag pas amu nug Saul metom. Pas amupa nug inam yom. “Saul nug danabte, iita ahte ag Jesusnu oolagpa genab dooteb ele amu, apa anadku,

nug hipalata diia, Jerusalem uḍiku,” ana yom. ³Aria nug ya, Saul meṭe, nug ukom. Uka Damaskus guguitete amu laipun pahanab hab atannu amahlak laa na, huan amahaliṭom. ⁴Amahaliṭe, Saul nug wanpa na qa, wanpa niieye, nai baag laa na, inam amegpa a doyom. “Saul Saul, na adinu da ehed heidṭem?” awa aum. ⁵Anam awa a, Saul nug aum. “Nadi na amu aum?” awa oḍ meṭom. Oḍ meṭe amu Nadi Nug eḍua aum. “Da am Jesus amu na da ehed heidṭem. ⁶Amge na ahan, ab okai oopa nona daappe, geha na keeke adi hekutnu amu danab laa nug na amenpa aku,” awa aum. ⁷Nug amegpa amu aawo, danab Saul ele oipig amu, ag nai iita hipaidna daanna, baag aakuib doopig, danab laa ii anidpig. ⁸Nug nai matia male, aria Saul nug aha gokunu neekom amge nug ameg gatatu mane, ag nug epeg adan, omalna Damaskus abpa nopig. ⁹Ag aon noeg, nug ded ewam ii neekom, ameg gatatuib dayeye, nug e le ele laa ii laum.

¹⁰Nug anam dayeye, danab laa nug Jesusnu oopa genab doyom ele amu, nug Damaskus apa dayom, nug onig Ananias. Nug dayeye, Nadi nug onig diia, “Ananias,” awa aum. Awa a aaku nug oḍepa awa aum. “Nadi, da ina daatem,” awa aum. ¹¹⁻¹²A amu Nadi Nug amegpa aum. “Na ahan, ib onig Tutuku, amupa gona, Judas laugpa tena, na Tasmus danab laa anidkut, nug onig Saul. Nug unuqidte. Amu da hei, nug tuleglegpa, nug eḍua neegkunu elele daakuknu amu nug danab onig Ananias nug uka, nug ade antom,” awa aum. ¹³Nadi Nug Ananias amegpa anam aum amu Ananias nug eḍua inam aum. “Nadi, danab kudum ag danab amunu aeg doomi. Nug kobol ena iita haaha, nahipad danab ah Jerusalem daateb ele amu ehed hatom. ¹⁴Nug ipa ele anam hekunu mana metak danab okai epelagpanu pas awom. Nug danab ah ab imupanu ag nahipnu oolagpa

genab doonna, na unuqidteb ele amu, ahilagnu ele nug anam hekunu uḍiom,” awa aum. ¹⁵Amge Nadi Nug amegpa aum. “Na uke! Danab amu nug dahil udat danab, da nug tituanmi. Nug da onil awa uka, iita adi amu king adi am Israel ele amelagpa ab dooglag. ¹⁶Geha nug da onil ag ipuanata, amupa nug ug diigdiig maokunu daate amu da nug ipunidkul,” awa aum. ¹⁷Amunu Ananias nug uka, Saul dayom ele, lag amu oopa noa, epeg qadepa ma, nug amegpa aum. “Lai Saul, Nadi Jesus Nug na ibpa gumita neum ele amu, Nug aaku he, da na gumiten uḍimi. Adinu? Da hepi, na eḍun bau neegkutnu, Kayak Oudi na ootpa am beku amunu ele uḍimi,” awa aum. ¹⁸Anam awa a, Saul ameg laih laihpa keeke kakai gonelag bia adaya daapid amu, nug ameg dodopanui tolai neya qeeh, ameg ena daye, aha layatak awom. ¹⁹Nug layatak awowa, dimpa nug e laawo, beḍu gagatag qeum. Gagatag qe, Saul nug Damaskus apa ded laala danab Jesusnu oolagpa genab doopig ele amu, nug ag ele oh daapig.

SAUL DAMASKUS JERUSALEM ELE NAI MEHUQOM

²⁰Saul ag ele, ag apa daanna nug ameg mak ii heum. Iita, nug uka, Juda dilag nai doyak lag laalapa noa, nug Jesusnu nai mehuqa, amelagpa inam aum. “Jesus Nug Kayak Beka,” awa aum. ²¹Nug Jesusnu nai amelagpa mehuqeqe doonna, danab oh ag nuhignu dab mak kudum aonna, ag apig. “Danab amu nug aakuib danab ah ag Jesusnu oolagpa genab doon unuqidteb ele amu, nug ag aqate. Nug Jerusalem upa amu anam haaha, ipa ele nug ag hipalata diia, mana metak danab okai epelagpa mekunu uḍiom,” aon apig. ²²Ag anam aegeg amu Saul nug Jesusnu, Kayak Nug Nug tituanom, Kristus daate, amu tutukunab, nai

ebehi elepa ipuanate, Juda ag nuhig nai tabapeg nokunu ib laa ii anidpig.

²³Nug anam heeche, ded kudum uke, Juda ag qag mena, Saul qepeg mauhkunu nai qagapig ²⁴amge laa nug a, Saul nug nai amu aaku doyom. Juda ag nug qepeg mauhkunu amun tuqan ele meidna, ib adan, abnu ad odpa daapig ²⁵amge danab ag Saulnu nai dim lamidpig ele, ag tuqan Saul aon, kalegpa inan, abnu ad ode laapa padeg, dimitim noa ukom.

²⁶Aria Saul nug oiyaya, Jerusalem uka, nug danab Jesusnu oolagpa genab doopig amu, nug ag ele oh daaglagnu heum amge ag oh nug badidpig. Adinu? Ag nug oo edue, Jesusnu oopa genab doyom amu, ag amu oolagpa genab ii doopig. ²⁷Ag nug badidpig amge Banabas nug Saul omala, totol danab tuelp gumata uka, ibpa Saul nug Nadi Jesus ante, amegpa nai aum amu Banabas nug amunu amelagpa matiaya, nug Saul Damaskus dayaya nug Jesus onigpa nai mehuqkunu wagai meum, nug ii badom amunu ele amelagpa aum. ²⁸Ag Saul oo eduom amu doyeg, nug ag ele Jerusalem daanna, nug ag oolagpa oiyaya, nug Nadi Jesus onigpa nai mehuqkunu wagai meum, nug ii badom. ²⁹Nug Juda laa, ag Grik nai dooteb amu ag ele nai matin, aeg ona aeg doum amu ag nug qepeg mauhkunu ib madipig. ³⁰Anam heeg dimpa nug kristen tamaniakpanu laikud ag amu doona, ag Saul omalna, Sisaria nona, meeg Tasmus ukom.

³¹Saul nug oo eduom amu laih Juda oopa, Galelia apa amu Samaria ele, aben amu ohpa kristen tamaniak nug ena dayeye, keked laa ii daye amu kristen tamaniak gagatag ba, Nadinu enanag doon, oolag ele otaie, Kayak Oudi oolagpa udat ena heeche, danab ah kudum ag kristen tamaniak oopa nopig.

PETRUS NUG INIAS TABITA ELE EHANATOM

³²Petrus nug danab ag matatun ab ab gona daapig ele amu ag anadkunu oiyaya, ab okai onig Lida noa, apa danab ah Kayaknu oolagpa genab doopig ele amu anate daapig. ³³Daanna ab amupa Petrus nug danab laa antom, nug onig Inias. Nug bedu oh mauhak ele, nug mad 8 anam abenpa niakib niiom. ³⁴Petrus nug anta amegpa aum. "Inias, Jesus Kristus Nug na bedun ehanidte amunu na ahan nahip niak aben babaite!" awa aum. Awa a aria Inias nug paha ahom. ³⁵Nug ahe, Lidanu danab ah oh amu Saron danab ah ele ag amu anidna, ag oolag edue, Jesusnu oolagpa genab doopig.

³⁶Aria ab laa onig Jopa, apa amu ah laa Jesusnu oopa genab doyaya dayom, nug onig Tabita, Grik naipa amu ag Dokas ateb. Nug hanhan kobol ena haaha, nug danab ah keeke iita ele amu ehanata, keeke madaom. ³⁷Amu Petrus nug Lida dayeye, haen amupa ah amu nug ode awa mauhe, danab ah ag mauhom gada amu le laaidna, lag oo atan laa amupa meeg dayom. ³⁸Lida Jopa ele ou qak daapig amunu danab Jesusnu oolagpa genab doopig ele ag, "Petrus Lida daate," amu doopig amunu ag danab adit, a Petrus amegpa, "Na paha ihinigpa udie! Na apa aib daame!" akulahnu heeg gopid.

³⁹Aria Petrus nug ahe, danab amu ele oh gopig. Nug uka te, ag nug omaleg lag oo atan amupa te amu ah qab apanu ag oh ucin, Petrus talilidna daanna, gaanna, ag lamen diigdiig Dokas ha matom amu ipunidpig. ⁴⁰Ag anam heeg amu Petrus nug he, danab ah oh dimitim ukaeg amu nug dup noa, gateg qaun wa unuqitowa, edua ah gada amu neekita, nug aum. "Tabita na ahe!" awa aum. Awa a, aaku ah ameg opate neeka, nug

Petrus neekit̄ata, aha hedep na dayeye, ⁴¹Petrus epeg ada, hume hibait̄om. Nug edua ahe, Petrus nug danab ah, Kayaknu oolagpa genab doopig, ah qab ele, ag onilagpa e udieg, Tabita awa mātom. ⁴²Petrus nug amu he, nai amu Jopa ab okaipa uke, danab ah oh doopig. Doona amu kudum ag Nađinu oolagpa genab doopig. ⁴³Ag anam heeg, Petrus nug ded kudum Jopa dayom. Nug danab laa, makau gađa bedamanu babait̄aknu doot̄om amu, nug ele daapid, nug onig Saimon.

ENGEL LAA BA, KONILIAS AMEGPA NAI AUM

10 Aria iita adi danab laa Sisaria dayom, onig Konilias. Nug daup 100, onig Itali daup, amu dilag iki. ²Danab amu nug baekudpa ele ag oh Kayaknu enanag doonna, oolag ele otaiom. Amu nug men dodo kudum, Juda danab men dodo iita ele amu, nug ag ehanata madata, haen oh nug Kayak unuqid̄tom. ³Nug anam heeche amu ded laa aam ameg ewampa nug tuleglegpa Kayaknu engel miag atiak nug laug oopa no ant̄om. Engel nug noa, onig diia, “Konilias” aum. ⁴A, Konilias nug engel neekit̄ata, huanak bađađa nug aum. “Danab nađi, amu ađitai,” awa aum. A aria engel nug amegpa aum. “Kayak Nug nahip unuqit̄ak amu dadek ehanit̄ak kobol nahip ele ant̄a, nahipnu dab mete. ⁵Amunu na gemu danab laala hepe, Jopa gona, ag danab laa, nug onig Simon, onig laa Petrus, amu anidna apeg udiad! ⁶Simon Petrus nug Saimon, nug am makau gađa bedamanu babait̄ak danab, nug laugpa daate. Lag amu yu ihipa daate. Ag nug apa anidkulag,” awa aum. ⁷Engel nug Konilias amegpa anam awowa ugeke, aria Konilias nug nuhikud udat hak danab ađit laa amu daup laipu ele onilagpa e dopig. Daup amu nug Kayaknu oopa genab doya, nug Konilias

ehanit̄om. ⁸Aria Konilias nug nai amu oh tutuku diig ihuhua, danab ewam amu amelagpa awowa he, ag gopig.

PETRUS TULEGLEGPA KEEKE ANT̄OM

⁹Amu danab ewam ag ukaegeg, uu do, ibpa niiona, ahan ukaegeg, aam ameg tutuku aokunu heeche Jopa guguitegeg, Petrus nug lag atan unuqid̄kunu teum. ¹⁰Petrus nug enug qak doya, e lakunu dab meum. Dab meeme, lag amupa daapig ag e lanaknu babaitegeg amu Petrus nug tuleglegpa ¹¹hab obate, keeke laa ne ant̄om. Keeke amu lamen okai laa bia, muđi wadele daug wadelepa qakak dayeye, padaeg wanpa neum. ¹²Keeke amu oopa amu dod diigdiig oh daapig, mat idu idu amu ai idu idu ele. ¹³Nug amu ant̄a dayeye am baag laa Petrus amegpa inam aum. “Petrus na ahan, dod imu aqan la!” awa aum. ¹⁴Nug anam aum amge Petrus nug aum. “Nađi, da Juda dilag dopa keeke nau dubutid ele daate amu da ii latem amunu da uumi, ii lapa. Da anuka ele da laa lain ii anidmi!” awa aum. ¹⁵Petrus nug anam awa a, baag amu edua Petrus amegpa inam aum. “Kayak keeke heum amu nau laa iita, enaib daate amunu na keeke amunu, ‘Am nau, ena iita,’ aib ame,” awa aum. ¹⁶Lamen okai amu nug ne, haen ewam bate, Petrus nug ant̄a doyom amuib ante amu aria paha keeke amu edua, hab atan teum.

¹⁷Am Petrus nug Kayak keeke amu ipunite ant̄owa, nug oo ii maite, keeke amu diignu dab mak kudum awom. Nug anam dab mak awewe, aria danab Konilias he uđipig amu ag uđin bena, ag Saimon laugnu od meeg, ipuanateg dona, lag odpa hipaidna daapig. ¹⁸Ag lag odpa daanna, enan inam od mepig. “Danab Simon, nug onig laa Petrus amu, nug ipate daate o iita?” aon apig. ¹⁹Aon od meegeg, amu Petrus nug keeke ant̄om,

amunu dab meeme, Kayak Oudi amegpa aum. “Doye! Danab ewam ag na matidteb²⁰ amunu na ahan nope, ag ele ukeg! Ootpa ug aib doome. Da hei, ag udipig,” awa aum. ²¹Nug anam Petrus amegpa a, Petrus noa, danab amu anaṭa nug aum. “Ag date matidteb? Da iiku. Ag adinu udipig?” awa aum. Nug anam awa oḍ mate, ²²ag nug amegpa apig. “Konilias, nug daup 100 dilag iki daate, nug he ig uḍimut! Nug am danab ena. Nug am danab Kayaknu enanag doyaya, oo ele oṭaite. Juda oh ag nuhignu amu, ‘Nug am danab ena,’ aon ateb. Amu Kayaknu engel laa na, Konilias amegpa nahipnu, na Konilias laugpa gona, na nai laala ape nug dookunu aum amunu nug he, ig uḍimut,” aon apig. ²³Ag Petrus amegpa nai amu ana malaeg, nug omalate, lag oopa noeg, tuḡan amupa nug dab madete, wagde nug ele oh ukaegeg amu Jopan danab, Jesusnu oolagpa genab doopig ele, ag oolagpan laala ele ahaeg, oh gopig.

PETRUS KONILIAS LAUGPA UKOM

²⁴Aria ag gona, tuḡan laipu ibpa niona, ahan gona Sisaria tepig. Konilias nug amelag ma dayeye, nug baekudpa amu nug laikudnab ele, nug ag onilagpa e uḍieg, ag ele qag mena daapig. ²⁵Ag qag men daaegeg, gona tena, Petrus nug Konilias laug oopa no, Konilias nug doa, Petrus baegpa dup noa binag meum. ²⁶Nug anam heum amge Petrus nug Konilias hume ahehe, amegpa aum. “Na ahe! Da ele am danabib,” awa aum. ²⁷Am Petrus nug Konilias ele nai maṭiya, lag oopa noya, danab ah kudum qag mena daaegeg anaṭom. ²⁸Petrus nug kudum daaegeg anaṭa, nug amelagpa aum. “Ig Juda amu ihinig ḍo gagatag laa am Juda danab laa nug iṭa adi laa ele oh ou qak laipu ii daamya, o Juda laa amu nug iṭa adi laa ele gumita ii wama amge Kayak Nug da ipuniḍom,

da danab laanu inam laa ii apa. ‘Da am Juda danab amunu Kayak amegpa da iṭa adi amu da nug edidtem!’ Da anam awe ii apa. ²⁹Amunu ag da gumate uḍikulnu onilpa epig amu da ahilag ewak amu tapai ii neum. Iṭa! Ag da uḍikulnu apig am da iiku uḍimi. Aria ag da onilpa epig amunu diig nakok apeg dookulnu ool daate,” awa aum. ³⁰Awa a aria Konilias aha, nug keeke nuhigpa be anṭom amunu maṭia aum. “Keeke anidmi amu gemu deḍ wadele iiku ukom am inam. Da laulpa dayeye, da aam ameg ewampa haen gemu inam iiku bia aaku da unuqitiṭi, danab laa, nuhig lamen amu amahlaknab ele, nug da noolpa hibaita ³¹nug aum. ‘Konilias, Kayak Nug nahip unuqitak doya amu na dadek danab ehanadtem amu ele anṭom. ³²Amunu na hepe, danab laala Jopa gona, danab Simon, nug onig laa Petrus, apeg uḍiad! Danab amu nug Saimon, makau gaḍa beḍamanu babaitak danab, nug laug amu yu ihipa daate ele amu, nug danab amu ele daatep,’ awa aum. ³³Nug anam a amu da paha hei, danab laala na omaidkulagnu ukaeg, am na ena hena uḍime. Aria ig oh Kayak noobpa inam daatta amu Nadi nuhig nai oh Nug na ape doognignu a doome ele amu, na ape doognignu daatem.” Konilias nug Petrus amegpa anam aum.

³⁴Konilias nug nai maṭia male amu Petrus nug inam awa aum. “Amu genabnab gemu da dooṭem, Kayak Nug danab buḍubnu dab maama, laa oo medaṭa, laa geditaṭa ii hete. ³⁵Iṭa, Kayak Nug danab buḍub ohpanu laa ag nuhignu enanag doonna, oolag ele oṭaite, ag kobol ena heteb ele amu, Kayak Nug ahilagnu amu oo mauhte. ³⁶Kayak Nug Jesus, Nug am wan ohpan dilag okai daate amu, Nug epegpa Israel danab ag maḍodnu Nai Ena madaṭa, Nug nai geha iiku ami ele amu, Nug nai amu ele ag maṭom. ³⁷Ag Juda wanpa keeke laa tu-

maiib beum amu ag dooṭeb. Layatak Johanes nug layataknu nai mehuqe³⁸ dimpa Kayak he, nuhig Oudi Jesus, Nasaret ted, Nug oopa am be gagatag okai ele meṭom amunu Nug Galelia apa dig ma, ab ab oiya, danab ah ehanatom. Kayak Nug ele daaiya, danab oh Satan he, ena ii daapig ele amu, Nug bapalate, ag edun ana daapig,” awa aum. ³⁹Petrus nug anam anana, nug nai amu tudita aum. “Amu Jesus Nug Juda wanpa amu Jerusalem abpa ele, Nug adi heum amu ig toṭol danab ig anidmut. Jerusalem apa amu ag Nug ad emaitakpa atuleg mauhom⁴⁰ amge ded ewampa Kayak he, Nug edua hibaite,⁴¹ danab kudum laa ag Nug anidpig. Danab oh ii anidpig. Iita! Ig laala, ig Nug anidkunignu, Kayak Nug ig tituanikom ele amu, Nug ig gumika udie anidmut. Nug hibaite, dimpa ig Nug ele e, le ele lamut. ⁴²Amu Nug ig nai mehuqkunignu amu ig danab ah amelagpa Nug dimpa mauhak adi, bau dayak adi ele epediadku, nai amu mehuqkunignu do mekom. ⁴³Nuhignuib propet ag inam yaapig. ‘Aun adi ag Jesusnu oolagpa genab dooṭeb ele amu Kayak Nug, Nug onigpa, hipunin ahilag uhuqa madaku.’” Petrus nug anam aum.

⁴⁴Petrus nug nai mehuqeqe, Kayak Oudi Nug danab oh, ag Kayak nai doopig ele, ahilagpa neum. ⁴⁵⁻⁴⁶Am Juda danab, ag Jesusnu oolagpa genab doopig, ag Petrus dim lamidna udipig ele amu, ag Konilias adi ag Kayak Oudi ne awona, ag nailag diigdigpa nai matinna, ag Kayak binag meegeg anadna, ag Kayak Oudi Juda danab matom bianab, Nug iita adi ag ele matom anidna, ag dab mak kudum aopig. ⁴⁷Ag dab mak kudum aoegge, Petrus nug aum. “Amu laa nug danab imu ag layatak aoglagnu gun mekunu elelete? Ag Kayak Oudi ig aomut amubiaib aopig,” awa aum. ⁴⁸Nug anam awowa, danab haen amupa Kayak Oudi aopig amu dilag aum. “Ag

Jesus Kristus onigpa layatak aweg!” awa aum. Nug anam a, ag aona amu ag nug amegpa apig. “Na ig ele ded laala ele daagnig,” aon apig.

PETRUS KEEKE BEUMNU MATIOM

11 Aria toṭol danab laa amu ag lailkad Juda daapig ele ag oh iita adi ag ele Kayak nai aaku aopig amu ag doopig. ²Doyeg, Petrus nug edua Jerusalem uke amu laa ag gada otadaknu wagai meṭeb ele, danab amu ag Petrusnu oolag aeg beum. ³Ag anam henana, ag Petrus aidna apig. “Na gona, danab gadalag ii otadak amu laulagpa tena, ag ele daanna, e laapig,” aon apig.

⁴Ag anam apig amge Petrus nug keeke oh be, nug heum ele amunu mehuqa, amelagpa inam aum. ⁵“Da Jopa ab okai amupa unuqitete dayeye, da tuleglegpa keeke laa anidmi. Hab atannu keeke laa lamen okai bia muṭi wadele daug wadelepa qakak dayeye, padaeg gumida ne anidmi. ⁶Keeke amu ne, da antena, da keeke adi amu tutuku ante dookulnu, lamen amu oopa neeke amu wanpan doṭ, doṭ dakud idu idu, mat diigdiig, ai diigdiig ele anam anadmi. ⁷Anam anititi amu baag laa nug amelpa aum. ‘Petrus na ahan, doṭ imu aqana la!’ awa aum. ⁸Nug anam aum amge da ami. ‘Nadi, da Juda dilag dopa keeke nau dubutid ele daate amu da ii laṭem amunu da uumi, ii lapa. Da anuka ele da nakoknab laa lain ii anidmi,’ awe ami. ⁹Ami amge baag hab atannu nug edua amelpa aum. ‘Kayak Nug keeke oh oolagpanu amu nau laa ii heum amunu na keeke enanu, “Nau,” aon aib ame,’ awa aum. ¹⁰Lamen okai amu nug ne, haen ewam bate da anten doomi, anamib aniti amu keeke amu oh edua hab atan teum. ¹¹Da keeke amu anam aniti, edua teete amu danab ewam ag uṭin lag da daami ele amupa dopig. Danab laa Sisaria daate amu, nug he, da omaidkulagnu udipig. ¹²Ag

udieg amu Kayak Oudi Nug da amelpa aum. 'Na ahape ag ele ukeg! Dab mak kudum aib aome!' awa aum. Aaku da ukaiyi, lailad danab eblaih laipu ele imu, ag Jopa danab, ag da ele oh gota, ig danab amu laugpa temut. ¹³ Laka teut, danab amu nug engel, nug laug oopa noa hibaita dayaya, nai amegpa aum amu nug amunu ig amenigpa matiom. Konilias nug eng elnam amnu ig amenigpa aum. 'Na danab hepe, Jopa gona, ag Simon, nug onig laa Petrus, nug apeg udia, ¹⁴ nug geha na amenpa nai laala mehuqeb doope, Kayak Nug na edua awidku. Nug na amu na baenadpa ag ele oh diiku.' ¹⁵ Nug anam matie aria da ahen, nai dig mein matiyi, Kayak Oudi ahilagpa neum, Nug tatam dig makpa ihinigpa ne, ig aomut amubia aaku. ¹⁶ Am da amu antena amu Jesus nai aum amu, nai amu aaku daulpa doum. Nai amuam inam. 'Layatak Johannes nug lepa danab ah layatom amge geha ag amu Kayak Oudipa layatak aoglag,' awa aum. ¹⁷ Amu anuka tatam ig Nadi Jesus Kristusnu oonigpa genab doomut, Kayak Nug Nuhig Oudi ig mekom, anamib gemu ag ele Kayak Nug ag matom. Kayak hete amunu da nuhig ib oo ii nepa." Petrus anam awa aum. ¹⁸ Petrus nug anam awa a, ag nai amu doona, ag nai ahilag madipig amu uuna, ag Kayak binag mena apig. "Kayak heeche, iita adi danab ele ag oolag edute, bau dayak aoteb," aon apig.

KRISTEN TAMANIAK ANTIOK ABPANU

¹⁹ Amu ag Stephanus qeeg mauhe, amu dimpa ag tamaniak hepeg nauhkunu hepig, diig amunu danab ag oolagpa genab doopig ele amu, ag oolna matatun gopig amu ag Pinisia, Saipras amu Antiok ele batak gona daapig. Daanna, ag danab oh amelagpa Nai Ena amu ag ii mehuqpig. Iita, ag Juda danabib ame-

lagpa Nai Ena amu mehuqpig. ²⁰ Aria ag anam hepig amge ag oolagpanu danab laipu laipu, ag am Saipras amu Sairini danab ele, ag gona, Grik danab Antiok daapig ele amu ag amelagpa Nadi Jesusnu Nai Ena mehuqpig. ²¹ Ag anam heegeg, Nadinu gagatag ag ehanatete, danab ah kudum ag oolag edue, oolagpa genab doon, ag Nadi oolag medapig.

²² Ag Nadinu oolagpa genab doyeg, kristen tamaniak Jerusalemnu ag nai amu doona heeg, Banabas Antiok ukom. ²³ Nug Antiok uka, danab ah ag Kayaknu ehanitak okai hamu megte ele amu, ehanitak amu ag awege, ag oolagpa udat heeche, ag Kayak dim lamidpig anta amu nug oo gamag ahe, dab mak aoglagnu, ag hanhan ag oolag Nadiib metan oiglagnu ib ipuanatom. ²⁴ Banabas nug danab ena, Kayak Oudi nug oopa am bak daye, nuhig oopa genab doyak am ele gagatag amunu nug danab ah ehanatete, danab ah ameg nadi ag Nadinu oolagpa genab doopig.

²⁵ Aria Banabas nug Saul anidkunu Tasus uka ²⁶ anta, nug omale Antiok ukaeh, mad laipu kristen tamaniak apanu ele daanna, a danab ah ameg nadi Kayak nai ipuanadpid. Antiok apa danab ag tatam dig mena, danab ag Jesusnu oolagpa genab doopig ele amu ahilagnu, Kristen apig.

²⁷ Aria haen amupa propet laala ag Jerusalemnu ahan Antiok nopig. ²⁸ Ag noeg, Kayak Oudi Nug propet laa onig Agabas amu ipunite aha, geha enug haen nadi Rom wan ohpa beku amunu nai matiom. Amu dimpa Klodias nug king dayeye, haen amupa enug haen amu beum. ²⁹ Amu be, kristen ag nai laipu anana, ag men dodo ag lailkad Juda ehanadkulagnu mepeg gokunu dab mepig. Kristen oh ag bedulagpa men dodo gane daate amu doona, ag laih udat amunu otipig. ³⁰ Ag men dodo amu qag mena, Banabas Saul ele mataeg, a men

dodo amu aoi goya, tamaniak iki danab epelagpa mepid.

ENGEL PETRUS MANI GUITAKPANU UHUQOM

12 Haen amupa King Herodes Agripa nug kristen tamaniaknu toliak laala ug madakunu adalaom. ² Adalata amu nug Jakobus qep elabpa dug o mauhom. Jakobus Johanes ele a am eamag. ³ Nug kobol am he, Juda danab ag Jesusnu oolagpa genab ii doopig ele amu, ag oolag ena daye anta, nug Petrus ele adom. Kobol amu Pasowa metid hobul haenpa beum. ⁴ Nug ada amu nug Petrus mani guitak oopa meum. Nug amu mani guitak gumak danab ameg wadele, ameg ohpa danab wadele wadele anam daapig, ag guman daaglagnu epelagpa meum. Herodes Agripa nug Pasowa metid hobul uueb, Juda noolagpa Petrus epepia, heeb mauhkunu dab meum.

⁵ Amu Petrus nug mani guitak oopa dayeye, kristen tamaniakpanu danab ah ag nuhignu oolagpa genab gagatag ele Kayak unuqidpig. ⁶ Unuqitegeg, ded Herodes Agripa Petrus danab noolagpa mekunu ii wagkadom, tuqan amupa gumak danab adit laih laih daaeheh, Petrus nug gamagpa niom. Ag sen aditpa nug hipalpig. Nug anam ni-eye, gumak danab adit laa a odpa daaiya, od gumapid. ⁷ Ag anam daeeg, laipun Nadinu engel laa apa hibaita dayeye, amahlak lag amu oopa amahlom. Amahlele, engel nug Petrus qeti laih qe-qala, mad eta aum. "Pahanab ahe!" awa aum. Awa a amu laipun sen Petrus epegpanu amu uhuqya nepid. ⁸ Neeh, engel aum. "Imuanpa matagid takan, baen gada ele maate!" awa aum. Petrus nug anam he amu engel aum. "Ulahnu lamenu amu aon mena, dope godu!" awa aum. ⁹ Awa a amu Petrus anam heum amge nug oo ii maikom. Nug, "Da tulegleg-

tai niitem," awa aum. ¹⁰ Goyaya, gumak danab anuqakpanu amu a aben amu edidya waya, laa amu ele edidya wapid. A danab amu oh edadyaya, udi udi, batakpa od aen elepa, ag matulna ab okaipa noteb ele, amupa wapid. Waeh od gagatag amu nug nuka matule, a dimitim goya, ibpa noyaya, laipun engel nug Petrus uuiita ukom.

¹¹ Aaku Petrus nug adi kobol beum amu doya aum. "Herodes Agripa nug da adaillele, Juda danab ag da ehedheidkulagnu dab mepig amge gemu da genab dootem, Kayak Nug he, engel nuhig udia, da ag epelagpanu awidom." awa aum. ¹² Nug anam anana, kobol beum amunu dab maama, Jon Mak anig Maria, nug laugpa ukom. Apa danab kudum ag qag mena, unuqidnana daapig. ¹³ Daaegeg, Petrus nug dimitim od qeqale, udat ah Roda, nug od matulkunu doa, ¹⁴ Petrus baag doya, oo gamag ahe, od ii matulom. Iita. Nug edua lag oopa qai eta uka, amegpa aum. "Petrus dimitim hibaitom daate!" awa aum. Awa a amu ag qag mena daapig ele ag apig. ¹⁵ "Na kaaka!" aon apig. Amge nug, "Iita! da ham ii bubutem," anana, wagai meum amunu ag apig. "Amu nuhig engel," aon apig. ¹⁶ Anam matiegeg, Petrus nug od qeqalala dayeye, daaeg wana uke, ag od matulna, nug anidna otaipig. ¹⁷ Otaieg, nug epegpaib to etaglagnu awowa, Nadi atem he nug mani guitak oopanu dimitim doum amunu amelagpa matiom. Nug amunu matia mala nug, "Ag Jakobus amu ig lainkad laala ele imunu apeg doyeg!" awa aum. Anam awowa, nug laih ukom.

¹⁸ Aria wakade gumak danab ag ootot okai aqe, aka aka nai huan madipig. Ag apig. "Petrus nug atem heum?" ¹⁹ Amu Herodes Agripa nug Petrus ii daate amu doya, ag matiglagnu a madipig amge nug ii anidpig amunu nug he, gumak danab ag naipa daapig. Daaegeg, nuhig

dab makpa ag elele iita anta amu ag aqapeg mauhkulag^u aum. Imu dimpa Herodes Agripa nug Judanu aha, Sisaria uka apa nakok dayom.

HERODES AGRIPA MAUHOM

²⁰ Aria Herodes Agripa nug Taia Saidon ele dilah danab ah dilag^u oo aeg beum. Anam dayeye, wan amun danab ag e Judanu hanhan daden mepig amunu ag enug aqamanu, danab ah amu ag qag mena gumidna u^uin, ag Herodes ele nai bapaidk^ulag^u hena, ag nuhig niak lag oo gumak iki danab Blastas amegpa Herodes Agripa nug oo aeg bak amu uuk^unu gaeg, nug ehanadk^unu aum. ²¹ Ag anam heeg aria Herodes Agripa nug doya, amu hek^unu ded laa mewowa, nug ded amupa king bala ma, king^unu balalpa dayaya, ag amelagpa nai matiom. ²² Nug nai matie, danab ah ag amu doona inam aon epig. “Nai matiom umu am kayak laa baag. Danab baag iita,” aon apig. ²³ Ag anam aegeg, Herodes Agripa nug nuk^ua binag ma, Kayak binag ii meum amunu Na^udinu engel paha makude, be^udu gauat qe, aaku mauhom.

²⁴ Amge Na^udinu nai amu gagatag aha, ab ku^udum laa ohpa tuala ukom. ²⁵ Na^udinu nai amu anam aha ugeke, Banabas Saul ele a Jerusalem daaiya, udat ahilah maloya, e^udi Antiok gok^ulahnu heya, a Jon Mak aoeh, nug ele oh gopig.

BANABAS SAUL ELE MISIN UDATNU MAATEG GOPID

13 Aria Antiok kristen tamaniakpa propet amu ipunitak danab laala ele apa daapig. Ag onilag am Banabas, Simion, nug onig laa Naisa, Lusias, nug am Sairini ted, Maneyen, nug Herodes Antipas ele budub laipu, amu Saul aaku. ² Ag am Na^udi binag mena, e oh lanaknu kud mena daaegeg, Kayak Oudi Nug ag amelagpa aum. “Da Banabas Saul ele a

udat laa hek^ulahnu otiate onilahpa emi amunu ag diiatpeg, udat amu hek^ulah,” awa aum. ³ Aria ag e oh lanaknu kud mena daanna, ag unuqidnana, epelag qadela^uhpa mena heeg, a ahai gopid.

BANABAS SAUL ELE SAIPRAS GOPID

⁴ Kayak Oudi Nug he, a ahai goya, Selusia noya, Selusia apa a ub laa anidya teya, Saipras nudpa gopid. ⁵ Saipras goya, a Salamis teya, apa Juda dilag nai doyak lag laalapa teya, a Kayak nai mehuqeh^u, Jon Mak nug ele oh daanna, nug ehanatom.

⁶ A nud Saipras apa oii oii, nud amupa aben laih goya, Pepos teya, Pepos apa a Juda danab laa anidpid. Nug am bad nau mak danab, propet ham bup^uak ele, Nug onig Ba-Jesus. ⁷ Nug gabman okai Sesias Polasnu ehanitak danab laa. Aria Sesias Polas nug nuhig dab mak ena ele amunu nug Banabas, Saul ele a udig^ulahnu onilahpa eum. Nug Kayaknu nai dook^unu oo dayom. ⁸ A nai mehuqeh amu bad nau mak danab Ba-Jesus, Grik naipa nug onig am Elimas, nug awa awa aqata, a nai madipid ele, amu tapeb nok^unu heum. Nug gabman okai amu nuhig dab mak heeb edueb, Kayaknu oopa genab ii doomanu heum. ⁹ Heum amu Saul, nug onig laa Paulus, nug Kayak Oudipa gagatag okai ele amunu nug Elimas gagatag neekitata, amegpa aum. ¹⁰ “Na Satan beka. Na kobol ena oh dilag keked. Ham bup^uak kobol oh amu kobol naunab oh ele na bedunpa am baknab. Na Na^udinu ib tutuku oh he nauhte amu na kobol amu iite uumna? ¹¹ Aria da api doye! Gemu Na^udi epeg amu na oiteb, amen gadueb, na ib ii anidna, amunnu amahlak ii anidnana, nakok haen elab anam daakut,” awa aum. Paulus nug anam aawo, pahanab keeke bud bia Elimas ameg haute, ameg gatatu mane, ib ii anta dayaya, oiyaknu elele iita amunu danab laa ehanita, ib ipunidk^unu aum.

¹² Am gabman okai nug keeke amu anta, nug oopa genab doyom. Amu Nadinu nai ipunidpid ele amunu nug dab mak kudum awom.

**BANABAS PAULUS ELE ANTIOK,
PISIDIA WANPANU, GOPID**

¹³ Am Paulus nug danab nug ele oh oipig ele ag Pepos apanu ub aon gona, Pampilianu ab laa Pega apa gopig. Teeg amu Jon Mak nug uuata, edua Jerusalem ukom. ¹⁴ Uke amu a Peganu ahaya goya, ab onig Antiok, Pisidia wanpa dayom ele, amupa teya, Juda dilag Metidpa a Juda dilag nai doyak lag oopa noya daapid. ¹⁵ Juda dilag nai doyak lag amunu iki danab ag do nai yak amu propet dilag yak ele eb qewona, dimpa ag Paulus Banabas ele dilah nai meeg uke od matan apig. “O lainti, nai laa danab ah gagatag aqaglahnu dayeb amu aria mehuqped dooglag,” aon apig.

¹⁶ Aon aeg aria Paulus nug aha, epeg huma, nug aum. “Ag Israel danab amu danab laa ag Kayaknu enanag doon, oolag ele otaita amu, ag doyeg! ¹⁷ Ig Israel budub ele daatem amu ihinig Kayak, Nug ig alankad tituanata he, ag apateg, dimpa Nug nuhig gagatagpa Igiptanu edua diia udiom. ¹⁸ Nug edua diia udi-eye amu atu tadakpa nug ahilag hak nau amu mad 40 Nug mawom. ¹⁹⁻²⁰ Nug diia udia, Kanan wanpa amu danab budub eblaih aditnu Nug aqa lamaowa, wan ahilag awa, Israel mate, ag wan amu mad 450 anam daaegeg, ahilkad gumak danab, ag am epediak danab, ag benan gumaeg, uke uke, propet Samuel haenpa batak. ²¹ Samuel dayeye, nuhig haenpa ag king aoglagnu aeg amu Kayak nug Kis beka Saul awa me, ahilag king mad 40 dayom. Nug am Benyamin budubpan danab. ²² Saul nug dayom amge Kayak Nug nug geditowa, Dawit awa, Israel dilag king daakunu tituanowa amu nug Dawitnu inam aum.

‘Da Jesi beka Dawit anidmi, da nuhignu ool mauhte, nug am geha dahil nai oh dim lamidku,’ awa aum. ²³ Amu Kayak Nug anuka nai matia qaka, Nug heeb, Dawit budubpan danab laa nug udia, ig edua awikak danab daakunu aum. Edua awikak danab amuam Jesus aakuib. Kayak he udiom. ²⁴ Amu Jesus ii nak haenpa Layatak Johannes nug Israel, ag oolag edueb layatak aoglagnu nai mehuqom. ²⁵ Layatak Johannes nug a, udat malakunu miag dayeye, nug Juda danab amelagpa aum. ‘Ag dahilnu, “Nug am Kristus,” dab metebte? Anam iita. Da am Nug iita. Amge laa Nug da dimulpa udiye amu, danab amu nuhig gagatag amu dahil edidte. Nug am danab okainab, da am okai iita. Dahil hak imu nuhig hak amu ele elele iita,’ awa aum.

²⁶ O lailad, ag laala Abraham budubpan danab, amu ag laala iita adi danab ag Kayaknu enanag doon, oolag ele otaita amu, ag doyeg! Kayak Nug Johannes odep a danab ehanadkunu aum am ihinig ohnu aum. ²⁷ Aria danab Jerusalem daateb amu ahilkad iki danab ele, ag am ehanitak danab amu anidna ii doopig, ag propet dilag yak, haen oh Metidpa eb qeteb ele amu, ag amu diig tutuku ii anidna, ag Nug hetodiakpa mena, qeeg mauhom amunu propet ag anuka nuhignu apig amubia hena, ag nai amu elele medapig. ²⁸ Ag nuhig ehed hakpa Nug qepeg mauhkunu laa ii anidpig amge ag Pilatus nug hamu qeeb mauhkunu epig. ²⁹ Ag keeke oh propet ag nuhigpa hekulagnu yaapig amu ag hena malaeg, ag ad emaitakpanu aona, mod laapa boompig. ³⁰ Ag anam hepig amge Kayak he, Nug edua hibaitom. ³¹ Nug edua hibaitowa amu Nug ded laala danab ag Galelianu ahaeg, nug ele Jerusalem gopig ele amu, Nug ahilagpa tula be anidpig. Danab amu ag am gemu Juda oolagpa nai amu mehuqteb,” awa aum.

³² Aria Paulus nug anam aum amu nug nai baula ele tudita aum. "Ig nai ena mehuqtem am inam. Kayak Nug anuka ehanikak danabnu ig alankad amelagpa nai qaka aum ³³ amu Nug he, Jesus edua hibaitom amupa nai amu aaku meu oum. Amuam nai Sam tupa daate bia. Nai amuam inam. 'Na am dahil nid, da gemu na danab beđu aon daakutnu awiten meidtem.' ³⁴ Aria Kayak Nug he, Jesus Nug edua hibaitom, Nug baula ii mauhma amuam Kayak Nug anuka anam hekunu Jesaia amegpa inam a, Israel dilagpa yom. 'Da Dawit amegpa keeke laa hekulu ami, nai amuam dahilnu, bekununab daate, amu da hein madakul.' ³⁵ Nai amunu mehuqak diig am Sam laapa inam daate. 'Na geha nahip danab, opia awak ele amu, Nug uupe ii bedama,' awa yom.

³⁶ Amunu ig dootem nai amuam Dawitnu iita. Adinu? Dawit nug danab ah nug ele daapig, ag oolagpa Kayak ode dim lamitata oiyaya, dimpa nug mauhe, alakud boomadpigpa boomeg, beđu wan meum. ³⁷ Amge danab imu, Kayak Nug me udia, danab beđu awa beum amu, Nug beđu ii bedom. ³⁸ Amunu, o lailad, ag doyeg! Ig Jesusnu udat okai, amupa ig hipuninnu uhuqa metaknu nai ag amelagpa mehuqtem. ³⁹ Do Moses epegpa udiom amu ag ahilag hipuninnu uhuqa metak amupa aoglagnu elele iita. Amge danab imu, Jesus, aun adi ag nuhignu oolagpa genab dooteb, ag nuhigpa hipuninnu uhuqa metak aona, opia awak danab daaglag. ⁴⁰ Ib laa iita amunu ag kobol laa, propet ag amunu anuka apig ele, ag amu hemanana dab meig! Propet ag inam apig. ⁴¹ 'O ag awa awa qetak danab, ag anteg! Da ahilag haenpa udat laa hekul. Da hepi, danab laa nug ag amelagpa udat amunu mehuqeb amu ag oolagpa genab ii doomna amunu ag amelagpa anid-

nana, dab mak kudum aonna, mauhku-lag.'" Paulus nug anam aum.

⁴² Aria Paulus Banabas ele a dimitim ukaeheh amu danab ah ag ii daye daye inam apig. "Dimpa, metid laapa, a eduya nai amu baula mehuqped dootu!" aon apig. ⁴³ Ag anam anana qatina, Juda kudum amu iita adi danab ele, ag Juda dilag metid amu dim lamidpig ele, ag ahan, Paulus Banabas ele dim lamatpig. Amu a danab amu ag Kayaknu ehanitak okai hamu megate ele amu ag amunu oolagpa genab doon oiglagnu apid.

⁴⁴ Anam aoya aeh, Juda dilag Metid laapa amu ab amupan danab ah oh bia ag Kayak nai dooglagnu udin qag mepig. ⁴⁵ Amge Juda okai ag danab ah oh qag meeg anadna, ag oolag aeg be, ahan, Paulus nai matiom amu, laa ag amu doomnanu, nai amu tabapeg nokunu henana, nai idu idu matin, dapidna, aon aon qedapig. ⁴⁶ Ag anam hepig amu Paulus Banabas ele a amunu ii badapid. Iita! A nai gagatag ele matiya amelagpa apid. "Imu genab, i Kayak nai tatam ag amelagpa apud dooglagnunab ib dayom amge ag nai imu dooglagnu uun, miag atiak heeg bete amunu ag imu doyeg! Gemu i ag uuadda, iita adi gumadda gokunih. ⁴⁷ Adinu? Nadi Nug i anam hekunihnu do inam metom. 'Da na iita adi, ag gatatupa daateb, ag ib anidkullagnu amahlak madakutnu otidmi. Na iita adi ehanadpe, ag oolag edueb Kayak danab ah wan atu ohpanu amu edua diadku.' Nadi anam awa aum." ⁴⁸ Am iita adi ag nai amu doona, ag oolag gamag ahehe, ag Kayaknu nai amu humidnana amu danab ah laala, ag Kayaknu bau hanhan dayak aoglagnu daapig ele amu, ag oolagpa genab doopig.

⁴⁹ Aria Nadinu nai amu lail apa amu aben ohpa tuala uke doopig. ⁵⁰ Apanu ag Nadinu nai doopig amge Juda okai ag ahan, ab amupan iki danab amu ah laala onilag ele, ag Juda dilag metid

ele dim lamidpig amu, ag oolag yaaeg, ag ahan, Paulus Banabas ele amu a ab amupa daaeheh, ehed hatna gedatpig. ⁵¹ Ag anam heeg amu a baelahpanu wan gapud amu apan danab laala ag kobol ehed hepig amunu eponak keeke daakunu, a ab amu uuya gokulahnu heyaya, a gapud amu qeqaleh neene, a ahai, Aikoniam gopid. ⁵² Amu kristen ag oolagpa gamag ahak ena doyegeg, Kayak Oudi Nug ag oolagpa am qak dayom.

BANABAS PAULUS ELE AIKONIAM APA UDAT HEPID

14 Paulus Banabas ele a Antiok uuya, ahai Aikoniam goya, udat hanhan hepid amu, apa ele anam hepid. A Juda dilag nai doyak lag oopa noya, nai mehuqpid. A nai diig ena elele mehuqehh, danab ah ameg nadi, Juda Grik ele, ag oolagpa genab doopig. ² Amge Juda laala, ag oolagpa genab doyaknu uupig ele amu, ag ahan, iita adi amu ag oolag yaaeg, ag kristen dilag oolagpa aeg beum. ³ Amunu Paulus Banabas ele a haen elab Aikoniam apa a Nadinu nai mehuqehh, Nadi Nug gagatag mate, a eponak keeke, danab hekunu elele iita kudum diigdiig ele hepid. Anam heehh, amupa Nadi Nug nuhig nai, amuam genab, danab ah ipuanatom. ⁴ Ipuanatom amge danab ah ab amupan ag opatna, ameg adit daan, ameg laa ag Juda dilag nai amu doon, ag ele oolag laipu daapig amge laa ag Paulus Banabas ele nai mehuqpid amunu oolagpa genab doon, ag a ele oolag laipu daapig. ⁵ Anam daeeg, dimpa iita adi laala amu Juda laala amu ahilkad iki danab ele ahan, Paulus Banabas ele ehed hatna, men aon makudatpeg mauhkulahnu dab mepig ⁶ amge a amu dooya, a ahai oolya Likionia ab adit, Listra Debi ele, amu ab adit amu dilah wan taliliatak ele amu, a apa goya

oiya, ⁷ aria apa a Nai Ena danab ah amelagpa mehuqpid.

BANABAS PAULUS ELE LISTRA APA UDAT HEPID

⁸ Am Listra apa danab laa dayeye anidpid. Nug baekud nau amunu ii oiyom, dayakib dayom. Nug anig oopan baekud amu anam ele doa, laa ii oiyom. ⁹ Nug Paulus nai matieye doyege, Paulus nug tutuku danab amu neekiita, nug nuhig oopa genab doyakpa edua ena daakunu elele antom ¹⁰ amunu Paulus nug baag okaipa amegpa inam aum. “Na ahan hibaita!” awa aum. Awa a amu danab amu laipun qa otaiya, aha hibaita oiyom.

¹¹ Paulus nug anam heum amu apan danab anidpig ele, ag Likionia nailagpa inam apig. “Kayak adit aaku danab bia wanpa neya udiya, ihinigpa bepig,” aon apig. ¹² Ag anam anana, Banabasnu amu ahilag kayak ham bupuak onig Sus amu adatona, Paulus, nug am nai matiom amunu nuhignu amu ag ahilag kayak ham bupuak onig Hemis atadpig. ¹³ Amu ahilag kayak ham bupuak Susnu mana metak lag amu ab daugpa heeg dayom. Amu lag amunu mana metak danab nug bulmakau dawai diiata amu bala mudipa giatak ele diiata, ab amunu ad odpa udie, nug danab ah ele ag dod main, Paulus Banabas ele mataglagnu hepig.

¹⁴ Amge total danab adit, Banabas Paulus ele, a ag anam hekulagnu heegeg, a nai amu dooya, ahilah lamen patidya, qaibad danab ah oolagpa goya, eya apid. ¹⁵ “Danab, ag adinu anam heteb? I ele am danab, ag biaib. I Nai Ena amu ag amelagpa mehuqtep amu ag doon, ag keeke nau hamu meu iita amu uuadna, ag Kayak bau daate amu Nug dim lamidkulagnu amelagpa atep. Nug am hab, wan, yu ele, amu keeke oh amupa daateb ele, amu oh Nug hatom. ¹⁶ Haen anuka, Kayak Nug danab ah buhub ohnu ag ib diigdiig gokulagnu

aib ii aum ¹⁷ amge Nug daate, Nug amunu haen amupa ele ag ipuanatata, Nug hab atan dayaya he, gu ahilagpa neum, ahilag e ena beum, ag e elele aopig amu ag gamalag ele ahom,” aoya apid. ¹⁸ Paulus Banabas ele a nai amu amelagpa madipid amunu danab ah amu ag main ii matapig amge Paulus Banabas ele wagainab ii melop am main matalob.

BANABAS PAULUS ELE EDUIA, ANTIOK, SIRIA WANPANU, GOPID

¹⁹ Aria a Listra daaeheh, Juda laala Antioknu Aikoniamnu ele udiadpigi. Ag danab ah amu eedadna, Paulus pepeg mauhkunu oolagpa noeg, ag menpa Paulus makudeg, mauhak bia niieye, ag eedna, ab giginpa gona mepigi. Ag, “Nug mauhom,” anana, anam hepigi. ²⁰ Ag anam hepigi amge laala Jesusnu oolagpa genab doopigi ele, ag udiin, Paulus niieye, talilidna daaegeg, nug edua aha, ab amupa noum. Aria ded amu uue wagde, nug Banabas ele a edui Debi gopid. ²¹ Paulus Banabas ele a ab amupa Nai Ena amu mehuqya, ipuanadya heeh, danab ah kudum ag oolagpa genab doyegeg, dimpa a edui Lистра, Aikoniam, Antiok ele gopid. Antiok amuam Pisidia wanpa dayom. ²² A goya, kristen gagatag aqai, ahilag oopa genab doyak na qemanu, ag gagatag daanna oiglagnu ayaya, inam ele apid. “Tatam ig ug kudum aot oit, ig Kayaknu do madod oopa nota, bau hanhan dayak aognig,” aoya apid. ²³ Anam heyaya amu a kristen tamaniak amu ohpa iki danab laala otidadya maadpid. A e oh lanaknu kud meya daaiya, unuqidyaya, a kristen tamaniak amu oh diiya, Nadi, ag nuhignu oolagpa genab doopigi ele amu, Nug epegpa maadpid. ²⁴ Amu dimpa a goya, Pisidia gamag tikui goya goya, Pampilia tepid. ²⁵ A teya amu Pega abpa Nai Ena mehuqoya, dimpa amu a noya, Atelia gopid.

²⁶ A Atelia noya amu ub laa anidya teeh, ub amu a diiata Antiok ukom. Ab amupa anuka kristen tamaniak danab ag a Kayak epegpa maateg, nuhig oo metak amu ahilagpa dayeyeb, a nuhig udat hekulahnu apigi. A udat amu heyaya, gemu a edui apa udipid. ²⁷ A udiya Antiok beya, a kristen tamaniak qag maataya, a amelagpa Kayak ahilahpa adi heum amunu oh matiya, a inam ele apid. “Kayak Nug he, iita adi ag ele oolagpa genab doopigi,” aoya apid. ²⁸ A kristen tamaniak amelagpa goya udat hepigi amunu awoya, a ded kudum ag ele apa daapigi.

KRISTEN TAMANIAKNU QAG MAK OKAI JERUSALEM BEUM

15 Haen Paulus Banabas ele a Antiok apa kristen tamaniak ele daaegeg amu danab laala ag Juda wanpanu udiina, kristen amelagpa apigi. “Laa nug Jesusnu oopa genab doote amu nug gada ele otadad! Laa ag Mosesnu do amu ii dim lamidna, gadalag ii otadkuglag amu aria geha Kayak Nug ag edua ii diidama,” aon ipuanadna apigi. ² Ag anam aon aeg, Paulus Banabas ele nai amu dooya, amunu ena ii dooya ahaeh, Juda ele huanak aeg ona aeg doum amunu kristen ag Paulus Banabas amu danab laala ele ag ahan, Jerusalem gopeg, total danab amu iki danab ele ag nai amu bapaidkuglagnu otiadpigi. ³ Amu kristen tamaniak ag heeg, ag ahan Pisisia Samaria ele gamalah tikun gonana, ag apan kristen amelagpa, Kayak Nug he, iita adi ag oolag eduum amunu amelagpa apigi. Ag anam heegeg, kristen amu ag oolag gamag huana ahom. ⁴ Ag anam henana gona, Jerusalem teeg, kristen tamaniak danab ah amu total danab am iki danab ele ag ena humateg, Paulus Banabas ele a keeke oh Kayak he hepigi ele, amunu amelagpa madipid. ⁵ A amu matieheh amu do gu-

mak danab-Parasia dilag huupan, ag Jesusnu oolagpa genab doopig ele amu, ag ahan apig. “Kayak anuka gada otadaknu do meum niite amunu iita adi danab ag kristen daaglagnu oolag dayeb amu ag ele gadalkad otadkulagnab. Ele amu ig aput, ag Mosesnu do oh ele dim lamidkulag,” aon apig.

⁶ Aeg amunu total danab amu kristen tamaniak iki danab ele ag nai amu bapaidkulagnu qag mepig. ⁷ Qag mena ag amunu nai kudum matin hena, Petrus nug aha amelagpa aum. “O lailad, ag imu dooteb. Anuka Kayak Nug udat ig mekowa, Nug da iita adi amelagpa Nai Ena amu api, ag doon oolagpa genab dooglagnu, otidom. ⁸ Amu Kayak, Nug danab ah oh oolag diig doote ele amu, Nug iita adi, ahilagnu oo ena dayom amu ig ipunikaka, Nug nuhig Oudi ig mekom bia ag matom. ⁹ Nug ihinigpa kobol laa haaha, ahilagpa kobol laa ii heum. Iita, ag nuhignu oolagpa genab doyeg, ahilag oopa genab doyak amupa he, ag oolag opia awak dayom. ¹⁰ Ig anam anidtem amge ag iita adi ag Juda dilag do oh dim lamidkulagnu ateb, amupa ag keeke ug ele aon, kristen qadelagpa mena heteb. Anuka ig alankad amu ig ele ug amu mawaknu amu elele iita. Ag adinu anam hepeg, Kayak Nug amunu opodi bekunu heteb. ¹¹ Doyeg! Ig Kayak, Nug ehanitak okai, Jesus Kristus Nug hamu megte ele, amupa Nug ig edua awikom amubiaib Nug iita adi ag ele amupa edua diite, oonigpa genab dootem,” awa aum.

¹² Am Petrus nug nai amu anam matie, ag qag mak amupa daapig ele, ag nai laa ii madipig. Ag nai ii matieg amu Paulus Banabas ele a nai matieheh, amuib dab metaegeg, a Kayak Nug a epelahpa eponak keeke, danab hekunu elele iita kudum, diigdiig ele, iita adi oolagpa heum amunu madipid. ¹³ Paulus Banabas ele a nai amu matiya malaeh amu Jakobus nug aum. “O lailad, da

nai imu api ag doyeg! ¹⁴ Simon nug ag amelagpa a, ag aaku doopig. Dig makpa Kayak Nug iita adi dilagpa neum, nug nuhikud danab ah ag oolagpan amu diaotom. ¹⁵ Amuam propet ag Kayak ode aon yaapig amubia. Kayak naipa, nai amunu daate am inam. ¹⁶⁻¹⁷ ‘Nadi Nug aum. Da geha danab budub laa oh ag Nadi matin anidkulagnu, iita adi oh, da ag dahilad tituanadmi amu, ag Nadi matin anidkulagnu, geha dimpa da edue udien, Dawit laug imu na qeeb, da geha edue hume qabakul. Lag imunu keeke oh nauheb, geha da bau edue hein qabakul. ¹⁸ Anuka Kayak Nug nai amu matia aum amu gemu ele Nug anamib ate.’

¹⁹ Anam amu dahil dab mak amu inam, iita adi ag oolag edueb, Kayak doopeg amu ig ag ug ii matamta. ²⁰ Iita. Ig imuib udugpa yaat aput dooglag. ‘Ag dod laa main kayak ham bupuak medapig ele amu, ag ii lamana. Ag gapai kobol ii hemana. Amu danab ag dod mudipa o epelagpa baag adaeg mauhom amu ag tepu amu ii lamana. Aria ag dod tiig amu ele ii lamana.’ Ig amuib aput dooglag. ²¹ Adinu? Ig dootem, anukan udie gemu ele, ab okai ohpa danab ag Mosesnu do nai mehuqna, ag ele Juda dilag nai doyak lag ohpa nai amu eb qeteb,” awa aum.

AD UDUG IITA ADI DILAGPA UKOM

²² Jakobus nug nai amu a amu total danab amu iki danab amu kristen tamaniak oh ele ag nai amu bapaidna, ag danab adit otiatpeg, a Paulus Banabas ele oh Antiok gokulagnu dab mepig. Ag anam dab mewona, ag Judas, onig laa Ba-Sabas amu Silas ele, danab adit amu a tamaniak oopa anuqak daapid ele amu, a otiatona, ²³ ag udug yak ele aoya gokulahnu epelahpa mepig. Udugpa yaapig am inam. “O lankad, ag Antiok, Siria amu Silisia ele daateb, ag am iita adi danab amu ig kristen ta-

maniaknu total danab amu kristen tamaniaknu iki danab ele, ig ag lailkad daatem amu ig pas imu ag eb qena dooglagnu iiku yaatem. O lainkad ig ag humadtem. ²⁴ Amu ig aaku anidmut. Ihinigpan danab laala ag gona, ag nai mehuqegeg, ag apanu ag nai amu doon otaipig. Amu ihinigpanu ag gona, nai matinna, ag ahilag dab mak kabolipig ele amu, ag gona, apa anam hekulagnu amu ig laa ii amut. ²⁵ Ag gona anam heeg, nai amu udie ig doota, ig nai matit, oonig laipu meta, ig lainti adit gokulahnu otiatmut. Amu ig lainti adit laa ele ig ahilahnu oonigpa huanak daate ele, amuam Banabas Paulus ele, a ele aaku gokulagnu amut. ²⁶ A amu ihinig Nadi Jesus Kristus onignu a ug maoya mauhkulahnu amu a ii bada tep. ²⁷ Ig Judas Silas ele aaku heut, a odelahpa nai ig yaamut ele amu, a madipeq amu ag dooglag. ²⁸ Kayak Oudi Nug ig ele daata, ig nai imu matit inam amut. 'Ig do laa aot, ag qadelagpa ii memata. Ig ag imu iikuib dim lamidkulagnu maidmut. ²⁹ Amu ag dod, laa ag main kayak ham bupuak medapig ele amu, ag dod amu ii lamana. Ag dod tiig ele ii lamana. Amu danab ag dod mudipa o epelagpa baag adaeg mauhom amu, ag tepu amu ii lamana. Aria ag gapai kobol ele ii hemana.' Ag keeke amu oh tutuku dab metan, ii hemana am ena. Aakuib. Ag ena daaglagnu oonig daate." Ag anam yaapig.

³⁰ Aria kristen tamaniak ag otiadna, maateg gona, Antiok nona amu ag kristen tamaniak qag maatan, ag udug yak amu madapig. ³¹ Amu kristen tamaniak ag udug yak amu eb qena, ag gagatag aqak nai amunu ena doon, gamalag ahom. ³² Amu Judas Silas ele, a am propet amunu a nai meu ele kristen ipuanadya, gagatag aqapid. ³³ A anam heyaya, nakok haen elab Antiok dae-heh amu kristen ag ahilahnu oolag

ena dayeye, a eduya Jerusalem tamaniakpa gokulahnu heeh, "Enad uked," apig ³⁴ [amge Silas nug Antiok daakunu dab meum.] ³⁵ Aria Paulus Banabas ele a Antiok daaiya, Kayak nai danab ah ipuanateheh, danab kudum laala ele oh udat amu henana, ag Jesusnu Nai Ena amu mehuqna ipuanadpig.

PAULUS BANABAS ELE A OPATPID

³⁶ Dimpa ded laala uke amu Paulus nug Banabas amegpa aum. "I ahad edud goda, ab ohpa anuka i Nadinu Nai Ena amelagpa aud doopig ele amu i laintad amu anadkunih. Amu ag nai amu adan ena daatebtai o iitatai amu anadkunih," awa aum. ³⁷ Paulus nug anam awa a amu Banabas nug Jon Mak ele aweb oh gokulagnu aum. ³⁸ Nug aum amge Paulus nug aum. "Jon Mak nug anuka Pampilia i uuite, nug ele oh udatpa ii gomut amunu i nug aopud ii gomata," awa aum. ³⁹ Paulus anam awa a amu a amunu nai okai matiya hepid amunu a udatpa laipu baula ii oidpid. Iita. Banabas nug Jon Mak awe gokulahnu a, ub laapa teya, Saipras gopid. ⁴⁰ Ukae-heh, Paulus nug Silas tituana awe amu kristen ag apig. "Nadinu ehanitak okai hamu megte amu a ele uked!" aon apig. ⁴¹ Paulus nug Silas otiowa, nug uka, Siria Silisia ele gamagpa oiyaya, kristen tamaniak gagatag aqom.

TIMOTIUS NUG AMU PAULUS SILAS ELE OH GOPIG

16 Nug anam haaha uka, Debi ta amu uka, Lистра teum. Ab amupa kristen danab laipu laa dayom, nug onig Timotius. Nug Juda ah laa beka, mameg amu Grik danab. ² Listranu kristen am Aikoniamnu kristen ele ag hak nuhig amu anidna, "Timotius nug danab ena," aon apig. ³ Amu Paulus nug Timotius anta, oh gokulahnu oo dayom amge Juda ag apa daapig ele amu ag doopig,

Timotius mameg nug am Grik danab amu Grik danab ag gada otadək ii heteb, amunu Juda ag oolag nauhmanu Paulus nug aha, Timotius gada otadom. ⁴Paulus nug anam he amu ag gona, ab abpa oina, totol danab, kristen tamaniak iki danab ele ag tatam Jerusalem qag mena nai apig amu ag kristen amelagpa ag do wadele amu dim lamidkulgagnu apig. ⁵Kristen tamaniak ag nai doyegeg, Jesusnu oopa genab doyak ahilag am okai meeme, ded oh kristen dilag eb qak amu tuditeg okai meum.

PAULUS NUG TULEGLEGPA MAKEDONIA DANAB ANTOM

⁶Aria Paulus Silas amu Timotius ele ag oiyegeg, Kayak Oudi Nug ag Nai Ena amu Asia apa mehuqmananu ib oo neum amu Paulus adit laa ele amu ag ahan wan obatak adit onilah Prisia Galata ele amu gamagpa gonana amu ⁷ag gona, Misia tompa apanu ag ahan Bitinia gokulagnu heeg amu Jesus Oudi Nug apa ele gomananu ib oo neum. ⁸Nug anam he amu ag Misia edidna nona, Troas gopig. ⁹Aria Troas apa tena, tuqanpa Kayak he, Paulus nug tuleglegpa Makedonia danab laa hibaita dayaya, Paulus onigpa ewa, “Na ahan, yu matadna uđin, ig ehanike!” awa onigpa eewo antom. ¹⁰Paulus nug keeke amu anam ante aria wagde, ig ahat paha Makedonia gokunignu ib matimut. Ig amut. “Ig doomut, Kayak Nug ig oninigpa eum, ig gota Nai Ena amu ag amelagpa mehuqput dooglagnu aum,” aot amut.

LIDIA OO EDUE, KRISTEN BEUM

¹¹Ig anam atata amu Troas apanu ub laa aot teut, ub amu tutuku awika, Samatres uke, wagde ded laa apanu ahat, Niapolis gomut. ¹²Amu Niapolis apa ub nug ig meike, ig ahat baenigpa gota, Pili-pai temut. Ab amuam Rom dilag ab okai

laa, Makedonia wanpa anuqak dayom. Ig ded laala ab okai amupa daamut.

¹³Apa daatta amu Juda dilag Metidpa ig, “Unuqitak aben le ihipa daate-tai” atata, ig abnu ad odpa dimitim gota amu ig le ihipa gomut. Ig le amupa gota amu ah laala ag qag mena daaegeg anadta, ig daatta, ag amelagpa nai matimut. ¹⁴Amu ah laa onig Lidia, nug amu Kayak Jehowa doya unuqidtom ele amu, nug nai amu doyom. Nug am ab okai Tiatiranu ah amu nug lamen ed haaha, amupa men dodo aotom. Nadi he, nug oo edue, Paulus Nai Ena mehuqege doya, dookunu nug daug humom. ¹⁵Nug nai doya, oo edue, layatak awe, nug baekudpa ele ag aopig. Lidia layatak awowa, nug ig amenigpa aum. “Ag da Nadinu oolpa genab dootem elele anidteb dayeb amu, aria ag uđin, da laulpa dayeg!” awa aum. Nug anam anana, wagai ma he, ig nug ode dim lamidta, gota nug laugpa daamut.

PAULUS SILAS ELE MANI GUITAKPA DAAPID

¹⁶Ded laa ig unuqitak abenpa ukaut, begbeg ah laa, nug oopa oudi nau ele, nug ibpa uđanig teum. Oudi nau amu nug he, ah amu nug buti adi keeke adi bekunu amu miag atiom. Amunu ah amunu gumak danab ag men dodo kudumnab aodpig. ¹⁷Nug Paulus ig ele dim lamikaka amu nug inam ewa aum. “Danab imu amu, ag am Kayak atannabnu uđat danab! Kayak Nug atem ha, ig edua diikunu ib babaitom ipunigteb,” awa aum. ¹⁸Nug kobol amu ded kudum he uke uke, Paulus nug oopa guitak doya, nug edua oudi nau amegpa aum. “Jesus Kristus onigpa na nug uuidkutnu atem!” awa aum. Anam a amu oudi nau geha aaku ah amu uuita ukom.

¹⁹Aaku ah amunu gumak danab ag ahilag men dodo awaknu diig amu

iita meum anidna, ag Paulus Silas ele ađualatna, diiatna, qag mak abenpa gopig. ²⁰ Ag Rom dilag heťodiak danab noolagpa diiatna wana apig. “Danab ađit imu, a am Juda danab amu, a kobol nau ig apanigpa hetep. ²¹ Heyaya, a kobol nau, ig Rom danab amunu gun dooťem, ig amu aognignu elele iita amu, ig amu dim lamidkuniknu aťep,” aon apig.

²² Ag anam aeeg, ab amunu danab kudum laala ele anam aeeg, epediak danab ag Paulus Silas ele bedulahpanu lamen patidna, ehed matadatkulagnu apig. ²³ Aria ehed matadateg, mani guitakpa maatna, gumak danab nug gumata auta aokunu amegpa apig. ²⁴ Aria mani guitak gumak danab nug nai gagatag amu doyowa, nug maate, mani guitak oopanab, ađ nakok laapa noeh, adpa baelah qakom.

²⁵ Qake anam daaiya, tuqan tugmag Paulus Silas ele Kayak unuqidyaya ahi edapig. Anam heeh, mani guitak danab laa ag doyatpig. ²⁶ Ag anam daaegeg amu mim okai laa laipun na he, mani guitak lag amu oh udalele, od paha matulate, muđi gagatag hipaladpig ele amu oh uhuqatom. ²⁷ Anam heeh, gumak danab nug aha, mani guitak lag od matulak anaťowa, nug mani guitak danab oh oolna gopig anana, nug qep okai awa, nug nugaka dug wa mauhkunu heum ²⁸ amge Paulus nug huana ewa aum. “Na naka aib duut ome! Ig oh am iiku daatem,” awa aum. ²⁹ A amu mani guitak gumak danab nug doya, amahlaknu ewa, lag oopa noa, nug oťaia badada, nug Paulus Silas ele baelahpa na qeum. ³⁰ Na qa, edua aha, nug diiata dimitim wana, od matom. “O danab ađit, da aťem hepi Kayak Nug da edua awidku?” awa aum. ³¹ Anam a amu a apig. “Na Nađi Jesusnu ootpa genab doope, Kayak Nug na edua awidku, na amu na baenadpa ele oh edua diiadku,” aoya

apig. ³² Anam awoya a Kayak nai, nug amu nug baekudpa ele, ag oh amelagpa madipid. ³³ Amunu tuqan geha aaku nug a diiata, ihilah babaite amu nug baekudpa ele oh ag layatak aopig. ³⁴ Aona amu nug diiata, laugpa uka, e matom. Nug, nug baekudpa ele oh ag oo gamag ahak aopig. Ađinu? Ag Kayaknu oolagpa genab doopig.

³⁵ Daaehew wagde butua amu epediak danab ag heeg, daup danab laala uđin mani guitak lag gumak danab amegpa apig. “Na danab ađit amu uuatpe uked!” aon apig. ³⁶ Amu gumak danab nug doya, Paulus amegpa aum. “Epediak danab ag nai meeg uđiom am da a uhuqatpi, a dimitim doya gokulahnu apig amunu a oolah ena dayebew uked!” awa aum.

³⁷ Ag apig amu nug Paulus amegpa a doya, nug aum. “I amu Rom danab, amge ag i heťodiakpa meitna, i ehed hemudtai o iitatai amu ag ii doopig. Iita, ag i danab ah noolagpa hamu adaitna, makuditnana, mani guitakpa hamu meitpig. Ag anam hewona amu ađinu ag gemu lokumakpa henana, i dimitim gokunihnu heteb? Ag anam ii hemana. Iitanab! Ag aka uđin, i omaitpeg dimitim gokunih,” awa aum.

³⁸ Paulus anam awa a aria daup ag nai amu aon eđun gona, epediak danab amelagpa aeg, epediak danab ag Paulus Silas ele a am Rom danab doona, ag badapig. Ag inam dab mepig. “Ig Romnu do tipalmut amunu Paulus Silas ele aped, Rom okai ag ig ehed laa heigkulagtai,” aon apig. ³⁹ Ag anam doona, ag gona, oo mak nai amelahpa anana, omalateg dimitim doeh amu ag a ab amupa ii daamya, a ahai laih gokulahnu od matapig. ⁴⁰ Ag anam aeg amu a mani guitak lakanu doya, a Lidia laugpa goya, a kristen anadya, gagatag aqaknu nai laala amelagpa ayaya amu gopid.

**PAULUS SILAS TESALONIKA
APA UDAT HEPID**

17 Paulus Silas ele a Pilipainu ahai goya, Ampiolis teya, apanu amu goya, Apolonia teya, apa ele ii daapid, a ab amu edidya goya, Tesalonika tepid. Ab amupa amu Juda dilag nai doyak lag laa dayom. ²Amunu Paulus nug hetom amubia ha, nug Juda dilag nai doyak lag oopa noa, Juda dilag Metid ewam amu oh nug anam heehe, nug ag ele Kayaknu yak amunu madipig. ³Nug Kayak nai amu diig mehuqaqa amelagpa aum. “Kristus Nug nuhig udat ha malakunu amu Nug guitak naua mauha, edua hipaidkunu dayom,” awa aum. Nug nai mehuqe doyegeg, nug aum. “Jesus, da nuhignu ag amelagpa atem ele amu, Nug amu Kristus,” awa aum. ⁴Paulus nug Jesus Kristusnu nai mehuqe doona, Juda danab ah laala ag Jesusnu oolagpa genab doon, Paulus Silas ele dim lamatpig. Grik danab kudum, ag Kayak doonna binag medapig ele amu, ag ele Jesusnu oolagpa genab doopig. Amu danab okai waalkad kudum ele ag ele anam hepig.

⁵Ag anam hepig amge Juda okai ag amunu oolag nauhom amunu ag ahan, dadek danab nau, danab amu ag keeke he nauhak danab, ag qag mak abenpa hamu daapig ele amu, ag danab amunu kudumnab diin, qag maadna heeg, ag ahan heeg, ab amupan danab ag ahan mutub qenan heegeg, danab nau ag Jeson laug amu oo metan, Paulus Silas ele adalatna diiatna dimitim gona, danab ah mataglagnu hepig. ⁶Ag anam hepig amge apa ii anatna, ag Jeson amu kristen laala ele eedateg neeg, diin ab amupanu iki danab gumadna gona, ag inam aon epig. “Danab nau amu kobol nau wan ohpa heeg bete ele amu gemu ag uadin, ipa heteb. ⁷Ag udieg, Jeson

nug diiata, laugpa ukom. Ele amu danab amu oh ag Kaisanu do amu tapaeg ne henana, ag inam ateb. ‘King laa daate, nug onig Jesus,’ aon ateb.” Ag anam epig. ⁸Ab amupan danab oh, iki danab ele ag nai amu doona, ag otaina ehed doonna ⁹amu iki danab ag heeg, Jeson nug laala ele ag dimpa genab hetodiakpa edun bekulagnu amu ag daden meeg, heeg gopig.

**PAULUS SILAS ELE BERIA
GOYA NAI MEHUQPID**

¹⁰Anam heeg, kristen ag tuqan amupaib Paulus Silas ele maateg, ab amu uuya Beria gopid. A Beria teya amu Juda dilag nai doyak lag oopa nopid. ¹¹Am Juda danab Beria daapig ele amu, ag dab mak ena ele, ag Juda danab Tesalonika daapig amu edadna, ag oolag gamag ahak ena ele nai aon dab makpa mepig. Ag Paulus nug nai atom amu genabte o iita genab iitate amu dooglagnu ded ohpa Kayak nai eb qepig. ¹²Amu Paulus nai mehuqege, Juda danab ah ab amupan kudum laala ag Jesusnu oolagpa genab doopig. Am Grik danab ah binalag ele kudum ele ag Jesusnu oolagpa genab doopig.

¹³Genab doyegeg, dimpa Juda Tesalonikanu ag Paulus nug Beria apa nai mehuqte amu doonna amu ag ahan, Beria gona, ahilag hak nau amu aon, danab ah apanu amu oolagpa noeg amu doon otaina, ahan heegeg, ¹⁴amu kristen ag paha ahan, Paulus aon meeg noa, yu ihipa gokunu ugeke, Silas Timotius ele a amu Beria daapid. ¹⁵Danab Paulus omaleg gopig ele ag omalna gona, Atens tena, uuidna edun gokulagnu heegeg, Paulus nug Silas Timotius ele dilah nai amu ag aon gona apeg dooglahnu inam aum. “A paha udiya, da anided!” awa aum.

**PAULUS NUG ATENS
UKA NAI MEHUQOM**

¹⁶ Amu Paulus nug Athens apa Silas Timotius ele amelah maama, nug ab amupa kayak ham bupuak dotolag amu kudumnab anata, nug keeke amunu oo huanak nauhom. ¹⁷ Paulus nug oopa anam doyaya, nug Juda dilag nai doyak laka uke, Juda danab amu iita adi danab ag Kayaknu doonna, binag mepig ele amu, ag ele nai madipig. Amu nug ded oh e odiak abenpa uke, danab ah udinna daateb amu, ag ele nai madipig. ¹⁸ Amu nug anam heehe, aria doyak danab ameg adit daapig ag nug ele aeg ona aeg doum. Doyak danab ameg laa amu ag Epikuri-annu nai adapig, laa amu Stoiknu nai adapig. Ag oolagpa laala Paulusnu inam apig. “Danab umu nug adi nai mauhnoak madite?” Aegeg, Paulus nug Jesusnu amu mauha edua hibaitaknu nai ele matiom amunu laa ag apig. “Nug ab laapan dilag Kayak, ig ii dootem ele, amunutai nai mehuqte,” aon apig. ¹⁹ Ag anam matina, Paulus aon, ag qag ma nai matiak lag okai, ag amunu Ariopagas ateb amu, ag apa gona, “Ig na nai bau danab ah ipuanadtem amu doognignu oonig daate,” aon apig. ²⁰ Ag anam anana, ag tudidna apig. “Nai na matie doomut am nai baunab amunu ig nai amu diig doognignu oonig daate,” aon apig. ²¹ Amu Athens danab oh amu danab laihnu udiak Athens daapig ele oh, ag udat laanu amu dab ii mepig. Iita, ag nai baunu matin, diig anidna, nai bau amu dooglagnu amuib henan daapig.

²² Aria ag Paulus aon ukaeg, hetodiak aben onig Ariopagas amupa tena, nug amegpa anam aeg amu nug aha amelagpa matia aum. “Athens danab, da ag anadmi, ag kayak diigdiig binalag maknu amu ag bahilag ii yaate. ²³ Da udien, da tatam ab mate oiyeeye, ag ahilkad kayak diigdiig amu binalag

menan daateb abenlag anadmi. Amu da qadab laa ele nuhigpa ag, ‘Imu nug am kayak laanu, ig nug ii dootem ele,’ anam yaapig dayeye anidmi. Aria Kayak amu ag ii dooteb, ag Nug binag hamu meteb ele amu, gemu da nuhig nai amu mehuqpi, ag dooglag,” awa aum.

²⁴ Paulus nug anam anana, nug tudita aum. “Amu Kayak Nug wan imu hewowa, keeke oh wanpa daateb, laa ig anadtem, laa ig ii anadtem ele amu, Nug heum. Kayak amu Nug habnu, wannu ele Nadi daate amunu Nug metid lag, danab epelagpa heteb, amu oopa, Nug ii daate. ²⁵ Amu Kayak Nug keeke laanu tutu metete amunu ig danab ig Nug ehanidkunig? Iita. Nug nuka eleleib daate. Nug nukai baw dayaknu oudi, baw dayak amu keeke laa oh ele ig danab oh ig megate. ²⁶ Amu danab ah budub oh amu Nug ag alalag laipu heum amu nuhigpanuib ag bena apatpig. Apateg, Nug he, ag gona, wan ohpa daaegeg, Nug nuka haen ahilag mata, apalag ele matom. ²⁷ Amu Kayak Nug danab oh Nug dooglagnu oo daate amunu ag wagai mena bahi qenana, Nug daate tutuku anidkulagnu keeke amu oh heum. Amge Nug ig laib laib ohpa uma ii daate. ²⁸ Adinu? Nuhigpa ig bau ena dayak aotut, Nug ig gagatag megeke, ig oitem. Amu ig nuhigpaib aaku ena daatem. Ahilkad doyak danab laala ag ele amunu inam apig. ‘Ig ele Nug bekod daatem,’ aon apig.

²⁹ Aria ig Kayak bekod daatem amunu ig ihinig dab makpa, ‘Danab ag gol, silwa, men ele aona, ahilag dab makpa ag epelagpa dotog heteb amu Kayak Nug keeke amubia daate,’ ii doomta. ³⁰ Anuka danab ag ii doonna, ag keeke epelagpa hena, binag mepig amunu ahilag amu Kayak Nug dab mak okai ii awom. Amge gemu amu keeke amunu Kayak Nug danab oh wan ohpa daateb amelagpa inam ate. ‘Ag oolag edueb

oinna amu ag baula kayak ham bupuak aib binalag mepig! awa ate. ³¹ Adinu? Nug wanpan danab ah oh epediadkunu amu ded aaku otiom daate. Dimpa geha, epediak amupa amu danab ah oh ag ahilag hak amu kobol adi hepig amupa Nug epediadku. Epediak nuhig amu tutuku eledenab. Amu Nug danab laa epediak amu gumakunu otiom. Danab amu Nug mauhe, Kayak Nug he, Nug edua hibaitom amunu danab oh ag keeke amu genab beku amu ag oolagpa genab dooglagnu elele,” awa aum.

³² Aria nai doopig ele amu, ag danab edua hipaidkunu nai amu ag doon, laala ag ahan awa awa qetak nai matiegeg, laala ag apig. “Dimpa geha ig nahip nai keeke amunu matime amu baula ape doognig,” aon apig. ³³ Ag nai anam anam matieg amu Paulus nug aha, ag uuata ukom. ³⁴ Paulus nug uuata ukom amge danab laala oolagpa genab doona dim lamidpig. Laa amu Daionisias, nug am Ariopagasnu hetodiak danab. Laa amu ah nug onig Damaris amu laala ele.

PAULUS NUG KORINT UKA UDAT HEUM

18 Amu dimpa amu Paulus nug Athens uua aha, Korint ukom. ² Nug uka, Korint ta amu Juda danab laa onig Akwila antom. Nug apag diig amu Pontus. Nakok matu bia, nug wau Prisila ele a ab okai Rom, apanu ahai udipid. Adinu? Rom dilag king Klodias, nug Juda danab ah amelagpa, “Ag Rom ii daamna, ag Rom uun, ab laalapa gona dayeg!” awa aum amunu Akwila Prisila ele a Korint apa daapid. Aria Paulus nug uka, a anate ³ nug a ele udat laipu amunu a nug ele oh daanna, udat amu hepig. Ag dod gadapa sel lag koitak udat hepig. ⁴ Ag udat amu henana, Paulus nug Juda dilag Metid ded ohpa amu Juda dilag nai doyak laka noono, nug ag ele nai matina, nug heeb, Juda amu Grik ele

ahilag dab mak amu edun ag Jesusnu oolagpa genab dooglagnu oolag yom.

⁵ Am Paulus nug anam heeche, dimpa Silas Timotius ele a ahai, Makedonia uuya neeh, Paulus nug udat laa heum amu uua, nug Kayak naiib ded oh mehuqom. Nug Juda danab amelagpa, “Jesus Nug am Kristus,” matia aum. ⁶ Amge Juda ag nai amu tabapeg nokunu wagai men hena, dapidna, aon aon qedapig amunu nug uuata ugaka, nug laman nuhigpa kauko dayom amu qeqale neene, nug amelagpa aum. “Ag padal mekulagtai amu aka bedulagpa, da ehed ii hemi. Amunu gemu da iita adi gumate gokul,” awa aum.

⁷ Paulus nug anam anana, nug Juda dilag nai doyak lag amu uua doa, danab laa onig Tisias Jastas laugpa ukom. Tisias Jastas nug Kayak binag metom ele. Nug laug amu Juda dilag nai doyak lag amu guguitak dayom. ⁸ Paulus nug apa dayeye amu Juda dilag nai doyak lag amunu iki, onig Krispas amu nug baekudpa ele ag am Jesusnu oolagpa genab doopig. Korint kudum laa ele ag Paulus nai mehuqe, ag oolagpa genab doona amu layatak aopig.

⁹⁻¹⁰ Amu ded laa tuqan Kayak he, Paulus nug tuleglegpa Jesus ante, nug amegpa aum. “Da na ele daatep amunu na aib badame! Na dahil nai ape doyeg! Oden aib qamutme. Danab laa nug na ii nitama. Adinu? dahilad danab ah kudum ag ab imupa daateb,” awa aum. ¹¹ Amu Paulus nug Nadi anam a doyowa, nug Korint apa mad laipu kalam eblaih laipu ele dayaya, nug Kayak nai ipuanatom.

¹² Am Paulus nug Korint dayaya, anam heum amge dimpa Galio nug Grik dilag gabman okai dayeye, haen amupa Juda ag oh qag mena, Paulus keked metan, adan aon hetodiak abenpa gopig. ¹³ Ag Paulus aon hetodiak abenpa gona, ag hetodidna inam apig. “Danab imu nug danab ah oh ag do nai daate amu

tabapeg neebēb, ag kobol laapa Kayak binag mekulagnu ipuanadte,” aon apig.

¹⁴ Ag anam aeg, Paulus nug ag nai apig amunu nug nob edua akunu heehe, Galio nug aha, Juda amelagpa aum. “Danab imu nug do laa tipallo o nug kobol nau laa helo amu ag nug heum amu apeg, da nai amu dookulnu ib ele. ¹⁵ Amge ag uḍin, ag nainu, onig laalanu ele amu ag aka ahilag donu ele da od medateb amunu da amu ii hepa, ag aka babaitēg! Da keeke amu epedikulnu, da uumi!” awa aum. ¹⁶ Nug anam anana amu nug ag hetodiak aben amupanu lamaṭom. ¹⁷ Galio nug lamate amu ag ahan hetodiak aben guguitakpa Sostensis, nug am Juda dilag nai doyak lag amunu iki amu, ag nug adan makudpig. Juda ag anam hepig amge Galio nug amunu ii dab meum.

PAULUS NUG EDUA ANTIOK UKOM

¹⁸ Juda danab ag Paulus adan anam hepig amge Paulus nug paha ab laapa ii ukom. Nug ded nakok kudum apa dayowa, dimpa nug Senkiria abpa ukom. Nug Kayak amegpa keeke laanu nai nuhig gagatag qetom amunu nug Juda dilag kobol dim lamiṭa, apa nug he, danab laa nug Paulus iki udug hoiye uke, nug Siria gokunu ubpa teum. Nug Prisila Akwila ele oh gopig. ^{19–21} Aria ag gona Epesus tena, Paulus nug uka, Juda dilag nai doyak laka no, Juda danab ag nug ele nai madipig. Nug ag ele nai matin, ag nug amegpa apig. “Na haen nakok elab ig ele daatu!” aon apig amge nug aum. “Da anam hekulnu elele ii dootem,” awa aum. Paulus nug anam awowa, gokunu haaha, nug ag amelagpa aum. “Kayak Nug ab amu da edue udie anadkul,” awa aum. Nug anam awowa, nug Prisila Akwila ele ab amupa daaglahnu uuate daaeheh, nug ubpa ta, Epesusnu aha ukom.

²² Aria ub amu uka Sisaria eede, Paulus nug ubpanu noa, nug Jerusalem ukom. Uka ta, nug kristen tamaniak humatata amu nug noa, Siria wanpa ab onig Antiok apa ukom. ²³ Amu Paulus nug uka Antiok noa, nug apa haen nakok elab dayowa amu dimpa nug aha, Galata, Pinisia ele dilag wanpa ab laalapa uka oiyaya, kristen gagatag aqom.

APOLOS NUG EPESUS UKA NAI MEHUQOM

²⁴ Paulus nug anam heehe amu Juda danab laa, onig Apolos, nug anig ab laa onig Aleksandria, Igipta wanpa apa menue dayeye uke, Paulus Epesusnu aha oiyeye, Apolos nug uka Epesus dayom. Nug am doyak kudum ele amu nug amu Kayak nai, Juda ag adapig ele amu, nug amu oh doyom. ²⁵ Haen nug Epesus ii ukom amu laa nug Layatak Johanes heumnu a doyeye, Layatak Johanes nug Jesusnu adi aum amu ele doyom. Nug Jesusnu nai doyom ele amu nug amunu danab ah elelenab ipuanatom amge nug Jesusnu nai oh am ii doyom. ²⁶ Aria nug ii badaḍa, nug Juda dilag nai doyak laka noa, nai mehuqom. Amu Prisila Akwila ele a nug anam anidya, nug aoya, Kayak Nug ib ihinig babaitom amu a keeke amu ohnu ipunidpid.

²⁷ A ipunitēh amu dimpa Apolos nug Griknu wan obatak laa onig Akaia apa gokunu he, Epesusnu kristen oh ag nug nai doyom amu awa uka tudidkunu dab mak nuhig amu gagatag qedapig. Aria Grik danab kristen mepig, amu dilag, ag udug yak laa ukeb ag aoglagnu yaapig. Yaaeg, Apolos uka Akaia te amu danab ah Kayaknu ehanitak okai hamu megte amu aona, ag oolagpa genab doopig ele amu, Apolos nug ag gagatag aqom. ²⁸ Nug Juda danab ele danab ah noolagpa nai matinna, nug Kayak naipanu, Jesus am Kristus, ipuanatata matiya

heehe, nuhig nai am Juda dilag nai huana edi¹tom.

PAULUS EPESUS UKA UDAT HEUM

19 Apolos nug Korint apa dayeye, haen amupa Paulus nug uka, atu heqo laih qauko elepa oiya oiya, nug Epesus ta, apa nug kristen laala daaegeg anata, ²Nug od matom. “Ag oolagpa genab doyona amu ag Kayak Oudi aopigte?” awa aum. Awa a ag apig. “Ti¹ta! Ig Kayak Oudi daate, nai amu laa nug a ii doomut,” aon apig. ³Aon aeg aria Paulus nug od mata aum. “Aaku amunu ag layatak adi aopig?” od matom. Od mate amu ag apig, “Ig am Johanes nai matiom, nai amu dim lamidta layatak aomut,” aon apig. ⁴Anam aeg amu Paulus nug aum. “Anuka Johanes nug danab ah layata, nug inam amelagpa aum. ‘Kayak Nug ahilag hipunin uhuqa madakunu amu ag oolag edueb, ag layatak aweg!’ awa aum. Nug ele, ‘Danab nug da dimulpa udi¹te, ag nuhignu oolagpa genab doyeg!’ awa aum. Danab amu nug Jesus,” awa aum. ⁵Paulus anam a, ag nai amu doona amu ag Nadi Jesus onigpa layatak aopig. ⁶Paulus nug epeg qadelagpa me, Kayak Oudi ne aona, ag ab ab nailagpa nai matinna, ag Kayak nai ele mehuqpig. ⁷Danab layatak aopig ag oh amu 12 keeke anam.

⁸Aria Paulus nug Juda dilag nai doyak lag oopa noa, nug Kayaknu do madodnu nai gagatag mehuqom. ⁹Nug kalam ewam anam mehuqege, laala ag nai amu ii adaglagnu gagatagnab daapig amu ag oolagpa genab ii doopig. Ag danab ah kudum amelagpa Nadinu ib amu dapidna, nai nau madipig. Anam heeg, Paulus nug ag uuata, kristenib diia uka, ded oh Tiranasnusul lag oopa noa, nai mehuqtom. ¹⁰Mad adit Paulus nug anam heehe, danab ah Asia daapig, Juda amu Grik ele, ag oh Nadinu nai

doopig. ¹¹Kayak Nug Paulus epegpa kobol danab hekunu elele iita okainab heum. ¹²Danab ag takaknu lamenu amu lamenu qati laala ele akan u¹din, Paulus bedupa mena aon, dimpa ag amu aon ode danab gumadna gona, bedulagpa maateg, danab ode ele ena daapig. Oudi nau ele amu uuadna gopig.

¹³Am Juda laala ag oinna, oudi nau lamadpig ele amu, ag Nadi Jesus onigpa apeg heeb, oudi nau danab ah uuadna gokulagnu aon anana, ag inam apig. “Ig Jesus onigpa, Paulus nug nai nuhig mehuqte ele amu ig, ‘Ag danab imu uuidna ukeg!’ ag amelagpa a¹tem,” aon apig. ¹⁴Aria Juda dilag mana metak danab okai laa Skiwa, nug am nid danab eblaih adit ele amu, nug bekod ag kobol amu hedapig. ¹⁵Ag anam henana, ag Jesus onigpa oudi nau laa amegpa anam apig amge oudi nau amu edua amelagpa inam aum. “Jesus amu da doo¹tem, Paulus ele amu da doo¹tem amge ag am aum?” awa aum. ¹⁶Oudi nau amu anam awa od mate amu danab oudi nau nug bedupa dayom ele amu, nug aha oola qadelagpa ta, ehed makudata, bedulag he nauha auta awe, ahilag lamenu ele patide ne, ag lag amupanu bedulag miag ele dayeye, tiilag neene, ahan oolna gopig.

¹⁷Ag anam heeg, dimpa Juda danab amu Grik danab ele Epesus daapig amu ag nai amu doon, ag oh badan, ag Nadi Jesus binag mepig. ¹⁸Anam heegeg amu danab ah kudum ag oolagpa genab doopig ele amu ag adi keeke nau anuka hepig amu oh ag miag mena anam madipig. ¹⁹Amu ag oolagpanu danab kudum ag anuka onig awak, bad maknu buk ele aon adan, udat amu hepig ele amu, ag buk amu akan qag mena, danab ah oh noolagpa manateg ewom. Ag buk amunu ahilag nob men dodo amu oh eb qepig amu 50,000 men dodo silwa. ²⁰Anam heegeg, Nadinu nai tuala ugeke,

kuḍumnab doona, kuḍum ag Jesusnu oolagpa genab doopig.

²¹ Amu dimpa amu Kayak Oudi Nug Paulus dab mak meṭe, Paulus nug aha, Makedonia Akaia ele dilagpa uka oiyowa amu dimpa nug Jerusalem gokunu dab meum. Dab ma amu nug aum. “Da Jerusalem apa ukoya, dimpa amu da ukən ab okai onig Rom ele anidkul,” awa aum. ²² Nug anam awowa amu danab adit nug ehanidpid ele amu maate, Makedonia gopid. A am Timotius Erastas ele. Paulus nuka Asia wanpa, apa nakok dayom.

EPESUS DANAB AHAN MUTUB QEPIG

²³ Paulus nug apa dayeye, haen amupa danab laala ag Naḍinu ib amu keked meṭan, ahan mutub naḍi qenana hepig. ²⁴ Kobol amu inam beum. Danab laa onig Demitrias nug am keeke silwapa haknu doyak ele. Aria danab laala ag ele udat amu doopig amu ag nug waapa daanna udat amu henana, ag kayak ham bupuak onig Atmas, nuhig meṭid lag doṭog naunau henana, men doḍo okai aodpig. ²⁵ Nug danab amu qag maṭowa amu danab laala ag silwapa, keeke diig laala haknu doyak ele amu, ag ele he udieg, nug amelagpa aum. “O danab, ag dooṭeb, udat imupa men doḍo ihinig ena beṭe. ²⁶ Amu danab laa onig Paulus nug uḍia, danab ah ameg naḍi eedata ham bupuewe, ahilag dab mak am kaboliak daate. Ag amu ele anidna dooṭeb. Anteg, nug Epesusib anam ii heum. Iiṭa! Nug Asia wan imu ohpa bia oiyaya, nug anam heṭe. Nug inam ate. ‘Nigul, ig epenigpa hetem imu am, Kayak iita!’ Nug hanhan anam ate. ²⁷ Paulus nai ate, amuam ihinig men doḍo aognignu udat imu onig aaku heeb nauhkutai. Amuub iita, nug nai ate amuam geha danab ah ag genab doopeg amu kayak ah onig Atmas amu nuhig mana meṭak lag amunu geha danab ah ag, ‘Umu am keeke genab

iita, keeke ham bupuak,’ aon akulagtai. Gemu Asia oopanu oh amu danab ah wan ohpanu ele ag kayak ah onig Atmas binag meṭeb amge Paulusnu nai heeb, Atmas onig naḍi aaku iita mekutai,” awa aum.

²⁸ Demitrias nug anam awa a, ag nai amu doona, ag opodilag huana be, ag huanak qalan ena apig. “Atmas, nug amu ig Epesus ihinig kayak, nug am naḍi, anuqak,” aon epig. ²⁹ Ag anam aon eeg amu ewak baag naḍinab ab amupa ahehe, danab ah oh ag mutub qenana, ag ahan oh qaibaḍ qag mak abenpa gonana, ag Gaias Aristakus ele aḍualatna eedatna ag ele oh gopig. A amu Makedonia danab adit, a Paulus ele oh oipig. ³⁰ Aria ag gona amupa daaegeg, Paulus nug noa danab ah noolagpa nai madiḱunu heum amge nug guiṭak aomanu kristen ag nug hagaka aopig. ³¹ Asia gabman laala, ag Paulus ele layam batapig amu, ag nai meeg uke, ag Paulus nug qag mak abenpa ii gomanu ii daye daye apig.

³² Danab ah ameg naḍi amu ag ahilag dab mak kaboliom, ag kuḍum ag aḍinu qag makpa uḍipig amu ag ootot aqom amunu danab laala ag nai idu laa anan eegeg, laala ag nai idu laa anan epig. ³³ Ag anam heegeg, Juda daapig ele amu ag ab amupan danab ag ahilagpa nai yaaglagnu baḍan, ag ahan, Aleksanda duṭuneg noolagpa no amu danab laa apa daapig ele, ag nug nai madiḱunu heeg, Aleksanda nug epeg huma, danab ah amelagpa nai ab dooglagnu dig ma akunu heum. ³⁴ Amge mutub qenan daapig ele, ag nug anidna doopig, nug am Juda amunu ag oh odelag ooḥo, ag huanak epig. “Atmas, nug am ig Epesus ihinig kayak, nug am naḍi, anuqak!” Ag anamib aam ameg adit anam anana epig.

³⁵ Anam heegeg, dimpa Epesus abnu do meṭak danab amu nug he, danab ah ag to eṭeg, nug amelagpa aum. “Epesus danab! Wan ohpan danab oolagpanu

amu aun laa nug Epesus, ab imupan danab, ig nadi Atmas, nug nigul hab atannu igupa na qeum amu, ig nuhig mana metak lag ele gumatem ii doote? ³⁶ Amu danab laa nai amu tapeb nokunu elele iita amunu ag uun to eteg! Ag aib ahan pahanab keeke laa hepig. ³⁷ Danab adit imu ag a diiatna udipig amge a Atmasnu mana metak lakanu keeke yab laa ii aopid. A ihinig kayak ah ele dapidya, aoi aoi ii qedapid. ³⁸ Amu Demitrias nug nuhikud udat danab ele ag danab laa nug ahilagnu ehed laa heum dayeb amu ag danab amu hetodiakpa mekulagnu ib daate. Gabman okai daateb. Ag geha hetodiakpa nai amu bapaidkuglag. ³⁹ Amu ag oolagpa nai laala dayeb amu aria ag qag mak haenpa ag qag mena, nai amu bapaidkuglag. ⁴⁰ Ag gemu hepig imu am ehed laa ana bekutai. Adinu? Gemu ag aaku mutub qenan hepig amu gabman okai amunu nai hekulag bia, amuam aditai keeke laa ehed dayom amunu hepig laa iita. Aria am laa ag ig qag mak nau imunu od megapeg amu geha ig nai laa akunignu elele iita.” ⁴¹ Aria abnu do metak danab nug amelagpa anam awowa he, danab ah amu qatiadna gopig.

PAULUS NUG MAKEDONIA OIYAYA UKA GRIK TEUM

20 Oqotilag ahom amu iita me amu Paulus nug kristen onilagpa e, gumidna udieg, nug nai laala gagatag aqakunu amelagpa awowa, uuata gokunu humitak nai madata amu nug aha Makedonia ukom. ² Nug ugaka, kristen laih apanu amu amelagpa nug nai kudum ag gagatag aqeb daaglagnu matiom. Dimpa amu nug uka, Grik wanpa teum. ³ Grik wanpa ta, apa nug kalam ewam dayowa amu dimpa nug aha, ub awa Siria gokunu haaha, Juda ag nug qeppeg mauhkunu nai qagapig doyom amunu nug edua Makedonia gokunu dab

mak awom. ⁴ Dab mak awom amunu Beria danab Sopata, nug am Pirias beka, amu Tesalonika danab adit Aristakus, Sekandas ele amu Debi danab Gaias amu Timotius amu Asia danab adit, Tikikas Tropimus ele, ag oh Paulus ele gopig. ⁵ Danab amu Paulus ele gona, Troas tena, ig amenig mepig. ⁶ Ig amu Juda hobul laa, amuam Bret Yis iita Latebnu Hobul, hobul amunu metid amu uka male amu dimpa ig ahat, Pilipai apa ubpa teta, ig ukautut, ded tanig ele uue, ig Troas teut, laa anuqna gopig, ag ele qag memut. Ig ded eblaih adit ele apa daamut.

⁷ Amu Sarere tueb, Juda kobolpa metid haen amupa dig meum amunu amupa ig kristen danab ele e laipu aognignu qag memut. Am Paulus nug wakadeb gokunu dayom amunu nug nai elab danab amelagpa matieye uka, tu meum. ⁸ Amu lam kudum lag oo atan, ig qag meta daamut ele, amupa eopig. ⁹ Amu nid bau laa, nug onig Yutikas, nug am ulah ipu atan ta dayom. Amu Paulus nug nai elab matieye, Yutikas nug ameg na auta awe, nug niia gad ma, lag oo atan ewampanu na qa uka, wanpa qa mauhe, ag nona aon doeg, ¹⁰ Paulus nug noa, nid bau amu guguita ona, gomela nid odakia, nug aum. “Ag aib badapig, nid imu bau daate,” awa aum. ¹¹ Aria Paulus nug edua atan ta, bret awa pane lawona, dimpa amu nug ag ele nai matiegeg wagdom. Wagde amu Paulus nug ukom. ¹² Ugeke, ag nid bau amu nug bau ena dayeye, ag aon laka ukaegeg, ag oolag edua enanag dayom. ¹³ Paulus nug baegpa Asos gokunu dab maama heum amunu, nug babaitom bia ig ubpa apa gokunignu ahat, anuqta oolta ub atan teta gota, Asos teta, Paulus apa anidta aoput, oh ubpa gokunignu gomut. ¹⁴ Paulus nug Asos uka, ig apa anike, ig nug aot ubpa teta amu ig Mitalini gomut. ¹⁵ Ub amu ig

aiġa uġe, Mitilini teta niimut. Wagde ig ahat gota, Kaios guġuidtata niit, wagde amu ig ahat gota, Semos temut. Niiut wagde amu ig edut ahat gota, Mailitas temut. ¹⁶ Paulus nug Pentikosnu ded ii nak haenpa Jerusalem tekunu dab mak awom amunu Asia wanpa haen amu edidmanu ig Epesus qe edidkunignu aum.

PAULUS HUMATAK NAI EPESUS IĶI MAĶOM

¹⁷ Amge ig Mailitas teta amu Paulus nug Epesus kristen tamaniak iġi danab ag nug gumidna udiglagnu onilagpa eum. ¹⁸ Onilagpa e, ag uġin nug gumidna beeg, nug amelagpa aum. "Ag da ag oolagpa dig mein udat hei uke uke, da ag uuadmi batak, haen gamag amu ag da kobol adi hemi amu ag aaku dooteb. ¹⁹ Ag dooteb, haen kudum Juda ag da tapidpeg nokulnu hepig, amupa amu da ug kudum aomi amge da onil qei, honap noono amu da Nadinu udat hemi. ²⁰ Amu da nai oh ig ehanigkunu mehuqkulnu dayom amu da madikulnu bodo ii etami. Iita, da qag mak abenpa, ag laulkadpa ele ipuanadmi. Amu ag amu ele dooteb. ²¹ Da anam heinne amu Juda danab amu Grik danab ele ag Kayak nai doonna, oolag edueb, Nadi Jesusnu oopa genab doyak aoglagnu nai mehuqmi.

²² Aria doyeg, gemu da dahil dab mak gagatag da dutunida he, da iiku Jerusalem gotem. Apa adi keeke geha dahilpa beku amu da ii dootem. ²³ Amge imuib amu da dootem, da ab ab ohpa oitem amu Kayak Oudi Nug da tutuku ipunida, amelpa inam ate. 'Geha ag na mani guitakpa meidpeg, na ug kudum aokut,' awa ate. ²⁴ Amge da amunu ii dab metem. Da beġul bau daakunu amu da dab mak amu gagatag ii adatem. Iita! Da ib gomi ele amupa oiyeye, da Kayak Nug ehanitak okai hamu megaka, edua

awikunu Nai Ena, nai amu mehuqpi danab oh dooglag amunu dab metem.

²⁵ Ag doyeg! Anuka da ag oolagpa oiyeye, da Kayaknu do madodnu nai amelagpa mehuqmi, am gemu da dootem, geha dimpa ag oh da idul baula ii anidmana. ²⁶ Amunu gemu da ag amelagpa iiku maditem. Am ag oolagpanu laipu laa nug padal meku amuam dahil ab iita. ²⁷ Adinu? Da Kayaknu dab mak oh ag amelagpa mehuqkulnu dayom amu da ii bodo etami. Iita. Da matimi. ²⁸ Amunu ag aka ahilagnu amu Kayaknu danab ah, Kayak Oudi Nug ag gumak danab ahilag daaglagnu otiaom ele amu, ag amu dilag ele oh dab menan dayeg! Ag kristen tamaniak, Kayak Nug nuka Nug tiigpa nuhig tamaniak amu daden meum ele amu, ag nuhig tamaniak amu tutuku gumateg! ²⁹ Amu da genab tutuku dootem, da ag uuaaten gopi, dimpa ham bupuak ipunitak danab, ag qai nau bia, geha ag oolagpa bona, hepeg nauhkulagnu hekulag. ³⁰ Am ag aka ahilkad danab laala ag ahan, ag laa bupualadnana, kristen eedadpeg, ahan dim lamadkulag. ³¹ Amunu ag mad ewam, tuqan amun ele da ag laib laib ahilag dab mak mad edakulnu amu ii bodo etami, da amel leb neene, ag ipuanatena, ai doopig, ag amunu dab mena, dimitimnu danab nau ag hepeg, ag padal memananu ag dab menan dayeg!

³² Am gemu da ag Nadi epegpa maate, nuhig ehanitak okai hamu megte, nai amu waapa ele aaku maadtem. Nai amu nug gagatag amu ulum ele madaġunu elele. Ag ulum amu aona, ag keeke Kayak Nug opia awak danab madaġunu aum amu ag aoglag. ³³ Amu da danab laanu silwa, gol, lamen keeke, da amunu amel ii qeum. ³⁴ Ag aaku dooteb, da epelpa udat hein, da keeke adinu tutu memi amu awewe, danab da ele udat hemut amu, da ag ele ehanadmi. ³⁵ Da Jesusnu nai laa dab meinne, da ehanitak

kobol amupa amu da ag danab ah, keeke iita, hamu daateb, ig ag ehanadkunnignu daatem amu, da kobol amupa ag amu dilag ehanadkulagnu ib ipuanadkulnu aaku udat amu hemi. Jesusnu nai amuam inam. ‘Danab nug danab laa keeke madakunu gamag ahate, gamag ahak amuam danab nug keeke awa, gamag ahate, gamag ahak amu edidte.’”
³⁶Paulus nai amu matia malowa, nug gateg qaun o, Epesus kristen tamaniak iki danab ele unuqidpig. ³⁷Unuqitona amu iki danab ag oh huana gaanna, ag Paulus adan ootuidpig. ³⁸Ag Paulus nug, “Ag baula da idul ii anidmana,” aum, nai amunu ag ug nadi doopig. Ug doonna, ag Paulus omalna gona, ubpa uuidpig.

PAULUS NUG JERUSALEM GOKUNU UBPA OIYOM

21 Ig uuadta gota, ub atan teut, ub ahe, ig ahat tutuku Kos gomut. Wagde ded laapa amu ig gota, Ros teta, edidta gota, Patara temut. ²Patara apa ub laa wan onig Pinisia gokunu heehe anidta, ig oolta ub amupa teut, aha awika ukom. ³Aria gotata ig nud Saipras anidrata, nanehpa edidta gota, Siria nota amu Taia eedmut. Ubpan keeke apa hipaglagnu dayom. ⁴Anam dayeye amu ig gota, kristen danab anadta, apa ig ded eblaih adit ele daamut. Amu Kayak Oudi Nug kristen amu dilag dab mak mad ete, ag Paulus amegpa, nug Jerusalem ii gomanu apig. ⁵Aeg, ig ab amupanu ahat gokunignu haen miag do amu kristen danab ag, amu ag waalkad, bekalkad, adelkad ele ag qag mena, omaikeg ab dimitim dota, yu ihipa gatenig qaun ota, unuqidmut. Unuqitota, ag ig gokunignu humikegeg amu ig ag ena daaglagnu humad tata, ⁶ig ub atan teta ukautut amu ag edun laka gopig.

PROPET AGABAS PAULUSNU NAI AUM

⁷Ig ub atan teta, Taia uuta, ig gota Tolemes teta, ig kristen humatut amu ig ded laipu ag ele daamut. ⁸Ded amu uue wagde, ded amupa ig Tolemes uuta gota, Sisaria teta amu ig gota, totol danab Pilip laugpa nug ele daamut. Nug am dig makpa danab eblaih adit ele laa ag totol danab ehanadpig ele, nug am amunu oolagpan laa. ⁹Nug am adekud wadele, ag danab ii aopig. Adekud ag ele Kayak nai mehuqtapig.

¹⁰Amu ig ded laala ele Sisaria daautut, propet laa, nug onig Agabas, nug Juda uua Sisaria neum. ¹¹Nug ig gumika udia, nug Paulusnu matagid awa, nug nuka nug baeg epeg ele amupa qakowa, nug aum. “Kayak Oudi Nug inam awa ate. ‘Juda Jerusalemnu, ag geha matagid imu mameg amu inam hipalna, aon gona, iita adi mataglag,’” awa aum.

¹²Nug anam ha, nai amu a doota amu ig danab ab amupanu ele ig Paulus nug Jerusalem ii temanu ii daye daye amut. ¹³Ig anam amut amge Paulus nug aum. “Ag adinu amunu gaanna, ag dahil dab mak heeg nauhte? Da mani guitakpa daakulnu am elele dootem amge amu aakuib iita. Da Jerusalem apa, Nadi Jesus Nug onig atan ta daakunu mauhkulnu ele elele dootem,” awa aum. ¹⁴Nug anam awa a, ig nuhig dab mak edugnignu elele iita anidmut amunu ig nai amu baula ii matita inam amut. “Nadi nuhig dab mak aakuib nug bad!” aot amut.

¹⁵⁻¹⁶Amu ded laala uke dimpa Sisarianu kristen laala ag ig ele oh gota, Jerusalem teta, ag omaikeg, ig Nason laugpa gomut. Nug am Saipras danab, kristen anukanu. Ig nug laugpa daagnignu oo dayom.

PAULUS JERUSALEM TEUM

¹⁷ Ig Jerusalem teut amu kristen ag ig awigk_ulag_u gamalag ahom. ¹⁸ Gamalag ahe, ded_u amu dimpa Paulus nug ig ele oh Jakobus anidk_unignu uk_uaut, kristen tamaniak iki danab oh ag Jakobus ele daaegeg ¹⁹ amu Paulus nug ag humatowa, nug keeke oh Kayak Nug iita adi oolagpa udat nuhigpa heum amunu oh amelagpa matiom.

²⁰ Paulus nug kaya amu matie doona, ag Kayak binag mewona, nug amegpa apig. “O lainig, na dootem, Juda tausen kudumnab ag kristen bepig amge kristen amu oh ag do ihinig ele dim lamidk_ulag_u wagai huana meteb. ²¹ Ag anam wagai meegeg amu danab laala ag ahan, danab amu amelagpa nahipnu inam apig. ‘Paulus nug oiyaya, Juda laih laih, iita adi oolagpa daateb ele amu, nug ag Mosesnu do di metanna, ag ahilkad nid gadalag ii otadnana, do anukanu ele amu ii dim lamidmananu ate,’ aon apig. ²² Aria na ipa udime daatem amu Juda, kristen bepig daateb, ag amu dooglag amunu nai nahipnu apig amu Juda kristen ag amuam genab iita dooglag_u ig na inam hekutnu oonig daate. ²³ Ig danab wadele ag keeke laa hek_ulag_u Kayak amegpa nai gagatag qetan daateb amunu ²⁴ na danab amu diin, mana metak laka gona, na Juda dilag do laa, do amuam danab nug opia awak daak_unu ipunigte amu, na anam bia daak_unu na kobol amu oh hepe, ag ele hepeg, na ag ele oh opia awak daaglag. Udat amunu nob amu na mana metak danab madape, ag ikilag udug hoiglag. Na anam hepe amu danab oh ag dooglag, ag nahipnu apig, nai amuam genab iita. Ag dooglag, na ele do dim lamidtem. ²⁵ Amu iita adi ag kristen bepig daateb ele amu, ag kobol adi ii hemananu amu ig anuka nai amu udugpa

yaata, meut uke, ag amunu dab mekulag_uno doopig. Iita adi ag dod_u laa, danab ag dod_u amu main kayak ham bupuak medapig ele amu, ag dod_u amu tepu amu dod_u tiig ele amu dod_u danab ag mudipa o epelagpa baag daaeg mauhom, amu ele ii lamananu, ag gapai kobol ele ii hemananu yaamut.” Ag Paulus amegpa anam apig.

JUDA AG MANA METAK LAG OOPA PAULUS ADAPIG

²⁶ Aaku Paulus nug danab wadele amu diie, ded_u amu dimpa ag gona, nug kobol oh nug ag ele opia awak daaglag_uno heum. Nug amu hewowa, nug mana metak lag oopa noa, mana metak danab amelagpa ded_u atenpa ag aaku opia awak daapeg ukeb malaglag_uno amu ag anen anen ahilag mana metaknu dod_u aon dok_ulag_uno ele aum.

²⁷ Nug anam he, dimpa ded_u eblaih adit amu malak_unu heehe, Juda Asianu ag Paulus mana metak lag oopa anidna, ag ahan heeg, danab ah oh ag oolag nauhe, ag ahaeg, Asia danab ag Paulus adan huana inam epig. ²⁸ “Israel danab, ag ig ehanikeg! Danab imu nug atu wan ohpan danab ihinig huunu, ihinig donu amu mana metak lag ihinig imu ele am ena iita ipuanadte. Amuib iita. Nug Grik danab laala ele diie u_udin, mana metak lag oopa nona, ag lag gun imu dubutid medteb!” Ag anam anana epig. ²⁹ Ded_u laa ag Epesus danab Tropimus, nug Paulus ele ab okai amu oopa daaeheh anatpig amunu ahilag dab mak ham bupuakpa amu Paulus nug Tropimus omala, mana metak lag oopa noum anana hepig. ³⁰ Ag anam heeg, Jerusalem oh otaina, ahan u_udin qag meeg, ag ahan Paulus adan eedna aon mana metak lag dimitim gonana, ag od oh manadpig.

ROMNU DAUP DILAG OKAI LAA PAULUS EHANITOM

³¹ Ag Paulus qekulagnu heegeg amu Romnu daup Jerusalem daapig, amu dilag okai nug, "Jerusalem danab oh ahan otaiteb," doyom. ³² Nug doya, paha aha, daup 100 dilag iki laala amu daup laala ele diie, ag qaibad Paulus Juda ele gumadna noeg, Juda ag daup dilag okai, daup ele nopig anadna, ag Paulus baula ii makudpig, uupig.

³³ Uueg daup dilag okai nug gumata wana, Paulus ada, daup amelagpa, "Ag nug sen aditpa qakeg!" anana, nug Juda danab od matom. "Imu danab aun, nug adi heum?" awa od matom. ³⁴ Od mate danab ah ameg nadi daapig ag ahan, laa nai laa anana eegeg, laa ag nai laa anana eegeg, mutub huanak ahe heeg, daup dilag okai nug nai amu diig dookunu elele iita amunu nug daup nuhikud amelagpa, "Ag Paulus omalna gona, ag laulag oopa noig!" awa aum. ³⁵ Ag Paulus omalna ukaeg, Paulus nug uka lag amunu adqadpa teete, danab ah ag Paulus qekulagnu wagainab mepig amunu daup ag Paulus aon maon gopig. ³⁶ Ag Paulus maon ukaegeg, danab ah ameg nadi ag dim lamadnana, huanak ena apig. "Qepeg mauhad! Qepeg mauhad!" aon epig.

PAULUS JUDA AMELAGPA NAI MATIOM

³⁷ Daup ag Paulus omalna lag oopa nokulagnu heegeg amu Paulus nug daup dilag okai, nug amegpa nai laa madikunu od mete, daup dilag okai nug Paulus Grik naipa nai matiom doya, otaia, Paulus od metom. "Na Grik nai dootemte?" ³⁸ Amu na am Igipta danab nug nakok matu gabman ele ban hekulagnu haaha, nug aha, danab 4,000 gabman ele ban hekulagnu diie, qep elab adaegeg omalate, ag atu tadakpa gopig

amu na am nugtai iita? Na am aun?" awa od metom. ³⁹ Od mete am Paulus nug aum. "Da amu Juda danab, da ab onig Tasmus, Silisia wanpa daate, amupan danab. Ab okai dahil amu onig okai ele. Amu na ape, da danab ah amelagpa nai madikulnu ool daate," awa aum. ⁴⁰ Awa a amu daup dilag okai nug ena awa a, aria Paulus nug aha, adqadpa hibaita, danab ah amelagpa epeg huma heehe, ag oh to etan, odelag qamuteg, aria Paulus nug Hibru naipa ag amelagpa nai madikunu ha, nug inam aum.

22 "O da lailad, mamelad adi, ag doyeg! Da geha iiku ahilag nai amu nob mekulnu hetem," awa aum. ² Aria ag Paulus nug Hibru naipa nai matie doona, ag oh to etan, oqoti iita, odelag qamutna daaegeg, Paulus nug nai madikunu ha, nug aum. ³ "Da am Juda danab. Da anil amu nug da Tasmus Silisia wanpa menuidom amge da ab okai imupa ena mein, Gamalielnu sulpa sul hei, nug ig alankad dilag do amu oh nug da tutuku ipunidom. Ipunide amu da Kayak dim lamidkulnu wagainab memi, gemu ag do amu dim lamidna, wagai mena heteb amubia. ⁴ Amu kristen danab ah ag Jesusnu oolagpa genab doona, ib imu dim lamidpig ele amu, da ag ehed haten, danab ah ele aqai mauhegeg, laala senpa hipalaten, diie uken, mani guitakpa maadmi. ⁵ Da anam hemi amu mana metak danab dilag iki nug, amu Juda dilag hetodiak okai, onig Sanhidren, amunu danab ele oh ag dooteb, ag amunu matiglagnu elele. Da hei, ag ig lainkad Damaskus dilagnu udug yan, da medaeg, da Damaskus gokulnu gomi. Da kristen danab ah apanu amu hipalaten diien, Jerusalem udiipi, ag hetodiakpa guitak aoglagnu gomi," awa aum.

⁶ Paulus nug nai amu anana, nug nai tudita aum. "Da uken Damaskus guguiten ukai, belo meeme amu hab

aṭannu amahlak okainab na, da talilida amahlom. ⁷ Amahlele amu da nein qein, da baag laa dooiyi amu Nug inam aum. ‘Saul, Saul, na adinu da ehed heidtem?’ awa aum. ⁸ A amu da ami. ‘Nadi, na am aun?’ Ai am Nug aum. ‘Da am Jesus, Nasaret ted. Na da ehed heidtem,’ awa aum. ⁹ Aria danab laala ag da ele gomut amu ag amahlak anidpig amge Nadi Nug nai da amelpa maṭiom ele amu, ag amu ii doopig. ¹⁰ Nug nai amu maṭia male amu da ami. ‘Nadi, da aditai hekul,’ awe ami. Ai amu Nug aum. ‘Na ahan, Damaskus gona daape, apa amu danab laa nug Kayak na adi adi hekutnu tituanitom daatem amu, nug ab, na dookut,’ awa aum. ¹¹ Nug anam ana male amu amahlak okainab amupa da neegkulnu elele iita amunu laala ag da ele gomut amu ag da epel adan omaideg nota, Damaskus daami.

¹² Aria apa danab laa dayom, nug onig Ananias. Nug am do dim lamitak danab. Juda oh, Damaskus daateb ele, ag nuhignu, ‘Nug am danab ena,’ aon ateb. ¹³ Da daaiyi, danab amu nug da gumida uḍia, gukuida hibaita dayaya, nug da amelpa aum. ‘Lai Saul, na amen edua obateb, na neeke!’ awa aum. ¹⁴ Nug anam a da ena neeki, nug da amelpa aum. ‘Ig alankad dilag Kayak, Nug na nuhig dab mak dookutnu amu, na nuhig Danab Tutuku anidkutnu, nuhig nai ele na dautpa dookutnu tituanitom. ¹⁵ Nug a doome amu na keeke oh anidna doome ele amu na geha nai amu danab amelagpa mehuqpe dooglag. ¹⁶ Aria na aib hamu daame! Na ahan, layatak aon amu na Jesus onigpa unuqidpepe, Nug hipunin nahip uhuqa medaku.’ Ananias nug anam da amelpa aum.

¹⁷ Aria dimpa da eduen, Jerusalem uḍien amu da mana metak lag oopa unuqidmi. Unuqiti amu amel edue, ¹⁸ aria da Nadi aniti, Nug da amelpa aum. ‘Na paha ahan, Jerusalem uun

uke! Na dahil nai ipa mehuqkut amu ag nai amu dooglagnu oolag ii daama,’ awa aum. ¹⁹ A am da ami. ‘Nadi ag da dooidteb. Anuka da Juda dilag nai doyak lag ohpa oiyeeye, danab ah ag nahipnu oolagpa genab doopig ele amu, da diie hipalaten, da ag bu aqami. ²⁰ Amu anuka ag Stepanus qeeg mauhom, nug am nahip nai mehuqak danab, haen amupa amu da nug aniti, ag nug qeeg mauhom amunu am da ool ena dayom. Amu ele da danab Stepanus qepig, amu dilag lamenu amu da gumami.’ Da anam awe, Kayak amegpa ami. ²¹ Anam ami amge Nadi Nug da amelpa aum. ‘Na uke! Da na meidpi, na atu uma, iita adi, amu gumadna gokut,’ awa aum.” Paulus nug anam aum.

ROMNU DAUP DILAG OKAI NUG PAULUS GUMOM

²² Paulus nug nai amu maṭie, Juda danab ag Paulus nai maṭiom amu doyeg uke uke, nug iita adi gumata gokunu aum, haen amupa ag ahan, huana qatidna, baalag okaipa epig. “Qepeg mauhad! Danab anam amu nug daakunu elele iita,” aon apig. ²³ Ag anam anana, ahan mutub qenana, lamenu ulahnu beḍulagpanu amu uḍadna akaeg uke, gapud akan, akaeg atan teum. ²⁴ Ag anam heegeg amu daup dilag okai nug he, ag Paulus omalna, daup laulag oopa noeg, daup dilag okai nug adinu Juda ag Paulusnu anam henan epig ele amu, nug amunu diig dookunu, nug nuhikud daup ag Paulus wippa ehed mataḍakpa hetodiglagnu aum. ²⁵ Nug anam a, Paulus mudipa hipalegeg amu daup iki laa nug Paulus guguita hibaita dayeye, Paulus nug amu amegpa inam aum. “Rom dilag do am aṭem ipunigte? Ag Rom danab amu nug tatam wippa ehed mataḍpeg, dimpa nug hetodiakpa, nug ehed heumtai o iitatatai anidkulagnu atete?” awa oḍ meṭom.

²⁶ Daup 100 dilag iki amu nug nai amu doya, nug uka daup dilag okai amegpa aum. “Na imu aтем hekut? Danab imu nug Rom danab,” awa aum. ²⁷ Daup dilag okai nug amu doya, nug Paulus gumita uka, nug od metom. “Na da amelpa ape doyei! Na amu Rom danabte?” awa aum. A amu Paulus nug aum. “Ao, da Rom danab,” awa aum. ²⁸ Nug anam a, aria daup dilag okai nug aum. “Da amu men dođo nadi ewoya, Rom danab daatem,” awa aum. Awa a amu Paulus nug aum. “Da am anam iita, da anai Rom danab tutuku menuidom,” awa aum. ²⁹ Amu danab ag nug wip-pa ehed matađna od metaglagnu hepig ele, ag Paulus anam a doon, ag pahanab edun uuidna gopig. Aria daup dilag okai nug Paulus nug am Rom danab doya, nug he hipalpig amunu nug oo bađom.

PAULUS NUG JUDA DILAG HETODIAK OKAIPA DAYOM

³⁰ Ag anam heeg, wagde, ded amupa daup dilag okai nug Juda ag Paulus bedupa nai yaan hepig, amu diig dookunu nug Paulus senpa qagapig amu uhuqowa, nug nai me uke, mana metak danab okai amu Juda dilag hetodiak okai, onig Sanhidren, amunu danab oh ele qag meeg, nug Paulus omala doa, ag noolagpa he hibaitom.

23 Paulus nug noolagpa hibaita dayaya, hetodiak okai danab daapig amu oh neekatata, nug aum. “O lailad, da oiyi udie, gemu ele oitem amu da Kayak noobpa, da doyeeye ehed laa ii hemi,” awa aum. ² Paulus nug anam awa a amu mana metak danab dilag iki Ananias, nug aha, danab Paulus guguitak daapig amu ag nug oti matađkulagnu amelagpa aum. ³ Nug Paulus matađkulagnu a amu Paulus nug amegpa aum. “Na am gilil dubutid tak amu, amupa gau hakab hamu atantan laaidpig amubia daatem! Geha Kayak

Nug na oidku! Na do adi ate amupa epedilkutnu udime amge na danab imu amelagpa, ‘Ag nug oig!’ ame, amupa na do tapae neum,” awa aum. ⁴ Anam awa a amu danab ag guguitak hipaidna daapig ele amu ag apig. “Na Kayaknu mana metak danab dilag iki, nuhignu nai nau akutnu iite bađatem?” aon apig. ⁵ Aeg Paulus aum. “O lailad, nug mana metak danab dilag iki daate amu da ii doomi. Kayaknu yak ate, ‘Nahip huupan iki danabnu amu na nai nau aib ame,’ amu da dootem,” awa aum.

⁶ Aria Paulus nug anam a daaegeg, nug dojom, hetodiak okai danab laala ag am do gumak danab-Sadusi amu laala ag do gumak danab-Parasia amunu nug hetodiak okaipa ewa aum. “O lailad, da am do gumak danab-Parasia. Da mamel ele am do gumak danab-Parasia. Danab mauhpig amu dimpa ag edun hipaidkulagnu amu da oolpa genab doyen, ameg metem amunu gemu ag da iiku hetodiakpa meideg daatem,” awa aum. ⁷ Paulus nug nai amu a amu do gumak danab-Parasia amu do gumak danab-Sadusi ele gamagpa oo aeg bak be, aeg ona aeg do, aaku qag mak amu lopadpig. ⁸ Do gumak danab-Sadusi ag, “Danab mauhteб, ag edun ii hipaidmana amu engel ele iita amu oudi ele iita”, aon adapig. Amge do gumak danab-Parasia ag amu nai amu oh genab daate, ag amunu oolagpa genab doopig.

⁹ Amunu qag mepig ele amu ag ahan, wagai mena, huana baalag okai eegeg uke amu do gumak danab laala, ag do gumak danab-Parasia huupanu, ag ahan gagatag mena apig. “Ig danab amu anidtem amu nuhigpa ehed hak laa daye ii anidtem. Amu oudi laatai, iita engel laatai ele nai madipid,” aon apig. ¹⁰ Amu ag anam aon aeg, oo aeg bak okainab be, huana heeg, daup dilag okai nug anta, “Ag Paulus adan eedna, gamagpa pagupeг mauhkutai,” anana, oo bađe,

nug daup amelagpa, “Ag nona, Paulus gamagpanu aon, omalna gona, ag laulag oopa noig!” awa aum. ¹¹ Ag anam heeg, ded amu tuqan amupa Nađi Nug Paulus guguiṭa hibaiṭa dayaya nug aum. “Na hipaidna gagatag daye! Na aib bađame! Na dahil nai Jerusalem mehuqme amubia na dahil nai Rom apa mehuqkut.” Nađi Nug anam awa aum.

JUDA AG PAULUS QEPEG MAUHĶUNU APIG

¹² Nađi Nug Paulus amegpa anam a, wagde ded amupa Juda laala ag qag mena, ag nai laipu gagatag qetan, ag inam apig. “Genab atan ig Paulus qeput mauhku. Ig e le ele paha ii lamata. Iiṭa ig hamu daata, ig Paulus qeput mauheb, ig eđut e le ele lakunig,” aon apig. ¹³ Amu danab Paulus qepeg mauhĵunu nai gagatag qedapig ele amu, ahilag eb qak amu 40 eđiṭak. ¹⁴ Ag anam hewona, ag ahan, mana meṭak danab okai amu Juda dilag iki danab ele gumadna gona apig. “Ig nai gagatag qetat, atan atata, ig inam amut. ‘Ig e nakok laa paha ii lamata. Iiṭa, ig hamu daaput ukeb, Paulus qeput mauheb amu ig eđut e lakunig.’ Ig anam amut,” aon apig. ¹⁵ Ag anam anana amu ag nai baula tuđidna apig. “Ig anam amut amunu ag amu hetodiak okai danab ele ag gemu nai mepeg, daup dilag okai topa ukeb, nug Paulus omala ag gumata nekunu od metaglag. Ag inam aon amegpa aig! ‘Ig Paulusnu nai amu baula diignab doognignu oonig daate!’ Ag anam apeg, nug omala neeb eb amu ig bapaidta meidta daagnig amunu Paulus nug ag gumata ii beeb eb, ig geha nug qeput mauhku,” aon apig.

¹⁶ Ag anam heĵulagnu apig amge Paulus apinag beka nug ag ib adan daapeg, Paulus noobob, qepeg mauhĵunu maṭiegeg doya amu nug uka, daup laulag oopa noa, nug Paulus

amegpa amunu aum. ¹⁷ Paulus nug nai amu doya amu nug daup 100 dilag iki laa onigpa e do, nug aum. “Na nid bau imu omalna, daup dilag okai topa gope, nug nai laa ab dookunu ate,” awa aum. ¹⁸ Aria daup 100 dilag iki nug nai amu doya, nug nid amu omala, daup dilag okai gumita uka, nug aum. “Mani guitak danab Paulus, nug da onilpa e ukai, nug nid bau imu omale nagatopa uđikulnu amelpa a, da omale bemi. Nug nai laa ele na amenpa akunu oo daate,” awa aum. ¹⁹ Aria nug omala uke, daup dilag okai nug nid amu epeg ada, omale giginpa goya, aya daaiya, nug nid amu amegpa aum. “Na adi nai da amelpa akut amu na a!” awa aum. ²⁰ Awa a amu nid bau amu nug amegpa aum. “Juda ag Paulusnu nai amu eđun baula diig dooglagnu, na buti Paulus omalna hetodiak okai qag makpa nokutnu od metaglagnu apig. ²¹ Amge ag ham bubuteb amunu na ahilag nai amu aib dim lamidme. Adinu? Ag ahilkad danab 40 eđiṭak amu ag Paulus qepeg mauhĵunu nai gagatag qetan, inam apig. ‘Ig e le ele paha ii lamata. Iiṭa, ig hamu daaput ukeb, ig Paulus qeput mauheb dimpa ig eđut e lakunig.’ Ag anam apig. Ag anam heĵulagnu maṭin bapaidpig amu geha iiku ag na ahilag nai amu doon, adi ape dooglagnu dab mena, ameg mak daateb” awa aum. ²² Daup dilag okai nug nid bau nai amu maṭie doyowa amu nug amegpa aum. “Na da amelpa nai imu miag ame amu na danab laa amegpa nai amunu iinab maṭimna!” Nug nai gagatag amu awowa, he ukom.

DAUP DILAG OKAI NUG HE PAULUS SISARIA UKOM

²³ Aria daup dilag okai nug nai amu doya, nug daup 100 dilag iki adit onilahpa e doeh, amelahpa aum. “A daup 200 diiya, danab 70 hospa gokulagnu

ele diiya, danab 200 laa amu ag ban adaglagnu ele diiped bapaidna, ag tuqan nain kilok amu Paulus omalna Sisaria gokulag. ²⁴Ag Paulusnu hos laala bapaidna medapeg, ena dayeb, ag nug omalna gabman okai anuqak onig Piliks topa gokulag,” awa aum. ²⁵Nug anam ana malowa aria daup dilag okai nug ad uduq laa inam yom.

²⁶“Da Klodias Lisias, da ad uduq imu danab okai, gabman danab anuqak okai, Piliksnu yaatem. Da na humidtem. ²⁷Juda ag danab imu adan, qepeg mauhkunu hepig amge nug am Rom danab doomi amunu ag anam heegeg, da daup ele ig gota anadta, Paulus ag epe-lagpan aomut. ²⁸Ag anam hepig amunu da ag nai adi diignu hepig amu da dookulnu danab imu omale, hetodiak ahilag qag makpa nomi. ²⁹Noin, da od matai, ag da amelpa ahilag do naipanu nai laala nug bedupa yaana madipig amge ag nug keeke ehed heum amunu nug qeput mauhkunu o mani guitakpa mekunignu laa matieg ii doomi. ³⁰Ag anam heeg, da nug aoi dayeye amu aria laa nug, Juda ag aka danab imu qepeg mauhkunu lokumakpa nai qagapignu doya, da amelpa aum amunu da danab imu iiku paha awe mei, nahip-pa ukom. Amu da danab ag nuhignu nai ele amu ag gona, na amenpanab nug adi ehed heum madipeg, amu anidkut.” Nug anam yom.

³¹Amu daup ag ahilag okai ode dim lamidna, ag tuqan Paulus aon, Antipatris gopig. ³²Gona tena daaegeg, wagde butua daup laa oh ag edun laulag-pa ukaegeg amu, danab hospa gopig amu ag Paulus omalna, Sisaria nopig. ³³Danab hos ele ag Sisaria nona, ag yak uduq amu gabman danab okai anuqak amu metona, Paulus ele omalna waeg, noobpa hibaita dayom. ³⁴Paulus nug hibaita dayeye, danab okai Piliks nug ad uduq amu eb qa antowa, nug Paulus od

metom. “Na apan diig am wan obatak okai adepa daate?” A amu Paulus nug aum. “Da am Silisia danab,” awa aum. ³⁵Amu Piliks nug aum. “Laa ag na bedunpa nai yaapig ele amu, ag udipeg aria geha da nai nahip dookul,” awa aum. Awowa nug nuhikud daup amelag-pa, “Ag Paulus aon, Herodesnu gabman laugpa inapeg dayad!” awa aum.

PAULUS PILIKS NOOBPA DAYOM

24 Paulus lag amupa meeg dayeye, ded tanig ele uue, mana metak danab dilag iki Ananias, nug amu Juda iki danab laala ele ag danab laa onig Tetalas, nug hetodiakpa Paulus adi ehed heum amu ag oh odelag ma, nug nai amu gabman okai Piliks amegpa madikunu otieg, nug ag ele oh Sisaria nopig. ²Noeg amu Piliks nug Paulus onigpa e, omalna doeg amu Tetalas aha, nug Paulus nug adi ehed heum amunu madikunu ha aum. “Danab nadi Piliks, na am ig ena ehanigtem. Ban hak iita, hamu enaib daatem. Nahip dab mak enapa keeke ena idu idu bete. ³Amupa ig ab ab oh-pa ig oonigpa enanag doota, ig nahipnu, hanhan ena heme aot aтем,” awa aum. ⁴Tetalas nug anam awowa nug baula aum. “Anam aaku amge da nai elab madipi amel ii memananu, da na ihinig nai tutu imu api, na madodpa dookutnu unuqidtem.

⁵Danab imu ig nug anidmut. Nug ehed kudum he bete. Nug wan atu ohpa, Juda oh dilagpa, nug he, Juda ag ahan nug qak bia heteb. Aria huu ena iita laa, ag amunu Nasaret huu aon ateb amu, danab imu nug ahilag anuqak danab daate. ⁶Nug anam haaha, mana metak lag ihinig amu ele dubutid medakunu heum amunu ig nug adamut. [Am ig ihinig dopa nug epedignu hemut ⁷amge daup dilag okai Lisias, nug aha, wagai ma, nug danab imu ig epenig-panu awom. ⁸Nug danab imu ig ada-

mut ele amu awa, danab ag danab imu nug bedupa nai yaapig ele amu, nug ag amelagpa, 'Ag Piliks gumidna gona hetodieg!' awa aum.] Amunu na naka danab imu nug hetodidna, ođ medape, geha nug ab, na nug ehed he, ig nug bedupa nai yaatem ele amu na amunu diig dookut." Tetalas nug Piliks amegpa anam matiom. ⁹ Am Juda apa daapig ag ele Tetalas nug nai matiom amu ehanidna ag apig. "Nai amu oh amu genabib," aon apig.

¹⁰ Am Tetalas nug nai matia male, gabman okai Piliks nug doyowa amu nug Paulus nug nai madikunu epegpa he, aria Paulus nug nai amu nob ma inam matiom. "Danab nadi, da dootem, na wan imupan epediak danab matu dig mena dayeye udie, gemu ele anam daatem amunu da oolpa ena doyeye, na noompa nai amu nob mekul. ¹¹ Na geha ag ođ madape amu ag ele inam ana apeg na dookut. Haen matu iita, metid laa amupaib da Jerusalem apa Kayak binag mekulnu gomi. ¹² Da mana metak laka nomi amu, da lag oopa apa danab laa ele aud ona aud ii doum. Juda ag da anam heiyi ii anidpig. Amu ag da Juda dilag nai doyak lag ohpa amu ab okaipa ele da danab ah ehed hekulagnu qag maate hei, laa ii anidpig! Iitanab. ¹³ Amu gemu ag nai da bedulpa yan maditeb amu ag hepeg, na nai diig aaku am genab anidkutnu laa iita. ¹⁴ Amge da nai laipu imu ag amunu genab apig amu da api dookut. Da huu laa, Juda ag huu amunu, 'Ena iita,' aon ateb, huu amu ib ipunigte amu, da ib amu dim lamidtem. Da ib amu dim lamite, ig alankad dilag Kayak amu da Nug binag meinne, do nai niite amu propet dilag yak amu oh ele, oolpa genab dootem. ¹⁵ Da amu oolpa genab dootem amu da Kayak Nug geha heeb, danab nuhikud ag edun hipaidkulag, imu heteb amubia, da ameg metem. Opia awak danab amu danab nau ele oh,

Kayak Nug heeb, ag edun hipaidkulagnu ameg metem. ¹⁶ Amunu da hanhan ded oh da ool opia awak, keeke ehed laa Kayak noobpa, danab ah amelagpa ele ii daamanu, da wagai metem.

¹⁷ Amu da anam hein, mad laala da uken, ab laalapa dayeye oiyeye, dimpa amu da eduen, da men dodo Judanu dadek madakulnu amu dod manen Kayak medakulnu Jerusalem temi. ¹⁸ Am da udat anam heinne, da Juda dilag kobolpa opia awak daakulnu kobol hein, mana metak lag oopa daaiyi amu ag da anidpig. Danab ah kudum da ele laa ii daamut, apa ele da hei, danab laala oqotilag laa ele ii hepig. Iita. ¹⁹ Amge Asianu Juda laala uđipig amu, ag da adailpig amunu danab amu ag dahilnu nai ele dayeb amu ag uđin, na noompa da bedulpa nai yaalob am ena. ²⁰ Anam iita amu haen da Juda dilag hetodiak okai, onig Sanhidren, amunu qag makpa daaiyi, adi ehed laa dahilpa daate anidpig amu danab uđin, gemu daateb, ag tutuku apeg doye! ²¹ Ag keeke laa ii anidpig. Iita, ag laipuib anidpigtai. Amuam da ag oolagpa hibaita, da nai laipu imu ein ami. 'Dimpa Kayak Nug heeb, danab mauhpig amu ag edun hipaidkulagnu oolpa genab dootem amunu da hetodiakpa meidpig.' Da anam emi amunutai ag da na noompa hetodiakpa meidpig," awa aum.

PAULUS MANI GUIŦAKPA MAD ADIT DAYOM

²² Piliks nug Paulus nai amu matie doya, nug am kristen dilag oopa genab doyak amu kristen kobol ele tutuku doyom ele amunu nug Juda amelagpa, "Ag daapeg," awowa, nug aum. "Dimpa daup dilag okai Lisias nug neeb amu da nai imu bapaidkul," awa aum. ²³ Nug anam awowa, nug daup 100 dilag iki amegpa, "Na Paulus aona, mani guiŦakpa me!" awa aum. Nug mani

guitakpa meku amge mani guitak gagatagnab ii memanu aum. Amu Paulus laikud ag nug ehanidna, keeke aon gona metaglagnu amu aib ii aum.

²⁴ Am ded laala uue, Piliks nug wau Drusila ele, Drusila nug Juda budub, a udiya, Piliks nug Paulus nai laala matieb dookunu onigpa e, Paulus nug Kristusnu oopa genab doyaknu ib matieye doyom.

²⁵ Paulus nug opia awak kobolpa oiyak amunu mehuqa amu danab nug nuka nuhignu atog noa tutuku oikunu amu, geha dimpa Kayak Nug danab oh epedid adkunu nai ele mehuqeqe amu, Piliks nug nai amu doya, oo bade, nug Paulus amegpa aum. "Ahan uke! Dimpa da haen ena laa dayeb amu da geha baula dookulnu na oninpa ekul," awa aum.

²⁶ Nug oo badom amge nug ele inam dab meum. "Paulus nug men dodo laala medeb uhuqkul." Anam dab maama, nug haen kudum Paulus onigpa e udie, nug ele nai madipid. ²⁷ Amu Piliks nug anam haaha dayeye, dimpa mad adit uke amu Porsias Pestus nug udia, Piliksnu udat amu nug adita aokunu heum amge Piliks nug Juda ag oolag ena daakunu Paulus mani guitakpanu ii uhuqom.

PAULUS NUG PESTUS NOOBPA DAYOM

25 Pestus nug wan obatak okai amu gumakunu udia, Sisaria daye, ded ewam uue nug aha, Jerusalem teum.

² Pestus nug Jerusalem te amu mana metak danab okai amu iki danab ele ag gumidna gona, ag Paulus ehed heum amunu amegpa awona, ag gagatag inam ele apig. ³ "Na ig ehanigna, danab amu aon mepe, ipa Jerusalem udiad!" gagatag apig. Ag anam apig amge ag ib adan lokumna daanna, Paulus qepeg mauhku amunu hepig. ⁴ Ag anam aeg amu Pestus amelagpa aum. "Paulus nug Sisaria apa mani guitakpa daate amu haen elab iita da edue Sisaria nokul

⁵ amunu iki danab ag da dim lamidpeg oh nokunig. Aria danab amu nug ehed heum dayeb amu aria ag nug bedupa nai yaaglag," awa aum.

⁶ Pestus nug Jerusalem ag ele ded eblaih ewantai iita ten anam dayona, nug edua Sisaria noum. Ded amu uue, wagde ded amupa nug aha, hetodiak abenpa dayeye amu nug daup nuhikud amelagpa, "Ag Paulus omalna udieg!" awa aum. ⁷ Ag Paulus omalna doeg amu aria Juda Jerusalemnu nopig amu ag dona daanna, ag nai kudum Paulus bedupa yaan madipig amge ag ahilag nai amu diig iita. Ag hetodiakpa nai hamu kudum Paulus bedupa yaapig.

⁸ Ag anam heeg amu Paulus aha, ahilag nai amu nob ma, inam aum. "Da keeke aditai ehed laa ii hemi. Da Juda dilag donu amu mana metak lagnu amu Kaisanu ele ehed laa ii hemi," awa aum.

⁹ Paulus anam awa aum amge Pestus nug Juda, ag oolag ena daakunu, ag oolagpa ya, nug Paulus amegpa inam aum. "Da hepi, ig oh Jerusalem teta, nahip hetodiak apa anidkunignu elele dootemte?" awa aum. ¹⁰ Nug anam aum amge Paulus nug aum. "Da gemu Rom dilag hetodiakpa daatem amuam ena. Da eduen Juda dilag hetodiakpa ii daapa. Na aaku doome, da Juda dilagnu ehed laa ii hemi. ¹¹ Da mauhkulnu keeke laa hemi dayeb amu ag hepeg mauhkul amu elele, ag ena da iupeg mauhkul. Amge Juda ag da hetodiakpa meidna, nai madipig ele amu, nai amuam genab iita dayeb amu danab laa nug da ag epe-lagpa meidkunu amu ehed amunu da Rom uken, Kaisa topa tein api, nug dahil hetodiak amu nug dookunu ool daate," awa aum. ¹² Paulus nug anam a amu Pestus nug kaunsil danab ele tatam nai mationa amu nug Paulus amegpa aum. "Na Kaisa nug nahip hetodiak dookunu onigpa etem amunu aria na Kaisa gumidna gokut," awa aum.

PESTUS PAULUSNU AGRIPA OD METOM

¹³ Am ded laala uue amu king Agripa amu nug apinag Benaisi ele a Pestus humidkulahnu Sisaria udipid. ¹⁴ A udiya, ded nakok kudum Sisaria daaeheh amu Pestus nug king amu amegpa Paulusnu nai amu matia aum. "Piliks nug danab laa nug anuka mani guitakpa meum ina daate. ¹⁵ Anuka da Jerusalem tein daaiyi, mana metak danab okai amu Juda iki danab ele ag nai nug bedupa yaan, ag da amelpa nuhig ehed hak amu nob medakulnu apig.

¹⁶ Amge da eduen ag amelagpa inam ami. 'Ig Rom, ihinig kobol amu ig danab laa hamu qeut ii mauhte. Tatam danab nug ehed heumtai o iitatai hetodiakpa anidtem. Nug ehed heum anidta amu ig nug nob metagnig. Iita am iita,' awe ami. ¹⁷ Ag anam heeg, da ai, ag da ele oh udit daamut. Amu da haen ii kakidmi. Iita, ded amu uue wagde, ded amupa amu ig hetodiak abenpa daata, danab amu omalna dookulagnu amelagpa ai, aon doeg, ¹⁸ danab ag nug bedupa nai yaapig ele ag ahan hipaidna, nug bedupa nai yaapig amge ag ahan, nug kobol laa ehed heumnu, da ag hekulagnu dab memi bia laa ii madipig. Ag anam iita. ¹⁹ Ag ahilag metid hak kobolnu amu danab laa onig Jesus, Nug mauhom amge Paulus nug, 'Danab amu Nug am bau daate,' awa ate amu ag amunu nug ele aeg ona aeg do hepig. ²⁰ Ag anam matieg amu da nai amu ool ii maite, diig dookulnu hemi amge da elele iita, ool ii maitom amunu da nug od metami. 'Na Jerusalem gope, da geha apa nai nahip amu oh dookulnu elele dootemte?' awe ami. ²¹ Da anam ami amge Paulus nug mani guitakpa dayebab, dimpa Kaisa nuhig nai amu bapaidkunu oo daye aum amunu da nug mani guitak lag oopa dayebab, haen laa da nug hepi, Kaisa topa gokunu ai, ipa

ina daate," awa aum. ²² Nug anam a amu, aria king Agripa nug Pestus amegpa aum. "Aaku amu da ele, da danab amu nuhig nai dookulnu ool daate," awa aum. A am Pestus nug aum. "Am ena, buti ab dookut," awa aum.

PAULUS NUG AGRIPA AMEGPA NAI MATIOM

²³ Aria ded amu uue, wagde ded amupa king Agripa nug Benaisi ele a ahai, bala meya, ded amupa amu qag mak lag oopa noya daaeheh, daup danab okai okai amu ab okai amunu iki danab oh ele nona daaegeg, Pestus nug he, Paulus omalna wapig. ²⁴ Paulus omalna waeg, Pestus nug ag daapig ele amu, nug ag amelagpa aum. "King Agripa na aaku daatem amu danab oh ig ele daatem ag danab imu anteg! Juda danab ah oh ag Jerusalem apa am ipa ele, ag da amelpa nug dimug mena, ag huana apig. 'Na danab amu qepe mauhad! Nug ii daama,' aon apig. ²⁵ Amge da nug keeke ehed heum, nug mauhkunu amu da laa ii anidmi. Amge nug nuka Kaisa nug nuhig nai dookunu onigpa e amu da nug Kaisa topa mepi gokunu ai, nug amu ameg ma daate. ²⁶ Amge imu ele, da nug keeke adi heumnu nai amu genab antena, udug yaapi ukeb, ihinig Kaisa anidkunu amu ele laa ii anidmi. Anam daate amunu king Agripa na iiku dayeye am danab laa oh ele ag daaegeg, da danab imu omale nahippa domi. Ig oh nai nuhig anidta, da nuhignu nai laa udugpa yen mepi gokunu anam hemi. ²⁷ Adinu? Da mani guitak danab laa nug ehed adi heum udugpa ii yen mepi gokunu oolpa ena ii dootem," awa aum.

26 Pestus nug anam a, Agripa nug edua Paulus amegpa aum. "Aria na adi heme amunu na hetodiakpa daatem amu na amunu madikutnu elele." Nug anam a amu Paulus nug epeg huma, nug adi adi heum, nai amu inam

dig ma matiom. ²“O King Agripa, da na noompa dayeye, Juda danab ag da adi adi heminu yaaidteb amu da keeke adi adi hemi amunu madikulnu ug ii dootem. ³Adinu? Na Juda dilag kobol amu ahilag dab mak pide pide ele oh eledenab dootem amunu da ug ii dootem. Na amu oh dootem amunu na ootpa madođ ele nai dahil imu dookutnu unuqidtem,” awa aum.

⁴Paulus nug nai amu anana, nug nai tuđita inam aum. “Da nid nakokpan uđia gemu batak atem atem oimi amu Juda danab ag dooteb. Yo, da apal diig domipa amu Jerusalem apa ele, da atem atem oimi amu ag dooteb. ⁵Ag haen elabnab da aaku dooidteb amunu ag oolag dayeb, ag da ihinig metid laih laa, gun kudumnab ele, amuam do gumak danab-Parasia, da huu amunu laa daami akulagnu elele daateb. ⁶Amu Kayak Nug anuka ig mamenkad amelagpa Nug heeb, mauhak adi ag edun hipaidkulagnu nai qaqa aum amu da amu gog tekunu dab metem amunu Juda ag da bedulpa nai yaateb. ⁷Jakop bekod tuelp, ag buđulkad, am Juda danab, ag Kayak binag amun tuqan ele meegeg, ag amu gog tekunu oolag huana daate. O King da ele nai qaqa anak amu gog tekunu dab metem amunu ag da ehed heminu ateb. ⁸Amge Kayak Nug heeb, danab ag edun hipaidkulagnu elele iitate? Adinu ag Juda ag amunu ug dooteb?

⁹Da ele anuka Nasaret ted Jesus amu Nug onig hepi iita mekununab dab mak gagatag aomi. ¹⁰Da anam aaku Jerusalem apa hemi. Mana metak danab okai ag aeg amu da danab kudum, ag Jesus dim lamidpig ele amu adalaten, mani guitakpa maadmi. Maati amu laa mauhkulagnu apig amu da ele anam ami. ¹¹Haen kudum da Juda dilag nai doyak laka uken, ag Jesus dapidna, aon aon qetaglagnu wagai mein, guitak matami. Da ahilagnu opodi bak hua-

naknab doomi amunu da atu laihpan ab laalapa ele ug mada kulnu apa dim lamadmi.

¹²Anam heiyi, deđ laa mana metak danab okai ag da Damaskus gokulnu aeg aaku gomi. ¹³O King, da aam ameg tutukupa oiiyi, amahlak laa hab atannu na, da amu laala da ele gomut amu ig talilika amahale anidmi. Amahlak amuam aamnu amahlak editak. ¹⁴Amahlak amu talilike, ig oh neta qeut, baag laa Hibrunaipa inam a doomi. ‘Saul, Saul na adinu da ehed heidtem? Na hetem am genab, ena iita. Na da waalpa ii daatem.’ ¹⁵Nug anam a amu da ami. ‘Nadi, na am aum?’ Ai am Nug aum. ‘Da am Jesus, na da ehed heidtem. ¹⁶Amge na hipaidna daye! Da na dahil udat nid daakutnu, na dahilpa adi anidme amu dimpa da na adi ipunidkul, na amunu danab laala amelagpa madikutnu aaku tituanidtem amunu da gumiten uđimi. ¹⁷Amu Israel danab amu iita adi danab ele ag hepeg nauhkutnu hekulag amge da na ehanidpi, ena daakut. ¹⁸Da hepi, na gona hepe, ag oolag edueb, ag Satannu gatatupa ii daamnanu, ag dahil amahlakpa oiglagnu, ag Satannu gagatag waapa ii daamnanu, ag Kayaknu gagatag waapa daaglagnu, ag hipunin uhuqa metak aoglagnu, ag danab laala, ag oopa genab doyak ahilagpa opia awak daateb ele amu, ag ag oolagpa ele daaglagnu, amelag opatkulag.’ Nug da amelpa anam aum.

¹⁹Aria King Agripa, Kayak da adi hekulnu ipunidom amu da Nug ode tapai ii neum. ²⁰Iita. Da tatam Damaskus danab amelagpa nai matieye amu dimpa Jerusalem danab amu Juda danab amu iita adi ele amelagpa ami. Da ag amelagpa nai inam matimi. ‘Ag oolag edueb, ag edun Kayak waapa daanna, danab laala ag genab oolag eduom anidkulagnu, ag kobol tutukuib dim lamiteg!’ awe ami. ²¹Da anam hemi amunu Juda danab ag

iupeg mauhkulnu mana metak laka apa adailpig. ²² Amge Kayak Nug da ehanide udie, gemu ele ehanidte amunu da gemu iiku hibaiten dayeye, danab okai adi amu danab laa oh ele amelagpa nai imu maditem. Da nai laa ii maditem. Iita. Propet adi am Moses ele ag adi bekunu apig amu da amu aakuib maditem. ²³ Nai amuam inam. ‘Kayak Nug anuka Kristus Nug guitak doyowa, Nug anuqa edua hibaita, nug Juda danab amu iita adi danab ele ehanitak aoglagnu ib ipuanadkunu dab meum,’ awa aum.

²⁴ Paulus nug anam aawo amu Pestus nug Paulusnu nai otada eum. ‘Paulus na am kaaka nitom. Na sul huanak heme amunu doyak okai nahip amu he, kaaka nidate,’ awa eum!

²⁵ Pestus nug anam a amu Paulus nug aum. ‘O Nadi Pestus, da am kaaka ii nidate! Da maditem imu am genab, nai kaaka iita. ²⁶ King imu amu nug keeke imu oh doote amunu da nug amegpa ii badede, da nai imu maditem. Keeke imu am lokumakpa ii beum amunu da dootem, nug keeke imu oh doyom,’ awa aum. ²⁷ Paulus nug nai amu Pestus amegpa anana, nug edua Agripa amegpa aum. ‘King Agripa, na propet dilag nai ootpa genab dootemte?’ awa aum. Paulus nug anam anana, nug nai tudita, nug nukā od mak nuhig nob ma aum. ‘Yo, da dootem. Na ootpa genab dootem,’ awa aum. ²⁸ Paulus nug anam a amu Agripa nug Paulus amegpa aum. ‘Nahip nai matiak haen tutu imupa da kristen bekulnu miag dootemte?’ awa aum. ²⁹ Nug anam a amu Paulus nug aum. ‘Da haen elab madikul o da haen tutu madikul amuam keeke okai iita. Keeke okai amu na da daatem bia daakut amu da amunu unuqidtem. Na naka iita. Gemu danab laa imu oh ag dahil nai dooteb, ag ele anam daaglagnu unuqidtem. Sen imu aakuib

am ag aoglagnu da ool ii daate,’ awa aum.

³⁰ Paulus nug nai amu matia male, king Agripa amu gabman okai Pestus amu king apinag Benaisi amu danab daapig ele, ag ahan, ³¹ dimitim gona, aka aka inam madipig. ‘Danab umu nug keeke laa, nug mani guitakpa daakunu o qeput mauhkunu laa ii hete.’ ³² Am king Agripa nug Pestus amegpa aum. ‘Danab umu nug Kaisa nuhig hetodiak dookunu ii elo amu na padape golo,’ awa aum.

PAULUS ROM GOKUNU UBPA TEUM

27 Ag nai matin, ig Rom gokunignu dab mak awona, ag Paulus nug am mani guitak danab laala ele amu ag daup 100 dilag iki nug gumadkunu apig. Nug am Kaisa huunu daup iki onig Julias. ² Ig gokunignu ahat, oolta Adramtiam dilag ub laapa temut. Ub amuam Asia dilag ab okai okainu aben ilon daatebpa oiyaya eedkunu ukom. Aristakus, nug am Tesalonika ted, nug ig ele oh gomut. Tesalonika am Makedonianu ab okai laa.

³ Ukautut, ded amu uue, wagde, ded amupa ig gota Saidon eedmut. Julias nug Paulus nuhigpa kobol enaib haaha amu Paulus nug laikud gumata oiyebeb, e keeke metaglagnu aum. ⁴ Aria apanu ig ahat, Saidon uuta ukautut, ulah nug ehed dutunika heum amunu ig nud Saipras heqo laih ulah ii ukompa gomut. ⁵ Gota gota ig Silisia Pampilia ele dilah yu gamagpanab okulta gota, ig Maira, Lisia wanpa, apa temut. ⁶ Ab amupa teta amu daup 100 dilag iki nug Aleksandrianu ub laa Rom gokunu dayeye anta, nug omaike, ub amupa temut. ⁷ Aria ig ahat, ub amu huana ii ugeke, ded laala qinonob gota gota, Kinidus gukuidta gomut. Aria ulah nug he, ig ib gokunignu dab memut am elele iita amunu ig nud Krit heqo laih ulah huana ii ukompa gota, Salmani gukuidta temut. ⁸ Ulah

nug heehe, ig qinonob, kagi ele Krit lang aidta gota gota, aben laapa temut. Aben amunu ag, “Ilon Ena,” aon aṭeb. Amu ab okai Lasia guguitak.

⁹Ig anam qinobnob gota, ded kuḍum kakidmut, Juda dilag kud ma e ii lanaknu ded amu uka iita meum amunu yupa oiyaknu elele iita haen aaku doum. Yu nauha auta awom amunu Paulus nug aha amelagpa aum. ¹⁰“O danab, ig ahat gokunig dayeb amu geha ig qagaitak okai anidkunig dootem. Keeke kuḍum padal mekulag. Ub oopanuu keeke amu ub eleib ii padal memaya! Iita. Ig bedunig ele padal meku,” awa aum. ¹¹Paulus nug amelagpa aum amge daup 100 dilag iki nug ub gumak iki amu ulum adak danab ele, nug amu dilah nai oopa genab doya, Paulus nai aum amu oopa genab ii doyom. ¹²Ilon amupa amu ulah naḍi haenpa ub eeda daakunu amu aben ena iita amunu ubpan danab kuḍum ag aben amu eḍidna gokulagnu apig. Ag gona, Piniks tena, aben amupa oug haenpa daaglagnu oolag dayom. Piniks amu Kritnu ilon laa amupa amu ulah heeb, lokuma dayaknu aben ena.

ULAH NAḌI YUPA EHED NAUNAB AHOM

¹³Am dimpa ulah yau uḍiom, nug am gagatagnab ii heum amunu ag apig. “Ig onig dayom bia, ulah imu uḍite amunu ig ilon imu uut laih gokunig,” aon maṭinna amu ag anga eedeḡ te, ig Kritnu langnab aidta gomut. ¹⁴Amge ig nakokib wautut amu ulah yawalti gagatag Kritnu neum. ¹⁵Na ulah amu ub duṭune, ub tutuku gokunu elele iita daye, ig hamu maya memut. ¹⁶Maya meta gota, nud laa Koda aṭeb amu heqo laih gota, ig oolaknu ub nakok amu qakagnignu udat nadinab heta, ig qakamut. ¹⁷Aria ag muḍi laala akan, ub okai amu gagatag daakunu gamagpa itapig amge ag badapig. Adinu? Ag,

“Ig ehed gota, Aprika gukuuidtata, malpa temata,” dab menan doopig amunu ag ahan, ubnu lamen gagatag ulah duṭunte ele amu, uhuqeg ne, ig hamu maya memut. ¹⁸Amu ulah duban ele ig ehed naunab iqom amunu ded amu dimpa ag ahan, dig mena ubpanu keeke akaeg yupa noum. ¹⁹Ag anam heeg uke, ded ewampa amu ag aka epelagpa ubnu keeke laa autna buḍieg noum. ²⁰Am ded kuḍum ig aam hoḍopai ele ii anadmut, ulah okainab hanhan ig duṭunigtom. Anam heehe, ig ihinig dab makpa, “Geha ig gota aben laapa teta ena daagnig,” laa ii dab memut. Iita, “Ig aaku padal mekunig,” aot amut.

²¹Anam dayeye, aria ded kuḍum ag e ii lapig, baalag qetom. Amu dimpa anam daaegeg, Paulus nug aha, hipaiṭa aum. “Danab ag da tatam nai ami amu dim lamidna Krit ii uulob, ig apa daalom am ena. Anamlob amu ig qagaitak imu ii anidlom. Amu keeke oh padal ii melo. ²²Amge da geha iiku ag amelagpa aṭem. Ag oolagpa maḍoḍ ena dayeg! Ig oonigpanu danab laipu laa ii mauhma. Ub nuḡa nauhku,” awa aum. ²³Paulus nug anam awowa amu nug baula tuḍita aum. “Gemu tuḡan imupa, Kayak, da nuhig daaṭem, da Nug binag ele meṭem amu, nuhig engel nug da gukuida hibaiṭa dayaya, ²⁴nug aum. ‘Paulus na aib badame! Na am gona, Kaisa noobpa hipaidkut. Am doye! Danab oh na ele ubpa daateb amu Kayak Nug unuqitak nahip doyom amunu geha ag ii mauhmana.’ Nug anam awa, da amelṭa aum. ²⁵Amunu ag aib badapig. Adinu? Da Kayak, Nug da amelṭa nai aum amu keeke amu anam beḡunu oolṭa genab dootem. ²⁶Anam aaku amge ig gota, nud laa gukuidput ub aolku,” awa aum.

ULAH HE UB LOPADOM

²⁷Aria ded amun tuḡan ele eb qak 14 amupa ig maya meta, Adria yupa go-

tata, tuqan aam ameg tutuku aokunu heehe, ubpanu danab ag, “Ub uđia, nud laa aaku guguitom,” doopig ²⁸ amunu ag melemel mekulagnu melemel yupa budieg no amu melemel anidpig, amu le noa ukak 40 mita. Aria ig nakok wata gota, ag edun melemel mepig am le noa ukak 30 mita anidna, ²⁹ aaku ag badan, “Ig gota gota, aben men elepa aolkunigtai,” apig. Ag anam dab mena amu ag anga wadele akan eeg, ub nob laih dimugpa noeg, ag ahan paha wagdeb aam nekunu tapadna unuqidpig. ³⁰ Anam henana, ubpanu udat danab ag ahan, ub uun gokulagnu ib matin, ag oolaknu ub nakok amu uhuqeg noono, ag ham bupuna, “Ub okai noobpa anga eput nokulagnu hetem,” anana hepig ³¹ amge Paulus nug daup 100 dilag iki am daup ele amelagpa aum. “Am danab umu ag ubpa ii daaglag amu ag ubpa daateb amu ag padal mekulag,” awa aum. ³² Nug anam aum amunu daup ag oolaknu ub amunu mudi otadeg, ub nakok maya ma ukom.

³³ Aria wagde, aam bekunu heehe, Paulus nug aha, danab oh ag nakok bedulag gagatag qekunu amu nug ag amelagpa aum. “Ag ahan, e nakok aon laig! Haen elabnab ag oolagpa madod iita daanna, oolag ug ele daapig. E laa ii lapig. Deđ 14 iiku hamu daapig. ³⁴ Amunu da ag amelagpa iiku atem. Ag e laala aon lana, gagatag aweg! Doyeg! Ag oolagpa laipu laa nug ii mauhma,” awa aum. ³⁵ Nug anam awa amelagpa anana amu nug bret awe, ag antegeg, nug ag noolagpa Kayak unuqita, nug bret pana awa laum. ³⁶ Paulus nug anam he amu danab oh ag anidna, ag oolagpa gagatag doon, ag ele e aon lapig. ³⁷ Ig danab ubpa daamut ele oh amu 276. ³⁸ Ag e laeg elele daye amu aria ub amu ug iita daakunu ag wit akaeg yupa noum.

³⁹ Ag anam heeg, wakade, aam be, ag atu anidpig amge ag wan amu adepa amu ag ii doopig. Ag ii doopig amge ag ilon laa wana ukak ihi ena ele anidna, “Apa gota ihipa tekunignu eleletai,” apig. ⁴⁰ Ag anam anana, anganu mudi otadeg yupa noono amu ag mudi ulum gagatag daakunu itapig am ele uhuqnana, ulah lamen heeg te, ub ihi amupa tekunu ukom. ⁴¹ Ukom amge yu gamagpa ihi dutune bak, nud amu guguitak daate ele amu, ub nug uka, amupa ta, aola gagatag epom. Ub nob amu aola, gagatag epa dayeye, aaku duban ub nob laih dimugpa o, ub aaku aodom.

⁴² Ub aode, daup ag ahan mani guitak danab ilog mena oolna gomananu aqaglagnu hepig. ⁴³ Ag anam hepig amge daup 100 dilag iki nug Paulus ehanita, ag anam ii hemananu ana, nug danab oh laa ilog mak doodpig ele amu ag tatam ubpanu oolna, yupa ilog men gona, yu ihipa gokulagnu aum. ⁴⁴ Aria danab laala amu ag ilog mak ii doodpig ele amu ag ub aodom amunu ad maha laipu laipu diin, maya mena gona eedkulagnu aum. Nug anam a amu ag anam henana, danab oh ag enaib gona, yu ihipa tepig.

PAULUS MALTA DAYOM

28 Ig oh enaib gota, yu ihipa teut amu ag nud amu onig Malta aeg doomut. ² Danab ah amupanu ag ihinignu kobol enaib hepig. Am gu ne, atu oug meum amunu ag ab ilon, ig oh omaikeg, udigkunignu guguitak gomut. ³ Am Paulus nug ab hidig laala aka, ab ewewe me, am mat nau laa ab hidigpa dayeye, ewe ba, Paulus emala, aegpa aiha ilul ewa dayom. ⁴ Mat Paulus epegpa anam ha dayeye, ab amupanu danab ah ag mat amu Paulus epeg emala, ilul ewa daye anidna, ag aka aka ahi-lag dab makpanu madipig. “Danab umu

nug amu danab laa qe mauhom bia dootem. Amupa nug nob awa mauhkunu dayom amge nug yupa ii mauhom. Yupa ii mauhom amge geha nug Kayaknu nob meṭak qe eḍidkunu elele iṭa,” aon apig. ⁵Ag anam aon apig amge Paulus nug mat amu maute, ab aḍupa no, nug beḍupa keeke aṭemtai laa iṭa, eleleib ena dayeye, ⁶abpan danab ag nug dab meṭan, neekidna mat emalom abenpa titiḍeb anidkulanu o iṭa mauha na qeeb anidkulanu dab menan, ag haen elabnab daapig. Daapig amge Paulus nug beḍupa ug laa ii be anidpig amunu ag dab mak eḍun, inam apig. “Nug am Kayak,” aon apig.

⁷Aria aben amu guguitak amu, nud amunu gumak danab okainu wan laa dayom. Danab amu nug onig Pablias. Danab amu nug ig omaike, nug laugpa gota, deḍ ewam apa daautut, nug dab meka auta awom. ⁸Ig apa daatta, Pablias mameg nug beḍu gaḱadak ode amu hiodak ode ele awom niieye, Paulus nug gumiṭa wana unuqita, epeg qadepa me, ena dayom. ⁹Paulus nug anam he amu nud amupanu ode danab laa oh ele ag uḍin, ehanitak aon, ena daapig. ¹⁰Aria ag kobol enapa dab mekaegeg, dimpa ig gokunignu heutut, ag keeke kudum, ig keeke amunu iṭa ele amu, ig aot gokunignu megapig.

PAULUS ROM TEUM

¹¹Am ig nud amupa amu kalam ewam daamut dimpa ig Aleksandrianu ub laa, ulah naḍi amu iṭa mekunu ameg ma dayom ele amu, ig amupa teut, aika ukom. Ub amu noobpa kayak ham bupuak gani ele doṭolah daapiḍ. A onilah Kosta, Paluks ele. ¹²Ig gota, Sairakyus teta, apa ig deḍ ewam daamut. ¹³Am ig Sairakyusnu ahat gota gota, Risiam teut, deḍ laipu uke amu ulah yau uḍiom. Deḍ amu uue, wagde deḍ amu ig Piutiolai temut. ¹⁴Ab amupa

am ig kristen laala anaṭut heeg, ig deḍ eblaih adit ag ele dayota, dimpa amu ig ahat baenigpa Rom tekunignu gomut. ¹⁵Ig Rom gokunignu teutut, Romnu kristen ag ig ukautut amu doona, laala ag ahan, e daden medapig aben onig Apias apa gona, laala ag aben laa onig Hik Awak Lag Okai Ewam apa ele gona, ig ibpa anikeg, Paulus nug anaṭa, nug Kayak unuqitowa, oopa gagatag awom. ¹⁶Gagatag awe, ig Rom oopa nout am gabman nug a, Paulus nug nuka lag laapa dayeye, daup danab laipu gumeme daapiḍ.

PAULUS NUG ROM ABPA NAI ENA MEHUQOM

¹⁷Paulus nug apa dayeye, deḍ ewam uue nug Juda dilag iki danab onilagpa e uḍin qag meeg, nug amelagpa inam aum. “O lailad, da ihinig huu amu tapadpi nokulanu o iṭa ig alankad dilag kobol amu nau ainne maute laa ii hemi. Amge Juda ag da Jerusalem hipaliḍna Rom danab epelagpa meidpig. ¹⁸Meideg, Rom ag dahil heṭodiak doopig amu ag da beḍulpa ehed hei, iupeg mauhkulnu laa ii anidna, ag da uhuqilkulagnu apig. ¹⁹Amge Juda danab ag nai amu uun di medaeg, da dahil ib laa ii dayom amunu da Kaisa nug dahil heṭodiak dookunu ami. Amge dahil huupanu da laa heṭodiakpa ii maadmi am gemu ele laa ii maadpa. ²⁰Diig amunu da ag gemu daateb, da ag ele matit, api anidna dooglagnu am da ag anadkulnu ele ool daye onilagpa emi. Da keeke ig Israel ameg meṭem ele amu nuhignu da oolpa genab dootem. Amunu diig amupa gemu sen imu da epel qaḱom,” awa aum.

²¹Paulus nug anam awa a amu ag nug amegpa apig. “Juda danab laala ag nahipnu doognignu amu ad uḍug laa yaan meeg uḍie, ig ii doomut. Juda danab laa uḍia, nug kaya amunu

amenigpa maṭiaya, nug na dimunnu laa ii aum. ²² Amge ig am na naḳa nahip dab mak amu odenpa madipe doognignu oonig daate. Ig dooṭem, ab ab ohpa danab ah laala ag kristen dilagnu nai ehed idu laala maditeb.” Ag anam aon Paulus amegpa apig.

²³ Ag Paulus ele nai anam maṭiona amu ag ded meeg, ded amupa danab ah kuḍum ag Paulus gumidna, nug dayom, lag amupa uḍieg, buṭuanu uke tueb batac nug Jesusnu nai diig amu amelagpa mehuqaqa, Kayaknu ḍo maḍodnu nai amu ele mehuqaqa, nai laala Mosesnu ḍopa niite amu propet dilag yaknu ele, nug nai amupa ag Jesusnu oolagpa genab dooglagnu, ahilag dab mak maḍ eṭa ipuanata maṭiom. ²⁴ Nug nai mehuqe, danab laala ag doona, oolagpa genab doopig amge laala ag oolagpa genab ii doopig. ²⁵ Ag anam henana ag gokulagnu gonana, ag am aka aka ahilag dab mak ib pide pide dayeye, ag ahan gopig. Ag anam henana gopig amge Paulus nug tatam nai laa ahilagnu inam mehuqom. “Kayak Oudi Nug ig alankad amelagpa nai imu genabnap propet Jesaia oḍepa aum. Nai amuam inam. ²⁶ Na

danab ah umu gumadna gona, inam ape doyeg! Geha ag am nai daulagpa dooglag amge nai meu am tutuku ii doomna. Geha ag neegkulag amge ag diig tutuku ii anidmana. ²⁷ Adinu? Danab ah imu ag am oolag itua malom. Ag nai meu dooglagnu bahilag yaate, amu ele ag amelag heeg gaḍuom. Amu iita daalo, ag amelagpa keeke anidna, nai doonna, ag nai diig oolagpa tutuku doon, ag eḍun dahilpa dopeg, da eḍuen hepi, geha ag ena daaglag.’ Jesaia nug anam yom. ²⁸ Amunu ag doyeg! Kayak Nug ig eḍua awigḳunu uḍat ena ihinignu heum imu, Kayak Nug he, iita adi danab dilagpa ukom. Ag am dooglag,” awa aum. ²⁹ [Am Paulus anam a, Juda danab ag gona, ag aka aka naipa a ona a doak nadi hepig.]

³⁰ Maḍ adit Paulus nug nuḳa lag daden meum amupa dayaya, danab ah oh nug gumidna uḍiegeg, nug kobol enaib ahilagpa heum. ³¹ Nug am Kayaknu ḍo maḍodnu nai amu danab ah ipuanata amu Nadi Jesus Kristusnu nai ele nug nai amu badaḳ iita ele mehuqom. Nug anam heeche, danab laa nuhignu aib ii aum.

ROM DILAG NAI PAULUS YOM

DIG MAKNU NAI

1 Da Paulus, da Kristus Jesusnu udat danab. Nug da totol daakulnu otida amu Kayaknu Nai Ena mehuqkulnu ele tituanidom. ²Nai Ena amu anuka Kayak Nug nai qaka a, nuhiqud propet ag aon, Kayak naipa yaaeg noum. ³Nai ena amuam Kayak Nug beka, ihinig Nadi Jesus Kristus, nuhignu nai. Nug wan imupan menuakpa amu Nug Dawit budubpa aaku doum. ⁴Nug doa, ad emaitakpa mauhe, Kayak Nug gagatag nuhig okaipa he, Nug edua hibaitowa, dimpa Nug Kayak Oudi me neum, keeke adit amupa amu Nug am genab Kayak beka daate anidta dootem. ⁵Kayak Nug Jesusnu udat okaipa da Jesus onig humakulnu, Nug nuhig ehanitak okai hamu megte, amu meda, Nug da totol danab ele daakulnu otidom. Nug da danab idu idu oh ag nuhignu oolagpa genab doon, nuhig nai dim lamidkulagnu onilagpa ekulnu anam heum. ⁶Amu ag Jesusnu danab ag Rom daateb ele amu ag ele am Jesus Kristusnu ewak baag doon dim lamidteb. ⁷Amu da Paulus, da ag Rom danab, Kayak ahilagnu oo mauhe, ag danab nuhiqudnab daaglagnu onilagpa eum ele amu, da ahilagnu yaatem. Ag Kayak, ig Mamenig, ihinig Nadi Jesus Kristus ele, ahilah ehanitak okai hamu megtep amu ahilah madod ele ahilagpa daaglahnu ool daate.

PAULUS NUG ROM ANADKUNU OO DAYOM

⁸Aria tatam da ahilag ohnu Jesus Kristus onigpa Kayak dahil amegpa, "Ena heme," awe atem. Adinu? Ahilag oopa genab doyaknu amu danab wan atu ohpa ag aegeg dooteb. ⁹Amu Kayak, da

hanhan nuhig udat gagatag hein, Nug Bekanu Nai Ena mehuqtem ele amu, Nugnab da nai yaatem imu am genabib yaatem doya malom daate amunu da iiku yaatem. Am inam. Da haen oh unuqitak dahilpa ag onilag diie, ¹⁰Nug oo dayeb amu da ahilagpa gemu gokulnu ib laa ha medakunu haen oh Nug od medtem.

¹¹Da ag anadkulnu ool okai daate. Amunu diig am, da ag Kayaknu ehanitak ena, dahilpa daate ele amu madapi, ag oolag gagatag aqakunu ool daate. ¹²Da inam dab metem. Ahilag oopa genab doyak da ehanideb amu dahil oopa genab doyak ag ehanadkunu ool daate. Anam dayeb amu ig oh ehanitak ena aognig. ¹³O lailad, da ag imu doon autna aoglagnu ool daate. Haen kudum da udat dahilpa, da iita adi danab laala ehanati, ag ele Kayak baekudpa daateb amubia da ag Rom daateb, ag ele ehanadkulnu ool dayom amunu da ahilagpa gokulnu dab memi amge haen oh keeke laa nug da ipul oo neum. ¹⁴Amu Kayak Nug da Grik danab amu danab laala ele, doyak danab, danab doyak iita ele, ag oh ehanadkulnu udat medom ¹⁵amunu da ag Rom apa daateb ele ahilagpa Nai Ena mehuqkulnu ool okai daate.

¹⁶Da Jesusnu Nai Enanu amu da uda nak ii dootem. Adinu? Kayak Nug nai amupa danab aun adi ag oolagpa genab dooteb ele amu, Nug ag edua diite. Juda ag tatam doyegeg, iita adi ag aaku geha dooteb. ¹⁷Nai Ena amupa Kayak Nug ib atenpa ihinignu, "Danab tutuku," akunu ipunigte. Tutuku daagnignu ib am oopa genab doyak aakuib. Ib laa iita. Kayak naipa yak inam daate amubia. "Danab nug oopa genab dooku amu geha Kayak Nug danab amu, nuhignu 'Danab tutuku,' awa ab, danab amu nug bauklel awa daaku," awa ate.

DANAB OH AG KAYAK DI MEDAPIG

¹⁸⁻¹⁹ Adinu ib laa ii daate? Kayak Nug hab atan he, opodi bak, Nug danab dilag hipuninnu doote ele amu, opodi bak amu aaku miag atiom daate. Yo, danab ag Kayak Nug atem daate, doyak amu oh amu lokumak ii daate, Kayak Nug nukā ag ipuanate, doyak amu ahilagpa miag atiak daate amge ag ii dim lamidteb, diig amunu ag Kayaknu kobol ena di metan, kobol nau hena, ahilag kobol nau amupa ag nai genab qeeg nete amunu Kayak Nug hak nau ahilagnu opodi bak doote ele, Nug amu he, miag atiom. ²⁰ Kayak nukā nuhignu ag ipuanatomnu amu anukanab Nug keeke oh hatom, haen amupanu udie gemu ele danab ag Nug keeke hatom am anidteb, amupa danab ag Kayaknu kobol laala, danab ag ii anidteb ele, amu dooglagnu elele. Amu ag genab Kayaknu kobol diig anidna amu nuhig gagatag nadi hanhan daate ele, amu ele anidpig amunu danab ahilag ehed hak lokumidna, ag anen anen, “Da ii doomi,” akulagnu elele iitanab. ²¹ Amu ag Kayak doopig amge ag Nug am Kayak oolagpa genab ii doonna, ag Nug onig ii humana, ag nug amegpa, “Ena heme,” aon ii apig. Iita. Dab mak ahilag kaakanab daye amu ag oolag ootot aqe, gatatu manom. ²² Amu ag hibguiita hena, “Ig am doyak ele,” apig amge ag kaakanab aqe, ²³ ag Kayak ii mauhte ele di metan, baula Nug binag ii mepig. Ag baolina, danab mauhte ele dotog hena, ai dotog hena, dod laala ele dotolag hadna amu mat keeke dotolag ele hadna, binalag mepig. ²⁴ Amunu Kayak Nug uuate, ahilag dab mak nau amuib dim lamitegeg, kobol nau amu eedateg, ahilagpa udie, ag gapai kobol nau hena, bedulag heeg nauhom. ²⁵ Danab anam amu ag Kayaknu nai genab uun baolin amu ag nai ham bupuak aopig. Amu

ag keeke, Kayak Nug hatom ele, keeke amu binalag mena, ag Kayak, Nug am keeke ohnu diig daate ele amu, ag Nug di medapig. Kayak amu ig hanhan Nug binag metu! Genab. ²⁶ Danab ag anam ehed hepig amunu Kayak danab amu uuate, ag dubutid kobol oopa daapig. Ah ag danab uuadna, ag nug awak kobol tutuku uuna, danab ele iita, ah lailkad ele gapai hepig. ²⁷ Amu danab ag ele ah ele nug awak kobol tutuku uueg, ag oolag ab ditiaak bia huana ahe amu ag danab lailkad ele gapai hepig. Danab ag uda nak kobol danab laa ele anam hepig. Ag aka anam hena, nob nau ehed hak ahilag amunu elelepa aopig.

²⁸ Laa ele amu ag Kayaknu dab mak adan oiglagnu uupig amunu Kayak Nug ag ahilag kobol nau amuib dim lamidkulagnu uuatom. Amu ag kobol nau, danab ag hekulagnu elele iita amu, aaku heteb. ²⁹ Amu ag kobol tutuku iita diigdiig, kobol nau diigdiig, en oh ib nau digdiigpa awak amu gapai hak diigdiig ele heteb. Ag danab laa nug keeke ena ele daate amu ag nuhignu oo aeg bak dooteb. Ag layag keked meta dug wak kobol, nai hak kobol, layag bubuitak kobol amu layag he nauhak kobol ele, ag kobol nau amu oh henan daateb. ³⁰ Ag layag dimug matiaak, layagnu nai ehed anak, Kayaknu nau, ninig ele doyak, laa dilagnu ehed doyak, ag aka binalag mak, ag aka bedulag humana amunu nai matiaak ele heteb. Ag kobol nau bau digdiignu dab mena heteb amu ag anilkad mamelkad odelag tapaeg nete. ³¹ Amu ag am doyak iita ele bia heteb. Ag aaku nai qakan ateb amge ag ii dim lamidteb amu ag lailkad dilagnu ele nug ehanitak, nug oo meta oo mauhak ele ii heteb. ³² Amu ag Kayaknu do ena tutuku, nug danab ag kobol nau amu heteb ele, ag mauhkulagnu ate amu ag dooteb amge ag kobol nau amu hekulagnuib oolag hete. Amge anamib iita. Danab amu ag

aḱa heḱulagnuib ii heteb. Iiṭa. Ag danab laa kobol nau amu heṭeb ele amu ag binalag meṭeb.

KAYAKNU EPEDI^{IAK} AMU TUTUḶUNAB

2 Amunu na danab na laipad epediadna, ehed hepignu nob nau aoglagnu aṭem ele amu, na am aṭemun? Na ele ehed amu heṭem amunu na Kayak noobpa, “Da hemi amuam da bedulpa iṭa,” aḱutnu elele iṭanab. Na laipad epediadna, ag ehed hena, nob nau aoglagnu aṭem, haen amupa na ele ehed nahipnu nob nau aokutnu, na naḱa na bedun iite yaatem? ² Na naḱa na anam epediak pehetak ii heṭem amge ig dooṭem, Kayak Nug anam ii heṭe, Nug danab kobol nau anam heṭeb ele amu, Nug ag nob nau tutuḱuib madate ³ amunu na danab, na laipad laa kobol anamnu epediadṭem ele amge na ele kobol nau anamib ele heṭem amu na aṭem dooṭem? Na naḱa Kayaknu heṭodiak edidna oolna gokutnu elelete? ⁴ Kayak Nug nahipnu ha awa, amen mak haen elab daya, Nug nob nau paha ii medṭe amu na amunu keeke hamu biate dooṭem? Amu na Kayak Nug na oot eduḱunu oo daate amunu Nug nahipnu kobol enanag heṭe iite dooṭem?

⁵ Kayak Nug na oot eduḱunu oo daate amge na naḱa na oot he itue, na oot ii edute. Kobol amupa amu na naḱa ehed hak nahippa opodi bak, Kayak Nug danab dilag hipuninnu doote ele amu, na amu huana aaku qag metem. Yo, ded laa opodi bak, Kayak Nug danab dilag hipuninnu doote ele, amu miag atieb, Kayak Nug nuhig kobol tutuḱupa na epediteb amu na geha nob nau aokut.

⁶ Kayak Nug geha danab oh kobol ag hepig ele amunu nob elele madaḱu.

⁷ Danab laala ag Kayak ele hab aṭan ena daaglagnu, ag binag oḱai aoglagnu

amu ag bau dayak ena aoglagnu ib maṭiak udat gagaṭag henana, kobol tutuḱu heṭeb amu geha Kayak Nug danab amu bauklel hanhan daaglagnu madaḱu. ⁸ Amge danab laala ag aḱa ahilagnu dab menana, ag nai genab amu di meṭan, kobol tutuḱu iṭa amuib dim lamidṭeb ele amu, geha hipuninnu bu aḱak, Kayak epeḱpanu uḱite ele, ag amu aona, ag nob naunab aoglag. ⁹ Danab oh kobol tutuḱu iṭa heṭeb ele, ahilagpa qagaitak oḱai, guitak oḱai ele beḱu, Juda ag doopeḱ amu iṭa adi danab ag ele dooglag. ¹⁰ Amge Kayak Nug geha gagaṭag ena, binag oḱai amu madod ele danab oh kobol enaib heṭeb ele madaḱu, Juda ag maṭowa amu iṭa adi danab ele madaḱu. ¹¹ Adinu? Kayak Nug danab onig ele, nuhignu oo daye, ii epedia, laa onig iṭa ele amu nuhignu oo ii daye epedite, amubia ii heṭe. Iiṭa. Nug danab oh melemel laipupa ag kobol hepigpa epediadṭe.

¹² Danab oh ag do ii dooṭeb ele amu, ag oolagpanu laala ag hipunin heṭeb ele amu, ag am geha ag do ii doonna, padal meḱulag. Am danab oh ag do waapa daateb ele amu, ag oolagpanu laala ag hipunin heṭeb ele amu, geha Kayak Nug ag dopa epediateb, padal meḱulag. ¹³ Amu danab ag daulagpaib do am hamu bia dooṭeb ele amu, ag amu Kayak amegpa danab tutuḱu ii daateb. Iiṭa. Danab ag do dim lamidṭeb ele, danab amuib geha Kayak Nug ahilagnu, “Danab tutuḱu,” awa aku. ¹⁴ Iiṭa adi danab ag do ii dooṭeb amge laala ag aḱa ahilag dab makpa do kobol dim lamidṭeb, danab amu ag do laa iṭa amge aḱa ahilag dab mak amu aaku do ahilag bia daate. ¹⁵ Anam amunu ahilag kobol anampa donu udat Kayak Nug ag oolagpa yom amu aaku miag atite. Amu ag oolagpanu ulum nug ele do amu aaku yom daate miagib aṭe. Adinu? Ulum amu nug haen laala dab mak ahilag,

kobol ag heteb elepa epediatata, ag ehed heteb ipuanata amu haen laala kobol ag heteb ele amu, eledenab ipuanadte. ¹⁶ Amunu epediak ded ana udieb, Kayak Nug geha danab oh dilag kobol, ahilag dab mak lokumak daate ele amu Jesus Kristus nuhigpa, da Nai Ena mehuqtem bia, epediadku.

JUDA AMU KAYAK DONU NAI ELE

¹⁷ Amge ag aka ahilagnu amu atemu? Ag, "Ig Juda danab," anana, ag do tutukunab dim lamidna, enaib daaglagnu dab mena, ag aka Kayak binag menana, "Ig amu Kayaknu danab," anana, ¹⁸ ag Kayak oo daate amu ag doonna, ag do oh doopig amunu ag ib ena amu aakuib dim lamidkulagnu amu, ag amunu ele ena doona, ¹⁹ ag danab amelag gaduak ib ipuanadkulagnu, ag aka ahilagnu ag elele doona, ag danab gatatupa daateb dilag amahlak danab daateb dab mena amu ²⁰ ag, "Do nug ig doyak amu nai genabnu ele diig ipunigte," dab meteb amunu ag danab laa doyak iita ele dilagpa ipunitak hekulagnu elele doona, ag nid naunau ipunitak mataglagnu ele elele daateb dooteb ²¹ amunu ag adinu danab laa dilagpa ipunitak heteb amge ag aka ahilagpa ipunitak ii heteb? Amu ag danab laa keeke yab ii aomanu ipunitak heteb amunu adinu ag aka amu ag anamnab heteb? ²² Ag danab ag gapai kobol ii hemananu ateb amunu adinu ag aka gapai kobol heteb? Amu ag kayak ham bupuaknu oolag ii daate amunu adinu ag aka iita adi dilag kayak ham bupuak binag mak lakanu keeke yab aoteb? ²³ Amu ag aka binalag human ateb. "Ig Kayaknu do dootem," aon ateb amunu adinu ag aka do tipalteb? Ag kobol anampa ag Kayak onig heeg nauhte. ²⁴ Kayak naipa yak daate amubia ag heteb. Nai am inam. "Ag aka ahilag diig ehed, amupa iita adi danab ag Kayak onig dapidna, aon aon qedateb."

²⁵ Genab, ag do tutuku dim lamidteb dayeb amu gada otadak kobol amu keeke ena amge ag do tipalteb ele dayeb amu, gada otadak amu keeke hamu, ag danab gada ii otadpig bia aaku daateb. ²⁶ Amu danab ag gadalag ii otadpig ele, ag do kobol tutuku dim lamidteb dayeb, danab amu ag onilag danab gadalag otadpig ele bia aon daateb. ²⁷ Amu danab laa nug gada ii otadom amge nug do tutuku dim lamidte dayeb amu, ag Juda ag do nai yak ate bia gadalag otadpig amge ag do tipalteb dayeb amu, danab laa amu nug geha, "Ag ehed heteb," nai amupa ag yaaladku. ²⁸ Amu danab laa nug bedupaib Juda daate, nug amu Juda danab genab iita. Amu gada otadak kobol amu bedupanuib kobol iita. ²⁹ Iita. Danab nug Juda danabnab amu Nug Jesusnu oopa genab doye, Kayak Oudi Nug danab amu oo babaitom. Amuam gada otadak genab aaku. Oo babaitak amuam do yak niite amu dim lamitaknu keeke iita, Oudinuu keeke. Danab amu nug danab amelagpa nug binag iita amge Kayak amegpa nug binag ele.

3 Anam daate amunu ag Juda danab ag Juda daanna, ena dooglagnu ib laa elete? Ag gada otadak aona, keeke ena laa anidkulagnu elelete? ² Yo, ag Juda daanna, gada otadak aona, ehanitak diigdiig anidpig. Keeke anuqaknab amu inam, Kayak Nug nai nuhignab Juda ag atog nona dim lamidkulagnu matom. ³ Genab Juda danab laala ag nai amu ii dim lamidpig amge atemun? Kobol nau ahilag amu heeb, Kayak Nug nai genab nuhig amu uuqute? ⁴ Iitanab! Danab oh ag ham bupulob amge Kayak Nug nai ham bupuak ii matima. Iita, Nug genabib madite. Amu Kayak naipa nai laa Kayaknu daate amubia. Nai amuam inam. "Danab oh ag nai nuhig dooglag amu genabib dooglag. Amu laa ag

Nug hetodiakpa mepeg, hetodiak amu Nug edidku.”⁵ Amge kobol nau ihinig nug heeb, Kayaknu kobol ena miag atieb amu ațemu? Ig adi akunig? (Da danab ihinig dab mak amu dim lamite maditem.) Ig, “Kayak Nug ihinig ehed haknu nob nau mege amunu kobol nuhig amuam nau hete.” aot akunigte? ⁶ Iitanab! Kayak Nug danab dilag hipuninu nob nau ii mațalo amu Nug ațemnab danab oh dilag kobol epediadlo? ⁷ Danab laa nug inam akutai. “Amu ham bupuak dahilpa Kayaknu nai genab daate miag atite dayeb, Kayak Nug amupa onig nađinab aote ele dayeb amu, ađinunab Nug da epedilna, dahilnu, ‘Hipunin danab,’ anana, ehed hak dahilnu nob nau međaku? ⁸ Ađinu ig kobol ena beķunu amu ig kobol nau ii heķunig?” Laa nug anam akutai amge anam iitanab. Am elele iitanab amge danab laala ag nai nau amu yabdu menan, “Paulusnu nai ele anamib,” aon ațeb. Amu dimpa geha Kayak Nug danab amu nob nau tutuku ehed hak ahilagnu elelepaib madaķu.

DANAB LAA NUG NUKA DANAB TUTUKU II BEUM

⁹ Aria ațemnab? Ig Juda ig iita adi danab edadta, enaib daate mte? Iitanab! Ig matu amut, Juda, iita adi ele amu hipunin nug ig oh tonikom daatem. ¹⁰ Amu Kayak naipa, nai amunu daate am inam. “Danab laipu laa nug tutuku danab iinab daate. ¹¹ Danab laipu laa doyak elelenab ele iita. Amu danab laipu laa Kayak madikunu ii hete. ¹² Danab oh ag ib apididna wana amu ag oh ehed hak danab bepig. Danab laipu laa kobol tutuku ii hete, laa iitanab iita.” ¹³ “Amu ag odelagpanu nai nau, boomaknu mod ođepanu uđig nau ote amubia bete, ag lemađulagpa nai ham bupuak kuđum maditeb.” “Amu ag mat nau, danab emalateg mauhtebe ele bia,

odelagpa nai maditeb.” ¹⁴ “Haen oh ag nai nautud danab ug madaķunu amu maditeb.” ¹⁵ “Amu ag danab keked mațan aqaglagnu paha ețak hetebe. ¹⁶ Ag haen oh keeke kuđum heeg nauhegeg amu ug kuđum danab mațan, ¹⁷ ag danab laala ele mađođ daaglagnu ii dooteb” ¹⁸ “Ag Kayaknu enanag iinab doonna, nuhignu ag oolag ele nakok laa iinab otaite.” ¹⁹ Ag anam daateb amu ig danab laipu laa nug, “Da amu danab tutuku,” akunu elele iitanab daakunu, danab wan atu ohpanu ag Kayaknu epediak waapa daaglagnu, do nai nug adi ate amu nug danab oh dilagnu ate dootem. ²⁰ Do nai am danab oh dilag daate amge danab oh ag pehetak ii dim lamidtebe amunu do dim lamitak kobolpa amu danab laipu laa Kayak amegpa danab tutuku daakunu elele iitanab. Ađinu? Do nai am ig hipunin ihinig uhuqa megakunu keeke iita. Do nug he, ehed hak ihinig miag atite aakuib.

DANAB KRISTUSNU OOPA GENAB DOOTE AM DANAB TUTUKU

²¹ Amge gemu Kayak Nug he, ig Nug noobpa tutuku daagnignu ib laa, do nai amu propet dilag nai ele a ib amunu mehuqpid ele amu, ib amu miag atiom. Ib amuam ig do dim lamidta, Kayak noobpa tutuku daagnignu, ib amu iita. ²² Da ib laanu ațem amuam inam. Danab nug Jesus Kristusnu oopa genab doote amu, Kayak nuhignu, “Danab tutuku,” awa ațe. Ib amupa amu aun adi oh ag oolagpa genab dooteb ele amu, Kayak Nug ahilagnu, “Danab tutuku,” awa ațe. Danab laipu laa nug ib laapa tutuku beķunu ib laa ii daate. ²³ Ađinu? Ig danab oh ig hipunin hemut amunu ig Kayak Nug ihinignu ig ațem daagnignu dab meum amu ig amubia laa ii daatem. ²⁴ Amge Kayak Nug ehanitak okai hamu megaka, ig edua awika, Nug ihinignu, “Danab tutuku,” awa ațe. Ig danab, ig

amu keeke laapa ii daden memut, Kayak Nug nu_{ka} Kristus Jesus nuhig u_{dat}pa amu he_{te}. ²⁵Anu_{ka} Kayak Nug ehed haknu nob elele e_{dua} me_{tak} uua, danab dilag hipuninu nob nau paha ii ma_{tom} amunu Kayak Nug tutu_{ku}ib da_{ate}, Nug amu ipunig_{kunu} haaha, Nug he, Jesus, Nug ihinignu mauhe, tiig ne, danab oh ag nuhignu oolagpa genab doo_{te}b ele amu, ahilag hipunin uhu_{qa} madakunu tituanom. ²⁶Nug ig gemu da_{atem}, ig Kayak Nug am tutu_{ku}ib da_{ate} doo_{gn}ignu amu Nug anam heum. Nug ig anam doo_{gn}ignu amu Nug danab oh ag Jesusnu oolagpa genab doo_{te}b ele amu, Nug ahilagnu, “Danab tutu_{ku},” awa a_{te} ele ipunig_{kunu} Nug anam heum.

²⁷Anam da_{ate} amunu ig i_{ka} oninig humagnignu amu ib ade_{ku} da_{ate}? Ii_{ta}. Ib amu matu kel doum da_{ate}. Amu a_{di} keeke nug ib amu kel doum? Amu do dim lamit_{ak} kobolte? Ii_{tanab}! Oopa genab doyak, kobol amu ib amu a_{aku} kel doum da_{ate}. ²⁸Aria ig inam a_{tem}. “Danab nug oopa genabib doo_{te} ele amu, Kayak Nug nuhignu, ‘Danab tutu_{ku},’ awa a_{ku},” aot a_{tem}. “Amu danab nug do dim lamid_{te}, Kayak Nug nuhignu, ‘Danab tutu_{ku}’ ii ama,” aot a_{tem}. ²⁹Amu a_{temu}? Kayak Nug am Juda dilagib Kayakte? Ii_{ta}. Nug am ii_{ta} a_{di} dilag Kayak ele da_{ate}. ³⁰A_{di}nu? Kayak laipu_{ib} da_{ate}. Nug danab ga_{da} otad_{ak} ele amu nuhig oopa genab doyak, diig amunu, danab amunu, “Danab tutu_{ku},” awa a_{ku}. Amu danab nug ga_{da} ii otad_{ak} ele amu Nug danab amu ele, nuhig oopa genab doyak, diig amunu, danab amunu, “Danab tutu_{ku},” awa a_{ku}. ³¹Amunu ig oopa genab doyak amupa_{tai} do qe_{ut} neumte? Ii_{tanab}! Ig do a_{aku} qapamut da_{ate}.

ABRAHAMNU OOPA GENAB DOYOMNU NAI

4 Aria, Abraham nug am danab ig bia, nug amu ig mamenig amunu ig nuhignu a_{di} a_{kunig}? Nug a_{di} doyom? ²Abraham nug do dim lamit_{om} amupa nug danab tutu_{ku} beum dayeb amu nug nu_{ka} onig humakunu elele da_{aku} amge amupa nug Kayak onig ii humama. ³Kayak nai amunu a_{di} a_{te}? Inam a_{te}. Abraham nug Kayak nai aum amunu oopa genab doyom amunu Kayak Nug oopa genab doyak amu a_{nta}, “Nug am danab tutu_{ku},” aum.

⁴Ig doo_{tem}, danab nug u_{dat} ha, daden nob aote, nob amunu ig do hamu me_{tak} ii a_{tem}. Ii_{ta}. Keeke amuam ig u_{dat} haknu nob a_{aku} aote a_{tem}. ⁵Amge danab nug u_{dat} he_{kunu} ibpa danab tutu_{ku} be_{kunu} ii dab me_{te}, ii_{ta}, nug Kayaknu oopa genab doo_{te}, Kayak, Nug he ehed hak danab ag danab tutu_{ku} da_{ate}b amu, Nug danab amu nuhig oopa genab doyak a_{nta}, “Nug am danab tutu_{ku},” awa a_{te}. ⁶Dawit ele, nug danab Kayak danab amunu u_{dat} ii dab me_{te} amge Nug danab amunu, “Danab tutu_{ku},” a_{te}, danab amu nug iti_{tak} ena awom da_{ate} amunu anana, nug ele danab nug oopa genab doyak, ib amupa danab tutu_{ku} da_{akunu} aum. ⁷Nug inam aum. “Danab oh Kayak Nug ehed hak ahilag uhu_{qa} ma_{tom}, Nug hipunin ahilag tiigpa tonom ele amu, ag amu iti_{tak} ena aopig da_{ate}b. ⁸Nadi Nug danab laa, nuhig hipunin uhu_{qa} me_{te}b, danab amu nug iti_{tak} ena awom da_{ate}.”

⁹Amu danab ga_{dalag} otad_{ak} ele amu agib iti_{tak} amu aoglagte? Ii_{ta}, danab ga_{dalag} ii otad_{ak} ele ag ele iti_{tak} amu aoglag, ig matu amut amubia. Nai amuam inam. “Kayak Nug Abrahamnu oopa genab doyak a_{ntom} amunu, ‘Nug am danab tutu_{ku},’” aum. ¹⁰Amu Abraham nug a_{tem}nab dayeye Kayak nuhignu, “Danab tutu_{ku},” aum. Amu

nug gada otadom dimpatai o iita gada ii otadompatai? Nug gada ii otadom dayeye, Kayak nuhignu, “Danab tutuku,” aum. ¹¹ Nug gada ii otadom, haen amupa nug oopa genab doye, Kayak Nug nuhignu, “Danab tutuku,” awa anana amu Nug amunu eponak keeke daakunu amu Kayak nug gada otadkunu aum amunu Abraham nug am danab oh, ag gadalag ii otadpig daanna, Kayaknu oolagpa genab dooteb, Kayak ahilagnu, “Danab tutuku,” ate ele amu, nug ag mamelag anuqak daate. ¹² Amu ele, nug am danab gadalag otadak ele amu ele ag mamelag daate. Amu gada otadaknuib iita. Iita. Ag gadalag otadna, ag Abraham baeg dim lamidna, ag oolagpa genab dooteb amunu Abraham nug anuka gada ii otadom dayaya heum bia heteb.

KAYAK NAI QAKOM, AMUAM OOPA GENAB DOYAKNU NAI

¹³ Anuka Kayak Nug Abraham amu nug budupud ele Nug ag geha wan atu oh madakunu nai qaka aum. Nug nai nuhig amu qaka aum amge Abraham nug do dim lamitom amunu Kayak anam ii aum. Iita. Abraham nug oopa genab doye, Kayak nuhignu, “Danab tutuku,” awa anana, Nug nai nuhig amu qaka aum. ¹⁴ Amunu danab ag do dim lamidteb ele, agib keeke amu oh aoglagnu daalob amu oopa genab doyak kobol am hamu daalo amu Kayak Nug nai qaka aum ele, nai amuam bodo etak daalo. ¹⁵ Dopa keeke ena amu bekunu elele iita. Adinu? Do nug hipuninnu bu aqak, Kayak epegpanu udite amu, nug amu he bete amge do iita dayeb amu danab ag do tipalkulagnu am elele iita.

¹⁶ Amu Kayak Nug nai qaka, ig edua awigkunu aum amge ig amu hamu mauhnoak aognignu ii aum. Iita. Ig nuhignu oonigpa genab doota, ig aognignu aum. Ig do dim lamidta aognignu ii aum. Ig ib amupa aognignu diig

amu, ig Kayak Nug ehanitak okai hamu megte, kobol nuhig amupaib ig aognignu babaitom. Aria, ib amupa awaknu dayeb amu ig Abraham budub oh, laa ag Juda danab, laa ag nug oopa genab doyom amubia ag oolagpa genab doona, nug budub daateb ele amu, ig oh ib amupa Kayaknu keeke ena genabnab aognignu doognig. Adinu? Ib amuam danab oh tonadkunu elele daate. Anam daate amunu Abraham nug am ig oh ig mamenig daate, ¹⁷ Kayak naipa, nai inam daate bia. “Da na danab idu idu ohnu mamelag meidtem.” Abraham, nug Kayaknu oopa genab doyom amu, Kayak nuhignu, nug ig oh ig mamenig daate dab mete. Kayak Nugib danab mauhpig ele bauklele madate amu Nug keeke ii bepig ele, keeke bepig bia onilagpa ete.

¹⁸ Amu Kayak Nug Abraham nug nab beka laa menukunu a amu Abraham amu doya, nug oopa genab doyom. KEEK amu bekunu am ib iita amge Kayak Nug Abraham beka laa medakunu a, Abraham nug oopa genab doyom amunu nug aaku danab diig ohnu, Kayak aum bia, mamelag beum. Kayak Nug inam aum. “Geha na budun anam aaku beku,” awa aum. ¹⁹ Abraham nug doyom, nug mad nuhig 100 guguitak, nug bedu amu bodo etak amu Sara nug ele ah matoi amge Abraham nug amu doyaya, oopa genab doyak nuhig ii padom. Iita, nug oopa genab doyaya dayom. ²⁰ A anam daapid amge Kayak Nug keeke dimpa bekunu nai qaka aum amunu Abraham nug amunu oo adit ii daye, oopa genab doyak nuhig ii pade neum. Iita. Nug gagatag oopa genab doyaya, Kayak binag meum. ²¹ Nug doyom, Kayak Nug haen matu keeke hekunu nai qaka aum amu hekunu elele. ²² Kayak Nug Abrahamnu oopa genab doyak amu anta doyom, diig amunu nug nuhignu “Danab tutuku,” awa aum. ²³ Nai imu, “Kayak nuhignu amu, ‘Danab tutuku,’ awa aum,” nai

amuam Abrahamnuib ii daate. ²⁴Iiṭa. Ihinignu ele aaku aṭe. Ig Kayak, Nug he, Jesus, ihinig Naḍi, edua hibaitom ele amu, ig nuhignu oonigpa genab dooṭem amu Kayak Nug ihinig oopa genab doyaknu amu ele anṭa, ihinignu, “Ag am danab tutuku,” aṭe. Amunu nai amuam ig oh, ihinignu nai. ²⁵Kayak Nug Jesus me uḍia, ihinig ehed hak uhuqa megakunu mauhom. Kayak Nug ihinignu, “Danab tutuku,” akunu Nug he, Jesus edua hibaitom.

OOPA GENAB DOYAKNU DIIG AM KRISTUS

5 Aria ig oonigpa genab doout, Kayak Nug ihinignu, “Danab tutuku,” awa aum amunu ihinig Naḍi Jesus Kristus nuhigpa amu ig Kayak ele madod daatem. ²Ig oonigpa genab doout, Naḍi Jesus, nuhig uḍat okaipa, ig Kayaknu ehaniṭak okai hamu megte ele amu aot, gagatag daatem. Amu ig Nug ele hab aṭan enanagnab daagnignu ameg meta, ig oonig gamag ahaṭe. ³Ig amunuib oonig gamag ii ahaṭe. Iiṭa. Ug laa beḍunigpa uḍite amupa ele ig oonig gamag ahaṭe. Aḍinu? Ig dooṭem, ig ug dooput, ug amu ag ig oonig gagatag qedapeg, ig danab ug diigdiig maot oignignu elele bekunig. ⁴Amu ig anam beta hebuput ukeḅ amu ig danab nug ug mawak haenpa nug gagatagib dayaya maote amubia bekunig. Aria ig amubia ele beta hebuput ukeḅ amu ig oonig madod ele daata, keeke ena anidkunignu ameg meta daagnignu, amu ele elele bekunig. ⁵Ig anam hetata, ig gogpa ii tematanu badak laa ii dooṭem. Aḍinu? Kayak Nug nuhig Oudḍi ig meka, nuhigpa amu Kayak Nug nuhig oo mauhak ig oonigpa me am bete.

⁶Anteg! Anuka ig gagatag iita daamut, haen amupaib Kristus Nug ig danab, ig Kayak di metamut ele amu, ig edua awigkunu mauhom. ⁷Amu danab

laipu laa nug danab tutuku ehaniṭa, nuhignu mauhku amu iita bia amge ded laipu laipu danab laa nug oo gagatag qeṭa, danab ena laa ehaniṭa, nuhignu mauhkutai ⁸amge ig am hipunin danab daautut, Kristus Nug ihinignu mauhom, amupa Kayak Nug ihinignu oo mauhte amu Nug ig ipunigte.

⁹Kristus ig oonig mauha, Nug tiig gokadom amunu ig ib amupa danab tutuku bemut daatem. Aria ig nau daautut, Kristus ehaniṭom dayeb amu, gemu Nug ig opodi bak, Kayak Nug danab dilag hipuninu doote ele, Nug amupanu genabnab genab iite edua awigku? Yo, Nug edua awigku. ¹⁰Aḍinu? Anuka ig Kayaknu keked daautut, Nug Beḅa ihinignu mauha amu mauhak nuhig amupa Nug keked kobol he, iita me, gemu ig Kayak ele oonig laipu daatem. Amunu Nug Beḅa bau daate, diig amunu Nug genabnab genab geha opodi bak, Kayak Nug danab dilag hipuninu doote ele amu, Nug opodi bak amupanu edua awigku dooṭem ¹¹Amuib iita, ihinig Naḍi Jesus Kristus Nug he, ig Kayak ele tamanimut amunu uḍat nuhig amupa gemu ig Kayaknu oonig gamag ahaṭe.

ADAM JESUS ELE DILAH NAI

¹²Amu ig dooṭem, danab laipu laa hipunin heum amupa hipunin kobol oh wanpa daate. Hipuninu nob am mauhak amunu mauhak nug danab oh dilagpa uḍiom daate. Aḍinu? Danab oh ag hipunin aaku hepig daateḅ. ¹³Do nug ii beebe, hipunin nug tatam wanpa dayom amge do iita dayom amunu hipunin hedapignu do laa ii dayom, ag nob nau madaḅunu iita. ¹⁴Anam dayom amge mauhak am Adamnu haenpanu daye uke, Mosesnu haenpa ele dayom. Mauhak am danab oh tonatom. Amu danab laala ag Adam do tape neum bia ii hepig amge mauhak nug danab amu ele tonatom. Adam nug he, danab oh

ag mauhak waapa daateb, amubia laa uđiku nu dayom ele amu Nug uđia he, danab ah ag bauklel waapa daaglagnu elele daateb.

¹⁵ Amge Jesus Kristusnu uđatpa Kayak Nug danab dilagnu, “Danab tutuku,” ate amuam Adam nug hipunin ha, na qeum bia iita. Am inam. Ig Adam nug hipunin he, danab kuđum ag mauhak waapa daateb amunu genabnab doođem dayeb amu ig Kayak Nug Jesus Kristusnu uđatpa danab kuđum ehanitak okai hamu madađa, ahilagnu, “Danab tutuku,” ate amunu genabnab genab doog-nig. ¹⁶ Baula ele amu Kayak Nug Jesusnu uđatpa danab dilagnu, “Danab tutuku,” ate, amunu gog tak amu Adamnu hipunin nobnu gog tak eđidte. Ađinu? Hipunin laipuib hak dimpa amu danab oh ag epediak aon mauhaknu nai waapa daateb amge Kayak Nug danab dilag hipunin hak kuđum dimpa Nug Jesus Kristusnu uđatpa ahilagnu, “Danab tutuku,” a, ag danab tutuku beteb. ¹⁷ Amunu genab, ig danab laipunu hipuninpa mauhak aaku nađi ma dayaya, danab oh tapalate nođeb doođem amge ig genabnab genab Kayak Nug ehanitak okai hamu megte amupa aun ađi ag Kayaknu ehanitak okai hamu megte amu nuhig tutuku oiyak ele aona, ag bauklel daateb doođem.

¹⁸ Amunu danab laipu nug do tipalom, hipunin amupa danab oh padal mepig, amubia danab laipu laa Nug kobol tutuku he, Kayak Nug kobol amunu dab ma, ig danab ihinig ohnu, “Tutuku danab,” aum. ¹⁹ Danab laipu nug nai tape neum, kobol nuhig amupa danab oh hipunin danab daateb. Amubia danab laipu laa Nug nai dim lamitom, kobol nuhig ena amupa danab oh geha danab tutuku bekulag. ²⁰ Aria Kayak Nug danab do mate, danab ag hipunin tudidna, kuđum hepig amge hipunin okai meeme, Kayaknu ehanitak

okai hamu megte amu okainab meum ²¹ amunu hipunin nug he, danab oh mauhte amubia Kayaknu ehanitak okai hamu megte amuam he, ihinig Nađi Jesus Kristus, nuhigpa danab ag danab tutuku bena, bauklel aoteb.

HIPUNIN NUG KRISTEN AIB TONOM

6 Amunu ig adi nai akunig? “Ig hipunin kuđum hetata daaput, Kayak Nug ehanitak okai hamu mekad!” akunigte? ² Iitanab. Ađinu? Ig am danab mauhom, kobol nau, kobol ena laa ele ii hete, amubia ig kobol nau matu uumut. Amu ig ađem heta, gemu ig kobol uumut ele amu eđut baula hetat oignig? ³ Ag imu am iite dooteb? Ig Kristus Jesus ele tamanit, layatak aomut amu, kobol amupa ig ele mauhak nuhigpa laipu mauhmut bia daamut. ⁴ Amunu ig layatak aomut, amupa ig aaku Kristusnu mauhak amu ig ele laipu mauhut, Kayak Nug ig Kristus ele laipu boomikom daamut. Ig anam daamutnu diig am Mama Nug nuhig gagatag okai amupa he, Kristus eđua hibaitom amubia Nug heeb, ig ele oiyak bau aot oignignu elele daagnig.

⁵ Ig genab Nug ele laipu tamanit, Nug ele oh mauhta daamut dayeb amu genabnab ig Nug ele laipu tamanit, Nug eđua hibaitom bia, ig ele eđut hipaidkunig. ⁶ Amu ig doođem, hipuninnu gagatag ig bedunigpa uđat hete ele, amu qeeb, iita mekunu, ig hipuninnu begbeg baula daamtanu amu ig oonig eđue, layatak aot amu ihinig oo alag nug aaku mauhom, Jesus Nug ad emaitakpa mauhom bia. ⁷ Ig hipuninnu begbeg ii daamtanu diig am danab nug mauhte amu nug baula hipuninnu gagatag waapa ii daate.

⁸ Amu ig Kristus ele mauhmut dayeb amu ig geha Nug ele bauklel daagnignu amu ig oonigpa genab doođem. ⁹ Am ig doođem, Kristus Nug eđua hibaitom

amunu Nug baula ii mauhma. Mauhak nug Kristus aḁeb, Nug mauhak waapa daaḁunu elele iita. ¹⁰Jesus Nug haen laipuib ihinig hipunin uhuqa megakunu mauhom. Nug baula ii mauhma amge gemu Nug bau daate amu Nug Kayak oo niite amu dim lamidkunu bau dayaya dab mete.

¹¹Amubia ag aka aka ag hipuninnu gagatag waapa ii daateb amge ag Kristus Jesus, ihinig Nadi, nuhigpa ag Kayak oo niite amuib dim lamidkulagnu daateb, ag amu oh dab menan oiyeg! ¹²Ag anam oina, ag hipunin waapa, nug ag eedateb, ag beḁulagnu dab mak nau dim lamidkulagnu aib hepig. ¹³Ag epelag, baelag amu beḁulag oh ag hipunin hekulagnu Satan aib medapig. Iita. Ag aka ag danab mauhpig eḁun hipaidpig bia amu ag beḁulag oh kobol tutuku hekulagnu Kayak meteg! ¹⁴Hipunin am ahilag okai baula aib dayom. Adinu? Gemu ag do waapa ii daateb. Ag am Kayaknu ehaniḁak okai hamu megte amu waapa daateb.

KRISTEN NUG KOBOL TUTUKU WAAPA DAAKU

¹⁵Amunu ig aḁem hekunig? Ig do waapa baula ii daatem, ig Kayaknu ehaniḁak okai hamu megte waapa daatem amunu ig hipunin hekunig am enate? Iitanab iita! ¹⁶Am ag imu iite dooteb? Ag beḁulag danab laa metona, nuhig nai dim lamidna amu ag aaku nuhig begbeg daateb. Am ag ehed hak kobolnu begbeg daateb dayeb amu ag mauhak amupa aoglag, o iita ag Kayak ode dim lamidteb dayeb am ag danab tutuku daaglag. ¹⁷Ib adit amu oh daatep amge ig ahilagnu Kayak amegpa, “Ena heme,” aot aḁem. Adinu? Anuka ag hipuninnu begbeg daapig amge dimpa Kayak Nug ag nuhig nai waapa maate, ag Nug ode dim lamidna autna aoteb. ¹⁸Amu Kayak Nug ag ehed

hak kobol oopanu uhuqate, ag aaku tutuku kobolnu begbeg bepig daateb.

¹⁹Amu dab mak ahilag gagatagnab ii qeum amunu da danab ihinig kobol laapa imu ipuanadkulnu heinne aḁem. Anuka ag beḁulag laih oh dubutiḁ kobol amu do tape naknu kobol elenu begbeg maḁon amu ag do tape nak kuḁum baubau ele tudidna hekulagnu hepig amubia ag gemu ag beḁulag laih oh kobol tutukunu begbeg maadna amu ag opia awak danab beig! ²⁰Anuka ag hipuninnu begbeg daapig amu haen amupa ag kobol tutukunu begbeg iinab daapig. ²¹Amu ag kobol nau hepig, ag gemu kobol amunu uḁalag nete ele amu, kobol amupanu ag adi keeke ena aopig? Kobol amuam mauhakib he bete. ²²Amge Kayak Nug ag hipuninnu kobolpanu uhuqata, Nug ag nuhig begbeg maatom amunu ag nuhig keeke ena aonna, opia awak danab beteḁ. Ag anam beteḁnu gogtak amu ag bauklel hanhannu aoglag. ²³Hipuninnu nob am mauhak amge Kayak Nug ig bauklel, Jesus Kristus, ihinig Nadi, nuhigpa hamu mekom.

KOBOL BAUPA OIYAK

7 O lailad, ag do nai dooteb amunu ag do nug danab bau daate, haen amupa aakuib nug danab amu tonate ele dooteb. ²Ag amu anidkunignu amu da nai imu madipi dooglag. Ah laa nug danab awom amu gamu nug bau daate haenpa, ah nug aaku do ate bia, nug gamu eleib ewau daaglahnu daate. Amge gamu mauheb amu do amu ah amu geha ii toneb, nug aaku do amu waapa ii daama. ³Amu gamu nug bau dayebeb, wau nug uuita, danab laa aweb amu ag ah amunu amu, “Gapai ah,” aon akulag. Amge gamu mauhom dayeb, do amu nug baula ii tonate amunu nug danab baula aweb amu nug aaku gapai ah ii daama.

⁴ Amunu o lailad, gemu ag laa, Nug mauhowa, edua hibaitom ele amu, nuhig daaglagnu, ag ig ele oh ig Kayaknu kobol ena hekunignu, ag Kristusnu mauhakpa, danab laa mauha do waapa ii daate, amubia ag do waapa ii daateb. ⁵ Amu ig hipunin kobolpa daamut, haen amu do nug bedunignu dab mak nau mad ete ahe, hipunin hemut. Kobol amu bedunig laih naunau ohpa heeche amupa mauhak aaku beum. ⁶ Amge gemu ig danab laa nug mauha, do waapa baula ii daate, amubia ig do, nug ig tonike daamut ele amu, nug waapa ii daatem. Gemu ig do yaapig ele, amu waapa daata, amuib dim lamidkunignu udat ii hetem. Iita, ig am kobol bau, Kayak Oudi ihinigpa mad ete ahom ele amu, ig amu hetem.

HIPUNIN AMU DO ELE DILAH NAI

⁷ Amunu ig adi akunig? Ig, “Do amu hipunin ele a am keeke laipu,” akunigte? Iitanab! Amge genab, do nug da hipunin ii ipunidlo amu da adi kobol am hipunin ele amu, da ii doolom. Amu inam bia. Do ate, “Na aib danab laanu keeke amen qeum.” Do anam ii alo amu da ameg qak kobol am nau amu, da ii doolom. ⁸ Amge hipunin nug do amupa ameg qak kobol oh da oolpanu he beum. Amu do ii daate dayeb amu hipunin am bodo etak daate. ⁹ Anuka dahilpa do ii dayeye, haen amupa da bau daami. Amge dimpa Kayaknu do dahilpa udie, hipunin dahilpa ele udie, da mauhmi. ¹⁰ Kayak Nug tatam da bauklel aokulnu do medom amge da dopa bauklel ii aomi, do nug da iwe mauhmi. ¹¹ Adinu? Do udiom amupa hipunin nug ib ele dayaya, nug da hipunin hekulnu da bupuida, do he, da aaku hipunin hei amu Kayak Nug dahilnu, “Na mauhkut,” aum. ¹² Amunu ig dootem, do nuka am enanag, opia awak ele. Amu donu nai oh

ele am enanag, opia awak amu tutuku ele.

¹³ Aria, gemu amu atemu? Keeke ena amute da iwe mauhmi? Iitanab! Hipunin da iwe mauhmi. Amupa amu hipunin miag atie, nug keeke naunab daate, ig dootem. Hipunin nug keeke ena amu awa, udat amupa haaha, oide mauhmi amunu hipuninnu diig miag atite, nug am keeke naunab. ¹⁴ Ig dootem, Kayak Oudi Nug dopa amu Kayaknu dab mak ipunigte amge da ool alag ele amunu da Kayaknu dab mak ii dim lamidtem. Hipunin da hipalidom amunu da nuhig begbeg daatem. ¹⁵ Amu kobol da hetem ele, diig amuam da ii dootem. Kobol da amunu ool hete ele amu da ii hetem. Amge kobol da amunu oolpa nau, ninig ele dootem amu, da amu hetem. ¹⁶ Aria da kobol oh, da hekulnu ool iinab hete ele amu, da kobol amu hetem dayeb amu da dahil kobol amupa amu da, “Do am ena,” awe atem. ¹⁷ Amunu da gemu dootem, da daka kobol amu ii hetem. Iita! Hipunin da oolpa niite ele amu, nug kobol anam hete. ¹⁸ Amu da dootem, da oolpa am keeke ena laa iinab daate. Amuam da ool alagnu atem. Amu genab, da kobol ena hekulnu ool hete amge da hekulnu elele iita. ¹⁹ Amu kobol ena da hekulnu ool hete amu da ii hetem. Kobol nau, da hekulnu ool iinab hete ele amu, da amu aaku hetem. ²⁰ Amunu da kobol da ool iinab hete ele, da amu hetem dayeb amu da daka kobol amu ii hetem. Iita! Hipunin, da oolpa niite ele amu, nug aaku hete.

²¹ Anam amunu kobol inam da oolpa daate amu anidmi. Da kobol ena hekulnu ool hete amge kobol nau nug dahil ib kel dote. ²² Adinu? Da dahil dab mak unuqagpa amu da Kayaknu donu enanag dootem ²³ amge da do laa ele dahilpa daate anidtem. Do laa, amuam Kayaknu do, dab mak dahilpa daate amu do laa, amuam hipuninnu

do, dahilpa udat haaha daate ele amu, do adit amu a dahilpa daatep. A daaiya, ban heyaya, nau nug da hipalide, da danab nug mani guitakpa dayaya, nuhig dab mak dim lamidkunu elele iita, amubia da kobol ena dim lamidkulnu am elele iita. ²⁴⁻²⁵ Gadonnab! Da qagaitaknab daatem! Da daka dab mak dahilpa Kayaknu do waapa daatem amge ool alagpa amu da hipuninnu do waapa daatem. Aun nug da ehanideb, da baula hipuninnu do, nug he da mauhem ele amu, da nug waapa ii daapa? Amu da Kayak amegpa, “Ena heme,” awe aтем. Adinu? Jesus Kristus, ihinig Nadi, nuhigpa da uhuqak ena aomi daatem.

OIYAK LAA KAYAK OUDI NUG GUMATE

8 Amunu ig danab ah ig Kristus Jesus ele tamanimut daatem ele amu, ig hipuninnu nob nau aognignu ii daatem. ² Adinu? Da Kristus Jesus ele tamanida laipu daatem amunu Kayak Oudinu do, ig oh bauklel megte ele amu, Nug da hipuninnu do amu mauhak elepanu edua awide amu gemu da baula amu ele ii tamanitem. ³ Amu inam. Ig oonig alag nug donu gagatag lopadom amunu do nug heeb, ig ena bekunignu elele iitanab amge keeke do nug hekunu elele iita amu, keeke amu Kayak nuka heum. Kayak Nug nuka Nug Beka me udia, danab beum. Nug bedu am, ig hipunin danab ig bedunig bia tagitom amge Nug am hipunin laa iita. Nug ihinig hipunin uhuqa megakunu udie, Kayak Nug ig danab, ihinig hipuninnu nob Jesus nuhigpa me, ig baula hipuninnu gagatag waapa ii daatem. ⁴ Nug anam heeb, do nug tutuku oiyak kobol ipunigte amu ig laa, ig oonig alagnu kobolpa ii oitem, ig Kayak Oudinu kobolpa oitem ele amu, oiyak amu ihinigpa bekunu heum.

⁵ Danab ag bedu kobolpa oiteb, ag keeke alagnuib dab mak aoteb amge danab ag Kayak Oudinu kobolpa oiteb, ag am Kayak Oudinu kobol amunuib dab mak aoteb. ⁶ Danab nug oo alagnu keekenuib dab maama oiku, danab amu nug mauhku. Danab nug Kayak Oudinu keekenuib dab maama oiku, danab amu nug bauklel awa, madod daaku. ⁷ Anam daatenu diig amu danab nug oo alagnu keeke dab mete amu nug aaku Kayaknu keked daate. Adinu? Nug Kayaknu do waapa ii daate amu nug anam hekunu amu elele iita ⁸ amunu danab ag oolag alagpa oiteb ele, danab amu ag Kayak oo daate ele, kobol amu ag hekulagnu elele iita.

⁹ Amge ag Rom danab, ahilagnu amu Kayak Oudi Nug ahilagpa daate dayeb amu ag oo alagnu kobolpa ii daateb. Iita. Ag am Kayak Oudinu kobolpa daateb. Amu danab laa nug oopa Kristusnu Oudi iita, nug am Kristusnu danab iita. ¹⁰ Ag hipunin hepig amunu ag bedulag mauhte amge Kristus ag oolagpa daate dayeb amu ag oudilag bauklel daate. Adinu? Kayak Nug ahilagnu, “Danab tutuku,” aum. ¹¹ Kayak Nug he, Jesus edua hibaitom ele amu, Nug nuhig Oudi ag oolagpa daate dayeb amu, Kayak he, Jesus edua hibaitom ele, Nug geha ag bedulag mauhte ele amu bauklel, Oudi nuhig, ag oolagpa daate ele amu, nuhigpa ag madaku.

¹² Amunu o lailad, ig Jesus dim lamidkunignunab dootu! Ig oonig alag adi hekunignu ate, ig nug ode doot dim lamidkunignu aib dab memut. ¹³ Adinu? Ag bedunu kobol dim lamidkulag amu ag mauhkulag amge ag Kayak Oudinu gagatagpa bedunu kobol di metan, ii dim lamidkulag amu, ag bau daaglag.

¹⁴ Danab aun adi ag Kayak Oudi Nug ib tutuku ukaknu ipuanate, ag ib amu dim lamidteb ele amu, ag am Kayak bekod. ¹⁵ Ag Kayak Oudi aopig amu Nug

he, ag begbeg danab, ag ahilkad okai badadna oiṭeb, amubia ii oiṭeb. Iiṭa, ag Kayak Oudi aopig amu Nug he, ag Kayak bekod daateb. Kayak Oudi Nug he, ig “Mame, Mame” aot aṭem. ¹⁶ Kayak Oudi Nug ig am Kayak bekod daatem amu, Nug amu ipunigte. ¹⁷ Amu ig Kayak bekod daatem dayeb amu ig geha keeke Nug megakunu dab mete ele amu aognig. Laa ele amu Kayak Nug keeke Kristus medakunu dab mete amu ig Nug ele oh amu aognig. Yo, ig Kristus ug mawom, ug amu tudidta maognig amu dimpa ig Nug hab atan dayak enanag awom ele amu, ig amu ele aognig.

HAB ABPA DAYAK ENANU NAI

¹⁸ Ig gemu ug imu dootem amu dahil dab makpa keeke amuam dimpa ig keeke ena ena aognig amu ii edidte. Iiṭa. Keeke ena amu nug ug imu huana edidte! ¹⁹ Amunu keeke oh Kayak haṭom ele amu, keeke amu oh ig Kayak bekod, ig geha miag atiak bekunignu haen amu, ag amu ameg mena, ikilag human neegna daateb. ²⁰ Gemu am keeke oh ehed daanna nauhte. Keeke amu ag aka ahilag dab mak dim lamidna anam ii daateb. Iiṭa, Kayak Nug nuka nuhig doyak ena dim lamita, hipalaṭom daateb. Amge ag gog taknu keeke ena, Kayak madaṭunu aum amu, ag amu ameg mepig daateb. ²¹ Adinu? Kayak Nug geha keeke oh gemu ag nauhaknu hipalakpa daateb ele amu, Nug ag amupanu uhuqateb, keeke amu oh ag ig Kayak bekod, ig ele oh enanag beta daagnig.

²² Amu ig dootem, keeke oh Kayak haṭom ele, ag daanna, ah nid menukunu guitak doyaya aeqagte, ag amubia henan daaegeg udie, gemu ele anamib henana daateb ²³ amge Kayak keeke haṭom, keeke amu aakuib ag anam ii dooteb. Iiṭa. Ig Kayak Oudi aomut, Nug am

hanhan ena dayak awaknu hapin pania mekom daate, ig ele Kayak Nug heeb, ig beḍunig bau aot, ig Nug bekodnab daagnignu aeqakata, ameg meta daatem. ²⁴ Kayak Nug ig edua awikom amu, gemu ig amu gogpa tekunu, keeke ena amu ameg meṭem. Amge ig gogpa taknu keeke ameg meṭem ele amu, ig amu anidta malalom amu gogpa taknu ameg mak laa ii daalo. Danab nug gogpa tak antom ele, nug adinu baula gog taknu ameg ma daaku? ²⁵ Amge ig keeke ena amu aognignu genab dab meṭem dayeb amu ig madodpaib ameg meta daatem.

²⁶ Kayak Oudi Nug ele ig danab ig gagaṭag iita amu ehanigte. Ig adinu unuqidkunig amu ig ii dootem, ig oonigpaib gaatem, ig miag matulta ii aṭem amge Kayak Oudi Nug am ig ehanika, ihinignu Kayak unuqidte. ²⁷ Amu Kayak, Nug danab oo unuqagnab anidte ele, Nug nuhig Oudinu unuqitak amu doote. Adinu? Kayak Oudi Nug danab dilag unuqitak awa, Nug Kayak oo niite bia amunu unuqidte.

²⁸ Amu ig dootem, danab aun adi ag Kayaknu oolag mauhte, Kayak Nug nuhig dab mak dim lamita, Nug ag edua diikunu anana, Nug ag onilagpa eum ele amu, Kobol adi adi ahilagpa beteb amu ag beegeg, Kayak Nug danab amu gumata atog noate, ena beteb. ²⁹ Adinu? Danab Kayak Nug ag matu doyaṭom ele amu, ag Nug Beḱa daate bia daaglagnu, ag geha bekod kudumnab daapeg amu Kristus Nug am ahilag anuqak dayebeb daaglagnu tituanatōm daateb. ³⁰ Amu Nug danab anuka tituanatōm ele amu, Nug ag ele onilagpa eum. Nug danab onilagpa eum ele amu, Nug ahilagnu ele, “Danab tutuku,” awa aum. Nug danab laala, Nug ahilagnu, “Danab tutuku,” aum ele amu, Nug he, ag Nug Beḱa bianab beteb.

KAYAKNU OO MAUHAK

³¹ Amunu ig Kayak keeke heum ele, amu ohnu ig adi aot akunig? Ig inam aot akunig. “Kayak Nug ig ehanigte dayeb amu aun nug ig keked megaku?” aot akunig. ³² Nug Beka ig megakunu amu Nug amunu oo ii qe, Nug ig oh ehanigkunu me udiom. Nug anam heum amunu geha, keeke laa oh ele amu, Nug ig hamu iite megaku? Yo, Nug megaku. ³³ Kayak nug danab ah tituanatom amu aun laa nug ag hetodiakpa maadku? Auntai, laa iita. Adinu? Ag Jesusnu oolagpa genab dooteb amunu Kayak ahilagnu, “Ag am hipunin danab iita,” aum. ³⁴ Aun nug danab ah amu hipuninnu nob nau aoglagnu aku? Auntai, laa iita. Adinu? Jesus Kristus Nug nuka aakuib mauhowa, Nug edua hibaita, gemu Nug hab atan apa Kayak epeg nadiappa, amuam anuqak aben, amupa dayaya, ihinignu Kayak amegpa unuqidte. ³⁵ Ig Kristusnu oo mauhak oopa daatem amu aun nug amupanu matakika aoku? Ug laate, o iita keeke ig oonig ii hete ele amute, o iita guitak mekak amute, o iita enug haen amute, o iita keekenu tutu mak amute, o iita qagaitak haen amute, o iita mauhak amute nug Kristusnu oo mauhak oopanu matakika aokute? Iitanab. ³⁶ Ug amu oh, amuam Kayak naipa, nai laa daate bia. “Ig danab ah nahipad daatem amunu ded oh danab laala ag ig iqapeg mauhkunignu ib amu tapat gotem. Am genab, ag ihinignu, ig am keeke hamu, dod bia doonna, iqapeg mauhkunignu dab meteb” ³⁷ Amge keeke amu oh ig edigkulag nu am elele iita. Iita, Kristus Nug haen oh ihinignu oo huana mauhte amunu ig kobol nau amu oh edadtem. ³⁸ Amu da imu genab dootem. Ig Kristusnu oo mauhakpa daatem amunu aditai keeke laa iinab amupanu matakigma. Yo mauhak, o iita bau dayak, o iita en-

gel, o iita oudi nau, o iita gagatag laa, o iita gemu haen imu adi keeke bete, o iita buti keeke adi adi beku, ³⁹ o iita wan qadepanu keeke, o iita wan unuqagnu keeke, amu oh oolagpanu laipu laa nug ig Kayaknu oo mauhakpa daatem imu iinab matakigma. Genab keeke oh Kayak heum daateb ele, amu oolagpa keeke laipu laa nug Kayaknu oo mauhak, Nug Kristus Jesusnu mauhakpa amu ipunikom ele amu, keeke laa oo mauhak nuhig amu oopanu iinab matakigma.

KAYAK NUG TATAM ISRAEL TITUANATOM

9 Da Kristusnu danab dayeye, nai imu genabib maditem. Da ham ii bubutem. Ulum metaknu dab mak Kayak megte dahil amu, Kayak Oudi Nug amu gumeme, amupa ele da ham ii bubutem dootem. ² Nai amuam inam. Israel danab ag Jesus di medapig amunu da oolpa ug doyeye, haen oh ug naunab dootem. ³ Kayak Nug da lailad, ag am da ele tiinig laipu, Nug ag edua diikunu ool okai daate amunu ib laa elele daalo, Kristus da gedileb, da laih wain padal melom, ib amupa da Israel danab ah ag Kayak noobpa ena daaglagnu ehanadkulnu elele daalom amu da anam helom. Amge ib anam bia laa iita. ⁴ Ag am Kayaknu danab amu ag Nug bekod maatom daateb. Amu ag nuhig amahlak, nuhig gagatag ele anidpig daateb. Amu ag Nug ele nug tituananna, nai qagapig, nuhig do ele aona, binag metak kobol doyeg amu Nug ag ehanadkunu nai qaka matia maatom. ⁵ Kayaknu danab anukanu amu, ag am Israel danab memetalkadnab. Amu Kristus ele amu, Nug danab daakunu, Nug Israel budulagpa doum. Nug am keeke oh dilag iki daate. Nug am Kayak genab, ig Nug binag hanhan metu! Genab.

⁶ Israel ag amu oh aopig, Kayak Nug ele ag nuhikudnab daaglagnu aum

amunu ig adi akunig? Ig, “Kayak nai nug gai iita meum,” akunigte? Iitanab. Adinu? Danab oh ag Israel budub bepig ele, ag oh am genab Israel danab ii daateb. ⁷ Ele amu laa oh ag Abraham tiigpan dopig ele amu, Kayak Nug ag ahilag ohnu nai ii qakom amunu danab oh ag Abraham tiigpan dopig, ag oh am nug bekodnab ii daateb. Adinu? Anuka Kayak Abraham amegpa inam aum. “Na budunnab am Isak budubpaib beku,” awa aum. ⁸ Nai amuam inam ipunigte. Aun adi ag wan imupan kobolpa Abraham budub bepig daateb ele amu, ag amunu Kayak bekod ii daateb. Iita, laa ag Kayak Nug nai nuhig qaqa aum, ag amunu oolagpa genab dooteb ele amu, ag am Kayak bekod, Abraham budubnab daateb. ⁹ Kayak Nug nai nuhig qaqa aum am inam. “Haen da memipa, da geha da edue udien hepi, Sara nug elele daya, nid danab nahip menuku.”

¹⁰ Amuib iita. Rebeka bekod adit, a mamelah laipu Isak, ig mamenig, nug nab oopanu ¹¹ amge Kayak Nug danab tituanadte, Nug tituanak amu danabnu udat dab medata ii hete, Nug nukā nuhig doyak dim lamiṭa hete ele amu, Nug amu miag atiak daakunu amu haen a anilah nid adit amu ii menuatom amunu a kobol ena, kobol ehed laa ii hepid ele, haen ¹² amupa Kayak Rebeka amegpa aum. “Nid tatamnu am nid gehanu waapa daaku,” awa aum. ¹³ Kayak naipa yak amunu inam daate. “Da Jakopnu ool huana mauhte amge Esaunu amu da ool ii hete.” ¹⁴ Amunu ig adi akunig? Ig, “Kayak Nug kobol tutuku ii heum,” akunigte? Iitanab. ¹⁵ Adinu? Nug Moses amegpa aum. “Da danab laanu oo gai iita dookulnu ool heeb amu da anam hekul. Amu da danab laanu oo doyak dookulnu ool heeb amu da nuhignu anam hekul,” awa aum. ¹⁶ Amunu keeke amuam danab laa nuhig dab makpanu keeke iita, udat ena hete

amupa ele iita. Amuam Kayak Nug oo gai iita doyak kobol nuhig, Nug amupa hete. ¹⁷ Amu Kayak nug Paro amegpa adi aum amu, nai amuam Kayak naipa inam daate. “Da dahil gagatag nahippa danab oh ipuanadkulnu, ag geha da onil wan atu ohpa mehuqkulagnu, da na king meiti, na okai aaku daatem.” ¹⁸ Amunu ig dootem, Kayak Nug danab laipu laa nuhignu oo gai iita dookunu oo hete amu Nug aaku anamib hete, o iita Nug danab laipu laa oo ituak medakunu oo hete amu Nug aaku hete.

¹⁹ Amunu laa nug da amelpa inam aku. “Anam dayeb amu adinu Kayak Nug danab laa, nug bedupa nai yaate? Aun nug Kayaknu dab mak qeeb nekunu elele?” ²⁰ Amge danab na amu adi, na Kayaknu nai nob mekutnu elelete? Wan hinai nug danab nug hete ele amu, nug amegpa, “Na adinu inam heidtem?” od medatete? ²¹ Danab wan hinai hete ele amu, nug wan lekoh idu laipupa hinai adit, laa bala enanagnab, udat ena haknu amu laa bala iita, udat mauhnoak haknu hatkunu dab maama, nuhig dab mak dim lamiṭa hekunu elele iitate?

²² Amu inam bia. Danab ag ehed heegeg, Kayak Nug opodi bak, Nug danab dilag hipuninnu doote ele amu, Nug opodi bak amu, nuhig gagatag ele miag atikunu dab mete amge Nug anam paha ii hete, Nug danab amu ag nob nau aoglagnu elelenab daateb amge Nug ahilagnu amu madodpaib amelag meum daate dayeb amu Nug ehed laa hetete? Iita. Kayak Nug tatam ag nob nau aoglagnu daateb antom. ²³ O iita Nug nuhig amahlak, bala ele danab nuhikud, Nug danab amu dilagnu Nug oo gai iita doote ele amu, Nug nuhig amahlak amu bala ele heeb anidna oo daye hete dayeb amu Nug aaku ehed laa hetete? Iita. Nug danab amu anuka Nug ele daaglagnu tituanatom amu ²⁴ danab amuam ig danab ig Jesusnu oonigpa

genab dootem. Nug ig Juda danab amu iita adi danab ele ig anam hekunignu oninigpa eum. ²⁵ Amuam Kayak naipa, nai laa Hosia yom, nai amu daate amubianab. Nai amuam inam. “Danab dahiladnab ii daateb ele, geha da ahilagnu ele, ‘Dahilad danab,’ akul. Danab da ahilagnu ool ii mauhom ele, da ahilagnu ele geha ool mauhku. ²⁶ Ahilagnu amu da, ‘Ag am danab dahilad iita,’ ami amu ag aben amu doopigpanab amu geha da ahilagnu, ‘Ag am Kayak bauklel bekod,’ awe akul.” Hosia nug Kayak ode anam awa yom.

²⁷ Aria Jesaia nug Israel dilagnu Kayak naipa inam yom daate. “Israel danab ag yu ihipa, abud daate bia, eb qak ahilag anam daaglagtai amge Kayak Nug geha eb qak honapib edua diiku. ²⁸ Adinu? Geha Nadi Nug epediak heeb, iita meeb, wanpanu danab paha nob madaqu,” awa aum. ²⁹ Haen matu laa Jesaia amunu inam aum. “Kayak Nadi Nug budunkad laala ii uuateb daalob amu ig Sodom bia beta amu Gomora bia daalom.” Nug anam yom.

ISRAEL AG OOLAGPA GENAB II DOOPIG

³⁰ Amunu ig inam aot akunig. Iita adi danab ag Kayaknu tutuku oiyak kobol aoglagnu udat ii hepig amge ag tutuku oiyak amu aopig. Kayaknu tutuku oiyak, amu awaknu ib am oopa genab doyak. ³¹ Amu Israel ag am do tutukuib dim lamidna, tutuku oiyak aoglagnu hepig amge ag do kobol elelenab ii hepig amunu ag tutuku oiyak ii aopig. ³² Adinu ag ii aopig? Ag oolagpa genab doyak uupig amunu ag ii aopig. Ag am udatib henana aoglagnu dab mepig. Amu men baelag yaaladte ele amu, men amu ag baelag yaalate nena qepig. ³³ Kayak naipa, nai amunu inam daate. “Anteg! Sion apa da men laa, danab baelkad yaaladkunu epami daate. Men

amu danab baelag yaalateb, nena qekulag ele amu, da epami daate amge danab laa ag nuhignu oolagpa genab dooglag, ag geha uda nak iinab aomna,” awa ate.

KAYAK NUG DANAB AH OH EDUA DIIKUNU OO DAATE

10 O lailad, Kayak Nug danab dahilad, Israel, ag edua diikunu ool unuqag ele doyeye, da hanhan amunu Kayak unuqidtem. ² Da Juda ahilagnu doye aute aotem amunu miag iiku atem. Ag am Kayaknu kobol dim lamidkulagnu amu ag oolag okainab daate amge ag doyak ena iita ele amu heteb. ³ Amu ag Kayak, Nug kobol tutuku dim lamita, ihinignu, “Danab tutuku,” akunu heum ele amu, ag amunu ootot aqe daanna, ag aka ag oolagpanu kobol laapa tutuku daaglagnu amuib heteb. Amu ag Kayaknu ibpa tutuku bekulagnu, Nug ahilagnu, “Danab tutuku,” akunu amu ag uupig. ⁴ Juda ag anam heteb amge Kristusnu udat okaipa, ig oonigpa genab dootem ele amu, ig ib amupa danab tutuku bemut daatem. Ig dopa tutuku bekunignu ii hetem. Udat amu Kristusnu udat okaipa aaku iita meum amunu danab oh ag Kristusnu oolagpa genab dooteb aakuib Kayak Nug ahilagnu amu, “Danab tutuku,” awa ate.

⁵ Moses nug danab ag do kobol dim lamiteg, Kayak ahilagnu, “Danab tutuku,” akunu dab meteb ele amu, nug ahilagnu inam yom. “Danab laa nug kobol imu oh heku, nug amupa bauklel daaku.” ⁶⁻⁷ Amge danab nug oopa genab doyak ibpa danab tutuku bekonu, nug udat ha aokunu ii dab memanu amu, nai amunu Kayak naipa, nai daate am inam. “Na ootpa, ‘Aun nug hab atan teku?’ aon aib ame. (Amuam nug ta, Jesus omala nekunu ate.) O iita “Na, ‘Aun nug mauhak abenpa noku?’ aon aib ame.” (Amuam nug noa, Jesus omala bekonu ate.) ⁸ Nai amuam inam ipu-

nigte. Nai laa, nai amuam danab ag oopa genab doyak ibpa danab tutuku bekulagnu nai, ig nai amu mehuqtem ele amu, nai amuam na qata nidade, nai amu na odenpa amu na ootpa ele daate. ⁹Nai amuam inam. Na Jesus Nug am Nadi akut, na Kayak Nug mauhakpanu he edua hibaitom ootpa genab dookut amu geha Kayak na edua awiteb, ena daakut. ¹⁰Amunu diig amu ig oonigpa genab doout am Kayak Nug ihinignu, “Danab tutuku,” awa ate. Ig odenigpa ihinig oopa genab doyak amu miag aut, Kayak Nug ig edua awigte. ¹¹Kayak naipa, nai laa kobol amunu daate am inam. “Danab laa nug Kayaknu oopa genab dooku amu nug geha uda ii nema,” awa ate. ¹²Nai amuam Juda amu iita adi ele ag am pide pide daateb ii ipunigte. Iita! Kayak laipuib, Nug am danab oh dilag Nadi daate, amunu danab aun adi ag Nug onigpa eteb ele amu Nug ag ititak madaate. ¹³Kayak naipa, nai laa daate bia. Nai amuam inam. “Danab oh ag Nadi Nug edua diikunu onigpa ekulag, geha Nug ag edua diiku,” awa ate.

¹⁴Amge laa ag nuhignu oolagpa genab ii dooteb ele amu, ag atem hena, onigpa ekulag? Amu laa ag nuhignu nai ii doopig ele amu, ag atem hena, ag oolagpa genab dooglag? Amu laa nug ag amelagpa ii mehuqeb amu ag atem hena dooglag? ¹⁵Amu laa ag mehuqak danab laa ii otialadkulag amu ag atem hena, nai mehuqkulag? Kayak naipa, nai daate bia. “Danab ag madodnu Nai Ena aon goateb, ag am kobol ena dim lamidna heteb!” awa ate.

¹⁶Amge Juda danab oh ag Nai Ena imu aon, ii dim lamidpig. Propet Jesaia nug amunu inam aum. “Nadi, aun adi ag nai ihinig doona amu ag oolagpa genab doopig?” ¹⁷Amunu oopa genab doyaknu diig amu nai doyak, amu nai amunu diig amu Jesus Kristusnu nai. ¹⁸Amge da od metem. Israel danab amu ag Jesusnu nai

iitai doopig? Yo, Kayak nai ate amubia ag doopig. Nai amuam inam. “Ag baalag oqoti amu wan ohpa uka malom. Nai ahilag amu uka, atu batakpa waum.” ¹⁹Da baula od metem. Israel danab ag nai amunu oolag iitai maitom? Moses nug od mak amunu nob ma, nug tatam Kayak ode awa, Kayak naipa inam yom daate. Nai amuam inam. “Geha da danab laala, ag Israel ag ele laipu iita, da ag diipi, ag Israel ag amunu oolag aeg beeb amu ag kobol ena, da danab amu dilagpa hepi amu ag amelag qeku. Geha da danab diig laa, ag doyak iita ele, da ag diipi amu ag Israel amu ag danab amu dilag opodilag beku.” Nug anam yom. ²⁰Anamib Jesaia nug ele oo ii bade, Nug Kayak ode awa, Kayak naipa keeke amunu nai yom daate. Nai amuam inam. “Danab laa ag da anidkulagnu udat ii hepig ele, ag am da anidpig. Danab laa ag dahilnu danab laala ii od madapig ele amu, da ahilagpa miag atiak tule bemi.” ²¹Amge Israel dilagnu amu nug Kayak ode awa, Kayak naipa inam yom. “Haen elabnab da danab ag nai tapaeg ne, da di medateb ele amu, ag onilagpa emi.”

ISRAEL AMEG LAA KAYAKNU OOPA GENAB DOOPIG

11 Amunu da od metem. Kayak Nug danab nuhikud gedatomte? Iitanab iita! Da ele am Israel ted. Da amu Abraham budub amu Benyamin budubpanu domi daatem. ²Kayak Nug anuka danab tituanata, doyatom ele, Nug ag ii gedatom. Amu Eliasnu kaya Kayak naipa daate amu ag amu iitai dooteb? Elias nug unuqitakpa Israel danab naipa maata, Nug Kayak unuqita inam aum. ³“Nadi, danab amu ag nahip propet oh aqaeg mauheg amu ag qadab nahip ele lopadpig. Da daka amu bau iiku daaiyi, ag da iupeg mauhkulnu matidteb.” ⁴Nug anam a amu Kayak Nug nai nuhig atem nob meum? Kayak

aum. “Da danab dahilad 7,000, ag ham bupuak kayak onig Bal amu nug binag ii mepig ele amu, da ag adualati, ag dahilad daateb,” awa aum. ⁵Amu bianab aaku haen imupa ele Juda oolagpan eb qak ameg laa Kayak Nug ag ehanitak okai hamu madata tituanadte. ⁶Amu Kayak Nug danab amu ehanitak okai hamu madata tituanatom dayeb amu Nug ag udat hepig amupa ii diiom. Ag udat hepig amunu Kayak Nug diiom daalo amu Kayak Nug ehanitak okai hamu metakpa danab diitenu kobol amu keeke hamu daalo, ehanitak okai hamu metak kobol amuam meu iita daalo. ⁷⁻⁸Amunu ig adi akunig? Israel danab kudum ag Kayak noobpa danab tutuku daaglagnu, keeke amu aoglagnu udat okai hepig amu ag ii aopig. Amge laa, Kayak Nug tituanatom ele amu, ag tutuku dayak amu aopig. Laa oh ag Kayak naipa, nai daate amubia ag oolag ituak ele daapig. Nai amuam inam. “Kayak he, ag oolag amu dab mak ahilag ele niyak bia daapig. Nug he, ag amelag neekaknu elele iita daaegeg, daulag ele nai dooglagnu elele iita daapig. Ag anamib daaeg udie, gemu ele anamib daateb.” ⁹Amu Dawit ele ahilagnu yom daate. Nai amuam inam. “Ag hobul henana amu ag dod pelempa tena qakak daateb amubia hobul ahilagpa dayeg! Ag nena qeig! Ag nob nau aweg! ¹⁰Ag amelag gatatu manateg, ag neegkulagnu elele iita dayeg! Amu na hepe, ag hahan ug ahilag maon, gomelag topieb oiyeg!” Dawit anam yom.

¹¹Aria nai anam daate amunu da baula od metem. Ag ehednab nena qepig, amupanu ag edun ii hipaidmanate? Iitanab! Ag ib ena apididpig, amupa Kayak Nug danab laa, iita adi, Israel ag anidna oolag aeg bekunu diiom. ¹²Amu ag ib apididpig amupa Kayak Nug wanpanu danab oh dilagpa ehanatak okai hete. Ag Kayaknu

Kobol ena uupig amupa Kayak Nug iita adi dilagpa kobol enanag hete. Anam amunu Israel ag edun Kayak topa dokulag haenpa amu geha danab amu oh ag enanagnab daaglag.

KAYAK NUG IITA ADI EDUA DIIOM

¹³Imu am da iita adi ahilagnu atem. Kayak Nug da Kristus onig awe, ag oolagpa udat hekulnu meide udimi amunu da udat imunu amu da nug binag metem. ¹⁴Da amu hetemnu diig am da kobol amupa da Juda danab, ag da ele budub laipu amu, ag iita adi ag gemu Kayaknu kobol enanag aoteb anidna, ag oolag aeg beeb, kobol amupa Juda danab oolagpanu laala ag Kayak baekudpa daaglagnu dokulagtai. ¹⁵Am genab, Israel dilag na qakpa wan atu ohpan danab ag Kayak ele laipu daaglagnu elele daateb amunu dimpa Israel ag oolag edueb, Kayak Nug ag edua diieb, keeke enanagnab beku. Amuam mauhakpanu edua hibaitak. ¹⁶Bret maha nakok laa tatamnu Kayak medapeg, amu nuhig daate dayeb amu bret kunum oh am Kayaknu ele daate. Ad didi laa Kayaknu daate dayeb amu ad epekud oh amu Kayaknu ele daateb, amubia gemu Juda laipu laipu ag oolagpa genab doona, Kayaknu danab daateb amunu ag oh anamib daaglag.

¹⁷Kayak Nug danab laa, nug ad laa olip ateb, amu epekud laala otakatowa, abenlagpa olip dakud epekud diia tudite bau daateb, amubia Kayak Nug he, ag iita adi ag gemu ena bau daateb. Ag iita adi ag gemu amu ag am olip dakud epekud bia, gemu amu ag gagatag amu kobol ena ele Kayaknu aoteb, epekud didipa keeke ena aoteb bia. ¹⁸Amge ag epekud otakatak, hamu daateb ele, ag amu dilag nai aib ehed apig. Ag nai ehed amananu amu ag dab mena autna aweg! Ag didi ii gumateb. Iita. Didi ag gumadte. Ag am epekudib daateb. ¹⁹Amge

ag inam akulag. “Kayak Nug epekud otakatom ele amu, Nug ag abenlagpa ig awika tuditom,” aon akulag. ²⁰ Genab! Epekud otakatak amu ag oolagpa genab ii doopig amunu Nug ag otakatom. Ag iita adi ag Kristen bepig daateb ele amu, ag am oolagpa genab dooteb amunu ag aaku ena daateb amge ag dab mena autna aweg! Ag aib hibguita hepig. Iita, ag dab meig! ²¹ Adinu? Anuka Kayak Nug olipnab epekud otakate, abenlagpa ii daapig amubia ag, ag am olip dakud bia amu, ag oopa genab doyak uupeg, Nug ag ele otakateb, ag daatebpa ii daaglag.

²² Anam amunu ag Kayaknu oo bodo etak kobol amu nuhig gagaṭag hak kobol ele ag anteg! Danab ag nuhig kobol di medapig ele amu, Nug gagaṭag kobol nuhig ag ipuanadte amge ag iita adi ag gemu nuhig oo bodo etak kobol anidteb. Amu ag oo bodo etak kobol nuhig amu oopa daapeg amu Nug ena hadku amge ag anam ii daapeg am Nug ag otakateb, hamu daaglag. ²³ Ele amu epekud laa ag oopa genab doyak edun aopeg amu Kayak Nug edua tuditeb, ag ele ad epekud aaku daaglag. Kayak Nug edua tuditeb daaglagnu elele. ²⁴ Doyeg! Ag iita adi ag anuka amu ag olip dakud epekud daaegeg, Kayak Nug olip ad amupanu ag otakata diia, olip ad ena amupa tuditom. Ad amuam ahilagnab iita. Juda ag am olip ad ena epekudnab bia amunu Kayak Nug ag diia, edua tuditeb daaglagnu elelenab daate.

KAYAK NUG ISRAEL ELE EDUA DIIKU

²⁵ O lailad, ag aka ahilagnu dab mena, “Ig doyak binanig ele okainab,” aon amananu da ag nai anuka tonak dayom amu da geha iiku miag atiak madikulnu hetem ele amu, ag amunu ootot ii aqamanu ool daate. Da anam dootem amunu da nai anuka tonak dayom ele imu ahilagpa diig matule maditem. Amu

inam. Israel danab laala oolag ituom ele, kobol amu ahilagpa dayebeb ukeb, iita adi ag wapeg, eb qak melemel elele aoku. ²⁶ Kobol anampa Kayak Nug Israel edua diiku. Amu Kayak naipa, Kayaknu nai laa daate bia. Nai anuam inam. “Ehanitak laa Sionnu udia, Kayak ode tape nak kobol Jakop topanu amu Nug aoku. ²⁷ Da matu ag ele nug tituanta, nai qakamut ele amu, haen da hipunin ahilag oh uhuqen matoya, haen amupa da tituanak amunu udat dahil aaku hein malakul.”

²⁸ Juda ag Jesusnu Nai Ena doon uuna, ag Kayaknu keked daateb amunu iita adi ag ehanitak aoteb amge Kayak Nug anuka Juda ag tituanata, Nug ag alalkad dilag dab maama, ahilagnu oo mauhak ele doote. ²⁹ Adinu? Kayak Nug danab tituana, do metak kobol ha, onigpa eum ele amu, Nug nuhig dab mak dimpa amunu ii baolite. ³⁰ Anuka ag iita adi ag Kayak ode tapaeg neum amge gemu Israel ag Kayak ode tapaeg nete amunu Kayak Nug ag iita adi, ahilagnu oo gai iita doye daateb ³¹ amubia Kayak Nug Israel dilagnu oo gai iita dookunu, Nug ag iita adi, ahilagnu anam oo gai iita doynom bia, Israel ag nuhig nai tapaeg nete. ³² Anam daateb, amunu diig amunu Kayak Nug geha danab ah oh dilag oo gai iita dookunu dab maama, Nug danab oh ahilag nai tape nak kobol, amunu hipalatom daateb.

KAYAK BINAG HUMAKNU NAI

³³ Genab! Kayaknu dab mak doyak ele amu am bak unuqagnab daatep. Ig danab ig dab mak nuhig oh diig matit anidkunignu elele iitanab. Amu ig ib oh Nug dim lamidte ele amu, ig elelenab doognignu elelele iita. ³⁴ Amuam Kayak naipa, nai laa daate amubia. Nai amuam inam. “Aun laa nug Nadinu dab mak antom? Aun laa nug Nadi dab mak medakunu elele? ³⁵ Aun laa nug

tatam keeke Nadi meteb amu Nug edua keeke nob medaku?" ³⁶ Iitanab! Nug nuka aakuib keeke oh diig daate. Nug nuka aakuib keeke ohnu Mamelag daate. Keeke oh am nuhignuib daateb. Amunu ig hanhan Nug binag metu! Genab.

KAYAKNU UDAT HAKNU NAI

12 Amunu o lailad, da Kayaknu oo gai iita doyak kobol dab mein, ag ag bedulag, ahilag dab mak, ag oolag amu ag bedulag laa oh ele aon, danab ag dod main Kayak medateb amubia, ag ag bedulag, ahilag dab mak, ag oolag amu ag bedulag laa oh ele, nuhig udat hekunu Kayak metaglagnu unuqadtem. Ag bedulag, ahilag dab mak, ag oolag amu ag bedulag laa oh ele opia awak, Kayak oo niite bia ele Nug meteg! Kayak Nug ahilagnu keeke okainab ha malom amunu ag bedulag, ahilag dab mak, ag oolag amu ag bedulag laa oh ele ag edun, Nug metaglagnu am keeke okaite? Iita. ² Danab laa ag wan imupan kobolnuib guatak oiteb amubia aib oipig. Iita! Kayak Nug heeb, ahilag dab mak ena bau beeb, ag oiyak baupa oiyeg! Ag anam hena amu ag Kayak, Nug ag adi hekulagnu dab mete amu ag dooglag. Ag amu doona amu ag Kayak Nug adi haknu ena doote, adi haknu enanag doote, adi haknu elelenab doote amu ag amu ele dooglag.

³ Kayak Nug da ehanitak okai hamu medom amu da amupa ag anen anen amelagpa atem. Ag aka anen anen ahilagnu amu laa oh edatak, ag enanag daateb aib doopig. Iita, Kayak Nug oopa genab doyak ahilag ag anen anen mate, ag udat hetebe ele amu, ag amu dab menan, ag aka anen anen ag ahilagnu dab mak tutuku aon oiyeg! ⁴ Ig danab ig oh anen anen amu ig bedunig pide pide. Aria ig bedunig pide pide amu ag am laih kudum amu laih kudum amu ag ahilag udat ele laipu iita daateb. ⁵ Amu-

bia ig oh Kristus ele tamanidta laipu daatem, ig danab nug bedu laih kudum amge bedu amu laipu daate, amubia ig am kudum amge laipu daatem. Bedu laipu oopanu laih naunau ag nug ehanidnana daateb, amubia Kristen tamaniak nug ele anam daate. ⁶ Kayak Nug ig anen anen udat laala hekunignu ehah mekom amunu danab laa nug nai mehuqte amu nug oopa genab doyak nuhig dim lamiita, nai mehuqad! ⁷ Aria danab laa nug laikud laa ehanadte amu nug laikud laa ehanatak udat genab had! Danab laa nug laikud keeke ipuanadte amu nug ipuanatak udat tutuku had! ⁸ Danab nug laikud, dab mak ahilag mad adate amu nug dab mak mad etak udat tutuku had! Amu danab laa nug layag keeke medate amu nug keeke hapiak metad! Danab laa nug gumak udat hete amu nug udat amu gumakunu oo ahak enapa gumad! Danab laa nug layagnu oo gai iita doya ehanidte amu nug oo gamag ahak okai enapa ehanitad!

LAYAGNU NUG OO MAUHAKNU KOBOLNAB

⁹ Ag lailkad dilag genab huana oolag mauhad! Ag aib ham bupuak bia hep-ig. Ag kobol nau oh di matana amu ag kobol ena amuib adan autna aweg! ¹⁰ Amu ag lailkad oolag matan, ahilagnu oolag mauhad! Ag oh nug binag metak elelenab heig! ¹¹ Amu ag aib bahilag yom. Ag hanhan udat gagatag heig! Ag anam hebepeg amu Kayak Oudi ag mad ateb, Nadinu udat hekulagnu oolag meteg! ¹² Amu ag Nadi ehanadkunu ameg meteb ele amu, ag amunu dab menan daanna, ag oolag gamag ahad! Ug laa ahilagpa udieb amu ag gagatag dayeg! Amu ag hanhan unuqiteg! ¹³ Kayaknu danab laa ag keekenu tutu daapeg amu ag ehanateg! Danab laihnu, ag ii doyardtebe ele amu, ag udipeg,

ag diin atog noadk_ulagnu dab menan heig!

¹⁴ Danab laa ag ahilagpa ehed hepeg amu ag Kayak Nug danab amu ehanata, kobol ena ahilagpa hekunu unuqiteg! Ag aib Nug nob nau madakunu unuqidpig.

¹⁵ Danab ag oolag gamag aheb, ag ele oh oolag gamag ahad! Danab gaapeg, ag ele oh gayeg! ¹⁶ Amu ag aka ahilagnu dab meteb amubia amu ag lailkad dilag dab mena anam heig! Ag aka ag am binalag ele amu, ag anam aib dab mepig. Iita. Amu ag danab binag okai iita ele oh oiyeg! Ag aka ahilagib dab mena, “Da daka iiku doyak ena ele,” aib apig.

¹⁷ Amu laa ag ahilagpa ehed laa hepeg, ag aib nob mena, amu dilagpa ehed hepig. Ag danab oh amelagpa kobol enapa oiglagnu dab mak aweg! ¹⁸ Madod dayaknu amu ag adi adi hena, madod ba daakunu daate amu ag amu henana, laa dilag ele madod daaglagnu ib daate ele amu ib amu dim lamiteg! ¹⁹ O lailadnab, laa ag ahilagpa ehed hepeg amu ag nob aib mepig. Uueg, Kayak nuk_a heeb, ag hipuninnu bu aqak, Kayak epegpanu u_dite amu, ag amu aoglag. Amuam Kayak naipa, nai daate amubia. “Nob edua maknu amu dahil udat. Da daka geha nob nau madakul.” Nadi Nug anam ate. ²⁰ Amge Kayak Nug udat amu hekunu Kayak naipa, nai daate ag amubia hek_ulag. Nai amuam inam. “Keked nahip enug qeeb amu na e mete! Amu baag qada eteb, lenu heeb, na le mete! Na anam hepe amu geha nug kobol nau nuhig amunu u_da neku,” awa ate. ²¹ Aria na aib hepe, kobol ehed na tonitom. Na kobol tutuku henana amu na kobol nau qepe nad!

WAN TOLIAK WAAPA DAYAKNU NAI

13 Wannu toliak udat amu nuk_a ii beum. Iita. Wannu toliak udat oh

amu Kayak nuk_a meum amu danab ag udat amu heteb ele amu, Kayak Nug ag maate heteb amunu danab oh ag ag waalagpa dayeg! ² Amunu danab ag wannu toliaknu do tapaeg nete amu ag Kayaknu kobol ele aaku tapaeg nete. Amu danab ag kobol anam heteb amu ag geha ahilag hak nau amunu nob nau aoglag. ³ Adinu? Wannu toliak danab ag danab kobol tutuku heteb ele ag ag badadk_ulagnu ii daateb amge ag danab kobol tutuku ii heteb ele, ag badaglagnu daateb. Amunu ag wannu toliak nug ii badidk_ulagnu dayeb amu ag kobol tutukuib heig! Ag anam hena, ag wannu toliak, nuhigpa binalag aoglag. ⁴ Ag binalag aoglagnu diig am danab wannu toliak udat hete ele amu, Nug ele am Kayaknu udat danab, ag ehanateb ena daaglagnu daate. Amge ag kobol tutuku ii henana amu ag badaglag. Ag dooteb, nuhig gagatag amu keeke hamu iita. Udat amu Kayak Nug metom amunu danab ag kobol tutuku ii hepeg, nob nau madakunu daate. ⁵ Amunu ig wannu toliak waapa daatun! Ig nob nau awaknuib badata, nug waapa ii daamta. Iita. Ig tutuku oiyaknu ulum, Kayak Nug amu ig oonigpa meum ele amu, dab mak amu ig anam hek_unignu ele ipunigte amunu, diig amunu ele ig wannu toliak waapa daatu!

⁶ Laa ele amu wannu toliak danab ag ele Kayaknu udat danab daateb, ag udat amu ena gokunu dab medteb ele amu, diig amunu ele ag ag takis madateb. ⁷ Aria ag keeke idu idu wannu toliak mataglagnu daate amu ag mataglag. Wannu toliaknu takis awaknu danab amu ag amunu men dodo aoglagnu dayeb amu ag mateg! Ag danab laa waapa daan doon amu ag aaku nug waapa dayeg! Amu ag danab laanu oolag metan amu ag oolag nug aaku meteg!

DO TUTUKU DIM LAMITAKNU MEU AM OO MAUHAK

⁸ Ag danab laanu keeke edua metaknu aona amu ag edun metaglagnu haen anidna, ag aib uupeg, hamu dayom. Laipuib, ag laa dilagnu oo mauhak kobol amu ag hepeg, iita mekunu elele iita amunu ag amu hekulagnu haen oh dab meteg! Adinu? Aun nug kobol anam dim lamidte amu nug do oh amu elele medte. ⁹ Do imu oh, “Na gapai kobol aib heme; na danab dug aib ome; na yab aib heme; na layapnu keeke amen aib qeum,” do amu, amu do laala ele daateb, amu oh dilag iki tamaniak do okai laipu daate amu inam. “Na naka nahipnu oot mauhte, amubia na laipad dilag oot mauhad!” ¹⁰ Danab nug layagnu oo mauhte amu nug layagnu ehed laa ii hete amunu danab laa nug layagnu oo mauhte, nug amu do laa oh ele tutuku dim lamidte.

¹¹ Laa ele amu ag haen gemu ig daatem ele imu ag dooteb, gemu am ag niiak uuna ahaglagnu haen daate. Amu ag dooteb, anuka ig baibunab oopa genab doyak aomut amu Kayak ig edua awigkunu haen uma dayom bia amge gemu am haen amu nakok gukuikak doum daate. ¹² Tuqan iita mekunu heeche, wagdak bekunu miagnab daate amunu ig gatatunu kobol oh di madatta amu ig amahlaknu bannu bala aot bedunigpa metu! ¹³ Amu ig danab nug amunpa tutuku kobolpa oite bia oitu! Ig aib godak, qid ena iita hetata amu ig kaaka qaknu le gagatag nau ele lamut. Ig aib gapai kobol hetata amu dubutid kobol laala ele hemut. Ig aib nug aidtata amu laa dilag keekenu amenig ele qeum. ¹⁴ Ag amu oh aib hepig. Ag Nadi Jesus Kristus ele ou qena, nuhig kobol ele aon oiye! Am ag bedulagnu dab mak nau dim lamidkulagnu aib dab mepig.

KRISTEN AG LAILKAD II EPEDIADMANA

14 Aria, danab laa nug oopa genab doyak nuhig gagatag iita dayeb amu ag nug aon tamaniak ahilag oopa omalna noig amge ag aib dab mak laala ele nug ele nai apeg on apeg doum. ² Danab laa nuhig oopa genab doyak am gagatag ele nug e oh lanana, Kayak noobpa ena daate doote. Amu danab laa nug oopa genab doyak nuhig gagatag iita ele amu, nug Kayak noobpa ena daakunu nug dod tepu ii lamanu doote amunu nug dod tepu ii late. ³ Danab nug e oh late ele nug danab dod tepu ii late ele, nuhignu aib dab mak nau awom. Amu danab dod tepu ii late ele nug danab e oh late ele nuhignu, “Am hipunin hete,” anam aib dab meum. Iita. Kayak Nug danab amu ele am tituanom daate. ⁴ Na am danab aun amunu na danab laanu udat nidnu nai ehed nuhignu atem? Am nahip keeke iita, nug am Kayaknu udat danab. Nug udat nuhigpa gagatag hipaidkutai o iita nuhig udatpa na qekutai, amu oh am nuhig gumak danabnuib keeke daate amge nug geha gagatag hipaidku. Adinu? Nadi Nug nuka gagatag qeteb amu nug gagatag daaku.

⁵ Aria danab laa nug ded laipunu, amuam ded gunnab, ded laala edatak, doote. Amu danab laa nug ded oh am idu laipu anam doote. Amu ag anen anen ag kobol amunu amu ag ahilag dab makpa adi hekulagnu ag doon autna aweg! ⁶ Amu danab laa nug ded laanu gun doote, danab amu nug Nadinu dab maama anam dab mete. Amu danab laa nug e oh late, nug Kayaknu, “Ena ha medom,” anana late amunu nug ele Nadi dab maama anam hete. Aria danab laa nug e oh ii late, nug ele Nadinu dab maama, tepu laa lamanu gun mete amupa nug ele am Kayaknu, “Ena ha

medom,” awa aṭe. ⁷ Amu ig dooṭem, oonigpanu danab laipu laa nug bau dayak nuhignu amu nuḱa nuhig keekeib iṭa. Danab laipu laa nug mauhak nuhig amu nuḱa nuhig keekeib iṭa. ⁸ Amunu ig bau daaṭem dayeb amu, keeke amuam Naḱinu keeke. Ig mauḥtem dayeb amu, keeke amu ele am Naḱinu keeke amunu ig bau daagnigte, o iṭa mauḥkunigte, amu oh am keeke oḱai iṭa, ig am Naḱinuib daaṭem.

⁹ Kristus Nug danab ag mauhpig, danab ag bau daaṭeb ele, amu oh dilag Naḱi daaḱunu, diig amununab mauhowa, eḁua hibaiṭom. ¹⁰ Ig oh geha Kayaknu heṭoḁiak abenpa daagnig amunu na aḁinu layap epeḁitem? Aḁinu na layapnu keeke hamu bia dooṭem? ¹¹ Kayak naipa ig oh nuhig heṭoḁiakpa daagnignu nai daate am inam. “Naḱi aṭe. ‘Da genab bauklel daaṭem amubia geha danab oh ag genab gatelag qaun ona, da binal meḱulag. Amu danab oh ag dahilnu, “Nug am Kayak genab,” aon aḱulag.”” ¹² Amunu ig oh anen anen geha kobol oh heṭem elenu diig amu Kayak amegpa aḱunig.

¹³ Amunu ig lainḱad laa dilag kobol naunu amu ig ii epeḁiadmata. Iṭa. Ig lainig laa hipuninpa na qemanu dab meta, keeke laa ig heṭu na qeḱunu ii hematana dab metat oitu! ¹⁴ Amu da am Naḱi Jesusnu danab amu Nug da ipunida auta awe, da e laipu laa nug nuḱa Kayak amegpa am ehed iṭa dooṭem. Amge danab nug nuḱa keeke aṭen laa amunu nug ehed ele dooṭe, nuhigpa aaḱuib ehed daate dooṭem. ¹⁵ Aria laa nug keeke laa laḱunu ehed dooṭe dayeb amge na e amu laṭem amu kobol nahip amupa na hepe, na layap nug oopa guiṭak dooḱu amunu na dooḱut, kobol amupa na layapnu oot ii mauḥte. Amu Kristus Nug na layap amu eḁua aokunu mauhom amunu na nahip e lanak kobolpa nuhig oopa

genab doyak aib hepe nauhom. ¹⁶ Amu ag keeke laalanu ena dooṭeb ele amu, ag lapeg, danab laala anam ii dooṭeb ele, ag amunu nai nau laa amananu ag dab meig! ¹⁷ Aḁinu? E lanak amu le lanaknu kobol ele a Kayaknu do maḁoḁnu diig iṭa. Kayaknu do maḁoḁ diig amu tutuḱu oiyak kobol, maḁoḁ kobol amu oo gamag ahak kobol ele. Keeke amu oh am Kayak Oudi Nug he beṭe. ¹⁸ Danab laa nug Kayak waapa dayaya, kobol amu dim lamidṭe ele amu, geha Kayak Nug kobol nuhignu oo enanag dayeb eb amu danab ag ele nuhignu amu danab ena dooglag.

¹⁹ Amunu ig kobol laala, ig kobol amu dim lamitutum, danab laa ele maḁoḁ daaṭem amu, kobol laala ig kobol amu dim lamidṭata, ig lainḱad dilag oopa genab doyak gagatag qeḁtem ele amu, ig kobol amuib dim lamidṭa heḱunig. ²⁰ Ag aib e lanaknuib dab mena, Kayaknu uḁat hepeg nauhom. Am genab, keeke oh am lanaknu ena amge na keeke laa lae, amu he, danab laa nug oo eedak doya, na qeṭe dayeb amu na aaḱu kobol elele ii heṭem. ²¹ Amu kobol elele haknu am inam. Na doḁ tepu lape, na layap nug na aniṭa na qeḱu dayeb amu na aib doḁ tepu lame. Amu wainnu ele anam dayeb amu na aib lame o keeke laa ele anam dayeb amu na aib heme.

²² Na Kayak noobpa e lanaknu aḁi ootpa genab dooṭem amu na amu heḱutnu elele amge danab oh nahip dab mak dim lamidḱulag nu aib heme. Danab laa nug keeke laanu ena dab meṭe, dab mak nuhig keeke amunu ii heṭodidṭe amu nug oo gamag ahak ele daate. ²³ Amge danab laa nug keeke laipunu oo aḁit dayeye laṭe amu nuhigpa am hipunin. Aḁinu? Nug oopa genab ii doyaya late. Keeke oh danab ag oolagpa genab ii doona heṭeb, amuam hipunin.

KRISTUSNU DAB MAK DIM LAMITAKNU NAI

15 Danab ig onigpa genab gagatag dootem ele, ihinig udat am danab ag oolagpa genab gagatag ii dooteb ele ag ehanadkunignu daate. Ag aka ahilag ug maoglagnu elele iita amunu ig ehanadta, ug ahilag maotu! Amu ig ika, ig adi hekunignu oonig daate amu, ig ihinig dab mak amuib aib dim lamidta oimut. ²Ig anen anen ig lainkad ag ena bekulagnu ehanadput, ag ge ha gagatag aoglag. ³Adinu? Kristus ele, Kayak naipa, nai nuhignu daate, Nug nuka nuhig dab mak ii dim lamidtom. Nai amuam inam. “Danab ag Kayak nahipnu nai nau ateb, ahilag nai nau amu da tonidte.” ⁴Danab ag Kayak nai yaapig amu ig nai amupa ulum aognignu amu ig nai amu eb qetata, ig gagatag amu ehanitak ele aotem amu ig amu aot gogpa tekunignu dab mekunignu amu ag anuka keeke oh Kayak naipa daate amu yaapig. ⁵⁻⁶Amu ig Kayak, Nug am oo madod ele dayak amu gagatag dayak elenu diig amu Nug ag ehanateb, ag Kristus Jesus tutuku dim lamidna, ag dab mak laipu adan oinna, ag oolag laipu daanna, odelag oh ob, ag Kayak, Nug am ihinig Nadi Jesus Kristus Mameg, Nug binag mekulagnu oonig daate.

⁷Ag anam daaglagnu am ena amunu Kristus Nug Kayak binag medakunu dab maama, Nug ag diiom bia ag oh ag lailkad diipeg, oolag laipupa dayeg! ⁸Da inam atem. Kristus, Nug Kayaknu nai eledenab medakunu, Kayak Nug ig alankad amelagpa nai qaqa aum, nai amu ele meu miag atikunu, Kristus Nug Juda dilag begbeg danab beum. ⁹Nug diig adit amupa heum amu iita adi ag Kayaknu oo gai iita doyak kobol anidna, Nug binag mekulagnu ele heum. Kayak naipa, nai amunu inam daate. “Diig amunu da ge ha iita adi dilagpa na onin

mehuqkul. Da ge ha ahi eten, na onin humakul.” ¹⁰Kayak naipa, nai laa am inam. “Iita adi ag amu danab Kayak tituanatom ele, ag oh oo gamag ahak doyeg!” awa ate. ¹¹Aria Kayak naipa, nai laa ele am inam. “Iita adi ag oh Kayak binag meig! Danab oh ag Nug binag meig!” awa ate. ¹²Amu Kayak naipa Jesaia nug ele nai laa inam yom. “Genab, Jesi buqubpanu danab laa ba dayaya, Nug ge ha iita adi dilag gumita danab daaku. Nug beeb amu iita adi ag ge ha nuhignu oolagpa genab doon, nuhigpa ehanitak aoglagnu oolag madod ele ameg mekulag.” ¹³Amu ag Kayak, Nug am madod doya gagatag dayaknu dab mak diig amu, ag nuhignu oolagpa genab dooteb, amupa Nug heeb, ag oolagpa oo gamag ahak okai amu madod ele nadi dayed! Ag anam doon daanna amu Kayak Oudi gagatagpa ag buti adi hab atannu keeke aoglagnu madod ele ameg mena daaglag.

PAULUS NUG IITA ADI DILAG UDAT HEUM

¹⁴O lailad, da daka am da ag haen oh kobol ena heteb, ag doyak ena okainab aopig amu ag lailkad laala dab mak ena mataglagnu elele daateb amu da amu ohnu oolpa genab dootem. ¹⁵Amge da nai laala ahilagnu nakok gagatag yaaladmi amu da nai amupa dab mak ahilag mad edakulnu dab memi. Adinu? Kayak Nug da ehanitak okai hamu meda he, ¹⁶da iita adi ag oolagpa udat hekulnu Kristus Jesusnu udat danab bemi. Da hepi, iita adi ag Kayak Nug oo daate amubia daaglagnu, Kayak Oudi Nug heeb, ag opia awak danab bena daapeg, da ag diie, Kayak medakulnu mana metak danab bia bein, Kayaknu Nai Ena mehuqtem.

¹⁷Amunu da Kristus Jesus ele tamanida daadda, da dayeye, udat heinne, da Kayak udat hetemnu amu da

ool gamag ahakunu elele. ¹⁸⁻¹⁹ Da keeke laalanu amu ii madipa. Iiṭa. Da keeke laipunuib madikul. Amuam Kristus Nug dahil naipa, dahil udatpa ele Nug he, da eponak keeke danab hekunu elele iṭa diigdiig hei, danab ag amunu gagatag anidpig amupa amu Kayak Oudi nuhig gagatagpa ele Nug iṭa adi omalate, Kayak topa doeg, ag nuhig nai dim lamidkulagnu heum amu da amunuib madikulun heṭem. Nug anam ehanidom amunu da Jerusalem apa dig mein, Kristusnu Nai Ena mehuqeqe, aben ohpa ele oii uke uke, Ilirikam abpa batami. ²⁰ Da udat amu heinne amu da danab laa ag tatam tamaniak buueg beum daate amupa nai mehuqkunu ool ii daate. Iita, da aben laalapa Kristus onig ii doopig ele, ahilagpa Nai Ena madikulun amu da ool okainab daate. ²¹ Amge amuam Kayak naipa, nai daate amubia. Nai amuam inam. “Danab ag nuhignu aeg ii doopig ele ag geha Nug anidkulag. Amu danab ag nuhig nai ii doopig ele ag geha doon autna aoglag.”

PAULUS ROM ANTOWA SPEN GOKUNU DAB MEUM

²² Da udat amu heinne daami amunu da ag Rom daateb, da ahilagpa gokulun dab meiyi, haen kudum udat amu da okulidom.

²³ Amge gemu amu da laih ipa amu udat hein malami. Amu da matu ami, da mad kudum ahilagpa gokulun dab metami ²⁴ amu da geha wan laa onig Spen apa gokulun dab metem amunu da apa ugeke, da tatam ag anatoya gokul. Da ag ele apa nakok daat, ool meeb amu ag da ehanidpeg, Spen gokul. ²⁵ Amge geha iiku amu da Kayaknu danab Jerusalem daateb amu ag ehanadkulnu gotem. ²⁶ Adinu? Makedonia Grik danab ele ag Kayaknu danab Jerusalem daateb ag keekenu tutu men daateb amu, ag ehanadkulagnu keeke nakok laa qag

maadna, ag mepeg gokunu maidpig. ²⁷ Am genab ag oolag ena daye, aka ahilag dab makpa anam hepig amge ag Jerusalem dilagnu keeke nob edua metak bia hekulag. Adinu? Kristusnu nai nug Juda ahilagpanu aha, iṭa adi dilagpa ukom amunu iṭa adi ag bedunignu keeke, amupa Juda danab keeke nob edun mataglag am ena. ²⁸ Amunu da udat amu hepi gog tekunu gotem. Da keeke ena amu Jerusalem danab da epelpanab matoya amu da geha Spen gokulun ugeke, ag ele anatoya gokul. ²⁹ Da dootem, geha Kristusnu ititak ena dahilpa naḍi dayeb, ag gumate wakul.

³⁰ O lailad, da ag ihinig Naḍi Jesus Kristusnu, amu Kayak Oudinu oo mauhak, ihinignu doote, amu ele dab mebepeg, ag da ele oh dahilnu Kayak unuqidkunignu ool daye, od madatem. ³¹ Amu ag Kayak da ehanida, Juda laala ag oolagpa genab ii dooteb ele amu, Nug da ag epelagpanu edua awidkunu unuqiteg! Ag Kayak Nug heeb, danab nuhikud Jerusalem daateb ele amu, da udat ag ehanadkunu hekulnu heṭem imu amu ag amunu oolag hekunu unuqiteg! ³² Anam dayeb amu Kayak Nug ele oo dayeb amu da ool gamag ahak ele ahilagpa wain, ag ele haen tutu laa daat, hik aokul. ³³ Kayak, Nug am madod diig, Nug ag oh ele daaglagnu ool daate. Genab.

PAULUS NUG DANAB AH KUDUM HUMITAK NAI MATOM

16 Ig apinanig Pibi, nug ahilagpa goku amunu nug ukebeb, ag otaimananu da nug onig iiku diien, ag ipuanadtem. Nug nuhig udatpa amu Senkria kristen tamaniak ehanidte. ² Nug ag ele oh ag Jesusnu oolagpa genab dooteb amunu ig Kayaknu danab, ig laa nug bia ehanidkunignu dootem, amubia ag nug aon ehanidkulagnu od madatem. Nug keeke laanu oo

ug dayeb amu ag ehaniteg! Ađinu? Nug danab kuđum laa ehanatom amu da ele ehanidom.

³ Amu Prisila Akwila ele, Kristus Jesusnu uđatpa ig kadoi laipu amu, ag dahil humitak nai a mateg! ⁴ A da mauhanpanu amu a mauhak ib odepanab oiiya ehanidpid. Da a amelahpa, “Ena hepid,” awe aтем amge da dađa anam ii heтем. Iiđa! Iiđa ađi dilag kristen tamaniak oh ele ag anam dooteb. ⁵ Amu humitak dahil kristen tamaniak a laulahpa qag meteb amu ele mateg! Amu ag humitak dahil Epinitas, da layalnab, nug ele meteg! Nug tatam Asia wanpanu danab oh ag oolagpanu Kayak baegpan danab beum. ⁶ Amu ag humitak dahil Maria meteg! Nug uđat nadi ag ehanadkunu heum. ⁷ Amu ag humitak dahil Andronaikas Junias ele mateg! A am da ele ig oh Juda danab amu ig haen laipu oh mani guitakpa daamut. Totol danab ag danab ađit amu ag a doyatna autna aoteb. Amu da Kayak baegpan danab ii bein daaiyi, a tatam Kristen bepid. ⁸ Amu ag humitak dahil Amplietas meteg! Nug am Nađinu kobolpa dahil layamnab. ⁹ Ag humitak dahil Eban meteg! Nug am Kristusnu uđatpa ehanitak ihinig laa. Amu humitak dahil Stekis ele meteg! Nug am da layalnab. ¹⁰ Amu ag humitak dahil Apelis meteg! Nug am Kristus genab dim lamidkunu amu onig ele. Amu ag humitak dahil danab Aristobulas laugpanu ele mateg! ¹¹ Ag humitak dahil Herodion meteg! Nug am da ele i Juda danab. Amu ag humitak dahil Nasisas laugpanu danab laala ag Jesusnu oolagpa genab dooteb ele amu, ag mateg! ¹² Ag humitak dahil Traipina amu Traiposa ele mateg! A Nađinu uđatpa wagai metep. Ag humitak dahil Pesis meteg! Nug am da layalnab. Nug Nađinu uđat okainab heum. ¹³ Amu ag humitak dahil Rupus meteg! Nug Nadi dim lamidkunu amu danab enanag. Nug anig ele nug han-

han dahilnu ele da anil bia hete amu, nug ele humitak dahil meteg! ¹⁴ Amu ag humitak dahil Asinkritas, Pligon, Hemis, Patobas, Hemas amu ag lailkad ag ele oh daateb amu, ag ele humitak dahil mateg! ¹⁵ Ag humitak dahil Pilolaga Julia, Nerasias, nug apinag, amu Olimp as ele, amu Kayaknu danab oh ag ele daateb, amu oh ele mateg! ¹⁶ Ag Kayaknu danab dilag kobolpa ag oh lailkad ele anen anen humateg! Kristusnu tamaniak oh ag ahilag humitak ag madateb.

BATAKNU NAI

¹⁷ O lailad, da ag danab laala tamaniak kabolinna, nai ag aopig, amu tapaeg nete ele, ahilagnu dab mena autna aoglagnu, dab mak ahilkad mad edatem. Danab amu ag kobol ehed amupa ag danab hateg, nena qeteb amunu ag danab amu dilagnu awaidna, dekadnana dayeg! ¹⁸ Danab amu ag ihinig Nadi Kristusnu uđat ii heteb. Iiđa, ag am bedulagnu dab mak nau amuib dim lamidteb. Amu nai nau itag ele amupa ag danab kobol nau ii dooteb ele amu, ag bupualadteb. ¹⁹ Ag Rom danab ag Kayak ode dim lamidteb ele, nai amu danab oh ag doon malapig daateb amunu da ahilagnu am ool gamag ahađe amge da ag kobol enanu doona autna aona amu kobol tutuku iitanu amu dab ii melobnu ool okai daate.

DANAB LAALA AG ROM DILAG HUMITAK NAI MEEG UKOM

²⁰ Haen elab iđa Kayak, Nug am madod diig amu, Nug geha Satan tapeb na, ag baelag waapa daaku. Nadi Jesusnu ehanitak okai hamu megte ele amu ahilagpa dayad! ²¹ Dahil uđat laipu Timotius, nug ele ag humadte. Lusias, Jeson amu Sosipata ele, ag da ele ig oh am Juda danab amu, ag ele ag humadteb. ²² Aria, da amu Tetias, da Paulus ode awe, nai imu ahilagnu

yaami amu, da Kristus onigpa ag humadtem. ²³ Amu Gaias, da nug laugpa daaiyi, nug da atog noidte, kristen tamaniak nug laugpa ele qag meṭeb amu, nug ele ag humadte. Amu Erastas, nug am ab imunu men doḍo gumak danab amu ig lainig Kwotas ele a ele ag humadte. ²⁴ [Ihinig Naḍi Jesus Kristus nuhig ehanitak okai hamu meṭak amu ahilagpa dayad! Genab.]

KAYAKNU BINAG MAKNU NAI

²⁵ Ig Kayak binag metu! Nug da Jesus Kristusnu Nai Ena mehuqtem bia

amu nai loḱumak anuḱanu dayom, nai amu ate amubia ele Kayak Nug ag ahilag oopa genab doyakpa gagaṭag daaglagnu ehanadḱunu elele daate. ²⁶ Nai loḱumak dayom ele amuam genab loḱumak dayom amge gemu propet dilag yakpa, nai amu aaku miag atiom. Amu Kayak Nug a, ig danab idu idu oh, ag oolagpa genab dooglagnu, ag Nug ode dim lamidḱulagnu nai amu mehuqtem. ²⁷ Kayak, Nug nuḱa doyak ele amu, Nug hanhan Jesus Kristus nuhig uḍatpa hanhan binag awad! Genab.

KORINT DILAG NAI 1 PAULUS YOM

PAULUS NUG KAYAKNU ENA HEME AUM

1 Da Paulus, Kayak Nug da onilpa eum, da Kayak oo niite bia Kristus Jesusnu totol danab daatem, da amu ig lainig Sostenis ele ² i nai imu ad uduḡpa yaatep. I kristen tamaniak Korint daateb, ahilag^{nu} yaatep. Kristus Jesus Nug ad emaitakpa udat naḡi heum amupa ag Kayaknunab danab ah daateb. Nug ag opia awak daaglag^{nu} ag onilagpa eum. Amge Nug agib onilagpa ii eum. Iiṡa! Nug danab ah oh ag wan atu ohpa daana, ag Naḡi Jesus Kristus onigpa unuḡidteb amu, ag oh onilagpa eum. Jesus amu Nug am ag ig ele, ig oh ihinig Naḡi daate. ³ Amu ig Mamenig Kayak, amu ihinig Naḡi Jesus Kristus ele, ahilah ehanitak okaḡi hamu megtep amu, ahilah maḡoḡ ele ahilagpa daaglahnu oonih daate.

⁴ Kayak Nug Kristus Jesusnu udat okaipa Nug ag nuhig ehanitak okaḡi hamu megte, Nug ag amu maṡom amunu da haen oh Nug amegpa amunu, “Ena heme,” awe aṡem. ⁵⁻⁶ Ag Jesusnu nai doon, gagaṡag aḡaeg uke, adeku batom amu Kayak Nug melemeḡ amupa nai mehuḡaknu amu keeke doyaknu ele amu ag gagaṡag maṡom. Nug ag anam maṡom amunu da Nug amegpa, “Ena heme,” awe aṡem. ⁷ Nug gagaṡag amu ag maṡom amunu ag Jesus Kristus, Nug geha miag atieb anidkulag^{nu} ameg menana, tapadidna daanna, ag Kayaknu udat hekulag^{nu} gagaṡag laanu amu tutu ii meteb. ⁸ Jesus Kristus Nug ag gemu ehanadte amu Nug anamib heeb ukeb, haen malakpa bataku amunu nuhig dedpa ag Kayak noobpa, ag danab beḡu-

lagpa nai iṡa daaglag. ⁹ Kayak, Nug aḡi heḡunu aṡe amu Nug hete, Nug nuḡa ag Nug beka Jesus, ihinig Naḡi, Nug ele laipu daaglag^{nu} tituanatom.

TAMANIAK OOPA OBATAK OBATAK DAYOM

¹⁰ O lailad, da Jesus Kristus onigpa ag unuḡadtem. Ag oolag laipu dayeg! Ag aib awa awa qeṡak nai madipig. Iiṡa, ag oolag laipu ele udat hekulag^{nu} dab mekulag. ¹¹ O lailad, Klowi baekudpanu laa ag da amelpa ag oolagpa a ona a doak laala beeg daateb amunu aeg doomi. ¹² Da a ona a doak kobolnu maṡimi amu, da imunu ami. Ag oh ameg pide pide opatna daanna, nai aeg ona aeg doṡe. Ag anam henana amu laa nug, “Da am Paulus dim lamidtem,” awa aawo amu laa nug, “Da Apolos dim lamidtem,” awa aṡe. Amu laa nug, “Da am Petrus dim lamidtem,” awa aawo amu laa nug, “Da am Kristus dim lamidtem,” awa aṡe.

¹³ Ag anam anam maditeb amge Kristus Nug am opatak kuḡum elete? Iiṡa! Am da ag ehanate, ad emaitakpa mauhmite? Iiṡa! Am ag Paulus onigpa layatak aopigte? Iiṡa! ¹⁴ Am da ag oolagpa Krispas Gaias eleib layatmi, danab laa oh ag iṡa amunu da ool gamag aḡate. ¹⁵ Aḡinu? Danab laipu laa nug amunu inam akunu elele iṡa. “Da am Paulus onigpa layatak aomi.” ¹⁶ (Laa ele, da Stepanus baekudpa ag ele am da layadmi, da laa ele laaidmitai o iṡatai am, da daulpa ii daate.) ¹⁷ Kristus Nug da danab layadkulnu meide ii uḡimi. Iiṡa. Da Nai Ena amu mehuḡkulnu he uḡimi. Amge da wan imupan doyak danab nai maditeb bia da nai ii mehuḡmi. Am da nai anam, ag maditeb bia mehuḡlom amu, Kristusnu ad emaitak amu keeke hamu bia daalo amunu da amubia ii hemi.

KRISTUS NUG AMU KAYAKNU GAGATAG

¹⁸ Amu danab ag oolagpa genab ii dootēb ele, ag ad emaitaknu nai dab menan, nai amunu ag ahilag dab makpa, “Amuam kaaka nai,” aon aṭeb. Amge ig danab ah, Kayak Nug ig eḍua awiḱom ele amu, ig ad emaitak nainu, “Amuam Kayaknu gagatag,” aot aṭem. ¹⁹ Nai amunu Kayak naipa, nai laa daate. Nai amuam inam. “Da geha doyak danab dilag doyak amu hepi nauhebeb, am geha da danab dab mak ele dilag dab mak diigdiig kuḍum amu ele okulkul.”

²⁰ Amunu doyak danab nug aṭemun? Do mehuqak danab nug ele am aṭemun? Aṭemun wan danab nug ode alala ebate? Kayak Nug wan danabnu doyak amu he, nai amu kaaka iite daate?

²¹ Wan danab ag aka Kayaknu doyak aoglagnu am elele iita, ahilag doyakpa aoglagnu am ib iita. Kayak, Nug doyak okai nuhigpa amu Nug anam daakunu ena anṭa, Nug ib amu oo neum. Amge Kayak Nug danab ah eḍua diikunu ib iiku babaitom. Ag ad emaitaknu Nai Ena ig mehuqtem amu doona, ag Kristusnu oolagpa genab dooglag amu Kayak Nug eḍua diiku. Danab laa ag Nai Ena amunu amu ag, “Kaaka nai,” aon aṭeb.

²² Am Juda danab ag am kobol danab hekunu elele iita amu anidkulagnu gagatag wagai meegeg, Grik danab ag am doyak aoglagnu wagai meteb ²³ amge ig ib aḍit amupa ii gotem. Iita! Ig Kristus ad emaitakpa mauhom amunu nai mehuqtem. Ig anam mehuqtut, Juda danab ag nai amunu ag ehed doon, ag keked metaegeg, Grik danab ag nai amunu, “Kaaka nai,” aon anana, ii aoteb.

²⁴ Juda amu Grik danab ele ag anam heṭeb amge ig danab, Kayak Nug oninigpa ete dootem ele amu, ig Juda danab amu Grik danab ele, ig dootem, Kristus

Nug am Kayaknu gagatag amu Kayaknu doyak ele. ²⁵ Kayak Nug keeke oh doote amunu Nug aḍi keeke laa heṭe, danab ag amunu, “Kaaka,” aon aṭeb amu, Kayaknu dab mak amu nug danab dilag doyak oh eḍidṭe. Aria Kayak keeke oh hekunu gagatag ele amunu Nug aḍi keeke laa heṭe, danab ag amunu, “Gagatag iita,” aon aṭeb amu, Kayaknu gagatag amu nug danab dilag gagatag oh eḍidṭe.

²⁶ Amu o lailad, imu am ag daulagpa doad! Kayak Nug anuka ag kristen daaglagnu onilagpa eum, haen amupa ag oolagpanu danab kuḍum ag wanpanu doyak okai iita, ag kuḍum amu onilag iita, amu gumak danab ele kuḍum iita. ²⁷ Amge ag amunu aib otaipig. Kayak Nug kobol laala, wan danab ag amunu, “Kaaka kobol,” aon aṭeb ele amu, Nug doyak danab amu ag uḍalag nekunu, kobol amu tituanatom. Keeke wan danab ag amunu, “Keeke gagatag iita,” aṭeb ele amu, Kayak Nug danab gagatag ele amu, ag uḍalag nekunu keeke amu tituanatom. ²⁸ Aria Kayak Nug wan imupan keeke onig iita, danab ag keeke amunu oolag ii daate, ag guhudidna lamidṭeb ele amu, Nug amupa heeb, keeke wanpan danab ag amunu keeke okai dootēb ele, amu iita mekulagnu diia tituanatom ²⁹ amunu danab laa nug Kayak amegpa nuka binag laa ii mema, keeke oh amu Kayakib heum. ³⁰ Kayak Nugib ig Jesus Kristus ele laipu ou iqom. Aria Kristus Nug am doyak ena, ig Kayaknu aotemnu diig, ig danab tutuku daatemnu diig, ig opia awak ele daatemnu diig, amu ig gemu Satan epegpa ii daatemnu diig ele amu Nugib beum daate. ³¹ Amunu ig Kayak naipa, nai laa daate, amubia hetu! Nai amuam inam. “Laa nug onig humak hekunu oo daate amu nug Kayak onig aakuib humad!”

**PAULUS KRISTUS AD EMAITAKPA
MAUHOMNU MEHUQOM**

2 O lailad, da anuka haen laa ahilagpa uke, Kayak nai genab amu mehuqi doopig amge da nai laala enanag elepa ag eedadkulnu o iita doyak okainab, danab ii dooteb elepa, ii mehuqmi. ²Iita! Da dab mak dahilpa anten, gagatag doyen, haen da ag oolagpa dayeye da, “Keeke laa ohnu ele da ii dab mepa. Da Jesus Kristusnuib amu Nug ad emaitakpa mauhom amunu ele aakuib dab mein madikul,” awe ami. ³Anuka da ukai, ag ele daamut, haen amupa da oolpa elele ii doomi, oolpa ug doyeye, dab mak kudum aomi. ⁴Da nai matimi, da Nai Ena ele ag amelagpa mehuqmi amge da doyak danab heteb bia, dahil gagatagpa da ag ii ipuanadmi. Iita. Da Kayak Oudi ahilagpa udat heeb anidkulagnu, ib amupa ipuanatiti, Nug anam heum.

KAYAK OUDI NUG DOYAKNU DIIG

⁵Da anam hemi, amunu diig am, ib laapa ag danabnu doyak amu aona, ag oolagpa genab dooglag dayeb, amuam ena iita, keeke hamu. Amge ag Kayaknu gagatag anidna, oolagpa genab dooglag amuam meu ele, iita ii mema amunu da anam hemi.

⁶Imu genab, danab Kayak kobolnu kalulag metak ele amu, ig ag amelagpa nai meu ib adeku gote aakuib mehuqtem. Amge nai meu ena ele amu, amuam wan danab dilag doyak iita. Amu wan imunu iki, ahilag ele iita. Ag am iita mekulag. ⁷Amu Kayaknu nai ig mehuqtem ele, nai amuam lokumak daye udie, gemu batak. Nai amunu diig am Kayak amu Nug ig hab atannu ena daagnignu, wan imu ii dayom haenpa, nai genab amu meum daate. ⁸Wan imupan iki danab oolagpanu amu laa nug doyak amunu diig amu laa ii antom.

Iita. Ag doolob amu ag Nadi, Nug hab atannu anuqak gagatag ele daate amu, Nug ad emaitakpa ii atullob. ⁹Kayak naipa, nai inam daate. “Kayak Nug keeke ena ena danab ag nuhignu oolag mauhte ele madakunu babaitom amu keeke amu danab laa nug amegpa ii antom, daugpa ele ii doyom, dab makpa ele ii beum. Keeke enanagnab.”

¹⁰Am nai amu lokumak dayom amge Kayak Nug he, nuhig Oudi amu ig ipunikom. Kayak Oudi Nug keeke oh anidte amu Nug Kayaknu dab mak oh, ihinignu lokumak daate ele amu, Nug anidte. ¹¹Am danab laa nug danab laanu dab mak ii doote. Iita! Danab amu nug oudi, nug danab amu oopa daate amu, nugib doote. Amubia danab laa Kayaknu dab mak amu ii doote, Kayak Oudi Nug nuka Nugib doote. ¹²Ig keeke ena ena Kayak megte ele, ig amu tutuku doota, adat oignignu amu Kayak Nug wan imupan oudi ii mekom. Iita, Nug nuhig Oudi mekom. ¹³Amunu ig nai imu mehuqtem ele amu, ig amu wan danab laanu doyak aot ii mehuqtem. Iita! Kayak Oudi Nug ig ipunike, ig nai imu mehuqtem. Kayak Oudi Nug ipunike amu ig danab Kayak Oudi ele ag amelagpa Kayaknu dab mak amu mehuqtem. ¹⁴Amge danab nug Kayak Oudi ii awom ele amu, nug Kayak Oudinu dab mak ii aote. Adinu? Nug dab mak amunu, “Dab mak kaaka,” anam dab mete. Dab mak amunu amu, Kayak Oudi Nug danab ehaniteb, nug dab mak amunu oo maidku amunu danab ag Kayak Oudi iita ele, ag am dooglagnu elele iita. ¹⁵Am danab nug Kayak Oudi ele, nug keeke oh anen anen, laa am ena laa am nau ele amu, nug amu oh epedidakunu elele amge danab ag Kayak Oudi iita ele, ag danab amu epedidkulagnu elele iita. ¹⁶Kayak naipa, nai laa amunu inam daate. “Aun nug Nadinu dab mak oh doote amunu nug aha, Nadi dab mak medaku? Laa iita!” Amubia Kristusnu

dab mak ihinigpa daate amunu laa nug Kayak Oudi iita ele, nug epedigkunu elele iita.

KAYAKNU UDAT DANAB

3 Genab ig kristen ig Kristusnu doyak aomut amge o lailad da ag amelagpa nai mehuqmi amu da danab Kayak Oudi ele, ag nai dooglagnu mehuqtem anam bia ii mehuqmi. Iita. Da nai mehuqmi amu da nai, danab dab mak alag ele dooglagnu mehuqtem, nai amubia ag amelagpa mehuqmi. Ag Kristus, nuhig kobolpa ag yud daaegeg, nai mehuqmi. ²Nid yud ag e gagatag ii lateb, ag huh lateb, amubia haen amupa da ag nai gagatag madapi, ag aoglagnu elele iita amunu da nai unuqagnab ii matimi, da nai gai iita aakuib matimi. Ag gemu ele nai gagatag aoglagnu elele ii daateb. ³Adinu? Ag dab mak alagpa daateb. Kristen kobol amu ag bedulagpa ii beum. Ag lailkad dilag oolag nauhehe, ag nai aeg ona aeg do henan daateb amunu ig ag kobol alagpa, kristen kobol iitapa daateb anidkunignu elele. Kobol amuam dab mak alagnu, wanpan danabnu kobol. Ag heteb amunu ag am dab mak alagnu danab. Ag am wanpan danab. ⁴Am danab laa nug, “Da am Paulusnu,” a, danab laa nug, “Da am Apolosnu,” ate, ag kobol amu ii uupig amunu ag wanpan danab daateb.

⁵Ag tutuku dab mak aon anteg! Apolos nug am aun? Am da Paulus am aun? I am udat danabib amu Nadi Nug i udat ihinih pide pide metom. Nug udat amu mete, i udat amu heudud, ag Kristusnu oolagpa genab doopig. ⁶E epaknu meu amu da epai, Apolos nug le metom amge Kayak Nug he, e amu beum. ⁷Anam amunu, e epak danab nug am onig iita. E le metak danab nug ele onig iita. Kayak Nug nug he, e bete. Nug he, e bete amunu Nugib am onig ele. ⁸Aria e epak danab, le metak danab ele, a oh am

laipu amge udat ahilah anen anen. Keeke amuam keeke okai iita. Kayak Nug udat ahilah anta, melemel amupa nob ena matakū. ⁹I am kadoi meda, Kayaknu udat danab daatep amu ag am Kayaknu dad bia daateb. Laa ele amu ag am Kayak laug daateb.

¹⁰Lag haknu doyak danab nug lag hekunu dayeb amu nug tatam lag mawa daakunu keeke mete. Lag mawa daakunu keeke amu danab ag lag amu qadepa hepeg, ena daaku. Lag mawa daakunu keeke amuam lagnu diig. Aria Kayak ehanide, lag haknu doyak danab nug lag mawa daakunu keeke ena tutukuib mete, amubia da tamaniak tutuku enaib daakunu, nuhig diig daakunu, ag amelagpa Kayak nai mehuqmi. Gemu laala ag danab laa udin lag mawa daakunu keeke qadepa lag heteb, amubia da nai matimi, nai amupa ag udat tudidna heteb. Amge laala, ag anam heteb ele amu, ag dab menan heig! Ag mauhnoak aib hepig. ¹¹Adinu? Tamaniaknu diig laa ii daate. Da Jesusnu nai matimi aakuib am tamaniaknu diig daate amu danab laa nug diig laa heeb bekunu elele iita. ¹²Amu danab ag lag mawa daakunu keeke qadepa lag heteb ele amu, ag keeke laalapa, ab eokunu elele iita, gol o iita silwa o iita men ena amupa lag hekūlag. O amu iita ag keeke laalapa, ab eokunu elele, ad o iita qahak o iita wit gumu amupa hekūlag. Amubia danab ag nai dahil aon tudidna udat heteb. ¹³Aria danab ag lag, keeke pide pidepa hepig ele amu, ab lag amu eweb amu ahilag udat am miag atiku. Laala ag keeke ab eokunu elele iitapa udat hepig amu ahilag udat am ii iita mema. Amge laa ag keeke ab eokunu elelepa udat hepig amu ahilag udat am iita meku. Amubia ele danab ag dahil nai aon, udat tudidna heteb ele amu, ahilag udat am elele o elele iita am miag atiku. Ab nug heeb, lagnu udat am miag atiku,

amubia Kayak Nug heeb, danabnu udat am miag atiku. ¹⁴Laa nug udat heum ele amu, udat amu ena dayeb, danab amu nug nob ena aoku. ¹⁵Amge laa nug nuhig udat, lag ewa mala iita mete amubia iita meeb amu nug am nob ena ii aoma. Nug am padal ii mema amge nug am danab nauhkunu miagnab dayaya, oola uka, nauhak ii aote, amubia padal ii mema.

¹⁶Ag am Kayaknu lag, Kayaknu Oudi Nug ag oolagpa daate amu ag amu iite dooteb? ¹⁷Udat danab laa nug Kayaknu lag heeb nauhku amu Kayak Nug ele danab amu heeb nauhku. Adinu? Kayaknu lag nug gun, amu ag aaku Kayaknu lag.

¹⁸Amge laa nug nugaka bupuidmanu dab mad! Ag oolagpanu danab laa nug wan imupanu doyak okai awom amunu nug, "Da am doyak danab," dab mete dayeb amu nug genab doyak danab ba daakunu, nug wan imupanu doyak oh qeeb nad! ¹⁹Adinu? Wanpanu doyak amuam Kayak noobpa elele iita. Kayak naipa, nai laa daate amubia. Nai amuam inam. "Kayak Nug wan imupan doyak danabnu dab mak amu awa, doyak amupa ag nob nau madate." ²⁰Amu Kayak nai aben laapa amunu ele inam daate. "Nadi Nug doote. Doyak danab dilag dab mak am keeke hamu, gagatag iita." ²¹Nai amu aaku daate amunu danab laa nug ig danab ig binanig ii mema. Genab keeke oh am ahilagnu. ²²Paulus, Apolos, am Petrus, wan imu, bau dayak, mauhak amu keeke gemu daateb, keeke dimpa bekulag ele amu, keeke amu oh am ahilag ²³amge ag amu Kristusnu amu Kristus Nug am Kayaknu aaku daate.

KRISTUS NUKA NUHIG UDAT DANAB TITUANADKU

4 Aria ag ihinignu inam dab mekulag am ena. "Ag am Kristusnu udat

danab, Kayak nug ig adi hekunignu nuhig naipa ate amu ag apeg doognignu daateb. Udat amu ag gumateb," aon akulag. ²Ag inam anidkulag. Begbeg danab nug nuhig okai noobpa ena daakunu, nug nuhig danab okai udat adi adi hekunu ate amu nug udat amu oh anamnab heku. ³Begbeg danab ena hete bia da ele anamib hei udie, gemu ele hetemtai? Eetai, danab laala ag da epedilna, amunu adi ateb amu da ii dootem. Amu ag adi ateb da amunu ele da dab mak okai ii aotem. Genab, da daka ele da epedilen, amunu adi dab mak aotem amu da amunu genab dab ii metem. ⁴Da Nadi noobpa keeke laanu da ehed hemi, amunu laa da ii dootem amge amu Nadi noobpa da genab dab da bedulpa ab iita ii ipunigte. Nadi Nugib da epedilte. Nug da bedulpa am ab iita aum amunu da anam genab dootem. ⁵Epediak udat amu ig gemu ii gumatem amunu haen gamag imupa ig anam ii hemata. Ag Nadi udikunu haen ameg meig! Nug udia, keeke oh gatatupa lokumak daateb amu heeb, amahlakpa miag atipeg, aria geha heeb, danab oh dilag dab mak adinu keeke laala hepig amu miag beku. Haen amupa geha Kayak Nug ig danab oh laib laib ihinig haknu nob tutuku megaku.

KORINT AG AKA BINALAG MEPIG

⁶O lailad, da ahilag dab makpa nai imunu meu adeku daate amu anidkulagnu, da Apolos ele i bedunihpa yen atem. Amupa ag nai laa, "Yak niite aakuib ag dab menan oiye!" nai amunu diig doonna, ag danab laa onig ii humana, laa onig tabapeg ii nema. ⁷Aun na danab okai meitom? Keeke adi laa na Kayak nuhigpanu ii aome? Kayak Nug na keeke oh metom amunu adinu na binan mena, keeke amu diig daatem bia dootem?

⁸Ag Kayak nai elelenab aopig daateb bia dooteb amge amuam genab iita. Ag keeke laanu daḁek ii daateb bia dooteb amge amuam genab iita. Ehanitak ihinig iitapa ag king bena daateb dooteb amge amuam genab iita. Ag genab king daalob amu ig ag ele oh king daalom amunu da ag king daaglagnu ool daate. ⁹Ded laala da inam dab meḁem. Kayak Nug ig totol nuhig otikom, ig udat amupa oitem ele amu, Nug laa oh dimulagpanab, ig danab banpa aḁualadna aqapeg mauhkulagnu otiadpig, amubia daatem. Genab ig wan atu ohpa, engel danab oh ele noolagpa ehed anigkulagnu meike daatem bia ded laala anam dootem. ¹⁰Ig totol danab ig wan imupan danab amelagpa, Kristusnu kaaka danab, danab gagatag iita, danab binalag ele iita daatem amge ag Korint danab ag aka ahilagnu amu ag, "Ig am Kristusnu doyak danab, ig am danab gagatag ele, ig am binanig okai ele," aon aḁeb. ¹¹Yo, ig totol ig udat imu wan imupa heutt, dig ma udie, gemu ele enug iqege, baanig qada edate, beḁunig hautaknu lamen ele ena iita daatem. Laa ag epelag bitakan beḁunig ohpa oigteb. Ig dayaknu aben ele iita. ¹²Keeke aognignu amu iiku epenigpa udat nadi heḁem. Laa ag ihinignu awa awa qetak nai matiegeg, ig nai enapa ahilag nai nob meḁem. Ag ig ehed heikegeg, ig amu maot oitem. ¹³Ag ihinignu nai nau ehednab aegeg, ig nai bodo etakpa ag amelagpa aḁem. Ig am wan ohpanu kinipan daate amubia daatem. Ig danab oh dilag kinipan daatem. Ig anamib daaut udie, gemu ele daatem.

¹⁴Da hepi, ag uḁalag nekunu ii yaatem. Iita! Ag nid naunau dahiladnab bia, ag ehed gomananu amu da ag ib ipuanadkulnu heḁem. ¹⁵Ag kristen daanna, ag ipunitak danab kudumnab ag ehanadkulagnu aoglagtai. Ag aoglagnu dayeb am aoglag amge

amuam heeb, keeke laa ii baolima. Keeke ii baoliku amuam da Jesusnu Nai Ena amu mehuqi, ag oolagpa genab doopig amunu da ag mamelag daatem amunu ag dimpa mamelkad kudum ele ii daamna. ¹⁶Da ag mamelag daatem amunu ag oiyak dahil anidteb ele amu, ag kobol amupa oiglagnu unuqadtem. ¹⁷Diig amunu da Timotius mepi, ahilagpa gokunu heḁem. Nug dahil nid, da nuhignu ool huana mauhte. Nug Naḁinu udat dab meḁa auta aote. Nug da Kristus Jesusnu kobol dim lamidtem ele amu ipuanadku. Da kobol anampaib kristen tamaniak aben ohpa ipuanadtem.

¹⁸Da Timotius mepi ahilagpa goku amge dimpa da ele gumate gokul. Da tatam ii gomi, dimpa gokul amunu ag laala, "Nug edua ig gumika ii uḁima," anana amu ag da nai doyak ena ele amelagpa aḁem amu ag nai amu di meḁan, ag aka ag binalag humateb. ¹⁹Ag anam heḁeb amge, Nadi Nug oo dayeb amu da ag gumate gokul. Ukena amu nai tape nak danab amu ahilag ham bupuak amu antena, gagatag ahilag ele amu genab daate o iita, amu ele da anidkul. ²⁰Aḁinu? Kayaknu do maḁod amu naipaib ii bete. Iita. Kayak ebehipa bete. ²¹Aria ag aḁemtai? Ag kobol ahilag ii bapaidpeg amu da bu aḁe ahilagpa gokulnu oolag daatete? O iita ag edun ena hepeg amu da oo doyak kobol, kobol bodo etak elepa gumaten gokulnu oolag daatetai?

KORINT TAMANIAK OOLAGPA GAPAI KOBOL NAU DAYOM

5 Aria laa ag nai genab matinna, ag Korint ag oolagpa gapai kobol nau daate aeg doomi. Gapai kobol ag heḁeb ele am naunab nau! Genab, iita adi danab ag gapai kobol nau amubia ii heḁeb. Kobol amuam danab laa nug nameg wau ele gapai apaid. ²Kobol

amu beum daate amunu ag, “Ig am binanig ele,” akulag^{nu} genab elele iita amge ag anam a^{te}b. Ag u^{da} nak doolob am ena. Danab nug kobol amu heum ele amu, ag nug kristen tamaniak oopa daamanu gedidpeg dimitim golo am ena. ³Genab da gemu ag ele oh ou qak ii daatem amge da ag dab madete, da ag ele oh ou qak daatem bia doo^{te}m amu, da danab nug kobol heum amu da nuhig hak amu aaku epedidmi. Da apa dayeye epedidlom bia epedien, ag inam hekulag^{nu} a^{te}m. ⁴Ag Nadi Jesus onigpa qag mena, dahil dab mak amu ihinig Nadi Jesusnu gagatag ele ag ele oh daapeg, ⁵aria danab amu ag aon, Satan epegga mepeg, nug u^{dat} nuhig heeb, be^{du} ehed^{aweb}, danab amu nug Satan dim lamidkunu am ena iita doyeb, dimpa Nadi Jesus edua u^{dieb}, Kayak Nug danab amunu ou^{di} edua awa, bau ena daak^{kunu} medaku.

⁶Ag aka ag binalag meteb amu ena iita. Bret titidkunu keeke onig yis amu nakokib u^{dat} he, plaua oh titid^{te}, ag amu iite doo^{te}b? Aria kobol nau am yis bia. ⁷Ag yis amu budipeg ukad! Ag anam hepeg, iita meeb amu ag bret yis iita bia daaglag. Amu ag Kristus ele ou qak genab daateb amubia dayeg! Adinu? Kristus Nug Pasowanu sipsip nag ihinig, Nug nuhig mauhakpa aaku ihinig nob nau awa malom. ⁸Amunu ig Pasowa metid hobulpa bret yis alag elepa, ii lamata. Yis amuam opodi be, amya oiyak kobol, am hipunin laa oh hak kobol ele. Ig Pasowa hobulpa bret yis iita ele lakunig. Bret amuam kobol tutuku, kobol genab ele.

⁹Aria, da ad u^{du}g tatam ahilag^{nu} yaami amupa da nai inam yaami. “Ag gapai danab ele aib tamanipig.” ¹⁰Da anam yaami amge da ag wan imupan gapai danab oh, danab keeke awaknu u^{dat} aakuib hete^b oh, amu yabhoi danab oh, amu kayak ham bup^{uak} binag mak

danab oh ele uuadkulag^{nu} ii ami. Ag anam helob am ag wan imu uulob. ¹¹Amge da nai aaku yaami, amu diig am inam. Danab laa nug ag ele kristen tamaniak oopa laipu daateb, nug gapai kobol hete, o nug keeke awaknu u^{dat} aakuib hete, o nug kayak ham bup^{uak} binag me^{te}, o nug laanu awa awa qetak nai ehed^{ate}, o nug le gagatag la, kaaka qete, o nug danab laanu awa keeke yab aote, nug gadaib kristen dayaya, hipunin amu miag atiak haaha oite ele amu, kristen danab ag nug ele aib tamanipig, ag nug ele aib ou qak daapig.

¹²⁻¹³Danab kristen tamaniak dimitim daateb ele amu, da ag epediadkul^{nu} ii daatem. Am dahil u^{dat} iita. Kayak Nugib ag adi hepig amunu epediadku amge danab ahilag tamaniak oopa daateb ele amu, epediatak u^{dat} amuam genab ahilag u^{dat} daate amunu ag danab ag oolagpa kobol nau hete ele amu nug gedidpeg dimitim dayad!

KRISTEN DANAB NUG LAYAG HETODIAKPA II MEMA

6 Aria ag oolagpa laa nug layag^{nu} nai ele doyaya, nug kristen tamaniak bapaidkulag^{nu} dab ii me^{te}. Iita, nug danab Kayak ii doo^{te}b ele, danab amu noolagpa hetodiakpa me^{te}. Nug anam hete amge kobol amunu nug u^{da} iite nete? ²Kayaknu danab ag wanpan danab ah dilag kobol amu oh epediglag amu, ag iite doo^{te}b? Genab ag Korint ag geha wanpan danab dilag kobol amu epediglag amunu keeke okai iita ele, ag amu babaitaknu am elele iitate? Ag am atemtai? ³Am ig kristen, ig geha engel dilag kobol ele epedignig, ag amu iite doo^{te}b? Genab ig geha ahilag kobol amu epedignig. Ig anam hekunignu doognig amunu wan imupan nai am ig epedignignu elele iitate? ⁴Anam amunu aria ag wan imupan keekenu nai am adinu ag danab kristen tama-

niakpanu iita amu ag gumadna gona, epe_{di}ak udat imu madateb? ⁵Da nai imu a_{te}m amu ag u_{da}lag neeb, kobol tutu_{ku} he_{ku}lagnu a_{te}m. Ag oolagpa danab laa, nug eamag a_{di}t ehed hepi_d ele amu, ahilah nai epe_{di}at_{ku}nu doyak ele laa iite? ⁶Ag doyak amu iita amunu ag lail_{ka}d he_{to}diad_{ku}lagnu amu ag danab Kristusnu kobol ii dooteb ele amu, ag noolagpa he_{to}diadteb.

⁷Amu ag lail_{ka}d ele nug he_{to}dina, he_{to}diakpa maadteb ele amu, amupa ag nena qeteb. Ag oolagpanu amu laa nug layagpa ehed heeb, nug layag nug nob ii meda_{ku} am ena. Nug nu_{ka} ug amu mawa oi_{ku} am ena. He_{to}diakpa mak am ena iita. O ag oolagpanu laa nug layagnu keeke yab aweb amu layag nug nob ii meda_{ku} am ena. Nug nu_{ka} ug amu mawa oi_{ku} am ena. He_{to}diakpa mak am ena iita. ⁸Amge ag anam ii heteb. Ag aka aka kristen lail_{ka}d dilagpa keeke yab aoteb. Ag aka aka kristen lail_{ka}d dilagpa ehed heteb. Ag anam henana, ag danab nau heteb bia helob am ele nau amge ag naunab heteb. Ag lail_{ka}d dilag, amuam kristen laala, ahilagpa kobol nau amu heteb.

⁹Ag imu iite dooteb? Danab ag hipunin heteb ele amu, ag Kayaknu do ma_{do}d oopa ii daamna. Na naka nahipnu aib ham bupume. Aun a_{di} ag gapai heteb, o aun a_{di} ag kayak ham bup_uak binalag meteb, o aun a_{di} ag danab danabib gapai heteb, o danab aun a_{di} ag ah bia oiteb, ¹⁰o aun a_{di} ag yabhak kobol heteb, o aun a_{di} ag enulag oka_i nadinab aoglagnu wagai meteb, o aun a_{di} ag le gagatag laeg, kaaka aqate, o aun a_{di} ag dimug nai maditeb amu, danab ah amu ag oh Kayaknu do ma_{do}d oopa ii daamna. ¹¹Ag oolagpa laala amubia oita_{pi}g amge Kayak Nug he, hipunin ahilag iita meum. Nug he, ag nuhig do ma_{do}d oopa, Nug oo a_{te}m daate amu he_{ku}lagnu o_{pi}a awak daateb.

Kayak Nug he, ag Nug noobpa elele daateb. Nug amu oh Na_{di} Jesus onigpa amu nuhig Oudipa ele heum.

KAYAK BINAG MAKNU KOBOL

¹²Genab Kayak keeke he_{ku}nignu ib babaitom daate, da keeke amu oh he_{ku}lnu am elele amge keeke oh da ii ehanidte. Keeke amubia oh am da he_{ku}lnu elele amge da keeke laa waapa ii daapa. Iita, keeke am da waalpa daaku. ¹³Genab, gemu e nug oonignu daate, oonig nug e aokun daate amge a oh am gemuniib. Kayak heeb, a oh iita me_{ku}lah. Amge e oonignu daate, ig oonig e aokunu daate amubia ig be_{du}nig am ig amupa gapai he_{ku}nignu ii daateb. Iita. Ig be_{du}nig am Na_{di}nu keeke. Aria Na_{di} Nug am ig be_{du}nignu amu ig be_{du}nig amu nuhignu daate. ¹⁴Amu Kayak Nug nuhig gagatag amupa he, Na_{di} edua hibaitom. Am geha ihinigpa ele anamib heeb, ig edut ahagnig. ¹⁵⁻¹⁶Ag be_{du}lag anen anen am Kristus be_{du} laih naunau ku_{du}m daateb amu ag iite dooteb? Laa ele amu ag danab nug ib baag ah ele a be_{du}lah laipu ou qetep amu a be_{du}lah laipu daatep amu, ag iite dooteb? Kobol amunu Kayak naipa, nai inam daate. “A oh amu be_{du}lah laipu daaglah.” Aria ig be_{du}nig anen anen am Kristus be_{du} laih naunau ku_{du}m daateb amunu da Kristus be_{du} laih nakok laa awen, ib baag ah be_{du} laih nakok laa da_{ku}nu me_{ku}l am enatai? Anam iitanab! Da anam ii hepa. ¹⁷Danab nug ib baag ah ele be_{du}lah laipu ou qetep, a am be_{du}lah laipu daatep amge danab nug Na_{di} ele ou qak daatep, nug aaku Kayak Oudi gagatagpa Na_{di} ele laipu daatep.

¹⁸Ag gapai kobol amu uun qe edidna oolna u_{ke}g! Adinu? Hipunin laa oh, danab ag heteb ele amu, ag kristen tamaniak heeg nauhte amge danab nug gapai hete amu, nug he, kristen tamaniak nauha autanab aote. ¹⁹Ag be_{du}-

lag am Kayak Oudi laug gun ele amu, ag iite dooteb? Kayak Nug nuhig Oudi matom, ag oolagpa daate. Ag amu, ag aka ahilagnu iita. Ag am Kayaknu daateb. ²⁰ Adinu? Kayak Nug ag edua di-ikunu daden maatom amunu ag Kayak binag mekulagnu amu ag bedulagpa ele Kayak binag meig!

EWAU DILAG NAI

7 Gemu da nai imupa ag ad udug meeg, dahilpa doum amu da iiku nob metem. Danab laa nug nug awak ii heku amu ele ena. ² Amge gapai kobol idu idu daate amunu danab oh anen anen ag ah diiglag amu ah ag ele ag anen anen ahilag danab diiglag am ena. ³ Amu danab bedu amu nuhig ahnu keeke, am danab nug bedu hagaka ii aoma. Anamib, ah nug bedu amu danabnu keeke, ah nug ele bedu hagaka ii aoma. ⁴ Amu diig amu, ah nug nuk a nug bedu ii gumate. Iita. Nuhig danab ele oh gumatep. Anamib, danab nug nuk a nug bedu ii gumate. Iita. Ah nuhig ele oh gumatep. ⁵ Ag nug aopig ele amu, ewau laa oopa laa nug aib laa guhudita, wagai ma, nug bedu hagaka awom. Amge a Kayak unuqidkulahnu heya, oolah laipu meya, haen tutu tituankulah, haen amupa a nug ii aomya, amuam elele. Amge haen tutu amu maleb, Satan a gapai kobol hekulahnu eedatmanu, a edui, nug aoglah. ⁶ Da do mein, "Ag nug aweg!" ii atem. Iita! Ag anam hekulagnu oolag dayeb amu ag hekulagnu elele, aakuib atem. ⁷ Am danab oh ag da bia daaglagnu ool daate. Amge danab oh ag anam daaglagnu elele iita. Adinu? Kayak Nug nuhig oo metakpa, nuhig keeke ena ena nob iita hamu metakpa amu ag adi hekulagnu anen anen matom.

⁸ Aria nai imu am danab ah nug awak ii hepig amu ah qab ele dilag. Da ahilagnu inam atem. Ag am da daatem anam daapeg amu elele. Ug laa

iita. ⁹ Amge ag oolag bedulag ele dab metaglagnu elele ii doonna amu ah nug danab aoku, danab nug ah aoku. Ag nug awak hena amu ag elele daaglag, ag oolag nug gapai kobolnu ii eedadma.

¹⁰ Am danab ah nug aopig ele amu, da amu dilag do am iiku madatem amge dahil do iita. Nadi Jesusnu do. Do amu inam daate. Ah nug nuhig danab ii uuidma. ¹¹ Amge nug danab genab uuidku dayeb amu nug hamu dayad! Hamu daakunu elele ii dayeb amu nug edua ukebe, danab nuhig ele oolah laipu meya dayed! Danab nug ele nug ewau aib okulom.

¹² Aria do imu am da daka atem, Nadi Jesus ii aum. Do amuam inam. Ig lainig laa nug Kristusnu oopa genab doote dayeb, nug ah nuhig ele a ewau daatep amu ah nug Kristusnu oopa genab ii doote amge ah nug a nug awak daaglahnu oo daate amu ig lainig nug nug awak ahilah aib otadom. ¹³ Aria ah laa nug Kristusnu oopa genab doote dayeb, danab nuhig amu nug Kristusnu oopa genab ii doote ele amge danab nug a nug awak daaglahnu oo daate amu ah nug nug awak ahilah aib otadom.

¹⁴ Amu ag doyeg! Danab nug Nadinu oopa genab ii doote amge ah nuhig nug oopa genab doote, nug ahp a Kayaknu tituanak daate. Aria ah ele oopa genab ii doote amge nug gamu nug oopa genab doote, nug danabpa Kayaknu tituanak daate. Anam iita amu nid menuadkulah, ag am iita adi bia daalob amge anam iita. Nid amu ag Kayaknu tituanak daateb.

¹⁵ Aria danab nug oopa genab ii doote ele, nug ah nuhig uuidkunu oo dayeb amu ah nug danab amu adeb, ewau daaglahnu aib wagai meum. Aria danab nug ele anamib heku. Laa nug Kristusnu oopa genab doote, nuhig ewau am oopa genab ii doote amu, Kayak nug laa, nug oopa genab doote ele, nug ewau daaglahnu wagai mekunu ii aum.

Iiṭa! Kayak Nug ag oolag maḍoḍ ele ena daaglagnu onilagpa eum. ¹⁶ Ah na geha na danab nahip ehanidpe, nug oo eḍueb, kristen daakute o iṭa amu na ii dooṭem. Aria danab na, geha na ah nahip ehanidpe, nug oo eḍueb, kristen daakute o iṭa amu na ele amu ii dooṭem.

KAYAK NUG DANAB EḌUA AWEB NUG AṬEM OIKU

¹⁷ Amge Naḍi Nug na wanpa oikutnu, na kobol aḍi hekutnu meṭe doona daanna heme amu aria, Kayak Nug na oninpa e, na kristen daanna am na kobol ena amu heme ele amu gemu anamib oikut. Da kristen tamaniak ohpa ḍo laipu aakuib madatem. ¹⁸ Danab laa nug gaḍa otadom ele, dimpa Kayak Nug onigpa e, nug oo eḍue, aria nug amu lokumiṭa beḍu eḍua aib babaiṭom. Am danab laa nug gaḍa ii otadom ele, dimpa Kayak Nug onigpa e, nug oo eḍue, aria nug aib gaḍa otadom. ¹⁹ Gaḍa otadak amu keeke hamu, gaḍa ii otadak amu ele keeke hamu amge Kayak oḍe dim lamidkunignu am keeke okai. ²⁰ Danab nug aḍi uḍat laa, Kayak nug meṭom ele amu, nug amu heeche, Kayak onigpa e, nug oo eḍuom amu nug uḍat amuib haḍ! ²¹⁻²² Amu danab nug begbeg uḍat haaha dayeye, Naḍi onigpa e amu aria Naḍi noobpa nug am begbeg danab iṭa. Anamib, danab laa nug begbeg iṭa, nug hamu dayeye, Kayak onigpa e amu aria nug am gemu Kristusnu begbeg daate amunu na begbeg uḍat heeche, Kayak na oninpa eum dayeb amu aria na amunu ootpa ug aib doome amge na begbeg uḍat amu eḍun ii hemananu ib nahip dayeb am na keeke laa hekutnu uke! ²³ Am Kayak Nug Jesus mauhom amupa ag daden maṭom amunu ag danab dilag begbeg daaglagnu aib hepig. ²⁴ O lailad, danab laa nug aḍi uḍat laa, Kayak nug meṭom ele amu, nug heeche, Kayak onig-

pa e, oo eḍuom dayeb amu nug amu anamib tuḍiteb, Kayak ehanitebeb haḍ!

DANAB AH NUG II AOPIG ELE DILAG NAI

²⁵ Aria oḍ mak ahilag laanu amu, danab ah nug ii aopig ele ahilagnu amu Naḍi Nug ḍo laa da aḍulnu ii ipuniḍom. Da dahil dab mak maḍitem amge Naḍi Nug dahilnu oo gai iṭa doyaya, Nug da tituanidom amunu nai da aṭem imu ag oolagpa amunu genab dooglagnu am elele. ²⁶ Am dahil dab makpa gemu haen imupa ug okai beṭeb amunu gemu ag danab o ah iṭa ele daateb, da ag anamib daaglagnu ena dooṭem. ²⁷ Na ah aome, amu aria na nug awak otadkutnu aib dab meme. Am laa na ah ii aome, hamu daaṭem amu aria na aib ah aokutnu heme. ²⁸ Amge na ah aokut am ena, hipunin iṭa. Aria ah maḍun nug danab aoku, nug awak amu ele am hipunin iṭa, am ena. Amge danab ah ag nug aoteb amu wanpan ug okai idu idu daateb amu da ug amu ahilagpa ii bemanu ool daate.

²⁹ Amunu o lailad da nai imu aṭem. Haen tutu meum amunu haen gamag imupa amu ag inam dooglagnu aṭem. Danab ag ah aopig ele amu, ag am ahilag dab makpa, “Ig ah ele amge ig ah iṭa bia daagnig,” dab menan daaglag. ³⁰ Aria danab ag gaateb amu ag ii gaateb, hamu daateb, anam bia daaglag. Danab ag gamalag ahaṭe amu ag gamalag ii ahaṭe, hamu daateb, anam bia daaglag. Danab ag keeke daden mena aḍateb amu ag keeke laa ii aḍateb, “Ig keeke iṭa, hamu daaṭem,” bia doonna daaglag. ³¹ Danab ag wannu keekepa uḍat heteb amu ag am, “Ig wanpan keeke imu gagataḍ ii aḍatem. Ig keeke laa ii aḍat hamu daaṭem,” amubia dab menan daaglag. Ig dooṭem, geha wan imu am baolieb, gemu daate amubia ii daama.

³² Da ag keeke kuḍumnu ug ii doon oiglagnu ool daate. Danab ah ii awom

ele amu nug am Kayaknu keeke dab maama, Kayak Nug adi keekenu oo hete amu nug amu hekunu hete. ³³ Amge danab nug ah awom ele amu nug amu wanneru keeke dab maama, nug wau adi keekenu oo hete amu nug amu hekunu hete. ³⁴ Aria amupa nug nuhig dab mak am laipu ii daate, opatak adit daate. Ah danab ii awom, nug hamu daate ele amu, nug Kayaknu keeke dab maama, nug nug bedupa, nug oudipa ele amu nug Kayakib dim lamidkunu hete. Amge ah nug danab awom ele amu nug wanneru keeke dab maama, nug gamu adi keekenu oo hete amu nug amu hekunu hete. ³⁵ Am da nai imu atem amu ag ehanateb ena elele daaglagnu atem. Nai imu da ag otadate ii matimi. Iita! Ag Kayak noobpa tutuku elele ena daaglagnu ool daate amunu ami. Ag anam hepeg, geha keeke laa nug ahilag dab mak Kayaknu daate amu ii eedma.

³⁶ Amge danab laa nug nid ahin laa ele a nug titunyaib oiya, a nug ii aoya, ah amu nug nug awak haen edidkunu heeb, amu danab amu nug, "Da ah amu nuhigpa ena ii hetem," doyaya, a nug aoglahnu oo huana dayeb amu a nug awed! Nug anam heku amu nug amupa hipunin ii hema. A nug aoglah am ena. ³⁷ Amge danab laa nug amunu ii dab maama, oo amupa gagatag daate, keeke laa nug ii dutunte, nug nuka dab mete, dab mak nuhig ib laipupa dayeye, nug amu ada oite amu nuhig ah tituanak daate amu ii aoma, ah nug anam hamu daaku, amu nug ele am ena hete. ³⁸ Amu danab ah a nug tituanoya, dimpa nug aotep amu danab amu nug kobol ena hete. Amge danab ah a nug tituanoya, dimpa a nug ii aotep amu danab amu nug am enanag hete.

³⁹ Amu danab ah nug aopid amu ah amu nug danab amu ele a ou qak laipu daaglahnu aakuib dab meku. Amge nug gamu mauhku amu nug danab laa

aokunu am ib oo nak iita. Nug danab laa aokunu oo daate, nug danab amu aokunu elele. Am nai iita amge nug danab laa nug ele Jesusnu oopa genab doote aakuib aoku. ⁴⁰ Amge da dahil dab mak am inam. Nug danab awak uua, hamu daaku amu nug gamag ahak okai aoku. Amuam dahil dab mak amge Kayak Oudi Nug ele anam maidte bia dootem.

DOD MAIN KAYAK HAM BUPUAK MEDAIGNU NAI

8 Aria dimitimnu danab, ag oolagpa genab ii dooteb ele amu ag dod main kayak ham bupuak medteb amu ig kristen ig tepu amu lakunigtai o iitatai amunu apig amu da nai amunu iiku nob mein, diig api dooglag. Genab, ig oh am doyak ele amge ded laala doyak nug nuka dayeb amu nug heeb, danab nug doyak ele nuka binag meku. Amge layagnu oo mauhak kobol amu nug heeb, geha Jesusnu tamaniak ena tutuku gagatag ele daaku. ² Am danab laa nug nuka, "Da amu doyen malami," ate amu, danab amu nug am doyak elele ii awom, hamu ate. ³ Amge danab nug Kayaknu oo mauhte ele amu, Kayak Nug danab amu epedia, nuhig tituanom.

⁴ Aria dod tepu main kayak ham bupuak medateb lanak amunu amu da inam atem. Ao ig dootem, kayak ham bupuak amuam keeke genab iita, danabnu dab mak aakuib. Amunu ag dotolag heteb am keeke laa genab ii ipunigte. Kayak laipu aakuib daate ⁵ amunu kayak ham bupuak habpa o wanpa ele daalob am atemun? Genab kayak ham bupuak kudum amu nadi ham bupuak kudum ele daalob amuam ihinigpa keeke hamu. ⁶ Adinu? Ihinig Kayak amu laipu daate, Nug am ig Mamenig, Nug am keeke ohnu diig daate amunu ig am nuhikudib daatem. Nadi ele am laipuib daate, Nug am ihinig Nadi, Jesus Kristus. Nug

keeke oh haṭom amu ig nuhigpa bauklele aotem.

⁷ Keeke amu anam daate amge danab laala ag doyak amu ii aopig. Ag am anuka kayak ham bupuak amu binag hanhan medapig, amupa ag gemu doḍ tepu amu lanaknu amu ag, “Ig kayak ham bupuak binag mematanu, ig doḍ tepu imu, ag main kayak ham bupuak medapig ele amu, ig ii lamata,” aon aṭeb. Ag anam dab meṭeb, ag oolagpa ulum nai, Kayak meḡte ele, amuam gagaṭag iṭa amunu ag lalob amu ag, “Ig ehed heṭem,” doolob. ⁸ Amge e nug ig omaiḡeb, Kayak topa ii gomata. Ig e ii lakunig dayeb amu ig anen anen, “Da e amu ii laṭem amunu da Kayak noobpa elele iṭa daatem,” ii amata. O ig e lakunig dayeb amu ig anen anen, “Da e amu laṭem amunu da Kayak noobpa enanag daatem,” amu ele akunignu elele iṭa.

⁹ Amge keeke ag aka ahilag dab makpa ag amu heḡulagnu elele dooteb amu, amupa ag laala Kayaknu kobol oh ii doopig ele amu, ag ag eedadpeg, hipunin ibpa gomananu ag dab meig! ¹⁰ Adinu? Na aun na doḍ tepu laa, danab ag tepu amu main kayak ham bupuak medapig ele amu, na Kayak Nug na tepu amu lakutnu am nau ii doote, na doyak amu aon malame amu na gona, kayak ham bupuak mana meṭak laḡa daana, e amu labepe amu danab laa, nuhig oopa genab doyak am gagaṭag iṭa ele amu, nug na aniṭa, doḍ tepu main, kayak ham bupuak medapig ele, nug amu lakunu dab mak awa laḡu. ¹¹ Na anam heḡut amu doyak nahip nug amu danab laa, nug Kristusnu oopa genab doote amge gagaṭag iṭa, Kristus nug danab amu edua aokunu mauhom ele amu, nahip doyak he, ib ehedpa goṭe. ¹² Anteg! Ag kristen laala, ahilag dab mak Kristusnu gagaṭag iṭa ele amu, ag ahilagpa hipunin amu hena, ahilag oopa genab doyak amu heeg nauhte amu, ag

haen amupa Kristus nuhigpa ele hipunin heṭeb. ¹³ Anam amunu da doḍ tepu ag main, kayak ham bupuak medapig ele amu, da amu lapi, kobol amunu da layal nug hipunin heḡu dayeb amu, aria da doḍ tepu amu baula ii lapa. Da hanhan amu di meṭen oipi ukeḡb, wan haen iṭa meḡu. Adinu? Da hepi, layal nug hipunin hemanu dab meṭem.

TOTOL AG KEEKE TAMANIAKPANU AOGLAGNU ELELE

9 Da hepi danab laa ehedpa gomanu dab meṭem amunu ag da do waapa dayeye heṭem bia dootebte? Anam iṭa, da donu begbeg ii daatem. Da am totol danab. Da am ihinig Naḍi Jesus Kristus anidmi. Am da Naḍinu uḡat laa hei, ag da uḡat hemipa ag kristen daateb. ² Am danab laala ag dahilnu, “Nug am totol danab iṭa,” dootebtai o iṭatai, da ii dootem amge ag Korint daateb ele amu, ag am anam dooglagnu elele iṭa. Adinu? Da nai matiṭyi, ag Jesusnu oolagpa genab doopig amunu da am genab totol danab daatem, ag amunu am eponak keeke bia daateb.

³ Am laa ele, danab laala ag da biilpa yak nai maditeb amu da edue amelagpa inam aṭem. ⁴ Da tamaniak epelagpa e le ele lakulnu amu elele iṭate? ⁵ Amu da kristen ah laa aopi, uḡat heḡulnu oh oignihnu, totol danab laa am Naḍi laiḡud laa oh am Petrus ele ag heṭeb bia elele iṭate? ⁶ Amu da Banabas ele i iya tamaniak epelagpa e le ele aognihnu elele iṭate? I iya keeke amu aognihnu men dodonu uḡat heḡunihte?

⁷ Am danab laa nug ban danab daate ele amu, nug amupa nuhig e iṭe aote? O danab laa nug grepnu dad gumate amu nug grep lepu iṭe late? O danab laa nug meme gumadte, nug uḡat amu haaha, meme huh amu iṭe late? ⁸ Am da danab dilag dab mak amuibte dim lamiten, da nai imu aṭem? Dopa amu nai amunu laa

iite daate? ⁹Yo, Moses nug do naipa nai laa amunu yom am inam. “Makau nug wit meu mumudkunu tabate amu na aib ode hautme,” awa aum. Am Kayak Nug do bulmakau dilagibte dab ma aum? ¹⁰Anam iita! Nai amu ihinignu ele ate. Ao, Moses nug Kayak ode awa yom, amuam ihinignu ele aum. Adinu? Danab nug e epaknu wan opate amu nug e meu o^ueb, meu maha aokunu dab maama udat heku amuam elele. Amu meu awak danab ele anamib.

¹¹Aria ig Oudinuu keeke ag oolagpa epamut amunu ig bedunig ehanitaknu keeke amu ag ig mekaglagnu am ena iitate? ¹²Danab laala ag ahilagpa dim gona, nai mehuqegeg, ag keeke madateb amunu da Banabas ele ahilagpa keeke aognihnu elelenab daatep. Amge keeke i aolopnu elele amu i ii aotep. Adinu? I keeke amu aolop amu Kristusnu Nai Ena ag aoglagnu, ib am oo nekunihtai amunu ug laala oh amu i aaku maotep. ¹³Ag imu iite dootep? Danab ag mana metak laka udat heteb ele amu, ag ahilag e mana metak lakanu aotep. Amu danab ag do main Kayak medteb ele amu, ag qadabpanu e aotep. ¹⁴Anam daate bia Nadi Nug do imu ele meum. Danab ag Nai Ena mehuqteb ele amu, danab amu ag danab ah Nai Ena amu dootep ele amu, ag ahilagpanu enulag keeke, be^ulag ehanidkunu, aoglag.

¹⁵Do anam daate amge da do amupa da keeke laa ii aomi. Amu da nai imu yaatem amu, da amupa keeke aokulnu ii hetem. Iitanab! Keeke da ehanidkunu, keeke amu da daka epelpa hein aotem amupa da daka da binal dootem amu danab laa nug heeb, binal amu iita melo am ena iitanab iita. Am naunab. Da mauhlom am nau anam iita. Da dahil gamag ahak dootem imu, danab laa nug gamag ahak dahil imu diig, amu dahilpanu ada adila aokunu am ena iitanab. ¹⁶Da Nai Ena mehuqtem

ele amu, amupa da daka binal mekulnu elele iita. Adinu? Kayak Nug a, da hetem. Da ii mehuqlom amu da ug nadi doolom. ¹⁷Am da daka doominu ahe, udat imu heinnelob am da udatnu nob aolom. Amge da udat imu hetem ele amu, da daka ain ii hetem. Iita, Kayak Nug udat imu hekulnu medom amunu ¹⁸da nob adi aokul? Dahil nob ena amu inam. Da Nai Ena mehuqtem, udat amupa da keeke da aokulnu elele daatem amu da ii awen, da Nai Ena, hamu nob laa iitapa mehuqe, danab madatem.

¹⁹Da danab laa nug he, begbeg danab nuhig ii daatem. Iita! Amge da danab kudum eedadpi, ag Jesus dim lamidkulagnu hetem amunu da daka danab oh dilag begbeg danab daakulnu ool he daatem. ²⁰Amu da oiyeeye uke, Juda danab gumate uke amu da Juda danab bein, ag daateb bia daami. Ag diikulnu amu da do waapa ii daami amge ag amelagpa da anidpig amu da do dim lamite daatem bia daami. Amupa da danab do waapa daateb ele, ag oolag edueb, ag Kristus dooglagnu hetem. ²¹Aria da uke, danab do iita ele, da ag gumate uke amu ag amelagpa anidkulagnu da danab do iita ele bia daami. Da danab do iita ele amu diikulnu anam hemi. Amge da Kayaknu do amu ii qe edidmi. Iita, da Kristusnu do amu dim lamidmi. ²²Amu da danab gagatag iita oolagpa dayeye amu da danab gagatag iita bia daami. Da danab gagatag iita amu diikulnu anam hemi. Da am danab oh ag ahilag kobol aten atenpa oiteb amu da ag diilag amu awe, ag edue diikulnu udat kudum heinne daatem. ²³Am Nai Ena amu aha okai mekunu, da nai amupan ititak aokulnu ele, da udat anam anam hetem.

²⁴Danab ag qaibad gona, nug edid edid heteb ele amu, ag oh qaibad gotep amge danab laipuib nug nob ena

aote amu ag iite dooteb? Aria ag ele qaibad gonana, laih laih aib neepig. Iita! Ag nob ena aoglagnu aakuib dab menana qai eteg! ²⁵ Amu danab oh ag qid laala ele hekulagnu daateb amu ag wan imupan keeke o kobol laala, ag qid ena hekulagnu ib oo nete ele amu, ag amu oh qeeg nete. Danab amu ag wannu bala, keeke nauhte ele amu aoglagnu hena, qid amu anam heteb amge ig nob ena, nauhaknu elele iita, amu aognignu hetem. ²⁶ Amunu da daka qaibad gotem amu da ugeke, edue laih laih neekeke ii gotem. Iita, da amel amu tutuku neeki uke, nob ena aokulnu daate amu andete gotem. Da danab laa nug epeg bitaka, laa makudkunu he, epeg nug eta, laih laih uke, ulahib ii ote amubia da ii hetem. Iita. Da udat dahil tutuku hetem. ²⁷ Genab da daka da bedul qei ne, dab mak da ool unuqagpa daate aakuib da bedul dim lamidte. Anam ii hewoya am da Nai Ena danab laaib dooglagnu mehuqege, dimpa da padal mekul am ena iita.

LAA OO EEDAKPA NA QEMANU NAI

10 O lailad, ig alankad ag keeke anidpig ele amu, da ag amunu dab mena oiglagnu ool daate. Ig alankad adi ag lombig waapa oinna, ag baelagpa le kokod matadpig. ² Ag oh Mosesnu dim lamitak danab bena, ag nug waapa daanna oipig. ³ Ag oh amu Kayak Nug ag bret mate lapig. ⁴ Ag oh amu, Kayak Nug le mate lapig. Ao, hab atannu laa Nugib ag omalatom. Nug Kristus. Nug he lapig. ⁵ Amge Kayak Nug danab ah kudum ag ahilag ehed hak nau amu andata, amupa Nug ahilagnu oo elele ii dayom amunu Nug he, ag atu tadakpa mauhpig.

⁶⁻⁷ Am keeke imu oh, ig anidta doognignu, dotog bia, ig keeke nau Israel amelag qe hepig bia amu ig amenig ii qemanu, ig Israel oolagpan danab laala hepig bia amu ig kayak ham bupyak ii

dim lamidmatanu beum. Kayak naipa, nai amunu inam daate. “Danab ah ag ahan, kayak ham bupyak binag mena, qag mena daanna, hobul nadi hena lanana, ahan nuhignu ahi ele godapig.”

⁸ Gapai kobol, Israel oolagpa laala hepig bia amu ig ii hemata. Ag kobol amu hepig amunu ded laipupa 23,000 ag mauhpig. ⁹ Ig Kayak Nug keeke hekunum amu genab hekute o iitate amu doognignu, Israel oolagpa laa hepig amubia, ig Kayak ii eedmata. Ag oolagpa laala ag anam heeg, mat ag emalatete mauhpig. ¹⁰ Amu ig Kayaknu naitud, Israel oolagpa danab ah laala hepig bia ii hemata. Ag Kayaknu naitud nai matieg amu aqakunu engel nug aqe, padal mepig.

¹¹ Keeke imu oh amu ig anidta doognignu beum. Kayaknu yak oopa kaya amu yaaladpig daateb amu ig danab gogtak haen imupan, ig anidrata, dab mak aota oignignu ipunigte ¹² amunu danab laa nug gagatag hibaita daate dab mete ele amu, nug na qemanu dab ma auta awad! ¹³ Ehed haknu eedak laanab amu ag bedulagpa ii bete. Iita. Danab oh aoteb amuib. Amu Kayak Nug hanhan ehanigte amu Nug ehed haknu eedak haenpa ele ehanigku. Ehed haknu eedak amu na edidmanu Kayak Nug na ehanita, ehed haknu eedak okainab, na edidkunu elele, amu bemanu amu Nug aib aku. Ge! Haen na ehed haknu eedak aotem ele amu, haen amunab Nug na ehed haknu eedak waapa daamnanu gagatag medaku.

KAYAK GENAB, HAM BUPYAK ELE OH DIMLAMATAKNU ELELE IITA

¹⁴ Anam daate amunu o lailad, ag kayak ham bupyak kobol amu aib adapig. Ag uueg! ¹⁵ Ag doyak ele amunu da ag amelagpa atem, dahil nai amu ahilag dab makpa ag aka epedin anteg! ¹⁶ Ig e gun latem haenpa amu ig wain, ititak megte ele amu, ig amu lautut, amupa ig

Kristus ele iite ou qetem? Amu bret laipu panaut ne, panit lautut, amupa ig Kristus ele iite ou qetem? ¹⁷Bret laipuib daate amu ig danab ah kudum amupa bedunig laipu daatem. Adinu? Ig oh am bret laipu amuib laitem.

¹⁸Israel budub, danab amu ag heteb amu dab mekulag. Israel ag dod tepu main Kayak medteb amu ag amu lanana, ag Kayak ele laipu qag mak daateb. ¹⁹Nai imupa amu da aditai atem? Da dod mana, kayak ham bupuak dotog metak am keeke genab atemte? O kayak ham bupuak dotog, nug am keeke genab atemte? Da anamte atem? ²⁰Iita, amge iita adi ag mana metak ahilagpa amu ag dod main oudi nau medateb. Ag main Kayak ii medateb amu da ag oudi nau ele ou qak daaglagnu amu, da ool ii daate. ²¹Ag Kristus amu oudi nau ele ou qak daaglagnu elele iita amu ag Kristus, oudi nau ele laipu daaglagnu elele iita. ²²Ig anam heput amu Nadi Kristus Nug ig ele ou qak daagnignu wagai mekute? Ig nuhig gagatag amu edidkunignu elelete?

KRISTEN NUG HAEN OH KAYAK BINAG MEKU

²³Genab, Kayak ig keeke hekunignu ib babaitom daate amu ig hekunignu elele amge keeke oh ig ii ehanigteb. Keeke amu oh amu ig hekunignu elele amge keeke oh amu hepeg, ig gagatag ii daamta. ²⁴Danab laa nug nuka nuhignuib aib dab meum. Iita, nug danab oh ag ena daaglagnu amu nug ag ehanatad!

²⁵Ag dod tepu oh daden lagpanu daden mekulag amu ag aon laig! Ag danab oopanu ulum ahilag dab menan, diig doon lakulagnu aib od madapig. ²⁶Adinu? Wan imu amu keeke oh ele niite imu am Kayak nuhigib daate.

²⁷Laa amu danab laa, nug Jesusnu oopa genab ii doote ele amu, nug ag gopeg, nug laugpa oh e lakulagnu oni-

lagpa eeb amu ag gokulagnu oolag dayeb amu gokulagnu elele. Gopeg, keeke oh nug mateb amu lakulag. Diig doon lakulagnu aib od medapig. ²⁸Amge danab laa nug ag amelagpa, "Ag dod tepu imu main kayak ham bupuak medapig," ab, aria danab nug amelagpa aum amu ag nuhig oopanu ulum nauhmanu ele dab mena, dod amu aib lapig. ²⁹Da danab amunu oopanu ulumnu atem. Ahilagnu iita. Da anam atem amge ag oolagpanu laa nug inam aku. "Ehe, adinu da danab laanu oopanu ulum nauhmanu dab mein, e lakulnu elele dootem ele amu, da ii lapa? ³⁰Da dod tepu amunu da Kayak unuqite lapi amu danab laa nug adinu dahilnu nai ehed aku? Da e amunu Kayak amegpa, 'Ena hen medame,' awoya laitem," awa aku.

³¹Amu genab amge ag e le ele lakulag, o keeke laa hekulag amu ag keeke amu ohpa ag Kayak binag mekulagnu aakuib dab menan heig! ³²Ag Juda danab, Grik danab amu Kayaknu kristen tamaniak dilag ele dab menana, danab ah amu ag ag anadna, kobol ahilagpa ag nena qem-ananu ag tutuku daan oiweg! ³³Da hetem amubia ag heig! Da keeke oh hetem amu danab oh ag da adi hetem amu oolag metaglagnu hetem. Da udat hetem amu daib ehanidkulnu ii hetem. Iita! Da udat hetem amu danab ah kudum ehanadpi, Kayak edua diikunu aakuib hetem.

11 Am da Kristus Nug kobol adi adi heum ele amu andete, da kobol amu dim lamidtem, amubia ag ele da anidnana da hetem bia heig!

KAYAK BINAG MAK HAENPA IKI HAUTAK KOBOL

²Ag hanhan dahil dab meteb, nai da ag amelagpa atem ele amu, ag tutuku aon adateb amunu da ahilagnu ool ena dayeye, ag am genab kobol ena heteb awe atem. ³Amge ag nai imu dooglagnu

da ool daate. Danab oh i^kilag am Kristus, ah i^ki am danab, Kristus i^ki am Kayak. ⁴Anam daate amunu danab nug unuqid^kunu o iⁱta nai mehuq^kunu haaha, i^ki haut-te, nug aaku Kayak aben mekom daate amu kakidte. Aben amuam danab nug Kristus waapa daate. ⁵Am ah laa nug i^ki ii hauta, unuqid^kunu o Kayak nai mehuq^kunu haaha, nug ele Kayak aben mekom daate amu kakidte. Aben amuam ah nug danab waapa daate. Nug i^ki ii haut-te amu ah nug i^ki udu^g oh hoite bia hete. Am u^da nak ele. ⁶Amu ah nug i^ki hautaknu uute amu nug i^ki udu^g hoiad! Amge nug i^ki udu^g hoiyaknu u^da nak doote dayeb amu aria nug i^ki hautad! ⁷Aria danab nug i^ki amu aib hautom. Am adinu? Danab ag Kayak adi bia daate amu nuhig gagatag ele dotog bia daateb amge ah ag danab adi bia daateb amunu dotog daateb amunu ag i^kilag haute^g! ⁸Kayak Nug ah bedupa danab ii heum. Iiⁱta. Nug danab bedupa ah heum. ⁹Am ele Kayak Nug ahnu dab ma, danab ah ehanid^kunu ii heum. Iiⁱta. Nug danabnu dab ma, ah nug danab ehanid^kunu heum. ¹⁰Kayak Nug ah, danabnu heum amunu ah ag engel noolagpa ena daaglagnu i^kilag haute^g!

¹¹Amge ig Nadi ele ou qak daatem ele amu, ihinigpa ah nug nu^ka pide ii daate. Danab nug ele nu^ka pide ii daate. Iiⁱta. Ah nug danabnu ehanitak aote, danab nug ahnu ehanitak ele aote. ¹²Kayak Nug ah hekunu amu Nug danab bedu laih awa heum anamib gemu danab ahpa doteb amge Kayak Nug keeke oh Mameg daate. ¹³Ag imu tutuku epedin anteg! Ah laa nug i^ki ii hauta, Kayak unuqidte amu nug kobol tutuku hetete? ¹⁴Am Kayak Nug ig danab ah bedunig aben aben mekompa daagnignu anidtem am danab laa nug i^ki udu^g elab ele daate amuam ehed iite ipunigte? ¹⁵Amge ah laa nug i^ki udu^g elab ele oiku amu ena, am nuhig bala. Adinu? Kayak Nug ah i^ki

udu^g elab heum amunu amupa nug i^ki haut-te. ¹⁶Amu danab laa nug nai imu tapeb neeb, awa awa qetak nai matiaya hete amu nug doya^d! Ig kobol amunu do laa ii metem, Kayaknu kristen tamaniak oopa ele anamib daate.

E GUN LANAKNU KOBOL TUTUKU

¹⁷Aria da keeke laanu madikulnu hetem amu da amunu binalag ii metem. Am inam. Ag ahi etaglagnu qag menana amu ag kobol tutuku ii adateb. Danab ag qag mak amupa ehanitak aolob amge iⁱta, ag nakok ehed bia aoteb. ¹⁸Amu laa ag haen ag Korint ag Kayak nai dooglagnu qag meteb amu ag obatak obatak daateb, laipu oh ii daateb, anam aeg doomi amu da nakok oolpa genab dootem. ¹⁹Adinu? Ag enanag ii hete^b amunu obatak amubia genab beku amge amupa Kayak Nug heeb, ag oolagpa danab aun adi ag tutuku daateb ele amu, ag miag atiglag. ²⁰Ag anam daateb amu haen ag oh qag meteb amupa ag, "Ig Nadinu e latem," aon ateb amge ag anam ii hete^b. ²¹Iiⁱta! Ag oh aka aka ahilag e aka lateb amunu laa e iⁱta ele daate amu, nug enug dayeye, aria danab laa nug le gagatag huan lawowa kaaka qete. ²²Amu atemu? Ag e le ele lakulagnu laulkad iitate? Ag Kayaknu kristen tamaniak amu keeke hamu bia dootebte? Ag lailkad laala, e iⁱta ele daateb amu, ag ag anadna ahilagnu dab mak ii aona, u^da nak madatebte? Ag hete^b amu da amunu adi akul? Da ag binalag mekulte? Iiⁱta! Kobol amunu amu da ag binalag iinab mepa.

²³Da nai imu Nadi Jesus Nug odepa nai awen, da ag amelagpa tatam ami amu da gemu eduen baula atem. Nai amuam inam. "Judas Nug tuqan Nadi Jesus awa, keked epelagpa meum, tuqan amupa Nadi Jesus Nug bret awa ²⁴Kayak unuqitowa, pane ne amu Nug aum. 'Bret imu amu da bedul ipu-

nigte. Amupa da ag ehanadkul. Da ag ehanadkulnu hemi, amu ag daulagpa dokunu, ag Bret, ig gemu laṭem, amubia laig!’²⁵ Ag e lana malona amubia Nug hai gokod awa, Nug aum. ‘Hai gokod imupa wain daṭe amu da tiil ipunigte. Da tiilpa Kayak Nug tituanak bau qagate. Ag lanana amu da ag ehanadkulnu hemi, amu ag daulagpa dokunu ag wain, ig gemu laṭem, amubia laig!’” Jesus Nug anam aum.²⁶ Amu genab, ag hanhan Jesus eḍa ii nak haen imupa, Bret imu wain imu ele lanana, ag Nadi Jesus mauhomnu nai amu mehuqteb.

²⁷ Amunu danab laa nug oo babaitak iita, nug Nadinu Bret o wain hamu awa late amu, nug amupa Nadi Jesus bedu, tiig ele am keeke hamu bia doya, nug Jesus nuhigpa hipunin hete.²⁸ Danab nug nuḱa epediṭa antowa aria nug Nadinu e gun ele amu nug laḱu.²⁹ Adinu? Danab nug nuhig oiyak elele iitapa, Nadi Jesus bedu tiig ele amu dab ii medata, nug hamu late amu nuḱa nuhig ab aaku late.³⁰ Diig amupa ag oolagpa danab ah laala ag gagatag iita, laala ag ode aona, laala mauhadpig.³¹ Ig ika ig epediṭa, elele anidta lakunig am bedunigpa ab iita daagnig.³² Amu Kayak Nug ig adi hetem anika, Nug ihinig hak amu epediṭa, ig danab Kayak ii dim lamidteb ele oh padal ii mematanu, ig ena bekunignu Nug ig tolika, bu iqaqa bapaigte.

³³ Anam aaku amunu o dahilad, ag e lanaknu qag meteb, ag aka aka aib e paha lapig. Laala uḍiglagnu amelag meig!³⁴ Ag mauhnoak e lateb amubia tudidna labepeg, Kayak epediak baubau matamanu amu laa nug enug qeeb, nug nuḱa nug laugpa e lanad! Nai imu gogpa ii temi amge dimpa da uke, apa bapaidkul.

KAYAK OUDI NUG EHAH DIIGDIIG KRISTEN MADATE

12 Aria keeke laa imu ele iiku yaakulnu hetem. O lailad, Kayak Oudi Nug udat diigdiig haknu ehah meḱte amu da ag amunu oolag maidkunu ool daṭe.² Ag dooteb, anuka ag Kayak ii doon daeegeg, haen amupa Satan eedate, ag kayak ham bupuak, ag nai ii madiṭeb ele amu, ag binag mekulagnu oolag yaeegeg, ag amu dim lamadna gokulagnuib hepig.³ Amunu gemu keeke amubia baula bemanu, ag imu dooglagnu da ool daṭe. Kayak Oudi Nug danab laa oopa noa heeb, nai mehuqa, “Jesus Nug nob nau aokunu ool daṭe,” madikunu elele iita. Aria danab laa, nug oopa Kayak Oudi iita ele amu nug Kayak binag ma, “Jesus Nug Nadi daṭe,” madikunu ele elele iita.

⁴ Kayak Oudi Nug udat diigdiig haknu ehah amu meḱte amge Kayak Oudi laipu, Nug aakuib daṭe.⁵ Nadinu udat diigdiig amu ig hekunig amge Nadi laipu Nugib daṭe.⁶ Udat diigdiig, amu haknu ib pide pide ele daṭe amge Kayak laipu, Nugib udat amu haknu gagatag danab oh ag udat amu hekulagnu madate.

⁷ Danab ah ag tamaniak oopa daateb ele amu, ag nug ehanitak hekulagnu, Kayak Oudi amu Nug ehah diigdiig danab anen anen madate.⁸ Kayak Oudi Nug danab laa nug ag dab mak ena ipuanadkunu ehah medata, Kayak Oudi laipu amuib Nug danab laa nug Kayaknu nai mehuqeb, danab ah tutuku dooglagnu ehah medate.⁹ Am Kayak Oudi laipu amuib Nug laa nuhig oopa genab doyak okai medata, laa nug ode danab heeb, ena daaglagnu ehah medate. Oudi laipu amu Nug hete.¹⁰ Am Nug laa ehah mete, nug kobol danab hekunu elele iita ele amu nug hekunu elele daṭe. Laa nug Kayak nai mehuqkunu ehah amu medate. Am laa nug oudi diigdiig epedi-

adkunu ehah amu medate. Am laa nug nai laapa nai madikunu ehah medata, Nug laa nug nai amu edukunu ehah amu medate. ¹¹ Kayak Oudi laipu amuib Nug doyak ena amu oh he bete. Nug oo daate bia danab anen anen adi hekulagnu ehah amu madate.

TAMANIAK AM BEDU LAIPU BIA DAATE

¹² Ig danab bedunig amu laipu amge laih kudum daate. Am bedu laih kudum amu ag oh qag meeg, bedu laipu daate. Kristusnu tamaniak ele nug anam aaku daate. ¹³ Kayak Oudi Nug he, ig oh bedu laipu bia daatem. Laala am Juda danab, laala am iita adi danab. Laala am begbeg danab, laala am begbeg iita. Yo ig oh Kayak Oudi Nugib aomut.

¹⁴ Aria danab bedu nug am laih laipuub iita! Laih kudum ag daaegeg, bedu nug daate. ¹⁵ Baeg nug, “Da am epeg iita amunu da bedu imunu laih laa iita,” alo amu, amunute nug am bedu amunu laih laa iite daalo? ¹⁶ O iita daug nug, “Da am ameg iita amunu da bedu imunu laih laa iita,” alo amu, amunute nug am bedu amunu laih laa iite daalo? ¹⁷ Bedu laa oh nug amegib daalo amu nug nai daugpa aтем doolo? O iita bedu laa oh nug daugib daalo amu nug aтем udig doolo. ¹⁸ Amge anam iita. Kayak Nug oo niiom bianab bedu laipupa bedupan laih naunau diigdiig ele hatom daateb. ¹⁹ Bedupan laih naunau ag laala ii daalob amu bedu laipu ii daalo ²⁰ amunu bedupan laih naunau ag qag meeg, bedu okai laipu daate.

²¹ Amunu ameg nug epegnu, “Da daka am elele. Na da ehanidkutnu udat laa ii daate,” ii ama. Iita. Iki ele nug baekud dilah, “Da daka am elele. A da ehanidkulahnu udat laa ii daate,” ii ama. Iitanab! ²² Amu ig bedunigpa laih laala am gai iitanab anadtem amge laih amu ag ii daalob amu ig udat laa ii helom. ²³ Amu

ig bedunig laih laa, neekak enanag iita, ig ag ahilag udat heteb amupa binalag metem. Amge ig bedunig laih laa, neekak ahilag enanag ele amu, ahilag udat hak am okai iita. ²⁴ Anam aaku amu amupa ig anidtem, Kayak Nug bedunig laih oh binalag matom. Laa neekaknu, laa udat haknu amunu amupa ig bedunig laih oh am tuditak laipuib daanna, udat elele heteb. ²⁵ Amunu bedu laipu nug otiak laala ii daateb. Iita, laih naunau oh ag nug ehanidnana daateb. ²⁶ Bedu laih laa nug guitak doye amu bedu laih laa oh ag ele guitak aoteb. Bedu laih laa nug onig ena ele daye am bedu laih laala oh ag ele oolag gamag ahate.

²⁷ Ag oh amu Kristus bedu daateb, danab anen anen ag amu Nug bedu laih naunau daateb. ²⁸ Am Kayak Nug kristen tamaniak oopa nuhig udat hak danab ele anam aaku meum. Anuqak am totol danab daateb. Amu dimulagpa am Kayak nai mehuqak danab daaeg, ag dimulagpa am ipunitak danab daateb. Aria laa amu kobol danab hekunu elele iita hak danab daaeg, laa amu ode babaitak danab amu ehanatak danab amu udat diigdiig gumak danab daaeg, laa amu ab ab naipa nai matiaknu danab daateb. ²⁹ Ag oh totol danab daatebte? O iita ag oh Kayak nai mehuqak danabte? O iita ag oh ipunitak danabte? O iita ag oh am kobol danab hekunu elele iita hekulagnu elelete? ³⁰ O iita ag oh am ode danab bapaidkulagnu ehah elele? O iita ag oh am ab ab naipa nai maditebte? O iita ag oh am nai amu edutebte? Iita! ³¹ Amge ag ehah meu ena ele amu aoglagnu oolag dayeb, wagai mena hena aweg!

OONIG MAUHAKNU KOBOL

Amu oh am ena amge da geha iiku ib enanag ipuanadpi dim lamidkulagnu hetem.

13 Da danab amelagpa danab nailag diigdiig amu engel nailagpa ele maditem dayeb amge da laa dilagnu oo mauhak ii dootem dayeb amu da do digdiig hamu gaateb bia o iita oqoti hamu ote bia daatem. ² Amu da propet nai madikulnu, Kayaknu dab mak lokumak amu dab mak laala ele dookulnu elele daatem dayeb, dahil oopa genab doyak gagatag dayeb, amupa da qauko hepi, laih wakunu ele hekulu elele daatem dayeb amge da laa dilagnu oo mauhak ii dootem dayeb amu da keeke hamu bia daatem. ³ Am da keeke dahilad oh dadek danab matoya, da Kayaknu udat huan heina, da daka da binal mekulnu da bedul imu kakidtem dayeb amge da oo mauhak, laa dilagnu ii dootem dayeb amu, keeke amu oh da ehanidkunu elele iita.

⁴ Danab nug oo mauhak ele, nug laa dilagnu paha ehed ii doote, nug laa ele ehanadte. Nug danab laa keeke kudum ena ele daye anta, nuhignu oo ii nauhte. Nug nukā onig ii humate, nug enaen ma ele ii oite. ⁵ Danab nug oo mauhak doote ele, nug laa noolagpa dagom oite, nug nukā nuhignuib ii dab mete. Nug paha opodi ii bete, nug laa ag nuhigpa ehed laa hepig amunu hanhan ii dab mete. ⁶ Danab nug oo mauhak doote ele amu nug kobol tutuku iitanu amu nug oo gamag ii ahate. Iita, nug Kayaknu kobol genab, amunuib oo gamag ahate. ⁷ Danab nug oo mauhak doote ele amu nug ug oh maote, nug hanhan oopa genab doyak ele oite. Nug hanhan Kayak nug ehanidkunu amu dab mete. Nug ug laa maokunu amu ug ii qete, nug gagatag hibaita daate.

⁸ Am oo mauhak kobol amuam geha iita ii mema. Iita, nug hanhan daaku! Kayak nai mehuqak udat amu geha iita meku, nailag diigdiig matiaknu udat am geha iita meku. Amu doyak awaknu udat am ele iita meku. ⁹ Gemu ig keeke laipu

laipu dootem am Kayak nai ele amu laib laib aakuib doot mehuqtem ¹⁰ amge dimpa kobol amuam iita meeb, meu amu geha miagib udiku. Haen amu dob am keeke oh ig ii dootem ele amu, keeke amu oh miag atieb ig doognig. ¹¹ Amu haen da nid nakok dayeye, da nid nau nau dilag nai matimi. Nid naunau keeke dab medateb anam da dab metami. Da nid naunau dilag dab makpa ele daami. Amge dimpa, da danab okai mein, da nid nakok dilag kobol amu oh da editen, danab okai dilag dab mak amu da awen daatem. ¹² Anamib gemu da Kayak baegpa daye, Nug atem daate anidkulnu amu da nuhig kobol amu laih nakok nakokib, ig keeke letod ena iitapa anidtem, amubia ante dootem, oh ii dootem. Dimpa gogtak haenpa amu da Kayak atemnab daate anidkul. Gemu Kayak Nug dooidte amubia da haen amupa keeke dookul. ¹³ Amunu ib ewam imu daateb, oopa genab doyak kobol amu Kayak waapa dayaya ameg mak kobol amu laa dilagnu oo mauhak kobol ele aaku. Amge ib ewam amu oh dilagnu ib anuqaknab daate, amuam laa dilagnu oo mauhak kobol.

KAYAK OUDINU EHAHNU NAI LAA

14 Oo mauhaknu kobol anam daate amunu ag hanhan danab ah laa dilag oolag mauhkunu wagai menana, aria Kayak Oudinu ehah oh amu ag aoglagnu oolag dayad! Amge ehah anuqak amu ag Kayak nai mehuqaknu amu aoglagnu wagai meig! ² Adinu? Ig dootem, danab nug nai laapa nai madite, nug danab ah ele nai ii madate. Iita. Danab ag nai amu ii dooteb amunu nug Kayakib amegpa ate. Kayak Oudinu gagatag he, nug nai lokumak madite. ³ Amge danab nug Kayak nai mehuqte, danab amu nug nai matieye, danab dilag oopa genab doyak gagatag qedate, kobol ena dim lamidkulagnu gagatag madate

amu ag oolagpa madod daakunu gagatag ele madate. ⁴ Danab nug nai laapa nai madite, nug nuka oo gagatag medate. Amu danab nug Kayak nai mehuqte, nug kristen tamaniak, ahilag oopa genab doyak amu gagatag qedate. ⁵ Ag oh ab ab nailkad laalapa nai matiglagnu ool daate amge ag Kayak nai mehuqkulagnu amu da ool huana daate. Danab nug nailkad laalapa nai madite ele amu, nug danab Kayak nai mehuqte ele amu ii edidte. Iita. Nug nai amu kristen tamaniak ag oolag gagatag qedakunu edueb, nug Kayak nai mehuqak danab bia daaku.

⁶ O lailad, nai imu ag tutuku dab metan adeg! Da ag gumate uke, nailkad laalapa nai madakul amu da ag atem ehanadkul. Iita amge da nai ag dooteb ele amu, nai amupa Kayak Nug da nai adi amelagpa akulnu ipunitom amu api dooglag, o iita doyak ena ag madakul, o iita da Kayak nai mehuqe ib ena ipuanadkul, o iita da ipunitak nai api dooglag amu amupa da ag ehanadpi, ag Kayak tutuku dooglag. ⁷ Keeke bau iita, oqoti ote, dumutum o iita gita keeke, nuhig baag ena ele amge oqoti ena diigdiig ii heeb amu ig oqoti ena atem doolom? ⁸ Amu biugal baag ena ii gayeb am aun nug aha, ban hekunu bapaidku? ⁹ Amubia ag ele nailkad laalapa nai madipeg amu laa ag atemun geha ahilag nai amu dooglag? Iitanab. Nai ag matiglag amu aun dooku? Laa iita. Qetodku. ¹⁰ Genab, danab nainig pide pide kudumnab wan imupa daate. Nai amu oh oopa amu laa nug hamu ii daate, nai amu oh amu diig ele. ¹¹ Anam daate amunu aria danab laa nug nai laa da ii dootem elepa da amelpa nai matieb, da ootot daapi, nug dahilnu, "Danab umu am ab laa ted," awa aku. Da ele geha nuhignu, "Nug am ab laa ted," akul. ¹² Amu ag ele anamib, amu ag ele Kayak Oudinuh ehad aoglagnu oolag huana daate amunu Kayak Oudi Nug

ag kristen tamaniak gagatag madakunu ehad amu ag madakunu wagai meig!

¹³ Diig amupa amu danab laa nug nailag laapa Kayak nai mehuqte amu nug Kayak gagatag meteb, nug nai amu edukunu elele daakunu unuqitad! ¹⁴ Ag imu dab menan autna aweg! Da nailag laapa nai amupa unuqidtem dayeb amu da oudil aakuib nug unuqidte. Am dab mak dahil amu hamu daate. ¹⁵ Amunu da atem hekul? Da unuqidkul amu da oudil, dahil dab mak ele ohpa unuqidkul. Da ahi edakul amu da oudil dab mak ele ohpa ahi edakul. ¹⁶ Na anam ii hena, oudinpaib nai laapa, Kayak unuqidna, "Ena heme," abepe amu danab laa nug am atemun unuqitak nahip gagatag qedaku? ¹⁷ Na heme am genab, na Kayaknu ena heme aon, amegpa anana, binag meme amge na heeche, danab laa nug Kayaknu ehanitak, ig ehanigte amu, nug ii doyom.

¹⁸ Da haen kudum nailag laalapa, Kayak binag metem. Da kobol amu okainab hein, ag edadtem. Da anam hetem amunu da Kayak amegpa, "Ena heme," awe atem. ¹⁹ Da anam hetem amge kristen tamaniak qag makpa amu da nai onig tanig elepa nai madipi, danab ag oolag maiteb, meu aoglag am enanag. Amge da nai onig 10,000 nailag laapa nai madipi, danab ag nai amunu meu ii aoglag am ena iita.

²⁰ O lailad ag dab maknu amu, ag nid naunau, dab mak tutuib aon oiteb, amubia ag aib oipig amge ag hipuninu amu ag nid yud, hipunin doonna ii heteb, amubia ag hipunin aib hepig. Ag danab okai dilag dab mak aon oiyeg! ²¹ Kayaknu do naipa nai imu daate. "Da laihnu danab, ag nailag laa, Israel ag ii dooteb ele amu, da danab amu maadpi ag Israel gumadna udina, ag ag odelagpa nai madakul amge amupa ele Israel ag dahil nai ii doomna," awa aum.

²² Amupa ig dootem, danab laa nug nailag laapa, oopa genab doyak danab ehanadkunu ii daate. Iita. Kobol amuam danab ag oolagpa genab ii dooteb ele, ag danab anam hete ele, amu anidna doona, ag oolag edukunu daate. Amge Kayak nai mehuqak amuam danab ag oolagpa genab dooteb ele, ag gagatag aqakunu daate, oolagpa genab ii dooteb ele gagatag aqakunu iita. ²³ Anam daate amunu kristen tamaniak danab ah oh ag qag mena, ag nailag pide pidepa nai madipeg, danab laala ag oolag ii maidte o iita ag oolagpa genab ii dooteb ele amu ag ahilag qag mak oopa nona anadna, ag, "Ag kaaka aqom," aon akulag. ²⁴ Aria ag oh Kayak nai mehuqpeg, danab laa nug oopa genab ii doote, o iita nug oo ii maidte ele amu, nug qag mak oopa nob, ag oh ahilag nai amu danab amu oopa noa dayaya heeb, geha danab amu nug am hipunin danab daate doyeb, ag nai madipig ele amu, nug epedik. ²⁵ Nai oh amu nug oopa noa, adi lokumom daate ele amu oh heeb, miag atieb amu geha nug dup noa, idu wanpa nob amu nug Kayak binag ma, nug odepa, "Genabnab, Kayak Nug ag oolagpa daate," awa aku.

KRISTEN AG ATEM AHI ETAGLAG

²⁶ Anam daate amunu o lailad, ag atemtai hekulag? Ag inam hekulag. Haen ag oh qag meteb, laa nug ahi etak udat heeb, laa nug gagatag aqaknu nai ipuanatebeb amu laa nug Kayak nai ipunitom amu mehuqku. Amu laa nug nailag laapa nai matiebeb am laa nug nai amu eduku. Ag keeke amu oh anam hekulag amge ag keeke oh kristen tamaniak gagatag qekunu heig! ²⁷ Am laala ag nailag laapa nai matiglagnu heteb, aria adit o ewam aakuib ag anam hekulag nu am elele amge ag oh haen laipu aib madipig. Iita. Laa tatam matieb, laa matiad! Am laa nug nai amu eduad! ²⁸ Kristen tamaniak qag makpa laa nug

nailag laapa nai matieb, laa nug nai amu edukunu ii dayeb amu danab nug nai madite ele amu, nug ode qamutad! Nuka Kayak eleib nai matied!

²⁹ Danab adit o ewam, ag Kayak nai mehuqak danab, ag anen anen nai mehuqpepeg amu, laa ag bia amu ag nai amu epedieg! ³⁰ Am Kayaknu nai mehuqak danab laa nug hedep na dayeb, Kayak Nug nai ipunitom amu nug hibaitieb, laa nug nai madite ele nug ode qamuteb, laa amu nug nai madiku. ³¹ Geha ag kobol amu hepeg, ag anen anen oh ahan, nai mehuqaknu elele daapeg, geha danab oh ag doyak amu aon, ag oh gagatag aoglag. ³² Kayaknu nai mehuqak danab ag am nai mehuqkulag nu nug meh qak ii hemananu, ag gagatag Kayak epegpa aon daateb. ³³ Adinu? Kayak Nug heeb, ig mauhnoak daagnignu ii hete. Iita. Nug heeb, ig oo laipu, madod ele daagnignu hete amunu ag nug meh qak ii hema.

³⁴ Kristen tamaniak qag mak laa ohpa ah ag nai ii maditeb, amubia ahilag kristen tamaniak qag makpa ele ah ag nai ii matimna. Ag odelag qamutna daaglag. Kristen tamaniakpa ah ag anuqak ii daateb, do ate bia ag waapa daateb. ³⁵ Ah ag nai laa diig dooglag oolag dayeb amu aria ag laulagpa ahilkad danab od mataglag. Ah nug Kristen tamaniakpa nai mehuqku amu nug kobol elele ii hete.

³⁶ Amu atemtai? Kayaknu nai diig amu ag Korint agte? Agibte aaku Kayak nai aopig, danab ah laala ag amu iitate? ³⁷ Danab laa nug, "Da am Kayak nai mehuqak danab," dab mete dayeb o nug, "Kayak Oudi Nug dab mak ipunitom," dab mete dayeb amu aria nug nai da ahilagpa yaatem imu amu, nug amunu, "Nadinu do anam daate," ele anaq! ³⁸ Aria danab amu nug nai imu dab ii meteb amu aria ig doognig, nug Kayaknu nai mehuqak danab iita.

³⁹ Amunu o lailad, ag Kayak nai mehuqkulag_{nu} udat amu aoglag_{nu} gagatag heig! Laa ele amu ag nailag laalapa nai maṭiglag_{nu} aib do mepig ⁴⁰ amge ag kristen tamaniak oopa, qag mak ahilag, nug ena elelenab daak_{nu} amu ag tutuku heig!

KRISTUS NUG MAUHOWA EDUA HIBAITOM

15 O lailad, da ahilag dab mak, Nai Enanu, maḍ edak_{nu} heṭem. Da tatam dig makpa Nai Ena amu mehuqe ipuanati, ag Nai Ena amu doon aḍan, amupa ag Kristus nuhigpa gagatag bepig daateb. ² Ag da Nai Ena ag amelagpa mehuqmi ele amu, ag gagatag adateb dayeb amu Kayak Nug nai amupa ag edua diite. Ag gagatag ii adateb dayeb amu ag hamu oolagpa genab doopig.

³ Da ipunitak aomi amu da nai amu ag amelagpa mehuqi doopig. Nai amu inam. Kayak naipa, nai daate amubia Kristus Nug ig oh ihinig hipunin uhuqa megak_{nu} mauhom. ⁴ Ag Nug men ode moḍpa boomeg amu deḍ ewampa Nug Kayak naipa, nai daate bia, Nug edua hibaitom. ⁵ Amu Nug Petrus gumiṭa uke ante, dimpa Nug nuhikud ipunitak awak danab laa gumaṭa uke anidpig. ⁶ Amu dimpa nug nuhikud dim lamitak danab 500 laa ele gumaṭa uke anidpig. Gemu amu ag oolagpan kudum bau daateb amge laipu laipu mauhpig. ⁷ Aria amu dimpa Nug Jakobus gumiṭa uke ante amu Nug total nuhikud oh gumaṭa uke, ag ele Nug anidpig. ⁸ Aria da am nid yud anig dimnab menuom bia daaiyi, Kristus da gumida udie anidmi.

⁹ Amu da total danab oolagpanu amu da onig iita bia daatem. Adinu? Da Kayaknu kristen tamaniak amu hepi, iita mekulag_{nu} ehed hadmi amunu dahilnu danab ag, “Nug total danab,” aon akulag_{nu} elelenab iita. ¹⁰ Amge Kayak Nug da ehanitak okai hamu mede, da gemu

aṭem daatem amu ehanitak nuhig amupa aaku daatem. Nug da ehanitak okai hamu mede amu da bedulpa hamu ii qetodom. Iita. Da udat gagatag heinne, gemu ele heṭem. Total danab laa ag da udat gagatag heṭem bia gagatag ii heṭeb amge da daka ii heṭem. Iita! Kayak Nug da ehanitak okai hamu mede, da amupa amu heṭem. ¹¹ Amge daibte udat okai hemi o iita total laa agte udat okai hepig, amuam keeke okai iita. Keeke laipuib anuqak daate am, ig oh Kayaknu nai laipuib mehuqtem, aakuib amu ag Korint danab amu ag nai amu ag oolagpa genab dooteb.

DANAB MAUHPIG EDUA HIBAITAKNU NAI

¹² Amge haen oh ig Kristus Nug mauhe, Kayak Nug he, Nug edua hibaitom, nai amu ig mehuqtem amunu aṭemun ag oolagpanu laala ag nai inam aon maditeb? “Danab mauhom, nug edua ii hipaidma,” aon aṭeb. ¹³ Am danab mauhom, nug edua ii hipaidlo, nai amu genab daalo amu ig inam ele doolom. Kayak Nug he, Kristus Nug ele edua ii hibaitom amge anam iita. ¹⁴ Kristus Nug edua ii hibaitom am genab dayeb amu aria nai ig mehuqtem am hamu, kaya naiib. Ag oolagpa genab dooteb ele amu, keeke amu ele am meu iita, keeke hamu. ¹⁵ Anam dayeb amu aria ig ham bupiak danab daatta, Kayak nai amu mehuqtem. Adinu? Kayak he, Kristus edua hibaitom, nai amu ig miag atiak mehuqtem. Amge, genabtai Kayaknu gagatagpa mauhak danab ag edun ii hipaidkulag aria Kristus ele Kayaknu gagatagpa edua ii hibaitom. ¹⁶ Ao, danab mauhpig ele amu ag Kayaknu gagatagpa genab edun ii hipaidkulag amu aria ig inam ele doog-nig. Kristus ele Nug Kayaknu gagatagpa edua ii hibaitom. ¹⁷ Amu Kristus Nug Kayaknu gagatagpa edua ii hibaitom am

genab dayeb amu oopa genab doyak ahilag amu ag ii ehanadma. Nug ag hipunin ahilag ii uhuqa maṭom daateb. ¹⁸ Anam dayeb amu danab ag Kristusnu oolagpa genab doon mauhpig ele amu, ag ele padal mepig. ¹⁹ Ig Kristusnu oonigpa genab doota, ig Nug ameg meṭem ele amu, ig wan imupaib nuhig ehanitak aognignu daatem dayeb amu ihinignu gadonnab. Amge anam iita.

²⁰ Kristus Nug mauhom amu Kayak Nug genabnab he, Nug edua hibaitom. Nug data e bau odue, dig men aoteb amubia Nug danab mauhak amu ag oolagpanu Nug tatam anuqa edua hibaitom. ²¹ Ig danab ig mauhṭem, amunu diig am danab laa nug he, kobol amu beum. Amubia danab edua hibaitaknu kobol ele amu, danab laa Nug he, kobol amu beum. ²² Amu inam. Adam hipunin heum amunu danab oh mauhṭeb. Anamib aaku Kristusnu udat okaipa amu danab oh ag bau daaglag. ²³ Anam amge amu oh anen anen, ahilag haenpa awaknu. Tatam Kristus Nug edua hibaitom, aria dimpa Kristus Nug edua udieb, laa ag nuhigpa daateb ele amu, ag geha edun hipaidkulag. ²⁴ Aria, amu dimpa Kristus Nug heeb, gabman udat, iki dayak udat amu gagatag digdiig ele amu oh heeb, iita mepeg, Nug do madoḍ amu Kayak, ig Mamenig, Nug epegpa meeb dayeb, haen nug aaku gogpa teku. ²⁵ Adinu? Kristus Nug keeke ohnu gumak danab dayeb, Kayak heeb, Kristus Nug nuhikud keked oh tabateb, ag nug baeg waapa wakulag. ²⁶ Nug keeke laala oh amu edateb, Nug waapa daapeg amu Nug geha mauhaknu ebehi ele okula heeb, iita meku. ²⁷ Kayak naipa, nai laa amunu inam daate. “Kayak Nug keeke oh Nug waapa meum daate.” Kayak nai amuam Kayak Nug keeke oh Kristus waapa meum ipunigte amge Kayak Nug nukā keeke amu oopa ii daate am ele miag

atiak daate. Iita, Nug keeke laa oh Kristus waapa meum. ²⁸ Aria dimpa, keeke oh Kristus waapa daapeg amu Nug, Nug am Kayak Beḳa, Nug nukā Nugib ha, Nug Nug Mameg Kayak, Nug keeke oh Nug Beḳa waapa meum ele amu, Nug Nug waapa daaku. Amupa Kayak, Nug keeke oh gumak iki anuqak daaku.

²⁹ Ig mauhaknu edut ii hipaidlom amu adinu danab laala ag danab mauhpig amu outlag layatak aoteb? Ag adi dab menana, anam heteb? ³⁰ Aria danab mauhpig ag edun ii hipaidkulag dayeb amu ig ele hanhan danab laala ag ig ehed heigkulagnu heteb amu, adinu ig ug amu maotem? ³¹ O lailad, deḍ oh da mauhak abenpa oitem. Ig oh ihinig Naḍi Jesus Kristusnu daatem amunu da ahilagnu gamal genab ahate, amubia da amuam genab dootem. ³² Danab mauhpig ele, ag edun ii hipaidkulag dayeb amu haen da Epesus ipa daaiyi laala da Jesusnu nai mehuqtem diig amunu iupeg mauhkulnu hepig amu ug amu mawak am diig iitanab. Genab anam dayeblob amu ig, “Haen elab iita ig mauhkunig amunu ig e le ele aot latu!” dab meta doolom. ³³ Ham bupualadmananude dab meig! Danab nau ag anam maditeb ele amu, ig ag ele oignig amu geha ag ihinig dab mak hepeg kobolieb, ag oiteb bia oignig. ³⁴ Ag dab mak tutuku awona, ag hipunin baula aib hepig! Ag oolagpan laala ag Kayak ii dooteb. Da nai maditem imu, ag amunu udalag nelo am ena.

BEDU EDUA AHAḲU AM BEDU DIIG LAA

³⁵ Aria danab laa nug inam ana od meku. “Danab mauhpig, ag atemu edun hipaidkulag. Ag edun hipaidkulag amu ag geha bedulag atemu aoglag?” awa aku. ³⁶ Na am nakok kaakate? Imu na dootem, na wit aeg keeke ebatem amu qadu beeb, aeg nug ii bedaku amu nug

geha bau ii daama. ³⁷Na keeke ebtem amu, na keeke dimpa bete, gumu uđug ele, keeke amu ii ebtem. Iiṭa. Na am aegib ebtem. Wit aeg o e laa aeg keeke. ³⁸Amge Kayak, Nug dab mak nuhig dim lamita, Nug gumu uđug ele medate. Nug e idu diigdiig ohnu amu anen anen gumulag uđulag ele anam madate. ³⁹Ig beđunig oh am idu laipu iita. Danab nug beđu idu laa amu dođ ag beđulag idu pide laa. Amu ai ag beđulag idu laa, am kakai ag beđulag idu diig laa. ⁴⁰Laa ag hab atan daateb amu ag beđulag laa, wanpa daateb ele amu ag am beđulag laa, hab atannu keeke amu ag bala laa, wanpan keeke ag bala ahilag laa. ⁴¹Aam nug nuhig bala laa, kalam nug nuhig bala laa, amu hođopai ag ahilag bala laa, am hođopai ag ele ahilag bala idu pide.

⁴²Keeke oh anam hatom daateb amunu danab mauhpig eđun hipaidkūlag amu kobol anamib aaku. Beđu ig boomtem amu, nug nauhte, beđu eđua hibaitaknu amu nug ii nauhte. ⁴³Beđu ig boomtem amu, nug keeke binag ele iita, beđu eđua hibaitaknu amu enanagnab, binag ele. Beđu ig boomtem, nug am gagatag iita. Beđu eđua hibaitaknu amu nug am gagatag. ⁴⁴Beđu ig boomtem, nug amu wanpanu. Beđu eđua hibaitaknu amu nug amu hab atannu. Am wanpan beđu genab daate dayeb amu hab atannu beđu ele aaku genab daate. ⁴⁵Kayak naipa, nai amunu inam daate. “Danab dig mak heum, onig Adam amu, Kayak he, nug am bau dayom.” Amge dimpanu Adam, Nug am Oudi laa, bauklel megakunu daate. ⁴⁶Amge hab atannu beđu nug amu tatam ii bete. Iiṭa, wanpanu beđu anuqte, hab atannu am dim bete. ⁴⁷Adam tatamnu amu Kayak Nug wan awa danab amu heum. Adam dimnu amu hab atannu udiom. ⁴⁸Danab oh ag am wanpanu danab

daateb amu, ag oh am danab dig mak heum ele nug bia daateb. Danab ag am hab atannu danab amu ag am laa hab atannu neum bia daateb. ⁴⁹Ig kristen amu, ig gemu wanpan danab amubia daatem, anamib geha ig hab atannu danab, Nug bia daagnig.

⁵⁰O lailad, da ag amelagpa atem. Wanpan beđu nug Kayaknu do madodpa daakunu elele iita. Keeke beđe ele, amuam wanpan beđu, amu keeke ii beđate ele, amuam Kayaknu do madod, amu aokunu elele iita. ⁵¹⁻⁵²Anteg! Da nai tonak daate ag amelagpa iiku otule, miag maditem. Ig kristen oh amu ii mauhmata. Iiṭa kristen aun aun ag gogtak haenpa biugal gayebbeb, bau daanna, ag ii mauhmata. Ag am ii mauhmata amge ig oh, mauhak am ii mauhak ele, haen amupa ig baolignig. Yo ig pahanab, paha paha amuh papad qak bia baolignig. Biugal amu gayebbeb, Kayak Nug heeb, danab mauhpig ele amu ag beđulag laa, beđulag amu ii nauhma, beđulag amu ele eđun hipaidkūlag. Amu ig laa, ig haen amupa bau daagnig ele amu, ig ele baolignig. ⁵³Amu inam. Ig beđunig beđate ele imu amu baolia, laa awa amu ena hanhan daaku. Ig beđunig mauhte ele imu amu baolia, laa awa, bau hanhan daaku. ⁵⁴Amunu ig beđunig beđate imu amu geha baolia, laa awa, ena hanhan daakunu beeb, ig beđunig imu mauhte amu geha baolia, bau hanhan daakunu beeb amu haen amupa amu Kayak naipa, nai laa daate amu meu genab beku. Nai amuam inam. “Kayak Nug he, mauhak iita meum, Kayak Nug mauhak editom. ⁵⁵Mauhak, na nahip gagatag amu adepa daate? Mauhak, na nahip ban aeg amu adepa daate?” ⁵⁶Mauhaknu ban aeg amu hipunin amu hipuninu gagatag amu do. ⁵⁷Amge ig Kayak amegpa, “Ena heme,” aot akunig! Nadi ihinig, Jesus Kristus, nuhig gagatagpa, Kayak Nug gagatag amu meke, ig ban eđid-

mut. ⁵⁸Anam amunu O lailad, ag gagatag dayeg! Bitumtum amu aib gopig! Ag Nadinu udat okai heig! Adinu? Ag dooteb, ag Nadinu udat heteb amu geha hamu ii qetodma.

KAYAKNU DANAB AH DILAG KOLEKTA

16 Gemu am da ag men dodo qag mena, Kayaknu danab ah mataglagnu heteb amunu akulnu hetem. Da tatam Galata kristen tamaniak ib ipuanati heteb amubia ag ele anam hekulagnu atem. ²Metid ohpa ag oh anen anen metid laanu dedpa men dodo aopig amu dab metanna, ag laih otin, laulagpa mepeg dayeb, geha dimpa da gumate gopi amu ag men dodo mataglagnu matiak henana, hik ii aqama. ³Aria da dimpa ahilagpa gopi amu ag aka danab laala ag men dodo amu aon, Jerusalem gokulagnu otiadpeg amu, da Jerusalem danab ag danab ag otiadpig ele amu, ag ag doyardkulagnu da ag pas madapi, ag amu ele aon gokulag. ⁴Aria da ele gokulnu dayeb amu ag da ele oh gokunig.

BAG QAK NAI

⁵Dimpa da tatam Makedonia gamag okule uken amu geha ahilagpa ana tekul. Ao, da geha tatam Makedonia gamagpa oikul. ⁶Am geha da ag ele haen nakok tutuibtai ana daagnigtai, o iita da ag ele daaput ukeb, oug haen iita meeb, dimpa am da ab laapa gokulnu hebipi amu ag da omaidna gona, ibpa uuidkullag. ⁷Da gemu Makedonia ukena, ahilagpa tepi, haen tutuib nug idu anidkunnignu ool ii daate. Iita. Nadi Nug ab amu da ag ele haen nakok elab daagnig. ⁸Amge da Epesus daappi ukeb, Penitkos ded doku. ⁹Adinu? Kayak Nug dahil ib amu matu ma babaitom daate am da udat nadi, danab ah kudum ehanadpi,

kristen daaglagnu hetem. Amge keked ele kudum daateb.

¹⁰Am geha dimpa Timotius, nug Nadinu udat da hetem amubia hete ele amunu, nug ahilagpa teeb amu ag tutuku dab mepeg, nug geha oo madod ele ag oolagpa dayad! ¹¹Amunu laa nug nuhignu keeke hamu bia dab maama aib di metom. Iita. Ag hepeg, nug oopa madod dayeb, aia dimpa ag nug ibpa omalpeg amu nug da gumida udiiku. Da nug ameg meiyi, lailad laala oh ele daatem. ¹²Aria ig lainig Apolos, nuhignu amu da iiku atem. Haen kudum da nug amegpa, nug geha ukebeb, lailad laala ele oh gona, ag anadkulagnu ami amge nug gemu gokunu am uua autanab awom. Dimpa nug haen anta amu aria nug geha goku.

¹³Ag Korint danab ag ib apididna ehed gomananu amu ag dab metan autna aona, ag ahilag oopa genab doyakpa gagatag ahan daan, ag danab genab daanna amu ag gagatag ele dayeg! ¹⁴Ag keeke oh henana, ag oo mauhak doonna ag heig!

¹⁵O lailad, ag Stepanus amu nug baekudpanu ele, ag am Grik oolagpanu ag tatam kristen bena, ag aka Kayaknu danab ehanadkulagnu oolag daye, udat amu aopig amu ag dooteb. Amu da ag inam hekulagnu atem. ¹⁶Ag danab anam amu dab matanna, ag adi nai maditeb ele amu ag dim lamidna, aria danab laala ag danab amu ele udat heteb amu ag ahilagnu ele anam heig! ¹⁷Stepanus, Portunatus, Akaikas ele ag gumidna udieg amu da gamal ahom. Adinu? Ag Korint am ipa ii uditeb amge ewam imu ag udieg, ag ele oh udilob bia doyeye ¹⁸ag da oo madod madapig. Tatam danab ewam amu ag Korint apa ag ele daanna, ag ag oo madod madapig amubia ag da oo madod medapig amunu ag danab anam amu onilag humeg!

GAMANATAK NAI

¹⁹ Kristen tamaniak Asia taliliakpanu amu ag, ag Korint daateb ele amu, ag humadteb. Akwila, Prisila amu kristen tamaniak a laulahpa qag meteb ele amu, ag ele ag Nadi onigpa ag humadteb. ²⁰ Kristen lainkad, ipa daateb ele amu, ag oh ele ag humadteb. Ig Kayaknu danab ah ihinig kobol opia awak elepa

ag anen anen ag nug humiteg! ²¹ Da Paulus, da daka da epelpa humatak nai udug imupa iiku yaatem. ²² Am danab laa nug Nadinu oo ii mauhte, nug padal mad! Nadi, na udie! ²³ Nadi Jesusnu ehanitak okai hamu megte ele amu ahilagpa dayad! ²⁴ Ig Kristus Jesus ele ou qeta daatem amu dahil oo mauhak ahilagpa dayad!

KORINT DILAG NAI 2 PAULUS YOM

PAULUS NUG KAYAKNU ENA HEME AUM

1 Da Paulus amu Kayak Nug nuḵa da totol danab meide, da Kristus Jesusnu totol danab daatem. Da ig lainig Timotius ele i ad uḍug imu yaatep amu i ag danab ah Kayaknu kristen tamaniak Korint daateb ahilagnu amu Kayaknu danab ah oh Grik wanpa apa daateb amu oh dilagnu ele yaatep. ²Ig Mamenig Kayak amu Naḍi Jesus Kristus ele, ahilah ehanitak okai hamu megtep amu ahilah maḍoḍ ele ahilagpa daaglahnu oonih daate.

³Ig Kayak binag humatu! Nug am Kayak ihinig, Naḍi Jesus Kristus Mameg. Nug am oo gai iita doyak kobol diig. Nug danab oh ag ug ele daateb amu Nug he, ag oolag maḍoḍ mete. ⁴Ug oh ihinigpa bete, Nug he, ig oonig maḍoḍ mete. Anam amunu ig danab ug digdiig ele dooteb amu, ig heput, ag oolag maḍoḍ meḵunu elele daatem. ⁵Aḍinu? Kristus Nug guitak naḍi mawom, amubia ig ele amu maotem, anamib Kristusnu oo maḍoḍ okai amu ig oonigpa am ba, laa ehanadḵunignu leta nete. ⁶Am haen ig ug maotem ele amu, ug mawak amunu diig am ag Korint ag ig amu maotem anidna, ehanitak aona, ag oolag maḍoḍ meeb, Kayak Nug ele laipu daaglag. Aria haen Kayak Nug he, ig oonig maḍoḍ mete amu, haen amupa ag ele ag oolag maḍoḍ me, ag ahan elele daanna, ug ig maotem bia ag oolag maḍoḍ elepa maoglagnu gagatag aoteb. ⁷Amu ig ag ena daaglagnu oonigpa genab gagatag dootem. Aḍinu? Ag ig ele oh guitak maotem anam bia ele ag ig ele oh oo maḍoḍ laipu aotem.

⁸O lailad, ag imu dooglagnu oonig daate. Asia taliliakpa ihinigpa ug beum amu ug amu okainab, ig tonika, gagatag ihinig oh editom. Ig anam anidta, dab mak ihinigpa amu ig, “Geha ig mauhḵunig,” anam doomut. ⁹Genabnab, ig ug doota, “Ig mauhḵunig,” amut amge anam beumnu diig am ig iḵa ihinig gagatagnu am ii dab memata, ig Kayaknu gagatag dab meḵunignu beum. Nug danab mauhpig amu heeb, ag eḍun hipaidḵulagnu Kayak. ¹⁰⁻¹¹Ig mauhḵunignu doomut amge Kayak Nug ig eḍua awiḵom, gemu ele anamib ehanigte. Ag ahilag unuqitakpa ehanigpeg, Kayak Nug geha ig eḍua awiḵeb, ig ena daagnignu nuhignu oonigpa genab dootem. Anam hepeg amu geha danab ah kuḍum laa ag ele unuqidpeg, Kayak Nug ig ehanikeb, aria geha danab ah kuḍum ag ihinignu dab menana, Kayak Nug keeke hete amunu Nug amegpa, “Ena heme,” aon aḵulag.

PAULUS NUG KORINT DANAB II HAM BUPUALATOM

¹²Aria ig iḵa amu keeke laipunu am binanig metem. Ihinig ulum oonigpa daate amu ele keeke amuam genab ipunigte. Keeke amuam inam. Ig wanpa oitem amu ig Kayaknu opia awak kobol amu nuhig ham bupuaḵ iita kobol ele aot oitem. Ig danab dab makpa ii hetem. Iita. Ig Kayaknu ehanitak okai, hamu megte, amupa hetata amu ig ag Korint daateb ele amu, ag oolagpa huana hemut. ¹³⁻¹⁴Ig nai laa ii yaatem. Iita. Nai ag eb qena, diig dooglagnu elele amuib ig yaata, ag gemu nai amu laihib dooteb ele amu, ag geha nai amu digignab dooglagnu ool ele daate. Ag anam hekulagnu diig amu Naḍi Jesusnu dedpa ag ihinignu oolag gamag ahebeb, ig ahilagnu ele anamib doognig. ¹⁵Da ag ahilag dab mak dahilnu am enaib oolpa genab doye, ag ehanitak aḍit aoglagnu

amu da ahilagpa haen adit gokulnu dab memi. ¹⁶Da inam dab memi. Da ahilagpa tatam ukēna, da ag uuaṭen, Makedonia ukōya, geha da Makedonia uuaṭe edue, ag gumate gopi, ag da meidpeg, Juda gokulnu dab memi. ¹⁷Da anam hekulnu dab memi amge anam ii beum amunu da odelpa nai eduak eduak hamu maditemte? O da nai keeke hekulnu aṭem amu da hamu naiibtai, wanpan danab nai aṭeb amubia amu da, “Ao,” o “Iiṭa,” hamu maditemte? Anam iitanab. Da nai oh genabib aṭem.

¹⁸Kayak Nug adi keeke hekunu aṭe amu Nug genab hete amubia genab ig nai oh ag amelagpa aṭem amu ig ao, iita ele, nai adit amu oh ou aqata ii maditem. ¹⁹Adinu? Silas, Timotius amu da ele ig ag oolagpa nai mehuqmut amu, nai amuam Kayak Beḱa, Jesus Kristusnu nai. Amu ag dooteb, Kristus Nug ao amu iita ele ii ou aqatom. Iiṭa. Kristus nuhigpa amu nai aoib daṭe. ²⁰Ao, Kayak Nug keeke oh hekunu nai qaḱa aum amu Kristus nuhigpa nai amu oh meu beḱunu, “Ao,” awa aṭe. Nug anam hetenu diig amu ig Kristus onigpaib nai amu genab atata, nai amupa ig Kayak binag meṭem. ²¹Amu Kayak Nug, ig ag ele gagataḱ megeḱe, ig oh Kristusnu danab gagataḱ daṭem. Kayak Nug ig tituanika, ²²Nug ig nuhignab daṭemnu eponak keeke nuhig amu ele ihinigpa mewowa, ig keeke Nug megakun babaiṭom amu genab aognignu amu doognignu, Nug nuhig Oudi, hapin paniak bia, ig oonigpa meum.

²³Da ham bupualadtem dayeb amu aria Kayak Nug dahil ham bupuak amu heeb, miag atiku. Amge iita. Da nai genabib aṭem, da ag ug madaḱulnu ool ii daye, da paha ahilagpa, Korint apa ii gomi. ²⁴Ag ahilag oopa genab doyakpa ahan gagataḱ daṭeb amunu ig ahilag oopa genab doyak gumagnignu ii heṭem. Iiṭa. Ig ag ele udat heṭem amu ahilag

gamag ahak amu miag atiak daakunu heṭem.

AG DANAB EHED HEUMNU HIPUNIN UHUQNA METAGLAG

2 Amunu da edue, ag gumate uḱe, nai dahilpa baula guiṭak madapi, ag oolag ug daamanu dab memi. ²Adinu? Da ag oolagpa ug madapi amu aria laa nug da oo gamag ahak medakunu iita! Ag aka! ³Da nai matu ahilagnu yaami amu da diig imunu yaami. Ag da oo gamag ahak medaglagnu daṭeb amge da uḱen, ag ug laala ii bapaidpig antena, oolpa ug doopanu yaami. Da ahilagnu amu da ag ele ag da adi kobol tutuku hekulagnu oo gamag ahak dootem amu ag ele amunu oolag gamag ahakunu genab doomi. ⁴Da anuḱa ahilag ad uḱugpa nai ug ele yaami, haen amupa amu da ahilagnu ool ug okaḱ guiṭak ele doyye amu da huanak ele gaami. Am da ad uḱug yaami amupa da ag oolag ug medakulnu ii yaami. Iiṭa, da ad uḱug yaami amu ag da ahilagnu ool mauhte amu dooglagnu yaami.

⁵Danab aun nug he, ug beum amu nug da ug ii medom. Nug ag ug maṭom amge da nug ehednab doomanu amu da ag oh ug maṭom ii aṭem. Iiṭa. Nug am ag oh oolagpan laib laib ag aaku oolag ug maṭom. ⁶Danab kudum ag nob nau danab amu medapig, amuam aaku elele. Ag aib baubau huanaknab medapig. ⁷Amunu ug naunab danab amu tonamanu, ag anam hak amu uuna, oo mak kobol hena, ag nuhig hipunin amu unuqna metona, ag hepeg, nug oo maḱoḱ ele daaku. ⁸Ug nuhigpa anam bemanu, da ahilag oo mauhak nuhignu amu ag nug ipunidḱulagnu unuqadtem. ⁹Da ad uḱug anuḱa yaami amu da ahilag kobol aṭemunab, da ag amelagpa nai keeke ohnu ain ipuanadtem amu ag nai amu dim lamidtebte o iitate, amu da dookulnu yaami. ¹⁰⁻¹¹Ag danab laanu

hipunin uhuqna medateb amu aria da ele hipunin amu uhuqen medatem. Amu hipunin laa da uhuqen medakulnu dayomtai o iita ii dayomtai amge anam dayom dayeb, da uhuqen metami ele amu, da Satan, nug ig bubuika edigmanu, ag ehanadkulnu, Kristus noobpa hipunin amu uhuqen metami. Satan nug ig ib diigdiigpa ig edigkunu hete ele amu, ig amunu kaaka ii daatem.

TROAS APA PAULUS NUG OO UG ANTOM

¹²Anuka da Kristusnu Nai Ena mehuqkulnu Troas tei, Nadi Nug dahil ib amu od matulom ¹³amge da ool madoj ele ii daami. Adinu? Da layal Titus da nug ii anidmi amunu da Troas danab uuate, da uke, Makedonia temi.

KAYAKNU GAGATAGPA TOTOL AG BAN EDIDTEB

¹⁴Am gemu da Kayak amegpa, “Ena heme,” awe aтем. Nug ig ehanikeke amu ig Kristusnu gagatagpa ban edid-tata, Kayak nai mehuqutut, danab ag nuhignu aaku dooteb. Doyak amuam mutudig enanag aben ohpa gotе amubia hete. ¹⁵Adinu? Danab laa nug ad udug mutudig enanag ele edipa me, mutudig ote amubia, ig Kayak noobpa Kristusnu mutudig enanag daatta, danab Kayak edua diiom, ag padal mekulagnu ii oiteb amu danab ag oolagpa genab ii dooteb, padal mekulagnu oiteb ele amu, ahilagpa ele ig mutudinig, Kristusnu mutudig bia dooteb. Amge ag oh ahilagpa amu ig mutudig laipu bia ii daatem. Iita. ¹⁶Danab laala ag Kayaknu oolagpa genab ii dooteb ele amu ag am mutudig ena ote amubia ii dooteb, ag ehed, mauhak bedak udig ote anam bia dooteb amge danab ag oolagpa genab doona, padal ii memananu oiteb amu ag am mutudig ena ote amubia dooteb, ag am bau dayak mutudig dooteb. Ig

anam bia daatem amge aun nug udat anam hekunu elele? Ig oh am elele iita. ¹⁷Danab kudum laa ag aben ohpa gona, Kayak naipa men dodonu udat heteb ele amu ig amubia iita. Iita! Ig udat imu Kayak nuhigpa aomut amu ig Kayaknu udat amupa ham bupuak ii hetem. Iita. Ig tutukunab heut gotе. Ig Kristusnu udat danab daatta, ig Kayak noobpa nai amu mehuqtem.

TITUANAK BAUNU UDAT DANAB

3 Nai imupa ig baula ag ig dooigku-lagnu hetem bia dootebte? O iita ag Korint danab ag ig dooigkulagnu, danab laala heteb amubia, danab laa ag ihinignu ad udug laa yaapeg matagnigte? O iita ag Korint ag ihinignu ad udug amubia laa yaaglagte? Amu oh iita. ²Am danab laala ag ig dooigkulagnu udug yak amuam ag Korintib aaku. Udug yak amuam ad udugpa ii yaamut. Iita. Kristus Nug ig oonigpa ye, danab oh eb qekulagnu daate. ³Danab oh ag Kristus Nug nuka ad udug amu yom anidteb. Nug ya meke, ig aot oitem. Nug gaupa, men mahapa, ii yom. Iita. Nug Kayak Oudipa danab oolagpa yom.

⁴Ig anam genab dootemnu diig am Kayak. Nug he, Kristus anam ipunike, ig nai amu yaamut. ⁵Genabnab ig ikaib udat imu hekunignu amu elele iita. Keeke anam daate amunu ig ika keeke laa hemut amunu ii amata. Iita. Kayak Nug nuka he, ig udat imu hekunignu elele daatem. ⁶Kayak Nug he, ig elele daata amu ig tituanak baunu udat danab daatem. Tituanak bau imu amu nuhig do nai yak laa iita. Iita. Nug am Kayak Oudinu keeke. Do nai yak amuam danab qe mauhte amge Kayak Oudi Nug am danab bau ena daakunu keeke medate.

TITUANAK BAU AM ENANAG

⁷Kayak Nug do nai amu men mahapa ya, Moses epegpa me awom,

do nai amu ig oh dim lamidkunignu am elele iita. Amunu do nai nuhig udat amu ig ihinig hipuninnu oonig ii eduebeb am ig mauhta padal mekunignu daate. Amge Kayak Nug do nai amu he, amahlak nuhig nadinab amu ba, Moses idupa amahlele, Israel ag nug idupa neegkulagnu elele iita daapig. Moses nug do nai matia male, dimpa amu Kayaknu amahlak nug idupa amu aaku iita meum. ⁸Donu amahlak am okainab amge Kayak Nug danab ah nuhig Oudi madakunu heum, tituanak amuam tituanak alag amu edidte, amahlak nuhig am amahlaknab. ⁹Ađinu? Am do nai, nuhig udat amu nug ig epedika amenigpa padal mekunignu ate amge nug am Kayaknu amahlak ele. Anam daate amunu tituanak bau, nug danab ehanate, bauklelel daateb, amuam amahlak nadinab iitate? ¹⁰Amahlak nug anuka amahlom ele amu amahlak dimnu bia iita. Dimnu amahlak amu nug editaknab. Nuhig amahlak am okai, amahlaknab, aben ohpa amahalkunu elele. ¹¹Keeke haen tutuib daakunu beum amu nug am Kayaknu amahlak ele beum. Amunu keeke hanhan daakunu beum ele, amuam amahlaknab. Nug Kayaknu amahlaknab ele.

¹²Ig tituanak baupa ehaniak aognignu oonigpa genabnab dootem, ig amahlaknab amu ameg metem amunu ig ii badatem. ¹³Moses heum bia amu ig ii hetem. Nug lamen qati tepu iitapa idu hautom amunu Israel ag idupa amahlak amu ii anidpepeg, uka iita mekunu anam heum. ¹⁴Amge Israel danab ag dab mak ahilagpa ag tituanak alagnu, ag amu tutuku oolag ii maidte. Anukanu udie gemu ele anam. Ag haen oh tituanak alagnu yak amu ag eb qeteb amge ag amu ii dooteb. Idulagpa lamen qati hautak amubia ina daate. Ag ii aoteb. Iita. Danab nug Kristusnu oopa genab doote dayeb amu Kayak Nug lamen amu

uhuqte. ¹⁵Ao, Israel ag gemu ele hanhan Mosesnu do nai eb qenana, ag oolag ii maidte, lamen qati ag oolag hautak bia aaku daate. ¹⁶Amge danab nug oo edue, Nadi oo medate amu aria Kayak Nug lamen amu uhuqe, nug oo aaku maidte. ¹⁷Nadi Nug am Oudi daate amunu aria Nadinu Oudi Nug danab laa topa daate amu keeke laa danab amu ada ii mani guidma. Iita, hamu elele enaib daaku. ¹⁸Amu keeke laa ig idunig ii haut-te, Nadinu amahlak ena ihinigpa udiaya, aam ameg letodpa ya danab idupa yaate amubia ihinigpanu ugeke, hanhan ig amahlak huanak aotem amunu amupa Nug ig baoliikeke amu ig Nadi Nug bia edut daatem. Nadi nug am Oudi amu Nug anam aaku hete.

PAULUS DANAB AH AMAHLAK MATOM

4 Kayak Nug ihinignu oo gai iita doya, udat imu ig mekom amunu ig oonigpa bahi yak ii dootem. ²Iita. Ig kobol uda nak ele, laa lokumakpa heteb amu, ig kobol amu di metota, ham bupauak kobolpa ele ig ii oitem. Am ig Kayak nainu ele amu ig baolita ii hetem. Iita. Ig Nai Ena amu tutuku miag mehuqutut, danab oh ag doon, oolagpa hetodikegeg, Kayak noobpa udat imu hetem. ³Amge Nai Ena ig mehuqtem ele imu, nug lokumak daate dayeb amu danab ag padal mekulagnu oiteb ele, ag amelagpaib amu lokumak daate. ⁴Danab amu ag Jesusnu oolagpa genab ii dooteb. Ađinu? Satan, nug wan imunu kayak ham bupauak daate, nug ag dab mak aomnanu ib oo neum. Nug anam heum amunu ag Kristus, Nug am genab Kayak, nuhignu Nai Ena amunu amahlak ii anidteb. ⁵⁻⁶Anuka Kayak Nug aum. "Gatatu oopa amahlak amu amahlad!" awa aum. Kayak anam aum amu Nug ele he, ig Jesus idupa Kayak binag okainab, amahlak okai bia, anidta dootem amunu

ig ika ihinignu nai ii mehuqtem. Iita. Ig Kristus Jesus, Nug am Nađi daate, anam mehuqtata, Jesusnu nai dim lamidtem amupa amu ig ahilag uđat hak nid daatemnu ele mehuqtem.

⁷ Ig Kayak binag okainab elenu doyak aomut amge ig am danabib, ig wa wanpa hak amubia, keeke ena amu aot, laa oh ag gagatag okainu diig am Kayak, ig iita, amu dooglagnu daatem. ⁸ Aben ohpa ug amu ihinigpa bete amge ig amupa neta qeta autanab ii aotem. Adinu keeke laala ihinigpa bete amu ig oonig ii maidte amge ig amunu bag qetak ii dootem. ⁹ Am danab nau ag, ig iita mekunignu hena, dim lamigteb amge Kayak Nug ig ii uugte. Ag ig oikeg, neta qetem amge ig nauha auta awaknab ii daatem. ¹⁰ Ig danab laa oh ag Jesusnu bauklel ihinigpa anidkulagnu amu ig Jesus Nug haen oh mauhak ib odepa dayom bia ig mauhak ib odepa daatem. ¹¹ Yo, ig am Jesusnu uđat hetem amunu haen oh ig bau daautut, danab ag Jesus, bau dayak nuhig, ig mauhaknu bedunig imupa miag atiak bekunu ig iqapeg mauhkunignu heteb. ¹² Anam amunu ig Jesusnu nai mehuqtata, mauhak ibpa daautut, ag nai amu oolagpa genab doona, bauklel aoteb.

¹³ Kayak naipa, nai laa daate am inam. "Da Kayaknu oolpa genab doomi amunu da nuhignu matimi." Amubia ig ele Jesusnu oonigpa genab dootem amunu ig maditem. ¹⁴ Adinu? Ig dootem, Kayak Nug he, Nađi Jesus Nug edua hibaitom, anamib geha Nug ig ele, Jesusnu gagatagpa ig ele mad ekeb, ig edut hipaidput amu Nug ig ag ele oh omaikeb gota, Nug ele oh laipu ou qak daagnig. ¹⁵ Am keeke imu oh beum amu ag ehanadkunu beum. Laa amu, Kayaknu ehanatak okai hamu megte amu gemu danab kudum laala oh ahilagpa am beebep amu ag Kayaknu, "Ena heme," amu okainab anana, ag Nug binag atan humaglag.

OOPA GENAB DOYAKPA GAGATAG AWAKNU NAI

¹⁶ Ig am dab mak amu aotem amunu Kayak uđat hekunignu amu ig ii bodo edtem. Ao genab, ig bedunig amuam nauhkun hete amge ded oh Kayak Nug ig oonig bau gagatag medte. ¹⁷ Amu inam. Ihinigpa ug bete amuam nakokib, am haen tutu aakuib daate. ¹⁸ Anam daate amunu keeke ig amenigpa anadtem ele, ig amunu keeke amuam anuqak, dab ii metem. Iita. Ihinig dab mak okai gagatag amu keeke ig amenigpa ii anidtem ele amunu dab mak aotem. Adinu? Keeke ig amenigpa anidtem ele amu haen tutuib daaku, aria keeke ig amenigpa ii anidtem ele amu geha hanhan daaku.

5 Wanpan keeke haen tutuib daate, hab atannu keeke am bauklel ele amunu ig imu am dab metat dootem. Ig gemunu bedunig am wan imupaib oiyaknu daate. Keeke hanhannu iita, danab nug peh haen tutuib daakunu hete, amubia. Anam daate amu aria peh nug nauhte, amubia ig bedunig gemunu nauhpeg amu Kayak Nug bedunig laa, lagnab bia, hab atan apa megakunu daate. Lag amuam Kayak Nug heum, danab laa ii heum. Nug hanhan daaku. ² Gemu Nug hab atannu lag, ig lamen metem amubia ihinigpa mekunu oonig huana daate. ³ Adinu? Nug hab atannu keeke amu awa, ihinigpa meeb amu geha ig danab bedu miag atiak daate amubia ii daamta. ⁴ Ao, ig peh laka daatta, ig ug dootta aiqagtem amge ig wan imupanu bedunig imu uut, hamu daagnignu oonig ii daate. Iita! Ig hab atannu bedunig, wan imupanu bedunig qadepa meput dayebep, wan imupanu bedunig, ag

mauhkulagnu daateb ele amu, ag hab aṭannu beḍunig, ag hanhannu daateb amu, ag oolagpa daanna eḍuna, baukelnu keeke daaglagnu oonig daate. ⁵Kayak Nugib ig anam daagnignu ib babaiṭom daate. Kayak Nug genabnab genab geha keeke amu oh megakunu ipunigkunu Nug nuhig Ouḍi, hapin paniak bia, ig mekom.

⁶Diig amunu amu ig hab aṭannu beḍunig aognignu dab mak aotem, ig ii aognignu amu ii dab meṭem. Ig anam dab metata amu ig imu ele dooṭem. Ig wan imupa oiyaknu beḍunig ele oiṭem amu ig Naḍi ele hab aṭan ou qak ii daatem. ⁷Aḍinu? Ig Nug ele ou qak daagnig, nai amunu amu gemu ig dayak amunab ii anidtem amge gemu oiṭem imupa am ig geha Nug ele daagnignu amu ig oonigpa genab doot oiṭem. ⁸Amge da ami aaku, ig hab aṭannu beḍunig aognignu dab mak aotem. Ig ii aognignu amu ii dab meṭem. Ig wan imupanu beḍunigpa daagnignu am ena dooṭem amge ig beḍunig imu uuidput, Naḍi ele apanig diigpanab daagnignu amu ig amunu enanag dooṭem. ⁹Anam daate amunu ig ii mauhmut, haen imupa, ihinig mauhak dimpa ele amu ig kobol oh, Naḍi Nug oo daate, amubia hekunignu dab mak gatag aotem. ¹⁰Aḍinu? Ig dooṭem, geha ig oh Kristusnu heṭodiak abenpa daagnig. Aria haen ig beḍunig imupa daatta, ig kobol nau heṭem ele dayeb amu geha ig amunu nob aognig. O iita ig daatta, ig kobol ena heṭem dayeb amu geha ig amunu nob ena aognig. Yo, ig geha anen anen kobol hemutnu nob amuib aognig.

DANAB KAYAK ELE OO LAIPU DAYAKNU UDAT

¹¹Amu ig Naḍinu ena, oo oṭaiak ele dooṭem amunu ig danab ag nuhignu oolagpa genab dooglagnu udat okai heṭem. Kayak Nug ig dooika malom, Nug noobpa am ig miag bemut daatem. Amu

ig amubia ag oolagpa ele miag atiak daagnignu oonig daate. ¹²Nai amupa amu ig ika ig oninig baula ii humatem. Ag ig danab ena anam doigkulagnu ii heṭem. Iita, ig nai yaatem imu amu ag danab laala noolagpa ihinignu gamalag ahakunu yaatem. Am danab laala ag danab beḍu dimitimnu keeke amunuib gamalag ahaṭe, ag keeke laa danab oopa daate ele amunu ag gamalag ii ahaṭe, ig ag danab amu geha eḍun naipa nob mekulagnu oonig dayeye, nai imu yaatem. ¹³Ig Jesusnu oonigpa genab dootta, kobol laala, wanpan danab ag amunu, “Kaaka kobol,” aon aṭeb ele amu, ig amu heṭem dayeb amu ig Kayaknu dab meta heṭem. O iita ig nai unuqag, doyak ena elepa nai madiṭem dayeb amu ig ag ehandadkunignu heṭem. ¹⁴Kristus nuhig oo mauhak amuib ig udat amu hekunignu maḍ edikom. Aḍinu? Ig imunu tutuku ena dooṭem, danab laipu Nugib ig danab oh ig abeninig awa mauhom. Nug ig oonig daya mauhom amupa ig oh aaku mauhmut. ¹⁵Nug danab oh abenlagpa mauhomnu diig am, danab oh daateb amu ag aka ahilagnuib dab mena ii oimna. Iita. Ag am laa, Nug danab ehanata mauhom amu nuhignu dab menana oiglag.

¹⁶Anam amunu gemu am, ig oo alagpan kobolpa baula danab laa ib amupa ii epediṭem. Genab anuka ig oo alagpan kobolpa Kristus epediṭem amge gemu ig anam ii heṭem. ¹⁷Amunu aun nug Kristus ele laipu daatep, nug am danab bau. Anuka dayom amubia am iita. Nuhigpa keeke oh am bau daate. ¹⁸Am Kayak nukaib he, amu oh beṭe. Anuka am ig nuhig keked daamut amge Kristusnu udat okaipa amu Nug he, ig Nug ele oonig laipu bemut daatem. Anam daaut, ig danab laa amelagpa Kayak Nug ag eḍua diikunu oo daate aput dooglagnu meikom. ¹⁹Nai ihinig amu iiku. Kayak

Nug Kristusnu udat okaipa danab ah oh ag ahilag hipuninnu nob madakunu uuom, amupa Nug danab ah oh ele ag oolag laipu daaglagnu ib babaitom. Aria Nug he, ag Nug ele, ag oolag laipu bekulagnu, nai amu mehuqaknu udat amu ig meke hetem. ²⁰Ig Kristus ode aota, nuhig nai maditem. Ig Kayak, Nug ig odenigpa ag nai madate bia amu ig Kristus onigpa danab oh amelagpa, ag keked kobol uuna, ag Kayak ib babaitom ele amu, ag ib amu dim lamidna, Kayak ele oolag laipu daaglagnu unuqadtem. ²¹Kristus Nug ehed laa ii heum amge Kayak he, Nug ihinig mana metak dayeye, Kayak Nug hipunin ihinig oh awa, laipu qag ma, Nug qadepa me, Nug mawom. Anam amunu gemu Kayak Nug ig anika, ihinignu, "Danab tutuku," awa akunu elele.

6 Ig Kayak ele oh udat hetem amunu ag Kayaknu ehanitak okai, Nug hamu matom amu, ag amu ii kakidmananu dab mekulagnu unuqadtem. ²Kayak Nug, "Da ehanadkulnu daaiyi, ag gaegeg, da edua diikulnu dedpa da ehanadmi," awa aum. Doyeg! Gemu am Kayaknu ehanitak okai awaknu haen. Gemu Kayak Nug edua awigkunu dab mepe.

³Ig udat imu hetem amu danab ag ig anigna, udat imunu ehed doomnanu amu ig oiyak ihinig atog notata, danab ag ib apididkulagnu kobol laa ii hetem. ⁴⁻⁵Iita. Ig am Kayaknu udat danab daatem ipuanadkunignu amu ig ug diigdiig bak haenpa ig gagatag daat, ug amu doot maot oitem amupa amu ipuanadtem. Ig ihinig kobolpa keekenu tutu mak haenpa, ihinignu oo aeg bak haenpa, oo doyak haenpa, oikak haenpa, mani guitak inikak haenpa, lamikak haenpa, udat nadi gagatag hak haenpa, niiaak elele iita haenpa amu enug iqak haenpa ele amu ig haen amu oh

ig gagatag daat, ug maotem amupa amu ig am Kayaknu udat danab ipuanadtem. ⁶⁻⁷Laa amu ig am Kayaknu udat danab daatem amu ig ihinig opia awak kobolpa, ihinig oo metak kobolpa, laa dilagnu oo aeg bak paha ii dootem kobol ihinigpa, laa dilagnu oo doyak kobol ihinigpa, ig Kayak Oudi ehanitakpa, ig ihinig oo mauhak kobolpa, ig nai genab maditem, kobol amupa amu Kayak gagatagpa ele ig am Kayaknu udat danab daatem ipuanadtem. Ig Kayaknu ban haknu keeke epenig nadiapa nanehpa ele adatem amupa amu ⁸danab laala ag ig oninig humaegeg amu danab laala ag am ig oninig adaeg note elepa amu danab laala ag am nai nau ig dimunigpa matiegeg amu danab laala ag ig kobol ena hetem amunu maditeb elepa, ig amu ohpa ig am Kayaknu udat danab daatem ipuanadtem. Am laala ag ihinignu ham bupuak danab anam doigteb amge ig am anam iita, ig nai genabnabib maditem. ⁹Danab laala ag dooigteb amge, "Ig ag ii doyadtem," aon ateb. Ig am danab mauhkunu hete bia amge ig ii mauhtem, ig am bau daatem. Ig bu megteb amge bu nug ig iqe ii mauhtem. ¹⁰Ig am oonigpa ug elenab amge haen oh ig am gamanig ahate. Ig dadek danab bia daatem amge ig am danab kudum keeke kudum madatem. Ig am epenigpa keeke laa ii daate bia amge keeke oh am ig adatem.

¹¹Korint danab, ig ag amelagpa nai elab miag atiak matita, ahilagnu amu ig oo doyak okainab dootem. ¹²Ig ahilagnu amu ig oonig huanak daate ipuanadtem amge ag ihinignu oolag daate amu ag amu ig ii ipunigteb. ¹³Gemu da ag amelagpa atem, imu am danab nug bekod dilagnu ate bia atem. Ag ihinig kobol, amu nob mekulagnu, ag ele oolag oh ig mekaglag.

PAULUS NUG KORINT TAMANIAKNU DANAB DAB MAṬOM

¹⁴Laa nug Jesusnu oopa genab dooṭe ele amu nug laa, Jesusnu oopa genab ii dooṭe ele amu, nug ele layamnab aib dayom. Amu elele iīṭa. Aḍinu? Opia awak kobol amu ḍo tape nak kobol ele a oh laipu ou aqatkunignu elele iīṭa. Amahlak amu gatatu ele oh laipu ou qeṭepte? ¹⁵Kristus Satan ele a oolah laipu oh daaglahte? Danab Jesusnu oopa genab dooṭe amu danab laa nug oopa genab ii dooṭe ele a dab mak laipu aḍaglahte? ¹⁶Ig Kayaknu lag gun amu baḍag ham bupuak lag ele ou aqatkunigte? Ag dooṭeb Kayak bauklele ele nuhig lag gun amu igib iiku. Anuka Kayak Nug inam aum. “Geha da ag ele oh daatta amu ag oolagpa oiḱul. Am geha da ahilag Kayak daappi, ag am geha dahil danab ah daaglag.” ¹⁷Nug anam aum amunu Nug baula ele aum. “Ag ahan hipunin danab uuadna, ag gona, aben laih piḍe daaglag. Ag keeke dubuṭid amu ag aib aḍapig. Am ag anam hepeg amu geha da ḍaka ag eḍue di-iaṭoya, ¹⁸geha da ag Mamelag daappi, ag am geha da bekalad aḍelad daaglag. Naḍi gagatag ele Nug anam awa aṭe.”

7 O da gamalad, Kayak Nug ihinignu nai amu qaḱa aum amunu ig oo alagnu amu ouḍinu dubuṭid ele oh geḍidta, opia awak ena, elelenab daatu! Ig Kayak nuhignu ena doota, oonig ele oṭaieb daatta amu haen oh ig kobol ena tutuḱu dim lamidtu!

²Ag oolag amu ig mekeg! Ig heut, danab laa ehed ii doyom. Ig heut, danab laa nug hipunin danab ii dayom. Ig danab laa bupuidtata, nuhig keeke laa ii aḍamut. ³Da nai imu aṭem amu da ag beḍulagpa nai yak ii heṭem. Iiṭa. Amge da matu ami aaku. Ig oonig amu ag maadṭem amunu ag mauhḱulag amu aria ig ag ele oh mauhḱunignu ug ii

dooṭem. Am ag bau daaglag amu aria ig ag ele oh bau daagnignu ug ii dooṭem. ⁴Da nai tutuḱu miag ag amelagpa aṭem, da ag tutuḱu oiglagnu oolpa genabnab dooṭem. Da oolpa ahilagnu am gamag ahak huanaknab dooṭem. Da ug toniḍṭe bia ii dooṭem. Ug ohnu ihinigpa beṭe amge da ool maḍoḍnab doyeye, da ool gamag ahak oḱai dooṭem.

⁵Aḍinu? Ig uḍit Makedonia beta, Titus aniṭutut, nug ahilagnu nai maṭiom. Tatam aben amupa ele am ig beḍunig amu maḍoḍ laa ii dayom. Iiṭa. Danab laala ag ig ehed heigḱulagnu heegeg amu danab laala, ag oolagpa genab doyak ele, ag ehed gomananu ig oonigpa ug nadi doomut. ⁶Amge ami aaku. Kayak, Nug danab oo ug ele oo maḍoḍ medate ele amu, Nug he, Titus gumika uḍie, amupa ig oonigpa maḍoḍ doomut. ⁷Am Titus uḍiom amupaib ig oonigpa maḍoḍ ii doomut. Iiṭa. Ag Titus oo maḍoḍ meṭaeg, nug nai amu awa uḍia, ig amenigpa maṭie, ig oonigpa maḍoḍ doomut. Am laa amu Titus nug ig amenigpa ag da anidḱulagnu oolag huan daaṭenu, kobol naunu ag oolagpa ehed doyona gaatebnu, ag da ele, ig oh oonig laipu daagnignu amu ag dab mak huan aotebnu aum amunu da gamal huan ahaṭe.

⁸Da dooṭem, yak dahil tatamnu amu he, ag oolagpa guiṭak oḱai doopig amge amunu amu da oolpa ug ehed laa ii dooṭem. Genab anuka amu da amunu oolpa ug doomi amge gemu am iīṭa. Da dooṭem, yak amu ag oolag ug maṭom amge amu haen tutuib. ⁹Gemu da gamal ahaṭe. Da ag oolag ug dayom amunu gamal ii ahaṭe. Iiṭa, ag oolag ug dayom amupa ag oolag eḍuom amunu da gamal ahaṭe. Kayak Nug danab hipunin hete haenpa nug ug dookun dab meṭe amubia ag doopig amunu dahil nai amu he, ag ehed laa ii aopig. ¹⁰Oo ug dayak, Kayak Nug he beṭe amu, oo ug dayak am he, ig

danab aaku oonig edute. Kobol amupa am Kayak Nug ig edua awigte. Danab amunu am ehed laa ii dooma amge oo ug dayak, wannu kobolpa bete ele amu, oo ug dayak amuam he, mauhak bete. ¹¹ Ag imu dab mekulag. Oo ug dayak, Kayak Nug ag amubia dooglagnu oo dayom amu, nug he, kobol diigdiig meu ena ele ahilagpa beum. Ug amu nug ag tapadate, ag Kayak tutuku dim lamidkulagnu wagai meteb. Ug amu nug ag tapadate, ag ahan, adi keekenu oolagpa ug daate amunu epedin elele medapig. Ug amu nug danab laa ehed heum amu ag bapaidkulagnu mad atom amu ag ele Kayaknu ena doon, oolag ele otaiom. Aria ug amu nug he, ag ig anigkulagnu amu ag oolag gayom amu ag ihinignu atem doopig amu ag gagatag dab mepig. Ug amu nug he, ag toliatak udat hekulagnu wagai mepig. Ug babaitak udat oh heteb amu ag ena eleleib heteb, ahilagnu adi laa matignig. Ag udat amu ena eleleib heteb. ¹² Amunu am genab, anuka da kobol laa amunu udugpa ahilagnu yaami amge da danab nug ehed heum amu danab laa, laa nug nuhigpa ehed heum ele, amu dilah dab mein ii yaami. Iita. Da ag Kayak noobpa ag genab ag oolag ig megateb amu dooglagnu da ad udug amu yaami. ¹³ Kobol ena elele ahilagpa daate anidmut, amu diig amupa ig oonig madod ele daatem.

Am ig amunuib oonigpa madod ele daatem amu iita. Ig diig laanu ele gamanig ahate. Ag oh Titus gagatag qetaegeg, nug gamag ahom, ig amu anidta amu ig amunu ele iiku gamanignab ahate. ¹⁴ Da anuka Titus amegpa ag hetebnu ag onilag humami amu ag anamib ena hepig amunu da udal ii nete. Iita. Nai oh ig ag amelagpa mehuqmut amu genab, anamib aaku ig Titus noobpa ag onilag humamut, am nai amu oh ele am genabib. ¹⁵ Titus

nug ag gumaata uke, ag nuhignu oolag ena doonna, ag ehed laa hemananu badan, ag nug aon amu ag oh nuhig nai amu dim lamidpig. Ag anam heeg, nug ag anam hepig amu dab maama, nug ahilagnu oo huan mauhte. ¹⁶ Gemu amu da ag kobol oh tutuku hekulagnu heteb genab dootem amunu da gamal ahate.

KRISTEN AG LAILKAD EHANADKULAGNU NAI

8 O lailad, ig Kayak Nug Makedonia Kristen tamaniak ehanitak okai mate, ag amupa adi heteb amu ag amu dooglagnu akunignu hetem. ² Ug okai ahilagpa beum amge ag oolag nauha autanab ii awom. Haen amupa am ag keekenu nena qena tutu mepig amge ag amunu bitumtum ii gopig. Iita, ag haen amupa ele oolag gamag ahak okainab ele doona, ag Kristen laa dilagnu dab mena, ehanadkulagnu amu ag men dodo huanak qag mepig. ³ Da amu anten doomi amunu iiku da amu awe miag metem. Ag men dodo nakokib, ag mekulagnu elele daapig aakuib ii mepig. Iita, ag amuam tuditak, laa ele, amu editak okainab mepig. ⁴ Ag ig ena aput, Kayaknu danab ah Juda daateb ele amu, ag ehanadkulagnu ii daye daye unuqigpig. ⁵ Ig anuka Makedonia danab dilagnu, "Geha ag men dodoib laala mekulag," amut amge ag men dodoib ii mepig. Iita. Makedonia danab ag aka ag bedulag oh ele aon, ag aka Nadi epegpa mewona, Kayak oo daate amu dim lamidna, aaku ihinigpa ele anamib hepig.

UDAT DANAB LAALA GEHA KORINT UDIGLAG

⁶ Anam daate amunu ig Titus, nug ag Korint danab ag oolagpa udat heeche, ag ehanitak amu bapaidkulagnu dig mepig ele amu, nug heeb, ag udat amu paha malaglagnu amu ig amegpa amut. ⁷ Amge keeke ohpa, ahilag oopa genab

doyakpa, Kayak nai mehuqakpa, ahilag doyakpa, Kayaknu udat elelenab hakpa amu ihinignu oo mauhak kobol ahilagpa ele, ag kobol ena eleleib heteb, amubia aria gemu ag danab ehanitak udat ena imu ele enaib heig!

⁸Imu da ag do ii madatem. Iita. Amge da danab laala ag udat ena heteb ele amu andete, ag Korint ag adi hepeg ele antena, da ahilag oo mauhak am keeke hamutai o iita keeke genab eletai dookul. ⁹Ag ihinig Nadi Jesus Kristus, Nug ag ehanadkunuib dab meum ele amu, ag kobol nuhig amu dooteb. Nug am keeke ohnu diig amge Nug ag ehanadkunu ha, Nug keeke iita ele dayom. Nug anam heumnu diig am Nug wanpa udia, danab keeke iita ele oiyaya mauheb, ag ib amupa Kayak noobpa enub danab daaglagnu heum. ¹⁰Imu dahil dab mak amu iiku ag amelagpa atem. Maq laa amupa ag Korint danab, ag udat amu anuqna heeg, dig ma beum. Amge anamib iita. Ag udat amu hekulagnu, laa oh ii dab mepig haenpa, ag dig men dab mepig amunu ¹¹gemu ag udat amu hena, gog teig! Anuka udat amunu ag oolag paha otaiom, anamib gemu ag amu hena maleg! Ag ahilag keeke gane amu melemelpa heig!

¹²Am danab nug layag ehanita, keeke medate, kobol amunu oo huan daate amu Kayak Nug kobol amunu am elele ena doote. Kayak Nug am danab nug nuhig keeke adi adi ele, amu ohnu aaku dab maama, danab amu kobol amunu hetodidte. Danab nug keeke nakokib amge nug laa ehanadkunu nuhig keekepanu nakok madate amu Kayak noobpa am danab keeke kudum ele am nug laa ehanadkunu nuhig keekepanu keeke kudum madate bia daate. ¹³Da Juda danab, gemu ag tutu mena daateb ele amu, ag ena daapeg, ag Korint ag am ehed daaglagnu ii atem. Iita. Ag oh keekenu laipu eleleib

daaglagnu ool daate. ¹⁴Am gemu haen imupa am ag Korint ag keeke okai ele daateb amunu ahilag keeke amupanu amu ag hepeg, danab ag gemu keekenu tutu daateb ele amu, ag aoglag. Aria anam daapeg amu dimpa ag Korint ag tutu mepeg, aria danab ag Juda daateb ele amu, ag keeke kudum aona aria ag edun ag ehanadkulanag. Kobol amupa am geha ag oh keekenu laipu eleleib daaglag. ¹⁵Amuam Kayak naipa yak daate bia. Nai amuam inam. "Danab nug bret onig mana kudum awom amu nug kudumnab iita. Aria danab nug elelepa nakokib awom, nug am qakub ii meum."

¹⁶Aria, da am Kayak amegpa, "Ena heme," atem. Adinu? Nug am Titus ehanite, nuhig dab mak amu, ihinig bia, laipu awa, nug ele ag ehanadkunu oo huan daate. ¹⁷Ig nug adi hekunu amegpa amut amu odenig dim lamitom amge nug ele udat amu hekunu oo huan daye, nug nuka nuhig dab makpa ag gumata gotep. ¹⁸Aria ig lainig laa meut, nug ele oh gotep. Am Kristen tamaniak ohpa lainig amu nug Nai Ena mehuqkunu am nug gagatag ele amunu tamaniak oh ag nug binag meteb. ¹⁹Amuib iita. Kristen tamaniak danab ag nug ig ele oh oitta, ehanitak udat imu oh hekunignu otipig. Ig udat imu oh hetata amu ig Nadi onig humagnignu, ig udat imu hekunignu oo gedak dootem amu ele ipuanadkunignu hetem. ²⁰Laa ele amu, ig geha danab laa nug ig ehanitak kobol imu hetem, amunu nai ehed laa akunu oonig ii daate. Ig oonig anam ii daate amunu ig lainig nug ig ele oh oignignu hetem. ²¹Am ig ehanitak kobol imu ib tutukupaiab Kayak amegpa hekunignu dab metem. Amge ig Nug amegpaib tutuku hekunignu ii hetem. Iita. Ig danab ag ele ig kobol tutukupa hetem anidkulagnu hetem.

²²Aria ig am ig lainig laa ele meut, nug a ele oh gotep. Ig haen kudum udat di-

igdiigpa ig nuhig hak meta anidmut, am nug udat amu hekunu nug elele gagatag heum. Gemu nug ag Korint daateb amu, ag adi hekulagnu apig amu ag hekulagnunab daateb doote amunu nug am udat amu hekunu elelenab doote. ²³ Titus nuhigmu am ag inam anidkulag. Nug am dahil kadoi, ag ehanadkunu dahil udat laipu. Aria ig lainti adit amu a am kristen tamaniak oh dilag udat danab, ahilah udatpa a Kristus binag metep. ²⁴ Aria ag oo mauhak ahilag amu ag ipuanadpeg, kristen tamaniak oh ag ahilag oo mauhak genabnab doopeg amu ag dooglag, ig ahilag udatnu hamu gamanig ii ahate.

KAYAKNU DANAB AH EHANATAKNU NAI

9 Ag Kayaknu danab ehanataknu amu ag aaku doopig. Da amunu nai elab laa ii yaapa. ² Da ag udat amu hekulagnu ag oolag gedate dootem amunu da haen oh Makedonia danab noolagpa ag onilag hume, inam amelagpa atem. “Grik danab Korint daateb amu mad matu amupa ag udat amu hekulagnu bapaidpig.” Amu ag ehanataknu udat imu hekulagnu gagatag heegeg, Makedonia danab ag amu doona, kudumnab ag ele amu hekulagnu oolag gedate. ³ Amge da nai matieye, ag onilag humatem, nai amu geha hamu bia daamanu, ag da ami amubia ag men doo qag mena, mepeg daakunu amu da lailad hei, aaku ag gumadna goteb. ⁴ Laa amu da ahilagnu elelenab doyeeye matimi amunu Makedonia danab laala ag ig ele oh gota, ig Korint danab ag ii bapaidpig anidput amu geha ig ag ele oh ig amunu uda nak doognig. ⁵ Amunu da lailad amelagpa api, ag anuqna ag gumadna gokulagnu am ena, da anam dab memi. Ag gona hepeg, ehanatak keeke ag amu bapaidkulagnu apig amu da ii ukak haenpa bapaidkulag. Ag Korint ag anam bapaidpeg, anam

dayeb, awaknu am oo gamag ahak ele. Awaknu am oo nauhak laa iita.

⁶ Amge ag imu tutuku anidna doyeg! Danab nug e tumu kudum ii ebte, nug e kudum ii aote. Aria danab nug kudum ebate, nug kudum aote. ⁷ Ag anen anen oh ahilag dab makpa, ag aka ag oolag amu tutuku elele anidna, ahilag dab makpa oolag atem daate amuib ag keeke metaglag. Danab laa nug keeke oo qeebeb, ehanatak keeke maama, dab mak nuhigpa, “Ag gagatag wagai mena hepig amunu da matami,” ii dab mema. Iita, Kayak Nug danab nug oo gamag ahebeb, ehanatak keeke amu mekunu oo daate. ⁸ Am Kayak Nug ehanatak oh ag mateb amu geha ag keeke am bak ele daaglagnu hekunu elele. Amupa ag haen oh keeke eleleib daanna amu ag keeke kudumpa udat ena oh ele hekulag. ⁹ Kayak naipa nai laa kobol amunu am inam daate. “Nug keeke kudum dadek danab madate, nuhig kobol enanag amu haen oh daate.” ¹⁰ Kayak, Nug e epaknu danab e tumu madate, Nug e diigdiig danab oh lakulagnu ele madate amu, Nug geha ag keeke oh elele mateb, ag kristen laa madapeg, aria geha kobol ena ahilag amu nug ba, danab e epe, dimpa e meu huanaknab ote, amubia ii tuqa aoma. ¹¹ Ag geha keeke kudum ele daanna amu ag keeke kudum lainkad mataglagnu elele. Amu ihinig udatpa ehanatak keeke ahilag amu geha ig lainkad ag amu aon, amupa ag Kayaknu, “Ena heme,” aon akulag.

¹² Ag udat anam henana, ag Kayaknu danab ah ehanadpeg, laala ag keekenu tutu daateb amu ag elele daaglag. Amge amunuib iita. Ag Korint adi ag kobol amu anam hepeg amu Juda laa, ag dadek daateb ele amu, ag Kayak amegpa, “Ena heme,” okainab akulag. ¹³ Ag layag ehanataknu udat imu hekulag am geha ahilag kobol amu heeb, ag am genab Kayaknu danab daateb am miag

atiak bekulag. Am geha ig lainkad ag ag Korint danab, ag Kristusnu Nai Ena dim lamidtebnu aṭeb amu ag genab anam heṭeb anidna, ag Kayak binag mekulag. Aria geha ag ahilag ehanitak okai ag madapig doonna amu danab ag amupa geha ag oh amu Kayak onig humaglag. ¹⁴ Am geha danab oh ag Kayak Nug ehanitak okai, ag Korint ag hamu maṭom anidna dooglag, amupa geha ag ahilagnu oolag enanag doon, Kayak Nug ag ititak madakunu unuqidkuglag. ¹⁵ Ehanitak Kayak ig megte amu okainab, ig nai amu oh mehuqkunignu elele iita. Ehanitak amunu ig Kayak amegpa, “Ena heme,” aakuib akunig.

PAULUS NUG, NUG EHED HEUMNU NAI TAPE NOUM

10 Da am Paulus. Am danab laala ag nai da beḍulpa yaan, inam aon maditeb. “Nug ig ele daatem haenpa amu nug nukā onig qe ne, ig ele daatem amge haen nug pide dayaya amu nug nai gagatag amu ig megte,” aon aṭeb. Amge da Paulus, da am Kristusnu kobol, Nug nukā Nug binag ii dab maama, Nug oo maḍoḍpa kobol bodo etak maḍoḍ ele danab dilagpa heum, amubia da ahilagpa hein, nai madipi, ag dahil nai dooglagnu unuqadtem. ² Ag oolagpanu laala ag ihinignu, “Ag wan imupan kobol aḍan oiṭeb,” aon aṭeb amunu da aṭem. Ig ag gumadta gota, da dab mak ehed amu qepi nekunu daatem amunu da nai gagatag ag amelagpa madipanu amu ag aka dab mak ehed amu qepeg nad! Ag anam ii hepeg, da ukēna amu da danab ag dab mak amu ele amu, ag amelagpa nai gagatag madikul. ³ Danab laala ag ig wan imupan kobol aot oiṭem aṭeb amge iita. Am genab, ihinig oiyak amu ig wanpa oiṭem amge ig wanpa ban heṭeb bia ig ii heṭem. ⁴ Ban haknu keeke oh ig aḍatem amu, ag wanpan keeke iita. Iita. Ig aḍatem ele amuam

Kayaknu gagatag ele, ig kekednu aḍ gagatagnab amu amupa lopadtem. ⁵ Amu ig dab mak oh amu matiak pide pide oh ele Kayak di medate ele amu lopadtem. Amu ig dab mak oh mani guadta, dab mak oh amu Kristusnu dab mak aakuib dim lamidkunu heṭem. ⁶ Ig Kayaknu ban haknu keeke aḍatem amunu ag oolagpan aun adi ag ihinig nai dim lamidteb tatam doota, dimpa amu ig nai tape nak danab amupa nob nau maṭagnig.

⁷ Ag keeke unuqagnab amu ii anidteb. Danab laa nug nuhignu, “Da am danab tutuku, Kristusnu danab daatem,” gagatag dab mete dayeb amu nug edua imu ele aṭad! Nug am Kristusnu danab daate, amubia ig ele am Kristusnu danab daatem. ⁸ Am Nadi Nug ig ahilag oopa genab doyak amu gagatag qetagnignu uḍat amunu ehah mekom. Ig anam hep-ut, ahilag oopa genab doyak na qekunu ii mekom amunu da ehah amupa da daka da onil nakok okai bia humatem dayeb amu da uḍal ele ii nema. Da adi hekulnu aṭem am da hekul. ⁹ Ag, “Nug nuhig yakpa nug hamu ig badak megte,” dab mekulagnu amu da ool ii daate. Ag anam aib dab mepig! ¹⁰ Da aṭem amunu diig am, danab laala ag dahilnu inam aṭeb. “Ao, yak nuhig amuam gagatagnab, ug ele amge nug uḍie, ig nug beḍu anidtem amu gagatag iita, nuhig nai amu ele bodo etak,” aṭeb. ¹¹ Am danab nai anam maditeb ele amu ag tutuku dab mena anidna, inam doyeg! Ig pide daatta, uḍugpa ahilagnu yaatem am ig ahilagpa goput, ag ele oh daata amu ig kobol uḍugpa yaamut amu aakuib ig ag oolagpa ele hekunig.

¹² Laa amu, ag oolagpa laala ag, “Ig am danab enanag,” aon aṭeb ele amu, ig amu dilag melemel amu aot, ig beḍunigpa meta doognignu elele ii dooṭem. Aria ig ahilag kobol ele aot, ihinig kobol melemel amupa ii heṭoditeṭem. Iita. Danab amu ag aka aka meulagpa doonna,

ag aka ag epedidteb. Am danab amu ag ahilag kobolnu amu ag aka ahilag kobolib anidna, ahilag kobol melemel amupa epedidteb. Danab amu ag am doyak ena iita. ¹³Amge ig am ig oninig hamu humaput atan tekunu ii hemata. Iita. Kayak Nug ig udat hekunignu udat amu mekom amu aakuib ig neekidrata, ena hemut anidtem dayeb amu ig amunu ig oninig humagnig. Am Kayak Nug udat mekom ele amu ag Korint danab ag udat amu oopa daateb. ¹⁴Yo, ag udat Kayak ig hekunignu aum oopa daateb amunu ig ahilagpa gota, udat hemut ele amu, ig Kayak nai tipalta ii gomut. Iita. Ig nuhig nai aaku dim lamidta, Jesusnu Nai Ena ahilagpa batak mehuqmut amunu ig oninig humatem amu ig hamu ii hetem, ehed ele ii hetem. ¹⁵Ig anam mehuqtata amu ig udat danab laala hep-ig ele amu, ig amunu ig oninig ii humamta. Iita. Ig geha ag Korint, ag ahilag oopa genab doyak amu gagatag beeb, ig ag oolagpa udat hetem amu ba, okai tudita elele daakunu hetem. ¹⁶Anam dayeb am geha ig nai ena amu aot, wan laala ag heqolagpa daateb, apa gokunig. Amupa amu ig danab laa nug nuhig udat heumpa nota, ig oninig hamu ii humamta. ¹⁷Amge ig ika ig oninig humagnignu Kayak naipa nai daate amubia am ena iita. Nai am inam. "Aun nug onig humak hekunu oo daate amu nug Kayak adi heum amu dab maama, Kayak onig humad!" ¹⁸Ig danab nug nuka onig humate, danab amu nug am Kayak noobpa onig ele ii dab memata. Iita, Nadi Nug danab onig humate, danab amuib am nug onig ele.

PAULUS TOTOL HAM BUPUAK DILAG HAK MIAG ATIOM

11 Ag da dab medapeg, da nai hamu madikulnu hetem imu amu ag amu doona, ag oolag aib nauhom. Ag dooglagnuib dab mekulag. ²Kayak Nug

ig danab ihinignu dab huan maama amu nuka nuhignu tituanikom amubia da ele ahilagnu anamib dab metem. Ao, da nid ahin bau, oiyak nuhig tutukuib, nug mameg danab laanu ah daakunu nug epegpa mete bia, da ag opia awaknab amubia daapeg, Kristus medakulnu hetem. ³Amge da badatem. Mat nug nuhig doyak okaiapa anuka Ewe bubuite na qeum amu, kobol anam amu laa ahilagpa ba eedateb amu ag opia awak kobolpa dayak amu edidna, Kristusnuib ii dab memananu ool badate. ⁴Adinu? Danab laala ag gumadna gona, Jesusnu nai kabolinna, ahilag dab makpa nai ag amelagpa mehuqeg, ag aoteb. Jesusnu nai amuam da Jesusnu nai mehuqtem ele amu, a laipu iita, am laa. O iita danab amu ag oudi laanu mehuqeg, ag aoteb. Nug am Kayak Oudi, ag anuka aopig ele amu, Nug iita, am laa. Amu ag nai diig laa mehuqeg, ag aoteb. Nai amuam Nai Ena, ag matu aopig ele amu iita, am laa. Danab ag kobol amu ag oolagpa heteb ele amu ag Korint danab ag agib dab metan daanna, oolag hete. ⁵Doyeg! Dahil dab makpa amu total danab amu, ag danab amelagpa anuqak daateb amu, da ag waalagpa nakok laa ii daatem. ⁶Genabtai da nai mehuqak kobol am tutukunab ii dootem amge da am doyak aomi. Da haen oh, kobol dahil ohpa ele amu da ag amu ipuanadmi.

⁷Da Kayaknu Nai Ena ag amelagpa mehuqen, da nob daden laa ahilagpanu ii awen, kobol amupa da daka da adailen nein, ag onilag humakulnu aakuib hemi amunu atemutai? Da kobol amu hemi amu da amupa ehed laa hemite? ⁸Da kristen tamaniak laalapanu men dodo aomi. Amupa da ehanideg, ahilagpa udat hemi. Da anam hemi amunu da tamaniak laapa, ahilag keeke hamu adadmi. ⁹Anuka da ag ele oh daata, da keeke laanu tutu dayeye, da ag oolag-

panu danab laa amunu ug ii meṭami. Iiṭa. Da lailad aḍi ag Makedonianu ahan gona, Korint tena, da aḍi keeke laalanu tutu memi amu ag meḍapig amunu da ag Korint danab ag ug nakok laa ii maṭami, geha ele da anamib heḱulnu dab meṭem. ¹⁰Da Kayak nai mehuḱkulnu heinne, tatam da danab ag dooglagnu daateb ele amu ag men doḍo meḍaglagnu api, ag men doḍo meḍaglagnu, “Yo,” apeg, da Kayak nai mehuḱkulnu ii heṭem. Da kobol amu uumi, da Kayaknu nai danab ah hamu madaḱulnu dab mein heṭem. Genab da Kristusnu nai dahilpa daate amunu genab dooṭem amubia laa nug heeb, da kobol binag ele heṭem amu, da uuḱulnu elele iitanab dooṭem. Da Grik wan ohpa anam heḱulnunab daatem. ¹¹Aḍinu da anam heṭem? Da ahilagnu oo mauhak ii dooṭem amunute? Iiṭa! Kayak Nug da ahilagnu ool mauhte, amuam Nug dooṭe. ¹²Amge danab laala, ag aka onilagib humaglagnu oolag daate amunu danab amelagpaib maṭin, kobol da heṭem kobol amunu gaḍaib heṭeb ele amu, da ahilag ib amu oo neḱulnu iiku uḍat heinne, da uḍat heṭem bia anamib baubau heḱul.

¹³Danab amu ag am total danab ham bupuak. Ag am ham bupuak uḍat danab, ag danab amelagpa total danab bia daateb amge ag gaḍalag aakuiib Kristusnu total danab daateb. ¹⁴Ag Korint daateb ele amu, ag amunu aib oṭaipig. Aḍinu? Ig dooṭem, Satan nug nuḱa hanhan kobol nuhig he eḍue, nug gaḍapaib amahlak engel bia bete. ¹⁵Anam amunu nuhikud uḍat danab ag ele ham bupun henana, ag danab amelagpa, “Ig kobol opia awak ele amunu uḍat danab daatem,” aon aḱulag dayeb amu ig amunu am dab mak okai ii aomta. Ig ii oṭaimata. Geha dimpa ag uḍat heṭeb, amupa nob ahilag aoglag.

PAULUS NUG TOTOL UḌATPA UG KUḌUM MAWOM

¹⁶Nai imu da matu maṭimi ele amu, gemu bau madikulnu heṭem. Danab laa nug dahilnu, “Nug kaaka danab,” aib dab meum amge ag dahilnu anam aḱulagtai. Am ag dahilnu anam dooglag dayeb amu ag danab kaaka laala, ag amu dilag dab menan, nai ahilag dooṭeb, amubia ag da dab meḍapeg, da ele daḱa dahilpa aḍi beum, Kayak Nug da epelpa aḍi aḍi uḍat heum amu da ainne, amupa da onil nakok humapi dooglag. ¹⁷Nai imu da Naḍi oḍepanu awe ii aṭem. Iiṭa. Da amunu api, ag da tutuku anidna, dahil nainu genab doona dim lamidḱulagnu da daḱa, kaaka danab heṭeb bia, da onil humen madikulnu heṭem. ¹⁸Danab kuḍum ag wan kobol dim lamidna, ag aka onilag humateb amubia da ag Korint danab, ag nai tutuḱu, da ag amelagpa ami ele amu, ag amunu oolagpa genab dooglagnu, da ele laa ag heṭeb bia, da daḱa onil humaḱul. ¹⁹Ag Korint amu ag aka ahilagnu amu ag am dab mak ena ele dooṭeb amge ag danab kaaka amu doyaḍna dab maṭan daaegeg, kaaka danab amu ag kaaka nai aaku ag madateb! ²⁰Ao, danab laa nug ag nugib waapa daaglagnu aṭe dayeb, o nug keeke ahilag amu oh aote dayeb, o nuhig ham bupuakpa ag diite dayeb, o nug ag awa awa aqate dayeb, o nug enaen ma duṭunadṭe dayeb amu aria ag nuhig nai epedilob am ena amge ag anam ii heṭeb amunu nug aaku anam hete. ²¹Genab, ig am kobol danab amu ag heṭeb bia ahilagpa laa iinab hemut amunu da, “Ig ehed hemut,” ii apa.

Amge danab laa nug gagatag ma, nuḱa nuhigpa aḍi keeke binag ele daate amunu madite amu dahilpa ele anam daate amu madikulnu elele. Gemu amu da dahil nai maṭiak kaaka danab nai maṭiak bia maditeṭem. ²²Total danab ham

bupuak amu ag am Hibru danabte? Aria da ele am Hibru danab. Ag Israel danabte? Aria da ele am Israel danab. Ag am Abraham buđubte? Aria da ele am Abraham buđub. ²³Ag Kristusnu uđat danabte? (Da gemu amu kaaka nainab mađitem.) Kristusnu uđatpa amu da ag eđadtem. Dahil hak gagatagpa da ag eđadmi, Jesusnu nai mehuqaknu mani guitakpa dayak am da ag eđadmi. Danab ag da wippa matađileg, kuđumnab batom, amupa da genab ag eđadmi. Aria laa ele haen kuđum da mauhkuľnu miag daami, ag am anam bia iita. ²⁴Haen tanig ele Juda danab ag wip muđipa da matađileg uke, 39 batom. ²⁵Haen ewam ag bupa da oidpig, ag haen laipu menpa oidkulagnu men epig. Haen ewam da yupa oiiyi, ug be, ub nauhom. Tuqan laipu amu aam laipu ele da yupa maya memi. ²⁶Da haen kuđum ib uma amu gomi. Da lepa padal mekuľnu hemi. Danab nau ibpa daanna, danab ukaegeg, mađuadna, keeke ahilag aduatteb ele amu, ag epe-lagpa heeg, nauhkuľnu hemi. Da lailad ag ehed heidkuľagnu heegeg, iita adi danab ele, ag da ehed heidkuľagnu hepig. Ab okaipa ag da ehed heidkuľagnu hepig am atu tadakpa, danab iitapa, ag ehed heidkuľagnu hepig. Yupa da padal mak abenpa daami amu kristen tamaniak oopanu ham bupuak danab, ag ele da ehed heidkuľagnu hepig. ²⁷Da uđat diigdiig huanak hemi. Haen kuđum da tuqan uđat heinne, niiak ena ii niimi. Da enug iwewe, le baal ele diiom. Haen kuđum da e elele iita daaiyi, ulah iwewe, lamennu tutu daami. ²⁸Aria amuib iita. Haen amu ohpa da kristen tamaniak dab madakuľnu dab mak kuđum aoiyi, ug amuam ugnab bedulpa okainab me doomi. ²⁹Am danab laipu nug gagatag iita aria da ele am gagatag iita bia daatem. Am danab laa nug hipunin hete, aria da oolpa amu da ug dootem.

³⁰Am ib laa iita, da daka da onil humakuľnuib daate dayeb amu aria da dahilnu adipa da gagatag iita, da amupa onil humakuľ. ³¹Kayak, Nadi Jesus Mameg, ig Nugib haen oh binag mekunig ele amu, Nug doote, da ham ii bubuťem. ³²Am Damaskus apa king Aretasnu ehanitak laa, nug Damaskus ab okainu od gumak danab maateb, ag da adailpeg, mani guitakpa meidkuľnu heum ³³amge da lailad laala ag da kalgelga inidna, ab okainu ad ode laapa padaeleg, da dimitim nomi. Anam heeg, da Aretasnu ehanitak amu nug epegpan oole gomi.

KAYAK KEEKE KUĐUM TULEGLEGPA PAULUS IPUNITOM

12 Korint danab, ag bedulagpa da daka onil humatem. Genab, onig humak kobol imu nug ig ii ehanigte amge da tuleglegpa nai lokuľmak laala, Nadi Nug da amelpa miag atiom amu, da amunu ele madikuľnu iiku hetem. ²Kristusnu danab laa amu da dootem. Anuka mađ 14 ii ugeke, Kayak Nug nug awe, hab atan uka, hab ewampa teum amu nug mauhomte o iita nug iite mauhom amu da ii dootem. Kayak Nugib doote. ³Da Kayak danab amu awa, Paradispa ukom amu da dootem amge nug mauhomte, o iita iite mauha ukom amu da ii dootem, Kayak Nug doote. ⁴Amge Paradis apa nug nai diig laa doyom, danab nug nai amu ig danab ihinig naipa mehuqkuľnu elele iita, amu nai amu mehuqaknu am ele gun ele. ⁵Danab amubia aakuib amu da nug onig humakuľnu ool daate amge da daka da onil ii humapa. Iita. Da daka gagatag iita amu da amunu akul. Da gagatag iita daaiyi, Kristus Nug dahilpa uđat hete amu da amunuib akul. ⁶Genab, da daka onil humakuľnu elele' amu da helom amu geha da kaaka danab bia ii daalom. Iita, da nai genabib alom amge da daka

onil ii humapa. Adinu? Geha danab laa nug dab mak nuhigpa dahilnu, “Nug am danab enanag,” anam dooidkunu amu, da ool ii daate. Da ool daate amu geha ag dahilnu adi dab mekulagnu amu ag kobol da hetem amu anidna, nai da mehuqtem amu doonna, amupaib ag dahilnu tutuku dooglag.

⁷Tatam danab laanu matimi amu daib. Paradispa amu Kayak Nug da keeke ipuniDOM ele, amuam keeke okainab. Amunu diig amunu Kayak Nug da daka onil huan humapanu amu Nug keeke laa, qaun bia, da yaaidkunu medom. Amuam Satannu udat nid, nug da daka onil huan humapanu tapideb nekulnu daate. ⁸Da haen ewam Kayak Nug bedulpanu keeke amu uhuqkunu unuqidmi ⁹amge Nug da amelpa inam aum. “Dahil ehanitak okai hamu medatem ele, amupaib na elele daatem. Adinu? Dahil gagatag amu danab ag gai iita daateb ele amu, ag gagatag ele aon daaglagnu amu nug ahilagpa aaku udat enanag hete.” Nadi Nug anam aum amunu da gagatag iitanu ool ug ii daate. Iita! Da amunu Kristusnu gagatag aakuib dahilpa daakunu gamalib ahehe, adi keeke da hekulnu da gai iita daatem amu, da amunu onil humakul.

¹⁰Anam amunu haen da Kristusnu udat hekulnu amu da gagatag iita, haen da Kristusnu udat hetem amunu danab ag da ehed heidteb, haen da Kristusnu udat hetem amunu da ug diigdiig da bedulpa dootem amu haen da Kristusnu udat hetem amunu danab ag heeg, da ehed daatem ele amu, da haen amupa oolpa ena dootem. Ao, haen da gagatag iita daatem amu haen amupaib aaku da gagatagnab daatem.

PAULUS KORINT DILAGNU DAB MEUM

¹¹Da nai maditem imu am kaaka nai amge ag aka da nai imu inam madikulnu

duhunideg, da maditem. Adinu? Ag da onil humaglagnu am aib iita, amu kobol elele, ag helob am ena amge ag anam ii hepig. Genab, da amu keeke hamu amge da gadalagib total danab ahilkad amu ag waalagpa ii daatem. ¹²Iita, da daka da ool gagatag qein dayeye, da ag Korint ag oolagpa udat kudum huana hemi. Aria da heinne, total danab dilag ehanataknu keeke kudum aaku hei, miag atiom. Keeke amuam eponak keeke diigdiig danab hekunu elele iita. ¹³Da kristen tamaniak laapa kobol laa hetem, anamib aaku ahilagpa ele hetem. Laiuib amu da ahilagpa ii hemi. Amuam da ahilagpa ehanitak laa ii aomi. Gadon ag dahil hak nau amu uhuqna medeg!

¹⁴Aria gemu da haen ewam ag gumate gokulnu hein bapaidtem. Da geha uke, keeke ahilag amu ii adadpa. Doyeg, da keeke ahilag aokulnu ool ii daate. Iita, da ag diiadkulnu ool daate. Ag dooteb, nid ag mamelkad anilkad ehanadkulagnu keeke bapaidna ii qag meteb. Iita, mameg anig agib nid ehanadkulahnu keeke qag metep. ¹⁵Aria da am dahil keeke oh ahilagnu agapi gokunu ug laa ii dootem. Am dahil bau dayak ele, ag ehanadkulnu maopi gokunu ug ii dootem. Da oo mauhak ahilagnu huanak dootem dayeb amu ag amu anidna, ag dahilnu oo mauhak nakokib dooglagte?

¹⁶Nai amunu aaku elele, anam dayad! Amge ag laala am dahilnu inam aon ateb. “Genab, nug ihinig keeke miag atiakpa amu ii aote amge nug nai itag matiak danab amunu ham bupuaq kobol haaha, ig noonig yaaya eedigte,” aon ateb. ¹⁷Amge atem nab? Da danab laala maati, ag gumadna gopig, amupa da ahilagpa ehed laa hemite? Am da ahilagpa danab laa ham bubuitete, nug epegpanu nuhig keeke laa adidmite? ¹⁸Da Titus amu ig lainig imu ele a oh maati, a oh ahilagpa gopid am Titus nug ham bupua, ahilag keeke laa adomte? Am nug da ele

i Kayak Oudi laipu amu Nuhig gagatagpa i iite oitep? I ib laipupaib iite oitep?

¹⁹ Ig nai imu yaaut, ag eb qenana amu ag, “Ig ag hetodiadta, ena anadta aput, ig oh edut laipu daagnignu heteb,” anam dab metebtai. Amge iita. Ig Kristusnu danab daatem amunu ig Kayak noobpa nai imu maditem. O lailad, gadonnab, da nai yaami imu oh amu ahilag oopa genab doyak amu gagatag qedakulnu yaami. ²⁰ Da ag gumate uke tein, da ag danab atem daaglagnu ool daate amu, da anam bia ii anadkulnu, ag ele da anidna, da danab atem daakulnu oolag daate amu ag anam bia ii anidkulagnu amu da ool ii daate. Da nai a ona a doak kobol, layagnu ehed doyak kobol, nai hak kobol, enaen mak kobol, awa awa qetak kobol, dimug nai matiak kobol, nai ii doyak kobol, kristen tamaniak kaboliak kobol ele amu da amu anidkulnu ool ii daate. ²¹ Am da edue ag gumate gopi, Kayak Nug ahilag hak nau ipunideb, ag noolagpa da udal nekunu ool ii daate. Geha da danab ah kudum ag hipunin diigdiig, dubutid kobol, gapai kobol, hipadu ahak kobol ele hepig, ag amunu oolag ii eduum ele antena amu, da amunu gaakul amge da anam anten gaakulnu ool ii daate.

PAULUS NUG KORINT DANAB DAB METAKNU NAI MATOM

13 Gemu da haen ewam aaku ag gumate gokulnu hetem amunu Kayak naipa nai inam daate amu ag dooglagnu atem. “Danab laa bedupa nai yaaglagnu dayeb amu danab adit a ahai anam hekulah o iita danab ewam ag ahan anam hekulag am nai amu gagatag daaku. Danab laipuib am elele iita.” Da gopi, ag ig ele nai laala ib amupaib bapaidkunig. ² Danab ag anuka hipunin hepig amu danab laala oh ele amu da namba tu haen ahilagpa gomi, haen amupa da ag ele oh daata, da kobol

adi ag oolagpa hekulnu amu aaku ai, ag doopig. Aria gemu ele da ipa dayeye, da am nai imu edue inam atem. Am da edue ag gumate uke, da danab hipunin tatam hepig o iita gemu heteb amu da nob madakulnu ag ii uuadpa. Iita! ³ Da anam hepig, ag genab tutuku dooglag. Kristus Nug da odelpa nai madite. Doyeg! Kristus Nug ahilagnu ha, Nug udat nuhig ii bodo edate. Iita, Nug ahilagpa udat gagatag hete. ⁴ Genab, anuka Nug danab bedu, danab bedu am gagatag iita, Nug danab bedu awa daye amu ag Nug ad emaitakpa atulpig amge Kayaknu gagatagpa gemu Nug bau daate. Amu ig ele danab bedunig ele daatem amunu ig ele gagatag iita amge Kayaknu gagatagpa ig Nug ele bau daatem amunu geha ig nuhig gagatagpa amu ag oolagpa udat heput, ag ehanitak aoglag.

⁵ Ag aka aka ag Kristen daatebte o iitate amu anidna italna epedieg! Ag Jesus Kristus, Nug ag oolagpa daate iite dooteb? Yo, ag elele daateb dayeb amu Nug ag oolagpa daate. Iita am iita. ⁶ Amu ag ig elele daatem, ig neta ii qemut amu, ag amu anidkulagnu ool daate. ⁷ Ig Kayak Nug ag ehanateb, ag kobol ehed laa ii hemananu unuqidtem. Ig ika ig iiku miag beta, elele daatem anidkulagnu amu ig anam ii unuqidtem. Iita. Danab ag ihinignu ena dooglagtai o iita ena iita dooglagtai amge ig ag Korint danab ag kobol opia awak hekulagnu oonig daate, aakuib. ⁸ Adinu? Ig keeke laa heput, nai genab amu tapeb nokunu elele iita. Ig nai genab ehanidta hekunignu aakuib am elele. ⁹ Ig am gagatag iita daautut, ag gagatag daaegeg amu ig amunu gamanig ahate. Haen oh ig geha ag tutuku eledenab ahan daaglagnu Kayak unuqidtem. ¹⁰ Gemu da ipa dayeye amu da ahilag nai imu yaami, amunu diig am, da nai imu yaapi, ag anidna eb qena, ag yaami bia keeke bapaidpeg, geha da gopi, ag

ele daatta amu udatnu gagatag, Nadi Nug da medom imupa, da amupa ag epediadkulnu udat laa ii daama. Nug da medom imu am, ahilag oopa genab doyak amu gagatag qedakunu medom. Da hepi, ag nena qekulagnu ii medom.

HUMATAK NAI

¹¹O lailad, da gemu nai baag qein da ag humadtem. Ag tutuku elelenab bena daaglagnu udat heig! Ag da nai aitem imu doona, ag oh dab mak laipu

adan, oolag laipu mena madod dayeg! Ag anam hepeg amu Kayak, Nug oo mauhak, oo madod diig daate, Nug ag ele oh daaglag. ¹²Ag ig kristen danab ihinig kobolpa, ag oh anen anen kobol opia awak elelepa ag nug humiteg! ¹³Kayaknu danab ah amu ag humadtem. ¹⁴Nadi Jesus Kristusnu ehanitak okai, Nug ig hamu megte amu Kayaknu oo mauhak, nuhig Oudinuu oo mak ele amu ag oh ahilagpa dayeg!

GALATA DILAG NAI PAULUS YOM

NAI ENA AMU LAIPU DAATE

1 Da Paulus, da am Jesusnu totol danab. Da am danab dilag totol iita. Laa ele amu danab laa nug da Jesusnu totol udat hekulnu ii meidom. Iita. Jesus Kristus amu ig Mamenig Kayak, Nug Kristus modpanu bau mad etom ele amu, Nug ele, a aakuib da meidpid. ²Da lailad oh, da ele daatem ele, ig uduq imu ag kristen tamaniak Galata apa daateb, ahilagnu yaatem. ³Kayak, ig Mamenig, amu Nadi Jesus Kristus ele, ahilah ehanitak okai hamu megtep amu ahilah madod ele ahilagpa daaglahnu oonig daate. ⁴Kristus Nug Kayak, ig Mamenig, Nug oo dayom amu dim lamita, Nug ihinig hipunin uhuqa megakunu, Nug nuka bau dayak nuhig uua, ad emaitakpa mauhom. Nug anam heumnu diig am, Nug ig kobol nau, gemu wampa daate, amu waapa ii daamtanu heum. ⁵Amunu ig hanhan Kayak onig humagnig. Genab.

⁶Ag Galata ag kobol hetebnu amu da oolpa ehed dootem. Kayak Nug ag Kristusnu ehanitak okai hamu matom, udat nadi amupa ag onilagpa eum amu ag pahanab Nug uuna, ag Jesusnu Nai Ena di metan, ag nai laa, danab laala ag gona mehuqeg doona, ag nai laa amunu ag, "Nai ena," aon ateb ele amu, ag nai amu dim lamidteb. ⁷Amge Nai Ena laa ii daate. Iita. Amge danab laala ag heeg, ahilag dab mak kabolie, danab amu ag Kristusnu Nai Ena amu eduegeg, ib laapa gokunu heteb. ⁸Amge ig, ig Nai Ena anuka ag amelagpa mehuqmut, ig nai amubia iita mehuqkunig dayeb, o iita hab atannu engel laa nug Nai Ena anuka ig ag amelagpa mehuqmut amubia iita mehuqku dayeb amu, aria

danab amunu amu, Kayak Nug nuhigpa ehed had! ⁹Da ag amelagpa ami, amubia da aaku baula atem. Am danab laa nug nai laa, Nai Ena anuka ig ag amelagpa mehuqut aopig amubia iita amu, nug ag amelagpa nai laa amu mehuqeb, aria Kayak Nug danab amu ehed had! ¹⁰Nai da gemu atem imu amu danab ag dahilnu oolagpa ena dooglagnite atem? Iita! Da Kayak Nug dahilnu oo ena dookunu hetem. Da am danab ag oolag itag qekunuib hetemte? Am da danab itag qekunu hetem dayeblob amu aria da Kristusnu udat nid iita daalom.

PAULUS NUG TOTOL DANAB BEUMNU NAI

¹¹O lailad, da tutuku ag amelagpa iiku atem. Nai Ena anuka da ag amelagpa mehuqmi amu danab laa he ii beum. ¹²Da amu danab laa nuhigpanu ii aomi. Laa ele amu danab laa nug da amu ii ipunidom. Iita. Jesus Kristus Nug nuka da ipunidom.

¹³Am da kobol anuka, haen da Juda dilag kobol amu dim lamite, kobol hemi amu ag amu dooteb. Kayaknu kristen tamaniak aqak danab am da iiku, ag iita mekulagnu da wagai mein, huana hemi. ¹⁴Da lailad oolagpa, danab bau kudum da ele huu laipu amu da ag edate, da Juda dilag kobolnab dim lamidmi. Da alalad adi dilag kobol amu, da amu oh gagatagnab dim lamidkulnu hemi. ¹⁵Amge Kayak, Nug anai da ii menuidom haenpa, Kayak Nug da tituanida, nuhig ehanitak okai hamu megte, amupa Nug da onilpa eum ele amu, Nug nuka dahilnu dab ma, ¹⁶Nug da Nug Bekanu Nai Ena amu iita adi amelagpa mehuqkulnu da ipunidom amge da haen amupa adi nai mehuqkulnu danab laala ele nai ii matimut. ¹⁷Amu danab tatam ag Jesusnu totol danab daapig amu da ag gumate Jerusalem ii gomi. Iita. Da

Arabia wanpa gomi. Uḱoya dimpa am da eḱue Damaskus gomi.

¹⁸Aria dimpa maḱ ewam uḱe amu da Petrus ele nai maṭignihnu Jerusalem gomi. Am da Petrus ele deḱ 15 anam daamuḱ ¹⁹amge da Jesusnu totol danab laa ag ii anadmi. Da Jakobus, Naḱi amag, nugib da anidmi. ²⁰Nai imu gemu da ahilagnu yaateḱ amu da Kayak noobpa nai genab aṭem, da ag ii bupual-ateḱ. ²¹Amu dimpa amu da laih Siria am Silisia dilagpa gomi. ²²Amge Juda kristen tamaniak, ag Kristus ele tamaniḱ amu, ag da iḱul anidna ii dooḱig. ²³Ag nai inam aakuib maṭieg dooḱig. “Anuḱa danab nug ig iqom, nug aun aḱi ag oopa genab doyak ele, ahilagnu ehed heum amu, gemu nug Nai Ena amu mehuḱte,” anam aḱig. ²⁴Kayak Nug dahilpa anam he, ag nai doonna amu ag Nug onig humaḱig.

TOTOL DANAB LAA PAULUS ELE OOLAG LAIPU DAYOM

2 Da anam hei uḱe, maḱ 14 uue amu da Banabas ele amu i oh eḱuḱ Jerusalem goḱa, da Titus ele omali, ig oh gomut. ²Kayak Nug da ipuniḱe, da aaku gomi. Da uḱen, “Da totol danab amelagpa, da iṭa aḱi oolagpa Nai Ena mehuḱtem amu da amunu ii aḱul amu uḱat da gemu heṭem imu, uḱat tatam hemi ele amu, uḱat amu oh hamu uḱa qeṭoḱkutai,” dab memi amunu da totol danab apa daaḱig ele amu, da ag aḱa aakuib ele daatta, da amu ipuanadmi. ³Ag Nai Ena da mehuḱtem ele amu, ag amunu ehed doon aib aḱulagnu baḱami amge iṭa. Ag ena doona, ag Titus nug da ele daamuḱ, nug am Grik danab amunu nug am gaḱa otadaḱ iṭa amge qag makpa ag ig nug gaḱa otadaḱkunignu ii aḱig. ⁴Am genab lainkaḱ laala, ag gaḱalagib kristen, ag, “Ig ag ele oh oopa genab doyak laipupa daateḱ,” anana, ag

gaḱa otadaḱ kobol dab menana amu ag Titus gaḱa otadaḱnu madipig amge ig ahilag nai ii dim lamidmut. Ag Kristus Jesus, nuhiḱ ehanitaḱ kobol ig meḱom amupa qe lamidna, ag ig Jesus dim lamidtata, uhuḱak ena aot daateḱ, ag amu ameg qaḱak kobolpa anidḱulagnu heḱig. Do nug ig atadaḱ guikom amunu Kristus Jesus Nug ig do waapa daamtanu uhuḱikom amge danab amu ag eḱun ig aigna, do waapa daagnignu Titus gaḱa otadaḱkunignu heḱig. ⁵Amge ig Nai Ena amu ag iṭa aḱi, ahilagpa hanhan daakunu oonig dayom amunu ig amu dilag nai amu nakoknab laa ii dab memut.

⁶Aria danab da ele daamut, ag da nai mehuḱtem ele amu, ag nai amu ii tuḱidḱig. Eleleib dooḱig. Danab laa ag amu dilagnu, “Danab oḱai,” aṭeb amge amuam genab o genab iṭa, da amunu dab ii meṭem. Aḱinu? Kayak Nug danab onignu dab ii meṭe. ⁷Danab amu ag nai dahil ii tuḱidḱig. Iṭa, ag dooḱig, Kayak Nug Petrus Juda oolagpa Nai Ena mehuḱkunū meum bia, da Nai Ena, iṭa aḱi amelagpa mehuḱkunū meḱom. ⁸Ao, Kayak Nug Petrus Juda oolagpa Jesusnu totol uḱat heḱunu gaḱataḱ meṭom amubia Kayak Nug da iṭa aḱi oolagpa Jesusnu totol danab daakulnu gaḱataḱ meḱom. ⁹Jakobus, Petrus, Johannes ele, laa ag ahilagnu, “Ag am iḱi danab,” aon aṭeb amu, ag Kayak Nug ehanitaḱ oḱai hamu meḱte amupa Nug da uḱat imu heḱulnu meḱom dooḱig. Ag anam dooḱig amunu ag da Banabas ele i epenih aḱaeg, ig oonig laipu meta, da Banabas ele i am iṭa aḱi oolagpa uḱat hebupud, ag am Juda danab oolagpa uḱat heḱulagnu amut. ¹⁰Ig anam atata, ag i dadeḱ danab dilag dab meḱunihnu aakuib aḱig. Keeke amunu amu, da ool huana heṭe, da amu heḱulnu da uḱat gaḱataḱ heinne daateḱ.

PAULUS NUG PETRUSNU EHED HAK MIAG ATIOM

¹¹ Ig anam hemut amge Petrus nug Antiok udie, da nug noobpa nuhig nai amu da okulmi. Adinu? Nug ehed imu heum. ¹² Haen Jakobusnu danab laala Antiok ii bepig, haen amupa Petrus nug iita adi danab ele daanna, oh e lapig amge danab amu ag beeg amu, aria nug danab amu, ag am gada otadak kobolnu gagatag dab meteb ele amu, nug ag badaa, Juda dilag do dim lamidkunu ha, iita adi ele daapig amu edua uuata, laikudib ele daapig. ¹³ Petrus anam he amu Juda danab laala ele ag nug ele kobol ham bupuak amu hepig. Am ag kobol ham bupuak dim lamiteg uke, Banabas ele nuhig dab mak edue, kobol amupa noum.

¹⁴ Aria ag Nai Ena ipunigte amubia ii oipig anidmi amunu da ag noolagpa Petrus amegpa ami. "Na Juda danab amge na matu Juda dilag kobol uuna, iita adi ele e lapig. Na ag kobol dim lamidteb bia heme amunu adinu na gemu iita adi, ag Juda kobol amu dim lamidkulagnu gagatag hetem? ¹⁵ Am genab, ig Juda danab ig iita adi, ag Mosesnu do iita ele amu, ig ag do amu iita ele oiteb bia ii oitem. Iita. ¹⁶ Amge ig dootem, Kayak Nug danab do dim lamidte amunu, danab amunu, 'Danab tutuku,' ii ate. Iita. Danab nug Kristusnu oopa genab doote, danab amunu aakuib Kayak Nug, 'Danab tutuku,' awa ate. Am ig ele, ig Kayak noobpa, ihinig oopa genab doyakpa, ig do dim lamitakpa iita, ig danab tutuku daagnignu Jesusnu oonigpa genab doomut. Adinu? Danab laa nug do dim lamidte, diig amunu Kayak Nug danab amunu, 'Danab tutuku,' ate laa iinab daate. Iita.

¹⁷ Aria, ig Mosesnu do oh dim lamidta, danab tutuku bekunignu elele iita amge ig Jesusnu oonigpa genab

dootem amunu Kayak Nug ihinignu, 'Danab tutuku,' ate. Amu ig ib amupa danab tutuku daatta, ig haen amupa ig iita adi ag Mosesnu do laala tipalteb, amubia tipaltem dayeb amu, ig, 'Kristus Nug hipunin hekunignu eedikom,' akunigte? Iitanab! ¹⁸ Danab laa nug tatam kobol laanu, amuam kobol ehed doya uua, dimpa nug edua kobol amu dim lamidte amu nug aaku hipunin hete miag atite. Amubia da tatam iita adi ele e lakunignu, 'Am ena,' ainne, dimpa da amunu, 'Amuam nau,' akul dayeb amu amupa da Nai Ena aomi ele amu da ii dim lamidtem amunu da am hipunin hetem miag atite. ¹⁹ Do nug da iwe mauhmi, nug gemu da ii hipalidte amunu da Kayak waapaib daakulnu daatem. ²⁰ Da Kristus ele oh ad emaitakpa aihlop bia mauhmi amunu da gemu bau daatem, bau amuam daka dahilpaib iita. Iita. Kristus Nug da oolpa bau daate. Anam daate amunu dahil oiyak wan imupanu oh amu da Kayak Bekanu oolpa genab doyeye oitem. Nug dahilnu oo mauhe amu dahilnu ele mauhom. ²¹ Da Kayaknu ehaniatak okai hamu megte ele amu, da amunu amu da keeke hamu bia ii dootem. Am ig danab ig do dim lamidta, danab tutuku bekunignu elele daalom amu Kristus Nug ihinignu mauhom amu Nug aaku hamu mauhlo." Da anam Petrus amegpa ami.

DO DIM LAMITAK, OOPA GENAB DOYAK KOBOL ELE

3 Galata ag am kaaka danab. Da Jesus Kristusnu ag amelagpa matiiyi, ag geha aaku Nug ad emaitakpa atuleg dayeye anidpig bia doopig. Amu aun nug he, gemu ag kaaka aqom? ² Keeke laipuib da ag od madapi ag apeg doyei! Ag Kayak Oudi aopig, ag atem hena Nug aopig? Ag do dim lamidna aopigte? O iita ag Nai Ena doona, oolag-

pa genab doopig amupate ag Kayak Oudi aopig? ³Ag genab kaakanab aqomte? Ag Kayak Oudinu gagatagpa udat dig mepig amu gemu ag aka ahilag gagatagpa udat malan, tutuku eledenab bekulagnu hetebte? ⁴Anuka ag keeke ena aopignu amu gemu ag amu daulag atie, padaeg ne, meu ii otete? Genab o genab iita ag keeke ena amunu hamu doona padapigte? ⁵Ib atenpa Kayak Nug nuhig Oudi ag mata, ag oolagpa udat laala, danab hekunu elele iita ele, hete? Nug ag donu udat hepig amupa Nug anam hetetai? O iita, Nug ag Nai Ena doon, ag oolagpa genab doopig, ib amupa anam hetetai? Ib laa iita, Nug oopa genab doyak agupaib hete.

⁶Amuam Kayak naipa Abrahamnu yak daate amubia. Nai amuam inam. "Abraham nug Kayaknu oopa genab doye, Kayak Nug Abrahamnu oopa genab doyak anta, nuhignu, "Danab tutuku," awa aum. ⁷Anam daate amunu ag doye! Danab ag Nai Ena oolagpa genab dooteb ele, danab amu ag am Abraham bekodnab. ⁸Am Kayak Nug anuka iita adi ag geha Nai Ena aona, ag oolagpa genab doopeg, ahilagnu Nug, "Danab tutuku," akunu doya he, ag Kayak naipa yaapig daate. Nug anam doyom amunu Nug anuka Abraham amegpa Nai Ena mehuqaqa, inam aum. "Nahippa geha, danab budub oh ag ititak aoglag," awa aum. ⁹Amunu danab ag oolagpa genab dooteb ele amu, ag Abraham, nug am danab oopa genab doyak ele amu, ag nug ititak awom bia aoteb.

¹⁰Amge danab ag danab tutuku bekulagnu amu ag, "Ig do dim lamidta tutuku bekunig," dab menan ateb ele amu, danab amu ag nob nau aoglagnu daateb. Adinu? Kayak naipa nai amunu inam daate. "Danab oh ag nai hupu oh do yak udugpa daate amu oh tutukunab ii dim lamidna, oh elele ii hena amu ag nob nau aoglag." ¹¹Laa ele amu Kayak

naipa yak laa daate am inam. "Danab nug oopa genab doote amu geha Kayak Nug danab amunu, "Danab tutuku," awa ab, danab amu nug bau daaku. Anam daate amunu ig imu dootem, danab laipu laa do dim lamidte, Kayak Nug danab amunu, "Danab tutuku," akunu amu ib laa iita. ¹²Do dim lamita, tutuku bekunu kobol diig am oonigpa genab doyak iita. Iita. Kayak naipa kobol amu diignu nai inam daate. "Danab nug do ohnab dim lamidte ele amu, nug geha bau dayak aoku." Amupa ig do nug am udatnu keeke anidtem. ¹³Do nug ig nob nau aognignu ate amge Kristus Nug Kayak naipa yak laa, "Danab oh ag ad atan aihadteb ele amu, danab amu ag nob nau aoteb," Nug nai amu ate amubia ig ounig daya, nob nau amu awa ehanika, ig edua awikom. ¹⁴Kayak Nug Abraham ititak metom, Nug ititak amu aakuib Jesusnu udat nadipa, Nug iita adi ele mada-kunu, ig kristen oh ig Nai Ena doout, oonigpa genab dootem, amupa ig nuhig Oudi megakun nai qaka aum amu, ig Nug aognignu, Kristus Nug ig ounig anam beum.

DO NAI, KAYAK NAI QAKOM ELE DILAH NAI

¹⁵O lailad, gemu da ig danab ihinig kobol daate amupa atem. Danab laa nug geha dimpa mauhku, nug amunu dab ma, nug enub oh bekod aoglagnu amu nuhig dab makpa elele otia, anen anen adi aoglagnu ad udugpa yeeb, danab laa ele nai amu anta, onig yeeb amu danab laa nug nai amu ii qeeb nema, o laa nug nai amu baolia nai laa ii tudidma. ¹⁶Aria Kayak Nug dimpa keeke ena bekunu amu Abraham amegpa nai qaka aum. Nug nai qaka aum amu Nug Abraham amu nug budub oopanu laa ele, ahilahnuib nai qaka aum. Nug budub oh amelagpa ii aum. Iita, Nug laipunuib amegpa nai qaka aum, amu nid amu

Nug am Kristus. ¹⁷Nai dahil imu, nuhig diig amu inam. Kayak Nug tatam Abraham tituana, keeke laa heeb beḱunu nai qaḱa a, dimpa mad 430 uḱe amu aria ḁo aaku beum. ḁo amu dim beum. ḁo amu nug Kayaknu tituana nai qaḱak amu qeeb neḱunu elele iḱta. Nai qaḱa aum ele amu, ḁo nug amu lopaḁḁkunu ele elele iḱta. ¹⁸Am ig ḁo dim lamitak kobolpa keeke ena, Kayak ig aognignu tituanikom ele amu, ig amupa aognignu elele daalom, aria am ig dootem, keeke ena amu nai qaḱa anakpa ii aolom. Amge anam iḱta. Kayak Nug Abraham amegpa keeke heḱunu nai qaḱa aum amunu Nug heum.

¹⁹Aria, adinu Kayak Mosesnu ḁo meum? Amuam iḱku. Kayak Nug hipunin diig amu geha miag atikunu oo dayom amunu Nug ḁo amu tudite, dimpa aaku beum. Amu ḁo nug dayeb uḱeb, geha Jesus beḱu amu bataḱ daakunu meum. Kayak a, engel ag Moses ḁo ipuniteg, nug gamag danab dayaya ḁo awa, danab ah ipuanatom. ²⁰Aria gamag danab nug danab laipu nug nai nuhig qaḱa, keeke laa heḱunu ate amu, gamag danab nug haen amupa uḁat laa ii hete. Iḱta. Danab adit o ewam keeke, ag tituanḱulagnu heteḱ dayeb amu gamag danab nug daakunu elele amunu Moses nug gamag danab dayeye, Israel ag ḁo aopig. Amge Kayak anuḱa Abraham amegpa nai qaḱa, keeke laa heḱunu aum, Kayak nuḱaib nai amu keeke heḱunu aum.

²¹Anam amunu ḁo nug am Kayak anuḱa nai qaḱa aum ele, amunu kekedte? Iḱtanab iḱta! Adinu? Ib adit amu oh am ig danab tutuku beḱunignu uḁat hetep amge ḁo nug ehanigkunu elele iḱta. Amge ḁo laapa ig tutuku danab bauklele ele beḱunignu daalo amu ig ib amupa danab tutuku belom. ²²Amge Kayak nai danab oh hipunin waapa daateḱ ipunigte amunu danab oh, ag Jesus Kristusnu oolagpa genab

dooteb ele, Kayak Nug keeke madaḱunu Abraham amegpa nai qaḱa aum ele amu, ag aoglagnu elele daateḱ.

²³Jesus Kristus Nug ii nak haenpa, ḁo nug ig hipalike, ig nuhig uḁat heutut uḱe, Jesus Kristus Nug uḁia he, ig Kayak noobpa tutuku daagnignu ib laa, amuam oopa genab doyaknu ib, ib amu aaku miag atiom. ²⁴ḁo nug am gumikak danab ihinig bia, nug ig omaika, Kristus topa wab, ig Nai Ena oonigpa genab dooput amu Kayak Nug ihinignu, “Danab tutuku,” awa akunu dayom. ²⁵Gemu Jesus Kristus Nug uḁat nuhig ha malom daate amunu ḁo nug baula gumikak danab ihinig ii daate.

OOPA GENAB DOYAKPA KAYAK BEḱOD DAYAKNU NAI

²⁶Ag oh Kristus Jesus ele ou qena, ag nuhignu oolagpa genab doopig amunu ag Kayak beḱod daateḱ. ²⁷Ag Kristus ele ou qena, Kristusnu layatak aopig amu ag Kristus oiyom bia oiglagnu daateḱ. Ag oh Kristus ele ou qak daateḱ. ²⁸Amunu gemu Juda danab am ena, Grik danab am nau, dab mak amu ii daate. Begbeg danab ag am keeke hamu, danab ena ag am keeke genab, dab mak amu ele gemu ii daate. O iḱta danab ag am onilag ele, ah ag am onilag iḱta, dab mak amu ele ii daate. Iḱta! Ag oh amu Jesus Kristus nuhigpa oh laipu daateḱ. ²⁹Amu ag Kristusnu daateḱ dayeb amu, aria ag am Abraham buḁub aaku daateḱ amunu ag aaku Kayak Nug anuḱa Abraham amegpa keeke laa heeb beḱunu nai qaḱa aum amu, ag amu aoglag.

4 Aria tuditaknu amu nid nug mamegnu keeke oh aokun daate, nug keeke amu oh gumakunu daate amge haen nug danab ii meum amu nug begbeg bia daate. ²Nug gumak danab laala waalagpa daye uḱe, dimpa mameg nug abenab aokunu haen meta tituanom amupa nug aben amu aote.

³Ig ele am anamib. Jesus ii neum haenpa amu ig nid naunau bia daat, ig wan imupan do gagatag iita ele amu ig amu waapa daamut. ⁴Amge anam daye uke, haen Kayak aum amu elele mete, Kayak Nug Beka me ne, ah nug menue, Nug do waapa ba dayom. ⁵Nug ig do amu waapa daamut amunu edua awikeb, uhuqak ena daagnignu, ig Kayak bekod beta daagnignu ele anam heum. ⁶Gemu ag Kayak bekod daateb amunu Kayak Nug beka Jesusnu Oudi, Nug Kayak amegpa, "Mame, Mame!" ate ele amu, Nug Nug me, ig oonigpa daate. ⁷Amunu na baula begbeg ii daatem. Iita. Na nuhig nid daatem. Am Kayak Nug na awitom, na Nug beka daatem amunu Nug bekod keeke aoglagnu aum amu na aokutnu daatem.

PAULUS NUG GALATA DILAGNU DAB MAK KUDUM AWOM

⁸Genab, anuka amu ag Kayak ii doopig amunu ag kayak bau iita ele, keeke Kayak heum ele, amu dilag begbeg udat hepig ⁹amge gemu ag Kayak doopig (da Kayak Nug ag doyatom alom am ena) amunu adinu ag edun, bitumtum gona, wanpan do gagatag iita amunu hik aqege, ag edun udat nob iita, hamu begbeg udat hekulagnu heteb? ¹⁰Ag Kayak noobpa ena daaglagnu amu ag hanhan ded okai amu kalam bau bak, metid okai amu mad bau ele anidna, amupa gun mena daateb. Amu elele iita. ¹¹Ag anam heteb amunu da ahilagnu udat okai hemi ele amu, da amunu, "Da hamutai kakidmi," ainne, bade daatem. ¹²⁻¹³O lailad, da ag oitem bia oiglagnu unuqadtem. Ag dooteb, da tatam diig mein, Nai Ena ag amelagpa mehuqmi ele amu haen amupa da ode ele amunu da ahilagpa nai mehuqmi amge haen amupa ag diig amunu ag dahilpa ehed laa ii hepig. ¹⁴Genab, ode dahilnu amu

ag amunu ug maopig amge ag da ii guhudilpig. Amu ag oolag da medan, amupa ag da ii uuidpig. Iita. Ag Kayaknu engel laa aolob amubia da awidpig. Ag Jesus Kristus aolob anam bia ag da awidpig. ¹⁵Oo gamag ahak ahilagpa dayom amuam gemu adep mepig? Da genab ag amelagpa kobol ahilag ena amunu atem. Haen amupa ag amelag kehaknu elelelel ob amu, aria ag kehan da amelpa melob. ¹⁶Gemu da nai genab ag amelagpa atem amunu ag dahilnu, "Nug ehed heigkunu hete," atebte?

¹⁷Genab, danab laala ahilagpa udat heteb amu ag wagai mena eedadkulagnu amelag qagateb amge nai itag amuam kobol enapa ii gote. Danab amu ag hep-eg, ag Galata danab ag ig ele ou qak ii daaput, ag Galata ag edun danab amu binalag mekulagnu heteb. ¹⁸Am ig Nai Ena dim lamidkunignu, kobol ena ele hekunignu wagai mekunig am ena. Ag haen oh, ig ou qak daatem, ou qak ii daatem ele amu, ag anam hekulagnu am ena. ¹⁹O nid dahilad, da ag kristen bekulagnu guitak nadi, ah nid menukunu guitak doote amubia doomi amu gemu da ag Kristus daate bia bekulagnu guitak amubia baula dootem. ²⁰Gemu da ag ele oh daatta, da odelpnanab ag amelagpa nai matilomnu ool daate. Adinu? Gemu da ahilag kobolnu amu dab mak kudum aotem.

HAGA SARA ELE DILAH NAI

²¹Ag Galata danab, ag edun do waapa daaglagnu heteb ele amu, ag gemu apeg doyei! Ag do nai ate amu ag iitai dooteb? ²²Kayak naipa yak laa Abrahamnu amu inam daate. Abraham nug bekod adit, begbeg ah nug laa menue amu Sara, nug am begbeg iita, nug nid laa menuom. ²³Ismael anig amu, nug am begbeg ah, amu nug danab ah menuak kobolpa Ismael menuom. Aria Abraham Sara ele, a nid menuglahnu elele iita amge Kayak

Nug a nid menuglahnu nai qaka ana he, a nid menuglahnu elele daaiya, Sara nug nid amu menuom.

²⁴ Amunu kaya amupa ig keeke laa anidkunignu elele. Ah adit amu a nug tituana nai qakak adit ipunigtep. Laa am Sinai qaukopa do nai Moses nug Kayak epegpan awom. Nug tituana nai qakak amu begbeg ah Haga, bekod do waapa daateb, nug amu ipunigte. Laa amu Kayak nai qaka aum. Nug tituana nai qakak amu, Sara nug ipunigte. ²⁵ Qauko Sinai, amuam Arebia dilag qauko laa, nug danab ag Jerusalem oopa gemu daateb, ag do waapa begbeg daateb, amun ipunigte. ²⁶ Amge Jerusalem laa, Sara amu ipunigte amu, amuam hab atan daate, am Kayaknu. Nug amu nid genab, begbeg iita. Amuam ig kristen, ig aninig aaku daate. ²⁷ Kayak naipa amunu nai laa inam daate. “Ah na oot kel doak, na nid menuaknu laa iita, na gaman ahad! Ah, nid awaknu guitak ii doome ele amu, na ootpa ena doye! Na oden opatna ekut! Adinu? Ah oo kel doak Nug am bekod kudumnab, eb qak ahilag amu ah danab ele bekaliti dilag eb qak amu editak.”

²⁸ O lailad, ig am Isak bia. Kayak Nug Isak dokunu nai qaka a, nug doum amubia ig nuhig naipa ig Nug bekod bemut. ²⁹ Amge Abraham haenpa, nuhig nid laa, nug anig danab ah nid menukeb kobolpa menuom ele amu, nug am nid laa amu guhuditom. Nid nug guhuditom ele amu, nug anig Sara, nug Oudi kobolpa menuom. Gemu ele kobol anamib aaku daate, laa nidnab ii daateb am laa nidnab daateb guhudateb. ³⁰ Amge Kayak naipa nai amunu adi daate? Nai inam daate. “Bebeg ah nug beka ele amu lamate! Begbeg ah beka amu nid Kayak a, Sara menuom ele amu, a oh mamelahnu keeke ii aomya. Iita. Saranu nid aakuib aoku.” ³¹ Anam amunu o lailad, ig am begbeg ah bekod iita. Ig

am Kayak a, ah nid menuom ele, ah amu bekod daatem.

KRISTUS NUG AM UHUQAKNU DIIG

5 Kristus Nug ig donu mani guitak hipalikakpanu uhuqikom, ig hamu ena daatem, ig begbeg ii daatem amunu ag ahan gagatag dayeg! Ag donu mani guitakpa baula aib daapig.

² Doyeg! Da am Paulus amu da ag amelagpa atem. Ag am Kayak noobpa ena daaglagnu henana, ag do dim lamidna, gadalag otadkulag dayeb amu geha Kristus udat heum daate amu ag ii ehanadma. Iitanab iita. ³ Am danab oh ag gadalag otadteb amu da iiku miag amelagpa atem. Ag kobol amu heteb amu, ag do oh dim lamidkulagnab aakuib am elele. ⁴ Am ag do dim lamidkulag, amupa Kayak Nug geha ahilagnu, “Danab tutuku,” awa akunu dab meteb amu, amupa ag aaku Kristus uupig, ag am Kayaknu ehanitak okai hamu megte amu, ag amupa ii daateb. ⁵ Amge ihinignu amu Kayak Oudi Nug ehanikeke, ig oopa genab doyak ihinigpa, ig Kayak Nug ihinignu, “Danab tutuku,” awa akunu ameg metem. ⁶ Am danab nug Kristus Jesus ele ou qak daatep amu nuhigpa gada otadak kobol, o iita gada ii otadak kobol, adit amu oh am keeke hamu. Nuhigpa keeke laipuib am okai daate. Amuam danab nug oopa genab doye, laa dilagnu oo mauhte.

⁷ Anuka ag am ena oipig. Am aun nug ib oo ne, ag nai genab amu baula ii dim lamidteb? Nug atem he, ag amu uupig? ⁸ Kayak, Nug ag onilagpa eum ele amu, Nug dab mak ag gemu dim lamidteb ele amu, ag ii matom. ⁹ Yis nakoknab amu he, bret oh titidte amubia dab mak nau nakoknab, amuam heeb, ag oh padal me-mananu dab meig! ¹⁰ Da Nadinu oolpa genab dootem amubia Nug ag ehanateb, geha ag nai da amelagpa atem imu dim lamidna, ag geha dab mak laa amu ii

adaglagnu oolpa genab dootem. Amge danab auntai nug ag kaboliadkunu hete amu, nug geha nuhig ehed haknu nob nau aoku. ¹¹ O lailad, genab da danab ag gadalag otadkulagnu nai mehuqtem dayeb amu, adinu laala ag da iuglagnu meidteb? Am da nai anam mehuqlom amu laa ag ad emaitak nainu dab mak ehed aolobte? Iita. ¹² Am danab ag heeg, ag Galata danab ag kaboliadteb ele amu, danab nau amu ag, ag Galata danab uadna gokulagnu, tamaniak oopa ii daaglagnu, ool okai daate.

¹³ Genab o lailad, Kayak Nug ag uhuqak elele daaglagnu onilagpa eum amge ag ahilag dab makpa aib inam apig. "Ig uhuqak elele daatem amunu ig bedunu kobol ele hekunig." Ag anam aib apig amge ag lailkad dilagnu oolag mauheb, ahilag begbeg daanna, ehanateg! ¹⁴ Adinu? Do oh amu nai laipu imu oopa daateb. "Na naka nahipnu oot mauhte, amubia na danab laa dilag ele oot mauhad!" ¹⁵ Amge ag oolagpa aka aka naipa nug qemananu, ag nug emalak hemananu amu dab meig! Ag anam hekulag am ag oh padal mekulag!

KAYAK OUDINU KOBOL AMU OO ALAGNU KOBOL ELE

¹⁶ Da inam atem. Kayak Oudi Nug oiyak ahilag gumebeb, ag Nug dim lamidna oiyeg! Ag anam hena amu ag bedunu kobol ii dim lamidmana. ¹⁷ Bedunu kobol amu Kayak Oudinu kobol ele a laipu iita, a pide pide amunu Kayak Oudi Nug bedunu kobol guhuditete, bedu amu Kayak Oudi guhudidte. Anam daate amunu ag keeke laa hekulagnu oolag unuqagpa daate amu ag elele iita. ¹⁸ Anam daate amge ag Kayak Oudinu ehanatak aon oiteb dayeb amu ag do dim lamitak udat amu ii hemana.

¹⁹ Ag bedunu kobol amu ag aaku dooteb. Amu inam. Gapai kobol diigdiig,

²⁰ kayak ham bupuak binag metak, onig awak kobol, keked metak kobol, heqopa qak kobol, oo aeg bak kobol, opodi huana bak kobol, ameg qak kobol, enaen ma binag mak kobol, huu obatak kobol, ²¹ laanu keeknu ameg qak kobol, le gaga-tag la kaaka qak kobol, hak nau idu idu ele aaku daate. Da anuka ag amelagpa ami amu gemu baula ag amelagpa atem. Danab oh ag kobol amu heteb amu ag Kayaknu do madod ii aomna.

²² Bedunu kobol am aaku amge Kayak Oudi Nug he, oiyak ihinigpa meu laala imu bete. Oo mauhak kobol, oo gamag ahak kobol, oo madod kobol, oo doyak kobol, oo bodo etak kobol, diig tutuku genab ele hak kobol, ²³ oo gai iita doyak kobol, oiyak dab mak ele hak kobol. Kobol amunu oh, amu haknu do laa ii daate. ²⁴ Kristusnu danab oh ag oolag alag amu nuhig bedunu kobol amu oo ahak kobol ele oh ad emaitakpa atulpig daateb ²⁵ amunu Kayak Oudi Nug ig bau megte dayeb amu ig Nug waapa ele daatu! ²⁶ Ig adi kobol heput, ig lainkad opodilag beku amu ig kobol amu ii hemata, ig ahilag keekenu ele amenig ii gema. Ig amubia ii hetata amu ig oninig ele aib humamut.

LAILKAD DILAG EHANATAKNU KOBOL

6 O lailad, danab laa nug hipunin laa heeb, ag anidna amu ag danab ag Kayak Oudi ele, ag danab amu edun aoglagnu nai bodo etak madodpa oo babaitag! Ag aib nuhignu guhuditak kobol hepig. Ag oh anen anen ahilagnu dab meig! Satan nug ag ele eedadkunu daate. ² Ag lailkad ehanadpeg, ug ahilag amu oh maweg! Ag kobol amu hena, ag Kristusnu do amu elele dim lamidkulag. ³ Danab laa nug ham bupua, hamu diig iitapa, "Da onil ele," anana, nug nuka onig humate, amuam meu iita. Danab amu nug nuka nug oo bupuidte.

⁴Danab oh ag anen anen ahilag udat melemel metan epedieg! Ag anam hena amu ag ena hetebte o ehedte heteb dooglag. Danab nug anam hete amu nug nukā nuhig kobolnu gamag ahaku. Nug danab laanu kobol amu nuhig kobol ele melemel ma aib epediom. ⁵Aḍinu? Danab oh ag anen anen ahilag udat amu maoglagnu dab mekulag am ena.

⁶Danab nug Kayak nai dookunu ipunitak danab laa waapa daate amu nug nuhig keeke ena oh elele opata, laih amu nuhig ipunitak danab amu metad!

⁷Laa nug ag bupualateb, dim lamidmananu am dab meig! Laa nug Kayak ham bupuidkunu elele iita. Amu inam. Danab nug e tumu ebate amu geha dimpa e tumu epom amuib meu amu aoku.

⁸Amubia danab laa nug bedunu kobolib haaha oite amu nug bedu kobolnu meu nau, padal mak aoku. Amge danab nug Kayak Oudin ehanitak awa ada, amupa oiyaya, Oudi kobol amu dim lamita oite, Oudi Nug danab amu bauklel meteb, nug hanhan bau ena daaku. ⁹Amunu ig kobol ena hekunignu amu ebehinig aib bodo etom. Ig ebehinig bodo ii edaku amu aria geha meu awak haenpa ig meu ena aaku aognig. ¹⁰Amunu ig hanhan danab oh ehanadkunignu ib anidta amu ig ehanadtu! Amu ig Nadinu oopa genab doyak lainkad dilagpa kobol amubia hekunignu dab mak aot auta aognig.

BAG QAK NAI

¹¹Ag dahil yak geha iiku dig metem imu am yak okaipa ag tutuku dab mekulagnu yaatem. ¹²Danab laala ag onilag okai ele daaglagnu heteb, ag Galata danab ag gadalag otadkulagnu wagainab meteb ele amu, ag diig laipupaib

heteb. Amuam inam. Ag danab laala ag Kristus ad emaitakpa ehanigkunu mauhom oolagpa genab ii dooteb dab menana, ehed hadmananu gada otadak nai amu huana maditeb. ¹³Danab amu ag gada otadak aopig amge ag do tutuku dim ii lamidteb. Danab amu ag do tutuku ii dim lamidteb amge ag amunu ii dab menana, ag Galata daateb ele amu ag eedateg, ag gadalag otadeg, laa amu ag lailkad amelagpa ag aka ag onilag humaglagnu heteb. Ag ahilagpa hena, ag bedulag amupa ag onilag okai aoglagnu heteb. ¹⁴Amge da keeke laa binag ii mepa. Iita. Da Jesus Kristus, Nug ad emaitakpa mauhom amu nuhig udat amu oh am da binag mekul. Kristusnu ad emaitak gagatagpa amu wan imupan kobol oh da ii tonidteb. Da ele da kobol amu dim lamidkulnu ii daatem. ¹⁵Danab nug gada otadte, amuam keeke hamu amu danab gada ii otadte amu ele keeke hamu. Kayak Nug he, ig danab Kristusnu udat okaipa bau menuak aot daatem amuib am keeke ena, keeke genabnab daate. ¹⁶Danab oh ag imunu dab mena, aon oolagpa mena, adan dim lamidna oiteb ele amu ag madod doopeg, Kayak Nug ahilagnu oo gai iita dookunu ool daate. Danab amu ag am Kayaknu danab, da ag oh anam aoglagnu ool daate.

¹⁷Aria batakulnu amu da danab laa nug gada otadaknu nai amunu ug laa medakunu amu da ool ii daate. Aḍinu? Danab ag Jesus onignu oideg, dudupal da bedulpa daate, amupa nai da aтем amuam genab daate ipunigte. ¹⁸O lailad, ihinig Nadi Jesus Kristusnu ehanitak okai hamu megte amu ahilagpa dayad! Genab!

EPESUS DILAG NAI PAULUS YOM

KAYAKNU OOPĀ GENAB DOYAK DIIG

1 Da Paulus, da Kristus Jesusnu to-
tol danab daakulnu Kayak Nug da
tituanidom amu da Epesus danab ah ag
Kayaknu oolagpa genab doona, Jesus
Kristus ele ou qak daateb, ahilag¹nu iiku
yaatem. ²Am ig oh Mamenig Kayak amu
Nađi Jesus Kristus ele, ahilah ehanitak
okai hamu megtep amu ahilah madod
ele ahilagpa daaglahnu ool daate.

³Kayak Nug Kristusnu udat okai, diig
amunu Nug ig nuhikud danabnab daag-
nignu hab atannu ititak oh mekom
amunu ig Nug, Nug am ihinig Nađi
Jesus Kristus Mameg amu, Nug binag
metu! ⁴Kayak Nug wan ii beum haen-
pa Nug ig Kristusnu udat okaipa, ig Nug
noobpa ehed laa iita, opia awak daag-
nignu, ig Kayaknu amu ig laintad di-
lagnu ele nug oo mauhak doognignu
tutuanikom. ⁵Nug anuka dab meum,
oo ele niiom bia amu Nug Jesus Kris-
tusnu udatpa ig Nug bekod daagnignu
mekom daatem. ⁶Nug anam heum,
diig amunu nuhig ehanitak okai hamu
megte, amuam ehanitak enanagnab amu
binag aote. Nug Kristus, Nug nuhignu oo
huana mauhte ele amu, Nug nuhig udat
okai ihinignu heum ele amu dab maama,
ehanitak okai amu ig mekom. ⁷⁻⁸Kayak
Nug doyak okainab nuhig amupa Nug
dab meka, Nug ehanitak okai nađinab
hamu megaka, Nug Jesus Kristus tiig-
pa Nug ihinig hipunin uhuqa mekowa
amu Nug edua awikom. ⁹Anuka Kayak
Nug nuka nuhig dab makpa Kristusnu
udatpa ehanigkunu dab meum amu Nug
dab mak amuib dim lamita he, ihinig-
pa miag atiom. ¹⁰Nug oo niite am inam.
Nug ulum adebeb, Nug haen epediom
ele amu udieb, keeke hab atannu, wan-

panu ele amu Nug oh qag maateb, Kris-
tus waapaib daapeg, Kristus Nug keeke
amu oh ikilag daaku.

¹¹Ig nuhig udat okaipa Kayak bekod
daatem. Kayak Nug keeke oh atem
bekunu dab mete amu anamib bete
amunu Nug ig nuhikudnab daagnignu
dab maama meikom daatta, ig Nug
bekod daatem. ¹²Nug ig nuhignu
anuqta, oonigpa genab doot, Nug dim
lamidtem amu ig Kayak, Nug binag okai
mekunignu amu, ig nuhikud daagnignu
tituanikom. ¹³Ag Epesus daateb amu,
ag ele Kayak Nai Ena, amuam Kayak
Nug ag edua diikunu ib babaitom, nai
amu doonna, ag Kristusnu oolagpa
genab doopig amunu Kayak Nug nuhig
Oudi, anuka Nug megakunu nai qaka
aum amu, ag genab nuhikudnab daateb
dooglagnu amu Nug nuhig Oudi ag
matom. ¹⁴Kayak Nug ig dimpa gog tak
haenpa ig keeke oh Nug megakunu aum
amu ig megakunu genabnab doognignu
amu Nug nuhig Oudi, hapin paniak bia,
ig mekom. Ig Kayak binag metu!

BINAG ENA MAK UNUQITAK ELE

¹⁵Kayak Nug anam tituanikom amunu
da ag Nađi Jesus Kristusnu oolag-
pa genab doopig, nai amunu amu ag
Kayaknu danab ah oh dilagnu oolag
mauhte amunu ele doyen, ¹⁶da ahilagnu
hanhan Kayak amegpa, “Ena heme,”
awe atem. Da unuqititi, ag haen oh
da daulpa doegeg, da ¹⁷ihinig Nađi Je-
susnu Kayak, Nug am ig Mamenig, bi-
nag okai ele, Nug ag Oudi mateb, nuhig
nainu diig, Kayak ele tutuku dooglagnu
ool dayeye unuqidtem. ¹⁸Da Nug heeb,
ahilag dab mak amahleb, buti adi ag
adi keekenu Nug ag onilagpa eum ele
amu, ag amunu dab mak gagatag aona,
ag oolag gamag ahebeb, ititak oh Nug
nuhikud danab ah oh aoglagnu nai qaka
tituanom ele amu, ag amu oh dooglagnu
ele unuqidtem. ¹⁹Amu ele, da ag nuhig

gagatag okainab, batak iita ele, gagatag amu ig oopa genab doyak ele ihinigpa niite, gagatag amu ihinigpa udat hete ele amu, ag gagatag amu ele dooglagnu unuqidtem. Gagatag amuam Kayak Nug nuhig gagatagpa he, Jesus edua hibaitom, amu aakuib. ²⁰Gagatag amupa Kayak Nug he, Jesus Nug edua hibaita, Nug hab atan Kayak epeg nadiappa, amuam anuqak aben, amupa daate. ²¹Nug wan imupa iki danab, danab okai, danab nakok okai amu danab nug onig ele oh edadte. Genab. Nug binag amu laa oh binalag edidte, gemu daateb am buti adi ele daaglag amu oh edidte. ²²Kayak Nug he, keeke oh Jesus waappa daate amu Jesus Nug kristen tamaniak ag ehanadkunu ahilag iki daate. ²³Tamaniak nug am Jesus bedu bia. Jesus Nug am iki daate. Tamaniak am Nug bedu laa oh, epeg, baeg, amubia. Nug aben ohpa keeke ohpa am bak daate.

KRISTEN AG KRISTUSNU UDAT OKAIPA BAU DAATEB

2 Ag anuka oitapig amu haen amupa ag Kayak ele oolag laipu ii oipig. Adinu? Ag hipunin diigdiig henan, oolag mauhak bia dayeye oitapig. ²Haen amupa ag wan imupan kobol nau amu ag Satan, nug am oudi nau ikilag, nug ele dim lamidpig. Gemu ele danab ag Kayak ode ii dim lamidteb amu ag Satan waappa daateb. ³Ig oh anamib anuka daamut amu haen amupa ig dab mak geha iikunu aakuib dim lamidmut. Ig bedunig amu ihinig dab mak ena iita ele, a adi apid amu ig hetamut amunu ig danab laa oh ele amupa hipuninu bu aqak, Kayak epegpanu udite ele amu, ig amu aognignu elele daatamut. ⁴Amge Kayak, Nug am ihinignu oo mauhak okai ele, Nug ihinignu oo gai iita doote ele amu, ⁵haen ig hipunin heta, mauhak bia daatta, Kayak ii dim lamidtamut ele, haen amupa Kayak Nug ig Jesusnu udat-

pa bau mekom. Kayaknu ehanitak okai hamu megte amupa aakuib Nug ig edua awikom. ⁶Kayak Nug edua mad edike, ig Kristusnu gagatagpa hipuninu gagatag edidmut daatem amu, ig Kristus Jesus ele hab atan daagnignu oninig mekom. ⁷Nug anam heumnu diig am Nug nuhig ehanitak okai hamu megte, laa oh edatak, Nug amu dab maama, Kristusnu udat okai, diig amunu Nug ihinignu kobol enanag hete amu danab oh buti adi daaglag amu Nug ag amu ipuanadkunu heum. ⁸Ag Kayaknu oolagpa genab doopig amu amupa Kayak Nug ehanitak okai hamu mata, Nug ag edua diia, bauklel matom. Nug ahilag udat, amunu dab maama ii matom. Iita, Nug ag hamu matom. ⁹Nug danab laa nug nuka nug onig humamanu, ahilag udat hakpa ii matom. Iita. ¹⁰Amu Kayak Nug nuhig doyakpa Kristus Jesusnu udat okaipa bau menuak meke, ig kobol ena hekunignu daatem amunu ig, ig oninig humagnignu elele iita. Ao, Kayak Nug ig amupa oignignu anuka babaita mekom.

KRISTUS NUG IG OU IQE, LAIPU DAATEM

¹¹Aria ag iita adi, anuka Juda, ag aka epelagpa gadalag otadteb ele amu, ag ahilagnu amu, "Ag gadalag ii otadteb ele," aon adapig amu, ag iita adi ag anuka atem daadtapig amu daulagpa doad! ¹²Haen amupa amu ag umanab Kristus iitapa daadtapig, ag Israel baekudpa ele ii daadtapig. Kayak Nug Israel ag ele nug tituanna, nai qakan, ag nuhikud daapig amge ag iita adi ag amu oopa ii daadtapig. Ag wan imupa daapig amu ag keeke laa dimpa bekunu ameg mak ele ii daapig. Iita, ag hamu daapig. Ag Kayak ele ii doopig, umanab daapig. ¹³Amge gemu amu Nug Kristus Jesusnu udat okaipa, ag umanab daapig amu, Nug ag omalate, Nug tiigpa Nug gumidna udipig.

JESUS NUG IİTA ADI DANAB JUDA ELE OU AQOM

¹⁴ Ao, Kristus Nugib am ihinig mađod danab. Anuka Juda amu ag gadalag ii otađak ele, ag ele keked daadtapig. Kobol amu nug ou qa laipu oiyaknu ib oo ne, ag ameg adit daadtapig amge Kristus Nug beđupa ib oo nak amu lopađa, ameg adit amu ou aqatom. ¹⁵ Nug ameg adit amu ou aqateb, ameg adit dilah danab ag danab bau bena, ameg laipu daaglagnu, Nug nuhig mauhakpa Nug do nai, amupa do diigdiig dim lamidkunignu yak dayom amu, Nug amu hokalom. Kobol amupa nug he, ig oh mađod daatem. ¹⁶ Nug ad emaitakpa mauhom, amupa ameg adit amu ou aqate, a laipu daatep. Ad emaitak amupaib Nug keked kobol qe, iita me, Nug danab amu oh omalata, Kayak topa ukom. ¹⁷ Nug aakuib uđia, ameg laa uma daapig ele amu, ameg laa miag daapig ele amu, Nug ag oh ag oolag laipu mađodpa daaglagnu aum. ¹⁸ Amunu ig ameg adit amu, ig oh Kristusnu uđat okaipa, Kayak Oudi laipunu ehanitakpa, ig oh Mame topa gokunignu elele.

¹⁹ Anam daate amunu ag iita adi ag baula ab laapanu uđiak danab bia iita. Ag Kayaknu danab ele ameg laipu, ag ele Kayak bekod. ²⁰ Ele amu ag am Kayak laug bia daateb. Ig nuhig totol danab amu nuhikud propet ele amu ig lag amunu mawa daakunu keeke meut, ag amu qadepa daateb. Kristus Jesus Nug am laug amunu men anuqak daate. ²¹ Nugib he, danab ag lag ebehi oh tutuku tudidteb amubia kristen danab oh ag laipu qag mena, Nađi noobpa opia awak daanna, nuhig uđat hekulagnu, Kayak laug bia beegge, okai mete. ²² Kristusnu uđat okaipaib ameg adit amu ag ou aqe, laipu bena, ag Kayak Oudipa, Kayak Nug daakunu laug aaku beteb.

PAULUS NUG KRISTUSNU MEHUQOM

3 Diig amunu amu da Paulus, da iita adi ag ehanadkulnu Kristus Jesusnu mani guitak danab daatem. ² Ag dooteb. Kayak Nug da ehanitak okai hamu međa he, da iita adi ag amelagpa Kayak Nug ag ehanadkunu hete amu mehuqkulnu daatem. ³ Kayak Nug anam hekunu dayom, dab mak amuam anuka lokumak dayom am Kayak Nug dahilpa mehuqe doomi. Da amunu amu da nai tutu laa yen malami. ⁴ Ag nai imu eb qekulag amu ag da Kristusnu dab mak lokumak dayom, amunu dab mak aotem ele amu, ag amu oh doona, oolag maidku. ⁵ Anuka haen oh Kayak Nug nai lokumak amu miag ii atiom amge nuhig Oudipa Kayak Nug Jesusnu totol danab amu propet nuhig elepa he, nai amu miag atiom. ⁶ Nai lokumak dayom amu inam. Gemu Nai Ena gagatagpa ameg laa, amuam iita adi, ag Juda ele laipu ou qak daateb. Ag anam daanna, ag ele keeke oh Kayak Nug Juda aoglagnu nai qaka aum ele amu, Kristus Jesus onigpa aoteb.

⁷ Kayak Nug da Nai Ena imu mehuqkulnu nuhig uđat danab međa, Nug da ehanitak okai hamu međowa, nuhig gagatag ele međom. ⁸ Da am Kayaknu danab laa oh noolagpa keeke hamunab daatem amge Kayak Nug ehanitak okai hamu međa, Nug da iita adi noolagpa Kristusnu keeke ena ohnu, danab nug amu anidkunu elele iita, nai amu mehuqkulnu međom. ⁹ Ao Kayak Nug keeke oh hađom ele amu Nug nuhig dab mak, iita adi dilagnu, amu lokume dayom. Dab mak amu nug lokumak haen oh dađtom amge gemu Nug da nuhig dab mak amu miag mehuqkulnu uđat amupa međom. ¹⁰ Kayak Nug dab mak inam awom. Gemu kristen tamaniak oopan danab ah amu ag nuhig hak ena ena am miag atipeg, hab

aṭannu daup iḱi amu anuqak danab ele ag ohnab dooglag. ¹¹Kayak Nug anuḱa ihinig Naḱi Jesus Kristus, nuhig uḱat oḱaipa anam heḱunu aum amu Nug aaku heum. ¹²Jesus Kristusnu uḱat oḱai, diig amunu amu nuhignu oopa genab doyak, amupa ele, ig Nug ele ou qeta daatem amunu ig Kayak topa gokunignu ib matulak daate. Ig gokunignu ii baḱatem. ¹³Amunu amu da iḱu ag amelagpa aṭem. Da ug maotem imu amu da ag ehanadḱulnu maotem amunu ag ug imu dab menana, ag bodo aib edapig. Ag anam heḱulag amu ag ele onilag oḱai aoglag.

PAULUS TAMANIAK BAU DILAG UNUQIDṬE

¹⁴Da Kayaknu dab mak amu dab mein, da amunu Mame noobpa gatel qaun oṭem. ¹⁵Kayak Nug Kristus nuhigpaib he, danab ah hab aṭannu wanpanu ele, ag Jesusnu oolagpa genab dooteb ele amu, ag oh ag onilag aoteb. ¹⁶Da gatel qaun oin unuqidṭem amu da Kayak Nug nuhig Oudipa ag ehanata, Nug nuhig ehanitak diigdiig hab aṭannu ag oolag amupa gagatag aqakunu ¹⁷amu ahilag oopa genab doyakpa Kristus Nug ag oolagpa dayeb, Kayaknu oo mauhak ag gagatag aqeb, ad didi nug wan ade, ad gagatag daate, amubia ag gagatag daaglagnu unuqidṭem. ¹⁸Laa ele amu ag anam daapeg, Kayak Nug gagatag mateb, ag Kayaknu danab laa oh ele, ag oh ag Kristusnu oo mauhak, amuam naḱinab genab ele, ag amu genab dooglagnu unuqidṭem. ¹⁹Ao, ig Kristusnu oo mauhak diig oh doognignu elele iṭta amge ag keeke ena, Kayak Nug nuhigpa am bak daate amu, ahilagpa ele am bekunu, ag nuhig oo mauhaknu huan dooglagnu unuqidṭem.

²⁰Aria ig Kayak, Nug nuhig gagatag ig onigpa uḱat hete ele amu, Nug amupa keeke oḱai oḱai, ig Nug megakunu dab

metem o iṭta Nug oḱ medatem ele amu, Nug amu eḱitak oḱainab megakunu elele amu, ²¹ig kristen tamaniakpa daatem, ig Jesus Kristus onigpa Nug binag metu! Ig gemu amu dimpa ele anamib hetata daatu! Ig hanhan anamib hetu!

KRISTUS BEḶU AMU KRISTEN DANAB AH

4 Ao, da Naḱinu uḱat hetem amunu mani guitakpa daatem ele amu da Kayak, Nug ag onilagpa eum, amunu dab mein, da ag ahan, ewak baag amu dim lamidna tutuḱu elelepa oiglagnu iḱu unuqidṭem. ²Ag hanhan ag aka aka ag am danab binag iṭta ele bia dab menana, oolag bodo etak ele daanna, opodi bak paha aib doopig. Ag oo mauhak kobol dim lamidna, ag nug ehanidnana dayeg! ³Maḱoḱ kobol ag tamaniadṭe, amupa Kayak Oudi Nug he, ag laipu daateb, amubia ag tudidna daaglagnu wagai meig! ⁴Ao, ig oh Kristus beḱu laipu daatem, Oudi ele am laipuib. Oudi laipuib daate, amuam Kayak Nug ag keeke laipu, amuam bauklel, ag amu aoglagnu dab mak gagatag aḱan ameg meḱulagnu onilagpa eum, amuam laipuib amubia Oudi Nug laipuib daate. ⁵Aria Naḱi Nug laipu, onigpa genab doyak am laipu amu layatak ele laipu. ⁶Kayak ele laipu, ig oh Mamenig. Nug danab oh dilag Oḱai daate, Nug danab ohpa nuhig uḱat hete amu Nug danab oh oolagpa daate.

⁷Ig oh laipu daatem amge ig anen anen, uḱat iḱu iḱu tamaniak oopa heḱunignu, Kristus dab meum bia, ehah diigdiig aomut. ⁸Amunu Kayak naipa nai inam daate. “Nug ameg kuḱumnab mani guitakpanu diia, aṭan teum. Diia aṭan ta, Nug danab do maṭom.” ⁹Amge, “Nug aṭan teum,” amu diig aṭemun? Nug wan oopa iite noum? Yo, Nug tatam wan oopa noum. ¹⁰Nug tatam wan oopa nowowa, eḱua aṭan ele teum.

Nug hab ațannu eđata ațannab teum. Amupa keeke oh nuhigpa am bak daate, ¹¹Nugib ehah idu idu mața, danab laa ag totol uđat hekulagnu mațom. Laa ag propet daaglagnu mațom. Laa ag nai mehuqak danab daaglagnu mațom. Laa ag pasto am laa ag ipuanitak uđat hekulagnu mațom. ¹²Kristus Nug beđu laipu nadi daakunu amu Nug Kayaknu danab ag uđat ena hekulagnu, uđat anen anen danab amu anam mațom. ¹³Uđat amu uķeb uķeb, ig oh oonigpa genab doyaknu, ig oonig laipu meta, Kayak Bekanu doyak laipu aota, danab kalunig ele beta, ig Kristus bia beķunig.

¹⁴Amu nai itag, ham bupuak danab dilag, amu ele heeb, ig ub nug ulah kađag haenpa duban he, uķa qa, uđia qa hete amubia ii hemata. Nid nakok ag amubia hetebe amu ig baula, ag bia ii daamta. ¹⁵Iița, ig oo mauhak dootta, ig nai genab miag madiput, ihinig dab mak okai meeb, ig keeke ohpa ihinig iki Kristus, Nug oițe amubia ig oignig. ¹⁶Danab beđunu laih kuđum oh ag didipa tuđitak daanna, ahilag uđat anen anen pehetak heegeg, beđu ena mețe amubia ig tamaniak oopa daatem ele amu, ig ihinig iki Kristus nuhigpa laipu daat, ig uđat ihinig anen anen hetata, ig nug oo mauhakpa oitut, tamaniak ena mețe.

AMAHĻAKPA OIYAKNU NAI

¹⁷Amunu da imu ag amelagpa ațem. Da Nadi onigpa iiku gagatag maditem. Ag nai imu aoteb ele amu, ag iita adi ag dab mak apidiđna oițebe ele amu, ag kobol amubiapa baula aib oipig. ¹⁸Iița adi amu ag am dab mak iita, ahilag dab makpa am gatatuib. Ag dab mak iita, ag Kayak di mețanna, Nug dim lamidkulagnu oolag ii daate amunu ag Kayaknu bau ena iinab aopig. ¹⁹Ag oolag gagatag ele, ag oo doyak iita, ag hipunin adi hetebe am ag uđa nak ii doonna, ag bađak ele iita amunu ag kobol nau, kobol eheđ

ele, keeke adi adi diigdiig hekulagnu oolag huana dayeye henana, ag tudidna naunab ele hekulagnu dab mețebe.

²⁰Amge ag Kristusnu nai doopig ele amu, ag amupa kobol nau oh amubia hekulagnu nai laa ii doopig. ²¹Iița. Ag nai doopig ele amu ag Jesusnu aeg iite doopig? Ag kristen beeg, ag nuhig nai genab aeg iite doopig? Yo, ag anam doopig ²²amunu ag oolag alag, nug dab mak eheđ awa, kobol nau diigdiig heķunu dab maama, mauhķunu hete ele amu nug he, ag matu nuhig dab mak dim lamidpig ele amu, ag oiyak amu ag uueg! ²³Kayak Nug heeb, ag dab mak bau aweg! ²⁴Laa amu ag oolag bau, Kayak Nug, Nug bia, tutuķunab opia awak ele daakunu babaitom amu ag amu aon danab bau oiyeg!

²⁵Ag kobol ham bupuak amu uueg! Ag nai genabib laa amelagpa matieg! Ag dooteb, ig am beđu laipunu laih kuđum daatem. ²⁶Ag opođilag beeb amu ag hipunin hemananu dab meig! Ag opođilag beeb amu opođi bak amu nug dayebeb uķeb, aam aib noum. Aam ii noak haenpa ag oolag laipu meig! ²⁷Ag Satan aib ib odna medapig. ²⁸Yabhok danab nug baula yabhok heķunu aib heum. Iița, nug uđat hađ! Nug epegpa uđat ha, keeke ele daya, danab aun laa ag keekenu dađek ele amu matađ!

²⁹Nai uđig wak laa ag odelagpa aib beum. Iița, nai ena danab gagatag madate, danab ehanadte, nai amuib ag odelagpa bađ! Amupa Kayaknu danab ag ahilag nai dooteb ele amu, ehanitak mațaglagnu elele. ³⁰Ag Kayak Oudi oo ug aib medapig. Ađinu? Ag Nug aopig oițebe amunu dimpa uhuqaknab awaknu dedpa Kayak Nug uhuqaknab madaķunu, nuhig Oudi, eponak keeke bia, ahilagpa daate. ³¹Ag oo nauhak kobol, opođi be amya oiyak kobol, muțub qak kobol, dimug nai matiak kobol amu kobol laa oh oo aeg baknu

bia amu ag amu ele uueg! ³² Ag lailkad dilagpa kobol bodo etak henana, oolag oh ag mateg! Kayak Nug Kristus nuhigpa ahilag hipunin uhuqa matom amubia ag ele lailkad dilag hipunin uhuqna mateg!

5 Ag Kayak bekod daateb, ahilagnu Nug oo mauhte amunu Nug ipu hena dayeg! ² Ag nug oo mauhakpa, Kristus Nug ihinignu oo mauhe, Nug nukā Nug bau dayak nuhig ig ehanigkunu uua, ihinignu mauhom bia oiyege! Kristus Nug danab ag dod main Kayak mutudig ena dookunu medateb bia, nukā nuhigpa anam heum.

³ Amge gapai kobol oh o iita ameg qak kobol o iita oo aeg bak kobol, amuam ahilagpa nakoknab laa aib dayom. Adinu? Ag am Kayaknu danab opia awak ele amunu ag kobol amu hekulagnu am tutuku iita. ⁴ Ag nai opia awak iita, nai hamu meu iita, amu qid hak nai nau, meu iita ele amu, ag amu matiglagnu elele iita. Ag amu ele aib madipig. Ag amu uuna, Kayak amegpa, “Ena heme,” aakuib aig! ⁵ Adinu? Ag dooteb, gapai danab, danab nug oopa opia awak iita amu danab nug ameg qak nau hete ele, danab amu nug kayak ham bpuak dim lamidte, amu aria, danab amu nug Kayak Jesus ele dilah do madod oopa ii daama. ⁶ Laa nug nai hamu matiakpa ag eedateb, kobol nau oh amupa nomananu dab meig! Kobol amunu hipuninnu bu aqak, Kayak epegpanu udite amu, nug danab ag Kayaknu do tapaeg nete ele amu ahilagpa daate, ⁷ amunu amu ag danab amunu ele ou qena aib oipig.

⁸⁻¹⁰ Anuka ag gatatupa daadtapig amge Nadi Nug gemu ag amahlakpa maatom. Amahlaknu meu amu kobol ena, kobol opia awak, kobol genab ele amunu ag kobol Kayak oo itag qete ele amu doon aonna, ag amahlak danab oiteb amubia ag amahlakpa oiyege! ¹¹ Gatatu udat, meu iita ele, dimitim danab laa ag heteb ele amu, ag anam

aib hepig. Iita, ag nuhig meu nau amu miag atipeg, danab ah oh anteg! ¹² Gatatu kobol laala, danab gatatupa oiteb ag lokumna heteb amu, da amunu matilom amu da udal nelo. ¹³ Amge keeke oh amahlakpa daate ele amu, keeke amu ag miag atieg, danab ag anidteb. ¹⁴ Keeke miag atiak niite ele amu, amahlakpa daate amunu nai imu Kayak naipa niite. “Na niitem ele amu na ahe! Na mauhakpanu edun hipaidpe, Kristus na amahlak medaku.”

¹⁵⁻¹⁶ Amunu ag oiyak ahilag dab metan autna aona, danab oolagpa dab mak ele daanna oiyege! Ag danab oolagpa, ag danab dab mak iita ele aib daapig, amubia aib oipig. Ag amu dab menana, gemu am haen nau amunu ag udat ena hekulagnu laa dayeb anidna amu ag aib uupig. Ag haen agupanab heig! ¹⁷ Gemu am haen nau amunu ag kaaka aib aqom. Kayak Nug oo atemun niite amu dab menana, anamib oiyege! ¹⁸ Danab nug le gagatag huana lawowa, kaaka qete amu nug kobol kudum dab mak iita ele hete amunu ag diig amunu le gagatag lana, kaaka aib aqom. Iita, ag amu uuna apeg, Kayak Oudi Nug ahilag oiyak oh gumad! ¹⁹ Ag qag mena, Sam amu Kayaknu ahi laala ele ahi etanna, Kayak humidnana, oolagpa Kayak binag meig! ²⁰ Ag haen oh Jesus onigpa keeke ohnu Kayak amegpa, “Na ena heme,” aon aig!

EWAW DAYAKNU KOBOL TUTUKU

²¹ Ag Kristusnu enanab doon, oolag otaieb, ag lailkad waalagpa dayeg!

²² Ah ag Kristus waapa daateb amubia ag gamulkad waalagpa dayeg! ²³ Adinu? Kristus Nug nuhig tamaniaknu iki daate amubia danab nug ahnu iki daate. Tamaniak am Kristus bebu bia daate amu Kristus Nug tamaniaknu edua awikak danab daate. ²⁴ Kristen tamaniak nug Kristus waapa daate amubia ah ag ele keeke ohnu gamulkad waalagpa dayeg!

²⁵ Kristus Nug nuhig tamaniaknu oo mauhe, Nug nuka nuhig bau dayak amu uua mauhom amubia danab ag waalkad dilag^u oolag mauhad!²⁶ Kristus Nug tamaniak lepa amu Kayak naipa ele iheb, opia awak daakunu,²⁷ Nug kristen tamaniak Nug noobpa enanagnab, dubutid iita, gone ele iita, enanag opia awaknab, ehed^u laa iita ele, anam dayeb aoku amunu ele mauhom.²⁸ Amubiaib danab ag aka bedulag^u oolag mauhte amubia ag waalkad dilag^u oolag mauhad! Danab nug waunu oo mauhte amu nug nuka nuhignu oo mauhte.²⁹ Ig dootem, danab laipu laa nug nuka bedunu nug oopa nau, ninig ele ii doote. Iita, nug Kristus Nug nuhig tamaniaknu hete amubia nug epa begitata, atog ele note.³⁰ Adinu Kristus Nug tamaniak atog note? Tamaniak am Nug bedu bia daate amu ig tamaniak oopa daatem ele amu ig am bedu amu laih naunau kudum bia daatem.³¹ Danab nug ahnu anam dooku amunu, “Danab nug mameg anig ele uu-ata uke, nug wau ele ou qeya bedulah laipu meya oitep.”³² Nai amuam diig unuqagnab ele, am Kristusnu, nuhig tamaniaknu ele³³ amge ag aka aka anen anen imu dooglag^u ele ipunigte. Na naka nahipnu oot mauhte, amubia na waatnu oot mauhad! Amu ah ele nug gamu onig humaku.

NID NAUNAU ANILKAD MAMELKAD ELE DILAG NAI

6 Nid naunau, ag Nadinu nai dab menana, ag anilkad mamelkad ode-
lag dim lamiteg! Kobol amuam tutuku.² Kayak naipa amunu yak laa daate am inam. “Na anin mamen ele binalah mena, a odelah dim lamite!” Kayak Nug do laa oh ag tatam matom amu ag dim lamidna, keeke ena aoglag^u nai qaka ii aum. Iita. Do imupaib Kayak Nug diig ma anam heum.³ Kayak nai gagatag qeta aum am inam. “Na do amu

ate bia hekut amu na haen elab wan-
pa ena daakut.”⁴ Am nid mamelkad ag bekal^u kad adel^u kad amu ag opodi bak doomnanu ag tolitak tutukuib mateg! Tolitak nau aib medapig. Ag ena atog noadnana, Nadi nuhig nai ipuanadnana, ib tutukupa omalateg!

BEGBEG DILAG NAI

⁵ Begbeg danab ag ahilkad gumak danab waalagpa dagom kobolpa daanna, ahilag udat pehetak heig! Ag oolag aditpa udat aib hepig. Ag Kristus ode dim lamidteb amubia ahilkad okai dilag ele anam heig!⁶ Ag ahilkad okai amelagnuib, ag oolag itag aqakunuib aib hepig. Iita. Kristusnu udat danab, nug oo oh Kristus meta Kayak ode dim lamidte amubia heig!⁷ Ag danabnu udat heteb amubia aib hepig. Iita, ag Kayaknu udat heteb amubia heig!⁸ Adinu? Ag dooteb, aun nug udat ena hete amu nug Nadi topa nob ena anamib aoku. Nadi Nug begbeg udat danab dilagpa amu begbeg danab iita amu dilagpa ele anamib heku.⁹ Gumak danab ag ele begbeg dilagpa anamib ena heig! Ag badaknu kobol ahilagpa aib hepig. Ag dooteb, Nadi, hab atan daate ele amu, Nug am begbeg dilag Nadi, ag gumak danab ahilag Nadi ele. Nug laa, nug danab onig okai ele, nuhignu ena doonna, laa onig iita ele nuhignu ehed dooteb amubia iinab hete.

BAG QAK NAI

¹⁰ Aria gog tak nai amu inam. Ag Nadi ele laipu daanna, nuhig gagatag okai ele aon, ag gagatag dayeg!¹¹ Ban haknu bala oh, Kayak nug ag Satan edidkulag^u matom ele amu ag takeg!¹² Adinu? Ig danab ele ban ii hetem. Iita. Ig oudi nau ag atan daateb amu wan imupan oudi nau ikilag amu ahilag okai amu ahilag daup ele ban hetem.¹³ Amu ag kristen geha iiku Kayaknu ban bala tagapeg, dimpa ag ele ban hepeg, ban

iiṭa meeb amu ag hipaidna daaglag, Satan nug ag ii eḍadma. ¹⁴ Amge ag elele daaglagnu ag imu heig! Ag nai genab, amu maṭagid̄ imualagpa tagateb amubia takeg! Ag kobol tutuku aona, qahad̄ palateb bia ag momolag hepeg nauhananu palem! ¹⁵ Ag maḍoḍnu Nai Ena hanhan baelag gaḍa bia aḍapeg noad̄! ¹⁶ Ahilag gupid̄, amuam oopa genab doyak ahilag amu, ag amu hanhan Sattannu lat doḍo ab aḍu ele amu ii aqadmanu aḍaglag. ¹⁷ Kayaknu eḍua awikak amu ban danab ag ikilagpa aen hat meṭeb amubia aona amu Kayak nai, nuhig Oudi madate amu ahilag qep elab daakunu ele aon aḍeg! ¹⁸ Ag hanhan Kayak Oudipa Kayak Nug ag ehanadkunu unuqitak̄ diigdiigpa aṭem aṭem Nug ag ehanadkunu unuqid̄kulag. Ag keeke amu dab menana ag aib niipig. Amu ele ag kristen danab laa oh dilag ele hanhan unuqid̄kulag.

¹⁹ Ag da ehanid̄kulagnu ele amu, ag Kayak Nug nai maṭiak haenpa da oḍelpa

nai meeb, da madik̄ulnu amu Nug heeb, dahil baḍak iṭa meeb, da gagaṭag awe, Kayaknu Nai Ena, tatam loḱumak̄ dayom amu, da madik̄ulnu unuqiteg! ²⁰ Ao, da nai ena imu maditeṃ amunu da mani guitakpa daateṃ. Ge, da amu madik̄ulnu uḍat ele amunu amu ag Kayak unuqid̄peg, Nug heeb, da baḍak iṭa ele nuhig nai oh tutukunab gagaṭag madik̄ul.

²¹ Ag da aṭem daateṃ, da adi heṭem ele amu, ag amu dooglagnu Tikikas, nug am da layalnab, nug Kayaknu uḍat danab genab, nug geha amu oh maṭieb dooglag. ²² Da nug ihinignu ab dooglagnu, ag gagaṭag aqakunu ele amununab aaku hei, ag gumata goṭe.

²³ Mame Kayak, Naḍi Jesus Kristus ele a maḍoḍ, oo mauhak amu oopa genab doyak ele kristen tamaniak̄ danab ah oh madapeḍ̄ daaglagnu ool daate. ²⁴ Amu Kayaknu ehanitak̄ ok̄ai Nug hamu meḡte amu danab oh ag ihinig Naḍi Jesus Kristusnu oolag mauhaknab dooṭeb ele amu, ahilagpa dayad!

PILIPAI DILAG NAI PAULUS YOM

PAULUS KAYAKNU ENA HEME AUM

1 Da Paulus amu Timotius ele, i oh am Kristus Jesusnu udat danab, i udug imu Kayaknu danab Jesus Kristus ele ou gena, Pilipai daateb amu ahilkad gumak iki danab amu ahilkad toliak danab oh ele, ahilagnu yaatep. ²Kayak ig Mamenig amu ihinig Nadi Jesus Kristus ele, ahilah ehanitak okai hamu megtep amu ahilah madod ele ahilagpa hanhan daaglahnu oonih daate.

³Da hanhan ahilagnu dab mein, dahil Kayak amegpa, “Ena heme,” awe atem. ⁴Da ahilagnu unuqitete, da hanhan oo gamag ahak doyeye unuqidtem. ⁵Adinu? Ag i ele oh Nai Enanu udat laipu dig makpanu heut, otala uke, gemu ele ig iiku anam daatem amunu unuqitak dahilpa amu da ool gamag huan ahehe, da Kayak ag ehanadkunu unuqitete, ⁶da inam genab dootem. Kayak Nug ahilagpa udat enanag dig meum amu Nug udat amu heeb ukeb ukeb, Kristus Jesusnu dedpa gog teku.

⁷Amu haen laa da mani guitakpa dayeye, haen laa da dimitim dayeye, da danab laala Jesusnu nai tabapeg nekunu hepig amu nuhig nai nemanu da wagai mein, da ele nai gagatag qedete, Jesusnu Nai Ena ele matimi, haen amu oh amu da ag ele, ig oh Kayaknu ehanitak okai hamu megte ele amu aomut amunu da ahilagnu enanag dootem am ham bupiak iita. Am keeke diig ele. ⁸Kayak Nug doote, da genabnab atem. Kristus Jesus Nug ihinignu oo mauhak doote, amubia da ahilagnu amu ool mauhak okai doyeye, ag am dahiladnab ele dootem.

⁹Amu da hanhan ahilag oo mauhak kobol amu okai meebeb, amu ahilag

doyak amu ahilag dab mak ele okai meped daanna, ¹⁰ag amupa geha kobol aten am enanagnab daate epedidkulagnu elele daaglag. Ag anam hepeg ukeb ukeb, Kristusnu dedpa ag tutuku opia awakib daaglag. ¹¹Oo mauhak kobol ahilag amu okai dayebbeb, haen ag wan imupa oiteb ele amu, kobol tutuku, Jesus Kristus he beteb ele amu, kobol amu oh ahilagpa nadi daaglag. Amupa ag Kayak Nug onig okai mepeg, Nug binag nadi ele daaku.

BAU DAYAK ENANU DIIG AM KRISTUS

¹²O lailad, da ag tutuku dooglagnu ool daate. Kobol da bedulpa beum ele amu Nai Ena ii tape nete. Iita. Amu he, Kristusnu nai nadi mete. ¹³Amunu daup oh, Kaisa laug gumateb ele amu, danab laala oh ele, ag da Kristus onignu hipalidak daatem amu ag aaku dooteb. ¹⁴Amu da lailad kudum, ag Nadinu oolagpa genab dooteb ele, ag da hipalakpa daatem amunu dab mena, oolag gagatag qetan amu ag badak iita Kayak nai mehuqkulagnu wagainab meteb.

¹⁵Amu genab, laala ag da onil ele, ag amunu oo aeg bak doona, da onil qepeg neeb, ag onilag atan tekunu heteb. Dab mak amupa ag Kristusnu nai mehuqteb. Laala ag amu dab mak ena ele nai mehuqteb. ¹⁶Danab dab mak ena ele amu, ag am da Nai Ena gagatag qedakulnu ipa daatem amu ag dooteb amunu ag dahilnu oolag mauhe, ag nai mehuqteb. ¹⁷Amge laala, ag dab mak ahilag tutuku iita, ag onilag nadi daakunu henana, ag Kristusnu nai mehuqna, ag da hipalakpa daatem, ug amu ag tudidkulagnu heteb. ¹⁸Amge amunu nai iita. Kobol ohpa, ham bupiak kobolpa, kobol genabpa ele, ag Kristusnu nai mehuqteb amunu amu da ool gamag ahate. Yo, da geha ool gamag ahak eleib daakul. ¹⁹Adinu? Da dootem,

ag Pilipai daateb amu unuqitak ahi-
lag amu Jesus Kristusnu Oudi, nuhig
ehaniṭak ele, keeke adit amu a heped,
da mani guitakpanu uhuqak aokulnu
dootem. ²⁰ Amu da keeke laa gagatag
dab medete ade daatem am da udat,
Kayak Nug da hekulnu medom amu
da udat amu hekulnab. Yo, da geha
iikunab am haen oh ele, da ii baḍede,
da adi keeke heinne amu da amupa
Kristus Nug binag okai mekulnu ool
nadi daate. Da bau daakulte, iita da
mauhkulte, amuam keeke okai iita amge
da beḍulpa keeke oh beku ele amu,
da keeke amu ohpa am Kristus binag
okai mekulnu ool daate. ²¹ Dab mak
dahil amu inam. Da bau dayeye amu da
Kristus Nugib dim lamidkulnu ool okai
daate, o iita da mauhe amu geha da
keeke ena aokul. ²² Da bau dayeye amu
da geha danab kudumnab ehanadkul
amge da mauhkul amu da Kristus ele,
Nug daatepa ou qeda daagnih amunu da
adi ib dim lamidkulnu am ena? Da ii
dootem; ib adit oh am ena. ²³ Da keeke
amunu ool adit ele daatem. Amu da
gopi, Kristus ele daagnih amuam keeke
enanagnab. ²⁴ Amge da wanpa dayeye,
ag ehanadkulnu am keeke okainab. ²⁵ Da
anam genab dootem amunu da dootem,
geha da daakul. Da geha dayeye, ahilag-
pa udat hebipi amu ag oolagpa genab ga-
gatag doonna, ag oopa genab doyak ahi-
lagnu ele oolag gamag ahaku. ²⁶ Amunu
da edue ag gumate wapi, Kayak Nug
ehaniḍom, ag amunu oolag gamag aheb,
ag Kristus onig humaglagnu elelenab
daaglag.

²⁷ Adi kobol beku amu ag oiyak ahi-
lagpa, ag Kristusnu Nai Ena tutuku dim
lamidna oiyeg! Ag anam hepeg amu da
ag anadkulnu gokultai, iita da naipu-
lagib dookultai am keeke okai iita amge
da ag oolag laipu ele daanna amu ag dab
mak laipu tamanin, ag nug ehanidnana,
Jesusnu oopa genab doyak ahilag adan

daateb dookul. ²⁸⁻²⁹ Amu Kayak Nug
ag Kristusnu oolagpa genab dooglagnu
ehah maṭom amge Nug ag Kristusnu
oolagpa genab dooglagnu ehah amu
aakuib ii maṭom. Iita. Ag Nug onignu
ug maoglagnu ele ehah maṭom amunu
keked ahilkad dilagnu aib baḍapig. Ag
ii baḍaglag amu, amupa keked ahilag ag
geha padal mekulagnu daateb doonna,
Kayak Nug nuka ag Pilipai daateb amu
Nug geha ag edua diikunu daateb ele
dooglag. ³⁰ Amu ag ug da haen matu
matu maomi anidpig amu gemu ele da
ug amuib mawewe daaiyi, ag dooteb
amunu ag da ele layam ena daat, ug
amuib maotu!

KRISTUS AM OKAI AMGE NUG NUKA NUG ONIG QE NEUM

2 Aria ig oh Kristus ele laipu tamanit
daatem amunu diig amupa ag kobol
ena dim lamidkulagnu dutunak dooteb,
diig amupa ag nug oo mauhak dooteb,
diig amupa ag Kayak Oudi dab menan
laipu daateb, diig amupa ag oo gai iita
doonna nug ehanidna daateb, ² amunu
ag amu dab menana, ag dab mak laipu
doyak ele laipu aona, ag aka aka oo
mauhak laipu doonna, nug ehanitak elele
adan oiyeg! Ag anam hepeg amu dahil
oo gamag ahak amu nug am beku. ³ Ag
aka aka ahilagnuib dab menan, keeke
laa aib hepig. Amu ele ag aka hamu oni-
lag humanna, keeke laa aib hepig. Ag
aka ag onilag qepeg neeb, danab oh di-
lagnu, “Ag da edilak,” doyeg! ⁴ Ag anen
anen akaib ag ahilag keekenuib aib dab
mepig. Iita. Ag danab laa dilagnu ele
dab mateg! ⁵ Jesus Kristusnu dab mak
bianab ahilagpa daaku am ena. ⁶ Amuam
inam. Nug am Kayak genab dayom amge
Nug Kayak daate amubianab daakunu
wagai ii meum. ⁷ Iita! Nug kobol amu
uua, danab beḍu awa ba, udat nid hamu
bia dayom. ⁸ Nug danab beḍu awa, Nug
nuka Nug onig qe ne, Kayak odeib

dim lamiṭe uḱe, Nug mauhom. Nug ad emaitakpanab mauhom. ⁹Nug anam heum amunu Kayak huma aṭannab ma, Nug Jesus onig oḱai, laa oh tipalatak meṭom. ¹⁰⁻¹¹Kayak Nug geha danab oh hab aṭannu, wanpanu amu mauhakpanu ele, ag oh Jesus onig doona, ag Nug onig human, gatelag qaun oḱulag_{nu}, ag, “Jesus Kristus Nug am Naḱi,” amu ele aḱulag_{nu} onig amu Jesus meṭom. Danab oh ag, “Jesus Kristus Nug am Naḱi,” aḱulag_{nu} amu amupa Mame Kayak, Nug onig aṭannab daaḱu.

KRISTEN AG DANAB AH OOLAGPA AMAHLAK DAATEB

¹²Aria gamalad, anuḱa ag hanhan dahil nai dim lamidṭapig amubia gemu da ag ele ii daaṭem, da laih daaṭem amu ag nai dahil dim lamidḱulag_{nu} huana dab menana heig! Amu Kayak Nug ag eḱua diiom, ag amu gog tekunu amu ag nuhignu enanag doon, oolag oṭaiebeb, ag udat gagatag heig! ¹³Aḱinu? Kayak Nug hanhan, ag Nug oo niṭe bia, nuhig udat dab menana heḱulag_{nu} oolagpa udat heṭe.

¹⁴⁻¹⁶Ag anam henana, ag ehed hak iṭa, opia awak ele wan imupan kobol ehed oopa, wan imupan ehed hak danab ele oolagpa, Kayak bekodnab daanna, ag hoḱopai gatatupa amahalna, miag atiak daaṭeb amubia ag nai bauklele ele aḱan, wan imupanu danab laa, ag kobol tutuḱu uuna, ehed heṭeb ele amu, ag amu ipuanadnana, ag Kayaknu danab daaṭeb miag atiak daaglag_{nu} amu ag aḱi heṭeb ele amu ag naitud mak, nug aiṭak ele uuna heig! Yo, da Kristusnu dedpa ahilag_{nu} ool gamag ahakunu, da udat hamu ii hein gagatag dahil hamu ii kakidmi, anam ele dooḱulnu amu ag amubia heḱulag. ¹⁷Ag Jesusnu oolagpa genab dooṭeb amunu ag Kayak ode tutuḱu dim lamidna, ug maonna, nug ehaniṭak elele heṭeb amunu da ag kobol

amu eledenab heḱulag_{nu} da aḱi udat ug ele heḱul, da aḱi ug ele dooḱul amu da amunu ool gamag aheb, da ag ele oo gamag ahak dooglag_{nu} heḱul. ¹⁸Amunu ag ele oolag gamag ahad! Amu ag da ele oh oonig gamag ahad!

TIMOTIUS EPAPRODAITAS ELE DILAH NAI

¹⁹Amu Naḱi Jesus Nug oo dayeb amu nakoknab laa ele, geha da Timotius ahilagpa mepi uḱa, ag aṭem daaṭeb ab doyen amu da ool ena daaḱu. ²⁰Danab laa Timotius bia iṭa, Nug nuḱa aaḱuib, da ahilag_{nu} dab mak aoteṭ amubia nug ele ahilag_{nu} dab mak aote. Nug ag ehanadḱunu oo oḱai daaṭe. ²¹Danab laa oh ag aḱa ahilag_{nu} dab menana, Jesus Kristusnu udat atog noḱulag_{nu} amu dab ii meṭeb. ²²Amge ag dooṭeb, Timotius nug am danab enanag. Nug am nid mameg ele udat heṭep, amubia nug da ele Kayaknu udat heud uḱom. ²³Amu tatam dahilpa keeke oh aṭem beḱu amu da doyen, da nug pahanab ahilagpa mepi goḱunu dab meṭem. ²⁴Amu geha Naḱi Nug ib laa dahil heeb, da ele ahilagpa goḱulnu dab meṭem.

²⁵Amu da Epaprodaitas, nug am da layalnab, i udat ihinih laipu, nug da ele Kayaknu daup danab bia daaṭep, nug am ag Pilipai daaṭeb, ahilag maḱi danab, ag nug meeg, da ehanidḱunu uḱiom daaṭe amu, da nug ahilagpa mepi goḱunu gagatag dab meṭem. ²⁶Aḱinu? Nug ag anadḱunu amu oo oḱainab daaṭe. Ag nug am ode elenu doopig amunu ele nug oo ug ele daaṭe. ²⁷Amu genab, anuḱa nug ode ma mauhḱunu miagnab dayom amge Kayak nuhignu oo doye, ehanita he, nug eḱua bau daaṭe. Am Kayak Nug nuhignuib oo ii doyom. Iṭa. Nug dahilnu ele, ug oḱainab da tonidmanu oo doyom amunu Nug he, Epaprodaitas eḱua bau daaṭe. ²⁸Kayak anam heum amunu da nug eḱue ahilagpa mepi

gokunu dab mak okainab aotem. Adinu? Nug ukeb, ag nug anidna amu ag oolag gamag aheb, da amu doopi amu doyak amuam dahil ug ele qeeb neku. ²⁹Haen nug uka ahilagpa teeb amu ag Nadi onigpa gamag ahak okai doon aweg! Danab anam amu ag binag meteg! ³⁰Nug Kristusnu udatpa mauhkunu miagnab dayom amge nug bau daakunu amu dab ii meum. Iita. Nug ag da ehanidkulagnu elele iita daaeg doya, nug amu elele medakunu dab okai meum.

KRISTUSNU OOPA GENAB DOYAK AM IB TUTUKU

3O lailad, da nai imu inam matie malakul hetem. Amu ag Nadinu oolag gamag ahad! Da am nai imu baula ahilagnu yaami amu da amunu oolpa ug iita. Imu amu ag ehanadkunu yaami.

²Amu ag danab laala ag udat kaboliak nau heteb, amu dilagnu dab mena autna aweg! Ao, ag danab ag gadalag otadkulagnu heteb amu ag amu dilag dab mena autna aweg! Danab amu ag iita adi, ag bedulag mauhnoak opat-teb, amubia heteb. ³Adinu ag amu dilagnu dab mena autna aoglag? Ag am gada otadak danab genab iita. Ig Kayak Oudipa Kayak binag metata, Kristus Jesus onig humata, ig bedunignu kobol ig ehanigkunu elele amunu oonigpa genab ii dootem ele amu, ig ika am gada otadaknu kobolnu danab genab daatem. ⁴Amu bedunu keeke ig ehanigkunu elele daalo amu da ib amupa elelenab daalom. Danab laala ag bedulagnu keeke ag ehanadkunu elele daalob amge da amu elelenab daalom. ⁵Adinu? Da anai oopanu doi, ded eblaih adit uke, ded eblaih ewampa ag da gadal otadpig. Da am Israel danab amu Benyamin budubpanu, da am Hibru danabnab daatem. Da am do gumak danab-Parasia, da Juda dilag do tutukuib dim lamidmi ele. ⁶Yag bak dayaya udat huana hak kobolnu amu da

gagatag hein, kristen tamaniak aqadmi. Amu do dim lamitakpa danab tutuku daakunu amu da huana hei, laa nug do adi adi hekunignu ipunigte amu, nug dahilpa ehed hak laa anidkunu elele iitanab.

⁷Amge da gemu Kristusnu dab metem amunu keeke amu oh, anuka da amunu, “Keeke imu binag ele,” ami amu, da gemu keeke amunu amu da hamu bia dootem. ⁸⁻⁹Amu da keeke amunuib ii atem. Iita. Da adi keeke laa awen, Jesus ele ou aqaten, laipu elele bia daatep dookulnu elele iitanab iita dootem. Jesus nuka am enanag. Keeke laa ohnu amu da keeke amunu am keeke ena, keeke genab ele ii dootem. Laipuib am Kristus Jesus, Nug am dahil Nadi, doyak amuam keeke genabnab dootem. Amu da Kristusib aokulnu dab mein, keeke laa oh akai gopig. Keeke amuam kinipan bia dootem. Amu da Kristusib awe, oolpa mekulnu, Nug ele laipu daagnihnu aakuib ool daate. Amu da udat dahilpa, do dim lamitak kobolpa danab tutuku daakulnu amu da ool ii daate. Iita. Da danab tutuku daakulnu amu da Kristusnu oolpa genab dootem, amupa Kayak Nug dahilnu, “Tutuku danab,” awa akunu ool daate. Tutuku dayak amunu diig am da iita, am Kayak. ¹⁰Amu da Kristus, Nug mauhowa, Kayaknu gagatagpa edua hibaitom, da Nug amu gagatag amu ele dookulnunab hetem. Nug wan imupa tutuku oiyom amunu Nug ug doya, guitak awom, da ele amubia hekulnu dab mein, Jesus Nug bau dayak nuhig uua mauhom amubia da hipunin waapa daakulnu gediten, Kristus waapaib daakulnu ool daate. ¹¹Amu dab mak dahilpa amu da anam hein, da mauhe, edue hipaidkulnu dootem.

¹²Amu da Kristusnu kobol oh aomi, o da aaku elelenab daatem amu da amunu ii dab metem amge da Jesus Kristus, Nug

da aun bia daakulnu dab ma adailom, da anam daakulnu dab mein, dayeye gotem. ¹³O lailad, genab da kobol amu awen malami amu da anam ii dootem amge da dab mak laipuib laa ele, amuam da keeke anukanu amu oh daul atieye, da keeke dimpanu amu aokulnu wagai meinne, ¹⁴da hab atan gokulnu wagai mein, qai edatem. Adinu? Kayak Nug da hab atan Kristus Jesusnu udatpa keeke ena medakunu onilpa eum amunu da amu aokulnu anam hetem.

¹⁵Amu ig oh ig danab kalunig ele daatem amu, ig da nai ami amubia dab metu! Amu ag dab mak laa ele, dahil bia iita daapeg am, Kayak Nug nuka ahilag dab mak tutuku medaku. ¹⁶Amge kobol ig aomut ele amu, ig adat auta aota, tudidta hetu!

¹⁷O lailad, ag oh dahil kobolib dim lamiteg! Amu ag danab laa ihinig kobol dim lamidteb ele amu, ag amu dilag dim lamidkulagnu amu anadna autna aweg! ¹⁸Adinu? Danab kudum laa, ag ig oitem bia ii oiteb ele amu, da matu haen kudum ag amelagpa danab amunu ami, amubia gemu ele iiku aiyi, amel leb nete. Ag Kristus, Nug ad emaitakpa mauhom, dab mak amunu kekedab daateb. ¹⁹Ag aka ag befulagnuib dab meteb amu dab mak amu ahilag kayak bia aaku daate. Ag am udanak keeke diigdiig amunu oolag gamag ahehe, ag wanpanu keekenuib dab meteb. Danab amunu ag geha padal mak aoglag. ²⁰Amge ig am hab atannu danab. Ig ehanitak ihinig, Nadi Jesus Kristus, Nug apanu edua udia awigkunu tapadidta ameg metem. ²¹Geha Kristus Nug gagatag nuhigpa keeke oh Nug waapaib maateb daaglag ele, gagatag amupa Nug heeb, ig bedunig mauhte imu am Nug bedu enanag binag ele bianab beku.

DAB METAKNU NAI

4 Amunu o lailad, da ahilagnu ool mauhe, ool ele doote, da ahilagnu ool gamag ahehe, itag ele iute amu ag da ami bia ag Nadi topa gagatag hipaidna dayeg!

²Amu na Judia, na Sintiki ele, a nai imu dooi autya awed! A Nadi onigpa a oo mak laipu aoi dayed! ³Amu Sisisigus, da na amenpa atem, na ah adit amu, a da ele ig oh Kayaknu udat heut ukom amunu na a ehanatna autna awe! Aria Klemen amu dahilad udat laipu laa oh ele, Kayak Nug ag oh ag onilag buk laa, onig bauklel awa onig yaknu buk, buk amupa ag onilag yom ele amu, ag ele Kayaknu udat amu gagatag hepig.

⁴Ag Pilipai daateb amu ag hanhan Nadinu oolag gamag ahad! Yo, da baula ag amelagpa atem, ag hanhan oolag gamag ahad! ⁵Nadi udikunu haen amu malom daate amunu ag hepeg, danab oh ag ahilagnu amu ag am wagai mak danab iita doyateg! ⁶Ele amu ag keeke laipunu dab mak okai aib aopig. Iita! Ag Kayak amegpa, "Ena hen mekame," anana, ag keeke ohnu Nug amegpa anana, Nug unuqiteg! ⁷Ag anam hepeg amu madod, Kayak Nug madod ig megte ele, madod amu nug danab dilag doyak oh edadte, nug amu Kristus Jesus nuhigpa ag oolag, dab mak ahilag ele atog noatku.

⁸O lailad, da nai laa ele ag amelagpa atem. Ag kobol genab, kobol tutuku dab mak ena ele, kobol ena, kobol ig oonigpa anuqak daate ele, kobol onig ena, kobol binag ele amu ag kobol amu oh aon dab menana oinna, oolagpa meig! ⁹Am kobol oh da ag ipuanati aopig amu, kobol oh dahilpa ag anidna doopig ele amu, ag hanhan heig! Ag anam hepeg amu Kayak, Nug am madodnu diig amu, Nug ag ele daaglag.

**PAULUS KEEKE MEDAPIGNU,
“ENA HEME,” AUM**

¹⁰ Gemu amu ag dahilnu dab mak ahilag baula mađ edapig amunu da Nađinu ool gamag ahađe. Amu genab haen gamagpa ag da ehanidkulagnu dab mepig amge ag ib iita. ¹¹ Da maditem imu amu da keekenu tutu memi amunu ii maditem. Iita. Da am doyak inam aomi. Kobol idu idunu dahilpa bete amu keeke hamu, da ool keeke amu ohnu eleleib doote. ¹² Da dađek danab daakulnu o iita da keeke kuđum ele daakulnu elele dootem. Da e elelenab ele daatempa o iita da enug iwewe daatempa o iita da keeke kuđum ele daatempa o iita da keekenu tutu mak daatempa amu da haen amu oh eleleib dookulnu ib anten malami. ¹³ Ib amuam Kristus Nug nukā da gagatag mede, nuhig gagatagpa da keeke oh eleleib hekulnu elele.

¹⁴ Amge ag kobol enanag hena, da ou iun, dahil ug ag ele maopig amuam kobol ena. ¹⁵ Amu Pilipai danab ag imu dooteb, da dig mein, Nai Ena mehuqak uđat hein, Makedonianu ahami, haen amupa Kristen tamaniak ađentai laa da ehanida keeke nob tuđitak ele laa ii

medom. Iita, ag aka aakuib ehanidpig. ¹⁶ Haen da Tesalonika tutu mein daaiyi amu ag da ehanideg, haen adit batom. ¹⁷ Amu da keeke ahilagpanu aokulnu ii atem. Iita. Da ahilagpa kobol ena nađi dayebeb, ag Kayak noobpa onig ena aoglagnu ool daate. ¹⁸ Keeke oh amu kuđumnab amu elelenab da aomi. Amu ag Epaprodaitas epegpa keeke meeg dahilpa uđiom amu da aomi. Keeke medapig amu mana metak mutudig ena ele Kayak medapig bia. Kayak Nug mana metak anam awa amu Nug oo enanag ele daate. ¹⁹ Amu Kayak dahil, keeke ena ena oh ele nuhigpa daate amu, Nug ag keekenu tutu mepig daateb ele amu elelenab madaku. ²⁰ Kayak, ig Mamenig amu, ig hanhan Nug binag metu! Genab.

GAMANATAK NAI

²¹ Da Kristus Jesusnu danab oh ag humadtem. Amu da lailad, da ele daatem imu, ag ele humadteb. ²² Kayaknu danab ipanu oh ag, ag Pilipai daateb ele amu, ag humadteb amge kristen danab ag Kaisa laugpa uđat heđeb ele, agnab humatak amu okai heđeb. ²³ Nađi Jesus Kristusnu ehanitak okai hamu megte ele amu, ahilagpa daakunu ool daate.

KOLOSI DILAG NAI PAULUS YOM

PAULUS NUG KOLOSI DILAGNU KAYAK UNUQITOM

1 Da Paulus, da Kristus Jesusnu to-
tol danab. Kayak Nug da Jesusnu
totol danab daakulnu da onilpa eum
amu da amu da layal Timotius ele ²i
udug imu ag Kayaknu danab ah ag apa
Kolosi daateb, ag i laintad, ag Kris-
tusnu oolagpa genab dooteb, ahilagnu
yaatep. Ig Mamenig Kayak amu Nađi
Jesus Kristus ele, ahilah ehanitak okai
hamu megtep amu ahilah madod ele ahi-
lagpa daaglahnu oonih daate.

³⁻⁴ Ag Jesusnu oolagpa genab doonna,
ag lailkad ag oolagpa genab dooteb ele,
amu dilagnu ele oolag mauhte amu i
anam doyoda, unuqitak ihinihpa haen
oh amu i ihinig Nađi Jesus Kristus
Mameg Kayak amegpa ahilagnu, “Ena
heme,” aod atep. ⁵ Ag tatam Jesusnu
Nai Ena doon, keeke Kayak Nug hab
atan ahilagnu tituanom amu ag amu
aoglagnu ele doona, ag aoglagnu gemu
ameg meteb amunu ag oopa genab
doyak ahilag amu oo mauhak ahilag ele
adan daateb. ⁶ Nai Ena amu wan atu
ohpa uke, danab ag doonna heeg, nađi
ma amu kobol ena, doyak diigdiig ena
ele danab kudum ag aaku aon heteb.
Anamib aaku ahilagpa dig meum, ded
amupa Nai Ena amu nug he, ag aon, ag
Kayaknu ehanitak okai hamu megte ele
diig doon, ag kobol ena, dab mak ena ele
adan oiteb. ⁷ Epapras, i lainihnab, nug
am Kristusnu udat nid ena, ihinih udat
laipu, nug i ehanita, Kristusnu udat amu
dab metata aute ele amu, nug ag Je-
susnu Nai Ena amu ipuanate, ag doopig.
⁸ Nug ag Kolosi danab ah, ag Kayaknu
danab oh dilagnu oolag mauhte, nug

amunu i amenihpa a doomud. Kobol
amuam Kayak Oudi Nug ag matom.

⁹ I nai amu doomud, ded amupa,
i doomud diig amunu i Kayak ag
ehanađkunu dig meda unuqiddada
daatep. I ahilagnu daunih ii atite. I
Kayak ag ehanateb, ag Nug oo atem
niite amu ag dooglagnu, Kayak Oudi
Nug ag doyak ena diigdiig ag mateb,
ahilag dab makpa am ba leta nekunu
unuqidtep. ¹⁰ Anam dayeb amu ag
Nađinu dab mak dim lamidkulagnu,
ag Nug oo niitepa oiglagnu elele
daanna, ag udat ena diigdiig henana, ag
Kayaknu doyak okai ele aoglag. ¹¹ Ag
Kolosi danab ag anam daanna, ag anen
anen ag Kayak epegpa udat hekulagnu
gagatag ena diigdiig aona henana, ug
diigdiignu maon, gagatag ahan daanna,
otaina bitumtum ii gomana. Iita, ag
ug amunu geha ag gamalag ahebeb,
maoglag. ¹² Ele amu ag ig Mamenig
amegpa, “Ena heme,” oo gamag ahak
elepa akulag. Nug he, ag keeke oh, Nug
ag aoglagnu tituanom amu, aoglagnu
elele daateb. Ao geha ag amu Kayaknu
danab laa ele ig oh nuhig do madod,
amahlak ele oopa daatem amu ig oh ele
aognig. ¹³ Nug ig hipuninu gagatag
hipalikak amu amunu uhuqikom. Nug
ig edua awika, nid nuhig Jesus, nuhig
do madod oopa daagnignu meikom.
¹⁴ Nug Bekanı amu Nug oo huan mauhte.

KRISTUSNU KOBOL AMU NUHIG UDAT ELE

¹⁵ Kayak Beka Nug am Kayak, danab
laa nug Nug anidkunu elele iita, Nug
bianab aaku daate. Nug am keeke oh
Kayak he beum daate, Nug amunu iki
anuqaknab daate. ¹⁶ Ig amuam genab
anidkunignu diig am Kayak Beka Je-
sus, Nug wan imupan keeke, hab atannu

keeke, keeke ig anidtem ii anidtem ele amu, amu oh Nug heum. Amu gumatak aben oh, laa okainab, laa am okai, laa am nakok okai, laala am okaiib amu Nug amu dilag ehah amu aben ele heum. Nug amu oh heum amu ag Nug ehanidkulagnu daateb. ¹⁷Nug keeke oh ii bepigpa dayom, amu keeke amu oh nuhig gagatagpa daate. ¹⁸Jesus Kristus Nug am kristen tamaniak iki daate amu kristen tamaniak amu Nug beđu daate. Kristen tamaniak diig amu Nugib aaku. Nug am danab anuqak modpan bau edua hibaitak danab. Nug anam daate amunu keeke oh iki amu Nug aaku daate. ¹⁹Adinu? Kayak oo niom bia amu Nug he, Kayak Nug am atemnab daate, nuhigpa adi kobol keeke am bak daate ele, amu oh amu anamib aaku Jesus nuhigpa anam dayom. ²⁰Kayak Nug wanpan keeke oh amu hab atannu keeke oh ele amu Nug heeb, ag Nug ele oolag laipu daaglagnu oo dayom. Anam oo dayom amunu Nug Kristus ad emaitakpa mauhe, tiig gokade, Kristus tiigpa amu Nug nuhikud keked oh amu ebehilag okule, madod daate.

²¹Anuka ag Kolosi danab ah ag dab mak ehed aon, kobol nau ele hepig amunu ag Kayaknu keked daapig. Ag Kayak ele ou qak ii daapig, pide laih daapig. ²²Amge Kristus Nug danab beđu awa, ad emaitakpa mauhom, ib amupa Kayak he, ag Nug noobpa beđu-lagpa ab iita, opia awak, ehed laa iita ele daaglagnu ag Nug ele oolag laipu daateb. ²³Ag anam aaku daateb amge ahilag oopa genab doyak amu ag gagatag adan, tudidna, gagatagnab dayeg! Anam ii dayeb amu keeke laa nug ag eedateb, ag Jesusnu Nai Ena doona, oolagpa genab doopig ele amu, ag gagatag amu uuna, ag nena qekulag. Jesusnu Nai Ena amu danab wan ohpa daateb, ag amunu mehuqak doopig.

Amu da Paulus, da am nai amunu udat danab daatem.

PAULUS NUG KOLOSI ADI ELE EHANATOM

²⁴Amu da gemu bedulpa guitak maotem imu am da amunu gamal ahate. Adinu? Amu da ag ehanadpi, ag ena daaglag. Da Kristusnu kristen tamaniak ehanidkulnu ool daate amu kristen tamaniak am Nug beđu aaku. Guitak Kristus Nug kristen tamaniak ehanidkunu mawom amuam daate amge guitak da daka beđu-lpa maotem imu am da amupa hei, Kristus Nug guitak mawom amu aaku elele medate. ²⁵Kayak nuka Nug da tituanide, da kristen tamaniaknu udat danab, ag ehanadkulnu bemi. Udat dahil amu da Kayaknu Nai Ena oh genab tutuku mehuqulnu hetem. ²⁶Anuka Nai Ena amu danab budub oh amelagpa hanhan lokumak dayom amge gemu Nai Ena amu Kayaknu danab ah, Nug ag amu anidkulagnu oo daye he, amelagpa miag beum. ²⁷Lokumak nai amuam enanagnab, danab oh dilagnu. Amu Nug danab ah nuhikud ag amu dooglagnu heum. Nai lokumak amuam iiku. Kristus Nug ag ele daateb amunu ag Nug ameg mena daapeg, Nug ag omalateb gona, Nug ele hab atan ena daaglag.

²⁸Ig Kristus nuhigpaib danab oh amelagpa atem. Ig doyak ena diigdiigpa danab oh ipunitak nai amu dab metak nai ele ipuanadpuput, ag dab mena autna aona, ag Kristusnu danab tutuku eledenab bekulagnu hetem. ²⁹Diig amunu da dahil gagatag ohpa da udat amu hekulnu heddiag okai hetem. Kristus Nug nuka da udat anam hekulnu gagatag amu meda, Nug da tapadilele hetem.

2 Da ag Kolosi danab amu Leodisia danab amu danab oh da idul ii anidpig ele amu, da ag imu dooglagnu ool daate. Da Kayak ag ehanadkunu amu

da haen oh udat hediag ele hetem. ²Da hediag hetem, amu diig am, ahilag oopa genab doyak amu ag oolagpa gagatag beeb, ag aka anen anen ag nug oo mauhak doon oina, ag dab mak genab, ehanitak megte ele amu, dab mak genab amu aon, madod doon daaglagnu hetem. Ag anam hekulag amu ag Kayaknu dab mak lokumak dayom amu ag dooglag. Kayaknu dab mak lokumak dayom am laa iita, Kristus aakuib. ³Nuhigpaib doyak ena diigdiig amu dab mak ena ele lokuma dayaya, am ba leta naana daate. ⁴Amu da danab laa nug nuhig nai meu iitapa ag eedadmanu dab mein, da ag amelagpa nai amu maditem. ⁵Da ag ele oh ii daatem amge da dahil dab makpa amu da ag ele oh daatem bia doyeye, da ag udat ena tutuku hena, ag Kristusnu oolagpa genab gagatag dooteb ele amu, da amu oh anidtem amunu da ool gamag ahak dootem.

KRISTUS ELE OU QA, BAU DAYAK AWAKNU NAI

⁶Ag Jesus Kristus, Nug amu ahilag Nadi daakunu ag oolag matulpig amunu ag tudidna, anamib Nug ele dayeg! ⁷Ag nuhigpa ad wanpa gagatag hibaita daate bia gagatag dayeg! Ag nuhigpaib gagatag aweg! Ag Kayak amegpa, "Ena hen mekame," anana, laa ag Nai Ena ipuanateg, ag oolagpa genab doopig ele amu, ag hepeg, oopa genab doyak amu gagatag dayad! ⁸Ag danab laa nug ag ulah nai, nai meu iita ele amelagpa matia, ham bupualateb, nug waapa daamnanu dab meig! Danab kobol amu heteb ele amu, ag matiak ahilagpa alai adi dilag kobolnu amu wannu do gagatag iita ele amunu maditeb. Kristusnu amu ag ii maditeb.

⁹Ag amu dab mekulagnu diig amu, Kayak Nug atemnab daate, nuhigpa adi kobol keeke am bak daate ele amu, amu oh Jesus Kristus nuhigpa aaku day-

eye, Nug am danab ele dayom. ¹⁰Nugib do ohnu amu gagatag ohnu ele iki daate. Nuhigpaib amu Kayak Nug miag ba, ahilagpa am bete. ¹¹Ag Nug ele ou qepig, amupa amu ag gada otadak kobolnab amu ag aaku aopig. Keeke amuam gadanignu keeke iita. Iita, ag Kristusnu ehanitakpa amu ag oolag alag, bedunu kobol amu gedidpig. Kristusnu kobol amuam gada otadak kobol meunab daate. ¹²Ag layatak aopig, haen amupa ag Kristus ele laipu ou qena daaeg, ag Nug ele oh laipu modpa boomateg daan, ag Kayak udat he, Jesus edua hibaitom amu oolagpa genab dooteb amunu ag Kristus ele oh laipu mad ate, ag edun hipaidpig daateb.

¹³Anuka amu ag kobol ehed nau digdiig henana, ag bedunu oo alag kobol amu dim lamitegeg, kobol amu nug ag aqe mauhpig, ag bau ii daapig. Amge Kayak Nug he, ig Kristus ele oh laipu bau daaut, Kayak Nug ig kobol nau hemut amu uhuqa mekom. ¹⁴Am do nai yak oh am ihinig ib oo ne dayom amge Kayak Nug ib oo nak am lopaom. Do nai nug am ig hetodika hipalikom amge Kayak Nug ihinig ab amu awa, Jesus bedupa ma, Nug ad emaitakpa atula he, ab ihinig oh aaku iita meum. ¹⁵Nug Satannu iki danab, anuqak danab ele amu Nug gagatag ahilag adata, ad emaitakpa Nug ag edatowa amu nug danab amelagpa diia, keeke hamu bia hatom.

¹⁶Kayak Nug anam heum amunu danab laa nug nuhig dab makpanu e lanaknu, le lanaknu amu ded okai metidnu, kalam baunu metidnu amu metid haknu ele do laala, ag dim lamidkulagnu, ii mema. ¹⁷Keeke amu oh amu keeke dotog bia, nai ulah hamu dimpa keeke beku amunu gadaib daateb. Amu Kristus Nug am amu oh edatak, Nug genabnab meunab aaku daate. ¹⁸Danab laa nug danab amelagpaib nug onig qe nete amge oopa nug

nuka nuhignu, “Da am danab onil ele,” doote, nug ele engel binalag mete amu nug ag ham bupualateb, ag nob ena Kayak madaḱunu dab mete ele amu, ag ii aomnanu, danab amubia waapa aib daapig. Danab amubia amu nug tul niiakpa o ib aṅenpa adi keeke antom ele amu nug amunu nai kuḁum maṅi-aya, nuhig dab mak, Kayak Oudi Nug dab mak nuhig ii gumate ele amu, nuhig dab mak amu he, danab amu nug nuka nuhignu am binag okaḱ ele doote. ¹⁹ Danab amu nug Kristus ele ou qak ii daatep. Jesus Nug ig kristen, ig iḱinignab anuqak daate. Iḱi nug am beḁu oh gagataḱ medata he, beḁu nug didipa tuditaḱ ou qak laipu dayaya, ena daate. Beḁu nug am Kayaknu gagataḱpa amu ba okaḱ mete.

²⁰ Ag am Kristus ele oh laipu mauhna, ag wanpan do, gagataḱ iṅta ele amu, ag uupig dayeb am, adinu gemu ag edun wan danab oiteb bia oiteb? Am adinu ag edun do meu iṅta amu waapa daateb? Do amuam inam. ²¹ “Na amu aib adame, na amu aib lame, na amu epenpa aib laudidme?” ²² Keeke ag ig ii adamtanu, ii lamatanu, ii laudidmatanu aṅeb ele amu, keeke amu oh am dimpa iṅta meḱu. Do amuam danab dab makpanuib. Keeke genabnab iṅta. ²³ Genab, do meu iṅta kuḁum, amuam ag metid haknu aṅeb, ag ig iḱa ig oninig qeput neḱunu aṅeb amu ag ig beḁunig ele guiṅtak metagnignu aṅeb amu, ag neekak hamupa amu ena bia daateb amge anamnab iṅta. Ig dooṅtem, danabnu dab makpanu do laa nug ig ehanikeb, beḁunu oo alag kobol, beḁunigpa eedigte amu, ig do amupa qeput noḱunu elele iṅta.

OPIA AWAK DAYAKNU IPU

3 Kayak Nug he, ag Kristus ele oh edun hipaidpig amunu ag keeke aṅannu, aben amupa Kristus Nug Kayak epeg nadiappa, amuam anuqak aben, amupa

daate ele amu, ag keeke amuib aoglagnu dab menana oiyeḱ! ² Ag hanhan keeke aṅan amunuib dab mak aweḱ! Wanpanu keeke amu ag amunu dab mak aib aopig. ³ Adinu? Ag oolagpa genab doopig, haen amupa ag wan imupan oiyak am uuna, gemu ag Kristusnu udatpa bauklel aoeg, Kristus ele Kayak amegpa daateb. ⁴ Amu Kristus, Nug am ihinig bauklel diig, Nug miag atiebeb, ag Nug ele onilag okaḱ ele miag atiak beḱulag.

⁵ Amunu ag wan imunu kobol, kobol amu ag, ag oolagpa udat henana daateb ele amu, ag kobol amu oh aqapeḱ iṅta meig! Amu da kobol imunu aṅem, gapai kobol, kobol dubutid laala, kobol nuanu oo ahe iṅtag doyak, danab laanu keeke ameg qak kobol. Keeke ameg qak kobol am kayak genab iṅta dim lamitaḱ kobol laa aaku. ⁶ Danab ag kobol amu dim lamidnana, Kayak ode ii dim lamidṅeb ele amu, diig amunu hipuninnu bu aqak, Kayak epegpanu uḁite amu, nug ahilagpa nete. ⁷ Anuka ag Kolosi danab ag ele danab amunu oolagpa nona oinna amu ag kobol amu hedapig ⁸ amge ag Jesus ele bau hipaidpig, ag kobol amu oh uupig amunu gemu ag kobol nau imu, nai hak, opodi bak, opodi be amya oiyak, dimug nai anak, nai nau maṅiak ele, ag kobol amu oh ele agapeḱ ukeḱ! ⁹ Amu ag lailkad aib bupualadpig. Adinu? Ag oolag alagnu kobol oh am uuna, ¹⁰ ag danab bau bepig daateb. Amu Kayak Nug danab bau amu heum. Amu Nug ag hanhan doyak madata he, ag bau bena, Nug biaib daateb. ¹¹ Amunu kobol bau amupa, Juda danab amu iṅta adi danab, gada otadpig, gada ii otadpig, Rom danab, Rom danab iṅta amu begbeg danab, begbeg danab iṅta, amu oh am keeke hamu, huu anen anen dayak amubia ii daate. Iṅta. Kristus Nug nuka ag iḱi-lag daate amu Kristus Nug nuka nuhikuḁ danab idu idu ohnu oolagpa noum daate.

¹²Amu ag am Kayaknu danab, Nug ahilagnu oo mauhe, ag tituanatom daateb amunu ag kobol imu aweg! Ag laa dilagnu oo gai iita doonna, ehanateg! Amu ag aka ag onilag qepeg neeb, ag lailkad dilagpa kobol ena heig! Ag madod daanna, danab laa ahilagpa ehed hepeg amu ag oolagpa madodib doona, ug amu maweg! ¹³Ag nug oo makpa daanna, amu ag oolagpa lailag laa nug layagnu ehed heeb amu layag amu nug ehed hak amu, Nadi Nug ihinig ehed hak oh amu uhuqa mekom, amubia nug uhuqa metad! ¹⁴Oo mauhak kobol nug kobol laa oh edatom, nug keeke ohnu laipunab tamanite amunu ag ele laa dilagnu oolag mauhad!

¹⁵Kayak Nug ag tamaniak laipu madod ele daaglagnu ag onilagpa eum amunu Kristusnu madod, Nug ig megte ele amu, madod amu nug hanhan ag oolag gumebeb oiyeg! Amu ag hanhan Kayak amegpa, “Ena hen megtem,” aon aig! ¹⁶Ag hepeg, Kristusnu nai enanag meu ele amu, ag oolagpa dayad! Ag aka aka doyak elepa nug ipunidnana, nug ehanihak ele heig! Ag Sam amu Metid ahi amu Kayak binag mak ahi ele eteg! Ag oolag gamag ahebeb, Kayak noobpa ahi etaglag. ¹⁷Ag nai maditebtai o iita ag udat hetebtai, ag adi keeke heteb amu ag Jesus onigpa Mame Kayak amegpa, “Ena hen mekame,” anana, ag keeke amu oh Nadi Jesus onigpaib heig!

EWAW AMU NID NAUNAU ELE, AG ATEM DAAGLAG

¹⁸Amu ah ag Nadi Nug oo niite amubia ag gamulkad waalagpa dayeg! ¹⁹Amu ah gamulkad ag, ag waalkad dilag oolag mauhad! Ag aib gagatag hadapig. ²⁰Amu nid naunau ag keeke ohpa ag anilkad mamelkad odelag dim lamiteg! Adinu? Nadi Nug kobol anamnu oo enaib doote. ²¹Amu nid nau-nau mamelkad, ag nid ahilkad ag kobol

ena dim lamidkulagnu, bahi yak doonanu, ag opodilag ele bemanu amu ag tolitak tutukuib mateg!

BEBEG AM GUMAK DANAB ELE DILAG NAI

²²Bebeg danab ag ahilkad okai keeke ohnu waalagpa dayeg! Ag okai ahilkad amelagpaib ag oolag itag aqakunuib aib hepig. Ag oolag aditpa udat aib hepig. Iita! Ag Kayaknu enanag doon, ag oolag ele otaiebeb, ag udat tutukupuib heig! ²³Keeke oh ag heteb amu ag hekulagnu ag oolag metan heig! Amu ag, “Ig danabnu udat hetem,” doonna aib hepig. Iita. Ag, “Ig Nadinu udat hetem,” doonna heig! ²⁴Adinu? Ag dooteb, buti adi Nadi Nug nob ena, Nug danab ah nuhikud, ahilagnu matu babaitom daate ele amu, Nug ag madaku. Ag am Kristusnu udat nid, Nug am ahilag Nadi daate. ²⁵Amu danab nug ehed heum, nug geha ehed heumnu nob aoku. Amu Kayak Nug danab oh melemele laipupaib epediadku.

4 Gumak danab ag ele ahilag Nadi, Nug hab atan daate ele amu, ag Nug waapa daateb amunu ag amu dab menana, ag bebeg ahilkad dilagpa kobol ena tutukuib heig!

GAGATAG UNUQITAK KOBOL AMU TUTUKU OIYAK KOBOL ELE

²Amu ag oh ag Kolosi daateb amu, ag unuqitak kobol gagatag adan unuqidnana, dab mena autna aonna, Kayak amegpa, “Ena hen mekame,” ele aon aig! ³Ag ihinignu ele, ig Kayaknu dab mak Kristusnu, tatam lokumak dayom, ig nai amu mehuqkunignu amu ag Kayak Nug ib babaita megakunu unuqiteg! Da nai amu mehuqmi amunu da mani guitakpa daatem. ⁴Da Kristusnu nai mi-agib mehuqkulnu amu ag amunu ele unuqiteg! Adinu? Kayak Nug udat amu da hekulnu medom. ⁵Danab ag nai enanu

oolagpa genab ii dooṭeb ele, ag Kolosi danab ag danab amu oolagpa oinna, ag aka ahilag oiyaknu dab mena autna aonna, udat heig! Ag haen ahilag hamu aib kakidpig. ⁶Ahilag nai maṭiak amu hanhan enanag amu doyaknu iṭag ele maṭieg! Ag danab oh dilag oḍ mak oolagpa daaṭe amu ag nob mekulagnu elele dab menan dayeg!

PAULUS KOLOSI TAMANIAK DILAG HUMITAK NAI ME UKOM

⁷Ig lainignab Tikikas, nug geha da udat hetem ele imu ohnu maṭieb, ag dooglag. Nug am ig ele udat laipu, nug Naḍinu udat nid enanag. ⁸Nug uka, ag amelagpa ab, ag ig aṭem daatem dooglagnu, nug ag oolag gagatag qedaḁunu ele, diig aḍit amunu amu da mei goṭe. ⁹Amu da hei, Onisimas Tikikas ele oh goṭep. Onisimas nug ele am ig lainignab, nug ele am Naḍinu udat nid ena amu nug am ag ele ab laipupanu. Danab aḍit amu a geha aḍi keeke oh ipa ihinignu beṭe ele amu, a amunu maṭiglah.

¹⁰Aristakus, nug da ele oh mani guitakpa daaṭep amu Makus ele a ag humadṭep. Makus, nug Banabas ele a tiilah laipu amu, ag nuhignu maṭiak aopig, nug ag gumata ukeb amu ag nug aweg! ¹¹Josua, onig laa Jastas, nug ele ag humadṭe. Juda danab oolagpanu danab ewam amu aakuib ag Rom ipa da ele

Kayaknu do madodnu udat laipu hetem. Ahilagpa da oo madod ele dayak aotem. ¹²Epapras, ahilag nid laa, Kristus Jesusnu udat danab, nug ele ag humadṭe. Haen oh nug nuhig unuqitak gagatagpa nug ag ehanataṭa, Nug Kayak heeb, ag Kayak oo niite ele amu pehetan doon, anamib gagatag daanna, danab kalulag ele daanna, ag dab mak aḍit ele iita daaglagnu unuqidṭe. ¹³Nug ag Kolosi daaṭeb amu Leodisia danab ah amu Hirapolis daaṭeb ele, ahilagnu ehanatak udat okainab hete amu, da amu doyeye madikulnu elele. ¹⁴Lukas, ig lainignab, nug dokta, nug Dimas ele a ele ag humadṭep. ¹⁵Amu ag dahil humitak ig lainkad laa Leodesia daaṭeb ele amu ag mateg! Laa ele, ag dahil humitak Nimpas amu kristen tamaniak nug laugpa qag meteb ele, ag mateg!

¹⁶Ag udug imu eb qewona amu mepeg ukeb, Leodisia kristen tamaniak ele eb qeig! Aria udug Leodisia dilag yaami amu ag Kolosi daaṭeb amu ag amu ele eb qeig! ¹⁷Aria ag Akipas amegpa, “Na udat Nadi epegpanu aome amu na udat amu hepe gogpa tad!” aon apeg doyad! ¹⁸Da Paulus, da daka humaṭak nai ahilagnu iiku yaatem. Da mani guitakpa daatem amunu Kayak dahilnu unuqidkulagnu aib daulag atiom. Kayaknu ehanitak oka Nug hamu meṭe ele amu ahilagpa dayad!

TESALONIKA DILAG NAI 1 PAULUS YOM

HUMITAK NAI

1 Da Paulus, Silas, Timotius ele ig nai imu Tesalonika tamaniak, ag Mame Kayak am ihinig Nađi Jesus Kristus ele ou qak daateb amu ig ahilagnu iiku yaatem. Kayaknu ehanitak okai hamu megte amu nuhig mađod ele ahilagpa daaglahnu oonig daate.

²⁻³O ig lainkad, ig ihinig unuqitakpa ag onilag diita unuqidtata, ig ahilag oopa genab doyak amu nuđ he, kobol ena ag humana, ag oo mauhak kobolnu uđat huanak henana, ag oolag gagatag qetan, ihinig Nađi Jesus Kristus ameg meteb amu ig amunu ig Mamenig Kayak amegpa akunignu bahi yak ii dootta, Nug amegpa hanhan, “Ena heme,” aot aatem.

⁴O lailad, Kayak ahilagnu oo mauhte ele amu, Nug ag nuhikudnab tituanatom amu ig amu dootem. ⁵Ađinu? Nai Ena ig ahilagpa aot gomut ele amu ig nai aakuib aot ii gomut. Iita. Ig Kayaknu gagatagpa uđat heut, Kayak Ouđi ele Nug he, ag oolagpa genab doona, Kayak ag edua diiom ele genab doopig. Ig ele ag ehanadkunignu ag oolagpa aatem bia oiutut, ag anigna doopig. ⁶Ag ug tepu ele maopig amge Kayak Ouđinu oo gamag ahakpa ag Kayak nai aona, ag ihinig kobol dim lamidnana, Nađinu ele dim lamidpig. ⁷Amupa ag Makedonia danab amu Grik danab ele, ag oolagpa genab dooteb ele, ag danab amu oh kobol ena ipuanadpig. ⁸Nađinu nai ag Tesalonika ag mehuqpig amu, nai amu do oqoti bia Makedonia amu Grik wanpa eleib ii ukom. Iita, ab ab ohpa, ag Tesalonika ag Kayaknu oolagpa genab doopig amu, danab amu ag nai amu doopig amunu amu ig baula ahilagnu akunignu iita.

⁹Ađinu? Danab ab ab ohpanu amu ag ohnab ag Tesalonika, ahilagnu ag aka aka matin, ag Tesalonika danab ag ig ena atog noigpignu, ag kayak ham bupuak aaku uupignu, ag edun Kayak genab oolag medapignu, ag Kayak genab bau ele nuhig danab daatebnu, ¹⁰ag Kayak Beđa Nug hab ađannu edua uđikunu haen ameg metebnu ele maditeb. Nug anuka mauhe, Kayak Nug he, Nug mauhakpanu edua hibaitom. Amuam Jesus, Nug dimpanu hipuninnu bu aqak, Kayak epegpanu uđite amu, ig amu aomtanu edua awikom.

UDAT PAULUS NUG TESALONIKA HEUM

2 Ao, ig lainkad, ag aka ele dooteb, haen ig ag gumadta ukaut, ag ele daamut amu haen amupa ihinig dayak ahilagpa amu hamu, nob iita laa ii hemut. ²Ag dooteb, Pilipai apa amu ig guitak aomut, ag ig bedunig heeg nauhom amge ig ihinig Kayak, nuhig ehanitakpa, ig gagatag daata, wagai meta, nuhig Nai Ena amu ag Tesalonika daateb ele ag amelagpa matimut. Tesalonika apa ele danab kudum ag ig ipunig oo nekulagnu hepig amge ig amunu ii dab memut. Iita. Ig nai mehuqmut. ³Matiak ig mehuqtem ele, amuam maitak ehedpa, nai ham bupuakpa, bubuitak kobol elepa ii bete. ⁴Iita! Kayak Nug ig Nai Ena mehuqak uđat imu hekunignu elele anika meke, ig hetem. Ig nai ena madiput, danab ag ihinignu oolag daakunu iita. Ig Kayak, Nug ig oonig epedite amu, Nug ihinignu oo daakunu hetem aakuib. ⁵Ag dooteb, ig haen laipu laa ag biilagpa yak nai laa ii matimut. Ig uđat hetem ele amu ig hetata, ahilag keeke lokumta aognignu laa ele ii hemut. Kayak Nug ele amubia anika madite. ⁶Amu ele, ig danab noolagpa binanig aognignu ii hemut. Ag

noolagpa iita, danab ah laa noolagpa ele iita.

⁷Ao genab, ig am total danab amunu ig ahilagpa ehanitak keeke aognignu elele dayom amge ig anam ii hemut. Ig danab oonig bodo etak ele ag oolagpa udat hemut, ah laa nug bekod atog noadte bia ahilagpa udat hemut. ⁸Ig ahilagnu oonig huana mauhom amunu ig Kayak topanu Nai Ena amu aput dooglagnu oonig dayeye, ig ag ena daaglagnu mauhom amunu ele elele doomut. Adinu? Ig ahilagnu am ig lainkadnab doomut. ⁹Ao ig lainkad, ag ihinig udat okai ug ele amu ag anidna doopig. Ig udat gagatagnab heta, ig Kayaknu Nai Ena ele mehuqtata, tuqan amun ele udat hemut. Adinu? Ig ahilag e keeke hamu aoput amu ag ihinignu oolagpa ug doomnanu ig anam hemut.

¹⁰Amu ag Tesalonika daateb amu Kayak Nug ag ele oh ihinig hak ag oolagpa hemut amu ag anidpig. Ig ag oolagpa genab doopig ele amu, ag oolagpa oitta, ig opia awak, tutuku ele oimut. Ig ehed laa ii hemut. ¹¹Ag dooteb, ig ag anen anen, danab laa nug bekod bahi aqate bia, ag bahi aqata, ¹²ig oo mad etak nai amu oo madod dayaknu nai amu ag Kayak, Nug ag nuhig do madod amu nuhig gagatag ele aoglagnu, Nug ag onilagpa ete ele amu ag Nug noobpa ena oiglagnu nai amu matamut.

¹³Ig ag amelagpa nai mehuqmut amu ag wanpanu danab dilag nai bia ii aopig. Iita, ag nai amunu, Kayak nai, tutuku doonna aopig amunu amu ig haen oh Kayak amegpa keeke amunu ele, "Ena heme," aot aтем. Nai amunu amu ag oolagpa genab dooteb ele amu, nug ag oolagpa udat gagatag heeche, meu aaku bete. ¹⁴O lainkad, ag Kayaknu kristen tamaniak, Juda wanpa Jesus Kristus onigpa daateb ele amu, ag ag ele laipu bia daateb. Ag Tesalonika daateb amu ag, ag lailkad epelagpa guitak aopig amubia

kristen tamaniak, Juda wanpa daateb ele amu ag Juda laala epelagpa guitak aopig. ¹⁵Juda ag ihinig Nadi Jesus qeeg mauhom, propet ele aqaeq mauhpig. Ag ig ele apanu lamigpig. Kobol ag heteb ele amu Kayak Nug amunu oo ii hete. Ag danab ah dilagpa keked daateb. ¹⁶Danab amu ag Kayak Nug iita adi edua diikunu oolag ii daate amunu ig Nai Ena, iita adi amelagpa mehuqkunignu ib oo nekulagnu heteb amunu amu ag ahilag hipunin okainab meegeq, opodi bak, Kayak Nug danab dilag hipuninnu doote ele amu, opodi bak amu miagnab ag qadelagpa daate.

PAULUS TESALONIKA TAMANIAK EDUA ANADKUNU OO DAYOM

¹⁷O gadon ig lainkad, Juda ag, ig ag Tesalonika ag oolagpanu lamikeq, ig ewau laa, a ahilah nid nakok mauhe, oo doyak daatep bia daamut. Genab ig ag idulag baula ii anidmut amge ig oonig amu ahilagnu haen oh dayom. Laa ele amu ig ag anadlomnu ib matiak udat gagatag hetata, ag idulagnab ele anidlomnu oonig huanak gayom. ¹⁸Amunu amu ig ag gumadta gokunignu hemut. Da daka, da ib mein mein anidmi amge Satan nug dahil ib oo neum. ¹⁹Ig ag edut anadkunignu oonig huana dayomnu diig am, dimpa ihinig Nadi Jesus edua udiku, ig Nug noobpa hipaidkunig ele amu, haen amupa ag am ig oonig ena daakunu, gamag ahak ele aognignu, nob ena aognignu diig daaglag. ²⁰Ig ahilagpa binanig amu oo gamag ahak ele aognig.

PAULUS TIMOTIUS ME, TESALONIKA TAMANIAK GAGATAG AQAKUNU UKOM

3 Ig ahilagnu nai doognignu oonig huana dayom amunu amu ig nai matita, i iya Atens ipa daagnihnu atata, ²⁻³Timotius, nug am ig oh ig lainig, nug am Kayaknu begbeg danab, nug am Je-

sus Kristusnu Nai Ena mehuqkunu danab ele amu, ig nug ag gagatag aqakunu, ahilag oopa genab doyak ele ehanidkunu am laala ag ug nadi mawak haen imupa ag oolag mepeg ta, mepeg nemanu ele nug meud ukom. Ag tutuku dooteb, Kayak Nug ig kristen ig oh ug amubia maognignu tituanikom. ⁴ Ao, haen ig ag ele daatta, haen amupa ig kristen, ig guitak doognignu amelagpa matimut. Amu meu aaku beum, ag aaku dooteb. ⁵ Amunu da baula hamu daakulnu elele iita oolpa doyena, da ahilag oopa genab doyak anidkulnu Timotius mei ukom. Da oolpa ug doomi. Adinu? Ehed hekunignu eedak danab nug, “Ag ehed hekulagnu eedate, ag oolag eduomtai,” ami. Anam dayeb amu udat ig hemut ele amu hamu daalo.

⁶ Amge Timotius ag uuata aha, edua udia, gumita ba, Nug ahilag oopa genab doyaknu, layagnu oo mauhak kobol heteb amunu ele matie doomud. Laa ele, ag haen oh ihinignu dab menana, oolagpa ihinignu ena doonna daatebnu, ig ag anadkunignu oonig daate amubia ag ig anigkulagnu oolag daate, amunu ele matie doomud ⁷ amunu o lailad, ig ug diigdiigpa oitta, ag oolagpa genab doon gagatag daateb doout, nai amu ahilagnu ig oonig gagatag qe, ig baula gagatag aota, ena daatem. ⁸ Adinu? Ag haen oh Nadinu gagatagpaib oiteb, ig amu doota, ig eleleib daatem. ⁹ Ig ahilagnu Kayak noobpa oo gamag ahak huanak dootem. Ag heeg, ig gamag ahak amu dootem amunu ig heta, gamag ahak amunu Kayak amegpa, “Ena heme,” elele akunignu elele iita. ¹⁰ Amun tuqan ele Kayak Nug heeb, ig baula ag idulag anidta, ahilag oopa genab doyaknu nai laala ii doopig ele amu, ipuanadta aput dooglagnu haen oh unuqidtem.

¹¹ Ge, ig Mamenig Kayak, Nadi Jesus Kristus ele a omaigped, ahilagpa gokunignu oonig daate. ¹² Laa ele, Nadi Nug

oo doyak kobol ahilagpa am baknab mateb, ag lailkad dilagnu, danab oh dilagpa ele, ig ahilagnu oo mauhak dootem amubia ag oolag mauhkunu oonig daate. ¹³ Ib amupa Kayak Nug heeb, ag oolag gagatag ele daanna, ded Jesus Nug nuhikud opia awak danab oh ele edun nekulag amu ded amupa ag ihinig Kayak, Nug am ig Mamenig, Nug noobpa hipunin iita opia awak ele, elele daaglag.

OIYAK KAYAK OO DAATE ELE

4 ¹⁻² Ao ig lainkad, ig baula ahilagnu nai gagatag Nadi Jesus onigpa iiku atem. Ig kobol oh ag Kayak oo niite bia oiglagnu ib ipuanadmut, ig nai amupa adi adi Jesus onigpa ipuanadmut amu ag ana dootem amunu gemu ag amu dim lamidteb amge huana dim lamidkulagnu unuqadta atem.

³ Adinu? Kayak Nug ag opia awak daaglagnu, ag gapai kobol ii hemananu, ⁴ ag nug awak kobol tutuku opia awak ele doon autna aona hekulagnu, ⁵ ag iita adi, ag Kayak ii dootem ele, ag ameg qak, oo ahak kobolpa heteb amubia ii hemananu, ⁶ ag kristen ag gapai kobol, mauhnoak oiyak, oo ahak kobol, keeke amu oh hena, lailkad bupualadnana, laanu ah ele ii aomnanu Nug oo daate. Ig anuka kobol nau amunu ulum nai matat, amelagpa matimut amubia Nadi Nug danab anam heteb ele amu nob nau madaaku. ⁷ Adinu? Kayak Nug ig dubutid ele oignignu ig oninigpa ii eum. Iita, dubutid iita, opia awak oignignu eum. ⁸ Amunu amu danab nug nai amu di medate, nug danab di ii medate, nug Kayak, Nug aakuib nuhig Oudi ag madate ele amu, Nug di medate.

⁹ Amge layagnu oo mauhak kobol, amunu amu da laa ii yaapa. Keeke amunu amu Kayak Nug ag ipuanata malom. ¹⁰ Ao, ag Makedonia apa lailkad oh dilagnu oolag mauhte amge ig

lainkad, ig baula iiku gagatag aqadta atem, ag kobol amu baula mamanidpeg, okainab dayad!

¹¹ Amu anuka ig ag amelagpa amut amubia ag dab mak tutuku aona, ag to etan daanna, ag ahilag keeke tutuku hena, ag laa ii dutunmana, ag aka epe-lagpa udat heig! ¹² Ag anam hekulag amu ahilagpa geha aun laa, ag tamani-akpa ii daateb ele amu, ag noolagpa hak ena amu ipuanadpeg, ag ahilagpa ena dooglag. Amu keeke laalanu ele, ag kristen daateb amu, ag laa gumadna gona ii unuqadmana.

NADI EDUA UDIKUNU NAI

¹³ O ig lainkad, ag danab ah mauhpig, amu dilagpa amu ootot daaglagpa, ag danab laa ag Kayaknu oolagpa genab ii dooteb ele, ag edua hibaitaknu ded ameg ii meteb ele, ag mauhaknu gaateb amubia gaaglagpa ele amu, ig oonig ii daate. ¹⁴ Ig Jesus Kristus mauhowa, edua hibaitom amunu oonigpa genab dootem amunu ig Kayak Nug laala ag nuhignu oolagpa genab doona, tatam mauhpig amu Jesus ag ele omalateb udiglagpa ele oonigpa genab dootem. ¹⁵ Ig nai imu Nadi ode amu ag amelagpa iiku atem. Ig laa oh, ig geha Nadi Nug edua udiku haenpa ig danab ah bau daatem ele amu, ig danab mauhpig ele amu daapeg ig ii anuqmata. ¹⁶ Adinu? Amu haen amupa Kayaknu biugal gayeb, Nadi Nug hab atannu na, danab oolagpa genab doopig ele amu, ag qag mekulagpa eeb, engel okai nug baag okaipe ele eeb, laala ag Kristusnu oolagpa genab doonna mauhpig ele amu, ag tatam edun hipaidkulag. ¹⁷ Kayak Nug heeb, ag edun hipaidpeg, ig laa oh bau daagnig amu ag ele lombigpa teta, apa Nadi Jesus ele nug uda teta tamanit, Nug ele hanhan daagnig. ¹⁸ Ag nai amupa lailkad ele nug gagatag qeig!

KRISTUS EDUA UDIKUNU HAENNU DAB METAKNU NAI

5 O ig lainkad, keeke amu oh bekonu haen ded ele amu ig amunu ag amelagpa akunignu laa iita. ² Ag aka tutuku dooteb, Nadinu ded amu tuqanpa, yabhok danab oite, amubia udiku. ³ Danab ah ag, "Haen ena aaku beum, ig madod ena daagnig," abepeg, haen amupanab keeke ehed, ag heeb nauhkulagpa, ahilagpa beku. Keeke ehed amu ah nug nid aokunu guitak paha bete amubia dooglag. Keeke ehed amu ag ii edadma.

⁴ Amge ig lainkad, ag amu gatatura ii oiteb amunu ded amu yabhok danab bia ahilagpa aib beum. ⁵ Ag oh amu amun aamnu amahlak bekod ele. Ig am tuqan amu gatatu ele dilah iita. ⁶ Amunu amu ig laala niiteb bia ii niimta. Iita, ig haen oh dab metata daatta, dab mak amahlak ele daagnig. ⁷ Laa ag niiteb ele amu, ag tuqan niiteb, laa ag le gagatag huanak laeg, kaaka aqate ele amu, ag tuqan laegeg, kaaka aqate ⁸ amge ig amu aam bekod, ig dab mak amahlak ele, Kaaka iqak iita ele oitu! Ig anam oita, ig oopa genab doyak amu oo mauhak kobol ele aota, ban danab ag keked ag momolag hepeg nauhmanu qahad palateb, amubia ig kobol adit amu meta, Kayak Nug edua awigkunu ameg metem ele, kobol amu ban danab ag ikilagpa aen hat meteb ele amu, amubia ig meta oignig. ⁹ Adinu? Kayak Nug ig hipuninnu bu aqak, Nug epegpanu udite amu, ig amu aognignu ii tituanikom. Iita, Jesus Kristus, ihinig Nadi, Nug edua awigkunu tituanikom. ¹⁰ Nug ig ehanigkunu mauhom amunu amu ig bau daagnig o iita mauhkunig amu Nug ele baukllel haen oh daagnig ¹¹ amunu amu ag nai enapa ag kobol gemu heteb amu ag anamib henana, aka nug ehanidnana, lailkad ele oolag gagatag aqeg!

**TAMANI^{AK} AG AMU TAMANI^{AK}KNU
IKI DANAB ELE ATEM OIGLAG**

¹²O lainkad, ag aun adi ag ahilagnu udat gagatag heteb, ag Nadi onigpa ahilag iki daanna, ag ib ipuanadnana, ahilagnu tolitak nai ateb ele amu, ag danab amu ag waalagpaib daanna, onilag ele humeg! ¹³Ahilag udat, diig amunu amu ag ahilagnu oolagpa ena doonna, ahilagnu oolag mauhad! Ag aka aka lailkad ele madodpaib daanna oiyeg! ¹⁴O lainkad, ig nai baula tudidta amelagpa iiku atem. Danab ag bahi yak doonna, hamu udat iita oiteb ele amu, baula nai tutukupa toliateg! Laa oolag bai noum ele amu ag gagatag aqeg! Ag laa ag gagatag iita amu ag ehanateg! Danab oh dilag amu ag oolagpa madod ele dayeg! ¹⁵Danab ag ahilagpa kobol nau laa hepeg, ag amunu edun nob aibnab mepig. Ag haen oh kobol ena, lailkad amu danab laa ele ahilagpa hekulagnu gagatag dayeg!

¹⁶Ag haen oh oo gamag ahakpaib oiyeg! ¹⁷Ag unuqitak haen oh henana dayeg! ¹⁸Wanpan oiyak ahilag adi adi bete amu amupa Kayak Nug ag

ehanadte, ehanitak amunu ag, “Ena heme,” aon aig! Kristus Jesus nuhigpa, Kayak Nug ag kobol anam hekulagnu oo daate. ¹⁹Ag oolagpa Kayak Oudinu ib aib oo nepig! ²⁰Laala ag Kayak ode aon, ahilagpa nai mehuqpeg amu ag aib di medapig. ²¹Nai oh amu keeke oh ele ag epedin, adi am ena aakuib amu ag adeg! ²²Keeke nau oh amu ag di mateg!

²³Kayak Nug, aakuib am oo madod diig, Nug nukaiib heeb, ag opia awaknab daaglag. Nugib ag oudilag, dotolag, amu bedulag ele atog noobob, ihinig Nadi Jesus Kristus edua udiku haenpa ag ehed laa iita, enaib daaglagnu ig Kayak unuqidtem. ²⁴Kayak Nug ag onilagpa ete ele amu, Nug oo tutuku genab ele amunu Nug amu heku.

²⁵O lainkad, ag Kayak unuqidpeg, Nug ig ehanigku. ²⁶Am Kayaknu danab dilag kobolpa ag oh lailkad ele anen anen kobol opia awak elepa humateg! ²⁷Ig lainkad laa oh nai imu dooglagnu, ag ag amelagpa eb qekulagnunab iiku atem.

²⁸Ihinig Nadi Jesus Kristusnu ehanitak okai Nug hamu megte amu, ahilagpa dayad!

TESALONIKA DILAG NAI 2 PAULUS YOM

KAYAK AMEGPA UNUQITAKNU NAI

1 Paulus, Silas, Timotius ele ig nai imu Tesalonika tamaniak ahilagnu iiku yaatem. Ag Kayak, ig Mamenig, amu ihinig Nadi Jesus Kristus ele dilah danab ah daateb. ²Kayak, ig Mamenig, amu Nadi Jesus Kristus ele, ahilah ehanitak okai a hamu megtep amu ahilah madod ele ahilagpa daaglahnu oonig daate.

³O lainkad, ig haen oh Kayak amegpa, “Ena heme,” aot akunignab. Adinu? Ahilag oopa genab doyak amu okainab mete amu ag oo mauhak doona, ag aka aka nug ehanitak udat ele tudidna huanak heteb. ⁴Amunu ig ahilag keked ag ahilagpa kobol nau kudum heegeg, ag amunu ug diigdiig dooteb amge ag gagatag daanna, ag ahilag oopa genab doyak ele ii padateb doota amu ig amunu Kayaknu kristen tamaniak ohpa ag binalag metem.

⁵Kayak Nug ag ehanate, ag gagatag daan, ug maon oiteb amunu ig amupa Kayak Nug danab ah tutuku epediadte anidtem. Nug anam hete amunu Nug ag nuhig do madod oopa daaglagnu amu Nug amunu elele doyak. Ag Nug ele nuhig do madod oopa daaglagnu heteb amunu ag aaku guitak aoteb. ⁶Kayak Nug kobol tutukuib hete amu Nug inam heku. Aun ag ug madateb amu Kayak Nug amunu nob mata, ⁷Nug ag ug dooteb ele amu, haen ena mata, Nug ig ele haen ena megaku. Jesus edua, ab adu amu engel gagatag nuhikud ele ag hab atannu miag atiak nekulag, haen amupa Kayak Nug kobol amu heku. ⁸Nug danab ag Kayak ii dooteb amu ag Nadi Jesusnu nai ele dim ii lamidteb amu, Nug ag nob nau tutuku mada. ⁹⁻¹⁰Nug Kayaknu danab oh ag Nug onig humaglagnu,

danab ag oolagpa genab dooteb ele amu, ag nuhignu oolag gamag ahakunu udiku. Amu Nug ded amupaib Nug danab ag Kayak ii dooteb, ag Nadi Jesusnu nai ele dim ii lamidteb amu Nug ag nob nau, padal mak hanhannu, Kayak topanu amu nuhig gagatagpanu ele udite amu mada. Amge ag Tesalonika danab ag am Kayaknu danab, ag am danab ag oolagpa genab dooteb ele amu, ag danab amu ele oolagpa daaglag.

¹¹Ig amunu haen oh dab metata, Kayak amegpa Nug ag ehanadkunu unuqidtem. Ig Kayak Nug heeb, nuhig ewak baag ag anuka doopig amu, ag kobol Nug ewak amupa ag hekulagnu ahilagpa eum ele amu, ag eledenab hekulagnu ele unuqidtem. Laa ele Kayak Nug ag gagatag mateb, ag kobol ena oh hekulagnu heteb ele amu henana, ag udat oh Kristusnu oolagpa genab doon heteb, amu ele genab hekulagnu ig unuqidtem. ¹²Ib amupa amu ag Jesus Kristus, ihinig Nadi, Nug onig okainab humaglag amu ag Kayak, ig Mamenig, amu Nadi Jesus Kristus ele, ahilah ehanitak okai hamu megtep amupa ag ele onilag aoglag.

DO TAPE NAK DANABNU NAI

2 Aria Jesus Kristus, ihinig Nadi, Nug edua udikunu amu, ig oh Nug noobpa qag meta, Nug ele daagnignu, o lainkad, ag keeke amunu dab mekulagnu iiku atem. ²Ag, “Nadi udikunu ded aaku malom,” nai amu doopignu amu laa nug nai mehuqa, nai amu matie doopigtai, o iita danab laa nug nuhig dab makpaib anam matie doopigtai, o iita laa nug ig nai amunu ahilagpa udug yaat meut ukomnu matie doopigtai amge nai amunu amu ag oolagpa genab aib doopig, dab mak ele ootot aib dayom. ³Ag hepeg, laipu laa nug ib laalapa aib bupualatom. Ded amu tatam iinab udima. Tatam Kayak di metak kobol okai beeb amu do tape nak danab nau,

danab amu nug padal meku ele amu, nug ele miag atiku. ⁴ Danab amu nug danab laa oh ag keeke oh dilagnu, “Imuam Kayak,” ateb, keeke amu noolagpa ag gatelag qaun oteb ele amu, nug amu oh tapeb neeb, nug onigib humeb, atan teku. Nugib Kayak laug, opia awak ele, apa nug nukā agupa daakunu ta dayaya, nuhignu, “Da iikuib am Kayak,” awa aku.

⁵ Da ag ele daamut haenpa da nai imu ag amelagpa matimi amu daulagpa daatete? ⁶ Ag keeke laa gemu danab amu nug nuhig haen iitapa nemanu, nuhig ib oo neum daate amu ag dooteb. Kayak Nug ded nuhig tituanompa amu danab amu nug ded amupa miag atiku. ⁷ Do ii dim lamitak kobol amu gemu udia lokumak haaha daate amge do ii dim lamitak kobol okai memanu, laa nug ib oo nete ele amu, nug anam heeb eb ukeb, laa nug heeb, ib oo nak amu iita meeb amu do tape nak kobol am okai meku. ⁸ Haen amupa do ii dim lamitak danab nug miag atieb, dimpa Nadi Jesus, Nug geha Nug odepa oudi iwaleb, qeeb mauhku. Yo, Nadi Nug nuhig amahlak nadi ele miag atia, amahlak amupaib do tape nak danab amu heeb nauhku. ⁹ Amge ii nauhak haenpa do ii dim lamitak danab amu nug Satannu gagatag ele udia, ham bupuak eponak keeke, danab hekunu elele iita diigdiig haaha, ¹⁰ nug danab ah, ag padal mekulagnu oiteb ele amu, ib diigdiigpa ag ham bupualadku. Danab amu ag nai genab doopig amge ag uupig. Ag ii uulob amu Kayak Nug edua diilo amge iita amunu ag padal mekulag. ¹¹⁻¹² Danab amu ag nai genab dooglagnu uupig amunu Kayak Nug ag ham bupuak nai oolagpa genab dooglagnu, Nug danab amu, ag nai genab oolagpa genab ii doona, kobol tutuku iita amunuib oolag hete ele amu, Nug ag oh epediata, gedadkunu amu

Nug heeb, ham bupuak okai ahilagpa beku.

GAGATAG DAYAKNU NAI

¹³ Amge ig lainkad, Kayak Nug ahilagnu oo huana mauhte ele amu, ig ahilagnu hanhan Kayak amegpa, “Ena heme,” aot akunignab. Adinu? Kayak Nug nuhig Oudi Nug heeb, ag opia awak daaglag, ag nai genabnu oolagpa genab dooglag, diig adit amunu Kayak Nug dig makpanu ag edua diikunu tituanatom. ¹⁴ Kayak Nug Nai Enanu mehuqak ihinigpa, ag anam daaglagnu ag onilagpa eum ¹⁵ amunu o lainkad, ig odenigpate o iita ig yakpate nai ipuanadmut amu amupa ag gagatag daana, pehetan adan dim lamiteg!

¹⁶ Aria ihinig Nadi Jesus Kristus, Nugnab amu ig Mamenig Kayak, Nug ihinignu oo mauhte, Nug nuhig ehanitak okai hamu megte ele, amupa Nug he, ig gagatag hanhan daagnignu dab mak aot, ig Nug ameg mekunignu, madod ele aomut amu, adit amu a heped, ¹⁷ ag madod daanna, ag oiyak ahilag ohpa enaib oiglagnu gagatag aoglag.

PAULUS TESALONIKA AG

NUHIGNU UNUQIDKULAGNU AUM

3 O lainkad, ig nai laipu imuib ele iiku ag amelagpa atem. Ag ihinignu dab menana, ag Nadi Nug ig ehanikeb, nuhig nai atu oh tuala ukeb, danab ah ag wan atu amupa daateb amu, ag Tesalonika danab ag nai amunu ena doopig bia ag nai amunu ena dooglagnu, ag ig udat elele hekunignu, ihinignu unuqiteg! ² Danab kudum ag Jesusnu oolagpa genab ii doonna, ag udat ihinig hepeg nauhkunu heteb amunu ag Kayak, Nug ig danab nau amu ag epelagpanu uhuqigkunu ele unuqiteg! ³ Amge Kayak, Nug adi hekunu ate amu Nug aaku hete ele, Nug gagatag aqeb, Satan nug ag keeke ehedpa ii eedadma. ⁴ Am

Nadi Nug ihinig dab mak maḍ eṭe, ig ahilagṇu inam dab metem. Kobol oh ig ag heḱulagṇu amelagpa maṭimut amu ag henana daateb amu dimpa ele ag anam heḱulag. ⁵Nadi Nug ag oolagṇu ulum aḱebēb, ag Kayakṇu oo mauhak amu Jesusṇu ug mawa oiyakṇu kobol ele doon aotna aoglagṇu oonig daate.

DANAB OH AG UḌAT HEḱULAG

⁶Da Nadi Jesus Kristus onigpa nai gagataḱ ag amelagpa inam aṭem. Ag lailkad laa bahilag iṭa, ag kobol ena, ig tatam ipuanadmut, ag amu ii dim lamidteb amu, ag danab amu ele aib ou qepig. ⁷Ag aḱa, haen ig ag ele daatta, ig uḱat heutut anikegeḱ, hamu ii daamut ana dooteb amu ag kobol amu dim lamidḱulag am ena. ⁸Ag ihinigṇu oolag ug qemanu amu ig amun tuḱan ele e aognigṇu uḱat gagataḱ hetata, ig danab laanu e hamu ii laṭamut. Iṭa. Ig daden meta lamut. ⁹Ig anam hemutṇu diig amu, ag ihinigpa anidna oolag maṭēb, ag ele bau daaglagṇu uḱat heḱulag. Ig toṭol danab amunu ig ag oolagpa daatta, ag epelagpa e aolom am ehēd iṭa amge ig anam ii hemut. ¹⁰Haen ig ag ele daatta, ig ḱo imu ag maṭamut. “Laa nug uḱat ii heḱu amu nug e ii lama,” aot amut.

¹¹Ig nai imu yaateṇṇu diig amu ig gemu laala ag uḱat hak kobol uuna,

hamu oina, ag aḱa kobol ena ii henana, ag laa dilagṇu dab mak kaboliḱulagṇu heṭēbṇu nai daunigpa dooṭem amunu ig nai imu yaateṇ. ¹²Amu Jesus Kristus onigpa ig nai gagataḱ, danab kobol ena ii heṭēb ele, ahilagṇu aṭem. “Ag toḱoḱugṇa daanna, ag aḱa e awakṇu uḱat henana, amupa ag e aon laig!” ¹³Amge o lailad, ahilagṇu amu ag uḱat ena hak kobolṇu aib oolag bahi yēb uupig.

¹⁴Am laipu laa nug nai ig uḱug imupa yaamut imu dim ii lamiteb amu ag nug anidna, nug uuidna, pīde dayeg! Ag anam hepeḱ, geha nug nuhig kobol ehēd amunu uḱa neḱu. ¹⁵Amge nuhigṇu kekeḱ bia aib anidpig. Iṭa, ag nuhigṇu ag lailag doonna, dab mak enaib ele nug meteg!

BAG QAK NAI

¹⁶Nadi Nug maḱoḱ kobolṇu diig, Nug nuḱa ag hanhan, keeke ohpa, maḱoḱ madakṇu, Nadi Nug ag oh ele daaglagṇu oonig daate. ¹⁷Da Paulus, da humiṭak nai imu, da haen oh anamib yaateṇ ele amu, da epelpa iḱu eḱue yaateṇ. Amuam da uḱug yaaladṭem amu ohpa, dahil eponak keeke, da anamib aaku yaateṇ. ¹⁸Nadi Jesus Kristusṇu ehanitak okai Nug hamu meḱte amu, ag oh ahilagpa dayad!

TIMOTIUSNU NAI 1 PAULUS YOM

NAI HAM BUPUAK TAPEB NOKUNU NAI

1 Da Paulus, da Kayak, Nug ig edua awikom ele amu, Nug beka Jesus ele a odelah dim lamiten, Jesusnu to-tol danab daatem. Nugib am ig mauhak dimpa hab atan ena daagnignu dab mak aot, maod ele daatemnu diig. ² Amu da Timotius, oopa genab doyakpa na am da bekalnab daatem amu, da nahipnu udug imu iiku yaatem. Kayak, ig Mamenig, amu Kristus Jesus ele, ahilah ehanitak okai hamu megtep amu ahilah oo gai iita doyak kobol amu ahilah maod ele nahippa daaglagnu ool daate.

³ Da tatam Makedonia ugeke, nai da na amenpa ami amubia da baula amenpa aтем. Epesus apa, danab laala ag ham bupuak nai danab ah ipuadadna madafeb amunu na apa daanna, danab amu tutuku toliadna, ag anam ii amananu amelagpa ape doyeg! ⁴ Laa ele, ag kaya hamu, alalkad memetalkad onilag kudumnab batak iita ele amunuib aib dab menana madipig. Ag keeke adit amunu matinna, tamaniak oopan danab ah dilag dab mak kaboliteb. Nai ag maditeb ele amu Kayaknu udat ii ehanidte. Iita, Kayaknu keeke am oopa genab doyak, ib amupaib bete. ⁵ Amge da nai gemu maditem ele, da maditemnu diig am nug oo mauhak kobol amu ba daakunu maditem. Nug oo mauhak amuam danab nug oo opia awak, nug bedupa ab iita, nug Kayaknu oopa genab tutuku doya, oo mauhak ele doyaya oite amu, oo mauhak kobol amubiaib bekonu dab mein maditem. ⁶ Laala ag keeke imu uuna, nai hamuib dim lamidteb. ⁷ Ag Kayaknu do ipunitak danab daaglagnu oolag daate. Ag

ele ateb. “Ig ihinig nai amu genabnab,” amge ag aka am nai amu ii dooteb, nuhig diig ele ii dooteb.

⁸ Ig dootem, do nug adi udat hekunu daate ele, danab nug udat amuib dab medate amu, do nug am keeke ena daate. ⁹ Ig ele dootem, do nug danab tutuku dilagnu ii daate. Iita, do nug danab ag kobol tutuku ii dim lamidteb, ag ode ii dim lamitak adi, ag kayak di metak adi, ag hipunin danab adi, ag Kayaknu hamu bia doonna, wanneru kobol dim lamidteb, ag mamelkad anilkad aqaeg mauhteб, ag danab lailkad ele aqaeg mauhteб, ¹⁰ ag gapai heteб, ag danab danab o ah ah ele ag gapai ele heteб, ag danab laa yabhok hipaladna daden maadteб, ag nai ham bupuak danab, ag hetodiakpa ham bupunna, “Genab iiku aтем,” aon ateb amu, ag keeke laala amubia, keeke amu oh am nai genab enanu keked daate, danab ag amu heteб ele amu, do nug danab amu dilagnu daate. ¹¹ Kobol ag heteб ele amu kobol amu oh am Nai Ena, Kayak Nug da amu mehuqkulnu meidom ele amu, ag Nai Ena ele laipu ii daateб. Nai Ena amuam Kayak nuhigpan udiom daate. Kayak Nug anuqaknab, Nug binag okai ele daate.

KAYAK NUG PAULUS EHANITAK OKAI HAMU METOM

¹² Da ihinig Nadi, Kristus Jesus, Nug da gagatag meidom amu, da Nug amegpa, “Ena heme,” awe aтем. Adinu? Nug da udat imu hekulu amu, Nug da di ii medapan elela anida, Nug nuka da udat imunu tituanidom. ¹³ Anuka da Kayak amu nuhig keeke ele dabaten, awe awe aqami. Da danab nuhikud ehed hadtami, Kayaknu nai nau ele atami amge Kayak Nug dahilnu oo gai iita doyom. Adinu? Da Jesusnu oolpa genab ii doyeye, da ool ele ii maitete, da ehed hemi. ¹⁴ Amu anuka da anam hemi amge Kayak Nug

ihinig Nadinu ehanitak okai elelenab medada, Nug Kristus Jesus udat okai heum, diig amunu dahilnu oo huana mauha he, da oolpa genab doomi.

¹⁵Nai imu am genab, meu ele amunu ag aona, oolagpa ele genab dooglagnu elele. Nai am inam. Jesus Kristus Nug wan imupanu hipunin danab ah edua diikunu udiom. Hipunin hak danab ah oh edatak am daib. ¹⁶Amge diig imunu Kayak Nug dahilnu oo gai iita doyom. Da am hipunin hak danab laa oh edatak amunu Kristus Jesus Nug nuhig oo mak amu nuhig ena hak ele udat dahilpa heeb, miag atieb, danab ah ag amu anidna, ag oolag maiteb, ag ele nuhigunu oolagpa genab doona, ag bauklel aoglag. ¹⁷Amu Kayak, Nug am keeke ohnu gumak hanhan daate, Nug ii mauhte, ig Nug anidkunignu elele iita, Nug aakuib am Kayak amunu ig Nug binag onig okai ele hanhan metu! Genab.

¹⁸O da bekal Timotius, da propet dilag nai tamaniak ag na medapig amunu dab mein, matiak imu na udat hekutnu amenpa aтем. Na ban danab ag ena daanna, ban heteб amubia na daanna, udat nahip pehetak he! ¹⁹Na ootpa genab doyak hak ena ele aib padame. Danab laa amu ag amu padapig amunu ahilag oopa genab doyak nug ub gikud atan ta aoda nauhom bia nauhpig. ²⁰Kobol amunu amu Haimenias Aleksanda ele a anam hepid. A anam heeh da a tamaniak oopanu lamati, dimitim Satan epegpa wapid daatep, amupa a oolah edueb amu a baula Kayak amu nuhig keekenu ele dapadya aoi aoi aqaglahnu ii hemaya.

UNUQITAK ATEM HAKNU

2 Amunu da tatam ag tamaniakpa daateb amu ag udat imu hekulagnu oolag mad edatem. Ag unuqitakpa, danab oh dilagnu Kayak unuqidnana, ahilagnu ele Kayak amegpa, “Ena

heme,” akulag. ²Ig madod aot, to etat daatta, ig Kayaknu dab mak pehetak aotta, opia awak ele oignignu amu ag king amu gabman dilagnu ele Kayak unuqiteg! ³⁻⁴Unuqitak amunu amu Kayak, Nug ihinig edua awikaknu diig daate, Nug danab ah oh edua diieb, nai genabnu diig dooglagnu oo daate ele amu, Nug unuqitak amunu ena doote. ⁵Yo, Kayak laipu daate, gamag danab ele laipu, Nug Kayak amu danab ele gamagpa daate, danab amuam Kristus Jesus. ⁶Nug danab ah oh dilagnu Nug nuka Nug bau dayak nuhig uua, amupa Nug haenpanab Kayak Nug danab oh edua diikun hete ipunikom. ⁷Diig amunu amu Kayak Nug da nai mehuqak danab, totol meidom. Da nai yaatem imu am genabib yaatem, da ham ii bubuitem. Nug da iita adi dilag, ag ele Jesusnu oolagpa genab dooglagnu, ipunitak danab meidom.

⁸Amunu da danab oh ag unuqidkulagnu amu ag opia awaknab daanna, opodi bak iita, oolag adit ele iita daanna unuqidkulagnu ool daate.

AH DILAG NAI

⁹Amubia ah ag tutuku dab menana, lamen elelepaib takana, ag danab ah amelag qekunu ag ikilag udug kobol kobol elepa ii takamnanu, ag danab ah amelag qekunu bala diigdiig, golpa hak o perlpa hak o iita lamen laa nob nadinab ele amu ag ii memananu ool daate. ¹⁰Ah ag keeke diigdiig amubia ii memana. Iita. Ag hak ena, ah ag Kayak dim lamidnana, adi adi kobol hekulagnu elele doon henan oiteb ele amu, ah ag kobol amu lamen bia takaglagnu ool daate.

¹¹Ipunitak awak haenpa amu ah ag dagom daanna, ipunitak nai aoglag. ¹²Da ah laipu laa nug ipunitak ah daakunu o danab dilag iki daakunu aib aтем. Nug anam ii daama, nug dagomib

daaku. ¹³ Amu diig am inam. Kayak nug Adam tatam hewowa, dimpa Ewe heum. ¹⁴ Laa ele, Adam nug nai ham bupuaknu oopa genab ii doyom. Ah nug nai ham bupuak oopa genab doya he, hipunin beum. ¹⁵ Amge ah ag nid awona, atog noadk_ulagnu udat na_dinab henana, “Ig wan imupan udat okai hetem amunu Kayak edua ii awigma,” aib apig. Iita. Ag Kayaknu oolagpa genab doonna, ag oo mauhak kobolpa daanna, ag dab mak tutuku opia awak elepa daapeg amu Kayak nug ag edua diiku.

KRISTEN TAMANIAK GUMAKNU DANAB DILAG NAI

3 Nai imu am genab, danab nug kristen tamaniaknu gumak iki danab bekunu oo niieb amu nug aaku udat enanu oo mauhte. ² Amunu laa ag kristen tamaniak gumak iki danab, nuhigpa ehed laa anidk_ulagnu elele iitanu amu nug tutuku dayad! Nug ah laipu gamu aakuib daya, nug atog noak oiya, nug dab mak babaita, dab mak ena ele atog noa, ena dayaya oiyad! Nug do danab doteb ele amu, ag atog noata, nug danab ah ele nai ipuanadk_unu elelenab dayad! ³ Nug le gagatag lanak danab, wagai mak danab ele ii daama. Nug am madod danab dayaya, naipa nug qak ii hema. Nug enubnu ele hik ii qema. ⁴ Nug baekudpa ena omalata heeb, nug bekod ag nug waapa daanna, ag keeke oh madod kobolpa nug ode dim lamidpeg, nug gumatak udat amu elele had! ⁵ Am laa nug nug baekudpa atog noata, omalatak ii doote amu nug atemun Kayaknu kristen tamaniak dab madata daaku. ⁶ Kristen bau nug enaen mak, iki okai kobol haaha amu nug Satan na qa nob awom bia na qemanu, nug kristen tamaniaknu gumak iki aib dayom. ⁷ Laa ele amu danab nug kristen tamaniaknu gumak iki danab daakunu oo daate amu nug dimitim danab, ag

noolagpa danab ena iita dayeb amu nug uda neeb, nug Satannu uhuipa nomanu amu nug ag noolagpa ele danab ena dayad!

TAMANIAKNU TOLIAK DANAB DILAG NAI

⁸ Aria Kayaknu tamaniaknu toliak danab amu, ag ele kobol tutuku dab menana, ag danab odelag adit ele ii daamna. Ag le gagatag huana ele ii lamana amu danab enulag hamu yabhok ele ii aomna. ⁹ Ag oolag opia awak dayeb, ag oopa genab doyaknu nai genab amu gagatag adeg! ¹⁰ Amge tatam ahilag udat enatai o nautai amu atog nona anidna, elele anidpeg amu ag tamaniaknu toliak danab dayeg!

¹¹ Amu ag waalkad ele ag anamib dab mak tutuku aon oiglag. Ag dimug nai ii matimna. Ag tutuku oinna amu ag ham bupuak kobol laa ele ii hemana.

¹² Kayaknu tamaniaknu toliak danab, nug tamaniaknu iki waapa daate ele amu, nug ah laipu aakuib gamu daaku, nug nuhig ah nid naunau ele peheta atog noadku. ¹³ Danab ag Kayaknu tamaniaknu toliak udat elele heteb amu ag anuqak daanna, ag oopa genab doyak nainu gagatag mehuqk_ulagnu elele daateb.

¹⁴ Nakok laa ele amu da na gumite gokulnu dab metem amge gemu da nahippa keeke imunu iiku yaatem. ¹⁵ Amunu diig am, da paha na gumite ii gopi amu na nai imu eb qena, na Kayaknu tamaniak atem tolidpe, ena oiglagnu dookut. Tamaniak am Kayak bauklelnu keeke, nai genab diig ele daate. ¹⁶ Genab, ig kristen tamaniakpa daatem, ig doyak laa adatem amu doyak amuam lokumak dayeye, gehaib miag atiom. Doyak amuam unuqagnab ele daate. Doyak amuam inam. Jesus Nug danab bedu awa, miag atia beum. Kayak Oudi Nug ig Nug tutukunab ipunike, en-

gel ag Nug ele anidp̄ig. Nuhig nai am danab oh dilagpa uke, wanpanu danab ah ag oolagpa genab doop̄ig. Kayak he, Nug hab at̄an teum.

TIMOTIUS NUG TAMANIAKNU DANAB AH AT̄EN IPUANAD̄KU

4 Kayak Oud̄i Nug miag ipunigte, haen gamag imupa danab laala ag oolagpa genab doyak uuna, ag oud̄i ham bup̄uak dilag nai amu oud̄i nau dilag nai ele dim lamid̄kulag. ²Doyak amuam ham bup̄uak danab ag kobol ham bup̄uak henana, nai ham bup̄uak amu yaaeg bet̄e. Ham bup̄uak danab amu ag oolag amu ahilag dab maknu od ele maiteb amunu ag ahilag hipuninnu dab ii medteb. ³Danab amu ag nug awak kobolnu aib anana, e laalanu, Kayak Nug danab ag oolagpa genab dooteb, nai genab ele dooteb, ag e amunu Kayak binag menana, e amu aon lakulagnum aum ele amu, ham bup̄uak danab amu ag e amu ele lakulagnum aib at̄eb. ⁴Ig doot̄em, keeke oh Kayak heum amu ig Nug amegpa, “Ena hen mekame,” atata aognig. Ged̄id̄kunignu ele iita. ⁵Aḍinu? Keeke amu oh Kayak naipa amu unuq̄it̄akpa ele ig aot lakunignu elele daate amunu ig aognig.

⁶Na maḍiak imu amu i laintad amelagpa madik̄ut amu na Kristus Jesusnu ehanit̄ak ena daak̄ut. Na anam hekut amu na am danab oopa genab doyak gagat̄ag ele amu na doyak ena oh, dab mak ele aona dim lamidna oitem amu danab ipuanad̄kut. ⁷Amge na kaya nai hamu, meu iita ele amu, na dab aib meme. Na Kayak kobolnu amu, na am bak ele daak̄utnu wagai men hena oiye! ⁸Aḍinu? Ig bedunig ehanit̄aknu udat hak amu nakokib ehanigte amge Kayak kobol amu nug keeke ohnu ehanigte. Nug ig gemu bau daat̄em amunu ehanigte amu bauklel dimpa uḍieb aognig amunu ele ehanigte.

⁹Nai imuam genab, danab ag oolagpa genab dooglagnum eledenab. ¹⁰Nai am inam. Ig Kayak bauklel, Nug danab ah oh edua awik̄ak diig daate, Nug danab ah ag nuhignu oolagpa genab dooteb ele, ag genab edua awik̄om daateb amu, ig nuhignu oonigpa genabnab dootta, Nug doa ehaniḡkunu ameg met̄em. Ig amunu am genabib doot̄em amunu ig udat naḍinab gagat̄ag ele heḍem.

¹¹Na nai amu danab ah oh amelagpa maḍinna ipuanad̄pe, ag dim lamiteg! ¹²Na amu nid̄ bau amunu danab ag ehed dooidmananu na enaib oiye! Na mauhnoak aib oime. Iita! Na nai maḍiak amu oiyak amu oo mauhak amu oopa genab doyak amu kobol tutuku nahip elepa, danab ag Jesusnu oolagpa genab doop̄ig ele amu, ag nahip kobol amu oh anidna dim lamid̄kulagnum elele daaglagnum oiye! ¹³Na da amel met̄em, haen imupa amu, na tamaniakpa Kayak nai eb qak udat henana, amunu mehuqna, ipunit̄ak ele maḍe! ¹⁴Haen tamaniaknu toliak danab ag epelag na bad̄enpa meeg, na Kayaknu gagat̄ag aome amu na amu daut aib atiom. Na gagat̄ag amu Kayak udat hekutnu aome amu udat amu aib uume.

¹⁵Keeke amu oh amu na dab menan, udat he! Danab oh ag na udat nahip hekutnu dab mak aome ele amu, na dab mak amu tuḍidna, laa ele aot̄em anid̄kulagnum amu na hik niḍeb he! ¹⁶Na naka kobol na heḍem, amu nai, na amu danab ah ipuanad̄tem ele amu, na amu oh atog nona dab menana he! Haen oh na udat gagat̄ag amunu hekut. Aḍinu? Na anam hekut amu udat nahip amupa na itit̄ak aoppe, danab ah na oden dooteb ele amu, Kayak Nug ag edua diiku.

TAMANIAKNU DANAB AH TOLIT̄AKNU KOBOL ENA

5 Na danab kaino aib aidme. Iita, na mamen ehanid̄tem amubia ehanit̄ak nai bodo et̄akpa ape doyaḍ! Nid̄ bau

amu na amapad dilag dootem amubia ehanate! ²Ah kaino amu na aninnu dootem amubia doonna ehanate! Nid ahin bau amu na apinmad bia doonna, kobol tutukupaib ehanate! ³Ah laa nug gamu mauhak, nid laa ele iita, qabnab dayeb amu na atog nona ehanite! ⁴Amge ah qab nug bekodtai o iita alakudtai laa daanna amu ahilag udat anuqak amu ag anilkad mamelkad alalkad ele ag nob ena edun mataglagnu atog noadkulagnu daate. Ao, Kayak Nug kobol amunu oo gamag ahate. ⁵Ah qab nug genab nuka baeg laipu daate amu nug Kayak ehanidkunu dab ma dayaya, tuqanpa amunpa ele unuqidte ⁶amge ah qab nug nuka bedunu hakib dim lamidte amu nug aaku mauhak bia daate. ⁷Na keeke imu danab ah amelagpa, ahilagpa nai laa ii daamanu, tutuku ape doyeg! ⁸Am danab laa nug tiilag laipu daateb ele amu, ag oolagpa nuhikudnab anuqak dab madata amu dimpa laa oh ele dab madata atog noadte am ena amge laa nug anam ii dab madata, atog ii noadte amu nuhig oopa genab doyak am ham bupuak, nuhig ehed hak amu oopa genab doyak iita dilag edadte.

⁹Ah qab nug mad 60 editom dayeb, nug gamu laipuib ele dayom dayeb, ¹⁰nug udat ena laala oh heum dayeb, nuhikud nid ena atog noata omaladtom dayeb, ab laapanu do danab e madtom dayeb, Kayaknu danab ah atog noadtom dayeb, laa qagaitakpa daaegeg ehanatom dayeb amu nug udat ena laala oh heum ele dayeb amu, ah qab amu na nug onig ah qab laa, ehanitak aoglagnu, onilag ele laipu ye!

¹¹Amge na ah qab, ag ah bau amu, ag onilag aib yaame. Adinu? Ag bedulagnu eedak doon, ag danab baula aoglagnu henana, Kayaknu udat di metaglag. ¹²Amupa ag anen anen ag anuka, "Da Kayaknu udatib dab mekul," madipig amu ag heeg, iita mete amunu ag

epediak aoglagnu daateb. ¹³Laa ele, ag udat ii hak kobol aona, lag lag tena nenana oiteb. Amu udat ii hak kobolib iita, ag nai, laa dilagnu aona, nai ham bupuak laala ele matieg ta, matieg neene, nai ehed ig akunignu elele iita amu maditeb. ¹⁴Amunu ah bau qab mak amu, ag danab bau aona, nid menunna, ag laulag atog nokulagnu do metem. Ag anam hepeg amu keked laa ag ihinignu nai nau matiglagnu ib laa ii anidmana. ¹⁵Na dootem, ah laala Kayak di metanna, ag aaku ib ena edidna, Satan dim lamidteb.

¹⁶Amu tamaniak nug ah qab, nug nuka baeg laipu, nug ehanidkunu elele daakunu amu Kristen ah laa, nug oopa genab doote ele amu, nuhigpa ah qab laa dayeb amu, nug ehanitad! Kristen tamaniak ug aib metom.

¹⁷Ag kristen danab, ag kristen tamaniak iki danab ag tamaniaknu udat ena heteb ele amu, ag danab amunu enanagnab doyeg! Amu kristen tamaniak iki danab, amu oolagpanu laala ag Kayak nai mehuqna, danab ah ipuanadteb ele amu, ag amu dilagnu amu ag anuqaknab doyeg! ¹⁸Amuam Kayak nai ate amubia. "Bulmakau nug wit mudte amu, na nug ode aib hautme." Laa ele, "Udat nid nug nuhig udat nob aokunu elele." ¹⁹Am danab laipu laa nug, "Iki danab imu nug ehed heum," ab amu na amu aib doome. Danab adit o ewam ag anam apeg amu na doye! ²⁰Am danab laa hipunin haaha daaku amu na danab ah noolagpa daug batan, tutuku mete! Amupa amu danab laala oh ele badan, hipunin ii hemana. ²¹Kayak amu Kristus Jesus amu Kayaknu engel oh ele noolagpa da tutuku na amenpa iiku atem. Na udat amu tutuku atog no! Na atog nonana amu na ameg laa dilagpa nai bodo etak anana, ameg laa dilagpa nai gagatag aib matime. ²²Na danab laa paha aon, tamaniak iki daakunu epen badepa aib meme. Na laa ag hipunin

heteb ele amu, na ag ele hipunin aib hepig! Na naka bedun atog nonana, opia awak daye! ²³Na bedunpa ode daate amunu na le hamuib am aib lame, wain nakok ele labepe, na ootpa ode, haen oh ba daate amu, heeb ehanidku. ²⁴Am danab ah laala dilag hipunin amu miag atiak ba, epediakpa tatam gofe amge laa am ahilag hipunin lokumak dayaya, dimpa epediak haenpa miag atite. ²⁵Amubiaib kobol ena laala amu geha iiku miag atiak bete. Laa dilag amu paha miag atiak ii bete amge amu ele am haen oh lokumak daakunu iita.

BEBEG DANAB DILAG NAI

6 Danab ah ag Kayak onignu amu kristen kobolnu ele nai nau amananu, begbeg danab oh ag dab mak inam aoglag. “Da dahil gumak, nug danab ena amunu da nug binag mekul.” Ag anam aon akulag. ²Begbeg danab ag Kristen daateb amu ahilkad okai ele Kristen daateb amu begbeg amu ag ahilkad okai dilag, “Nug am kristen, layalib, nug am keeke hamu amunu da nug ode tabapi neku,” aon aib apig. Iita ag inam akulag. “Nug am Kristen amunu da nuhignu ool mauhte. Nug am kristen amunu nuhigpa udat hetem amupa nug keeke ena aote am ena.” Ag dab mak anam aonna, udat ena hekulag. Keeke imu danab ah ag hekulagnu ipuanadna humadpe, ahan dim lamiteg!

KEEKE KUDUM AWAKNU KOBOL

³Laa nug ihinig Nadi Jesus Kristusnu nai, Kayaknu kobol tutukunu nai ele amu, nug nai tutuku amu uua, ipunitak hamu meu iita, nai imu ele laipu iita amu madiku amu ig doognig, ⁴danab amu nug hamu, iki okai kobol aakuib hete. Nug doyak laa ele iita. Nug od mak hamu ge iita hekunu, nai diig, naipa nug meh qak kobol amu ele hekunu oo okai daate. Kobol amupa kobol nau

diigdiig ele beteb. Am inam. Danab laanu oo nauhak doyak kobol, naipa nug qak kobol, wan yak nai matiak kobol, layagnu dab mak ehed awak kobol amu ⁵danab ag ahilag dab mak augigiak ele, ag haen oh oolag laipu iita ele oiteb. Nai genab amu ag ii adateb, oolagpa ele ii daate. Ag oolagpa Kayak nainu, “Keeke udat iitapa, hamu awaknu ib aaku,” aon ateb.

⁶Amge danab nug Kayaknu kobol tutuku dim lamitapa, nuhig keekapa, “Aaku elele,” dab mete amu nug enaib daate, keeke oh awom bia. ⁷Adinu? Bau menuak haenpa ig keeke laa ele ii domut, mauhak haenpa ele ig keeke laa aot ii gomata ⁸amunu amu takaknu keeke elele, e ele elele dayeb amu ig, “Imu am dahilnu elele,” aot akunig. ⁹Amge laa ag enulag kudum ele daaglagnu dab mak huanak aoteb amu ag ehed hekulagnu eedak aona, nena qeteb. Ag ameg qaknu keeke, meu iita ele amu, ag amunu mauhna, kaaka aqe oina, padal meteb. ¹⁰Keeke nau ohnu diig amu enubnu oo mauhak kobol. Danab laala ag enub ele daaglagnu wagai meteb ele amu, ag aaku oopa genab doyak kobol pakuna, ug kudum aaku aopig.

IG BAU DAYAK HAEN OHNU GAGATAG ADA DAYAKNU NAI

¹¹Amge na Kayaknu danab, na keeke amu oh di metan, awaidna daye! Na kobol tutuku, kobol Kayak Nug amunu oo hete, oopa genab doyak kobol, nug oo mauhak kobol, gagatag dayaya ug oh mawaknu kobol, oo mak kobol ele adan oiye! ¹²Ban ameg laa amu ban ameg laa ele a nug edidkulahnu nug meh qetep amubia na oopa genab doyaknu wagai men he! Na bauklel, Kayak Nug anuka na amu aokutnu oninpa eum ele amu, na amu hanhannu gagatag ade! Kayak Nug na oninpa e, na nahip oopa genab doyak, danab ah kudum amelagpa miag

maṭime. ¹³Kayak, Nug keeke oh bau madaṭe ele, Nug noobpa amu Kristus Jesus, Nug Pilatus amegpa nuhig diig tutuku maṭiom amu, Nug noobpa ele da nai imu na medaṭem. ¹⁴Nai am inam. Na Kristusnu nai tutukunab elelenab dim lamidpe ukeḅ, ihinig Naḁi Kristus Jesus, nuhig haen miag atieb bataḁut. ¹⁵Kayak Nug nuhig haen epediom daaṭe, haen amupa amu Kayak Nug heeb, Kristus miag atiḁu. Kayak Nug am binag okaḁi ele, Nug nuḁa am okaḁi daaṭe. Nug am king dilag King am okaḁi dilag Okaḁi. ¹⁶Nug nuḁa aakuiḅ ii mauḁṭe. Amahlak ig guḁuidta gokunignu elele iḁṭa ele amu Nug amupa daaṭe. Danab laipu laa ele Nug ii antom, laa anidḁunu ele elele iḁṭa. Nug binag amu nuhig gagaṭag haen oh ele nuhigpa dayeḁ! Amu genab.

¹⁷Danab ah wan imupanu keeke kuḁum ele amu tutuku ape doyeg! Ag aḁa ag binalag aib mepig. Ag keeke oh paha nauḁṭe ele amunu oolagpa genab

aib doopig. Ag Kayak, Nug nuḁa aakuiḅ keeke ena ena kuḁum, ig oonig gamag ahakunu meḁṭe ele amu, ag nuhignu aakuiḅ oolagpa genab doyeg! ¹⁸Laa amu danab ah amu ag uḁat tutuku, ena, dab mak enapa henana, ag danab ah ehanadnana, ag enulag laih opatna, danab laa do ele maṭeg! ¹⁹Ag anam heḁulag amu ag keeke kuḁum dimpa ehanadḁunu, ag bau dayak genab aoglagnu qag meḁulag.

²⁰O Timotius, Kayak Nug uḁat na meṭom amu na atog nona, dab meṭanna he! Na nai hamu, Kayak nai dim ii lamidṭe amu doyak ham bupuak, doyak amunu amu wanpan danab ag, “Doyak genab,” aṭeb amge anam iḁṭa, na keeke aḁit amu aib dim lamidme. ²¹Danab laala ag, “Ig doyak genab amu aomut,” aṭeb ele amu, ag aakḁu ahilag oopa genab doyak amu nai genab ele uupig.

Kayaknu ehanṁtak okaḁi hamu meḁṭe amu nahippa dayeḁ!

TIMOTIUSNU NAI 2 PAULUS YOM

NAI ENANU UDA NAK II DOYAKNU NAI

1 Kayak Nug Kristus Jesus nuhigpa ig bauklel megakunu nai qaqa aum amunu Nug he, da Paulus, da Kristus Jesusnu total danab daatem ² amu o Timotius, da nahipnu nai imu yaatem. Nahipnu amu da bekalnab doyeeye, ool ele mauhte. Kayak, ig Mamenig, amu ihinig Nadi Kristus Jesus ele, a ahilah ehanitak okai hamu megtep amu ahilah oo gai iita doyak kobol amu ahilah madod ele nahippa daaglagnu ool daate.

³ Da tuqan amun ele, da alalad hep-ig bia, da oolpa ab iita doyen, Kayak ode dim lamiten dayeye, Nug amegpa, "Ena hen medame," awe ainne, da nahipnu ele hanhan unuqidtem. ⁴ Da na amen leb neum amu amelpa do, da ool gamag ahakunu na gumiten gokulnunab dab metem. ⁵ Nahip oopa genab doyak am genabnab da daulpa daate. Danab laa amelagnuib iita. Oopa genab doyak amuam tatam na alan Lois, nuhigpa daye amu na anin Yunis, nuhigpa ele dayom. Amu oopa genab doyak amu nahippa ele daate, amu da oolpa genab dootem. ⁶ Amunu amu da na dautpa dokunu imu atem. Haen da epel na qadenpa memi, haen amupa Kayak Oudi Nug na ehah metom daate amu, na haen oh ehah amu mad ete! ⁷ Kayak Nug badaknu dab mak ii mekom. Iita, Nug gagatag dayaknu, nug oo mauhaknu amu ig ika ihinig hak atog notata daagnignu amu dab mak amu ig mekom.

⁸ Amunu amu na ihinig Nadinu madikutnu udan aib neum. Da nuhig nai mehuqen, mani guitakpa daatem amu dahilnu ele na udan aib neum. Iita. Kayaknu gagatag amu ehanitebeb,

da na ele i oh ug laala Kayaknu Nai Ena mehuqaknu beteb amu ug amu oh i maod oidu! ⁹ Kayak Nug ig edua awikom, ig nuhikud danab ah opia awak ele daagnignu oninigpa eum. Nug ihinig udat nobnu oninigpa ii eum. Iita, Nug nuqa oo niiom amu Nug nuhig ehanitak okai hamu megte amu ele dab maama, oninigpa eum. Nug ehanitak okai hamu megte amu ig megakunu anukanab, keeke ii dayom haenpa, babaita, ig mekom daate. ¹⁰ Amu lokumak dayom amge gemu ihinig edua awikak danab, Kristus Jesus, Nug udia he, miag atiom. Nug mauhaknu gagatag he, iita me amu ig atemun bauklel aognig amu Nug Nai Enapa ipunikom. ¹¹ Nug da Nai Ena imu mehuqkulnu, da total danab daakulnu amu ipunitak danab ele daakulnu meidom. ¹² Diig amunu amu da ug imu maotem amge da amunu udal ii nete. Adinu? Da nuhignu oolpa genab dootem amunu da keeke Nug da medom amu Nug tutuku atog noobob, haen oh dayeb ukeb, gog tak haenpa bataakunu doote.

¹³ Amu na Kristus Jesusnu ootpa genab doona, na nuhig daatem amunu na nuhig bauklelenu nai na dahilpanu aome amu, na amu dab menana, amuib dim lamidna oiye! ¹⁴ Kayak Nug Nai Ena metom amu Kayak Oudi, Nug am ihinigpa daate ele amu, Nug na ehanitebeb, na pehetak atog no!

¹⁵ Na doome, Asia danab ag oh da uuidna gopig, danab amunu oolagpa amu Piselas, Hemosenia ele a laa aaqu. ¹⁶ Da Nadi Nug Onesiporas amu nug baekudpa ele amu da Kayak Nug ahilagnu oo gai iita dookunu Kayak unuqidtem. Adinu? Onesiporas nug haen kudum da qagaitak daaiyi amu nug da ool ena daakunu ehanidom. Da mani guitak daami amunu ele nug uda ii neum. ¹⁷ Iita, nug Rom ipa udia, udat okai ha, da matida anidom ¹⁸ amunu

da keeke amu ohnu amu da gogtak haenpa, Nadi Nug nuhignu oo gai iita dookunu unuqidtem. Nug Epesus apa keeke kudumpa ehanidom ele amu na amu doon malame.

KRISTUSNU DAUP ENA DAYAKNU NAI

2O da bekal, na Kristus Jesusnu ehanitak okai hamu megte ele amu amupa na gagatag daye! ²Am nai oh dahil, da danab ah kudum noolagpa matiyyi doome ele amu, na danab dilag ena ele, ag am ode dim lamitak danab, ag laa nai amu ipuanadkulagnu amu na ag amelagpa madipe doyeg! ³Na Kristus Jesusnu daup ena daanna, udat imunu ug maope, na ig Kristusnu daup laala ig ele oh laipu maognig. ⁴Danab nug daup udat hete amu nug udat laala ele ii adate. Nug daup udat ena heebeb, daup iki nug nuhig udatnu oo mauhkunu aakuib dab mete. ⁵Laa nug, nug editaknu qaibad gote amu nug qaibad ukaknu dopa qaibad gote. Am nug dopa qaibad ii gote amu nug editaknu keeke ii medateb. ⁶Amu ele, danab nug dad udat gagatag hete amu nug meu laala, nug tatam aoku am kobol tutuku. ⁷Na da atem imunu dab mak aoppe amu Nadi Nug dab mak nahip matuleb, nai imu oh diig tutuku anidkut.

⁸Na Jesus Kristus, da Nai Ena maditem amubia, Nug Dawit budubpanu doum, Nug ele edua hibaitom amu, na amunu haen oh dab menan oiye! ⁹Da Nai Ena imu maditem amunu danab ag dahilnu, “Danab nau,” anana, ug diigdiig medateb. Ao, ag da mani guitakpa ele meidpig amge Kayak nai amu mani guitak daakunu elele iita. ¹⁰Amunu amu da ool gagatag qeten, da Kayak Nug danab ah nuhikud epediatom, amu ehanadkulnu heinne, ug imu oh maotem. Ag ele Kristus Jesus topanu edua awikak aona, haen oh hab

atan daaglagnu ehanadtem. ¹¹Imu nai genab. “Ig Nug ele mauhmut dayeb amu ig Nug ele oh bau daagnig. ¹²Ig ug maognignu gagatag daatem dayeb amu ig Nug ele keeke oh gumadkunig. Ig Nug di medaput, Nug ig ele di megaku. ¹³Amu ele ig Nug dim lamidkunignu awota, ihinig nai amu ii dim lamidtem amu Nug ele anam hekute? Iita, Nug amu nuhig nai genab dim lamidte.”

¹⁴Na haen oh keeke imu oh nahipad danab ah ag daulagpa dokunu amelagpa ape doyeg! Na Nadi noobpa ag amelagpa ag nai diigdiig amunu ag nug aib qepig, na gagatag ape doyeg! Nainu nug qak amuam meu iita, amu nug danab laa ele ii ehanidte. Kobol amu nug danab ag nai amu dooteb amu nug ag he nauhte b aakuib.

UDAT DANAB ENA AMU NUG KAYAKNU BINAG AOTE

¹⁵Kayak Nug nahipnu enaib dookunu amu na udat danab, nug nuhig udat ena hete amunu nug udat nuhignu uda ii nete, nug danab ah Kayak nai tutukunab ipuanadte ele, amubia daakutnu na udat nahip pehetakib he! ¹⁶Na nai nautud diigdiig aib matime. Adinu? Danab ah ag nai amu matinna daateb ele amu, ag Kayak di metan, umanab gokulag. ¹⁷Danab nai amu maditeb ele amu ahilag nai amu ihi nau anig yak okai mete amubia okai meku. Haimenias, Pailitas ele a am danab amunu laa aaku. ¹⁸Danab amunu amu ag nai genab apididna, ag inam ateb. “Ig mauhaknu edut hipaidta malamut, baula ii hipaidmata,” aon ateb. Ag nai amupa danab laala ag ahilag oopa genab doyak heeg nauhte. ¹⁹Amge Kayak Nug nuhig biidod gagatag epom daate. Biidod amupa am Kayak naipa, nai inam daate. “Nadi Nug nuhikud danab ah doyadte.” Nai laa ele inam daate. “Ag oh, ag Nadi onig

diiṭeb amu ag kobol tutuḳu iṭṭa amu di meteg!”

²⁰ Ao, Kayaknu tamaniak oopa amu danab ah ag lag oḳai laa oopa tapid laa golpa hak, laa silwapa hak, laa adpa hak, laa wanpa hak bia daateb. Tapid amu oolagpa amu danab ag laalanu ena dooteb amge laalanu amu enanag ii dooteb. Amubia amu danab ag tamaniak oopa daateb ele amu, ag ele anam daateb. ²¹ Amunu amubia danab laipu laa nug kobol nau oh amu lamite uḳe, nug opia awak daate amu, nug am tapid, nuhignu enanag dooteb, amubia nug Kayak amegpa enanag daaḳu. Anam dayeb, Naḳi Nug adi udat medaḳunu dab ma meteb amu Nug udat ena oh heḳunu elele daaḳu. ²² Amu nid bau dilag dab mak ehed nahip dab makpa beeb amu na tabape nad! Na kobol tutuḳu, oopa genab doyak, oo mauhak kobol, amu maḳod kobol ele, laala ag oolag tutuḳu ele, ag kobol nau uun, kobol ena amu oh adan, Kayak onigpa eteb ele amu, na ag heteb amubia he! ²³ Amge na nai kaaka, doyak iṭṭa ele amu na amu ele uue! Na dootem, maṭiak amu nug he, naipa nug qak beṭe. ²⁴ Kayaknu udat danab nug am naipa nug qak kobol ii hema. Iṭṭa, nug am ohnab noolagpa oo mak ele oiku. Nug ipunitak danab ena daaḳunu ehah awa, opodi bak kobol tapeb neeb, ug oh nug mawad! ²⁵ Nug dagom kobolpa, laa ag nai nuhig tapaeg nete ele amu, ag ib tutuḳu ipuanatad! Nug anam heḳu amu haen laa Kayak Nug ag oolag edukunu maṭeb, ag nai genab amu tutuḳu dooglagtai. ²⁶ Anuḳa Satan ag nug dim lamidḳulag nuhig adpa maatom amge Kayak Nug heeb, ag oolag edueb, ag nai genab doona, ag kobol ena ele doona amu ag baula nuhig adpa ii daamna.

HAEN GAMAG IMUPA AMU KOBOL NAU KUDUM BEḲU

3 Amge na doye, gog tak haen imupa amu ug naunab beḳu. ² Danab ag aḳa aḳa ahilagnuib oolag mauhḳu, ag men doḳonuib oolag mauhḳu. Ag aḳa beḳu-lag humana, enaen mak kobol henana, laa aon aon aqaglag. Geha ag anilḳad mamelḳad oḳelag tabapeg neeb, ag anen anen ag anilḳad mamelḳad dilag ele, “Ena hen medapig,” ii doomna. Ag opia awak ii oimna. ³ Ag tiilag laipu ele layam ena iṭṭa, ag opodi bak kobol ii uumna. Ag dimugnu nai mauhnoak maṭiglag, ag oolagpanu hak tutuḳu amu atog ii nomana, daḳud kobol henana, ag kobol enanu keked daaglag. ⁴ Ag kadoi layag kekedpa mak, ahilag dab mak nau paha dim lamitak, ag aḳa aḳuib danab oḳai dooglag. Geha ag beḳunu gamag ahak diigdiig amunuib oolag mauhaha, Kayaknu amu oolag ii mauhma. ⁵ Ag Kayaknu kobol amu gaḳalagpaib, danab amelagnuib, heḳulag amge Kayak kobolnu gagatag amu, ag di metaglag. Na danab amu dilagnu qe mena oiye!

⁶ Danab amunu laala ag haen oh qinonob ah dab mak tutuḳu iṭṭa ele amu, ag laulḳadpa tena, ham bupualadna heeg, ah amu ag oopa genab doyaknu ibpa ii oiṭeb. Ah amu ag beḳunu oo gamag ahak ameg qaknu hipuninpa daateb. Ahilag dab mak ehed eedate, ag ehedpanab daateb. ⁷ Ah amu ag haen oh ipunitak nai dooglagnu heteb amge ag nai genab aoglagnu elele iṭṭa. ⁸ Anuḳa Janis Jambris ele a Moses keked medapid bia, danab amu heteb ele, ag am nai genabnu keked daateb. Dab mak ahilag aḳu nauhom, ahilag oopa genab doyak amu ham bupuaḳib. ⁹ Am ahilag kobol amu ele oḳai ii mema. Ahilag dab mak, anuḳa danab ag Janis Jambris ele dilah kobol kaaka amu miag atiak anid-

pig amubia dab mak nau amu danab oh noolagpa miag atiak daaku.

**TIMOTIUS NUG KAYAKNU
NAI, OOPA ADAKUNU NAI**

¹⁰ Amge na da ele oida, da danab amelagpa nai imu matiyyi, oh doon malame. Na dahil oiyak doome, dahil kobolnu diig ele doome. Da Kayaknu oolpa genab gagatag dootem, amu da haen oh ool gagatag qedeṭe udat hein, da oo mauhak doyen, ug ele mawewe, gagatag daami amu na amu ele dootem. ¹¹ Amu danab ag Antiok, Aikoniam, Listra apa dahilpa kobol nau kuḍum hena, guitak meḍan, gedilna lamidpig, keeke amu ohnu amu na doome. Amge na dootem, ug amu ohpa Nadi Nug da ehanide, iita meum. ¹² Amu aun laa oh ag Kristus Jesus ele ou qena, Kayaknu kobol meupa oiglagnu oolag daate ele amu, ag ug kuḍum aoglag. ¹³ Amge danab nau, ham bupuak adi ele, ag kobol nau henana, tudidna naunab henana, ag laa ham bupualategeg, laa amu ag ele ag ham bupualadkulag. ¹⁴⁻¹⁵ Amge nahipnu amu na Kayak nai, nai amuam na doyak ena ipunita heeb, na Jesusnu ootpa genab dookutnu elele daate, na nai amu nid nakok daanna, dig men doona, na aun adi ag nai diig tutuku ele ipuniteg, na amunu ootpa gagatag genab dootem, ag ele doyadtem amunu na amu dab menan, adi keeke ipunidpig ele, nai amu adan oiye! ¹⁶ Kayak Nug he, nuhig nai aaku beum amu nai amu oh ig ehanigte. Aṭemun ehanigte? Ig amupa doyak aotem. Ig hipunin hekunig dayeb amu ig daug batak megate. Ig ena ii oignig dayeb amu ib tutuku ipunitge amu ig Kayak noobpa ena daagnignu ib ele ipunitge. ¹⁷ Diig amupa ig Kayaknu danab amu ig udat ena oh hekunignu aaku elele daatem.

4 Jesus Kristus Nug edua udiku, nuhig do maḍoḍ ele daaku amunu Nug bau

dayak adi amu mauhak adi ele epediadku, amu da Nug amu Kayak ele, a noolahpa na udat imu hekutnu gagatag na amenpa aṭem. ² Na amunu dab mak aonna, nai nuhig mehuqe! Danab ag nahip nai dooglagtai o iita iitai doomna amge na haen oh Kristusnu nai mehuqe! Haen oh ag Kayaknu kobol dim lamidkulagnu ag oolag yaan, daulag batan, gagatag ele aqe! Na amu henana amu, na bahin aib yom, ipunitak ele pehetaknab he! ³ Adinu? Dimpa haen laa amu danab ag ipunitak tutuku, meu ele, uuglag. Ag ahilag dab mak dim lamidna, ipunitak danab ham bupuak kuḍum diiglag. Diipeg, ipunitak danab amu ag nai laala, danab ag dooglagnu oolag niite ele, amuib apeg dooglag. ⁴ Amu ag nai genab meu ele amu di meṭana, kaya hamu amunuib daulag human dooglag. ⁵ Amge nahipnu amu na haen oh dab mak amahlak ele daye! Ug haenpa na gagatag daanna oiye! Kayak nai mehuqak udat am na he! Na Kayaknu mehuqak danab daakutnu amu na adi udat hekutnu daate amu na he!

⁶ Dahilnu amu danab ag da iupeg mauhkulnu haen miag do, da gokulnu aaku haen malom. Danab ag doḍ main Kayak medateb amu da amubia daatem. ⁷ Da Jesusnu udat ena hein malen, da adi udat hekulnu dayom amu hein, gogpa tein amu da dahil oopa genab doyak ele atog nomi ⁸ amu gemu nob ena da aokulnu amu Kayak Nug aaku meum daate. Nob ena amu Nadi, Nug danab ah tutukuib epediadte ele amu, Nug edua hibaitaknu dedpa da medaku. Amge dakaib iita, aun laa oh ag Nug edua udikunu tapadidna daateb ele amu ag ele madaku.

PAULUSNU UDAT MALAKUNU HETE

⁹⁻¹⁰ Dimas nug haen gemu imunuib dab mak awawa, da uuida Tesalonika ukom. Keresens nug Galata ukom, Ti-

tus nug Dalmesia ukom amunu na wagai mena, paha da gumidna udie! ¹¹ Lukas nukai da ele daatep amu na udikutnu amu na Makus, nug da ehanidkunu ena amu, na nug aope, a oh udied! ¹² Da Tikikas mei, Epesus ukom. ¹³ Na udinna amu lamem dahil Troas apa Kapas laupa apa uumi daate amu na aon udie! Buk oh ele akan udikutnu ool daate amge buk laa, ag buk amu keeke laa onig pasment, amupa hepig ele amu, na amu aon udikutnunab ool daate.

¹⁴ Aleksanda, nug am keeke braspa hak doyak danab amu, nug da ehednab heidom. Dimpa Nadi Nug kobol nug heum ele, amunu elelepa nob medaku. ¹⁵ Na ele nuhignu dab mena autna awe! Adinu? Nug ihinig nai tapeb na autanab aokunu dab ma heum.

¹⁶ Tatam da hetodiakpa meidpig amu laipu laa da ii ehanidom, ohnab da uuidna malapig amge da ab ag qade-

lagpa ii nemanu Kayak unuqidtem. ¹⁷ Ag anam hepig amge Nadi Nug da ehanidom, gagatag ele medom amunu da nai atem madikulnu amu doomi. Iita adi, ag hetodiak abenpa daapig ele amu, ag ele da odel doopig amu Kayak Nug da laion odepanu behidom. ¹⁸ Ao, Nadi Nug hak nau oh oopanu, nuhig abenpa daakulnu edua awidku. Ig Nug binag haen oh metu! Genab.

¹⁹ Na Prisila, Akwila amu Onesiporas baekudpa ele humitak dahil imu ape doyeg! ²⁰ Erastas nug am Korint daate amu Tropimus nug am ode ele amunu da nug Mailitas apa uuidmi daate. ²¹ Na haen gamag imupa, oug haen iita imupa, wagai mena, paha gumidna udie! Eubilus, Pyudens, Lainas, Klodia amu ig lainkad ele oh na humidteb.

²² Nadi Nug amu nuhig ehanitak okai hamu megte ele amu nahippa dayed!

TITUSNU NAI PAULUS YOM

PAULUS TITUSNU AMEG WAKNU NAI YOM

1¹⁻²Da Paulus, da bau dayak hanhannu Kayak, Nug ham ii bubuṭe, Nug anukanab, keeke laa ii heumpa, bau dayak hanhannu amu megakunu nai qaḳa aum, amunu oolpa genab doyen, ameg mein, Kayak Nug danab ah nuhiḳud daaglagnu tituanatom ele amu ahilag oopa genab doyak ipunigte bia, amu Kayaknu nai genab ipunigte amubia ele, da Kayaknu uḳat danab amu Jesus Kristusnu totol danab ele daatem.³ Amu Nug haen tituanom ele amu elele anṭa, Nug he, nuhig nai amu miag atiom. Kayak, Nug ig eḳua aiḳom ele amu, Nug da ele nai amu mehuḳkulnu uḳat meḳom.⁴ O Titus, i oh oopa genab doyak laipu aḳatep, oopa genab doyak amupa na da beḳalnab daatem amu, da nahipnu iiku yaatem. Kayak, ig Mamenig, amu ig eḳua awiḳak danab Jesus Kristus ele, ahilah ehanitak oḳai hamu megṭep amu ahilah maḳoḳ ele nahippa daaglahnu ool daate.

⁵Da am Krit nudpa uuidmi, amunu diig amu da anuḳa na amenpa ami amubia, na dahil uḳat pehetan tuḳidna, tutuḳu meṭan, na Kristen tamaniak oopa ab aben abenpa iki danab otiadḳutnu apa uuidmi.⁶ Amu aun nug danab ah noolagpa onig ena ele, nug ah laipuib gamu daya, nug beḳod amu ag oolagpa genab dooteb, ag mamelag ode tapaeg ii nete, ag kobol dubuṭid ele ii heteb ele amu, danab amubia na iki danab maadḳutnu elele.⁷ Kristen tamaniaknu gumak iki danab amu nug Kayaknu uḳat gumate amunu nug beḳupa ehed laa ii daama, nug danab laa amu ahilag dab mak ele hamu tapeb ii nema, nug paha opodi ii bema, nug le gagatag

huana lanak danab ii daama, nug ban hak kobol beḳupa ii niima, nug keeke kuḳumnu ameg ii qema.⁸ Nug amu ii hema. Iiṭa! Nug ḳo danab, ab laapanu uḳipeg amu ehanatad! Nug kobol ena ohnu oo mauhad! Nug oopa dab mak ena ele dayad! Nug tutuḳu opia awak dayaya, Kayaknu kobol oh dim lamitad! Nug nuḳa beḳu atog noa hakaḳa awak ele oiyaḳ!⁹ Nug danab ah nai genab tutuḳu opia awak ipuanadḳunu, nug ḳo tape nak danab nai gagatagpa toliateb, ag ahilag ehed hak amu genab miag atiak tutuḳu dooglagnu, nug nai genab, laa ag nug ipunidpig ele amu, gagatag adad!

¹⁰Adinu? Nai tape nak danab, ag odelagpa nai meu iita ham bupuak kuḳum maditeb ele, ag kuḳum daateb. Danab amunu oolagpa Juda laa ag gaḳa otadaknu dab mak oḳai aoteb ele amu, ag eḳatak anuḳak daateb.¹¹ Danab amu ag ham bupuna, men doḳo aoglagnu ipunitak nau heegeg, laa ag ahilag nai dooteb ele amu, ag amunu ena anana, nob laa, men doḳo, madateb. Danab ag ipunitak nau amu heteb amu ag amu henana, kobol ig heḳunignu elele iita ele amu ipuanadna, kobol amupa ag danab laala, ag waalkad beḳalkad ele oh amu ahilag dab mak kaboliteb amunu na ape, danab amu ag oḳelag qamuteg!¹² Anuḳa Krit danab ag ahilag nai mehuḳak danab laa nug nuḳa kobol amunu aum. Nug inam aum. “Krit danab ag nai ham bupuak danab, ag am doḳ daḳud nau, ag e huanak lanana, bahilag ele yaate,” awa aum.¹³ Nai amuam genab amunu na ag daulag gagatag batape, ag oopa genab doyak tutuḳu meṭaglag.¹⁴ Ag Juda dilag kaya hamu amu danab laa ag nai genab di meṭan, ḳo laala meteb ele amu, ag Krit ag nai amu, ḳo amu ele dim lamidmananu na ape doyeg!¹⁵ Am danab ag oolag dubuṭid iita ele amu, ahilagnu keeke oh opia awak ele daate

amge danab ag dubuṭid ele, ag oolagpa genab ii dooṭeb ele amu, ahilagṇu amu keeke oh opia awak iṭa. Ahilag dab mak amu ag oolag ele aaku dubuṭid teum daaṭe. ¹⁶Ag odelagpa, “Ig Kayak dooṭem,” aṭeb amge ahilag hakpa amu ag Kayak di medaṭeb. Ag danab naunab, ag oolag dagom iṭa. Kobol ena laa ahilagpa ii daaṭe amunu ag ena hekulagṇu elele iṭa.

IPUNITAK NAI DIIGDIIG

2 Nahipnu amu na danab ah oh ame-
lagpa, ipunitak nai ena adi ipunigte
ele amu, na amu ipuanadna, elelepa ape
doyeg! ²Na danab kaino ag atog noak
oina, ag kobol tutukunu dab menana,
dab mak ahilag tutuku atog nonana, ag
ahilag oopa genab doyak ena tutuku
daakunu, ag oo mauhak dooglagṇu amu
ag ug ohpa gagatag daaglagṇu ele ape
doyeg!

³Amu na ah kaino ag ele danab ah
opia awak doon oiglagṇu ib daaṭe, amu-
bia ag tutuku oinna, ag dimug nai
ii maṭimnanu, ag le gagatag huana ii
lamananu, ag kobol ena ipunitak ah
daaglagṇu, ⁴ag ah bau ag gamulkad
amu ahilkad nid naunau ele dilagṇu oo
mauhak dooglagṇu, ⁵ag ahilag dab mak
atog nonana tutuku daaglagṇu, ag laulag
atog nona dab metanna bapaidkulagṇu,
ag danab ahilkad amu ahilkad nid nau-
nau ele atog nona ehanadnana, dimitim
danab ag Kayak nainu nai nau ii maṭim-
nanu, ag gamulkad waalagpa daaglagṇu,
na ah kaino ag ah bau anam ipuanadku-
lagṇu ape doyeg!

⁶Amubia na danab bau ag ele oiyak
ahilag elelepaib oiglagṇu ape doyeg!
⁷⁻⁸Na amu na adi hetem amu na danab
ah ipulag enaib ipuanadnana, tutuku
he! Na danab ipunitak madakutnu amu
danab ag nahip nai ehed laa ii anid-
mananu amu na nai nau ele aib ou qeme.
Haen oh na kobol genabib adan, na nai

tutukuib maṭie! Na anam hekutnu diig
am nahip keked ag ihinigṇu nai nau laa
ii anidnana, ag uḍa nak dooglagṇu na
anam hekut.

⁹Aria begbeg danab dilagṇu amu na
ag ahilkad okai waalagpa daanna, uḍat
oh ahilkad okai oolag ena daakunu
henana, ag dagom daanna, ahilkad
okai dilag nai dim lamidkulagṇu, ¹⁰ag
ahilkad okai dilagpa yabhok ii he-
mananu, ag oolag tutuku genab ele
daaglagṇu, ahilkad okai ag Kayak, Nug
ig edua awikom ele amu, nuhig nai binag
mekulagṇu amu begbeg ag ahilag kobol
ohpa enaib hekulagṇu ape doyeg!

¹¹Kayaknu ehanitak okai hamu megte
ele, ehanitak amuam edua awiakunu
diig, nug danab oh amelagpa aaku miag
atiom. ¹²Kayaknu ehanitak okai hamu
megte amu nug ig Kayak di metak kobol
amu wannu oo gamag ahaknu dab mak
nau ele, ig amu oh uuta, ig wan danab
nau oolagpa oitta, ig dab mak atog nota
aota, tutuku oitta, Kayaknu kobol dim
lanidkunigṇu ipunigte. ¹³Ig anam oitta
amu ig Jesus edua udiaknu ded okai
amu ameg metem. Ded amupa amu Je-
sus Kristus, Nug am ihinig Kayak Nadi,
Nug amahlak okai ele miag atiak uḍiku.
¹⁴Kristus Nug ig do tape nak kobol
ohpanu edua awikunu, ig nuhikudnab
danab ah opia awak ele daatta, kobol
ena tutuku aakuib hekunigṇu amu Nug
ihinigṇu mauhom.

¹⁵Na nai imu haen oh danab ah daulag
gagatag batape doon, ag nai amu dim
lamiteg! Danab ag na nai maditem,
amunu na am keeke hamu bia aib
doopig.

KOBOL TUTUKU DIM LAMITAKNU NAI

3 Na danab oh ag ahilag gabman
waapa ele daaglagṇu daulagpa
dokunu, ag dagom danab ele daan
oina, ag uḍat ena oh hekulagṇu, ²ag

danab laanu nai nau ii amananu, naipa nug qak ele ii hemananu, ag haen oh kobol maḍodib hekulag⁹nu, ag danab ah noolagpa dagom daaglag¹⁰nu ape doyeg!

³Adinu ig anam oignig? Ig ele anuka dab mak naupa oimut, nai tape nakpa, Satan nuhig ham bupuakpa, ig kaaka mauhnoak oimut. Ig oo ahaknu keeke kudum, ig beḍunig gamag ahak aokunu hemut. Ig opodi be, amya oiyak kobolpa oitta, laa dilag¹¹nu ele oonigpa aeg beum. Ig oonigpa lainkad dilag¹²nu nau, ninig ele doot oimut. Ag ele ihinignu anamib doon oipig. ⁴Amge Kayak, Nug am edua awikaknu diig amu, nuhig do ena, oo doyak ele miag atie, ⁵Nug ig edua awikom. Ig ihinig hak tutuku hemutnu laa anta ii heum. Iita. Nug ihinignu oo gai iita doyom amunu Nug ig ihika, nuhig Oudipa Nug bauklel meke, ig bau menuak aomut. ⁶Kayak Nug Jesus Kristus, Nug am ihinig edua awikak danab amu, nuhig udatpa Nug nuhig Oudi ig elelenab mekom. ⁷Nug anam heum, amunu diig am, Nug Jesusnu ehaniṭak okai hamu megte, amupa Nug ig opia awak danab daagnignu, ig nuhig bauklel aot, hanhan daagnignu ameg mekunignu heum. ⁸Nai amuam genabnab. Aria na nai imunu amu na hanhan peḥetana abepe, danab ag Kayaknu oolagpa genab doopig ele amu, ag dab menana, hak enapa gagatag daaglag⁹nu dab mekulag. Hak ena diigdiig amu oh am danab ah ele ehanadte.

⁹Amge na oḍ mak mauhnoak, kaino onilag¹⁰nu ge iita matiak, do meunu nug meh qak ele amu na uue! Ig dooṭem, keeke amu oh amu ig kobol enapa laa ii ehanigmana. ¹⁰Laa ele danab laa nug tamaniak ena lopadte ele amu, na tolitak udat laipu hewona, laa ele hepe amu anam batad! Amu laa nug doy-aya, baula tipaleb amu tamaniak oopanu gedite! ¹¹Na dooṭem, danab amu nug ib ena editom. Nuka nuhig hipuninpa nug gedidte.

BAG QAK NAI

¹²Dimpa da Atemastai o iita Tikikastai mepi, na gumita ukeb amu na paha da gumidna, Nikapolis udie! Da oug haenpa amu da apa daakulnu dab metem. ¹³Na do doyak danab Senas amu Apolos ele, a oiglahnu keekenu amu na elele ehanate! A amunu keeke laanu tutu aib daapid! ¹⁴Aria ihinig danab, kristen adi, ag udat hekulag¹⁵nu, ag amupa bau dayaknu keeke aoglag¹⁶nu dooglag am ena. Ag hamuib daaglag¹⁷nu am aib.

¹⁵Am danab da ele daṭem imu oh na humidteb. Na danab aun adi ag ig ele oh Kayaknu oonigpa genab dooṭem, ag ig lainkad daṭeb amu ag humiṭak ihinig ag maṭe!

Kayaknu ehaniṭak okai Nug hamu megte amu nahippa dayad!

PILIMONNU NAI PAULUS YOM

PILIMON NAĐINU OO MAUHOM AMU OOPA GENAB ELE DOYOM

1 Da am Paulus, da Kristus Jesusnu hipalidak danab. Da ig lainig Timotius ele, i ad udug imu Pilimon nahipnu yaatep. Na i lainih enanag, amu na ihinih udat laipu ele daatem. ²Aria i amu kristen tamaniak na lautpa qag meteb amu i apinanih Apia amu Akipas, nug i ele udat imupa laipu hetem amu i ahilag ohnu ele nai imu yaatep. ³Ig Mamenig Kayak amu ihinig Nađi Jesus Kristus ele, ahilah ehanitak okai hamu megtep amu ahilah madod ele ahilagpa daaglahnu oonih daate.

⁴Haen da unuqidtem amu da nahipnu unuqitete, nahipnu ele Kayak amegpa, “Ena heme,” awe atem. ⁵Ađinu? Na Nađi Jesusnu oot mauhehe, nuhignu ootpa genab doon, Kayaknu danab ah ele dilagnu oot mauhte, nai amu da doomi. ⁶Am da nahipnu unuqiti, da Kayak amegpa na ig ele oh, ig oopa genab doyak dim lamidtem ele amu, ig amu dab metata, ehanitak ena diigdiig, ig Kristusnu keeke ena amu oh aotem ele amu, na amunu diig tutuku dookutnu unuqidtem. ⁷O layal, na Kristen danab ah dilagnu oot mauhe, ehanadna, gagaqag aqame amunu da ool gamag ahak nahipnu huanak dootem.

PILIMON NUG ONISIMAS AMAG BIA EDUA AOQU

⁸Amunu Onisimas imu, nug anuka nahip begbeg dayaya oolom amu na nug ele oot metan daakutnu iiku unuqidtem. Da am Kristusnu udat danab amunu da, “Na anam hekutnab,” akulnu elele dootem ⁹amge da oo mauhak kobol dab mein, anam hekulnu uumi. Da na nahip oo metak kobol dab menana, amu

hekutnu iiku unuqidtem. Yo, da am Paulus, da kaino mein oitem, da gemu Kristus Jesus onignu hipalidak danab daatem amu da, “Na he!” akulnu uuen, iiku amunu unuqidtem. ¹⁰Da na Onisimas, nug Jesusnu oopa genab doyakpa da bekal daate, amunu na nug dab medakutnu unuqidtem. Da mani guitakpa dayeye, nug Jesusnu oopa genab dookunu ib am da ipuniti, nug am dahil nid bia daate. ¹¹Anuka amu nug nahip udat peheťa elele ii heum amge gemu am nug udat ena haaha, na da ele oh ehanitkunu elele.

¹²Gemu da hepi, nug edua na gumiťa goku amge da nug ele oh golop bia dootem. ¹³Da Jesusnu Nai Ena amu mehuqiqi, ag da hipalidpig daatem amunu da mani guitakpa haen imupa dayeye, Onisimas hagaka aopi, na outpa, nug da ehanidebeb daagnihnu ool dayom ¹⁴amge na nug anam hekunu oot iitai daate amunu da nug hagaka ii aotem. Da na dituanin ii medatem. Iiťa. Da ool niite am na naka nahip kobol hak ena amupa hekutnu oot dayeb am na hekut. ¹⁵Nug am haen tutu na uuitom amunu geha na nug edun aope, hanhan na ele daaglah, amunutai Kayak Nug matu nuhig oolaknu ib ii oo neum. ¹⁶Nug tatam nahip begbegib dayaya, udat heum amge gemu nug am nahip begbeg aakuib ii daate. Iiťa. Gemu amu nug am Kristus onigpa na amap ele daate. Da nuhignu ool mauhte amge gemu na nuhignu oot huana mauhku. Ađinu? Nug gemu kristen daate amunu nug nahip udat pehetak haaha, oopa genab doyakpa nug am na amap ele daate.

¹⁷Amunu Kristusnu oo mauhakpa na dahilnu layam enanag dooidtem doona amu aria na da awidkut bia, na Onisimas edun awe! ¹⁸Nug nahippa keeke ehed laa heum dayeb, o nug keeke nahip laa nob ii meum dayeb amu na amunu nug

onig opin, da onil yaape dayad! ¹⁹Da Paulus, da daka epelpa nai imu ad udugpa yaami. Nug nahip keeke awom dayeb amu nob amu da geha na medakul. Na, “Paulus anuka ehanide, da nug nob okai medakulnu daatem,” amananu, da amu yaami. ²⁰Ao layal, Nadi onigpa na dahil dab mak dim lamidkutnu od medatem. I oh am Kristusnu danab amunu na kobol amuib hepe, da ool ena daaku. ²¹Da dahil oopa genab doyak amupa da genabnab dootem, na geha da nai ami imu oh na hekut amunu da ad udugpa nai imu aaku yaami. Amge da dootem, na gemu kobol hekutnu, da na amenpa

atem ele imu amu, na amuib ii hemana. Iita. Na amu editak, enanagnab hekut.

²²Da keeke laanu ele atem. Geha ag Kayak unuqidpeg doya, Nug da aida edua ag mateb, da gopi, na ele oh daagnihnu dab metem amunu na lag oo laa dahilnu bapaidkutnu ele od medatem.

BAG QAK NAI

²³Epapras nug ele na humidte. Da nug ele i oh am Kristus Jesusnu udat danab.

²⁴Dahilad udat laipu Makus, Aristakus, Dimas amu Lukas ele ag na humidteb.

²⁵Nadi Jesus Kristusnu ehanitak okai Nug hamu megte amu, nahippa dayad!

HIBRU DILAG NAI

KAYAK NUG BEKA ODEPA NAI AUM

1 Kayak Nug haen tatam amu ig memetankad dilagpa nai haen kudum ib laalapa ele propet odelagpa aawo beum ²amge Nug gemu, gog tak haen imupa amu, Nug Beka odepa ihinignu nai matiom. Kayak Nug Beka amu nuhig keeke oh aokunu aum, nuhigpa amu Nug keeke oh ele hatom. ³Kayak Beka amu Nug Kayaknu amahlak bianab dayaya, Nug Mameg daate amubianab daate. Nug keeke oh nuhig naipa gagatag aqate. Nug mauhom, amupa danab dilag hipunin uhuqa maṭa malowa, Nug edua hab aṭan ta, Nug Kayak, onig binag ele, Nug epeg nadiappa, amuam anuqak aben, amupa daate.

KAYAK BEKA NUG ENGEL EDATOM

⁴Engel ag am onilag ele, amu Jesus ele onig ele amge Nug onig amu engel onilag huana edidte, amubia Jesus Nug engel edadte. ⁵Kayak Nug engel dilag inam iinab aum. “Na am da bekal, gemu da na Mamen bemi.” Iiṭa. Laa amu Kayak Nug engel laipu laa nuhignu, “Da nug Mameg daakul, nug am da bekal daaku,” ii aum amunu ig nai amupa Jesus Nug engel edadte anidtem. ⁶Laa ele amu Kayak Nug beka tatamnu wanpa meeb udikunu haaha, Nug inam ele aum. “Kayaknu engel oh ag Nug binag meig!” awa aum. ⁷Kayak Nug engel dilagnu madikunu ha, Nug inam aum. “Nug he, engel ag ulah bia daateb. Nug he, nuhig udat danab amu ag ab diṭiak gakaḍak bia daateb.” ⁸Amge Kayak Nug Bekanu amu inam aum. “O Kayak, nahip do madod am hanhan daaku, iita ii mema. Na hanhan nahip kobol tutukupaib danab ah nahipad gumadtem. ⁹Amu na kobol

tutukunu oot daate, kobol tutuku iita amu na amunu na ootpa nau, ninig ele dootem amunu Kayak, Nug am nahip Kayak, Nug na tituanita, Nug oo gamag ahak, binan ele, na laipad oh dilag editak, na metom.” ¹⁰Kayak Nug baula ele Nug Beka amegpa inam aum. “Nadi, anukanab na wan imu heme amu gagatag daate. Na hab ele na epenpa heme. ¹¹Hab wan ele iita mekulah amge na am bauklel daakut. Hab wan ele a oh amu lamen alag mete amubia alag mekulah amge na anam ii hemana. ¹²Geha na danab lamem mapiteb bia hatkut. Amu geha na danab lamem baolin, laa meteb bia hatkut amge na amu hanhan idu laipu anamib daakut, na ii baolitem amu na nahip gog tak haen ele iita.” ¹³Kayak Nug Beka amegpa anam aum amge Nug anuka engel nuhig laa amegpa inam laa iinab aum. “Na da epel nadiappa, amuam anuqak aben, amupa daappe, dimpa da nahip keked na waatpa maadpi daaglag.” Iiṭa, Nug Jesus amegpa aakuib amu aum. ¹⁴Nug engel laa amegpa anam ii aum. Iiṭa! Engel ag am oudi, ag am Kayaknu udat heteb. Kayak Nug ag gona, danab Nug edua diikunu dab mete ele amu, ag ehanadkulagnu maate goteb.

KAYAKNU EDUA DIIAK AM KEEKE OKAINAB

2 Kristus Nug onig binag okai ele amu awom daate, Nug Kayak nai ipunikom, diig amunu amu ig Nai Ena ig edigmanu, ig nai doomut ele, nai amu ig adat, dab meta autanab aot, dim lamidtu! ²Anuka Kayak Nug engel odelagpa do nai aawo be, nai amu gagatag daatom. Danab ag tapaeg ne di metona amu ag nob nau, ahilag ehed hak elelepa aodpig. ³Aria gemu amu Kayak Nug ig edua awigkunu ib babaitom, udat nadi nuhig aaku daate amunu ig Kayaknu udat amu di metagnig dayeb

amu ig ehed hak ihinignu nob naunu dekadta oolta gokunignu elelete? Iiṭa! Ig elele iitanab. Nadi Jesus Nug nuḱa, edua awiḱak amunu amu Nug tatama, danab ag Nug odepa aawo doopig ele ag ig amenigpa nai amunu am genabnab ipunigpig.⁴ Kayak Nug eponak keeke, danab heḱunu elele iṭa diigdigpa nai amu gagatag qetom amu Nug nuhig Oudinu ehah diigdiig ele, Nug oo niiom bia, danab maṭom.

JESUS NUG IG EDUA AWIḱAK DANAB ANUQAK

⁵Aria ig gemu wan laa, buti adi bekunu aṭem amu, Kayak Nug engel ag amu gumaglagnu laa ii maatom. Iiṭa. Nug nuhiḱud danab ag gumaglagnu maatom.⁶ Kayak naipa, laa nug amunu inam yom. “Danab am adi keeke amunu na ag udat amu heḱulagnu dab meṭem? Danab bekalkad am adi keeke amunu na binalag anam madaṭem?”⁷ Haen tutunuib na engel waalagpa maadme amge na binalag maṭan, gagatag ele maṭame.

⁸Amu na keeke oh ag waalagpa maate, ag gumadḱulagnu daateb.” Yo, Kayak Nug keeke oh danab waalagpa meum, Nug keeke laipu laa ii uuiṭom daate amge gemu ig anidtem, danab ag keeke oh ii gumadteb.⁹ Amge ig Jesus anidtem. Kayak he, Nug Nug onig okainab uua, Nug engel onilag okai, onig amubia ii ada, onig nakok bia ada dayaya, ig danab ig ehanigḱunu mauhom amunu Kayak Nug humiṭa, binag onig okai ele meṭom. Kayak Nug ig danab ig ehanitak okai hamu megakunu dab maama he, Jesus Nug ihinignu mauhom.

¹⁰Kayak, Nug keeke oh diig, keeke oh Nug haṭom ele, amu Nug bekod kuḱum oh diia, aṭan teeb, ena binalag ele daaglagnu dab maama, Nug Jesus Nug guiṭak doyaya, ib amupa Nug edua diiaknu anuqak danab eledenab ba

daakunu aum. Amupa Kayak Nug kobol eledenab heum.¹¹ Laa amu Jesus Nug he, danab opia awak beteb. Amu danab opia awak beteb ele, ag Nug ele oh am Mamelag laipu waapa daateb amunu Jesus Nug amu dilagnu “Da lailad,” akunu Nug uḱa ii neṭe.¹² Amuam Nug ate amubia. Nug inam ate. “Kayak, da geha nahipnu da lailad amelagpa madipi dooglag amu da geha qag mak nadi noolagpa na binan meḱulnu ahi edakul.”¹³ Nug baula ele inam ate. “Da nuhignu oolpa genab dookul.” Nug laa ele inam ate. “Aria, da iiku nid naunau, Kayak Nug da meḱom ele amu, da ag ele daatem,” awa ate.

JESUS DANAB BEDU AWA BA, DANAB AH EHANATOM

¹⁴⁻¹⁵Nid naunau amu ag anilkad mamelkad ag bedulag bia bedulag aon oiṭeb amunu Jesus Nug Satannu gagatag, gagatag amupa nug he, danab mauhteṭeb ele amu, Nug gagatag amu heeb iṭa meḱunu, Nug danab ag wan imupan oiyak ahilagpa haen oh mauhaknu baḱak doon, ag amupa hipalak daapig ele amu, ag amunu uhuqak ele madaḱunu, Nug ele danab bedu awa, Nug mauhom.¹⁶ Genabnab Nug engel ehanadḱunu udat ii heum. Iiṭa. Nug Abraham buḱupud ehanatom.¹⁷ Amunu, diig amunu, Nug mana meṭak danab dilag iki, Nug oo gai iṭa ele doote daakunu, Nug udat nuhig amu pehetak ha Kayak medakunu, Nug danab dilag hipunin uhuqa madaḱunu elele daakunu amu Nug ib ohpa Nug laikud bia bekununab dayom.¹⁸ Amu Nug nuḱa hipunin heḱunu eedak doyaya, ug mawom amunu Nug danab ag hipunin heḱulagnu eedak dooteb ele amu, Nug ag ehanadḱunu elele.

JESUS NUG MOSES EDIDTE

3 Amunu ag Kayak baegpan danab, ag am ig lainkad, Nug ag hab aṭan

daaglagnu tituanatom ele, ag Kristus Jesus, Nug am ihinig oopa genab doyaknu mana metak danab dilag iki, Nug am ihinig oopa genab doyaknu totol danab daate ele amu, ag nuhignu atog nona dab mena autna aweg! ² Kayak Nug udat amupa meum amu Nug Kayak ode genab dim lamita heum. Amu Nug anuka Moses Kayaknu danab oolagpa Kayak ode tutuku dim lamita, udat heum bia heum. ³ Amge Kayak Nug Jesus onig okai, Moses onig editak ele, onig amu metom. Adinu? Jesus Nug am lag hak danab bia dayeye, Moses nug am lag ebehi bia dayom amu danab nug lag hete amu nug onig, lag onig editak daate, amubia Jesus onig am Moses onig edidte. ⁴ Amu lag oh am danab heeg daateb amge keeke ohnu hak diig am Kayak. ⁵ Moses nug am Kayaknu tamaniak oopa udat danab dayaya, Kayak ode genab dim lamita, dimpa keeke bekunu amu Kayak odepanu awa madiom. ⁶ Amge Kristus Nug am Kayak Bekanab, Nug Kayaknu danab dilag iki dayaya gumadte. Nug genab Kayak ode dim lamita udat hete amunu ig hanhan ig ihinig oopa genab doyakpa ehaniak aognignu dab mekunig dayeb, ig oonig gamag ahebeb, Nadi ameg ele mekunig dayeb amu ig aaku nuhig danabnab daagnig.

OOPA GENAB II DOYAK KOBOL AIB DAYOM

⁷ Amunu ig Kayak Oudi, Nug ode doognig. Nug ate. "Gemu ag Kayak ode doon ⁸ amu ag anuka danab ag hib guita hena, dahil nai tapaeg neum amubia aib hepeg oolag ituom. Haen amu ag atu tadakpa daanna, ag da adi hekulnu ami amu genab hekulte, o iita iite hekul amu anidkulagnu eedilpig. Haen amupa ag oolag kel dopig. ⁹ Aben amupa, ag gemu daateb amu, ag alalkad, ag da mad 40 anam keeke oh heiyi anidpig amge ag hamu bia doona, anam eedilpig.

¹⁰ Amunu da danab amu dilagnu opodil be inam ami. 'Danab imu ag haen oh dahil ib amu apididteb. Ag dahil kobol ena amupa elele ii oiteb.' ¹¹ Da opodil be, nai dahil gagatag qeten inam ami. 'Ag hik awak dahil iinab aomna!'" Kayak Oudi Nug anam aum. ¹² O lailad, ag lailag laa ag oolagpanu nug dab mak nau, amu oopa genab doyak ele iita, amubia oiya, Kayak bauklel di metamanu, ag dab mena autna aweg! ¹³ Ag Kayak ii di metamna. Iita. Ag gemu haen imupa Nug baag dooglagnu elele daateb amunu Nug haen imunu, "Gemu," awa ate, amunu ag haen imupa ded ohpa ehed hak kobol laa ag oolag bubuiteb, ag gagatag qetamnanu amu ag ag lailkad Nai Ena amelagpa matinna, dab mak ahilag mad ateg! ¹⁴ Adinu? Ig Kristus ele tamanit, laipu daagnignu ib am laipuib. Laa iita. Ib amuam inam. Ig tatam Kristusnu oonigpa genab doomut amu, ig amuib adaput ukeb, mauhak haen ihinigpa ele oopa genab doyak nuhignu amu aakuib adagnig dayeb amu amupa ig genab Kristus ele tamanit daatem. ¹⁵ Amuam nai ig geha iiku anidmut amubia. Nai amuam inam. "Gemu ag Kayak ode doona amu ag anuka danab ag hib guita hena, Kayak ode tapaeg neum ele, amubia aib hepeg oolag ituom." ¹⁶ Anuka aun adi ag Kayak ode doona, hibguita hena, nai nuhig tapaeg neum? Amuam danab oh Moses nug omalate, Igipta uun, ahan gopig ele. Ag kobol amu hepig. ¹⁷ Kayak Nug mad 40 haen amu ohpa aun adi dilagnu opodi bak doyom? Nug danab ag hipunin qenana, mauhna atu tadakpa niipig ele, ahilagnu opodi bak doyom. ¹⁸ Amu Kayak Nug aun adi dilagnu genabnab nuhig hik awak ii aoglagnu aum? Nug danab ag nuhig nai tapaeg neum ele, amu dilagnu aum ¹⁹ amunu ig anidta dootem, ag oolagpa genab ii doopig amunu ag

Kayaknu hik awaknu abenpa wakulagnu elele iita.

KAYAKNU DANAB AH DILAG HIK AWAK

4 Aria Kayak Nug tatam nai qaqa aum daate. Nug inam aum. “Ag dahil hik awak aoglagnu elele daateb,” amunu danab laa ag oolagpanu nug hik awak amu eta ii aomanu amu ig dab meta auta aotu! ² Adinu? Ig anuka Israel ag Nai Ena doopig bia, ig ele doomut amge ag am hamu bia doonna, ag oolagpa genab ii doopig amunu Nai Ena ag doopig ele amu, ii ehanatom. ³ Aria ig Jesusnu oonigpa genab doomut ele amu, ig amunu Kayak aum bia aaku Kayaknu hik awak aotem amge laa ag oolagpa genab ii dooteb ele, Kayak Nug ahilagnu inam aum. “Da opodil be, nai dahil gagatag qeten inam ami. ‘Ag hik awak dahil iinab aomna!’” Nug hik awak aben amu ii babaitom amunu ag ii aopig, anam iita. Nug hik awak aben amu matu dig mak haenpa babaitom daate. Ag oolagpa genab ii doopig amunu ag ii aopig. ⁴ Amu Kayak naipa nai laapa Kayak Nug ded eblaih aditnu inam ate. “Kayak Nug udat nuhig oh ha malowa amu Nug ded eblaih aditpa hik awom.” ⁵ Aria Kayak Nug hik awak laa, danab ag hik aoglagnu babaita malom. Nug ele ded eblaih aditpa hik awom amge Israel dilagnu Nug inam ate. “Ag dahil hik awak iinab aomna,” ⁶ amunu ig anidtem, danab ag hik aoglagnu daateb amge danab ag anuka Nai Ena doona, tapaeg neum ele, ag oolagpa genab ii doopig amu, ag ii aopig amge hik awak amu babaitom daate amunu laa ag aoglag. ⁷ Amunu Kayak Nug ded baula, ded amuam onig, “Gemu,” meum. Tatam meum, dimpa mad kudum laa uue, Kayak Nug Dawit odepa nai tatam anak daate amubia aawo beum. Nai amuam inam. “Gemu ag Nug ode doon amu ag aib hepeg,

oolag ituom.” ⁸ Amu Josua nug danab amu Kayaknu hik awak matalo amu Kayak Nug dimpa ded laanu ii matilo ⁹ amunu Kayak Nug nuhikud danab ag hanhan hik enanag aon daaglagnu hik awak amu babaitom daate. Amuam ded eblaih adit elenu hik awaknab ahilag. ¹⁰ Adinu? Aun nug Kayaknu hik awak aote, nug udat nuhig ii hete. Nug hik aote, Kayak Nug hab wan ele ha malowa ded eblaih aditpa hik awom amubia. ¹¹ Amunu ig ele hik awak amu aot daagnignu amu Kayak Nug amunu adi ate amu ig hetu! Ig anuka Israel ag Kayak ode tapaeg neum bia padal mekunignu ii hemata.

¹² Kayak nai am keeke bau, udat haaha daate. Nug am qep laa aeg laih laih ele, udat nuhig enanag hete amu, Kayak nai nug udat nuhigpa qep amubia edidte. Nug keeke qata etaknab daatep am okula aokunu elele. Danab nug dab makpa adi dab mete amu nug oopa adi doote amu Kayak nai keeke amu oh epedidte. ¹³ Amu keeke laipu laa Kayak Nug amegpa lokumak iinab daate. Iita, keeke oh am Nug amegpa miagib amahlakpa daateb. Amu dimpa ig Nug noobpa daata, ihinig haknu matignig.

MANA METAK IKI AMU JESUS

¹⁴ Anam daate amunu ig oopa genab doyak ihinig, ig heut miag atite ele amu, ig amu adat auta aotu! Adinu? Ig ihinig mana metak danab dilag iki, Nug hab atan teum daate. Nug am Jesus, Kayak Beka, Nug daate. ¹⁵ Ele amu ihinig mana metak danab dilag iki, Nug am danab laa ihinignu oo ii dookunu laa iita, hipunin hekunu eedak kobol oh ihinigpa bete amu, amu ele nuhigpa beum amge Nug hipunin laa iinab heum amunu keeke nuhigpa beum bia ihinigpa beebe, ig gai iita bia daautut amu Nug ihinignu oo doyak dookunu eledenab daate. ¹⁶ Amunu Kayak Nug

ihinignu oo gai iita dookunu, ug haenpa Nug ig ehanitak okai hamu megakunu amu ig ii badaa, Kayak gumita gokunig.

KRISTEN LAA NUG KRISTUS DI METAMANU NAI

5 Aria mana metak danab dilag iki tituanaknu kobol amu inam. Kayak Nug danab oh oolagpanu danab laa, nug danab ah odelag awa, Kayak amegpa akunu, Kayaknu udat ele hekunu, tituana mete. Danab amunu udat am nug Kayak do medakunu, amu Kayak Nug danab ah dilag hipunin uhuqa madakunu, nug dod ele mana, Kayak medakunu daate. ²Nug ele hipunin hekunu eedak aote amunu nug danab ag ootot daateb, ag ib apididteb ele amu, nug oo bodo etakpa atog noadkunu elele daate. ³Amu mana metak danab amu, nug ele hipunin hekunu eedak aote, hipunin danab ele daate amunu Kayak Nug danab amu, nuhig hipunin uhuqa medakunu, danab laa oh dilag hipunin ele uhuqa madakunu, mana metak danab amu nug dod mana, Kayak medate.

⁴Aria mana metak udat amuam binag ele, amu danab laa nug nukā nug nuhig dab makpa nug binag amu awa, udat amu hekunu ii hema. Iita! Kayak Nug tatam, anuka Aron udat amu hekunu onigpa eum amubia, Nug danab udat amu maokunu, danab amu onigpa ete. ⁵Amu Kristus Nug ele am anam. Nug nukā binag amu awa, mana metak danab dilag iki ii beum. Iita! Kayak amegpa aum. “Na amu da bekal. Gemu da na Mamen bemi daatem,” awa aum. ⁶Kayak naipa aben laapa amu Nug inam ele aum. “Na am Melkisedek bia, mana metak danab hanhannu daatem,” awa aum.

⁷Aria anuka Jesus Nug danab bedu awa, wanpa dayom, haen amupa Nug Kayak unuqitata, Nug ele Kayak keeke

laala hekunu od metom. Nug mauhowa, ib laapa edua hipaidkunu elele iita, Kayak Nug anam ehanidkunu elele dayom amunu Jesus Nug Kayak amu hekunu gagatag od medata, ameg leb ne, Nug nukā binag qe ne, Kayak ode dim lamitom amunu Kayak Nug nuhig od mak amu odepā awom. ⁸Jesus Nug am Kayak Bekanab amge Nug ug mawa, Kayaknu nai dim lamita mauhom, amupa Nug ipunitak awa auta awom. ⁹Jesus Nug ug amu oh mawom amupa Nug mana metak iki daakunu elelenab metom amunu Nug danab oh nuhig nai dim lamidteb ele am ehanata, edua diie, ag hanhan ena daaglagnu diig daate. ¹⁰Nug anam dayeye, Kayak tituana aum. “Na am Melkisedek bia, mana metak danab dilag iki daakut,” awa aum.

¹¹Aria Melkisedeknu nai amu unuqagnab, ig nota aput, ag nai imu aoteb ele amu, ag dooglagnu ana daate amge ag oolag ootot ele daateb, ag paha oolag maidkunu elele iita amunu ig aput dooglagnu amu ig udat nadi heta, nai diignab aput dooglag. ¹²Ag ipunitak danab bena daaglagnu haen elelenab dayom amge iita, ag doyak ahilag qakub amunu laa nug ag Kayak nainu diig edua ipuanateb aoglagnu daateb. Ag am e gagatag lakulagnu amu elele iita, ag huhib lanana daaglagnu elele. ¹³Ig dootem, danab oh ag huhib lateb ele, ag am nid yud daateb. Amu ag kobol tutuku iinab dooteb. ¹⁴Amge e gagatag am danab kalulag ele, ahilagnu daate. Danab anam amu ahilag dab mak am okai meum, ag dab mak elele aon oiteb amunu ag kobol ena, nau ele epedin dooglagnu elele.

KAYAK ADI AUM AM GENAB HEKU

6 Amunu ig Kristusnu nai dig makpan baubau haen oh ii matimta. Ig danab kalu ele ma nai madite, amubia daagnignu hetu! Amu ig dig maknu nai, amuam ig onig edueb, kobol nau oh

genab iita ele di metagnignu nai, ig Kayaknu oonigpa genab doognignu nai, ²layatak diigdiignu nai, epeg danab badepa maknu nai, Kayak Nug mauhak danab mađ eteb edua hibaitaknu nai, Kayak Nug danab ah oh ag epeditateb, ag hanhan nob ena o iita nob nau aon daaglagnu nai ele amu, ig nai amuib ii matimta. ³Iita! Kayak Nug ig ehanikeb, ig nai unuqag daate ele, amunu matignig.

⁴Adinu? Danab ag Kayak Nai Ena aopig, ag matu hab atanu do ena aon oolagpa mepig, ag Kayak Oudi ele aopig, ⁵ag Kayaknu nai doona, enanag anana, Kayaknu haen ena dimpa ahilagpa bekunu ele doopig amu, ⁶danab amu ag nena qena, Kayak di metaglag dayeb amu, ag anam henana, ag oolag edueb, Kayak topa wakulagnu ib laa iita. Adinu? Ag kobol amupa Kayak Beka baula ad emaitakpa atulna, ag Nug ad emaitakpa danab ag nuhignu uda laaitak nai akulagnu aihtebe.

⁷Am imubia. Haen kudum gu wanpa ne, wan nug lepu amu awa, danab ehanate, e ebapig ele am ena bete amunu Kayak Nug wan amu ititak ena medate. ⁸amge wan laa ud nau diigdiig amupa beteb, wan amu udar ena ii hete amu wan amu nug ititak nau waapa daakunu miagnab daate. Danab ag maiglagnu daate.

⁹O lailad, genab gemu ig nai ug ele amu ag dooglagnu maditem amge ig genab dootem, ag padal mak anam bia ii aomna. Iita! Kayak Nug edua diiom amupa ag ehanitak aoteb. ¹⁰Kayak Nug epediak ehed laa ii hete amunu ag udar nuhig hepig, ag nuhignu oolag mauhte dab menana, nuhikud danab ehanadpig, gemu ele anam heteb amu Nug amu oh daug ii atima. ¹¹Amu ag dimpa gogtak haenpa adi adi aoglagnu dab meteb ele amu, ag amuib aoglagnu elele daaglagnu, ig ag udar ahilag gemu ena

heteb amu ag anamib hepeg ukeb, gogtak haenpa malaglagnu oonig daate. ¹²Ig ag paha oolag bahi yak dooglagnu oonig ii daate. Iita. Ag danab ag oolagpa genab doona, oolag bahi ii ye, Kayak epegpa ehanitak aoteb ele amu, ag amu ahilag kobol dim lamidna, ag keeke oh anuka Kayak Nug bekod ele madaakunu nai qaka aum amu aoglagnu oonig daate.

¹³Aria anuka haen Kayak Abraham amegpa keeke hekunu nai qaka aum amu, danab laa nug Kayak editak laa iita amunu Kayak Nug, Nug onigpa nai nuhig gagatag qeta aum. ¹⁴Nug inam aum. "Da genabnat atem, da ititak nadi medete hepi, na budun ag apatna, kudum daaglag," awa aum. ¹⁵Amunu Abraham nug oo makpaib, bahi yak ele iitapa nai amu ameg ma dayaya, keeke oh anuka Kayak medakunu nai qaka aum amu aaku awom.

¹⁶Aria, nai gagatag qetaknu kobol am inam. Danab nug nai nuhig danab laa onigpa gagatag qedte. Danab laa am laa, nai gagatag qedte ele amu, nug editak amunu danab laa nug layagnu nai amu nuhig nai edidmanu amu nug laa onig awa, atan ma, nuhig nai onig amupa gagatag qedata, layagnu nai okulte. ¹⁷Anuka Kayak Nug ig Nug bekod ehanigkunu nai qaka aum, Nug nai amu iinab baolimanu ipunika auta aokunu amu, Nug nai nuhig Nug onigpa gagatag qetom. ¹⁸Aria gemu am keeke adit, laa am Kayak Nug keeke genab hekunu nai qaka aum, laa am Nug nuhig nai, Nug onigpa gagatag qetom, keeke adit amuam baoliglahnu elele iita amu, Kayak Nug keeke adit amunu hamu bia ii doyata, Nug keeke adit amu uuata, keeke laa hekunu elele iita, amupa ig danab ig Kayak noobpa ena daatem ele amu, ig oonig genab gagatag qedtem. Amunu Kayak Nug ig gog tak haenpa bauklel mekeb aognignu ameg

mekunignu aum amu ig elele dootta, ameg mețem. ¹⁹Amu gog tak haenpa ig genab bauklele aognig, dab mak amuam ig dab mak diigdiig dim lamidmatanu, ub mameg nug ubnu keeke ug ele, onig anga, eum daate amubia adaike daatem. Ihinig ehanitak amuam keeke genab, hab atannu mana metak lag oo gun elepanu udite. ²⁰Amu mana metak danab ag danab ehanadkulagnu dođ main Kayak medateb amubia Jesus Nug tatam lag oo amupa, Nug nuka Nug bedu Kayak meteb, ig ehanigkunu noum. Nug am mana metak danab dilag iki, Melkisedek bia hanhan beum daate.

MELKISEDEK NUG AM MANA METAK DANAB ONIG ELE

7 Melkisedek nug am Salemnun king amu nug am Kayak atannabnu mana metak danab. Anuka Abraham nug ban ha, king aqowa, edua apagpa ugeke, Melkisedek nug Abraham ele ibpa nug uda teya, ititak metom. ²Metete amu Abraham nug keeke nuhig opate, ameg eblaih tanig ele neeg, ameg laa Melkisedek metom. Melkisedek onig, nuhig mehuqak am, “Kobol tutukunu gumak danab.” Melkisedek nug am Salemnun gumak danab. Salemnun diig am, “Madodnu gumak danab.” ³Kayak nai am nug anig mameg amu nug mametab ele ii ipunigte. Menuak ded nuhig amu mauhak ded nuhig ele ii ipunigte. Nug am Kayak Beka bianab daate. Nug am mana metak iki hanhannu daate.

⁴Aria Melkisedek nug am danab onig okai ele amu, ag anteg! Nug am onig okai iita ele daalo amu Abraham nug ban ha, keeke awom amu ameg laipu nug ii metalo amge anam iita. Nug ameg laipu metom. ⁵Amu Jakop beka Lewi budub oopanu laala ag mana metaknu udat aoteb ele amu, do ag keeke ameg eblaih tanig ele oopanu laipu, Israel di-

lagpanu aoglagnu ate. Amu Israel laa oh ag am budub amunuib, ag lailkadnab, ag oh am Abraham budub daateb amge do nug ag mana metak danab keeke ameg laipu mataglagnu ate. ⁶Melkisedek nug am Lewi budub oopanu iita amge nug Abrahamnu keeke ameg laipu awowa, nug danab, Kayak nug amegpa keeke laa heeb bekunu nai qaka aum ele amu, nug ititak metom. ⁷Aria ig dootem, danab nug ititak medte ele amu nug am okai, onig ele. Nug laa ititak aote ele amu, nug edidte. ⁸Am gemu Lewi budub, ag am danab mauhtebe ele amu, ag keeke ameg laipu aoteb amge Melkisedek, Nai Ena ate amubia, nug bau daate ele, nug keeke ameg laipu amu awom. ⁹Amunu ig inam akunignu elele. Lewi nug gemu keeke ameg laipu aote amge Melkisedek, nug anuka keeke ameg laipu Abraham epegpanu awom, amunu nug aaku Lewi epegpanu keeke ameg laipu ele awom bia daate. ¹⁰Ađinu? Melkisedek nug Abraham ibpa ante, Abraham nug keeke ameg laipu metom. Amu Abraham nug am Lewi memetab amunu Lewi nug bedupa aaku dayom.

JESUS AMU MANA METAK DANAB HANHANNUN, MELKISEDEK BIA

¹¹Aria, Lewi budub ag ahilag udatpa Israel danab ehanadpeg, Israel danab ag do waapa elele daaglagnu daapig amge udat ahilag amu heeb, danab ag elelenab bena daalob amu adinu mana metaknu danab laa, Aron bia iita, Nug am Melkisedek bia, bekunu dayom? ¹²Aria do nug Lewi budub oopanu ag mana metak danab daaglagnu ate amunu budub laa oopanu laa nug mana metak ba daakunu dayeb amu Kayak Nug do ele baoliku. ¹³Amu danab imu, Kayak Nug Nug amegpa, “Na am hanhan mana metak danab Melkisedek bia daatem,” aum ele amu, Nug am budub laapan, budub amupa amu danab laipu

laa anuka qadabpa mana metaknu udat laa ii heum. ¹⁴Amu ig doot auta aotem. Ihinig Nadi, Nug Juda budubpa doum. Amu Moses nug budub amupanu mana metaknu udat danab laa bekunu amu nug laa ii aum. ¹⁵Aria nai imu diig amu miag atiaknab daye, ig anidta dootem. Mana metaknu danab laa nug beum amu Melkisedek bianab daate. ¹⁶Laa nug do laapa, o iita aun tiigpa, o iita aun budubpa he, Nadi Nug mana metaknu danab ii beum daate. Iita! Nug bauklel hanhan dayaknu, gogtak nuhig iita ele, gagatag amunupa mana metaknu danab beum daate. ¹⁷Am Kayak naipa nuhignu yak daate amubia. Nai amuam inam. “Na am mana metak danab, Melkisedek bia, hanhan daatem.”

¹⁸Kayak Nug do anukanu amu qe, iita meum. ¹⁹Adinu? Do amu nug ebehi iita, nug ig ehanigkunu ele elele iita. Do nug am ebehi iita amunu nug keeke laa he, tutuku eledenab iinab beum amge Kayak Nug ib laa odom. Ib amu nug do editak, enanag. Amu ib amupa ig Kayak topa wakunignu elele daatem.

²⁰Aria Kayak Nug Jesus Nug mana metak danab daakunu hamu ii tituanom daate. Iita! Nug nuka Nug onigpa nuhig nai gagatag qeta anana tituanom. ²¹Mana metak danab anuka ag am anamnab iita. Auntai laa nug onigpa nuhig nai gagatag qeta anana he, mana metak danab bepig? Laa iita amge Jesus nuhignu aakuib Kayak Nug nuka Nug onigpa nuhig nai gagatag qeta, mana metak danab daakunu a, Nug beum daate. Kayak Jesusnu aum. “Nadi Nug nuka Nug onigpa nuhig nai gagatag qeta, ‘Na amu mana metak danab hanhannu daatem,’ aum amu Nug dab mak nuhig iinab baolima.” ²²Kayak Nug Jesus mana metak danab daakunu, nuhig nai gagatag qeta aum, laa ag anuka mana metak danab daapig, ahilagnu anam ii aum, diig amunu ig dimpa titua-

nak nai bau, ig nob ena adi adi aognignu ate amu, ig genab aognignu dootem. ²³Aria anuka am mana metak danab kudum daapig. Adinu? Ag am danabib, ag mauhadpig amunu ag hanhan anamib daaglagnu elele iita. ²⁴Amge Jesus Nug am hanhan bauklel daate amunu Nug mana metaknu udat hanhan heku. Baoliak laa iita. Udat amuam danab laa epegpa iinab wama ²⁵amunu Nug bauklel dayaya, Nug Kayak danab ehanadkunu hanhan unuqidte amunu diig amunu Nug danab, ag Nug onigpa Kayak gukuidna wateb ele amu, Nug ag edua diieb, bauklel hanhan daaglagnu elele.

²⁶Mana metak danab dilag iki anam amu ig ehanigkunu daakunu am enanag. Nug am opia awak, ehed hak kobol laa Nug bedupa iinab daate. Nug am dubutid iita, hipunin danab bia ele iita. Nug onig atannab teum daate. ²⁷Jesus Nug am mana metak danab anukanu, ag ded oh dod main, Kayak Nug hipunin ahilag tatam uhuqa matowa, danab dilag ele uhuqa madaakunu medapig bia ii hete. Nug udat nuhig anam iita. Kayak Nug danab ah dilag hipunin uhuqa madaakunu amu Jesus Nug amu haen laipu aakuib Nug nuka Nug bedu oh Kayak metom amunu Nug baula ii hema. ²⁸Amu do tatamnu am danab gai iita tituanate, ag mana metak danab dilag iki daateb amge nai Kayak Nug nuka Nug onigpa gagatag qeta aum, do nai dayeye dimpa beum ele amu, nai amupa Kayak Nug beka tituanom. Kayak Nug he, Nug Beka amu Nug mana metak danab dilag iki daakunu eledenab ba amu Nug hanhan anamib daate.

JESUS NUG HAB ATAN APA UDAT HETE

8 Aria, nai ig atem ele, nuhig diig am inam. Ig mana metak danab dilag iki Melkisedek bia ele, Nug am matu

hab ațan Kayak Binag Ele epeg nađiap-pa, amuam anuqak aben, amupa hedep neum daațe. ²Nug am mana mețak udat, Kayaknu mana mețak lag, aben opia awaknab ele, amupa hețe. Aben amuam, mana mețak lag genab, amupa daațe. Danab laa lag amu ii heum. Iița! Nađi nuķa lag amu babaițom.

³Mana mețak danab dilag iki anen anen amu ag ahilag udatpa ag amu mana mețak diigdiig Kayak medteb amunu Jesus Nug ele mana mețak laa Kayak medakununab dayom. Nuhig mana mețak am Nug beđu. ⁴Amu Nug wanpa gemu daalo amu Nug mana mețak danab laa iinab daalo. Ađinu? Mana mețaknu danab laala matu bepig daateb, ag mana mețak diigdiig Kayak medteb, do niıte amubia hețe. Ag udat amu gumateb, laa ele dayaya gumakunu ib ii daațe. ⁵Mana mețak udat, ag wan imupa hețe ele amu, ag hab ațan opia awak abenpa kobol niıte ele amubianab doțog aaku hețe. Nai laa amu ipunigte am nai anuķa Kayak Nug Moses amegpa aum. Nai amuam haen Moses nug mana mețak lag dođ gađapa hepig ele, lag amu galakunu heehe, Kayak aum. “Na dab mena autna aona, keeke doțog da qaukopa ipunidmi ele amu, na amu bianab he!” awa aum.

TITUANAK BAU NUG TITUANAK ALAG EDIDȚE

⁶Amge mana mețak danab ag wanpa hețe, ag am hab ațannu hak, amunu doțog bia hețe. Jesus Nug mana mețak udat awom ele amu, udat amuam mana mețak udat alag edıtom. Nug tituana nai qakak bau amu nug tituana nai qakak alag edidțe aumbia Jesusnu mana mețak udat am mana mețak udat alag edidțe. Nug tituana nai qakak baunu diig am ele alagnu diig edidțe. Amu ele, nug tituana nai qakak bau diigpa amu keeke Kayak

heeb bekulagnu nai qakak aum ele amu ag alag amunu edadțe.

⁷Amu nug tituana nai qakak tatamnupa eheđ laa ii daalo ele amu, Kayak Nug nug tituana nai qakak baunu ii dab melo. ⁸Amge Kayak Nug nug tituana nai qakak alag, nug danab ehanadkunu elele iıta, nai laapa ipuniķa, miag atia aum. Nai amuam inam. “Nađi Nug ațe, ‘Doyeg! Dimpa, haen laapa, geha Israel buđulkad amu Juda buđub ele, da ag oh ele nug tituana nai qakak baupa ag ele nug tituanta, nai qakagnig. ⁹Nug tituana nai qakak bau amu da tatam ag memetalkad anuķa haen da epelag ađen omalați, Igipta wan uun, ahan gopig ele, haen amupa da ag ele nug tituanta nai qakamut amubia iıta. Haen amu ag nug tituana nai qakak nai dahil ii dim lamidpig amunu da di mațami.” Nađi anam awa ațe. ¹⁰Nađi Nug tudıta inam ele aum. “Haen amunu am iıta meeb, geha da nug tituana nai qakak baupa Israel ele nug tituanta nai qakagnig. Nug tituana nai qakak amuam inam. Geha da do dahil oh dab mak ahilagpa mein, da geha ag oolagpa ele mepi daaku. Geha da Kayak ahilag daakul, ag am dahil danab daaglag. ¹¹Amu geha danab oh ag Kayaknu, nug ipunitak lailkad mudipan dilagpa ii hemana. Iița. Amu lailkad laala ag lailkad laala ele ipuanadnana, ‘Ag Nađi doye!’ ii amana. Ađinu? Haen amupa geha danab oh anen anen ag da dooidna autna aoglag. Nid nau-nau, danab okai okai ele, ag oh da dooidkulag. ¹²Da ahilagnu ool gai iıta doyen, da hipunin ahilag uhuqe maten amu da hipunin ahilag baula dab ii mepa,” awa aum. ¹³Nug nug tituana nai qakak baunu anam anana, nug tituana nai qakak tatamnu amu Nug he, alag meum. Amu keeke nug alag ma, nug kaino bia nakoknab dayaya, iıta mețe.

**MANA METAK TATAMNU
AMU AG DOD TIIGPA HEPIG**

9 Aria nug tituana nai qakak tatamnupa amu Kayak Nug do laala ele metid haknu amu danab ag epelagpa mana metak lag dod gadapa hena galaglagnu ele meum. ² Dod gada mana metak lag amu oopa, makulak anuqakpa amu lam, balal amu bret, ag Kayak medapig ele amu, keeke amu oh agupa daapig. Lag oo makulak amuam onig, "Gun Aben." ³ Aria lag oopa, lamen nadi dimugpa, lag oo makulak laa, makulak amunu ag, "Gunnab Aben," ateb, amupa dayom. ⁴ Aben amupa amu ab kah mutudig ele ahakunu qadab golpa hak amu nug tituana nai qakak kunup, ag amu adpa hewona, ad amu qadepa oopa ele gol mewona, ag nug ameg am golpaib hepig amu, keeke adit amu a agupa daapid. Amu kunup amu oopa amu gol id laa, amupa ag bret onig mana inapig, aria Aronnu bu, ita beum ele amu, men otala adit, amupa do nai yaalatak ele amu, keeke amu oh kunup amu oopa daapig. ⁵ Kunup amu atan am engel adit, onilah okai ele amu, a doolah daapid. A Kayak aben amupa daate amu danab ah ipuanadpid. A waalahpa amu hipunin uhuqa metaknu tiig gokadak aben dayom, amuam kunup ameg golpaib hak. Amge gemu amu keeke amunu oh mehuqaknu haen iita

⁶ Aria, keeke oh anam babaitak daye amu mana metaknu danab ag haen oh lag oo makulak dimitim amupa udat ahilag hekulagnu nodapig ⁷ amge mana metak danab dilag iki, nugib am lag oo makulak oopanab amupa hipunin nuhig amu danab oh dilag ele, dod tiilagpa mana metak hekunu mad laipu oopa, haen laipuib noa hetom. Nug hamu iinab notom. Iita! Nug dod tiig awa, amu ele gotom. ⁸ Kobol amupa Kayak Oudi Nug inam ipunigte. Haen danab ag lag amupa

Kayak binag mepig ele amu, danab ah oh ag Kayak noobpa tutuku wakulagnu ib iita. Ib amuam oo nak. ⁹ Mana metak lag amu nug ig gemu haen imu daatem amu keeke ipunigte. Lag amupa keeke do idu idu Kayak metanna amu mana metak idu idu ele hepig amge keeke amu oh, danab hepig ele amu, oolag bapaita heeb, ag tutuku eledenab bekulagnu elele iita. ¹⁰ Mana metak anam amu e lanak keeke, le lanak keeke amu le laaitak kobol, ele. Do amu oh am danab bedulagnuib. Kayak Nug do amu oh danab ag dim lamidpeg ukeb, dimpa Nug edua keeke oh elele medakunu heum.

**KRISTUS NUG NUKA NUG TIIGPA
HIPUNIN UHUQA MEGTE**

¹¹ Anam dayom amge Kristus Nug ititak ena diigdiig, Kayak megakunu dab mete ele amu, Nug amunu mana metak danab dilag iki daakunu udia dayom. Amu Nug mana metak lag eledenab, mana metak lag tatamnu editak amu, udat nuhig hekunu oopa noum. Mana metak lag amu danab ag epelagpa ii hepig, amu ele wan imupan keeke iita. ¹² Kristus Nug meme tiig amu bulmakau tiig ele awa, mana metak lag amunu Gunnab Abenpa ii noum. Iita! Nug nuka Nug tiig awa, haen laipu aakuib Gunnab Aben amupa noa, Nug tiigpa Nug ig edua hanhannu awikom. ¹³ Am inam bia. Do alagpa danab laala Kayak noobpa bedulag udig wak ele daapig amu, mana metaknu danab ag meme amu bulmakau dawai tiilag amu bulmakau balat man-aeg, uhud meum ele amu, ag tiig uhud amu ele aon, danab dubutid ele amu qadelagpa taodeg, Kayak amegpa danab amu ag bedulagib opia awak daapig ¹⁴ amunu gemu ig Kristus tiigpa genab opia awaknab daagnig. Nug bedupa ehed laa iitanab, Nug Oudi bauklele ele gagatagpa, Nug nuka Nug bedu, mana metak bia, Kayak metom amunu Nug tiig

ig bedunigib ii ihom. Iiṭa! Nug ig oonig ele iha amu kobol laa oh, bauklel iṭa ele amu, Nug amu ele opie ukom. Anam amu ig Kayaknu udat bauklel ele amu adat auta aognig.

KRISTUS TIIG NUG TITUANAK BAU GAGATAG QETOM

¹⁵ Amunu Kayak Nug danab onilagpa eum ele amu, ag iṭitak haen ohnu ele, Kayak anuka Nug beḳod madaḳunu nai qaḳa aum amu, ag amu aoglagnu, Kristus Nug tituanak baunu gamag danab daate. Kayak Nug amu madaḳunu elele daatenu diig am Kristus mauhom amunu danab ag tituanak alag waapa daana, ehed hepig amu mauhak amupanu ag uhuḳaq aoteb.

¹⁶⁻¹⁷ Danab nug dimpa mauhḳu amu doya, nug aun en nuhig aokunu dab mete amu nug nai amu udugpa ya, onig ele yeeb, danab laa ele nug anta onig yeeb am, gagatag aaku daaku. Aria danab laa oh ag tatam keeke mameg mauhom doopeg amu keeke mameg nug laa, nuhig keeke aokun yom ele amu, nug keeke aoku. Keeke mameg ii mauhom haenpa amu laa nug keeke ii aoma. Nai amuam mauhak dimpa aakuib keeke mamegnu dab mak gagatag qedte. ¹⁸ Diig amunu danab ag anuka tituanak tatamnu gagatag qetaglagnu amu ag dod aqaeg mauhna, tiilag gokaḳtapig. ¹⁹ Tatam amu Moses nug do oh danab dooglagnu mehuqa malowa, dimpa nug bulmakau nag amu meme nag ele diia aqa, ag tiilag le ele kobolia, nug sipsip udig kokod amu ud laa onig hisop gumupa ita, amu tiig le ele amu do yaalataknu buk qadepa taod qetowa amu danab oh ele taod aqom. ²⁰ Nug aum. "Tiig imu tituanak Kayak Nug ag dim lamidḳulagnu maṭom ele amu gagatag qedate," awa aum. ²¹ Anamib nug tiilag mana meṭak lag dod gadapa hak taod qedaṭa, udat lag

amupa heṭeb ele, amunu keeke naunau laa oh ele taod aqatom.

KRISTUS HAEN LAIPUIB HIPUNIN UHUQA MEGAKUNU MAUHOM

²² Aria do kobolpa, tiigpaib keeke oh opia awak daakunu dayom. Amu tiig ii ne amu Kayak Nug hipunin ii uhuqte. ²³ Mana meṭak keeke amu, ag hab atan kobol niṭe dotog ipunigte ele amu, ag ib amupa opia awak beḳununab dayom amge hab atannu mana meṭak lag genab, nug opia awak daakunu amu dod tiilag taod aqaḳunu elele iṭa. Iiṭa, keeke laa dod tiig editaknab aakuib am elele. ²⁴ Amuam Kristusnu mauhakpa beum. Kristus Nug mana meṭak lag, Kayak Nug laug nab dotog, danab ag epelagpa hepig ele amu, oopa ii noum. Iiṭa! Nug hab atan apanab ukom amunu gemu Nug Kayak noobpa miag atia teum dayaya, danab ig ehanikaḳa daate. ²⁵ Mad ohpa wan imupa mana meṭak danab dilag iki nug dod tiilag awa, lag oo gunnab, aben amupa qadabpa taodteb. Tiig amuam, nug tiig iṭa, am dod tiilag. Wan imupan mana meṭak danab dilag iki amu ahilag udat am anam amge Jesus Nug amubia ii heum. Iiṭa. Nug nuka Nug beḳu mana meṭak bia Kayak meṭom amu Nug kobol amu he, haen kuḳum heḳunu ii daate, laipuib heum. ²⁶ Nug laa heṭeb bia helo amu Nug haen kuḳum, Kayak dig ma, wan heum udie, gemu haen imu ele guṭak awawa daalo amge anam iṭa. Haen nakok malele, Kristus Nug haen laipu aakuib wanpa na, hipunin uhuḳkunu nuka beḳu Kayak meṭom. ²⁷ Amu danab oh ag haen laipuib mauhona, dimpa ag heṭodiakpa daaglag, ²⁸ amubia Kristus Nug nuka haen laipu aakuib, Nug beḳu mana meṭak bia Kayak meṭowa, Nug danab kuḳum dilag hipunin uhuqa madaḳunu heum. Nug anam heum amu dimpa Nug baula edua udiku amge hipunin uhuḳkunu iṭa. Nug

danab ameg mena daateb ele amu edua diikunu udiku.

10 Aria do nug am keeke ena, genab buti adi beku ele, amu dotogib aaku dayeye anidtem amge keeke ohnu dotog elenenab ii daate. Amu do nug mana metak idu idu anamib mad ohpa haknu ate amunu do nug danab ag gunnab abenpa nokulagnu elele daaglagnu bapaladkunu elele iita. Do nug heeb, ag tutuku elenenab ii benana. ²Amu do nug heeb, danab ah ag ena bekulagnu elele daalo amu ag mana metak baubau ii helob. Adinu? Danab ag metid heteb ele amu ag mana metak haen laipupaib opia awak bepig doolob, ag hipuninu bedulagpa ab ele ii doolob, ag mana metak udat baula ii helob. ³Amge iita. Mad ohpa mana metak amu he, ag hipunin ahilag daulagpa dote. ⁴Adinu? Bulmakau, meme ele amu ag tilag nug hipunin uhuqkunu elele iitanab. ⁵Amunu haen Kristus Nug wanpa udia, Nug Kayak amegpa aum. "Ag dod aqan main na metaglagnu amu na oot ii daate amge keeke amu ag abenlag aokunu amu na da bedul imu bapaidna medame. ⁶Ag dod kudum ahilag hipunin uhuqaknu qadabpa maiteb amge ag dod amu main na medateb amu na amunu ele oot ii hete. ⁷Amunu da ami. 'Kayak, da ina daatem. Anuka dahilnu nahip naipa yaapig bia amu gemu da nahip dab mak dim lamidkulnu udimi,'" awa aum. ⁸Aria tatam Jesus Nug mana metak ag heteb ele amunu inam aum. "Ag dod aqan, main metaglagnu amu na oot ii daate. Ag dod kudum hipunin ahilag uhuqaknu qadabpa main na metaglagnu amu na amunu ele oot ii hete." Ag amu do ate amubia heteb amge Kristus Nug Kayak amunu oo ii hete awa aum. ⁹Nug laa ele aum. "Kayak da ina daatem. Da nahip dab mak dim lamidkulnu udimi." awa aum. Amunu Kayak Nug kobol gehanu amu heeb, gagatagnab daakunu,

Nug kobol tatam dayom amu he, iita meum. ¹⁰Jesus Kristus Nug Kayaknu dab mak dim lamita, haen laipu aakuib Nug nuka Nug bedu mana metak bia Kayak metom. Amupa Nug he, ig opia awak danab bemut daatem.

¹¹Aria mana metak danab oh ag ded ohpa udat ahilagpa hipaidteb. Ag mana metak idu idu amuib haen oh heteb amge mana metak anam am hipunin uhuqaknu elele iitanab. ¹²Amge Kristus Nug am haen laipu aakuib hipunin uhuqaknu mana metak hanhannu aaku heum. Nug anam ha, gemu amu Nug Kayak Onig Ele epeg nadiappa, amuam anuqak aben, amupa hedep neum daate. ¹³Amu Kayak Nug keked nuhikud Nug waapa maadkunu haen amu ameg meum daate. ¹⁴Nug mauhak laipupa mana metak heum amupa Nug he, danab ag Kayak he ag opia awak danab daateb ele amu, Nug he, ag tutuku elenenab daateb. Amu hanhan ele anamib daaglag. ¹⁵Kayak Oudi Nug ele Jesus Nug keeke oh ihinig hipunin uhuqa megakunu ha malom ipunika, nai adit mekom. Laa am nug inam ipunigte. ¹⁶"Kayak Nug aum. 'Haen amupa da ag ele nug tituanta nai qakagnig. Da ag oolagpa ahilag dab makpa ele do dahil mekul.'" ¹⁷Aria nai laa am, 'Ag hipunin adi adi hepig ele amu ag nob aomnanu da uhuqen madakul,'" awa aum. ¹⁸Kayak Nug danab laanu hipunin uhuqa meta malom dayeb amu danab amu nug hipunin amu uhuqkunu mana metak baula hekunu ii dab mema, aaku malak.

KRISTEN AG KAYAK GUMIDNA WANA GAGATAG DAYEG

¹⁹Amunu o lailad, ig Jesus tiigpa mana metak lag oo gunnabpa gokunignu ib babaitak daate. ²⁰Jesus Nug ib bau, ib amupa ig bauklel aotem ele amu, buua mekom. Anuka danab ag aben

gunnabpa gokulag²¹nu am ib kel doak dayom. Lamēn nadi laa aihak dayom ele amu, nug ib amu kel doum amge Jesus Nug mauhak nuhigpa lamēn nadi amu patida, ib babaita meke, ig Kayak topa gokunignu elele. ²¹Laa ele amu ig am mana metak danab dilag iki ele, Nug Kayaknu danab ehanata²²ta atog noadte. ²²Aria, ig ib ele, mana metak iki ele amunu ig Kayak gumidta gotu! Ao, ig oonigpa ham bup²³uak laa iita ele daatta, ig oonigpa genab dootta, Nug he ig bedunigpa ab iita dootta, Nug ig bedunig le opia awakpa babaita male oitta, ig Nug gumita watu! ²³Amu Kayak Nug keeke hekunu nai qaka aum amu genab meu beku amunu ig oopa genab doyak ihinig miag atitta, keeke ena meu okunu ameg metem ele amu, ig adat auta aotu! ²⁴Amu ig lainkad dilag, ag danab laa dilag²⁴nu oolag mauhkunu amu kobol ena ele hekulag²⁵nu mad atagnignu amu, ig amu ele dab metu! ²⁵Amu ig laala ag heteb amubia ig Kristen lainkad ele qag mak laipu haknu kobol ii uumta. Iita. Ig qag metata, lainkad oolag gagatag aqatu! Ig Kristusnu ded miag doum daate anidtem amunu ig udat amu tudidta huana hetu!

²⁶Amu ig dootta, hipunin baubau hetem dayeb amu ig hetata, ihinig hipunin uhuqaknu mana metak laa ii anidmata. ²⁷Anam dayeb amu ig Kayaknu hetodiak okai amu ab gakadaknab, Kayaknu keked oh ewadku ele, amuib badidta ameg mekunig. ²⁸Ig dootem, danab laa nug Mosesnu do tipale, danab adit laa o danab ewam laa ag anidna, nug ehed heum amunu heeg, miag atie amu ag nuhignu oolag gai iita ii doopig. Iita! Nug aaku qep²⁹eg mauhkunuib dayom. ²⁹Aria anuka danab nug do tipalom amu ag nug qep³⁰eg mauhkunu dayom amunu gemu amu danab laa nug Kayak Beka di medte ele amu, nuhignu amu atem³¹nab?

Danab amu nug geha qagaetak nadinab anidkunu elele. Adinu? Nug Kristusnu, Nug am keeke hamu doya, Nug tiig ele, amupa Kayak nug ele nug tituanpid, amupa danab amu nug opia awak beum amge danab amu nug tiig amunu keeke hamu bia doyom. Laa ele amu nug Kayak Oudi, Nug hanhan ehanitak okai hamu megte ele amu, nuhigpa ele kobol ehed³²na heum. ³⁰Amunu danab ag kobol ehed amu heteb ele amu, ag epediak genab aoglag amu ig dootem. Adinu? Kayak Nug nuka Nug aum. “Ehed hak kobolnu edua nob maknu udat am dahil. Danab ag ehed heteb ele amu, da ag nob mada³³ku.” awa aum. Nug laa ele aum. “Nadi Nug nuka geha nuhikud danab epediadku,” awa aum. ³¹Amu danab laa nug hipunin nuhignu, Kayak bauklele ele epegpa epediak aokunu gokunu am keeke hamu iita. Keeke amuam keeke ug naunab ele.

³²Aria ag haen Kristus aopig daanna, dimpa ug okai laala ahilagpa beebe doopig ele, haen amu amelagpa doad! Haen amu ag ug kudum maoegeg, laa ag guitak okai ele madapig amge ag gagatag hipaidna daanna maopig. ³³Amu haen laala danab laa ag qag mak nau noolagpa ag guitak maton, aon aon aqan, ihaklele aqanna, guitak nadi ele madapig. Haen laala ag kristen ag lailkad ug anam dooglag³⁴nu bedulagpa beum amu ag lailkad ehanadna, ug amu ele maopig. ³⁴Amu ag danab mani guitakpa daapig, amu dilag oolag doyom. Amu haen laala dimitim danab ag u³⁵din, ahilkad keeke ena ena adadna diipig amge ag amunu oolag ii nauhom. Iita, ag oolag bodo ete, uueg aopig. Adinu? Ag ahilag keeke ena hanhannu, dimpa aoglag³⁶nu apa ana daate doopig. ³⁵Amunu ag oopa genab doyak gagatag ahilag amu aib maopeg ukom. Adinu? Geha ag keeke amunu nob enanag aoglag. ³⁶Amu ag oolag madod

ele gagatag hipaidna daanna, Kayak ode dim lamidna amu ag keeke ena, anuka Nug ag madakunu nai qaka aum amu, geha aoglagnu daate amunu ag gagatag daaglag am ena. ³⁷ Amuam Kayak naipa nai laa daate amubia. Nai am inam. “Haen elab iita, nakoknab laa ele, danab udikunu daate amu Nug udiku. Nug am kagi ele ii hema, pahanab udikunu daate. ³⁸ Tutuku danab dahilad, ag oolagpa genab dooteb ele amunu ag am geha bauklel aon daaglag. Amu laipu laa nug di medaku amu da nuhignu amu da oolpa eledenab ii dookul.” ³⁹ Amge ig am danab ag Jesus di metan padal meteb ele, danab amu oolagpa ii daatem. Iita! Ig am danab ag nuhignu oolagpa genab doon, bauklel aoteb ele amu, ag oolagpa daateb.

OOA GENAB DOYAK NAI DIIGDIIG

11 Danab nug oopa genab doyak ele amu nug adi keeke aokunu ameg mete amu nug genabnab genab aokunuib dab mete, nug ii aomanu nakok laa ii dab mete. Amu ele nug keeke amegpa ii anidte ele amu, nug anamib genab anidkunu dab mete. ² Amu danab anukanu, ag am oolagpa genab doopig amunu Kayak Nug ahilagnu oo ena doyaya, ahilagnu ena aum.

³ Amu Kayak Nug odepai nai aawo, wan, atu, keeke oh ele bepigi daateb, ag akanab ii bepigi amu, ig amuam oonigpa genab dootem.

⁴ Abel nug Kayaknu oopa genab doyom amunu nug mana metak, Kain editak, mana metak enanag heum amu Kayak nuhig mana metaknu amu enanag anta nuhignu, “Danab tutuku,” awa aum. Abel nug am anuka mauhom amge nuhig oopa genab doyak amu ig adi hekunignu gemu ele ig ipunika auta aote.

⁵ Amu Inok nug ele am Kayaknu oopa genab doyom amunu nug am ii mauhom.

Iita, Nug bau dayaya, Kayak topa waum. Kayak Nug nuka awom amunu laa ag nug iinab anidpig. Inok hab atan ii ukom haenpa tatam Kayak Nug nuhignu oo ena dayom amu Nug he, amu miag atiom. ⁶ Danab laipu laa nug oopa genab ii dooteb ele amu Kayak Nug nuhignu oo ena dookunu elele iita. Adinu? Danab ag nuhigpa wakulagnu amu ag, “Kayak Nug daate amu danab ag Nug matin oiteb ele amu, Nug ag nob ena madaku,” oolagpa genab dooglagnab. Ib laa iita.

⁷ Noa nug Kayaknu oopa genab doyom, nuhignu ele enanag doya, oo ele otaiom amunu Kayak Nug dimpa kobol bekunu a amu Nug ode doyom. Noa nug Kayak nainu oopa genab doyom amunu nug baekudpa ele oh ag bau daaglagnu nug aaku ub itom. Oopa genab doyak nuhig amupa amu nug danab laa oh, ag oolagpa genab ii doopig ele amu, ag ehed hepigi aaku ipuanata, amupa ele nug am danab tutuku beum.

⁸ Abraham nug ele Kayaknu oopa genab doyom amunu nug Kayak ode dim lamita, Kayak Nug wan atu laa medakunu aum amupa ukom. Amu nug apagi diignab uua aha, ab atenpanab uka daakunu am nug oo ii maitepe ukom.

⁹ Amu nug Kayaknu oopa genab doya uka, wan Kayak medakunu nai qaka aum amu atu amupa danab laa atu lainu udia daate bia dayom. Amu nug dod gadapa lag ha amupaib daatom. Aria nug beka Isak amu nug alag Jakop ele, a nug budub amu, Kayak Abraham amegpa keeke medakunu nai qaka aum ele amu, a nai amu ele aopid. Amu a ele wan amupa dod gadapa lag anen anen heya, amupaib wan amupa daadtapid. ¹⁰ Abraham nug ab okai laa, Kayak dab ma heum, ab amuam hanhan daaku ele amu, ab amupa daakunu ameg ma dayom amunu nug wan amupa dod gadapa lag hak amupa daakunu ug ii doyom.

¹¹ Sara nug am ah maṭoi, nug kain-onab ele meum amge Kayak Nug nug nid menukunu nai qaka a, Sara nug Kayaknu oopa genab doyom amunu Kayak he, Sara nug nid menukunu elele dayom ¹²amunu danab laipu amu nuhigpa danab apatna, wan atu oh am bepig daateb. Nug am mauhom bia dayom amge nug buḍub ag gemu eb qaknu elele iṭa daateb. Amu hoḍopai aṭannu bia amu yu ihipa abuḍ bia wan atu oh am bena daateb.

¹³ Danab amu oh ag ahilag oopa genab doyak amuib aḍan mauhpig. Ag Kayak keeke madaḱunu nai qaka aum, nai amuib aopig daanna mauhpig, keeke amu ii aopig amge buṭi aḍi keeke amuam bekunu genab anidpig. Ag am doopig, wan imu am ag apalag diignab iṭa, ag am laihnu hamu uḍin daateb bia daapig. ¹⁴ Danab ag aka ahilag nu anam dooteb ele amu, ag amupa miag atiak ipunigteb. Ag apalag diignab anidḱulag nu neegna daateb. ¹⁵ Ag wan imupan apalag tatamnu uun Kanan wanpa uḍipig ele, amun ii dab mepig. Ag anam dab melob amu ag eḍun gokulag nu elele daalob ¹⁶ amge anam am iṭa. Ag apalag ena dimpanu, hab aṭan amunuib dab mepig amunu Kayak Nug, “Da ahilag Kayak,” aḱunu amu uḍa ii neṭe. Iṭa, Nug ab enanag, ag daaglag nu babaiṭom daate.

¹⁷⁻¹⁹ Abraham nug Kayaknu oopa genab doyom amunu haen Kayak Nug Abraham diig dookunu ug meṭom, haen amupa Abraham nug beka mana, Kayak medaḱunu keeke oh babaiṭa dayom. Dayeye, Kayak he, nug beka ii qeum amge Kayak Nug Abraham amu oh helo bia doyom. Tatam Kayak Nug Abraham amegpa Isaknu inam aum. “Isak buḍub aakuib ag na buḍunadnab daaglag,” awa aum. Yo, Kayak anam a, Abraham nuhig nai amu awom amge dimpa nug Kayak oḍe dim lamidḱunu, Isak mana, Kayak medaḱunu keeke oh babaiṭom.

Aḍinu? Abraham nug anam heḱunu haaha, nug Kayaknu inam dab meum. “Da beka mauha, eḍua hipaidḱunu amu Kayak Nug amu heḱunu elele.” Nug anam dab ma, keeke oh Isak mana, Kayak medaḱunu babaiṭa mala dayom amunu ig inam aḱunignu elele. “Abraham nug beka mauhak abenpanu eḍua awom,” aot aḱunig.

²⁰ Isak nug Kayaknu oopa genab doyom amunu dimpa ahilahpa aḍi keeke bekunu amu nug Jakop Esau ele iṭiṭak matom.

²¹ Jakop nug Kayaknu oopa genab doyom amunu nug mauhḱunu haen miag dayeye, nug Josep bekoḍ aḍit iṭiṭak matom. Nug amu dud qaknu hoḱat nuhig iki aḍe ehanite dayaya, Kayak binag meum.

²² Josep nug Kayaknu oopa genab doyom amunu haen nug mauhḱunu haaha amu nug Israel ag dimpa Igipta uun, ahan gokulag nu anana amu, nug beḍu aṭem boomḱulag nu ele aum.

²³ Moses anig mameg ele a ele Kayaknu oolahpa genab doopid amunu anig nug Moses menue, nid enanag anidya, kalam ewam lokumeh niṭom. A Paronu oolah ii baḍeḍe hepida.

²⁴ Moses nug Kayaknu oopa genab doyom amunu haen nug okai ma dayom ele amu, nug ag, “Nug am Paro aḍeg beka,” aḱulag nu oo ii dayom. ²⁵ Iṭa, nug amu uua, amu Kayaknu danab ah ele ag oh ug laipu maoglag nu oo dayom. Nug hipunin kobol dim lamita oiyaya, oo gamag ahak haen tutunuib aokunu amu nug oo ii niom. ²⁶ Nug nob ena, buṭi aḍi Kayak medaḱu amunuib dab meum amunu nug Kristus onigpa uḍa nak aokunu ena doya, Igipta dilag enubnu amu, nug keeke hamu doyom. ²⁷ Moses nug Kayaknu oopa genab doyom amunu nug Igipta wan uua, aha ukom. Nug Paronu opodi bak amunu oo ii baḍom. Amu danab ag

Kayak amelagpa anidk_ulagnu elele i_ita amge Moses nug an_otom bia dayaya, nug gagatag dayom. ²⁸Moses nug Kayaknu oopa genab doyom amunu nug Igipta uua ii uk_ak haenpa nug Israel ag anam hek_ulagnu aum amunu Nug Israel ele ag Pasowa metid hobul hena, ag sipsip tililag laulkad od ugupa taud_u qedapig. Ag dod_u tiilagpa anam hepeg, nid tatamnu menuatak aqaknu engel amu nug ag gukuata ii wamanu heum.

²⁹Israel danab ag Kayaknu oolagpa genab doopig amunu ag le kokod_u wan qada etakpa oitem, amubia mata_udna laih wapig. Amge Igipta ag anam hek_ulagnu heegeg, le tonate, ag oh mauhpig.

³⁰Israel ag Kayaknu oolagpa genab doopig amunu ag Jeriko ab taliliak men ad_u nadi haen eblaih adit ele talilidna oiyegeg, men ad_u nadi pana, na qeum.

³¹Rahab, nug am ib baag ah, nug Kayak adi hek_unu aum doya amu nug Kayaknu oopa genab doyom amunu do danab adit laa, ab italaknu udipid_u ele amu, nug ahilahnu madod_u doya, a ehanatom amunu nug padal mak ehed_u hak danab ag aopig ele amu, nug amupa padal ii meum.

³²Amu oh ag anam hepig amunu gemu am da adi nai laa tudite madikul. Amu da Gidionnu kaya, Bereknu kaya, Samsonnu kaya, Jeptanu kaya, Dawitnu kaya, Samuelnu kaya amu propet dilag kaya ele madikulnu elele amge haen iita. ³³Danab amu ag Kayaknu oolagpa genab doopig amunu ag ban edidna, wan imupan gumak danab daanna, kobol nau kudum tapalateg nopig. Ag am Kayak keeke madakunu nai qaka aum amu aopig. Amu ag laion odelag qamutpig.

³⁴Amu ag heeg, ab nau qauhohom. Ag am qep aeg hawad_u ele aqamanu dekadpig. Ag gai iita daapig amge dimpa ag gagatag aopig. Ag ban danab gagatag bena amu ag ab laalapanu ban daup lamateg gopig. ³⁵Aria danab ag oolagpa genab

doopig ele amu ag heeg, danab laala mauhpig ele amu, ag edun, hipaidna, ag waalkad ele baula daapig. Amu laa ag oolagpa genab doopig ele amu, ag oolagpa laala ag qagaetakpa daaegeg, keked_u ahilkad ag ehed_u nab hadnana, bedulag heeg nauha auta awom amge ag Kayak di medapeg, keked_u uuadpeg gokulagnu dab ii mepig, keked_u odelag ele ii dim lamidpig. Ag am mauhna, dimpa edun hipaidna, bauklel aoglag amunuib dab mepig. ³⁶Oopa genab doyak danab laala amu keked_u ahilkad ag kalemlem aqanna, laala ag bu aqanna amu laala mud_udi gagatagpa hipaladna, mani guitakpa ele maateg daapig. ³⁷Oopa genab doyak danab laala amu ahilkad keked_u ag menpa makudateg mauhpig. Laala amu ag hahpa bedulag otadateg ne, mauhpig. Laala amu qep aeg hawad_u elepa aqaeg mauhpig. Keced_u ag oopa genab doyak danab amu ehed_u hateg, ag lamen ena iita takan, ag keekenu ele dadek daapig. ³⁸Ag laala ag matatun gona, atu tadakpa, danab apa iita elepa oiyegeg, laala ag gona, qaukopa oiyegeg, laala ag men odepa ele daapig. Wan imupan danab nau ag am oopa genab doyak danab amu ele elele iitanab.

³⁹Oopa genab doyak danab amu ag Kayaknu oolagpa genab doon, ag Kayak noobpa onig ena aopig amge ag aka Kayak keeke ena madakunu aum am ag haen amupanab ii aopig. ⁴⁰Adinu? Kayak Nug ag haen Nug tituanom ele amu haen amu ameg mebepeg, Jesus udieb, geha ag ig ele oh elelenab megakunu dab meum.

JESUS DIM LAMITAKNU NAI

12 Aria ihinignu amu ig anukanu danab kudumnab ag ig oopa genab doyak kobol ipuni_ukeg anidtem amunu ig oopa genab doyak ipu tutuku dim lamidtu! Ig danab laa ag nug edid edid qai etan goteb ele amu, ag keeke oh

bedulag ug medate ele, ag amu budieg uke, qai etan goteb amubia ig adi keeke, ig amu adat oopa genab doyaknu ipu tutuku ii dim lamidkunig amu ig keeke amu budiput ukeb, ig adi hipunin, nug ig bedunigpa ta adaiikom daate ele amu, ig amu ele qeput, na ukeb, ig Kayak Nug ipunig mekom amu amupa bahi yak ele iitapa qai etat gotu! ²Amu ig amenig ukeb, Jesus, Nug am oopa genab doyaknu diig daate, Nug oopa genab doyak ihinig eledenab medaku diig ele amu, ig Nug anidtu! Jesus Nug anuka oo gamag ahak geha dimpa anidkunu dab meum amunu Nug gagatag dayaya, ad emaitakpa ug doyaya, guitak awa mauhom. Ad emaitakpa mauhaknu amu uđanak ele amge Nug dimpa oo gamag ahak okai aokunu dab maama, uđanak amunu dab ii meum, am keeke hamu bia doyom. Gemu amu Nug hab atan, Kayak epeg nadiappa, amuam anuqak aben, amupa daate. ³Ag Jesus adi ipunigte am anteg! Hipunin danab anuka ag Jesus keked okai medapig amge Nug gagatagnab dayom. Ag gemu oolagpa genab dooteb amu ag keeke amu dab mena, ag ele aib bahilag yom amu ag ebehilag ele aib bodo etom.

⁴Ag am hipunin qepeg nekunu ban hepig amge ban amupa ag tiilag ii neum. ⁵Ag oolag gagatag qedakunu Kayak Nug nai laa aum amu ag nai amu ag daulag atiomtai? Nug nai amupa ahilagnu amu Nug bekod doyaya aum. Nai amuam inam. “O Nid dahil, Nadi Nug na ena bekutnu toliđa, bu niđeb amu na amunu keeke hamu bia aib doome. Nug na ena bekutnu daut bateb amu na oot aib nauhom. ⁶Ađinu? Nadi Nug danab laanu oo mauhte amu Nug danab amu ena daakunu toliđa, bu qete. Nug danab laa awa, nuhignu, “Nid dahil,” ate ele amu, Nug danab amu ena bekunu guitak nakok medte.”

⁷Nai anam daate amunu Kayak ag ena bekulagnu ug madaate amu ag anen anen haen amupa, “Kayak ehanidte,” doona, gagatag dayeg! Kayak Nug ahilagnu, Nug bekodnab doyata atog noadte. Danab aun laa nug nid nuhig, nug ena bekunu, ii toliđa, bu ele ii qete? Laa iitđa. ⁸Danab ag nid ahilkad ena bekulagnu toliadna, bu aqateb amunu Kayak Nug ag oolagpa genab dooteb ele ag ii toliđa, bu ele ii aqate ele dayeb amu ag Nug bekodnab iitđa, ag am ib imuagnu nid bia daateb. ⁹Amu ag imu ele anteg! Ig mamenkad wan imupanu amu ag ig ena bekunignu toligna, bu iqaeg, ig ag binalag metem. Anam amunu ig Mamenig hab atan daate ele amu, ig Nug waapanab daatu! Ig anam daatta, bauklel aognig. ¹⁰Ig mamenkad, wan imupanu amu, ag ig ena bekunignu amu haen tutuib, ag oolag anam daate ele, amu dim lamidna toligna, bu iqapig amge Kayak Nug ig ehanigkunu, Nug opia awak daate, ig ele amubia daagnignu toliđa, bu iqate. ¹¹Danab nug ena bekunu toliđa, bu qak aote ele amu haen nug aote amu danab amu nug oo gamag ii ahaate. Iitđa. Nug oopa guitak doote amge Kayak Nug danab amu nug ena bekunu udat amu ha male amu danab aun nug toliđa, bu qak amu pehetak aote ele amu, nug tutuku oiyaya, mađođ ele daate.

¹²Amunu ag Kayaknu toliđa bu qak aolag amu ag oolag aib nauhom. Iitđa. Ag danab nug epegte iitđa nug gategte gai iitđa meum, gagatag qedte amubia ag aka gagatag aqeg! ¹³Amu ag oolagpa laa ag baelag nau ele amu ag nauhna autna aomnanu, ag edun ena daaglagnu, ag ib tapan goteb ele amu, ag bapaidna autna aweg!

DAB METAKNU NAI

¹⁴Amu ag danab laala ele ag oh mađođ ele daanna oiglagnu udat ga-

gataḡ henana, ag opia awak kobolpa daaglagnu ele wagai meig! Adinu? Danab laa nug opia awak iita ele amu nug Naḡi anidkunu elele iita. ¹⁵ Danab laa nug Kayaknu ehanitak okai hamu meḡte ele amu di meḡta na qemanu dab meig! Ag oolagpa danab laa nug ad laa tiig mua ele, danab lanana mauḡteb ele, amubia dayaya, nug heeb, ag Kayak amegpa dubuḡid ele daamnanu ele dab mena autna aweg! ¹⁶ Danab laa nug gapai kobol dim lamidmanu amu laa nug Esau, nug Kayaknu ii dab maama oiḡom, nug nid danab menuak tatamnu ititak amunu hamu doya, Jakop nug e nakoknab, geha iikunuib meḡteb, nug ititak amu Jakop medakunu a mete laum ele amu, laa nug Esau bia oimanu ele dab meig! ¹⁷ Adinu? Ag dooteb dimpa Esau nug Isak epegpa ititak aokunu heum amge nug elele iita dayom. Esau nug ititak aokunu gayak huana heum amge nug ib nakoknab laa ii aḡom.

TITUANAK ADIT DILAH NAI

¹⁸ Israel ag anuka Sinai qauko, qauko amuam danab nug aḡa dookunu elele, qauko amupa ab naḡi ewa diḡieye amu ag qauko amu gumidna wapig. Ag qauko amupa gatatu tepu ele dayeye wapig. Ag qauko amupa ulah naḡinab uḡieye wapig. ¹⁹ Ag qauko amupa biugal baag okai gayeye doonna wapig. Ag qauko amupa Kayak baag doon, ag baḡana Moses amegpa inam apig. “Ig baula baag amu doyak uumut,” aon apig. ²⁰ Haen amupa ag Kayak nai maḡom amunu baḡan autna aopig. Nug nai inam aum. “Danab laa nug epeg bahia qauko imu aḡeb amu ag menpa makudpeg mauhaḡ! Doḡ ag ele qauko imu laudidpeg amu aqapeḡ mauheḡ!” awa aum. ²¹ Yo, Israel danab ag keeke amu anidna, oolag huana baḡom. Amu Moses nug ele aum. “Da baḡen hahadḡem,” awa aum. Israel ag keeke amu oh gumidna wapig.

²² Amge ag gemu daateb, ag am oolagpa genab dooteb ele amu, ag keeke anampa ii wapig. Iita! Ag amu Sion qaukopa tepig. Ag am Kayak apagpa, Jerusalem hab aḡannu, Kayak bauklelḡnu apagpa tepig. Ag amu engel tausen tausen qag mena, oo gamag ahak okai henan daateb ele, amupa tepig. ²³ Amu ag Kayak bekod tatamnu, Kayak Nug ag onilag matu awom daate, ag amu dilag qag mak naḡi amupa wapig. Ag Kayak, Nug am danab oh epediadḡe ele amu, Nug gukuidna wapig. Amu ag danab anukanu, Kayak Nug ahilagnu, “Danab tutuku,” aum, ag mauhadna hab aḡan tutuku elelenab daateb ele amu, ag gemu daateb, ag oolagpa genab dooteb ele amu, ag amu gumadna, ahilagpa tepig. ²⁴ Amu ag Jesus, Nug am gamag danab, Nug tituanak bau heum daate ele amu, ag nuhigpa wapig. Kain Abel qe mauhom, haen amupa Abel tiig neum amunu nob mak dayom amge Jesus ehanigkunu he, Nug tiig neum amu ag amupa wapig.

²⁵ Amunu ag dab meig! Ag aib daulag itun, Kayak nai madite amu nai nuhig qepeg neum. Anuka wan imupa, Sinai apa, Kayak Nug nai gataḡ danab amelagpa aum amge ag nuhig nai tapaeg neum. Ag tapaeg neum amunu ag ahilag hipuninnu nob qe eḡidna goḡulagnu elele iita daapig. Gemu Kayak Nug hab aḡan dayaya, nai gataḡ ig meḡte amunu ig Nug di metata amu ig oolta hipunin ihinignu nob qe eḡidkunignu elelete? Iitanab! ²⁶ Anuka Kayak Nug odepa nai aawo, wan uḡalom amge geha Nug nai qaka inam aum daate. “Da geha baula wan hepi uḡalku amge wanib iita, hab ele oh uḡalkulah,” awa aum. ²⁷ Amu, “baula,” nai amu inam ipunigte. Kayak Nug anuka keeke haḡom ele amu, keeke amu oh geha uḡalkulag. Keeke oh diignab iita ele daate amu, uḡalak amu heeb, iita meku, baula ii daamna. Keeke

laa, diignab ele amu, keeke amu aakuib geha daaku.

²⁸ Keeke diignab ele aakuib daaku amu ig amupa daagnignu daatem amunu ig oonig gamag ahebeb, ig amunu Kayak amegpa, “Ena hen mekame,” aot atu! Amu ig Nug binag metata, udat, kobol ele, Nug amunu oo daate amu, ig dim lamidta hetu! Ig Nug binag metata, nuhignu enanag doota, oonig ele otaiad!
²⁹ Adinu? Ihinig Kayak Nug am genab, ab adu nadinab bia.

KAYAK OO NIITE DIM LAMITAKNU NAI

13 Ag Kayak baekudpa daateb ele amu, ag lailkad dilagnu nug oo mauhak aib uupig. ² Ag do danab diin atog noadkulagnu ele aib daulag atiom. Anuka laa anam hena, Kayaknu engel diin atog noadpig amge ag am engel amu, ag oolag tutuku ii maitete atog noadpig. ³ Lailkad laa mani guitak oopa daateb ele amu, ag amu dilag dab menan dayeg! Ag ahilagnu dab mena, ag ele danab mani guitakpa daateb bia doona dayeg! Laa oolag ug ele dooteb amubi-aib ag ele oolag ug ele bia doon dab matanna dayeg!

⁴ Ewau dayaknu amu ag oh ena doyeg! Ewau a hanhan ewau genab daaglahnu ele ena anteg! Kayak Nug geha laa gapai aoteb ele amu epediadku. ⁵ Ag oolag men dodonu aib mauhom. Amu ag keeke adateb ele amu, ag amupa elele doyeg! Adinu? Kayak Nug aum aaku daate. “Da ag ii uuadpa, da ag ii di madapa,” awa aum. ⁶ Diig amunu ig oonigpa badak iita ele akunig. “Nadi Nug dahil ehanitak daate, da ii badapa, danab laa nug adi dahilpa laa heku? Iita.”

⁷ Toliak danab tatam tatam ag Kayak nai matiegeg, ag doopig amu daulagpa dayeb, ag dab mepeg ukeb, ag atem daanna oinna, udat henana mauhadpig amu amelagpa doobob, ag ele amubia

doon, oolagpa genab doyeg! ⁸ Amu Jesus Kristus Nug atem daate amu, Nug tumai, gemu, hanhan ele anamib daate.

⁹ Ipunitak kobol laa hanhan ahilagpa ii daate ele amu, ag anidna aib dim lamidpig. Adinu? Ig Kayaknu ehanitak okai hamu megte amupa, Nug dim lamidkunignu gagatag aognig am ena. Ig enu do kudum dim lamidta, gagatag amu aognignu hekunig am ena iita. Danab laala ag anam henan oipig amge ii ehanatom. ¹⁰ Aria ig kristen ele, ig am qadab laa, amuam Jesusnu ad emaitak, am mana metak danab ag dod gada laka apa udat heteb ele amu, ag apa henana, ag ihinig qadabpa ehanitak aoglagnu elele iita.

¹¹ Juda dilag mana metak danab dilag iki nug sipsip amu bulmakau ele tiilag awa, Kayak Nug danab ah dilag hipunin uhuqa madakunu lag oo gunnab amupa mana metak hete amge dod amu meulag amu ab dimitim manateg eote. ¹² Amunu amubia Jesus Nug ele am ab okainu ad od dimitim, Nug danab dilag hipunin Nug tiigpa uhuqa mateb, opia awak daaglagnu, ug mawa mauhom. ¹³ Amunu ig ele ad dimitim nuhigpa gota, Nug uđanak, ug ele awom bia aotu! ¹⁴ Ig dootem, wan imupa ab okai haen elab hanhan daakunu, ig apa daagnignu, laa ii daate. Amge ig am ab okai buti adi beku ele amunuib ameg metata daatem.

¹⁵ Danab laa ag Kayak binag mekulagnu amu ag dod keeke main, Nug medateb amubia ig Jesus udat nadi ihinignu heum, amupa Kayak binag metu! Ig amu hekunignu amu ig odenigpa Kayak Nug am ihinig Nadi akunig. ¹⁶ Amu ag lailkad dilagpa ena henana, ag lailkad keekenu tutu mak ele amu, ag nug ehanitak kobol ele hekulagnu aib daulag atiom. Adinu? Kayak Nug amunu mana metak bia doya, oo enanag daate.

¹⁷ Ag tamaniak oopa daateb ele amu, ag ahilkad toliak waalagpa daanna, ahi-

lag nai ele dim lamidk_ulag. Toliak ag ehanadk_ulagnu hena, hanhan ag atog noadnana udat heteb amu, toliak ag amunu geha Kayak amegpa mehuq_ulag amunu toliak ag ug doomnanu, ag oolag gamag ahak_unu amu ag laa ag ag waalagpa daanna, ahilag nai dim lamiteg! Tamaniak danab ah ag ug doonna, toliak dilag nai dim lamidk_ulag dayeb amu ag kobol amupa ehanitak ena ii aomna.

¹⁸Ig oonig am Kayak amegpa tutukuib daate amu oonigpa genab dootem, ig haen oh tutukuib oignignu oonig daate amunu ag Kayak ig ehanigk_unu unuqiteg! ¹⁹Dahilnu ele amu ag Kayak da ehanideb, da edue paha ahilagpa gokulnu Nug unuqidk_ulagnu ag unuqadtem.

UNUQITAK LAA

²⁰⁻²¹Aria Kayak, Nug am madod diig daate amu, Nug he, ihinig Nadi Jesus Nug mauhak oolagpanu edua hibaitom. Jesus tiig ne mauhom, amupa Nug, nug tituana nai qakak bau hanhannu ga-

ga_utag qetom ele amu, Kayak Nug Jesus tiig amupa heeb, keeke ena oh ag nuhig dab mak dim lamidk_ulagnu elele daaglagnu ahilagpa dayeb, Nug ihinigpa adi hek_unu oo daate amu hek_unu ool daate. Jesus Nug am ihinig gumak danab anuqak okai daate. Ig hanhan Nug binag metu! Genab!

BAG QAK NAI

²²O lailad, udug imu tutuub yaami amunu ag daulag human, oolag gaga_utag qedak_unu nai gaga_utag yaami imu, ag dooglagnu od mada_utem. ²³Amu ele ag dooglag, ig lainig Timotius amu ag nug mani guitakpanu uhuqeg doum daate. Nug ipa haen elelepa udieb amu i oh geha ag gumadda gokunih. ²⁴Amu ag ihinig humitak nai ahilkad toliak oh matanna amu Kayaknu danab ah oh ele mateg! Amu Kayak baekudpan danab Italinu amu ag humitak nai ahilagpa meeg gote.

²⁵Kayaknu ehanitak okai hamu megte amu, ag oh ahilagpa dayad!

JAKOBUS NAI YOM

UG DIIGDIIG AMU EHED HAKNU EEDAK ELE EDITAKNU NAI

1 Da Jakobus, da Kayak, Jesus Kristus ele dilah udat danab. Da Juda danab ag Juda wanpa ii daateb, ag wan atu ohpa daanna oiteb ele amu, da ahilagnu ehanatak Nai Ena iiku yaatem. Da ag humadtem.

²O lailad, ug laa ag diilag doyaknu udieb amu, ag amunu oolag aib otaiom. Iita, ag oolag gamag ahad! ³Adinu? Ag dooteb. Ug haenpa, ug doyaya editaknuib dab mak awak kobol, nug ena mekunu ib odepa daate.

⁴Ag Kayaknu danabnab kalulag ele daaglagnu, ag nuhig kobol ena amunu tutu iinab memananu, ag keeke ohnu elele daaglagnu amu ag ug doyaya editaknuib dab mak awak kobol ahilag nug gogpa tekunu wagai meig! ⁵Ag oolagpa danab laipu laa nug doyak elele iita daate dayeb amu nug amunu Kayak unuqiteb, Kayak Nug doyak medaku. Kayak Nug adi keeke danab madafe amu Nug eledenab madata, Nug metaknu nai ii hete. ⁶Amge haen danab laa nug Kayak adi aokunu od medate amu, nug amu aokunu oopa genab doyad! Nug, “Da aokultai o iitatai,” anam aib dab meum. Danab nug dab mak anam ele, nug am gagatag ii daate, nug am yu ulah heehe, kodkod qete amubia daate. ⁷Danab anam amu nug Nadi Nug keeke laa nug medakunu ii dab mema. ⁸Iita. Dab mak nuhig amu laipu iita. Nug kobol oh hete ele amu, nug ib laipu ii dim lamidte.

⁹Ig kristen lainig laa nug dadek daate amu, nug oo gamag ahaku am ena. Adinu? Nug Jesusnu oopa genab doote amunu nug Kayak noobpa onig ele. ¹⁰Amge ig kristen lainig laa nug enub

ele amu, nug anuka, “Da am enul okai ele amunu da am danab okai gagatag ele daatem,” anam dab mak awom, gemu dab mak amuam iita meum, diig amunu nug ele oo gamag ahaku am ena. Adinu? Ad bala hadag paha qada edateb amubia enubnu keeke ele anam iita mete. ¹¹Ig dootem, aam nug nadi ma, na he, bala maude, nug hadag na qe, nuhig bala antaknu aaku nauhte. Amubia danab nug enub aokunu wagai mete ele, nug udat nuhig haaha dayaya, na qeku.

¹²Danab nug ug doyaya edidkunuib dab mak awak kobol haaha, ug metak kobol nuhigpa beteb ohpa nug gagatag dayaya, ug maote ele amu, nug ititak ena awom daate. Adinu? Nug ug amu oh edateb amu Kayak Nug nob ena, bauklel hanhannu, medaku. Kayak Nug danab oh ag nuhignu oolag mauhte ele amu, Nug ag bauklel amu madaakunu nai qaka aum amunu geha madaaku.

¹³Am hipunin hekunu eedak haenpa danab laa nug, “Kayak da ehed hekulnu eedilte,” aib aum. Adinu? Kayak Nug ehed hekunu eedak ii doote amu Kayak Nug danab laa ehed hekunu ele ii eedte.

¹⁴Amge danab nug hipunin hekunu eedak doote amu, adi keeke nug amunu oo okai hete ele, keeke amu nug he, danab amu nug hipunin hekunu eedak doote. Nug dod, e laanu oo huana hete ele amu, nug e amu mutudig doya uka, pelempa note amubia danab nug adi keeke amunu oo huana hete ele amu, amupa nug ehed hekunu eedak aote. ¹⁵Amu danab nug adi keekenu oo huana hete ele amu, oo hak amu nug okai me, danab nug hipunin hete. Hipunin nug okai mete amu, meu nuhig am mauhak.

¹⁶O lailadnab, ag aka ag oolag bupuidna, “Kayak ehed hekunignu eedak imu megte,” amananu dab meig! ¹⁷Keeke ena hamu mekak amu keeke eledenab hamu mekak ele, keeke amu oh hab atannu uдите. Aam, kalam,

hodopai keeke ag habpa daanna, amahlak megteb ele amu, keeke amu oh Mamelag, Nug keeke enanag amu oh me, ihinigpa udiṭe. Mame Nug kobol nuhig edua edua ii meṭe. Nug keeke laa aamnu amahlakpa itotolag edun edun qeṭeb amubia ii hete. ¹⁸ Iiṭa! Nug nuḱa dab mak nuhig dim lamita, Nug nai genab nuhigpa he, ig Nug danab ag aṭem daaglagnu dab meum ele amu, ig amubia daagnignu, Nug bauklel ig mekom.

OḂE DOYA DIM LAMIṬAKNU NAI

¹⁹ O lailadnab, ag oh kobol imu doon autna aweg! Ag nai paha dooglagnu daulag human dayeg! Ag anam heḱulag amge ag nai paha aib madipig, opodilag ele paha aib beum. ²⁰ Aḁinu? Danabnu opodi bak amu Kayaknu kobol ena he ii bete. ²¹ Amunu kobol nau oh, kobol dubuṭid oh ele, wan ohpa daateb amu ag amu oh maopeg uḱeb, ag nai Kayak Nug ag oolagpa epom daate amu aweg! Nai amu nug ag edua diikunu elele.

²² Ag aka ag oolag bupuidna, Kayak nai am keeke hamu bia aib doopig. Ag nai amu doon, genab dim lamiteḱ! ²³ Am danab laa nug Kayak nai hamu bia doote ele, nug am danab leṭodpa nug nuḱa idu anidṭe amubia hete. ²⁴ Nug nuḱa idu anṭowa, nug edua uḱa amu nug pahanab nug nuḱa idu aṭemnab anṭom amu nug ameg atite. ²⁵ Amge do tutuḱu eledenab, do amu nug hipuninnu ad oopanua edua awigṭe ele amu, danab laa nug do amu diig anṭa, tutuḱu dim lamita, nug hamu bia ii doote ele, nug do amu ele daug ii atite amu, Kayak nug danab amu ititak medaḱu.

²⁶ Am danab laa nug aḱu. “Da amu Kayaknu danab ena, da hanhan genab Kayak binag meṭem,” awa aḱu amge nug ode ii atog noṭe dayeb amu nug nuḱa oo bupuidṭe. Amunu nuhig oopa genab doyak, nug Kayak binag meṭe

ele amu keeke hamu. ²⁷ Danab nug Kayak, ig Mamenig, Nug binag tutuḱu meḱunu amu Kayak Nug kobol imunu elele anidṭe. Danab amu nug nid naunau laa ag mamelḱad anilḱad mauhpig, o iita danab nug mauhe, wau qab ma daate ele amu, nug amu ehanata, ug ahilag maoku. Keeke laa ele, nug nuhig oiyak, dayak ele dab medaḱu. Amu nug wanpan kobol, nug oo dubuṭid meṭamanu, amu ele nug dab ma auta aoku.

KRISTEN TAMANIAKPA AMU DANAB OH LAIPU DAAṬEB

2 O lailad, ag Naḁi ihinig Jesus Kristus, Nug am hab atannu binag ele amu, ag nuhignu oolagpa genab dooteb amunu ag danab onilag okai ele amuib atog noadnana, danab onilag iita ele am keeke hamu bia anadḱulagnu aib hepig. ² Am enub danab laa nug lamenu ena taḱa, epeg doḁopa gol ring ele ma, nug ahilag qag mak laḱa noṭe dayeb amu daḁek danab laa nug lamenu ele nug ele qag mak laḱa noṭe dayeb amu ³ ag danab bala ena meum ele, nug atog nonana, “Na dayak balal ena imupa daye!”, aon anana, ag daḁek danab amegpa, “Na amu unam hipaidna daakut, o iita na da baelpa honap inam heḁep nena daye!” aon aḱulag dayeb amu ⁴ kobol amupa amu ag eheḁ iite heteb? Yo, ag eheḁ heteb. Ag lailḱad dilag enubpa aun am danab ena, aun am danab nau epediadṭeb amu ag am epediak danab, dab mak nau ele, danab epediadṭeb bianab heteb.

⁵ O lailad, ag doyeḱ! Danab ag wanpan danab oh noolagpa daḁek daateb ele, danab amu Kayak Nug ag oopa genab doyak gagatag adan oiglagnu, ag nuhig do maḁoḁ oopa, Kayak Nug danab ag nuhignu oolag mauṭe ele amu, ag agupa daaglagnu nai qaka aum amu, ag amu oopa daaglagnu tituanatom daateb. ⁶ Amge ag, da nai imu ahilagnu yaateṭem

ele amu, ag daḁek danab heeg, uḁalag neṭe. Ag dooṭeb, danab enulag ele ag heeg, ag kristen ag aaku ug anidṭeb. Danab enulag ele ag aaku eeḁateg, haen tutunu heṭoḁiak abenpa waṭeb. ⁷ Am Kayak Nug Kristus onig ag maṭom amu danab amu ag aaku onig amu dapidna, aon aon qeḁṭeb.

⁸ Kayaknu ḁo maḁoḁ oopa dayaknu ḁo laa Kayak naipa daaṭe am inam. “Na naḁa nahipnu oot mauḁṭe, amubia na laa dilag ele oot mauḁaḁ!” Anam amunu ag ḁo amu genab dim lamidḁulag amu ag aaku kobol ena heḁulag. ⁹ Amge ag ahilag neeḁakpa, diig iṭapa ag danab laa dilag, “Ena heṭeb,” anana, laa dilag, “Ehed heteb,” aṭeb dayeb amu ag amupa hipunin heteb. Ag anam heteb dayeb amu ḁo nai nug ag am tape nak danab daaṭeb ipunigṭe. ¹⁰ Danab laa nug ḁo oh dim lamidṭe amge ḁo oopa hupu laa tipalṭe amu nug aaku ḁo oh tape nak danab daaṭe. ¹¹ Ig dooṭem, Kayak Nug aum. “Na gapai kobol aib heme,” amge Nug amuib ii aum. Iṭa. Nug ele inam aum. “Na danab aib qeṭe mauhom,” awa aum. Amunu na gapai kobol ii heḁut amge na danab qeṭe mauḁku dayeb am na aaku ḁo tipalak danab daaṭem.

¹² Oo mauḁhak kobol nug ag aḁi heḁulag nu ipuanadṭe ele amu, ag amu heṭebṭe oo iṭate, Kayak Nug amupa epeḁiadḁu amunu ag aḁi aṭeb, aḁi heṭeb ele amu ag amu dab menan oiyeḁ! ¹³ Aḁinu? Danab laa nug layag nu oo gai iṭa ii dooṭe, nug layag ehed heumnu nob nau medaṭe, nug nob nau amu medaḁunu ii uute amu, Kayak Nug danab amu heṭoḁiakpa nob nau medaḁu. Amge danab laa nug layag nu oo gai iṭa dooṭe, nug hipuninnu nob nau ii medaṭe amu nug geha heṭoḁiakpa nob nau ii aoma.

OOPA GENAB DOYAK, KOBOL ENA ELE OU QAK DAATEP

¹⁴ O lailad, danab laa nug aḁu. “Da Kristusnu oolpa genab dooṭem,” awa aḁu amge nug kobol ena ii heṭe ele dayeb amu danab amu nuhig oopa genab doyak am keeke hamu. Oopa genab doyak anam am eḁua diikute? Iṭa. ¹⁵ Aria ag lailag laa, nug beḁupa lamem iṭa, e ele iṭa daaṭe dayeb amu ¹⁶ ag oolagpan laa nug aha, laa tutu meum daaṭe ele amu, nug amegpa, “Na maḁoḁ daanna, na gona beḁun loḁumidḁutnu lamem laa aon, e ele lape oot diṭiaḁ!” awa aḁu amge nug layag lamem laa ii medaḁu, eṭa ele ii ehanidḁu dayeb amu nai amu layag ehanidḁute? Iṭa. ¹⁷ Oopa genab doyak ele am anamib. Oopa genab doyak nug hamu daaṭe, nug kobol ena laa ii heṭe amu, nug aaku keeke hamu.

¹⁸ Anam amge danab laa nug aḁu. “Na amu ootpa genab dooṭem, da amu da kobol ena heṭem amge i oh kobol aḁit amu oh iṭa. Na am laa ele, da am laa ele,” awa aḁu. Amge anam iṭa. Danab nug oopa genab dooṭe ele amu, nug am kobol ena ele heṭe. ¹⁹ Na am ootpa genab inam dooṭem, “Kayak laipuḁiḁ daaṭe.” Amu ena amge ouḁi nau ag ele anam oolagpa genab dooṭeb amge ag Nug oḁe dim lamidḁulag nu oolag ii daaṭe amunu ag oṭaiṭeb. ²⁰ Na danab gad niṭak! Na ootpa genab dooṭem amge na kobol ena ii heṭem dayeb amu oopa genab doyak nahip nug am keeke hamu daaṭe, da nai imupa ipunidḁul. ²¹ Anuḁa ig alanig Abraham, nug beḁa Isak mana meṭak qaḁab aṭan mewowa, mana Kayak medaḁunu heum amunu haen amupa Kayak Nug kobol nuhig anṭa, nuhig nu, “Danab tutuḁu,” awa aum. ²² Na Abraham nuhigpa inam anidḁut. Nuhig oopa genab doyak am nuhig kobol ena ele a oh uḁat laipu heehēh, kobol amupa nuhig oopa genab

doyak elelenab meum. ²³ Amu nug heum amupa nai laa Kayak naipa daate am elele metom. Nai am inam. “Abraham nug Kayaknu oopa genab doynom amunu Kayak Nug oopa genab doyak amupa Abrahamnu, “Danab tutuku,” aum. Ele amu Kayak Nug Abrahamnu, “Da layal-nab,” aum. ²⁴ Amunu gemu ag dooteb, oopa genab doyakpaib Kayak Nug danabnu, “Danab tutuku,” ii ate. Iita. Nug danab oopa genab doyaya, kobol ena hete ele amu, danab amunu, “Danab tutuku,” awa ate.

²⁵ Amubianab amu ib imuag ah onig Rahab, nug danab Josua he gopid ele amu, nug a diiata, laugpa atog noata, ab amupan danab anatmananu ib laih maate goya, aben laapa dayoya, eduya, a abenlahpa gopid, diig amunu Kayak Nug Rahabnu, “Ah tutuku,” awa aum. ²⁶ Danab bedu dotog iita ele am mauhom. Anamnab aaku, danab nug kobol ena ii he bete amu oopa genab doyak danab amunu nug mauhom daate.

NAI MATIAKNU DAB METAKNU NAI

3 O lailad, danab kudum laa ele ag oolagpanu ipunitak danab bekulag-nu aib dab mepig. Adinu? Ag dooteb, dimpa Kayak Nug hetodiak gagatag ipunitak danab ihinigpa haaha amu hetodiak bodo etak am Nug baekudpa laala dilag heku. ² Am ig oh hipunin kudum hetem amge danab laa nug nai matiak nuhigpa ehed laa ii hete dayeb amu nug danab elelenab, nug oiyak nuhig oh ena atog nokunu elele.

³ Ig hos, nug ihinig dab mak dim lamita gokunu, ig aen maha laa nug odepa metem amunu ig hos bedu eduta, ib metautut gote. ⁴ Amu ag ub okainu ele anteg! Ub okai nug am keeke okai amu ulah okai udia dutune, yu qadepa gote. Am ubnu ulum am keeke nag-nag amge ulum danab nug laih gokunu oo daye amu ulum edue, ub nug laih

amupa gote. ⁵ Amubianab ig lemadunig am ig bedunig laih laala oh oolagpa keeke nakoknab amge nug keeke okain-abnu hamu naiib madite. Aria ag dooteb, ab adu nakoknab nug atupa ewa nadinab ma, ad oh ewadkunu elele. ⁶ Amu ig lemadunig nug am ab adu bianab. Nug bedunig laih laala oh gamagpa Satan epeg bianab daate. Ig lemadunig nug danab bedu oh dubutid medte amu nug danab bedupa kobol ab gakadak bia hete amunu oiyak oh nuhig am ena ii bete. Amu ig lemadunig nug anam hete ele amu, nuhig diig am Satan.

⁷ Danab ag dod dakud diigdiig amu ai mat ele, aria keeke oh yupa daateb am ele, ag diin hepeg, manan mekulag-nu elele. Ag matu hepig, gemu haen imu ele heteb. ⁸ Amge danab laipu laa nug heeb, nug lemadu manan mekunu elele iitanab. Haen oh ig lemadunig nug mauhnoak bia nai nau ate. Ig lemadunig nug mua nau ele, nug danab qeeb mauhkunu elele.

⁹ Ig odenigpa amu ihinig Nadi, ig Mamenig, Nug binag metata amu ig danab Kayak Nug danab oh Nug bia daagnignu heikom ele amu, ig odenigpa am ig danab laa nob nau aokunu maditem. ¹⁰ Kayak binag mak nai amu nai nau ele a oh ig odenig laipupa betep. O lailad, ig kobol anam laa ii helom am ena. ¹¹ Wan ode laipupa le adit, laa am le ena, laa am yu ele, a ode laipupa tulai ii dotep. Iita! ¹² O lailad, ad onig pig amu nuhigpa ad laa onig olip, nuhig meu dodu niikunu elelete? Iita! Muqi grep nug ad pig meu okunu elelete? Iita. Amubia yu edua, le hamu, yu iita daakunu elele iitanab.

DOYAK ENA AMU KAYAK TOPANU UDITE

¹³ Danab laa nug ag oolagpanu nug nuhig doyak amu dab mak ena ele daatete? Anam dayeb amu, nug danab laa ag amu anidkulag-nu amu nuhig

oiyak amu enanag bad! Yo, laa ag amu anidkulag^{nu} amu nug ele nu^{ka} binag mak kobol iitapa, doyak enapanu bete amu, nug kobol amupa danab ehanatad!¹⁴ Amge ag oolagpa ag lailkad dilag^{nu} opodi bak dooteb dayeb, o iita ag oolagpa ag aka enaib daaglag^{nu} dab mak okai aoteb amunu ag lailkad dilag^{nu} ena iinab ii dooteb dayeb amu ag aka ahilag doyak amunu aib oolag gamag ahom. Ag nai genab aib dapidnana, nai ham bup^{uak} madipig.¹⁵ Doyak amuam hab atannu ii neum. Iita. Doyak amu nug wan imupan, nug keeke ena iita. Satan nug doyak amu mameg daate.¹⁶ Am danab laala ag lailkad dilag^{nu} opodi bak dooteb, ag aka ena daaglag^{nu} dab mak okai aoteb amunu ag lailkad dilag ena iinab ii dooteb ele amu, danab amu ag adepa daateb amu apa ag daqaqa ii daateb amu ag kobol nau diigdiig heteb.

¹⁷ Amge danab ag doyak Kayak topanu udie aopig ele amu, ag am kobol inam heteb. Tatam ag dab mak enanag dim lamidteb. Amu dim lamitak ag lailkad ele madod ele daateb am ag lailkad dilag^{nu} oolag bodo etak ele daanna, ag lailkad dilag nai ele dooteb. Ag lailkad dilag^{nu} oolag gai iita doon, ahilag^{nu} kobol ena heteb. Am ag danab oh dilag kobol laipuib heteb. Danab anam am ag Kayak bekod daanna, ham bup^{uak} danab iita daateb.¹⁸ Amu danab ag madod^{nu} oolag hete, madod wan imupa daak^{nu} wagai meteb ele amu, ag am danab e epowa meu aote amubia meu laa, amuam tutuku oiyak, meu amu aoteb.

DANAB NUG WANPAN KOBOLNU OO MAUHTE, AMU NUG KAYAKNU KEKED DAATE

4 Adi keeke nug he, naipaib ban hak, naitud mak ele ahilagpa bete? Keeke amuam ag be^ulagpanu kobol diigdiig hek^ulag^{nu} gagatag dab meegeg he, ag

nai hak kobol amu heteb.² Am ag keeke diigdiig^{nu} oolag hete amge ag ii aoteb amunu ag danab dug okulag^{nu} dab meteb. Ag keekenu amelag qete amu ag aoglag^{nu} elele iita amunu ag oolag nauhe, naitud menana, ban mad edateb. Am ag Kayak ii unuqidteb amunu ag keeke ii aoteb.³ Ag keeke aoglag^{nu} Kayak unuqidteb amge ag ii aoteb. Adinu? Dab mak ahilag am tutuku iita. Ag keeke ag oolag hetenuib, ag aka aon adaglag^{nu} unuqidteb.

⁴ Ag danab ah naunab. Ag Kayak uuna, kobol laala dim lamidteb ele. Ag danab nug wan kobolnu oo hete ele amu, nug aaku keked kobol Kayak topa hete amu ag iite dooteb? Laa nug wan kobolnu layam daate, nug am Kayaknu keked daate.⁵ Kayak nai laa amunu ag keeke hamu bia dootebte? Nai amuam inam. “Oudi, Kayak Nug ig oonigpa meum daate ele amu, Nug atog noigkunu oo huana daate.”⁶ Anam daate amunu Kayak Nug ehanitak okai hamu megte ele amu Nug amu megte. Diig amunu Kayak naipa, nai inam daate. “Kayak Nug hibguita danab tapaladte amge Nug danab, ag aka ag onilag qeeg nete ele amu, Nug ahilag^{nu} am nob nau, ahilag hak naunu, elele edua ii madate.”

⁷ Ag oolag bodo eteb, ag oolag ele Kayak metan, Nug waapa dayeg! Ag Satan nug adi ehed hek^ulag^{nu} hete, ag ii hemananu nug noobpa wagai mepeg amu nug ag uua^{ta}, oola goku.⁸ Ag Kayak gumidna wapeg amu Nug ele ag gumata doku. Danab nug epeg lepa ihe, ena daate bia amu ag hip^unin danab ag hepeg, ag oolag opia awak dayad! Amu danab laa ag dab mak adit ele, ag dab mak nau ag oolagpanu maopeg ukad!⁹ Ag ehed hak ahilag amu ag amunu dab menan, ag oolag nauhebeb, amunu gayeg! Danab ag imateb ele, ag imak am uuna gayeg! Danab ag oolag gamag ahate ele, ag oo gamag ahak amu

uuna, ag oolagpa ug ele doyeg! ¹⁰Ag aka ag Nadi noobpa ag onilag qepeg neeb oiweg! Ag anam daanna oiglag amu Nadi Nug ag humata, atan maadku.

¹¹O lailad, ag lailkad dilag nu nai nau aib apig. Danab laa nug layag laanu nai nau ate, o iita nug layag epedite ele amu nug donu ele nai nau anana, do ele epedite. Aria na do epeditem dayeb amu na do dim lamitak danab iita. Na am epediak danab laa aaku daatem. ¹²Kayak Nug nuka aakuib do meum amu Nug nuka aakuib epediak iki daate. Nug nuka aakuib danab edua diikunu elele. Aria Nug ele heeb nauhkunu elele. Na naka nahipnu atem dootem amunu na danab layap epedidkutnu hetem?

BUTI, ADI BEKUNU DAATE AMU DANAB LAA II DOOTE

¹³Aria ag oolagpa danab laala ag, “Gemu o iita buti adi ig ab okai laapa gota, mad laipu anam daatta, men do do matiak udat hetat, men do do kudum ele daagnig,” aon ateb ele amu, ag doyeg! Amuam ham bupuak. ¹⁴Ag adi keeke buti beku amu ag ii dooteb. Ahilag bau dayak haen imu atemnab daate am ag dootebte? Ag am butudai aha, nakoknab dayowa iita mete bia. Ahilag bau dayak haen anam biaib daate. ¹⁵Amunu ag inam akulag am ena. “Nadi Nug oo heeb amu ig bau daatta, ig imu hekunig, o iita ig udat laa hekunig.” ¹⁶Amge ag iki okai henana, ag aka aka binalag meteb. Kobol amu oh am kobol ena iita. ¹⁷Amunu danab laa nug kobol ena hekunu doote amge nug ii hete ele amu, nug aaku hipunin hete.

DANAB ENUB KUDUM ELE DILAG NAI

5 Gemu am danab ag enulag ele ag doyeg! Ahilagpa ug oh bekunu daate amunu ag dab mena gaanna, huana eig! ²Ag enulag oh am bedapig. Amu keeke laa ag ahilkad lamem ele oh am

heeg nauhpig. ³Gol, silwa ele ahilkad amu ele nauhna, dubutid tadpig. Amu dubutid amu heeb, ahilag hipunin miag atieb, geha ab bia ag bedulag eoku. Am ag keeke ena ena amu men do do ele kudumnab, gog tak haen imupa, ag aka ena daaglagnu qag maadpig. ⁴Anteg! Udat danab ag ahilag udat hepig amu ag enub danab ag udat danab amu bupualadnana, udat hepignu daden nob ii madapig amu, men do do amu edua danab baag bia, “Ag ehed hepig,” awa madite. Udat nid amu dilag ewak, Kayak, Nug am Nadi, ebehi ele, Nug daugpa doyom daate. ⁵Ag wanpa daanna, ag keeke ena ena oh aon, oolag gamag ahehe daateb. Ag laa dilag keeke kobol ehedpa aona, ag keeke oh ag oolag hete ele amu adateb amunu ag hetodiak okai dedpa nob nau okai aoglag. ⁶Danab laala ag ahilag nu ehed laa ii hepig, danab amu ag am danab tutuku, danab ena, amge ag danab amu hetodiakpa maadna aqaeg mauhpig.

OO GAGATAG QA, UG MAWA, NADI AMEG MAKNU NAI

⁷Enub danab ag anam heteb amunu o lailad, diig amunu ag oolag gagatag qetana, madod ele daanna, Nadi edua udikunu haen ameg mekulag. Anteg! Dad mameg nug e meu ena okunu ameg ma daate. Nug oo gagatag qeta, madodib dayeye, gu aam ele udat heya malaeh amu nug e meu aote. ⁸Amubia ag ele oolag madod ele daanna, ug oh maweg! Ag oolag gagatag qetan dayeg! Adinu? Nadi edua udikunu miag daate. ⁹O lailad, ag lailkad ele aib naitud menana, nug dimug madipig. Ag kobol amu hekulag amu Kayak Nug ag epediata, nob nau madaku. Amu Epediak Danab Nug dokunu haen miagnab malom daate.

¹⁰O lailad, ag imu anidna dim lamidkulag nu amu ag propet anuka Nadi onigpa nai mehuqtapig amu

daulagpa doad! Keket ag ehed hadpig amge ag amu doonna, ag oolag madod ele daanna, ag maopig. ¹¹ Ag doyeg! Ig, “Danab ag oolag gagatag qetan, ug maopig ele amu, ag am oo gamag ahak nadi dooteb,” aot aтем amunu ag amu anidkulagnu amu ag Hiobnu kaya dab mekulag. Ag dooteb. Nug oo madod ele dayaya, ug oh nuhigpa bepig am mawom. Anam he, dimpa Nadi nuhignu kobol ena he beum amunu ig dootem, Nadi Nug hanhan ihinignu, Nug oo gai iita doote.

¹² Amge o lailad, anuqak amu ag inam hekulag. Ag aib hab onig o iita wan onig, o iita keeke laa onig diina, ahilag nai, nai amupa gagatag qedapig. Iita. Ag “Iita,” akulagnu dayeb am, “Iita,” akulag. Am aaku elele. Aria ag, “Yo,” akulagnu dayeb amu, “Yo,” akulag. Am aaku elele. Am ag keeke laa onig diin, ag nai ahilag gagatag qetan akulag amu Kayak Nug geha ag epediata diia, nob nau madaqu.

DANAB TUTUKU, NUHIG UNUQITAK AM GAGATAG

¹³ Ag oolagpa laa nug ug doya amu nug unuqidku. O iita, lainig laa nug oo gamag ahate doya amu nug ahi edata, Kayak binag meku. ¹⁴ Ag oolagpanu lailag laa, nug ode ele doya amu

nug kristen tamaniak iki danab onilagpa ewad! Onilagpa eeb, toliak ag Nadi onigpa bedu goden laaidna amu Kayak ehanidkunu unuqidkulag. ¹⁵ Amu toliak ag Kayaknu oolagpa genab doona unuqidpeg amu Nadi geha ode danab amu heeb, edua bau meku. Aria ode danab amu nug hipunin laa heum dayeb amu Nadi Nug hipunin nuhig uhuqa medaku. ¹⁶ Amunu ag ode aon, edun ena daaglagnu amu ag aka aka lailkad noolagpa hipunin ahilag uhuqnana, ag lailkad dilagnu Kayak unuqiteg! Am danab ena tutuku ele, nuhig unuqitak am ebehi ele amunu danab ehaniteb ena daakunu elele.

¹⁷ Elias nug am danab ig bia, nug unuqitak ebehi ele gu ii nemanu Kayak unuqitom amunu gu mad ewam maha ele ii neum. ¹⁸ Nug edua unuqite, gu edua ne, wanpan e oh edun bau meu opig.

¹⁹ O lailad, ag lailag laa ag oolagpanu nug Kayaknu nai genab di meta oiyeye, laa nug edua eede dote dayeb, ²⁰ danab laa nug layag ehanitom, nug hipunin danab laa, ehed heum ele amu, nug ehanite, nug ehed hak ib di meta, Kayak topa edua doa, nug padal ii mete dooku. Ele amu amupa amu nug he, Kayak Nug danab Nug di metom ele amu, nuhig hipunin kudum uhuqom dooku.

NAI 1 PETRUS YOM

BAUKLEL HANHANNU HAB AṬAN AMENIG MEUM DAATE

1 Da Petrus, da am Jesus Kristusnu total danab. Da nai imu Kayaknu danab, Nug tituanatom ele, ag Pontus, Galata, Kapadosia, Asia, Bitinia, aben amu ohpa Juda danab do gopig daateb ele, ahilagnu yaatem. ² Amu Kayak, ig Mamenig, Nug anuka ag doyaṭa, nuhig Oudipa nuhikud danabnab daaglagnu amu ag Jesus Kristus ode dim lamidna, Nug tiigpa opia awak bena daaglagnu tituanatom. Kayaknu ehanitak okai hamu megte amu nuhig madod ele ahilagpa hanhan nadi daaglahnu ool daate.

³ Kayak ihinig, Nug am Nadi Jesus Kristus Mameg amu, ig Nug binag metu! Adinu? Nug ihinignu oo gai iitanab doya, Jesus Kristus mauha, edua hibaitom amupa ig bauklel mekom. Nug ig amu mekom amunu ig Kayak noobpa bauklel ele daagnignu genab dootta, amu ameg meṭem. ⁴ Amu ele ig Kayak Nug bekod keeke madaḱunu dab meṭe ele, keeke amuam hanhan daaku, ii nauhma, iita ii mema ele amu, Nug hab aṭan ahilagnu babaitom daate amu ig amu ele dimpa anidkunignu ameg meṭem. ⁵ Amu ahilag oopa genab doyakpa Kayak Nug nuhig gagatagpa ag atog noadte. Nug ag atog noateb ukeb amu ahilagnu ehanitak okai babaitom daate amu gog tak haenpa aoglag. ⁶ Gemu haen imupa ag keeke diigdiigpa ug dooglagtai amge ag ehanitak okai amu aoglagnu daateb amu ag amunu oolag gamag ahate. ⁷ Ug beteb amu ag diig imunu beteb. Ag bepeg, ahilag oopa genab doyak amu ena, gagatag daatete o iitate, amu antaknu aaku beteb. Danab ag gol, nug am nauhkunu keeke, ab

adupa epeditb, amubia ahilag oopa genab doyak, nug nauhkunu keeke iita, gol editak, enanag, amu epeditkunu ug amu ag beteb. Oopa genab doyak ahilag nug gagatag daaku amu dimpa, Jesus Kristus edua udiḱu haenpa, ag humitak amu binag meṭak amu oo meṭak ele aoglag. ⁸ Amu ag Nug ii anidpig amge nuhignu oolag mauhte. Nug ii anidpig amge nuhignu oolagpa genab dooteb. Ag anam doona, haen imupa ag oo gamag ahak nadinab enanagnab ele amu dooteb. ⁹ Adinu? Oopa genab doyak ahilagpa ag nob ena, amuam Kayak ag edua diite amu, ag amu aaku aoteb.

¹⁰ Edua diiak amunu amu propet, ag Kayaknu ehanitak okai hamu megte, ag gemu nai imu eb qeteb ele, ag amu aoglagnu dayeye, propet ag amu ii udiak haenpa amunu mehuqpig ele amu, ag edua diiak amunu diig dooglagnu, ag hetodin autnanab aopig. ¹¹ Kristusnu Oudi ahilagpa dayom amu Nug Kristus ug maokunu, amunu binag meṭak dimpa udiḱunu ele amu dab mak maṭom amunu ag amunu haen, amu nuhig keeke laa ele hetoditapig. ¹² Aria keeke amunu Kayak Nug propet ag amelagpa Mesias Nug ag ahilag haenpa beeb, anidkulagnu iita, Mesias Nug ag gemu daateb, ahilag haenpa beeb anidkulagnu aum. Amu ag keeke gemu daulagpa dooteb, nai amu Nadinu udat danab ag Kayak Oudi hab aṭannu gagatagpa nai mehuqgeg dooteb amu propet ag amunu anuka hetodin madipig. Keeke amu engel ag ele dooglagnu oolag nadi daate.

OPIA AWAK DAYAKNU EWAK

¹³ Amunu ag gagatag daaglagnu, ag dab mak ahilag bapaidna daanna, ag oiyak ahilag ele atog nona autna aona, ag Kayaknu ehanitak okai hamu megte ele amu, ag Jesus edua udieb aoglag, amunuib dab menan dayeg! ¹⁴ Amu ag

Kayak beƙod daanna, Nug oƊe doyeg! Ag tatam kobol genab ii doopig daanna, dab mak nau dim lamidpig ele amu, gemu ag amu aib dim lamidpig. ¹⁵ Iiƙa, Kayak Nug ag onilagpa eum, Nug opia awaknab daate, amubia ag keeke aƊi heƙeb amu opia awak daanna heig! ¹⁶ Amuam Kayak naipa, nai laa daate amubia. Nai amuam inam. “Nug opia awaknab daate amunu ag ele anam dayeg!”

¹⁷ Ag Kayak, Nug am danab oh ahilag hak anen anenpa eped̄iad̄ku ele amu, ag Nug unuqidnana, Nug onig diin, Mame aƙeb amunu ag haen imupa do danab bia wan imupa oiƙeb amu ag nuhignu enanag doon, ag oolag ele oƙaieb, Nug onig binag meteg! ¹⁸ Ag alalkad ag ib ug ele dim lamiteg neum ele amu, Kayak Nug ag gemu daateb amu ag ib amupanu uhuqak ena aon, hab aƙan gokulagnu amu ib laa, keeke nauhte ele, gol, silwa bia, amupa ii daden meum. Iiƙa! ¹⁹ Ag dooteb, Kristus, Kayak Beƙa, Nug am hipunin iiƙa, dubuƙid ele iiƙa amu ag Nug tiig enanag amupa uhuqak aopig. ²⁰ Kayak Nug keeke oh ii beum haenpa Nug tituanom amge dimpa gog tak haen gamag imupaib Kayak me uƊia, ag ehanad̄kunu miag atiom. ²¹ Nuhigpa ag Kayaknu oolagpa genab dooteb. Nug mauhe, Kayak Nugib he, eƊua hibaite, Kayak Nug binag naƊi metom amunu ahilag oopa genab doyak amu keeke ena awaknu dab mak gogpa teƙunu ameg mak ahilag ele amu, Kayak Nugib keeke aƊit amu diilah daate.

²² Ag gemu ag nai genab dim lamidteb amunu ag opia awak danab bena daateb amunu ag lailkad dilagnu oolag mauhte. Ag anam daateb amge ag tuƊidna, ag lailkad dilagnu oo mauhak genab ele doyeg! ²³ Amu Kayak nai bauklele ele amupa ag menuak bau aon daanna, ag Kayak, Nug ii mauhte, Nug hanhan daate ele amu, ag Nug beƙod daateb.

²⁴ Kayak naipa nai amunu inam daate. “Danab oh ag gikid̄ah bia daateb, ag binalag amu haƊag bia daate. Gikid̄ah qaƊa eƊate amu haƊag oh maudna, nena qeƙeb ²⁵ amge NaƊinu Nai am hanhan daate.” Nai Ena mehuqak ahilagpa uƊiom ele amu, nai amu aak̄uib ipuanadte.

2 Amunu ag kobol nau oh dim lamid̄kulagnu amu ag uueg! Ag nai ham bupuk uuna amu ag aƙa ahilagnu, “Ig am danab ah enaib,” aib apig. Amu danab laa nug keeke kuƊum ele dayeb amu ag nuhignu aib oolag nauhom amu ag nai nau ele aib madipig. ²⁻³ Amu ag danab laa nug e laa lana enanag doote amubia ag Kayaknu enanag doona, ag Nug beƙod daateb amunu ag ena mekulagnu, nid yuƊ ag huh aoglagnu oolag daate amubia ag Kayak nai dooglagnu oolag dayaƊ!

NADI NUG MEN ENA BAU ELE

⁴ Ag NaƊi Jesus topa doig! Nug amu bauklele diig daate. Nug am lag haknu men anuqak bia amu danab ah ag Nug uupig amge Kayak Nug nuƙa tituana, nuhignu am enanag doote. ⁵ Amu ag uƊin, ag ele men bau daate ele bia daapeg amu Kayak Nug nuhig tamaniak ahilagpa heƙu. Amupa ag mana meƙak danab opia awak ele daanna, ag keeke Kayak oo niite ele amu, Jesus Kristus onigpa mana meƙak bia Kayak keeke amu meƙaglag. ⁶ Amu Kayak naipa, nai laa Jesusnu am inam daate. “Da men laa, amuam men enanag, amu eped̄i, Nug am dahil tamaniak gamagpa anuqak daate. Amu laa nug nuhignu oopa genab dooku amu Nug am ii uuidma. Iiƙanab iiƙa.” ⁷ Ag nuhignu oolagpa genab dooteb amu ag nuhigpa ehanitak oƙai aoteb amge danab ah ag oolagpa genab ii dooteb amu ahilagpa Nug inam beum daate. “UƊat danab ag men amu uupig ele amu, gemu Nug lagnu anuqak daate.” ⁸ Aria

Kayak nai amunu laa am, “Men amu nug danab ag oolagpa genab ii dooteb ele amu, ag men amupa baelag qekulag⁹nu daaku. Yo, men amu heeb, danab ag nena qekulag.” Adinu ag baelag qekulag? Ag nai ena oolagpa genab ii doopig amunu Kayak antom amubia ag heteb.

⁹Amge ag Kayaknu danab, ag gatatupa daaegeg, Nug diia, amahlak enapa maatom ele amu, ag Nug ahilagpa ena heum amu miag atiglagnu, Nug ag tituanate daateb, ag am nuhikud mana metak danab daateb, ag am danab ah opia awak daateb, ag am Kayak nuhignab danab ah daateb.

¹⁰Anuka amu ag Kayaknu danab ah ii daapig amge gemu ag nuhignab danab ah daateb. Amu anuka ag hipuninnu nob nau, ag amu aoglagnu daapig amge gemu amu ag nob nau amu aoglagnu ii daateb.

KAYAKNU BEGBEG DANAB DAYAKNU NAI

¹¹O lailad, ag danab atu laapanu, ag am do danab ele bia, wan imupa daateb amunu da ag bedulag¹²nu kobol nau, kobol amuam ag hanhan ig Kayak amegpa danab ena daamtanu wagai meteb ele amu, ag kobol amu ii hemananu unuqadtem. ¹²Amu ag danab laa Kayak baekudpa ii daateb ele amu, ag ag oolagpa daanna, kobol ena tutukuib heig! Ag anam hebepeg, danab amu ag ahilag¹³nu nai nau akulagtai ge ag ahilag kobol ena amu anidna, haen Nadi Nug ig danab ig ehanigkunu udiku amu ag ele Nug binag mekulag.

¹³Nadi Jesus Nug Kayak ode dim lamidtom, diig amunu ag ele gabman epeg laih laih oh, Kayak maatom daateb ele amu, ag odelag dim lamiteg! Amuam danab okainab, laa oh edatak daate, nug ode dim lamidkulag amu ¹⁴nuhikud ehanitak, nug waapa daanna, udat heteb amu, ag odelag ele dim lamiteg! Gab-

man okai nug danab, ag nug waapa daanna udat heteb ele amu, ag ehed hak danab nob nau matanna, danab ag kobol ena heteb ele binalag mekulag¹⁵nu maate, udat heteb. ¹⁵Ag amu odelag dim lamidkulag¹⁶nu diig am, Kayak Nug oo daate amubia ag kaaka danab dilag nai, maatak iita ele amu, nai amu qepeg nekunu kobol enaib hekulag. ¹⁶Amu ag danab uhuqak ena aon daateb amunu ag danab uhuqak aopig bia oiyeg! Amge amupa ag kobol nau lokumna aib hepig. Ag Kayaknu kobol ena dim lamidnana, nuhig udat danab dayeg! ¹⁷Amu ag danab oh binalag eleleib meig! Ag lailkad Nadinu oolagpa genab dooteb ele, amu dilag oolag mauhad! Ag Kayaknu enanag doon, oolag ele otaiad! Ag wanpanu gumitak danab okainab, laa oh edatak amu ag nug onig ena meteg!

BEBEG DANAB AG JESUS OIYOM AMU DIM LAMIDNA UG MAOGLAG

¹⁸Aria begbeg ag gumak danab ahilkad waalagpa daanna, keeke ohpa ag binalag kobol elelepa meig! Gumak danab ena dilagpaib iita, gumak danab nau, ahilag¹⁹nu ehed heteb, amu ele waalagpa daanna, ag binalag kobol elelepa meig! ¹⁹Ag anam daanna, Kayaknu dab menana oipeg, gumak danab nau ag guitak madapeg amu Kayak Nug haen amupa kobol amu, ag begbeg ag hepig ele amunu oo ena daaku. ²⁰Aria ag begbeg danab ag kobol ehed laa hepeg, ahilkad gumak danab ag guitak madapeg, ag begbeb ag ahan wagai ii mekulag amu, ag amunu atemun ag nob ena aoglag²¹nu dab mekulag. Amge ag begbeg ag kobol ena laa hepeg, ahilkad gumak danab ag ahan guitak madapeg amu, ag begbeg ag bodo etak daanna, edun wagai ii mepeg, Kayak Nug kobol amunu oo enaib daaku. ²¹Amu Kayak Nug ag

kobol amu dim lamidk_ulag_nu onilag_pa eum. Adinu? Kristus Nug guitak nadi ag ehanadk_unu awom. Amu Nug ag kobol nuhig dim lamidk_ulag_nu amu kobol aaku ipuanatom. ²²Nug am hipunin laa ii heum amu nai ham bupuak laa odepa ele ii beum. ²³Amu danab ag nuhignu nai ehed apig amge Nug nai ehed ahilagnu nob ii meum. Nug guitak awom amge nuhig guitak amunu Nug ag nob nau aoglag_nu ii aum. Iita, Nug nuka Nug bedu oh Kayak, Nug am epediak danab keeke oh elepaib epedidte ele amu, Nug epegpa meum. ²⁴Ig hipuninnu begbeg daamtanu, ig Kayak dim lamidk_unignu, Jesus Nug ihinig hipunin oh ad emaitakpa mawom. Genab Jesus nug guitak awe, ig amupa elele daatem. ²⁵Am anuka ag am sipsip heteb, amubia ag ib etan gopig amge gemu ag edun ahilag gumak danab, ahilag okai, Nug am ag atog noadte ele amu, Nug gumidna udipig.

EWAU DILAG NAI

3¹⁻² Amubia ah ag danab ele amu, ag gamulkad waalagpa daanna, kobol enaib heig! Ag anam hekulagnu diig am inam. Danab ahilkad oolagpanu laala ag Kayak nai ii dim lamidteb dayeb amu danab amu ag waalkad ag pehetak daanna, kobol tutuku ele dim lamidna oiteb anidna, ag ele oolag edueb, oolagpa genab dooglag. Ag ahilkad ah dilag kobol ena anidna oolag eduku, ag waalkad dilag nai matiak amupa iita. ³Amu ah ag idulag tuqak ele daaglag_nu, ag bedulag dimitimnuib keeke aib dab mepig. Amuam ikilag udug bala metak, bedulagpa bala golpa hak metak amu lamen ena ena maknu ele. ⁴Iita, ag oolag unuqagpa bala metaglag amu ena. Bala metak amuam nauhk_unu elele iita. Bala amuam oo bodo etak kobol amu nai hak iita kobol ele. Kobol amu Kayak noobpa amu enanag. ⁵Anuka ah ag

Kayaknu oolagpa genab doon opia awak daadtapig, ag amu oopan bala ena anam mena, gamulkad waalagpa ena, bodo etak oidpig amunu ag idulag tuqak daadtapig. ⁶Amu Sara nug kobol anam heum. Nug Abraham ode doya, nuhignu, “Nadi dahil,” awa atom. Amu ag gemu daateb ele amu ag kobol ena heteb dayeb, ag keeke laanu oolag ii otaite dayeb amu ag nug adekud daateb.

⁷Amubia ele ah gamulkad ag waalkad ele daanna, kobol ena ahilagpa heig! Ah ag geha gamulkad ele oh Kayaknu ehanitak okai hamu megte amu aona, bauklel daaglag amunu danab ag ah dilagnu, “Dahil kadoi, nakok gai iita bia,” doyardnana, binalag meig! Ag amu oh hekulagnu diig am geha keeke laa unuqitak ahilag heeb ii nauhma.

KOBOL ENA HA, UG MAWAKNU KOBOL

⁸Aria nai imunu gogpa tekulnu amu ag oh oolag laipu ele dab mak laipu ele dayeg! Amu ag oo doyak doonna, eamag nug oo mauhak dooteb ele amu, ag amubia laa Kayaknu oolagpa genab dooteb ele amu, ahilagnu nug oo mauhak ele doyeg! Ag nug ehanitak ena henana, ag aka anen anen ag onilag qepeg neeb oiye! ⁹Amu na layap nug nahippa laa ehed heeb amu na aib nob mena, nuhigpa ehed heme. O iita nug nai ehed laa nahipnu ab amu na aib nob mena, nai ehed nug amegpa ame. Iita, na Kayak Nug ititak ena medakunu unuqite! Adinu? Kayak Nug ag anam hekulagnu onilagpa eum. ¹⁰Amuam Kayak naipa, nai daate amubia. Nai amuam inam. “Aun laa nug oo gamag ahak bauklel dayaya, haen ena ele anidk_unu oo dayeb amu nug nai nau ii matima, amu ele nug odepa ham bupuak nai ii matima. ¹¹Am nug kobol nau di mata, kobol ena haaha, nug madod kobolpa daakunu matiak udad

hađ! ¹² Adinu? Nađi Nug danab tutuku anidkunu neegte, ahilag unuqitak ele doote amge laa ag kobol nau heteb ele amu Nug ahilagnu oo elele ii daate.”

¹³ Aria na kobol ena eleleib hepe amu danab laa nug na ehed laa ii heidma bia ¹⁴ amge na kobol enaib henana, diig amunu guitak aokut dayeb amu na aaku gagatag medate dookut. Na laa ag ehed heidteb amu, na ehed hak ahilagnu amu na aib oot otaiom, na oot amunu badak ele aib doyom. ¹⁵ Iita, ag Kristus Nugib aon oolagpa ahilag Nađi anuqak meig! Keeke ena ag ameg men daateb ele amu, laala ag amunu diignu od madapeg amu ag nai nob mekulagnu bapaidna daaglag ¹⁶ amge na oot bodo etak ele dayeb, danab amu binalag menana, nai nob ena mate! Na anam hekutnu diig am, danab laa ag na Kristus dim lamidtem anidna, na hak ena hetem ele anidteb amunu ag nahipnu ehed ateb, amu na nainu nob elele bodo etak elepaib madape amu ag nai ehed nahipnu maditeb amu ag amunu udalag neku. ¹⁷ Amu Kayak Nug ig kobol ena hetemnu ug maognignu oo daaku dayeb am ena amge kobol nau hetemnu ug maotem daaku dayeb amu, amuam kobol ena iita. ¹⁸ Adinu? Kristus Nug hipunin ihinig uhuqkunu haen laipu aaku mauhom. Nug baula ii mauhma. Nug am opia awak danab, Nug ig omaika, Kayak topa wakunu, ig danab nau, ig abeninig awa mauhom. Nug am danab bedu awe, qeeg mauhom amge Kayak Oudi Nug he, edua hibaitom. Nug bauklel daate. ¹⁹ Amu Kayak Oudi nuhigpa Nug uka, oudi mani guitakpa daapig amu amelagpa nai mehuqom. ²⁰ Oudi amu ag am danab anuka Noanu haenpa Kayak ode tapaeg ne, Kayak Nug pahanab ahilag nob nau madakunu ii dab meum. Iita, Nug oo aeg paha ii beebe, ag amelag meeme, Noa nug ub itom. Ub amupa amu danab ah eblaih ewam ele ag aka oopa nona daanna,

ag danab ah nau ele ou qena, ag ele nena qemananu ag lepa ehanitak aopig. ²¹ Aria ag gemu daateb amu, ag am Noa adi, ag adi keeke ipunigteb bia daateb. Ag ele lepa ehanitak aoteb. Amuam layatak amge layatak am bedunigpanu dubutid ihaknu keeke iita. Iita, nug am ig oonig opia awak daakunu keeke. Jesus Nug edua hibaitom amunu udat amupa Kayak Nug heeb, ig anam daagnignu Nug nai nuhig amu qaka aum. ²² Jesus Nug edua hibaita, Nug hab atan teum. Nug Kayak epeg nadiappa, amuam anuqak aben, amupa daate. Engel amu, okai dayak oh amu, gagatag digdiig ele oh Nug waapaib daateb.

KOBOL NAU UUA, KAYAK DIM LAMITAKNU NAI

4 Aria Kristus Nug danab bedu awom, bedu amupa guitak nadi awom amunu ag ele Nug heum bia dab mak gagatag aweg! Adinu? Danab nug ug bedupa awom amu nug aaku hipunin kobol ohnu uuidte. ² Amunu amu dimpa, haen danab amu nug bau dayaya wanpa oite amu nug kobol nau baula ii dim lamidte, danab laa heteb bia. Iita! Nug Kayaknu dab mak dim lamidte. ³ Danab ag Kayak bekod iita amu ag kobol nau diigdiig heteb. Aria ag gemu nai imu aoteb amu ag ele anuka kobol anamib hedapig amge gemu ag ii heteb. Laa ele amu ag baula aib hepig. Kobol amuam inam. Gapai awak kobol, kobol nuanu oo ahak, le gagatag lawowa kaaka qak kobol, hobul augigiakpa wanak, le gagatag lana mauhnoak oiyak, Kayaknu do tape ne, kayak ham bupuak binag mak kobol ele. ⁴ Amu gemu ag aaku kobol nau amu ag baula ii heteb amunu danab Kayak baekudpa iita, ag ag ele kobol nau amu gemu ii heteb amu ag amu anidna otaina, ahilagnu nai ehed ateb. ⁵ Amge dimpa ag aka Kayak amegpa ag kobol heteb amunu miag atinna akulag. Nug

am epediak danab amu Nug danab bau daateb amu mauhpig ele oh kobol anen anen hepig amupa nob nau madakunu babaitom daate. ⁶Diig amunu anuka Nai Ena amu danab mauhpig dilagpa ele ukom. Amu amupa ag bedulag hetodiakpa daaglag amge Nai Ena ahilagpa mehuqom amupa ag dotolag ele Kayak Nug bauklel daate bia daaglag.

⁷Aria keeke oh iita mekulagnu haen aaku guguitak daate amunu ag unuqitak ena hekulagnu elele daaglagnu, ag dab men autna aona, gagatag dayeg! ⁸Ag lailkad dilag huana oolag mauhkunu amu dab mak ahilagpa anuqak dayad! Adinu? Layagnu oo mauhak kobol nug kobol ehed kudum tone, iita mete. ⁹Ag lailkad dilagnu nug ehanitak kobol aib uupig. Ag oolag gamag ahebeb hekulag. ¹⁰Amu ag oh anen anen Kayaknu ehah aopig amunu ag ehah amupa Kayak Nug ehanitak okai amu hamu megaka, udat hekunignu oo daate bia lailkad ehanateg! ¹¹Ao, danab oh ag ahilag udat ena anidna, Jesus Kristus onigpa ag Kayak binag mekulagnu amu danab laa nug Kayak nai mehuqte ele dayeb amu, Kayak nai tutuku mehuqad! Amu danab laa nug layag ehanidte ele dayeb amu nug gagatag Kayak medte ele amupa udat had! Kayak Nug am onig ele amu gagatag hanhannu ele. Genab.

KRISTUS ELE OU QA, UG MAWAKNU NAI

¹²O lailad, ug doyak kobol ab ewak bia ahilagpa beteb, amupa ag aib otaina, "Kobol laanab iiku beteb," aon apig. ¹³Iita, ug anampa ag Kristus ele oh ug maoteb doonna, amunu oolag gamag ahad! Amu dimpa Nug onig okai miag atiak beku, haen amupa ag oo gamag ahak nadi doonna amu ag oolag ena ele daaglag. ¹⁴Amu ag Kristus onig gagatag adateb amunu danab laa ag ahilagnu nai ehed akulag amu ahilagnu am

ena. Adinu? Kayak Oudi binag ele, Nug ag ele daateb. ¹⁵Ag kristen daateb amu ag oolagpanu laa nug dug wak danab, o iita yabhok danab, o iita kobol nau digdiignu hak danab, o iita danab laa dilag dituanin matak danab aib dayom. Ag kobol amu laa hekulag amu ag guitak aoglag amunu ag guitak amu aomnanu ag kobol laa amubia aib hepig. Ag diig amunu guitak aib aopig. ¹⁶Amge danab nug Kayak baegpa dayaya, amupa nug guitak aote dayeb amu nug uda aib neum. Iita. Nug onig Kayak baegpan danab daate amunu Kayak binag mad! ¹⁷Kayak Nug danab ah epedidkunu haen dig ma miagnab daate amu Kayak nuhikud danabnab tatam epedidku. Amu ihinigpa epediak dig meku amu danab ag Kayaknu Nai Ena tapaeg nete ele, ahilagpa amu atemnab daaku? Ag ug naunab aoglag. ¹⁸Amu tutuku danab edua diiaknu udat am ug ele dayeb amu danab Kayak baekudpan iita, ag am hipunin danab ele amu, atemnab ahilagpa beku?

¹⁹Amunu Kayak Nug guitak aoglagnu elele a amu danab laa ag guitak aoteb amu, ag tutuku oina, bedulag oh Kayak, ig heikom ele, Nug epegpa meig! Nug am ig hanhan atog noigte.

IKI DANAB AG KAYAKNU SIPSIP TUTUKU ATOG NOADKULAGNU NAI

5 Ahilkad iki danab amu, da ag oolagpa da ele iki danab bemi daatem, da amelpnanab Kristus Nug ug mawe anidmi, da ag ele, ig oh geha Kayaknu ehanitak okai amu heeb miag atieb aognig amunu da ag iki danab ag udat inam hekulagnu ag mad adakulnu nai imu yaatem. ²Ag Kayaknu danab sipsip bia ag epelagpa daateb amu atog noadna autna aweg! Ag do waapa bia daanna, toliak udat aib hepig. Iita, ag Kayak oo niite amubia ena doonna hekulag. Ag men dodoib aoglagnu aib dab menana

hepig, ag oolag ahebeb hekulag. ³ Ag toliak, ag Kayaknu danab, Kayak Nug ag epelagpa maatom daateb ele amu, ag amu dilagnu hamu bia anadkulagnu aib hepig. Ag kobol ena henana, danab ena daanna, ib ena amu Kayaknu sipsip ipuanadpeg dim lamiteg! ⁴ Anam dayeb amu Sipsip Gumak Danab anuqak daate, Nug edua udieb, ag onig okai ii nauhte ele amu aoglag.

⁵ Danab bau ag onilag qepeg neeb, ahilkad okai waalagpa dayeg! Ag oh ag nug waapa dayaknu kobol hena, lailkad waalagpa dayeg! Adinu? Kayak naipa, nai amunu inam daate. "Kayak Nug hibguiṭa danab amu ahilag ib oo nete amge Nug danab ag onilag qeeg nete ele amu, Nug ag ehanadte." ⁶ Amunu ag aka ag onilag qepeg neeb, ag Kayak epeg gagatag waapa daapeg amu Nug geha nuhig dedpa ag humadku. ⁷ Kayak ag gumata atog noadte amunu ag ug ahilag oh amu Nug epegpa meig!

⁸ Ag hanhan dab mena autna aweg! Satan, nug am keked ahilag, nug am laion laa bia danab laa diia laadkunu huanak gayaya oite. ⁹ Amu ag oopa genab doyak ahilag gagatag adan daanna, ag nug mautpeg ukad! Ag dooteb, wan atu ohpa lailkad daateb amu ag ele ug ag dooteb bia doonna

daateb. ¹⁰ Kayak Nug am ehanitak okai hamu mekak kobolnu diig daate amu Nug ag Jesus Kristusnu udat okaipa, ag geha nuhig amahlak ena hanhan daate ele amu, ag amu aoglagnu onilagpa eum amunu ag geha ug haen tutuib doonna daapeg amu dimpa Nug edua heeb, ag ena daaglag. Amu Nug geha humata, ag gagatag adualateb daaglag. ¹¹ Gagatag oh nuhigpa hanhan daate. Genab.

BAG QAK NAI LAALA

¹² Amu da Silas nuhig ehanitakpa da nai tutu imu ahilagnu yaami. Da nug am ig oh lainignab dootem. Amu udug imupa da ag gagatag aqakulnu, da ag Jesusnu nai oolagpa genab doopig ele amu, nai amunu diig am Kayaknu ehanitak okai hamu megte, da amu ipuanadkulnu yaami. Ag agupa gagatag dayeg! ¹³ Amu kristen tamaniak laa ag bia Babilon daateb, Kayak Nug tituanatom ele amu, ag ele humatak nai ahilagpa meeg gote. Amu da bekal Makus nug ele humatak nai me gote.

¹⁴ Ag nug humitak oo mauhak kobolpa heig! Amu ag oh ag Kristus ele ou qak daateb amu, madod ahilagpa daakunu ool daate.

NAI 2 PETRUS YOM

KAYAK NUG NUKA NUG KRISTEN DANAB NUHIGNU TITUANATOM

1 Da am Simon Petrus, da am Jesus Kristusnu udat danab amu totol danab ele. Da ag danab laa ag ele oopa genab doyak ig oopa genab doyak aomut amubia aopig daateb ele amu, da ahilagnu dab mein, nai imu ahilagnu yaatem. Oopa genab doyak imu ig Jesus Kristus nuhig kobol ena amupa aotem, Nug am ihinig Kayak, ig padal mekunignu hemut amge Nug nuka aakuib edua awikom. ²Ag Kayak amu Jesus Kristus, ihinig Nadi ele, ahilahnu doyak ena aopig amu amupa ahilah ehanitak okai hamu megtep kudum amu ahilah madoj okai ele ahilagpa daaglahnu ool daate.

³Kayak Nug nuhig gagatag okaipa, Nug keeke oh ig nuhig kobol ena oopa oignignu, ig bau daagnignu ele mekom. Nug nuhig ena hak, Nug binag okai ele dab maama, ig oninigpa eewo, ig Nug dootem amu doyak amupa Nug keeke amu oh ig mekom. ⁴Nug nuhig hak ena, Nug binag okai ele amupa Nug keeke enanag kudum oh ig megakunu nai qaka aum amunu amupa ag wan imupan kobol nau, ig bedunig amu hekunignu eedigte ele amu, ag amu ele edidna, ag Kayak daate bia daaglagnu elele daateb.

⁵Diig amunu amu ag kobol ena hekulagnu dab menana, wagai mena, kobol ena amu oopa genab doyak ahilag ele ou aqateg! Amu ag doyak aon ahilag kobol ena ele ou aqateg! ⁶Amu ag dab mak, ag dab mak amupa ag bedulag nug ehed gomananu amu ag nug atog nona autna aoteb ele amu, ag dab mak amu aon, doyak ahilag ele ou aqateg! Amu ag ug doonna edidkulagnuib dab mekulagnu kobol, kobol amu ag bedu-

lag atog noaknu dab mak ele ou aqateg! Amu ag Kayak binag maknu kobol aon amu ag ug doyaya edidkunuib dab mak awak kobol ele ou aqateg! ⁷Amu ag lailkad ele layam ena daaglagnu kobol amu aona, ag kobol amuam Kayak binag maknu kobol ele ou aqateg! Amu lailkad dilagnu oo mauhak kobol amu aona, lailkad ele layam ena dayak kobol amu ele ou aqateg! ⁸Adinu? Ag kobol amu hekulagnu henana, baubau tudidna hekulag dayeb amu kobol amu ag hep-eg, amu ag Kristen, ag Jesus Kristus, ihinig Nadi, nuhig kobol doonna, kobol ena ele dim lamidkulagnu meu anidkulag. ⁹Amge danab laa nug kobol amu iita ele amu nug keeke uma daate amu ii anidte, nug am ameg gaduom daate. Nug am hipunin anuka heum amu Kayak uhuqa metom ii dab mete. ¹⁰Amunu, o lailad, Kayak Nug ag onilagpa eum, Nug ag nuhikudnab doyadte amu, diig amunu ag nuhig ewak dim lamidkulagnu wagai meig! Adinu? Ag anam hena amu ag iinab nena qemana. ¹¹Aria ag kobol amu hekulag amu Kayak Nug oo gamag ahebeb, Nug diia, ootuqadku. Nug ootuqateb, ag ihinig Nadi, Nug am ihinig edua awikak danab ele, Nug am Jesus Kristus, ag nuhig do madoj hanhannu oopa daaglag.

¹²Ag keeke amu oh dooteb, nai genab amu aopig amu ag amupa gagatag hipaidna daateb amge da amunu hanhan dab mak ahilag mad edakulnu hetem. ¹³Kobol amunu amu da ena dootem. Yo, da bau daatem haen imupa, da baubau ag amelagpa, dab mak ahilag mad edakulnu amu madikulnu amu da ena dootem. ¹⁴Adinu? Da ihinig Nadi Jesus Kristus, Nug da amelpa aum bia, haen elab iita amu da bedul imu uuidkulnu dootem. ¹⁵Amunu da ag ib ena ipuanadkulnu wagai metem. Aria da anam hein, dimpa da mauhe gopi, dimpa

amu ag nai imu hanhan dab mekulagnu elele daaglag.

KAYAKNU AMAHLAK KRISTUS NUHIGPA DAATE

¹⁶Ig kaya oonigpanu aot, ihinig Nadi Jesus Kristus, Nug wanpa udiom, Nug am gagatag ele, amunu ag amelagpa ii matimut. Iita, ig amenigpanab Nug amu genab danab nadi, binag ele anidmut. Nug beđu qaukopa eduom anidmut. Ig Nug amu Nug beđu eduk ele anidmut amu ig amunu ag amelagpa matimut. ¹⁷Haen Mame Kayak Nug Jesus binag huma, onig okai ele hab atannu metom amu ig doomut. Kayak Nug inam aum. "Imu nid dahilnab, da nuhignu ool mauhte, nuhig hakpa ele da oolpa enaib dootem." ¹⁸Ig Nug ele qauko gunpa daamut amunu ig baag amu hab atannu neene doomut.

¹⁹Amunu ig propet ag nai apig ele amu, ig genabnab miagib oonig unuqagpa ele dootem. Danab ag hul, nug gatatu abenpa amahlala daye uke uke, wagkadede boitinan amahalte amubia ag propet dilag nai imu dab mepeg ukeb ukeb, Jesus Nug edua na amahalku batak. ²⁰Keeke laa amu ag anuqak doyeg! Laa nug nukā dab mak nuhigpa propet nai apig ele amu awa, diig madikunu elele iitanab. ²¹Ađinu? Danab laa nug nukā nuhig dab makpa propet nai ii aum. Iita, Kayak Oudi Nug dab mak medete, ag nai Kayak topanu udiom amu ag madipig.

PROPET HAM BUPUAK DILAG KOBOL NAU

2 Propet ham bupuk ag anuka danab oolagpa oidpig amubianab ipunitak danab ham bupuk ag geha ag gemu daateb, ag oolagpa bena oiglag. Amu ag geha lokumakpa ham bupualadpeg, kobol adeku dim lamidkulagnu amu dab mekulag. Ham bupuk kobol amu ag

keeke heeg nauhte. Amu ele, danab amu ag Nadi ebehi ele, Nug ag ib ehedpanu edua diie, ib enapa dopig ele amu ag Nug guhudidkulag amunu danab amu ag aaku aka padal mekulagnu heteb. ²Am ele, geha danab laa kudum ag danab amu, ahilag kobol nau aon dim lamidkulag amunu danab kudum laa ag nai genabnu nai nau akulag. ³Ipunitak danab ham bupuk amu ag men dođu huanak aoglagnu dab menan, ag geha ipunitak kobol genab iita, ahilag dab makpanu aakuib ag ipuanadnana hekulag amge Kayak Nug ameg amuhe ii niite. Iita, Nug ag nob nau madaķunu meum daate, ag ii edidmana.

⁴Kayak Nug engel hipunin hepig ele amu he, iite padal mepig? Yo, Nug gedate, aben ehedpa nopig. Nug aben gatatu amupa qakalatom daateb. Amu ag epediak haen ameg men daateb.

⁵Amu Kayak Nug he, Noanu haenpan danab ohnab iite padal mepig? Yo, Kayak noobpa danab tutuku, Noa, nug am tutuku oiyaknu mehuqak danab amu, nug baekudpa eblaih adit ele ag aka aakuib atog noate, danab laa oh, Kayak noobpa tutuku ii oipig ele amu, le hid nadipa padal mepig. ⁶Amu Kayak Nug he, ab okai adit, Sodom Gomora ele, a iite padal mepid? Yo, Nug he, ab nadi ewatom. Kobol amu danab laa oh ag ab okai adit nauhpid, amu dilah haen dimpa daanna, Kayak noobpanu tutuku iita ele oiglag amu, ag Sodom Gomora danab padal mak aopig anam aaku ahilagpa udiku, ig amu anidta dab mekunignu heum. ⁷Kayak Nug haen amupa Lot, nug am danab tutuku, am danab tutuku amu nug dubutid danab amu ahilag kobol ehednab amunu ameg bahi yoom ele amu nug nauhmanu ehanitom. ⁸Danab tutuku amu nug ag oolagpa dayom amu nug ded ded kobol nau ahilag amu amegpa anta, daugpa ele doyom amu, nug

oopa amu ena iinab doyaya, guitak ele doyom.

⁹Aria Kayak Nug amu oh ahilagnu anam heum amunu Nug danab ag Nug noobpa kobol tutukuib heteb ele amu, Nug ag ug oh, ahilagpa beteb amu amupanu diia atog noadkunu doya auta awawa, Nug danab ag Nug noobpa danab tutuku iita ele amu, Nug ag diia, nob nau awaknu hetodiak haen ameg mena daaglagnu maadkunu ele doya auta aote. ¹⁰Kayaknu kobol amuam, nug genab danab laa ag ahilag hak nauib dim lamidnana, Kayak onig ele dapidteb amu ag tonadku. Ipunitak danab ham bupuak amu ag aka ahilagnu ag am gagatag doonna, ag laanu dab ii menana, ag engel dilag ii badanna, ag aka wagai mena, nai nau ahilagnu ateb. ¹¹Anam aku amge engel ag ahilag gagatag okainab, ebehi ele, ag ham bupuak ipunitak danab imu edatak amge ag Nadi noobpa danab nau amu ahilagnu nai ehed laa iinab ateb. ¹²Amge ham bupuak ipunitak danab ag am keeke ii dootebnu nai nau maditeb. Ag am dod dab mak iita ele daateb bia daateb. Ag am dod dakud ag adi adi hekulagnu daateb amu ag dab menan ii heteb, iita ag hakib heteb amubia ipunitak danab ham bupuak imu ag anam heteb. Ag am dod adaladta, aqadkunignuib menuatak bia daateb. Ag geha dod dakud bia padal mekulag.

¹³Ag am ehed hepig amunu nob ehed aoglag. Amu ag amunpa miag atiakpa kobol nau ohnu mauhnoak hekulagnu oolag ahak ele oiteb. Danab nau amu ag hobul, ag kristen heteb ele amu, hobul ampa wana, oo gamag ahak nau ele ag oolagpa daateb. Ag anam daanna amu ag am gadanigpa ah lanak o gakanenig daate amubia daanna, ag oolagpa e lanan daateb. ¹⁴Ham bupuak danab amu ag gapai hekulagnu ah oh neekadnana daateb, ag hipunin hekulagnu oolag ahakib daate. Ag kobol amu

henana, danab laa ag kobol tutuku dim lamitaknu bodo etak amu eedatteb. Ag keeke huanaknab aoglagnu wagainab mena, ib amu iinab uuteb. Ag am nob nau aoglagnu daanna oiteb. ¹⁵Amu ham bupuak ipunitak danab amu ag ib tutuku etan, ib ehedpa goteb. Amu ag Beo beka Belam, nug ib dim lamitom ele amu dim lamidteb. Belam nug am men dodonu oo mauhe, kobol ehed haaha, men dodo aokunu dab meum. ¹⁶Amge Belam nug kobol nau amu uukunu, dod laa onig donki, dod amu nai ele ii maditeb, nug danab baag awa amegpa nai matia, daug batom.

¹⁷Aria danab ham bupuak amu ag am lenag qada edapig bia, ag am lombig ulah iwalate goteb bia ele amunu Kayak Nug gatatu aben naunab ahilagnu babaitom daate. ¹⁸Danab amu ag aka keeke oka i hepignu ham bupun maditeb amge nai amu gadaib. Ag bedulagpan kobol naunu matiegeg, danab laa kobol tutuku dig mena dim lamidteb ele amu, ag kobol nau amunu itag aqeb, dim lamidkulagnu heteb. ¹⁹Ham bupuak danab amu ag danab laala ag uhuqak aoglagnu ib ipuanadkulagnu ateb amge ag aku hipuninnu begbeg daateb. Ag hipuninnu begbeg daatebnu diig am adi keeke danab laa editom daate, danab amu nug keeke amu waapa daate ele amu, danab nug keeke amunu begbeg daate. ²⁰Amu danab ag ihinig Nadi Jesus Kristus, Nug danab ehedpanu edua diite amu, ag Nug doon, ampa ag wanpan kobol nau uuteb amge ag edun kobol nau amunu baula hekulagnu wateb dayeb amu danab amu ag aku qagaitak tatam nakok bia aoglagnu daapig amge gemu amu ag qagaitak nadinab aoglagnu daateb. ²¹Anam daate amunu ag kobol tutukunu ib amu ag ii doolob amuam nau amge ag ib ena doona, edun ib ehed oina, ag do nai gun ele di metalob, amuam naunab nau.

²² Amu danab ag amunu nai laa inam aṭeb amu ag genab heṭeb. Nai amuam inam. “Qai laa nug e lana bahowa, nug aaku edua bahom ele laṭe.” Amu laa ele, “Bo laa nug beḍu lepa ihak amge edua hikod laaṭe.” Nai amu ahilagnu aṭe.

GENABNAB GENAB, GEHA NADI NUG UDIKU

3 O lailad, imu am ad uḍug aḍit batak ahilagnu yaami. Uḍug aḍit ohpa nai yaami amu ag tatam doopig amge da dab mak ahilagpa keeke amu oh genabnab dooglagnu maḍ atak nai aaku yaami. ² Amu da ag Kayaknu propet ag nai apig, amu ag daulagpa dokunu, Nadi Nug ehedpanu edua awigṭe ele amu, nuhikud totol danab ag Nug odepanu do nai aon madipig amu, da nai aḍit amu oh ag daulagpa dob, ehanadkunu ool daye yaami. ³ Amu ag tatam inam dooglagnu, daulagpa dokunu ele amelagpa atem. Gog tak haen imupa ehed hak danab laa aka miag atin bekulag. Amu ag beḍulagnu kobol ehed ohnu henana, kobol ena genab amu aon aon qetana imidkulag. ⁴ Ag ihaklel henana, “Jesus uḍikunu nai qaqa aum amu adeku?” akulag. Laa ele ag, “Ig mamenkad ag Nug edua uḍikunu ameg men daaegeg uke mauhpig amge dig makpan uḍie gemu ele wanpanu keeke bepig daateb bianab gemu ele daateb!” aon akulag. ⁵ Dig makpa Kayak Nug odepa nai aawo, hab wan ele bepid. Amu wan qada eta beebe, le nug ameg laa dayom amu ag amunu doonna daulag atite. ⁶ Amu lepa ele Kayak Nug he, hid ba, wan atu tatamnu awe padal meum. ⁷ Amubia Kayak odepa hab wan ele gemu daate amu geha ab eweb, iita mekunu aum daate. Wan atu gemu daateb amu daapeg ukeb, ded laa Kayak Nug hipunin danab epediateb, padal mekulag, ded amupa wan atu gemu daateb amu iita mekulag.

⁸ Amge keeke laipu imu amu ag aib daulag atiom. O lailad, Nadi amegpa amu ded laipu amu maḍ 1000 ele otiak laala ii daate. Iita, Nug amegpa haen aḍit amu laipuib bia doote. Maḍ 1000 amu ded laipu bia daate amu ded laipu amu maḍ 1000 bia daate. ⁹ Danab laala ag, “Nadi Nug edua uḍikunu nai qaqa aum amu paha edua ii uḍia heṭe,” dab meṭeb amge anam iita. Iita. Nug am ahilagnu oo maḍod ele daate. Nug danab laipu laa padal mekunu oo ii daate. Iita, Nug danab oh ag oolag edukunu oo okai daate amunu haen madate.

¹⁰ Nadi Nug edua uḍikunu haen amu yabhoi danab uḍiak bia uḍiku. Ded amu geha oqoti nadinab oobob, hab iita meebob, keeke naunau am eon iita mebepeg, wan amu keeke oh wanpa daateb ele, amu ele oh geha eon iita mekulag. ¹¹ Keeke oh kobol anampa padal mekulag amunu ag am aṭem daaglag? Ag danab ena opia awak ele, Kayaknu danab tutuku daanna, ¹² amu ag Kayaknu ded, ded amupa habpanu keeke amu keeke naunau oh ele abnu gakadakpa eon iita mekulag ele, ded amu ag tapadidnana oiyege! ¹³ Amge Kayak Nug hab bau amu wan bau ele megakunu aum amunu ig neegtem. Aben amupa tutuku danab ag daaglag.

¹⁴ Amunu o lailad, ag keeke amu ameg mena daateb amunu ag uhuqak ena aon daaglagnu amu ag Kayak noobpa ehed hak danab ii daaglagnu amu Nug ele maḍod daaglagnu, ag wagai menana dayeg! ¹⁵ Kayak Nug ahilagnu maḍod doote ele amu, Nug amupa ag ena bena daaglagnu haen madate, ag amunu dab menan anteg! Amu ig lainignab Paulus, Kayak Nug nug ele dab mak ena meṭe, uḍug ahilagnu yom amu, nai imu amupa ele anam daate. ¹⁶ Paulus nug uḍug laala ele yaalatom, amupa keeke amunu ele yom. Nuhig yakpa keeke laala doya oo maitaknu amu ug ele amu danab laala ag

eb qeeg, oolag ii maitete, mehuqak augi-giak, nai yak laalanu mehuqak augigiak heteb bia henana, danab heeg, ootot aqate. Amu ag aka ag nob nau aoglagnu aaku ib bapaidteb.

¹⁷ Amunu o lailad, ag keeke amunu amu doopig daateb amunu ag aka gupid ahilag epelagpa adan, kaboliatak danab, ag nai tapaeg nete ele amu, ag ag eedad-peg, ahilag ehed hak ib amupa ii wa-

mananu, ag Kristus epegpanu, ag agupa enanag daateb amu, apanu nena qem-ananu, gagatag dayeg! ¹⁸ Amge ihinig Nadi Jesus Kristus, Nug ig edua awigte ele amu, ag nuhig ehaniatak okai hamu megte amu nuhig doyak ena ele, amu waapa ena daanna, amupa okai mekulagnu udat heig! Ig Nug binag nadi gemu, haen oh ele metu! Genab.

NAI 1 JOHANES YOM

KRISTUS, ONIG LAA NAI, NUHIGNU NAI

1 Kristus, Nug onig laa am Nai, Nug am bauklel diig amu Nug dig makpa dayom. Nug nai maṭieye, ig daunigpa dootta amu ig amenigpa ele Nug anidmut. Ig Nug anidta, epenigpa ele aḍamut. Nug onig am Nai Bauklel Ele, ig nuhignu iiku maḍitem. ²Kayak he, Kristus, Nug am bauklel diig amu, Nug miag atia be, ig Nug anidmut. Ig anidmut ele amu ig ag amelagpa genabnab iiku maḍitem. Ig Kristusnu maḍitem. Nug anuka ig Mamenig Kayak ele daaiya, Kayak he, ihinigpa miag atia beum. ³Ig amu ig Mamenig Kayak amu Nug Beḱa Jesus Kristus ele, ig oonig laipu daaṭem amu ag uḍug imu eb qeteb ele amu, ag ig ele oh oo laipu mak amu oopa daagnignu, ig aḍi anidta doomut ele amu, ig ag amelagpa iiku aṭem. ⁴Ig nai imu ig oh ihinig oo gamag ahak am bak daakunu yaaṭem.

AMAHLAKPA OIYAKNU NAI

⁵Nai ig daunigpa doot, ag amelagpa maḍitem ele amu inam. Kayak Nug am amahlak amu gatatu nakok laa nuhigpa ii daaṭe. ⁶Am ig, “Ig Nug ele oonig laipu memut,” akunig amge ig gatatu oopa oiṭem dayeb amu ihinig nai amu ham bupuak, am ig nai genab dim lamidta ii oiṭem. ⁷Amge Nug nuka amahlakpa daaṭe, amubia ig amahlakpa oiṭem dayeb amu ig lainkad oh ele oonig laipu meṭem. Ig amahlakpa oiṭem dayeb amu Nug Beḱa Jesus, Nug tiigpa ihinig hipunin oh uhuqa meḱe, ig opia awak danab daaṭem.

⁸Ig hipunin iita aṭem dayeb amu ig ika ham bupuiḡtem amu nai genab meu ig oonigpa ii niite. ⁹Ig hipunin miag ameg-

pa akunig amu Nug kobol ena tutuku ele dim lamitaṭa, Nug ihinig ehed hak oh uhuqa meḱeb, ig opia awak daagnig. ¹⁰Ig hipunin ii hemut akunig dayeb amu nai amupa ig Kayak, Nug am ham bupuak danab akunig. Nuhig nai ihinigpa nakok laa ii daaṭe.

2 O nid naunau dahilad, ag hipunin ii hemananu da nai imu ye madaṭem. Amge laa nug hipunin heku amu ihinig ehanitaḱ, Nug am gamag danab, Nug Mame topa daaṭe. Nug amu Jesus Kristus. Nug danab tutuku. ²Nug Kayak ihinig hipunin uhuqa meḱeb, ig Kayak ele oo mak daagnignu mauha, uḍat amu ha malom. Amge Nug ihinignuib anam ii heum. Iita, Nug danab ah wan atu ohpa daaṭeb ele amu, Nug amu dilagnu ele heum.

³Amu ig nuhig do dim lamidṭem dayeb amu, ig amupa ig Nug doota oiṭem amu dooṭem. ⁴Am danab aun nug, “Da Nug dooṭem,” aṭe amge nug nuhig do dim ii lamidṭe amu nug ham bupuak danab. Nug nai genab oopa ii daaṭe. ⁵Amge laa nug nuhig nai dim lamidṭe amu Kayaknu oo mauhak am genab am bak nuhigpa daaṭe. Amupa ig dooṭem, ig Nug ele daaṭem. ⁶Am laa nug, “Da nuhigpa daaṭem,” aṭe ele amu nug Jesus oiyom bia oiyad!

⁷O gamalad, da do imu madaṭem amu da do bau laa ahilagnu ii yaaṭem. Iita, imu am do alag ag anuka doopig ele amuib. Do alag imu am nai ag anuka doopig aakuib. ⁸Amge do imu, da ahilagnu yaaṭem ele amu, nug am bau bia ele. Nuhig meu am Jesus nuhigpa amu ahilagpa ele miag atite. Aḍinu? Gatatu oh iita meeme, amahlak genab nug aaku amahalṭe.

⁹Aun laa nug, “Da amahlakpa daaṭem,” awa aṭe amge nug layagnu opodi beebe oiṭe amu nug gatatupa daaṭe. ¹⁰Aun nug layagnu oo mauhte amu nug amahlakpa daaṭe amunu

keeke ehed laa nuhigpa dayaya heeb, nug na qekunu laa ii daate. ¹¹ Am aun laa nug layagnu nau, ninig ele doote amu nug gatatupa daate, gatatupa ele oite, nug adepa gote amu nug ii doote. Gatatu nug ameg gehakom.

¹² O nid naunau dahilad, Jesus Kristus onigpa Kayak Nug hipunin ahilag uhuqa maom amunu da ahilagnu yaatem. ¹³ O da mamelad, ag aun Nug anuka dig makpa dayom amu ag dooteb amunu da ahilagnu yaatem. Ag nid bau, ag Satan edidpig amunu da ahilagnu yaatem. Ag nid naunau, ag Mame dooteb amunu da ahilagnu yaatem. ¹⁴ O mamelad, ag aun Nug anuka dig makpa dayom amu ag dooteb amunu da ahilagnu yaatem. O nid bau, ag am nid bau, ag am gagaṭag, Kayak nai ahilagpa daate, ag Satan edidpig amunu da ahilagnu yaatem.

WAN KOBOLNU OO MAUHAK AM ENA IITA

¹⁵ Ag wan imupan kobol amu keeke laa wanpa niite ele amunu oolag aib mauhom. Laa nug wanpan keekenu oo mauhte amu nug Mamenu oo ii mauhte. ¹⁶ Adinu? Ig dootem, wanpan keeke oh, amuam beḍu kobol haknu dab mak, ameg qaknu dab mak, danab nug nuka binag maknu dab mak, kobol amu oh am Mame topanu iita, keeke amu oh am wanpanuib. ¹⁷ Wan amu wanpanu keeke, danab ag aoglagnu amelag qete ele amu, keeke amu oh ag iita mekulag amge aun laa nug Kayak ode dim lamidte amu, nug hanhan bau daaku.

KRISTUSNU KEKED KUDUM AMU BENA MALAPIG

¹⁸ O nid naunau, haen aaku gogpa tekunu hete. Anuka Kristusnu keked udikunu amu laa ag ag amelagpa aeg doopig. Anam aaku amu gemu Kristusnu keked kudumnab bepig amunu ig dootem, haen aaku malate. ¹⁹ Kristusnu

keked amu ag ig oonigpa daapig amge ahilag oopa genab doyak am ihinig ele laipu iita amunu ag uuigna gopig. Ag ig ele oopa genab doyak laipu daalom, ig gemu ag ele laipu daalom amge ag ig ele laipu iita, amu miag atikunu ag ig uuigna gopig.

²⁰ Anam amge dahilad, ag oh Kayak Oudi aopig amunu ag aaku keeke genab, keeke genab iita ele dooteb. ²¹ Ag nai genab amu ii doopig amunute da imu yaatem? Iita! Ag nai genab amu doon malapig amunu da ahilagnu yaatem. Amu ag ele dooteb, nai ham bupuak laa nai genabpa ii daate. ²² Anam amunu aun nug ham bupuak danab daate? Danab nug Jesus am Kristus iita ate ele, nug am ham bupuak danab daate. Nug am Kristusnu keked. Nug Kristus am Mame Kayak ele a oh guhudat-te. ²³ Am aun laa nug Mame beka guhudidte amu nug Mame ele laipu ii daatep. Am laa nug Mame Beka nuhignu, "Nug am Kristus," ate amu nug Nug, Mame ele oh laipu daateb.

²⁴ Ag dig makpa nai doopig amu ag aon oolagpa mepeg dayad! Am ag dig makpa nai doopig amu ag oolagpa daaku dayeb amu ag haen oh Mame beka amu Mame ele laipu daaglag. ²⁵ Ig anam daagnig amu ig bauklel aognignu Nug nai qaka aum.

²⁶ Da aun nug ag ham bupauladkunu hete am ag nuhig ham bupuak amu miag atiak anidkulagnu iiku yaatem. ²⁷ Amge ag Kristus epegpanu Kayak Oudi aopig, ag oolagpa ele daate amunu auntai laa nug ag keeke ii ipuanadma. Adinu? Kayak Oudi amu Nug keeke ohnu diig tutuku ipuanadte, Nug am genabib ipuanadte, Nug ham bupuak laa ii ipuanadte amunu Nug ag ipuanadte ele amu, ag amu dim lamidna, Kristus ele laipu dayeg!

²⁸ Ao, nid naunau dahilad, Nug miag atieb amu ig gagaṭag daagnignu, ig uda

nak ele ii aomtanu amu ag Nug ele laipu dayeg! ²⁹Ag Kristus, Nug tutukunab daate dooteb amunu ag imu ele doyeg! Danab nug kobol tutukupa oite amu nug aaku Kayak beka daate.

KAYAK BEKOD DILAG NAI

3 Anteg, Mame Nug ihinignu oo huanaknab mauhte amu diig amunu Nug ihinignu, nug bekod ate. Amu ig genab Nug bekod daatem amunu wanpan danab ag ii doigteb. Adinu? Ag Kayak ii dooteb. ²O gamalad, gemu ig aaku Kayak bekod daatem amge ig geha aatem daagnig amu miag ii atiom. Amge ig dootem, Nug miag atia beeb anidkunig amunu amu ig Nug daate amubia daagnig. ³Am danab ah ag Nug ameg mena daateb ele amu ag aka aka Nug daate amubia ag oolag bapaidnana amu ag opia awak daateb.

⁴Danab nug do lopadte amu nug hipunin hete. Hipunin amu do lopadak kobol. ⁵Amu ag dooteb, Kristus Nug heeb, hipunin iita mekunu miag atiom. Nug oopa hipunin laa ii daate. ⁶Danab nug nuhigpa daate amu nug hipuninpa ii oite. Laa nug hipuninpa oite amu ig doognig, nug Kristus ii antom, laa ele amu nug Kristus ii doote.

⁷O nid naunau, laa ag bupualdmananu amu ag dab meig! Aun nug kobol tutukupa oite amu nug Kristus tutuku daate amubia aaku tutuku daate. ⁸Satan nug dig makpanu udie, gemu ele hipunin hete amunu aun nug hipuninpa oite amu, nug Satannu danab daate. Mame Kayak Beka Nug Satannu hak nau amu heeb nauheb, lopadkunu miag atia beum. ⁹Amu danab laa nug Kayak beka daate amu Kayaknu bauklel nuhigpa daate amunu nug hipunin kobol dim ii lamidte. Nug hipuninpa oikunu elele iita. Adinu? Nug am Kayak beka. ¹⁰Anam amunu ig kobol imupa aun nug am Kayak beka, aun nug am Kayak beka

iita, nug Satan beka daate, amu ele doognig. Am inam. Aun nug kobol tutukupa ii oite amu nug Kayak beka iita. Am laa nug layagnu oo ii mauhte am nug ele Kayaknu iita.

¹¹Ag nai laa anuka doopig amu nai amuam inam. "Ig lainkad ele nug oo mauhak doot oitu!" ¹²Ag Kain bia aib oipig. Kain nug Satannu danab amu nug amag qe mauhom. Nug nuhig kobol ehed, amagnu kobol amu tutuku, amunu nug qe mauhom. ¹³O lailad, wan danab ag oolagpa ahilagnu nau, ninig ele dooteb dayeb amu ag amunu aib otaipig. ¹⁴Ig lainkad dilag oonig mauhte amunu ig amupa dootem, ig mauhak kobol uuta, ig bauklelpa daatem. Am laa nug layagnu oo ii mauhte amu nug mauhakpa daate. ¹⁵Am laa nug layagnu nau, ninig ele doote amu nug am danab qe mauhak danab. Amu ele ag dooteb, qe mauhak danab nug oopa amu bauklel hanhannu ii daate.

¹⁶Kristus Nug ihinignu mauhom, amupa ig oo mauhak kobol dootem. Amubia ig ele lainkad dilag mauhkunig am ena. ¹⁷Amge danab laa nug wanpanu enub ele amu nug layag keekenu dadek daate anite, nug oo ii doote ele dayeb amu Kayaknu oo mauhak nug oopa daatete? Iita. ¹⁸O nid naunau, ig odenigpa o naipaib lainkad dilagnu oonig aib mauhom. Iita, ihinig hakpa, oiyakpa, oonigpa ele ig lainkad dilagnu oonig mauhad! ¹⁹⁻²⁰Ig anam hekunig amu ig amupa ig genabnu meupa daatem doognig. Amu haen ig anen anen, "Da elele ii hemi," dootem amu haen amupa ele ig amupa Kayak noobpa badak iita daagnignu elele doognig. Adinu? Kayak Nug ihinig dab mak edidte amu Nug keeke oh doote.

²¹O gamalad, ig ihinig dab makpa ehed laa ii hemut dootem dayeb amu ig aaku Kayak noobpa gagatag daatem ²²amu ig Nug keeke laanu od medtem

amu Nug ig megate. Adinu? Ig nuhig do doot dim lamidrata, kobol Nug oo niite, amu ele ig hetem. ²³Nuhig do am inam. Ig Nug Beka Jesus Kristusnu amu ig oonigpa genab doot, Nug ig amenigpa aum amubia ig lainkad dilag oonig ele mauhku. ²⁴Anam amunu laa nug nuhig do dim lamidte amu nug aaku Kayak nuhigpa daate, Kayak Nug ele danab amu nuhigpa daate. Kayak Nug nuhig Oudi ig mekom amunu amupa ig dootem, Nug ihinigpa daate.

KAYAK OUDI AMU OUDI NAU ELE EPEDIKNU NAI

4 O gamalad, ag propet oh dilag nai pahanab oolagpa genab aib doopig. Iita. Propet ham bupuak kudum wan ohpa oiteb amunu ag pehetan epedin, aun nug Kayak Oudipa nai madite anidna, nuhig naiib ag oolagpa genab doyeg! ²Amunu aun nug Kayak Oudi awom daate ag amunu tutuku dooglagnu ib am iiku. Danab nug Kristusnu, "Nug udia danab beđu awom," nai amu madite ele amu, ag nuhignu, nug am Kayaknu danab dooglag. ³Amge danab oh ag Kristusnu anam ii ateb amu danab amu ag oudi laa ele, amu Kayak Oudi iita. Oudi amu nug Kristusnu keked! Anuka ag nug udikunu doopig ele amu, aaku wanpa udiom daate.

⁴O nid naunau dahilad, ag am Kayaknu amunu ag propet ham bupuak edidpig. Adinu? Laa ag oolagpa daate amu Nug wan imupan okai editak. ⁵Amu propet ham bupuak ag am wanpanu amunu ag wanpanu naiib maditeb. Matiegeg, wanpanu danab ag dooteb. ⁶Ge ig am Kayaknu amunu, aun nug Kayak doote amu nug ihinig nai doote. Amge aun nug Kayaknu danab iita amu nug ihinig nai ii doote. Amupa ele ig aun nug Kayak Oudi ode awa, nai genab madite amu aun nug

wan imupan okai ode awa, nai genab iita madite ele dootem.

KAYAK NUG OO MAUHAKNU DIIG

⁷O lailad, ig lainkad dilagnu oonig mauhad! Adinu? Oo mauhak kobol diig am Kayak. Laa nug am oo mauhak kobol dim lamidte amu nug Kayak beka dayaya, nug ele Kayak doote. ⁸Am aun laa nug laikud dilag oo mauhak ii doote amu nug Kayak ele ii doote. Adinu? Kayak Nug oo mauhak diig. ⁹Kayak Nug Beka laipunab, ig nuhigpa bauklel aognignu, wanpa me udiom amunu amupa amu Kayak Nug ihinignu oo mauhaknab doote amu ig ipunikom. ¹⁰Amupa ele ig oo mauhak kobol tutuku anidtem. Am ig Kayaknu oonig mauhom amunu Nug Beka me ii udiom. Iita! Nug ihinignu oo mauhom amunu nug Beka laipunab me, nuhig mauhakpa ihinig hipunin uhuqa mekeb, ig Kayak ele oo mak daagnignu wan imupa udiom. ¹¹O lailad, Kayak Nug ihinignu anam oo mauhom amunu ig ele nug oo mauhak kobol hekunig. ¹²Genab danab laipu laa nug Kayak ii antom amge ig nug oo mauhak kobol hetem dayeb amu Kayak Nug ig oonigpa dayeye, nuhig oo mauhak kobol ihinigpa eledenab mete.

¹³Nug nuka nuhig Oudi ig mekom amunu amupa ig dootem, ig nuhigpa daautut, Nug ig oonigpa daate. ¹⁴Am Mame Nug Beka, wan imupan danab oh edua diikunu me udiom ele, ig Nug anidta, ig amunu iiku maditem. ¹⁵Laa nug Jesus am Kayak Beka anana madite ele amu, Kayak Nug danab amu nuhigpa dayeye, danab amu nug ele Kayak nuhigpa daate. ¹⁶Ig Kayaknu oo mauhak amu ihinignu niite doota, oonigpa genab dootem. Kayak Nugib am oo mauhak kobolnu diig. Laa nug oo mauhakpa daate, nug aaku Kayak nuhigpa daate. Dayeye, Kayak ele nuhigpa daate. ¹⁷Ig Kayak nuhigpa daatem, Nug ihinigpa ele

daate, amupa Kayak Nug he, ig epediak haenpa ii badamtanu, ig gagatag daagnignu, Nug oo mauhak kobol ig oonigpa elelenab meṭe. Ig epediak haenpa ii badamtanu diig am Nug daate amubia ig ele daatem. ¹⁸Am laa, nug oo mauhak kobol nuhig elelenab meṭom ele amu, nug ii badaṭe. Iiṭa! Oo mauhak amu nug badaṭ lamidṭe. Badaṭ am nob awak ele, a diilah laipu amunu danab nug badaṭe ele amu, oo mauhak kobol nuhig am elelenab ii meṭom.

¹⁹Kayak Nug tatam ihinignu oo mauhom amunu ig oo mauhak kobolpa oiṭem. ²⁰Am laa nug, “Da Kayaknu ool mauhte,” aṭe amge nug layagnu nau, ninig ele doote amu, nug am ham bupuaḱ danab. Am danab adiṭ laa, a nug dootep ele amu, laa nug layagnu oo mauhku, laa ele layagnu anam dooku amge aun nug layag doote amge nuhignu oo mauhak ii doote ele amu, danab amu nug Kayak, nug Nug ii doote ele amu, nuhignu oo mauhkunu elele iṭanab. ²¹Amu Kayak Nug do iiku ig mekom. Laa nug Kayaknu oo mauhak doote amu nug layagnu ele oo mauhak doyaḱ!

DANAB OOPA GENAB DOYAK ELE AMU WANNU KOBOL II DIM LAMIDṬE

5 Am aun laa nug, Jesus am Kristus, oopa genab doote amu nug Kayak beka. Amu aun laa nug Mamenu oo mauhak doote amu nug Bekanu ele oo mauhak doote. ²Ig Kayaknu oonig mauhte, nuhig do ele dim lamidṭem dayeb amu ig amupa ig Nug bekod dilag ele oonig mauhte doognig. ³Ig Kayaknu oonig mauhte dayeb amu ig nuhig do dim lamidkunig. Amuam oo mauhaknu diig aaku. Amu nuhig do amu ug iṭa. ⁴Adinu? Danab aun adi ag Kayak bekod daateb ele amu, ag wan imupan kobol nau amu edidna, gagatag daateb. Ig Kayaknu oonigpa genab dootem amu

amupa ig wan imupan kobol nau amu edidṭem. ⁵Aun nug wanpanu kobol nau edidṭe? Danab nug Jesus Nug am Kayak Beḱa, amunu oopa genab doote ele amu, nug aakuib wanpanu kobol nau edidṭe.

⁶Jesus Nug uḱia, lepa layatak awa uka, ad emaitakpa mauha, Nug tiigpa ig uhuqikom am keeke adiṭ amu, Nug am Kayak Beḱa, Kristus, ipunigṭe. Le nug nuka ii ipunigṭe. Iiṭa, le tiig ele oh amu ipunigṭe. Kayak Ouḱi Nug am nai genab diig amunu Nug amunu mehuqṭe. ⁷Ewam amu ag Jesus, Nug am Kristus, ipunigṭe. ⁸Ewam amuam Kayak Ouḱi, le amu Nug tiig ele. Ag oh laipuib ipunigṭe. ⁹Ig haen tutunu hetodiakpa danab dilag nai amu genab dootem amge Kayaknu nai am danab dilag editaknab. Aria Nug Jesusnu ipunikom amunu ig oonigpa genab doognignu elelenab. ¹⁰Danab nug Kayak Beḱa, Jesusnu, oopa genab doote amu nug aaku Kayaknu ipunitak amu awom daate. Am laa nug amu oopa genab ii doote am nug, “Kayak Nug am ham bupuaḱ danab,” awa aṭe. Adinu? Kayak Nug Bekanu ipunitom amu danab amu nug oopa genab ii doyom amunu anam aṭe. ¹¹Amu Kayak Nug adi ipunikom? Nug bauklel dayak ig mekom amu bauklel amu ig Nug Bekanu aotem. ¹²Aun nug Kayak Beḱa ele daatep amu nug bauklel ele, am aun nug Kayak Beḱa ele ii daatep amu nug bauklel iṭa.

BAU HANHANNU DAYAKNU NAI

¹³Da ag Kayak Beḱa, nuhignu oolagpa genab dooteb ele amu ag bauklel aopig daateb amu genab dooglagnu, ahilagnu nai imu yaatem. ¹⁴Amu ig adi keekenu oonig daate, keeke amu nug Kayak oo niite bia daye, ig amunu unuqidṭem amu ig Nug ihinig unuqitak amu doote dootem. ¹⁵Amu ig keeke ohnu anam bia od mak heṭem amu Nug ig dooigṭe dootem dayeb, ig od mak oh heṭem amu

ig nob amu aaku nuhigpa aognignu ele genab dootem.

¹⁶Laa nug laa hipunin hete anidte amge hipunin am he, danab mauhte amu iita ele anta amu nug layagnu Kayak unuqiteb, Kayak Nug heeb, nug layag bau daaku. Nai amuam hipunin nug he, danab ii mauhte amunuib amge hipunin laa nug he, danab mauhte ele amu, da ag amunu unuqidkulagnu ain ii atem. ¹⁷Kobol tutuku iita amu oh am hipuninib amge hipunin laa amu he, danab ii mauhte.

¹⁸Ig dootem, danab laa nug Kayak beka daate amu nug hipuninpa ii oite.

Kayak Beka Jesus, Nug nug atog note. Satan nug danab amu nakok laa ii adate.

¹⁹Ig dootem, ig Kayak bekod daatem amge wanpanu danab ag Satan waapa daateb. ²⁰Ig dootem, Kayak Beka Nug udia, ig Mame genab Nug doognignu dab mak mekom. Amu laa, Nug am genab diig amu, ig nuhigpa daatem. Ao, Nug Beka am Jesus Kristus amu ig nuhigpa daatem amunu ig Nug Mameg, nuhigpa ele daatem. Nug Kayak genabnab, Nug bauklelnu diig ele.

²¹O nid naunau ag kayak ham bupuak dim lamidmanade dab meig!

NAI 2 JOHANES YOM

OO MAUHAK KOBOL DIM LAMITAKNU NAI

1¹⁻²Da Johanes, da Kayaknu udat danab. Asia oopa tamaniak laa, Kayak Nug na nuhig daakutnu tituanom ele amu, na nahipad danab ah ele, ahilagnu da iiku yaatem. Nai genab ele ihinigpa daate amu haen oh ele daaku amunu da genab ahilagnu ool huanak mauhte. Am daib iita. Am laa ag nai genab dooteb amu ag ele amubia ahilagnu oolag huanak mauhte. ³Amu ig Mamenig Kayak amu Nug Beka Jesus Kristus ele a ahilah ehanitak okai hamu megtep amu oo gai iita doyak kobol ahilah amu ahilah madod ele ig megaped, ig nai genabpa, oo mauhak kobolpa ele daagnignu ool daate.

⁴Ao, da nahipad nid naunau laala ag nai genab diig, Mame Nug ig anam dim lamidkunignu aum ele amu, ag amu dim lamidna daateb doyena, da oo gamag ahak okainab dootem. ⁵O Asia oopanu tamaniak laa, da do bau nahipnu ii yaatem. Iita. Imu am do alag, ig lainkad dilag oonig mauhaknu nai anuka doomut ele amuib. Amu ig amu dim lamidkunignu iiku unuqadtem. ⁶Oo mauhak kobol dim lamitak am inam, ig nuhig do oh dim lamidkunig. Amu ag anuka doopig aakuib daate. Amuam nuhig do am ag oo mauhak doon oiweg!

⁷Am ham bupuak toliak danab kudum, ag Kristus Nug danab beu ii awa udiom maditeb ele amu, ag wan imupa oiteb. Danab amu ag am ham bupuak danab, ag Kristusnu keked.

⁸Amu ag tamaniak oopa daateb ele amu, ag Kayaknu keeke aoglagnu udat hepig amu laa amu ag hepeg, iita memanu dab meig! Ag geha nob ena oh aoglagnu heig! ⁹Am aun laa nug Kristusnu ipunitakpaib ii daate, nug nuka nuhig dab makpa, dab mak ham bupuak laala ele tudidte amu, nug Kayak ele ii daatep. Am aun laa nug Kristusnu ipunitakpa daate amu nug Mame amu Nug Beka ele oh laipu daateb. ¹⁰Am aun nug ag gumata goku amge nug Kristusnu nai tutuku ii madite ele amu, ag nug ele ou aib qepig, ele amu ag nug aib humidpig. ¹¹Adinu? Danab aun laa nug humidte ele amu, nug aaku ipunitak danab nau amu ehanite, hak nau amu a oh hetep.

BAG QAK NAI LAALA

¹²Da keeke kudumnu yen madakul amge da udugpa yaakulnu ool ii daate. Iita. Da ig oh oonig gamag ahak ena aognignu ag gumate uke anaten, da ag ele oh nug idu anidtata, nai matignignu dab metem. ¹³Da daatem imupa, tamaniak imu, Kayak Nug nuhig tituanom ele amu, nuhikud danab ah ag humadteb.

NAI 3 JOHANES YOM

GAIAS NUG UDAT ENA HEUM

1 Da Johanes, da Kayaknu udat danab, da layalnab Gaias nahipnu nai iiku yaatem. Da genab nahipnu ool mauhte. ²O lai gamal, Na Kayak ele oiṭep, oiyak nahip amuam ena daate dooṭem amu, amubia na keeke ohpa ena daakutnu Kayak unuqidtem. ³Da lailad laa uḍin, na nai genabib dab meṭemnu, na genab haen oh nai genab waapa daanna oiṭem elenu maṭieg doyen, da ool gamag huanak ahom. ⁴Ao, dahilad nid ag haen oh nai genabib dim lamidna oiṭeb doyen amu da ool gamag ahak okai aotem, gamag ahak laa nug gamag ahak amu eḍidkunu elele iṭa.

⁵O lai gamal, udat oh na ig lainkad ehanadna heṭem amu na genab heṭem. Na ii uuṭem. Genab na laa ii doyaḍtem amge na ag ele ehanadna, ena heṭem. ⁶Amu dilag ag kristen tamaniak amegpa na ahilagnu oot mauhak dooṭemnu ele madipig. Amu danab amu ag gokulagnu hebepeg amu Kayak Nug na danab amu aṭem ehanadkutnu oo daate bia ehanadkut am ena. ⁷Danab amu ag Jesus Kristus onig binag humaglagnu, iṭa aḍi gumadna goṭeb amu ag ahilagnu udat nob ii aoiṭeb. ⁸Amunu ig danab amu ehanadkunig am ena. Kobol amupa ig ag ele nai genabnu udat laipu hekunig.

DAIOTREPIS AMU DEMITRIAS DILAH KOBOL

⁹Da nai laa yen kristen tamaniak meṭami amge Daiotrepis, nug nukā

keeke ohnu beḍu hume anuqte, nug da oḍel dab ii medate. ¹⁰Amunu da uke, apa teḱul dayeb amu da nuhig hak miag api dooglag. Nug ihinignu nai mauhnoak, nai nau ele madite ge nug nai amuib ii madite. Iṭa, nug ig lainkad ele ehanata, laugpa diia ii goṭe, am danab ag ehanadkulagnu heṭeb amu nug aib awa aṭe. Nug anam haaha, laa ag ig lainkad ehanadkulagnu oolag daate ele amu, nug ag kristen tamaniakpanu ele lamadte.

¹¹O lai gamal, kobol nau aib dim lamidme. Na kobol tutuku ena amu dim lamite! Laa nug kobol ena hete amu nug Kayak ele laipu daatep. Am laa nug kobol naupa oiṭe amu nug Kayak ele laipu iinab daatep. ¹²Demitrias nug kobol ena hete amunu danab oh ag nug binag meṭeb. Nai genab am ele nug onig hume, aṭan teṭe. Ig ele nug binag meṭem amu na dooṭem, ihinig nai amu genab.

BAG QAK NAI LAALA

¹³Da keeke kuḍum yaakulnu daate amge da uḍugpa yaakulnu ool ii daate. ¹⁴Da paha na gumite gokulnu dab meṭem. Da gumite gopi, na da ele nug iḍu aniddaḍa, nai maṭignih. ¹⁵Kayaknu maḍoḍ nahippa daakunu ool daate. Na laipad ipa daateb ele, ag na humidteb. Amu na dahil humitak imu i lainṭad oh apa daateb ele amu, ag onilag diin, ape doyeg!

JUD NAI YOM

HAM BUPUAK IPUNITAK DANAB DILAG NAI

1 Da Jud, da Jesus Kristusnu udat danab laa iiku amu da Jakobus ele i am eamag. Nai imu amu Kayak, ig Mamenig, Nug baekudpan danab, Nug ag onilagpa eum, ag nuhig oo mauhak oopa daateb, Jesus Kristus Nug ag atog noadte ele amu, da ahilagnu yaatem. ²Amu Kayaknu oo gai iita doyak kobol, nuhig madod kobol amu nuhig oo mauhak ele ahilagpa hanhan nadi daaglagnu ool daate.

³O lailad, da tatam Kayak Nug udat nadi ig awigkunu heum ele, amunu yaakulnu dab memi amge gemu da dab mak laa inam awe amu ag ehanadkulnu yaatem. Amuam ag oopa genab doyaknu nai genab atog nokulagnu, udat gagatag henan, nai enanu keked ele di mataglagnu yaatem. Adinu? Haen laipu aakuib Kayak Nug oopa genab doyaknu nai genab ig danab nuhikud meke, elele metom. ⁴Adinu da nai inam yaatem? Ipunitak danab ham bupuaq ag matu tamaniak ihinig oopa lokumna nopig daateb. Danab amu ag ateb. "Ig Kayak baegpan danab bewota, kobol ehed kudum hetata, ig Kayaknu ehanitak okai hamu megte ele amupa ig nuhig hetodiak ded edidkunig," aon ateb. Ag ele ihinig Nadi, ihinig gumak danab, Jesus Kristus guhudidteb. Amu anuka Nai Enapa danab amubia dilag aum bia, ag am genabnab nob nau aoglag.

⁵Aria ag dahil nai imu eb qeteb ele amu, ag nai imu oh dooteb amge ag daulagpa edua dookunu atem. Nai amuam inam. Kayak Nug Israel danab Igiptanu edua diiom amge dimpa Nug danab laa nuhignu oolagpa genab ii doopig ele amu he, ag padal mepig.

⁶Aria keeke laa amu engel ag udat ahilag tutuku ii hena, Kayak ag aben daaglagnu matom ele amu uuna, okainab daaglagnu wagai mepig amu ag dayak aben ena ahilag uupig amunu Kayak Nug haen ohnu qakalatom, gatatupa, aben naupa maatom daateb. Geha ag hetodiak ded nadi amupa daanna, nob aoglag. ⁷Kobol amubia laa ele iiku ag anidkulag. Amu Sodom Gomora ele amu ab okai laala taliliatak ele, ag gapai henana, ag danab danab ele, o ah ah ele gapai ele hepig amunu nob nau ahilagpa beum. Nob nau amuam ab ewate, ag padal mena autna aopig. Ag nob aopig amubia buti adi ele daakunu amu ig kobol amu anidta, amubia aomtanu dab mekunig.

⁸Aria kobol amubianab danab imu, gemu ag oolagpa daateb ele amu, ag dab mak tutuku iita, ag kobol amu heteb. Ag bedulagnu hipunin diigdiig heteb. Ag Kayak ode di metan, Nug ele gedidna amu atannu engel, ahilagnu ele nai nau ateb. ⁹Ag anam heteb amge engel dilag iki laa Maikel, nug kobol amu ii heum. Iita. Nug kobol ena laa heum. Haen nug Satan ele, a aun nug Moses gada aokunu paniodya, nai aeh on aeh do heya heya amu nug nai ehed laa ii aum. Iita. Nug inam aum. "Kayak Nug Nuka aakuib daut bataku!" awa aum. ¹⁰Amge danab imu ag keeke ii dooteb ele amu, ag keeke amunu nai ehed ateb. Amu keeke laala, ag dod dakud keeke dooteb amubia keeke amu dooteb amu ag dab mak amu, dod dakud ag keeke hakib heteb amubia ag dab mak amu dim lamidna, kobol nau heegeg, kobol nau amu aaku he nauhteb.

¹¹Danab amunu am gadonnab. Amu ag Kainnu kobol hena oiteb. Am ag men dodonuib dab mena, Belam kobol ehed heum bia heteb. Ag anuka Kora hibguita ha, Kayak awa awa qetom amu ag kobol anam hena, padal meteb. ¹²Danab

nau amu ag hanhan ag danab, ag nai imu aoteb ele amu, ag ahilag hobul ena madod ele, hobul amupa ag ele qag mena daanna, e lanana, ag hobul dubutid medteb amge danab amu ag ii badaṭeb. Ag aka agib ehanadkulagnu heteḅ. Danab amu ag am lombig laa, gu nuhigpa ii neṭe, ulah iwalate goṭeb amubia. Ag am ad, meu awak haenpa meu ii oṭe bia. Ag am ad bunadom, danab ag ad diig hidapig bia daateḅ. ¹³Ag am yu duban qa uḍia kodkod qa uka, hipad aha hakab daate bia daateḅ. Ag am uḍanak kobolnab heteḅ amu ahilag kobol nau amu hipad hakab daya miag atite amubia miag atiak daate. Ag hodopai habpa daanna, mauhnoak oiteḅ bia amunu Kayak Nug aben gatatanab babaitom daate, geḅa ag amupa hanhan daaglag.

¹⁴⁻¹⁵Inok, nug am Adamnu budub uḍiak eblaih aḍit ele batak amu, nug danab laa amelagpa propet nai danab nau imu dilag mehuqa inam aum. “Anteg! Nadi amu nuhikud engel kudumnab, eb aqaknu elele iita, Nug hetodiakpa, danab nob nau madaḅunu, Nug heeb, danab ag Nug ii dim lamidteḅ ele, ag ehed hepig amu miag atiak dooglagnu, hipunin danab laa ag Kayak di meṭan autna aoteḅ amu Kayak Nug heeb, ehed hak ahilag nuhigpa diigdiig heteḅ amu ag miag atiak dooglagnu, Kayak amu nuhikud engel ele uḍiteḅ.” ¹⁶Danab amu ag dimug nai matiak naunab, ahilagpa kobol aḍi beṭe amu ag amunu oolag nauhte, ag beḅu kobol nau amu dim lamidteḅ, ag aka onilag humaglagnu odelag alala ebṭe, amu ag danab laa dilag keeke aoglagnu dituanin ele maṭan, nai itag ele madiṭeb.

OOṖA GENAB DOYAK AHILAG ADEG!

¹⁷Amge o lailad, ihinig Nadi Jesus Kristusnu total danab ag anuka Kayak

oḍe aona, buti aḍi, aḍi beḅunu daate amunu nai mehuqpig amu daulagpa doad! ¹⁸Am ag inam ag amelagpa apig. “Gog tak haen imupa amu danab laa ag Kayaknu kobol ihakle qetan, ag Kayak di meṭan, ag kobol augigiaknu oolag aheb mauhnoak heḅulag,” aon apig. ¹⁹Danab amu, ag tamaniak oopa anam heegeḅ, tamaniak ag opatna laih laih daateḅ. Ag oolagpa Kayak Oudi iita, ag wanpan danab dilag doyak amuib dim lamidna heteḅ.

²⁰Amge o lailad, ag oolag gagatag qetan, oopa genab doyak opia awak ele ahilag adeg! Ag hanhan Kayak Oudinu gagatagpa unuqiteḅ! ²¹Ag hanhan Kayaknu oo mauhak oopa daanna, ihinig Nadi Jesus Kristus Nug ahilagnu oo gai iita doote amunu Nug bauklel dayak madaḅunu ameg meig! ²²Aria ag lailkad, laa ag oolagpa genab elelenab ii dooteḅ ele amu, ag amu dilagnu oolag gai iita doonna, ehanateḅ! ²³Amu dilag ag ab adupa daateḅ bia daateḅ amunu ag ehanadna, pahanab eḅun diieg! Am laa dilag ele ag ehed heteḅ anadna, ag ahilagnu oolag gai iita doonna, ag ele hipunin amu hemananu baḅan, danab amu ehanateḅ! Amge ag oolagpanu kobol alag, laa ag heteḅ ele amu, ag amunu lamen dubutid ele bianab doonna, ag aka kobol nau amupanu am awaidna dayeg!

KAYAKNU ENA HEME ANAK

²⁴Aria Kayak Nug ag dab maṭa auta aweḅ, ag ii nena qemananu elele daate, Nug nuḅa ag diia, nuhig aben enapa Nug noobpa gamag ahak nadi elepa maateḅ daaglagnu ele elele daate. ²⁵Nug am ihinig eḅua awikaknu diig, Nug nuḅa aakuib Kayak dayaya, Jesus Kristus, ihinig Nadi, nuhig uḍat enapa ig padal mematanu am eḅua awikom. Nugib binag okai ele. Nug nuḅa aakuib gumikak anuqak dayaya, gagatag ele, keeke oh di-

lag iki date. Nug haen oh anamib date. date amu budi adi ele anamib bauklel
Nug anka anam dayom, gemu anam daku. Genab.

REVELESEN

KAYAKNU AMEG WAK NAI KRISTUS NUG JOHANES IPUNITOM

1 Kayak Nug Jesus nuhiḱud uḁat danab, ag aḁi keeke beḱunu daaṭe ipuanadḱunu amu Jesus ipunitom. Ipuṇiṭe, Jesus he, nuhiḱ engal laa Johanes amu ipuniṭeb, nug amu bukpa yaaḱunu uḁiom. ²Uḁia ipuniṭe amu Johanes keeke oh aṇtom ele amu, iḱu bukpa yom daaṭe. Nug Kayak aḁi keeke Jesus ipuniṭe, Jesus engal amegpa a, engal Johanes ipunitom ele amu iḱu yom. ³Danab aun aḁi ag Kayaknu nai, keeke dimpa beḱunu imu eb qena dim lamidṭeb, o aun aḁi ag nai imu daulagpa doona dimlamidṭeb ele amu, ahilagnu am ena. Aḁinu? Haen amu uḁiḱunu hete amunu Kayak Nug keeke laala beḱunu aum am Nug aaḱu beḱu.

JOHANES NUG KRISTEN TAMANIAK EBLAIH AḁIT ELE DILAG NAI YOM

⁴Da Johanes, da kristen tamaniak eblaih aḁit ele Asia wanpa daaṭeb ele amu, ahilagnu iḱu yaaṭem. Kayak Nug gemu daaṭe, anuḱa dayom, dimpa uḁiḱu ele, Nug amu nuhiḱ Oudi, kobol ena oh am nuhiḱpa am bak daaṭe amu ⁵Jesus Kristus, nuhiḱpa Kayaknu maṭiak tutuḱu daaṭe anidṭem, Nug danab mauhpig ele amu ahilag eḁua hibaiṭak danab anuḱak, wanpanu king oh dilag oḱai ele daaṭe amu, ewam amu oh ag ahilag ehaniṭak oḱai hamu megṭeb amu ahilag maḁoḁ ele amu, ag danab ag tamaniak eblaih aḁit ele oopa daaṭeb amu ahilagpa daaglahnu ool daaṭe.

Kristus Nug ihinignu oo mauhe, Nug tiigpa ihinig hipunin oh uhuqom, ⁶ig Nug Mamegnu gumak danab amu mana meṭak danab ele meikom amu ig haen oh Nug onig binag ele meta, Nug waapaib

daatu! Genab. ⁷Aṇṭeg! Nug eḁua lombigpa neḱu. Danab oh ag Nug anidḱulag. Yo danab ag Nug ban hawaḁpa yaapig ele amu, ag ele Nug anidḱulag. Amu wan ohpan danab ag Nug anidna, amunu ehed dooglag. Ao, keeke amu anam beḱu. Genab.

⁸Nadi Kayak Nug inam aṭe. “Da iḱuib haen oh daaṭem, daib gemu daaṭem, anuḱanab daadmi, dimpa ele uḁiḱulnu daaṭem. Da am gagaṭag oh ele,” awa aṭe.

⁹Da Johanes, da ag awalag amalag, da ag ele ig oh Jesus nuhiḱpa laipu daat, ug mua ele imu maotem. Da Kayaknu do maḁoḁ oopa, amunu uḁat haknu, ag ele daaṭem. Ig oh Jesusnu gagaṭag aot daatta, ug oh maotem. Da Kayak nai maṭieye, Jesus Kristusnu oolpa genab dooṭem amunu ami, amunu ag da nud laa onig Patmos, amupa meidpig. ¹⁰Meṭidpa amu Kayak Oudinu gagaṭag dahilpa am ba he, da baag laa biugal oqoti bia da dimulpa maṭieye doomi. ¹¹Baag amu nug inam aum. “Na keeke oh anidna amu na bukpa yona mepe, kristen tamaniak eblaih aḁit ele onilag Epesus, Smena, Pegman, Tiatira, Sadis, Piladelpia amu Leodisia ele amu ahilagpa uḱaḁ!” awa aum.

¹²Nug anam aawo, da danab nai amelpa aum ele amu anidḱulnu eḁuen neegmi. Da eḁuen amu lam baelag ele golpa hak, eblaih aḁit ele daaegeg anadmi. ¹³Anam andete amu da laa, nug danab bia, lam baelag amu oh oolagpa hibaiṭa dayeye anidmi. Nug lamen elab uḱa baegpa batak mewowa, matagidḱ gol ele imugpa takom. ¹⁴Nug iki uḁug amu haḱabnab, Nug ameg amu ab ewa didite amubia. ¹⁵Nug baeg amu kopa laa onig bras amu aon, ab aḁupa manaeg ewa, le ma oug me, lamenpa o keeke laapa opina aweg, aam ye amahalṭe amubia. Aria nug baag oqoti amu le buḁuḁu kuḁum oqoti oṭeb amubia doomi. ¹⁶Nug epeg nadiappa amu hodopai eblaih aḁit ele

ađom. Qep elab aeg laih laih aeg nab ele amu nug ođepa dayom. Nug iđu amu aam gagatagnab naana amahalte amubia amahalom.

¹⁷ Da Nug anam antena, mauhak bia Nug baegpa nein qemi. Amge Nug epeg nadiap da qadelpa maama, Nug da amelpa aum. “Na aib badame, Da daka haen oh daatem.” ¹⁸ Da bauklel hanhannu ele daatem. Da mauhmi amge ante, da bau daatem, gemu, hanhan ele. Amu danab mauhpig ele da ahilag okai daakulnu onil ele.

¹⁹ Amunu keeke na anidtem imu am keeke gemu daatebnu amu keeke adi dimpa bekulagnu ele amu oh bukpa ye! ²⁰ Na da epel nadiapa hodopai eblaih adit ele anidme amu lam baelag eblaih adit ele amu ele anidme amu diig amu inam. Hodopai eblaih adit ele amu kristen tamaniak eblaih adit ele amu dilag iki danab. Lam baelag eblaih adit, amuam kristen tamaniak eblaih adit amu aakuib,” awa aum.

NAI EPESUS KRISTEN TAMANIAPKA UKOM

2 Nug anam anana Nug baula tudita Johannes amegpa aum. “Na Epesus kristen tamaniaknu iki danab amu nai da atem imu nuhignu inam ye! Nai imu, laa Nug hodopai eblaih adit ele epeg nadiappa adalatata, lam baelag ele eblaih adit ele oolagpa oite amu nuhigpan udite. ² Da dootem, nahip hak amu udat okai nahip ele gagatag daate. Na danab nau dilag ele oot iinab hete. Ag na amempa, ‘Ig am ipunitak danab,’ apig amge ag ham bupuidpig. Na ahilag ham bupuak amu epedie, ag miag atipig. ³ Da dootem, na gagatag daatem, na da onilnu ehed laala na bedunpa beum amu, na amupa na gai iita ii meme.

⁴ Amge ehed hak nahip laipu imunuib am iiku da na amempa atem. Na anuka baubu dig makpa nahip oo mauhak

dahilnu heme amu gemu am oo mauhak nahip amuam na uume, amupa am na aaku nena qeme. ⁵ Na tatam daame amu na dautpa doad! Dautpa dob, oot edueb, hak nahip tatam heme ele amu baula he! Iita amu da uken, lam baeg nahip amu abenpanu edue aokul. ⁶ Amge kobol imu am nahippa ena daate. Na Nikolas adi dilag hak nau amu guhudidtem, da ele Nikolas adi dilag hak nau guhudidtem.

⁷ Am aun nug daug ele dayeb amu nug Kayak Oudi kristen tamaniakpa nai mehuqte imu doyađ! Laa nug ban amu edidku amu da nug bau hanhan dayaknu ad meu, Kayak epegpanu udite ele amu, medapi laku,” awa aum.

SMENA KRISTEN TAMANIAPKA DILAG NAI

⁸ Anam anana Nug nai tudita aum. “Na Smena kristen tamaniaknu iki danab amu nai da atem imu nuhignu inam ye! Nai imu, laa Nug hanhan daate, anuka Nug mauhom amge Nug bau daate, nuhigpan udite. ⁹ Da guitak ug ele nahippa beum amu doomi, na keeke iita, amupa qagaitaknab daame amge na keeke kudum ele! Da danab laa ag dapidna, aon aon nidapig amu da doomi. Laa ag amu apig amu ag, ‘Ig am Juda,’ aon apig amge ag am Juda tutuku iita, ag am Satannu daupib. ¹⁰ Nakok laa ele ag ug baula maoglag amge ag keeke amunu aib badapig. Doyeg! Ag Smena daateb ele amu, ag ahilag oopa genab doyak am genab o genab iita doyaknu amu Satan nug heeb, ag oolagpanu laala mani guitakpa maadkulag. Laa amu ag ahilagpa ehed hadkulag amge ag haen tuuib ug amupa daaglag. Amu na ootpa genab doyak gagatag adape ukeb, haen na mauhsem amupa amu da na bauklel hanhannu medakul.

¹¹ Danab nug daug ele dayeb amu nug Kayak Oudi Nug kristen tamaniak oh oopa nai madite imu doyađ! Am

danab aun laa nug ban amu edidku amu mauhak dimpanu amu nug heeb ii nauhma. Iitanab,” awa aum.

PEGMAN KRISTEN TAMANIAK DILAG NAI

¹² Nug anam anana amu Nug tudita aum. “Na Pegman kristen tamaniaknu iki danab amu nai da atem imu nuhignu inam ye! Nai imu laa Nug qep elabnab nob hawaḍ amu aeg laih laih ele adate amu nuhigpan udite. ¹³ Da nahip dayak amu dootem. Satan nug aben amupa nug okai daate amge na da onil gagatag adatem. Na dahilnu ootpa genab dootem, laa ele amu na ootpa genab doyak ii lokumtem. Anuka Antipas, danab amu nug nai dahil mehuqtom ele amu, nug ag ele daanna, nug nai dahil dim lamidtom. Dim lamitete, ahilag ab okai, Satan nug agupa daate ele, amupanu danab ag nug qeeg mauhom. Qeeg mauhe, haen amupa ele ag tamaniak oopa daateb ele amu, ag da onil ii lokumpig.

¹⁴ Amge da nai laipu laipu imu amu na amenpa akulnu hetem. Nahipad danab laa Pegman apa ana daateb, ag Belamnu kobol amu gagatagnab adateb. Nug Belak ipunite, Belak nug he, Israel danab ah ag hipuninpa nena qepig. Nug a, Israel adi ag danab laa, ag doḍ main kayak ham bupuak medapig ele amu, doḍ amu lanana, gapai kobol ele hepig. ¹⁵ Amubia laala na ele apa ana daateb. Amu ag Nikolasnu daup amu ahilag nai gagatag adateb. ¹⁶ Amunu amu na oot eduad! Iita amu nakok laa ele da na gumiten gopi, qep nob hawaḍ aeg laih laih ele da odelpa daate amu, da amupa danab amu ele nug qekunig.

¹⁷ Danab nug daug ele dayeb amu Kayak Oudi Nug kristen tamaniak oh oopa nai mehuqte amu doyaḍ! Aun nug ban amu edidku amu da hab atannu bret onig mana amunu laa medakul. Da nug

men doḍo hakab laa ele nug medakul. Men doḍo amupa onig bau yak ele. Laipu laa nug onig amu diig ii dooma, aun nug da metami ele amu, nug aakuib dooku,” awa aum.

TIATIRA KRISTEN TAMANIAKNU NAI

¹⁸ Anam anana Nug tudita aum. “Na Tiatira kristen tamaniaknu iki danab nai da atem imu nuhignu inam ye! Nai imu am Kayak Bekanu, Nug ameg ab didite bia, Nug baeg amu bras bia amahalte. ¹⁹ Da nahip hak, nahip oo mauhak, oopa genab doyak nahip, ehanitak udatpa danab ah ehanadtem ele amu da dootem. Aria na ug kudum anidme amge na gagatag daame, na kobol oh tatam heme amu ena, am geha dimpa hetem amu kobol tatam heme amu editak enanagnab hetem amu, da amu ele dootem.

²⁰ Amge da nai imu na amenpa akulnu hetem. Na ah Jesebel, nug nuhig haknu amu na nug amegpa aib ii atem. Nug, ‘Da am propet ah,’ awa ate amge nug anam ii daate. Nug anam anana, nug ele dahil udat danab ipuanate, ag gapai kobol henana, laa ag doḍ main kayak ham bupuak medapig ele amu, ag doḍ amu ele lateb. ²¹ Da nug oo edukunu haen metami amge iita. Nug nuhig gapai kobol ii uuom, oo ii eduom. ²² Na doye! Da geha nug ode, guitak ele okainab nug medakul. Aria danab ag nug ele gapai kobol hepig ele amu, ag ele oolag ii edueb, gapai kobol ii di medapeg amu ag ele ode qagaitak ele madakul. ²³ Da nuhikud nid ele hepi mauhkulag. Amupa kristen tamaniak oh ag dooglag, da danab oolag amu ahilag dab mak ele epeḍie aute aotem, amu ele da ahilag hak atemu amu amupa nob madakul. ²⁴ Amge laala Tiatira daateb ele, ag ah amu nuhig nai dab ii medteb amu, ag Sattannu dab mak, danab laala ag amunu, ‘Dab mak amuam unuqagnab daate,’ aon

aṭeb ele amu, ag amu ele ii dim lamidṭeb amunu da ag amelagpa inam aṭem. Da ag keeke ugnab laa ii madapa. ²⁵Ag nai aopig amu aakuib aḍan daapeg, da eḍue uḍikuḷ.

²⁶Amu danab aun nug ban amu eḍiṭa, dahil hak amu atog noobob uḷeb, gog tak haenpa da nug ab ab oh dilag iḷi daakunu onig medakul. ²⁷Nug danab amu hoḷat aenpa hak amupa gumadku, nug danab laa he, wa aode, maha kuḍum neṭe, amubia danab amu gumadku. Mame Nug da amubia heḷulnu onil meḍom, amubia da nug onig anam medakul. ²⁸Am da nug waḷadək haenpanu hoḍopai boitinan amu ele medakul. ²⁹Anam amunu danab nug daug ele dayeb amu nug Kayak Oudi Nug kristen tamaniak oh oopa nai mehuḷte imu doyaḍ!” awa aum.

SADIS KRISTEN TAMANIAK DILAG NAI

3 Anam anana Nug nai tuḍiṭa aum. “Na Sadis kristen tamaniaknu iḷi danab nai da aṭem imu nuhignu inam ye! Laa amu Kayak Oudi, kobol ena oh amu nuhigpa am bak daaṭe amu Kayak Oudi Nug nuhigpa am bak daaṭe amu Nug hoḍopai eblaih aḍit ele aḍaladṭe ele amu, nai imu nuhigpan uḍiṭe. Da nahip hak oh doyen malami. Danab ag ahilagnu, ‘Tamaniak nahip am bauklele ele,’ aon aṭeb amge iṭa. Na bauklele iṭa, na mauhme. ²Aib niime, na ahan beḍun aon oiye! Kobol ena na aḍaṭem ele mauhkunu hete amu, na eḍun gagatag mete! Aḍinu? Nahip hak oh am dahil Kayak noobpa tutuḷunab laa ii anidmi. ³Amunu amu na kobol ena aon doome ele amu, na dautpa dob, dim lamidnana, oot eḍuaḍ! Na amen ii opateb daape amu da yab danab uḍiṭe bia nahippa noḷul. Da haen adeḷupa nahippa noḷul amu na ii doomna.

⁴Amge laipu laipu Sadis apa daaṭeb, danab ah amu ag ahilag hak dubuṭid ii medapig. Ag lamen haḷab tagapeg amu da ele oignig. Aḍinu? Ag ahilag hakpa amu heḷulagnu elele. ⁵Am danab aun nug ban amu eḍidṭe amu, nug danab ag lamen haḷab tagapig ele amu, nug ag oolagpa ele dayaya, lamen haḷab ele tagaku. Da nug onig buk laa, onig bauklelel awa onig yaknu buk, buk amupanu ii obipa. Iṭa, da nug da Mamel noobpa amu engel noolagpa ele nug onig miag akul. ⁶Am laa nug daug ele dayeb am Kayak Oudi Nug kristen tamaniak oh oopa nai mehuḷte imu doyaḍ!” awa aum.

PILADELPIA KRISTEN TAMANIAK DILAG NAI

⁷Anam anana Nug baula aum. “Na Piladelpia kristen tamaniaknu iḷi danab nai da aṭem imu nuhignu inam ye! Nai imu, laa Nug opia awaknab ele, Nug kobol genabnu diig, Nug Dawitnu ki ele, Nug od matulṭe amu laa nug ii maiṭe, Nug maiṭe amu laa nug ii matulṭe ele amu, nuhigpan uḍiṭe. ⁸Da nahip hak oh anidmi. Aṭe! Da na noompa od matule meṭami, laa nug maiḷunu elele iṭa. Na nahip gagatag nakok ele amge na dahil nai dim lamidna da onilnu ham ii bupume, da onil ele ii loḷumme. ⁹Iḷiḷ ante! Da hepi, Satannu danab amu ag ham bupunna, ‘Ig Juda danab,’ aṭeb ele amu, da hepi, ag geha na noompa dup noḷulag. Amupa ag da nahipnu ool huanak mauḷte amu dooglag. ¹⁰Na dahil nai dim lamidna, ug oh anidme amge na gagatag daame amunu da danab ah wan atu oh dilagpa ug naḍi, ag diilag doyaknu beḷu amu, da na atog noidḷul, ug amu nahippa ii bema.

¹¹Da paha eḍue uḍikuḷ. Laa nug nahip keeke ena, King igipanu bala bia amu, nug aomanu, keeke na aome amu na gagatag aḍan daye! ¹²Am danab nug

ug amu oh edidku amu da nug dahil Kayak laugpa anuqak mepi daaku, nug haen oh lag uua dimitim ii wama. Nug bedupa dahil Kayak onig amu dahil Kayaknu ab okai onig ele yaakul. Ab okai amu Jerusalem bau, dahil Kayak topanu atannu nete. Am da onil bau ele nug qadepa yaakul. ¹³ Amunu amu danab aun nug daug ele dayeb amu Kayak Oudi Nug tamaniak oh oopa nai mehuqte imu doyadi! awa aum.

LEODISIA KRISTEN TAMANIAK DILAG NAI

¹⁴ Anam anana Nug baula aum. “Na nai imu Leodisia kristen tamaniaknu iki danab, nai da atem imu nuhignu inam ye! Nai imu, laa Nug nai genab diig, Nug Kayaknu nai tutuku ipunigte, hahan Nug nai genabib ipunigte, Kayak keeke hatom amu ele Nug atog noadte amu nuhigpan udiite. ¹⁵ Na kobol oh hetem amu da dootem, na gamagmag daatem amunu da nahipnu oolpa ena ii dootem. Na nahip dab mak laipuub daalo am ena. ¹⁶ Amge iita, na gamagmag daatem amunu da odelpa na diit miag atipi dookutnu hetem. ¹⁷ Na nai inam maditem. ‘Da amu enul ele amu da keeke kudum ele daatem. Da keeke laanu tutu iita.’ Amge iita, na amu da amelpa dadek danab daateb bia daatem. Danab ag nahipnu oolag dookunu amu eledenab. Na amu dadeknab daatem amu amen gaquak bia amu bam iita bia ele daatem. Na naka amu, na imu ii dootem ¹⁸ amunu da dab mak na medatem. Na gol, ab ewewe enanag opia awak beum amu, na dahilpa daden mena, na enun ele daakut. Amu na lamem hakab laa, na bedun takidkutnu amu, na amu ele dahilpa daden mekut. Dahilpa daden mepe amu danab ag baula na bam iita, udan neebab daape ii anidmana. Amu na marasin na amenpa mekutnu ele dahilpa

daden me! Na anam hena amu na neegna anidkut.

¹⁹ Da bekalad dilagnu ool mauhe amu da ag tutuku daaglagnu ag daulag batete, ahilag kobol ena bekulagnu bapaladtem. Amunu na kobol nahipnu dab mena autna aona, oot edquad! ²⁰ Ante! Da od qeqalele daatem. Aun laa nug doya, od matuleb amu da lag oopa nopi, nug ele e lakunih.

²¹ Danab laa nug ban edidku amu da nug daakunu elele api, nug da ele dahil dayak balalpa, anuka da ban editi, gemu Mame ele nuhig dayak balalpa daatep amubia daagnih. ²² Danab nug daug ele dayeb amu nug nai Kayak Oudi Nug kristen tamaniak oh oopa nai mehuqte imu doyadi!” awa aum.

DAYAKNU BALAL OKAI HAB ATANNU

4 Keeke amu oh dimpa da neeke, hab abpa od matulak dayeye anidmi. Da baag tatam doomi ele amu baula biugal oqoti amubia dooiyi amu aum. “Na inam bepe, da keeke dimpa beku ele amu oh ipunidpi ante!” awa aum. ² Anam aawo amu pahanab Kayak Oudinuga gatag dahilpa am ba he, da dayaknu balal okai hab atan dayom amu da am laa Nug amupa ele dayeye anidmi. ³ Nug bedu am men laa onig Jaspaa, amu men laa onig konilian ele, amubia amahlom. Amahlele amu di apinak laa nug dayak aben amu talilitak men onig emerol bia anidmi. ⁴ Aria dayaknu balal 24 ag dayaknu balal okai, amu talilidna daaegeg, dayaknu balal okai amu, gamagpa dayom. Balal oh ag anam daaegeg amu iki danab 24 amu dayaknu balal 24 amupa daapig. Iki danab amu ag lamem ahilkad hakab ele, ag ikilagpa amu King igipanu bala golpa hak, amubia adalateg no, ag daapig. ⁵ Daaegeg amu dayaknu balal okai, amupanu amemdi dig ma amahala ugeke, hakad ele qeeqee, amahlak eblaih adit ele ag dayak balal

amu noobpa eonna daapig. Amahlak amu ag am Kayak Oudi, kobol ena oh am nuhigpa am bak daate ele amu, Nug ipunigte.

⁶Aria dayaknu balal okai noobpa amu le ameg laa, nuhig antak am letod bia, opia awaknab, men onig kristal bia. Aria dayaknu balal talilitak amu hab daup dilag okai wadele, ag Kayaknu bauklel aoteb ele, ag idulagpa gomelagpa ele amelkad kudum ele, ag daapig. ⁷Hab daup amu ag idulag pide pide. Laa idu am dod laion idu bia, laa idu am makau idu bia, laa idu am danab idu bia, laa idu am ai web nadi, atan hagagadte, nug idu amubia. ⁸Hab daup wadele, ag Kayaknu bauklel aoteb ele amu, ag oh haulkad eblaih laipu ele, ag haulag qadepa, waapa ele amelkad dodo kudum ele. Ag tuqan amun ele Nadi binag menana, inam ateb. “Nadi Kayak Nug Gagatag Oh Ele, Nug opia awaknab, Nug opia awaknab. Anuka dayom, gemu daate, Nug buti adi ele daaku.” Ag haen oh, hik awak iita, anam anana daateb. ⁹Hab daup wadele, ag Kayaknu bauklel aoteb ele amu, ag Kayak, Nug hanhan bau daate, nuhignu oolag gamag ahaate. Ag oolag gamag ahehe, ag Nug oolag meqan binag menana, “Ena heme,” aon ateb. ¹⁰Ag anam heegeg, iki danab 24 amu ag laa, Nug dayaknu balalpa daate, Nug hanhan bau daate ele amu, ag Nug noobpa dup nona, gatelag qaun ona, Nug binag menana, ag ikilagpanu Kingnu bala bia amu maog uka, dayaknu balal okai, amu guguitak waawo, ag ahi inam edateb. ¹¹“O Nadi, ihinig Kayak, Na keeke ohnab heme. Nahip doyakpaib na keeke oh he bepig. Gemu keeke amu oh nahip doyakpaib ele iiku daateb amunu danab ag oh nahipnu oolag gamag ahebeb, binan menana, nahip gagatag waapa daaglagnu amu na elele daatem.” Ag anam anana, ahi etaegeg anidmi.

BUK AMU SIPSIP NAG ELE

5 Laa Nug balal okai pa dayom ele amu Nug epeg nadiappa buk itodiak laa anidmi. Buk amu oopa dimugpa ele oh yak ele. Amu ag upuhpa eblaih adit batak qata qepig. Qata qak oh am gedadla ele. ²Am engel okai laa ele anidmi am nug baag okai pa aum. “Aun nug buk itodiak imu amu, nuhig qata qak eblaih adit imu tolatowa, buk imu uhuqkunu elele?” awa aum. ³Aum amge hab atannu, wanpanu amu wan unuqagnu ele laipu laa nug qata qak eblaih adit amu tola, buk udug yak ele itodiak amu uhuqa oopa yak amu anidkunu laa ii anidpig. ⁴Laipu laa nug buk amu uhuqa oopa yak amu anidkunu laa ii anidpig amunu da huanak gaami. ⁵Anam gaaiyi, iki danab laa nug da amelpa aum. “Na aib gaame! Ante! Danab laa, gagatag nuhig am laion bia, Nug Juda oopa beum, danab amu nug Dawit budubpanu, Nug ban editom amunu Nug buk itodiak upuhpa qata qak eblaih adit ele amu, Nug amu tola uhuqkunu elele,” awa aum.

⁶Anam aum amu da Sipsip Nag laa, Nug dayaknu bala okai amu hab daup wadele, ag Kayaknu bauklel aoteb ele amu, ag noolagpa hibaita dayeye, iki danab ag amu oh taliliadna daeegeg anidmi. Sipsip Nag amu ag qeeg mauha, edua hibaita anidmi. Nug qeqedi eblaih adit ele amu ameg eblaih adit ele. Ameg eblaih adit amuam Kayak Oudi, kobol ena oh am nuhigpa am bak daate ele, amu ipunigte amu Kayak Nug me, wan ohpa ukom. ⁷Aria Sipsip Nag amu Nug uka, Kayak Nug dayak balal okai pa epeg nadiappa buk itodiak yak ele amu ada dayeye, Nug adita awom. ⁸Nug buk itodiak yak ele amu awe, hab daup wadele, ag Kayaknu bauklel aoteb ele amu, aria iki danab 24 ele ag Sipsip Nag noobpa dup nopig. Iki danab oh ag am

musik laa, gita bia, aben aben adalad-nana, ag tapid golpa haṭak, keeke laa kalu mutudig ena ele tapidpa am bak ele, amu eonna, mutudig oegeg adaladna daapig. Keeke amu Kayaknu danab ah wanpa unuqitegeg, Kayak doote amu. ⁹Ag ahi baula inam edapig. “Na nai yak amu aonna, qata qak oh pagukutnu elele. Adinu? Ag heeg, na mauhme amu na danab budub ohpan, nai ohpan, danab diigdiig ohpan amu wan ohpan ele, na tiinpa danab daden mena, Kayak meṭame. ¹⁰Na he, ag king amu mana metak danab ele daateb. Ag Kayak udat hekulagnu amu wan ele gumaglagnu daateb.” Ag anam anana, ahi edapig.

¹¹Aria da baula neeke, daul hume, engel tausen kudumnab amu milion kudumnab ele ag dayak balal okai talil-iadna hipaidna, hab daup wadele, ag Kayaknu bauklel aoteb ele amu, iki danab ag ele oo meṭan talilidna daeeg, baalag doyen anadmi. ¹²Daanna ag ahi inam qalan edapig. “Sipsip Nag, ag anuka qeeg mauhom ele, Nug am onig okai, keeke oh ena, doyak ena, gagatag huana ele aokunu elele. Danab oh Nug onig okai meṭaglagnu, binag mekulagnu, ‘Ena ha mekom,’ ele aon akulagnu elele!” anana edapig.

¹³Ag anam etaeg, da keeke oh Kayak Nug haṭom, amu dilag nai ele doomi. Keeke hab atan daateb, wanpa daateb wan unuqag daateb amu yupa daateb ele, amu oh ag enan inam apig. “Kayak Nug dayak balal okaipa dayeye, Sipsip Nag ele daate amu binalah, onilah, amahalak amu gagatag ele ahilahpa hahan dayad!” aon apig. ¹⁴Aria hab daup wadele, ag Kayaknu bauklel aoteb ele amu, ag am, “Imu am genab,” aegeg, iki danab ag Kayak amu Nug beka Jesus ele binalah mepig.

BUK ITODIAKNU QATA QAK TOLAKNU NAI

6 Keeke amu oh dimpa da Sipsip Nag nug buk itodiak qata qak eblaih adit ele amu, Nug qata qak namba wan amu dig ma tole anidmi. Tole amu da hab daup wadele, ag Kayaknu bauklel aoteb ele amu, ag oolagpanu laipu laa nug hakaḍ oqoti biapa inam a doomi. “Na do!” ²Nug anam a, da neeki uke, hos hakaḍ laa anidmi. Laa nug hos atan dayom ele amu nug lat ele adom. Nug king igipanu bala awom. Nug ban edadkunu elele amunu nug ban kudumnab edadkunu ukom.

³Uke amu Sipsip Nag Nug qata qak namba tu aaku tolom. Tole amu da hab daup wadele, ag Kayaknu bauklel aoteb ele amu, ag oolagpanu laa inam a doomi. “Na do!” ⁴Da dooi amu hos kokoḍ doum. Laa nug hos amu atan dayom. Ag danab hos amupa dayom ele amu, ag nug gagatag, gagatag amupa nug wanpa danab oh dilagpanu maḍoḍ kobol amu edua aweb, ag aka danab ah laa aqapeg mauhkulagnu, gagatag amu medapig. Amunu nug udat amu hekunu qep okai elab medapig.

⁵Meṭaeg amu Sipsip Nag Nug qata qak namba tri amu tolom. Tole amu hab daup wadele, ag Kayaknu bauklel aoteb ele amu, ag oolagpa laa nug inam a doomi. “Na do!” Nug anam a amu da neeki uke, hos hinqak anidmi. Nuhig gumak danab, hos amu atan dayom amu, nug epegpa ug epediaknu keeke ele adom. ⁶Hab daup wadele, ag Kayaknu bauklel aoteb ele amu, ag oolagpa baag laa oqoti inam ba a doomi. “Enug haen gagatag daate amunu na ded laipun udatnu nob amunu na danab wit aeg wa nakok laipu aakuib mete. O iita bali aeg am wa nakok ewam aakuib mete! Amge na goden, grep lepu ele aib

hepe nauhom. Nug tatam dayom anamib dayad!” awa aum.

⁷Anam aawo, aria Sipsip Nag qata qak namba po amu tolom. Tole amu hab daup wadele, ag Kayaknu bauklele aoteb ele amu, ag oolagpa laa nug inam a doomi, “Na do!” ⁸A amu da neeke, hos laa, nuhig beđu antak am lan kuhak bia, amu anidmi. Aniti amu danab hos atan dayom, nug onig Mauhak. Hades nug nug dim lamite dopid. A danab oh ameg wadele batak anam opatya, a ameg laipu qep elabpa, enugpa, ode diigidigpa amu dod dakud odelagpa heped mauhkulagnu gagatag aopid.

⁹Amu Sipsip Nag Nug buk itodiak qata qak namba paip amu tolom. Tole amu qadab waapa danab ah Kayak nainu oolagpa genab doona, nuhig nai ele mehuqpig amunu aqaeg mauhpig ele amu, ag dotolag anadmi. ¹⁰Anatiti, ag baalag okaipa enana apig. “Kayak, na adi hekutnu atem amu na aaku hetem, na am opia awak ele. Kayak, na haen ganab danab wanpa daateb, ag ig na ii uuitut, iqaeg mauhmut ele amu, na haen ganab ag hepig amunu ig tiinignu nob ahilagpa edukut?” aon apig. ¹¹Ag anam aeg amu Nug mauhak dotolag amu oh lamen hakab madata, amelagpa ag nakok laa ele hik aon daapeg, danab nau ag ag aqaeg mauhpig bia, ag mauhak dotolag udat laipu, ag lailkad awalkad ele wanpanu amu, danab nau ag ahilagpa anamib aqapeg mauhpeg, dimpa ahilag eb qak elele dayeb amu Kayak Nug ag oh tilagnu nob edukunu aum.

¹²Kayak Nug anam he amu Sipsip Nag Nug buk itodiakpa qata qak namba siks amu tolom anidmi. Tole, mim okai wanpa ne anidmi. Aam nug pehetak ii amahale, wan gatatu manom. Gatatu mane amu kalam nug kokod, tiig bia, dayom. ¹³Dayeye amu hodopai ag habpanu ad meulkad haenpa lep ii meeg, ulah huanak he, kaolna nena qeteb, amubia wan-

pa nena qepig. ¹⁴Nena qeeg, hab ele hedig itodieg uke, qena meteb amubia itodia ukom. Ugeke, qauko oh amu nud oh ele ag abenlag uuna, kautna laih wapig.

¹⁵Waaegeg, wanpanu king, danab okai okai, ban iki, danab enulag ele, danab gagatag ebehilag ele, begbeg danab amu danab laa oh begbeg iita, ag oh qaukopanu men odepa amu men gidodlagpa gona lokumadpig. ¹⁶Lokumna daanna, ag qauko men ele dilag apig. “Laa nug dayaknu balal okaipa daate ele, Nug amegnu lokukmignana amu Sipsip Nag, Nug danab ah dilag hipuninu opodi bak doote ele amu, ag opodi bak amunu ele lokumignana tonikeg! ¹⁷Adinu? Ded nadi, amuam a danab ah hipunin ahilagnu bu aqaglahnu ded, ded amu aaku beum daate. Aun nug gagatag dayaya, haen nadi amu edidku? Auntai laa iita!” aon apig.

ISRAEL KUDUMNAB, 144,000, KAYAKNU EPONAK KEEKE AOPIG

7 Da keeke amu antoya, da imu ele anidmi. Da engel wadele laa, ag wan daug laih laih wadele amupa hipaidna, ulah wadele amu ipulag abenpana udipeg, yupa ulah daamanu, wanpa ulah daamanu, ad amu keeke laala oh ulah aomnanu ipulag oo nekulagnu daanna, oo nepig. ²Oo neegeg amu engel laa, nug Kayaknu eponak keeke awom ele, nug laih aam bedepanu beebe anidmi. Nug baag okaipa engel wadele, ag wan yu ele hepeg nauhkunu gagatag aopig ele amu, nug ag onilagpa ewa, inam aum. ³“Ag wan, yu, ad amu keeke laa oh paha aib aqapig. Ig Kayaknu udat danab amu ag idulagpa eponak keeke amu meput, ag udat ahilag heig!” awa aum. ⁴Nug anam a amu da Israel oopa, danab ah ag Kayaknu eponak

keeke aopig ele amu, da ahilag eb qak doomi. Amuam kuḍumnab (144,000) doomi. Amu Israel buḍub ab iḱi aben abenpanu laala Kayaknu daupnu eponak keeke aopig. ⁵Juda buḍubpanu amu 12,000, Ruben buḍubpanu 12,000, Gad buḍubpanu 12,000, ⁶Aser buḍubpanu 12,000, Naptali buḍubpanu 12,000, Manase buḍubpanu 12,000, ⁷Simion buḍubpanu 12,000, Lewi buḍubpanu 12,000, Isaka buḍubpanu 12,000, ⁸Seblon buḍubpanu 12,000, Josep buḍubpanu 12,000, Benjamin buḍubpanu ele 12,000.

⁹Imu oh dimpa da baula neeḱe, danab ah kuḍumnab qag mena daaegeg anadmi. Aun laa nug danab ah amu oh eb aqakunu elele? Iiṭa! Elele iṭa! Danab ah amu ag buḍub ohpanu, wan atu ohpanu, beḍulag iḍu iḍunu amu nai ohpanu ele, ag Sipsip Nag amu Kayak, Nug dayaknu balal oḱaipa daṭe ele amu, a noolahpa hipaidna daapig. Ag lamen haḱab mena, ad onig pam amu uḍug epelagpa aḍualadna daapig. ¹⁰Ag baalag oḱaipa ena apig. “Eḍua awiḱaknu diig am ihinig Kayak, Jesus ele. Kayak Nug nuhig dayaknu abenpa daṭe,” aon apig. ¹¹Engel oh anuqak dayak abenpa talilidna daaegeg amu iḱi danab, haḱab daup waḍele, ag Kayaknu bauklel aṭeḱe ele amu, ag oh dayaknu balal oḱai noobpa dup nona, Kayak binag mepig.

¹²Ag binag mena apig. “Genab! Kayaknu hak ena nuhigpa hanhan iṭa ii mema, ig Nug binag amu onig oḱai ele meḱunig. Ig Nug amegpa, ‘Ena heme,’ aḱunig. Nug amu doyak, gagatag amu ebehi ele! Genab!” aon apig. ¹³Aon aeg amu iḱi danab laa oḍ meḱom. “Lamen haḱab mepig imu amu ag am aun aḍi? Ag adepanu uḍipig?” awa oḍ meḱom. ¹⁴Oḍ meḱe, da nuhig oḍ mak nob mein ami. “Naḍi dahil, na dooṭem,” awe ami. Ai amu nug da amelpa aum. “Danab imu ag kekedpa

ug oḱainab maopig, guiṭak ele doopig amge ag Kayak di ii medapig. Ag lamen ahilḱad Sipsip Nag tiigpa ihalateg haḱab ebapig. ¹⁵Amunu ag dayaknu balal oḱai noobpa hipaidna daṭeḱe. Ag Nug laug oopa tuḱan amun ele nuhig uḍat henan daṭeḱe. Laa Nug dayak balal oḱaipa heḍep neum daṭeḱe ele amu, Nug nuhig ehanitak ena, amupa atog noadḱu ¹⁶amunu ag geḱa baula enug ii aqama, le ele baalag ii diima. Aamnu gaḱaḱak ii aqama, gaḱaḱak laala ele ii aomna. ¹⁷Aḍinu? Sipsip Nag, Nug dayak aben oḱai gamagpanab daṭeḱe amu, Nug ahilag gumak danab ena dayaya, geḱa gumatebeb gona, moḍ laapa, le qeḱuḍia bete ele, amupa ag bauklel le aoglag. Amu Kayak nug geḱa amelag leb oh amelagpanu obiku,” awa aum.

SIPSIP NAG QATA QAK NAMBA SEWEN TOLOM

8 Aria sipsip nag buk itoḍiak qata qak namba sewen amu tolom. Tole amu hab aṭannu keeke oh to eṭak, oqoṭi iṭa, nakok haen elab, aua maha, anam dayom. ²Dimpa da engel eblaih aḍit, Kayak noobpa hipaidna daṭeḱe ele amu, ag anadmi. Nug ag biugal eblaih aḍit maṭom.

³Engel laa ele nug kalu muṭuḍig ena elenu gol tapid aḍa doa, qadab noobpa dayom. Dayeye, ag kalu, muṭuḍig ena ele amu, oḱai medapig. Nug kalu muṭuḍig ena ele amu Kayaknu opia awak danab dilag unuqitak ele, keeke aḍit amu oh gol qadab, amu dayaknu balal oḱai noobpa daṭeḱe, qadab amupa keeke aḍit amu mana, Kayak medaḱunu dayom. ⁴Mana medeṭe amu kalu muṭuḍig ena ele amunu kahug, muṭuḍig ele amu, Kayaknu opia awak danab dilag unuqitak ele, engel epegpanu Kayak topa teum. ⁵Te amu engel nug tapid awa, qadabpa ab aḍu ite, am be, buḍie uḱa, wanpa noum. Anam he amu

haƙaḁ qe, oqoṭi diigdiig o, amemdi awewe, wanpa ele mim neum. ⁶Mim ne, engel eblaih aḁit ele amu biugal iwalkulagnu bapaidpig.

⁷Engel namba wan amu nuhig biugal iwale, ais amu ab aḁu tiig ele kaboliak daaiya, wanpa nena qepig. Nena qena heeg, wan maha laipu oh nauhom, ad maha amu oopa oh bunadom, gikidah ele maha amu oopa oh bunadom amge wan maha aḁit laa amu ena daapid.

⁸Ena daaeheh amu engel namba tu nug biugal nuhig iwale amu laa qauko ab aḁu ele bia buḁie uka, yupa noum. No amu yu laih laipu amu tiilag eḁuom, laih aḁit amu ena daapid. ⁹Keeke oh yupa daateb ele amu ameg laipu amu mauhpig, ameg aḁit amu bau daapig. Yupan ub oh amu ameg laipu amu nauhpig, aḁit am ena daapig.

¹⁰Aria engel namba tri nug biugal nuhig iwale amu hoḁopai okaḁi laa, hul didite bia ewawa, habpanu auta na qeum. Le okaḁi okaḁi amu le oḁepanu doṭeb ele, amunu ameg laipupa na qe, aḁit laapa am iita. ¹¹Hoḁopai amu onig Mua. Le ameg laipu oh amu mua ele bepig. Beeg amu danab kuḁum ag le amu laeg, oolag ewe, mauhadpig.

¹²Aria engel namba po nug nuhig biugal iwale amu laa he, aam, kalam, hoḁopai ele amu amahlak ahilag huanak amu iita me, amun tuqan ele nakokib eopig.

¹³Amu da web naḁi laa hab waapa, aben gamagpa hagagada ugeke anidmi. Nug baag okaipa ewa aum. “Gadon, gadon, gadonnab! Engel ewam biugal ii iwarpig, geha iwalkulagnu daateb amunu danab ah wanpa daateb amu ug okainab dooglag!” awa aawo doomi.

ENGEL NAMBA PAIP NUG NUHIG BIUGAL IWALOM

9 Da engel namba paip nug biugal nuhig iwale amu hoḁopai laa

habpanu wanpa na qe anidmi. Aniti amu laa moḁ oḁe umanab, batak iita ele, amunu ki metom. ²Nug moḁ amu matule amu moḁpanu kahug okainab, ab kahug okainab bete, amubia beum. Kahug amu ba, aam ameg hab ele tonate, gatatu manom. ³Gatatu mane amu tap okaḁi, ag ab kahugpanu bena, wanpa nepig. Wanpa neeg amu laa wanpanu apiap dilag gagatag amubia gagatag maṭom. ⁴Gagatag maṭowa, ag ad, gikidah amu wan etetuab laa oh ele ii aqamnanu aum. Nug inam aum. “Ag danab ah oolagpa oina, laa ag idulagpa Kayaknu eponak keeke iita ele amu, aakuib guitaḁ mateg!” ⁵Ag danab ah aib aqapeg mauhpig. Ag kalam tanig ele aakuib guitaḁ mateg!” awa aum. Anam a amu tap ag danab ah guitaḁ naunab, apiap danab emalate guitaḁ dooteb amubia guitaḁ madapig. ⁶Haen amupa danab ag mauhkulagnu ib maṭiglag amge ii mauhmana. Ao, ag mauhkulagnu oolag huanak daaku amge mauhak nug ag uuata, umanab daaku. Ag paha mauhak ii anidmana.

⁷Aria da tap anadmi amu ag hos ban hekulagnu daateb amubia anadmi. Ag ikilagpa amu king igipanu bala golpa hak ele, amubia dayom. Ag idulag amu danab idulag bia. ⁸Ikilag uḁug amu ah ikilag uḁug elab amubia, aelag amu laion aeg bia. ⁹Ag momolagpa amu keeke qahaḁ aenpa hak bia ele, haulag amu karis kuḁum hos eedadna banpa ukaeeg oqoṭi oṭeb, amubia oqoṭi opig. ¹⁰Ag am apiap bia boolag ele, amu apiap bia ele ag boolag nob amu aeg hawaḁ ele dayom, amupa danab ah guitaḁ kalam tanig ele maṭaglagnu elele daapig. ¹¹Ag ahilag king ele, nug haen oh ag gumadte. Nug am moḁ oḁe, batak iita ele, amunu okaḁi. Hibru naipa amu nug onig am Abadon. Grik naipa amu nug onig am Apolian. Amu diig am, ‘keeke oh he nauhaknu danab.’

¹²Gadonnab, ug okainab amu aaku beum amge adit baula ele bekulahnu daatep.

¹³Aria engel namba siks amu nug nuhig biugal iwale amu da qadab, golpa hak, Kayak noobpa daate ele, amu daug wadelepanu baag laa doomi.

¹⁴Baag amu engel namba siks biugal ele amu amepa aum. “Hab daup wadele Yupretis lepa qakalatak daateb amu diin uhuqate!” awa aum. ¹⁵Awa a amu nug engel wadele, ag aua, ded, kalam, mad amupanab danab ah oh ameg ewam oolagpa amu ameg laipu aqaglagnu gagatag aopig ele amu, nug ag uhuqatom.

¹⁶Amu daup wadele amu waalagpa ban danab hospa daapig ele am kudumnab (200 milion). Da ahilag eb qak doomi.

¹⁷Da tuleglegpa hos amu danab hospa daapig amu ele anadmi, ahilag ban bala amu inam. Danab ag momolagpanu qahad am aenib. Qahadnu bala amu kokod, ed hinqak bia amu lanlan ele. Hos ikilkad amu laion iki bia. Amu ab adu, kahug, keeke laa onig salpa ele, ag odelagpnau ewawa ba ukom. ¹⁸Daup amu wanpan danab ah keeke nau ewam, ab, kahug, amu salpa ele, hos odelagpanu udiom ele, amupa ag danab ah ag ameg ewam daaegeg, ameg laipu aqaeg mauhpig. ¹⁹Hos dilag gagatag amu ag odelagpa am boolagpa ele dayom. Ag boolag amu makai bia iki ele, ag danab amupa guitak madateb.

²⁰Danab laa oh, daup amu ag keeke nau amupa ii aqaeg mauhpig ele amu, ag epelagpa keeke laala hadpig amu ag ii uupig. Ag kayak ham bupuak golpa, silwapa, braspa, menpa amu adpa ele hadpig amu, ag binalag mekulagnu ii uupig. Kayak ham bupuak amu ag ii neegteb, ag nai ii dooteb, amu ag ele oiglagnu elele iita. Aria ag oudi nau binalag mak kobol ahilag ele ii uupig. ²¹Danab amu ag danab laala aqaeg mauhegeg, onilag aonna, gapai kobol henana, keeke mauh-

noak yab ele aopig amge ag oolag ii eduom, kobol amu ele di ii medapig.

ENGEL AM BUK ITODIAK NAKOK ELE

10 Keeke amu ba male, nakok dimpa amu da engel laa, nug nuhig gagatag okai ele, nug hab atanu neene anidmi. Nug beđu lombig hautak, di apinak igipa taliliak ele. Nug idu amu aamnu amahlak bia, nug baeg amu lag keeke ewa male, biidod nuka ewawa dayeye anidtem, amubia. ²Nug buk itodiak nakok amu uhuqak ele epegpa dayom. Dayeye amu nug baeg nadiap amu hikada, yu qadepa tapowa, naneh amu wan qadepa tapa, ³nug laionnu gayak bia baag okaipa eum. Nug anam e amu hakađ eblaih adit amu oqoti opig. ⁴Hakađ eblaih adit amu oqoti onana, nai apig amu da yaakulnu hemi amge hab atanu baag laa hakađ eblaih adit oqoti opig amu inam a doomi. “Na hakađ eblaih adit ele oqoti opig amunu amu dab makpaib ade, aib yaame!” awa aum.

⁵Anam aawo amu engel, nuhig gagatag okai ele, nug yu qadepa ele hibaita dayeye anidmi, nug epeg nadiap hab atan humama, ⁶nug laa bauklel hanhan daate ele, Nug hab heum amu habnu keeke oh ele hatom, Nug wan heum amu wanpanu keeke oh ele hatom, Nug yu heum amu yupanu keeke oh hatom nitib ele amu, Nug onigpa nai nuhig gagatag qeta aum. “Haen baula ii tudidma. ⁷Iita, engel namba sewen nug biugal iwaleb amu, Kayaknu nai lokumak niom, Nug nuhig udat danab, propet adi, ag amelagpa aum ele amu, gemu nai amuam meu okunab,” awa aum.

⁸Anam a amu da baag laa tatam doomi ele amu baula hab atanu da amelpa nai matieye doomi. Nug aum. “Na wana, buk itodiak nakok, uhuqom ele amu, na engel nug wan yu ele tapatom daate amu, na nug epegpanu awe!” awa aum. ⁹Awa a amu da wain,

engel nug buk itodiak nakok, uhuqak ele adom amu medakunu amegpa ami. Ai amu nug da amelpa aum. “Aon laa! Na ootpa amu mua ob dookut amge na odenpa amu upuh lepu bia ubuhi ob dookut,” awa aum. ¹⁰Nug anam a amu da buk itodiak uhuqak ele engel epegpanu adite lami. Odelpa amu upuh lepu bia ubuhi oum amge da lain malai amu da batamalpa amu mua oum. ¹¹Mua o amu nug da amelpa aum. “Na baula edun, Kayak nai keeke geha beku amunu danab ah atu oh dilagpa, ag nailag diigdiigpa, king kudum dilagpa ele mehuqe!” awa aum.

KAYAKNU NAI AWA UKA MATIAKNU DANAB ADIT

11 Aria amu dimpa ag melemel maknu hokat, dud qa oiyaknu qaitobtoob bia medapig. Medaeg amu baag laa aum. “Na ahan, Kayak laug amu qadab ele melemel maate! Danab ah apa metid anidteb ele amu, na ag ele eb aqe! ²Na ad, Kayak laug dimitim daate, iita adi ag agupa oiṭeb amu, na amupa aib melemel meme. Adinu? Laa ag anam hekulagnu gagatag maṭom amunu iita adi ag Jerusalem amu kalam 42 ug metaglag. ³Ug medappeg, da api, dahil propet adit, a lamen qati heddiag ele, anuka propet ag anam takadpig bia takaya, ded kudumnab, 1,260, a nai mehuqkulah,” awa aum. ⁴Ad olip adit amu lam adit ele, a wan ohnu Nadi noobpa daatep ele amu, a danab adit imu ipunigtep. ⁵Laala ag a ehed hatkulagnu hepeg amu ab adu odelahpanu doa, ahilah keked ewadku. Ao, genab, danab nug ehed hatkunu heeb amu a ib anampa qeped mauhku. ⁶A nai mehuqyaya, a gu ii nemanu, hab qakaglahnu, le oh edun tiig bia daaglagnu, keeke nau kudum wanpanu danab ah aqaglagnu ele heku-

lahnu dootep. A oolah haen kudumtai oo iita haen laipu laipuib hekulahnu anam dayeb amu a aaku hekulah.

⁷A Kayak nai mehuqya malaped amu dod dakud, nug mod ode, badak iita elepanu bete ele amu, nug beeb, a ele ban hekulag. Ag henana, nug aqateb mauhkulah. ⁸Mauhped amu a gadalah amu ab okainu ib ode okaipa niiku. Ab amu nai tonak laalapa ag Sodom, Igipta ele ateb. Ab amupa ag ahilah Nadi ad emaitakpa atulpig. ⁹Amu ded ewam, maha laa ele amu danab budub ohpanu, wan atu ohpanu, bedulag idu idunu amu nai ohpanu ag gadalah anidna, ag ahilahnu oo aeg baknab doona, ag boomatkulagnu uuglag. ¹⁰Danab wanpa daateb ele amu a mauhpidnu, “Ena,” anana, ag oolag gamag ahebeb, do keeke nug metaglag. Adinu? Propet adit a danab ah wanpa daateb ele amu, ag oolag edukunu guitak huanak bia madapid.

¹¹Aria ded ewam maha laa ele amu uue amu Kayak Nug he, bau edua a bedulahpa no, a eduya hipaidpid. Danab ah ag a anatna, ag huanak badapig. ¹²Mehuqak danab adit amu a hab atanu baag laa nug baag okaipa inam ewa a doopid. “A atan ipa beid!” Ana male amu a lombigpa hab atan tepid. Teeheh, ahilah keked amu ag a teeheh anatpig.

¹³A anam teeheh, haen amupaib mim okai laa ne, ab okai amupa lag obatak ten ten daaegeg, obatak anen anen amu oolagpa lag laipu laipu nauhpig. Amu danab 7,000 mim amupa mauhpig. Laa oh bau daapig ele amu huanak badapig. Badana Kayak binag mepig. ¹⁴Amu engel nug tatam keeke ehednabnu gadon a, ewam batom amu, gadon amu oolagpa gadon adit amu aaku beya malapid. Amge doyeg! Haen nakoknab laa ele amu gadon nam ba tri amu aaku beku.

ENGEL NAMBA SEWEN NUG BIUGAL IWALOM

¹⁵ Aria engel namba sewen nug biugal iwale amu hab atan apa ag baalag okaipa inam apig. “Wan ohpan gumak udat aaku edua, Kayak, Jesus ele epe-lahpa daate. Kayak Nug hanhan udat amu heku.” aon apig. ¹⁶ Anam aeg amu iki danab 24 ag dayaknu balal okai talilidna, balal ahilkadpa daateb ele amu, ag dup nona, Kayak binag mepig. ¹⁷ Binag menana apig. “O Nadi, na Kayak gagatag, ebehin oh ele. Na gemu daatem, anuka daadme. Na aaku gagatag okai nahip oh edun aon, King daatem. Amunu amu ig na binan metem. ¹⁸ Iita adi ag nahipnu opodilag beum. Adinu? Na danab ah hipunin heteb ele amu, na ag amunu bu aqakutnu haen aaku beum amu na gemu mauhak adi epediadkutnu haen ele aaku beum. Gemu am ele nahip udat danab nob ena madakutnu haen. Amu propet, nahipad danab ah amu danab oh ag nahipnu enanag doon, oolag otaita ele amu, na ag ele nob ena madakutnu haen. Na danab amu ag onilag ele, onilag iita ele, amu ag oh nob ena madakut. Aria gemu ele amu na danab ag wanpa tape nak hena, wan heeg nauhte ele amu, na hepe, ag nauhkulagnu haen,” aon apig.

¹⁹ Ag anam anana, binag mepig. Binag meeg amu Kayak laug, hab atan daate ele amu, nug od matule, tituanak nainu kunup amu miag atiom. Miag atie amu amemdi awewe, oqoti oowo, hakad qeeqe, wanpa mim neene, ais gu ele neum.

AH LAA MAKAI ELE

12 Eponak keeke okai laa hab atan beum amu inam. Ah laa aamnu amahlak, lamem hakab bia laaya dayeye, kalam nug baeg waapa dayom. Nug igipa amu king igipanu keeke amunu

hodopai 12 ele meum. ² Nug oo ele daya, nid aokunu heeche, bedu guite, huanak aiqakom. ³ Aiqageke amu eponak keeke laa hab atan beum amu inam. Mat nadi kokod, nug iki eblaih adit ele, qeqedi amu eblaih laih ele. Nug ikiudpa king igipanu bala, onig kraun, amu eblaih adit ele dayom. ⁴ Nug boobpa hodopai habpanu ameg laipu amu oh tatate, wanpa nena qeegeg, ameg aditnu amu daapig. Daaegeg amu mat amu nug ah nid aokunu heum ele amu, noobpa hibaita, ah nid aweb lakunu meita dayom. ⁵ Dayeye amu ah amu nug nid danab menuom. Nug hokat aenpa hak ele, Nug hokat amupa danab ah atog noadku amu, Nug atu atu oh ikilag daakunu menuom. Menue amu laa pahanab awa Kayak topa nuhig dayak balalpa meum. ⁶ Meum amu ah nug oola, atu danab ii daatebpa, Kayak Nug nuhignu babaitom, amupa ag ded 1,260, atog nonana, e medapeg lanana daakunu ukom.

⁷ Uke amu ban okai hab atan neum. Engel okai, onig Maikel, nug nuhikud engel ele, ag mat nadi, nuhikud daup ele nug qepig. ⁸ Nug qenana, mat amu nuhikud daup ele ag ban edidkulagnu gagatag iita amunu ag hab atan daaglagnu elele iita. ⁹ Amunu Kayaknu engel ag nug maoeg wanpa noum. Mat okai amu nug anukanu, nug onig laa am Satan, onig laa am Dewil. Nug wanpanu danab ah oh ham bupualadte ele. Ag nug maoeg wanpa noum, nuhikud daup oh ele budiateg, wanpa nopig. ¹⁰ Budiateg noeg amu da hab atan apa baag oqoti okai laa inam aawo doomi. “Gemu ihinig Kayak Nug edua awikom. Nug king daakunu gagatag ele amu, Nug ig ipunikom. Nug Beka Kristus, Nug iki daakunu ele aaku ipunikom. Adinu? Danab nug ig lainkad amun tuqan ele Kayak noobpa hetodiakpa maadtom ele amu hab daup ag aaku nug maoeg wan-

pa noum. ¹¹Ig lainkad ag Sipsip Nag tiigpa amu nai genab mehuqtebpa ele gagatag aon, ban edidna, keked lamadpīg. Ag wanpa enaib daaglagnu amu ii dab mepīg. Iiṭa, ag bedulag maogē uke, udat hekulagnu aakuib dab mepīg. ¹²Amunu hab amu hab aṭan daateb ele, ag oolag gamag ahad! Amge wan amu yu ele a dab meid! Ahilagpa ug okai aaku bekunu hete. Adinu? Mat okai onig Satan, nug aaku ahilagpa noum. Nug opodi bak huana ele. Adinu? Nug doote, nuhig haen tutu.” awa aum.

¹³Bag anam awa a, mat okai, ag nug maogē wanpa neum, nug amu doya, nug ah nid danab awom ele amu lamiṭom. ¹⁴Amge Kayak Nug ai web haug adit ele ah amu nug hagagada, mat nadi uuiṭa, umanab aben danab ii daatebpa, laa nug ah amunu babaiṭom daate ele amu, apa ukeb, mad ewam kalam siks ele e metaglagnu gokunu metom. ¹⁵Meṭe, mat amu nug odepanu le okai keleb, ui bia ugaka, ah amu aokunu heum ¹⁶amge wan nug ah ehanita, nug ode aahe, le mat odepanu amu wan oopa ukom. ¹⁷⁻¹⁸Anam daye amu mat okai nug opodi huana be, danab ah ag Kayaknu do dim lamidnana, nuhignu nai mehuqnana, Jesus dim lamidteb ele amu, nug ag ele ban hekulagnu ukom. Mat amu nug uka yu ihipa dayom.

DOD DAKUD ADIT

13 Dayeye amu da dod dakud laa qeqedi eblaih laih ele, iki eblaih adit ele, nug qeqediudpa King igipanu bala amunu eblaih laih ele. Nug ikiudpa amu onilag laala yak ele. Onilag amuam Kayaknu wan yak nai laala yaalatak ele. ²Dod dakud anidmi ele amuam dod laa onig leped bia, nug baeg amu be baeg bia, nug ode amu laion ode bia. Mat okai amu nug nuhig gagatag dod dakud amu metom. Nuhig balal, nug nug bia King daakunu, gagatag okai ele daakunu

onig metom. ³Dod dakud amu nug iki laipupa amu mauhaknu ihi ele amge iki amupanu ihi amu qada eta, ena dayom. Ena daye, wanpanu danab oh anidna, otaina, dim lamidpīg. ⁴Mat amu nug dod dakud ehanitom amunu danab ag mat okai amu binag menana, dod dakud amu ele binag menana, inam aka aka nug od medapig. “Aun nug dod dakud imubia? Aun nug nug ele ban hekulahnu elele?” aon apig.

⁵Kayak Nug dod dakudnu, “Nug ehed hekunu oo dayeb amu uuput had!” aum amunu dod dakud nug mutub qaaqa, Kayak amu nuhig keeke oh ele dabata, awa awa aqatom. Nug keeke amu hekunu, laa nug gagatag kalam 42 batak aakuib daakunu metom. ⁶Nug ode aaha, Kayak dabita, awa awa qeta, Kayak onignu dabita, awa awa qeta, Kayak apagnu ele dabita, awa awa qeta, amu nug Kayaknu daup, hab aṭan daateb ele amu, nug amu dilag ele dabata, awa awa aqatom. ⁷Nug anam heeche, Kayak Nug nuhignu, “Nug ehed hekunu oo dayeb amu uuput had!” awa aum amunu nug ban dig me, Kayaknu danab ah amu ele ban hena, nug ag edata, tabate nopig. Noeg, nug danab ah amu ag budub ohpanu, wan atu ohpanu, bedulag idu idunu amu nai ohpanu ele dilag King daakunu gagatag awom. ⁸Danab ag wanpa daateb ele amu, ag oh nug noobpa dup nona, binag menana, unuqidkulag. Yo danab ah oh amu ag onilag Sipsip Nag mauhom ele amu nuhig buk laa, onig bauklel awa onig yaknu buk, buk amupa ii yak amu ag oh dod dakud amu binag mekulag. Sipsip Nag mauhom ele amu, Kayak Nug anukanab, wan ii dayak haenpa, Nug anam mauhkunu dab meum. ⁹Danab nug daug ele dayeb amu nug nai imu atog noa doya! ¹⁰Am aun nug mani guitakpa gokunu dayeb amu apa goku. Laa nug qeppa mauhkunu

dayeb amu nug qeppa mauhku. Kobol amuam Kayaknu danab ah ag gagatag daaglagnu, ag ahilag oopa genab doyak gagatag adaglagnu ele ipunigte.

¹¹ Aria da baula dod dakud laa wan oopanu beebe anidmi. Nug am qeqedī adit ele, qeqedī amuam sipsip nag qeqedī bia, amge nug mat bia nai mañiom.

¹² Dod dakud wanpanu beum ele amu, nug dod dakud tatamnu amu nuhig gatag oh awom. Awa, nug dod dakud tatamnu amu nug abenab awa, nuhig gagatagpa udat heum. Nug he, wanpan danab ah oh ele ag dod dakud tatamnu, nug anuka igipa mauhkunu ihi beum amge qada etom ele amu, nug binag mepig. ¹³ Dod dakud gehanu amu nug eponak keeke, danab hekunu elele iita, okai okai heum. Udat laa amu inam. Nug danab ah noolagpa he, ab adu hab atannu wanpa neum. ¹⁴ Kayak nug dod dakud geha ahom ele amu, nuhignu, “Nug ehed hekunu oo dayeb amu uuput had!” aum amunu nug udat diigdiig amu, amupa dod dakud tatamnu amu ehanita heum. Kobol amupa wanpanu danab ah ham bupualatom. Nug danab amelagpa inam aum. “Ag dod dakud anuka qeppa yak amge ii mauhom amu nug dotog hoina, binag meig!” awa aum. ¹⁵ Nug anam a, Kayak Nug dod dakud geha ahom, nuhignu, “Nug ehed hekunu oo dayeb amu uuput had!” aum amunu nug dod dakud dotog amu oudi metom. Mete amu dotog amu nai madikunu amu laa nug dod dakud dotog nug binag ii meeb amu nug danab amu qeeb mauhkunu elele dayom. ¹⁶ Aria dod dakud gehanu amu nug a, ag eponak keeke laa danab ah oh, danab hamu amu danab onilag ele, danab enulag ele, danab dadek ele, danab hamu daateb amu begbeg danab ele, ag danab ah amu oh epelag nadiappa o idulagpa mepig. ¹⁷ Anam dayom amu aun laa nug eponak keeke dod dakud onig o nug onignu

leta eb qak amu nuhigpa ii dayom amu danab amu nug danab dilagpa keeke ii daden meum. Ag ele nuhigpa keeke ii daden mepig. ¹⁸ Keeke imu am dab mak tutuku aognignu ate. Aun laa nug dab mak ena ele amu nug dod dakudnu eb qak eb qeku. Amuam danabnu eb qak, eb qak amuam 666.

144,000 DANAB AHI EDAPIG

14 Amu da edue neeke amu Sipsip Nag Sion qaukopa dayeye, danab ah 144,000 Nug ele hipaidna daapig. Ag Nug onig amu Nug Mameg onig ele ag idulagpa yak. ² Ag daaegeg, da hab atannu baag oqoti enanag laa, le okai bududupa noawa oqoti ote amubia amu hakaq okai qa, adede ugaka oqoti ote amubia ele doomi. Da oqoti amuam musik bia doomi, amu danab gita qeeg, baag oqoti enanag dootem, amubia doomi. ³ Ag dayaknu balal okai noobpa hab daup wadele, ag Kayaknu bauklel aoteb ele amu, ag noolagpa amu iki danab noolagpa ele ahi baula edapig. Laa oh ag ahi amu eb qena etaglagnu ii doopig, danab 144,000 Kayak Nug ag wanpanu danab ah oolagpanu edua diiom ele ag aakuib dooteb. ⁴ Danab amu ag gapai kobolpa bedulag dubutid ii medapig, ag opia awaknab. Ag Sipsip Nag aben ohpa gokunu ate amu ag Nug dim lamidna oiteb. Amu Kayak Nug danab amu wanpanu danab ah oh oolagpanu aona, Nug ag amu Sipsip Nag nuhignu ele, ag anuqak daaglagnu maatom. ⁵ Ag odelagpa nai ham bupuak laa ii madipig, ag bedulagpa ehed hak laa ele iita.

ENGEL EWAM NAI MADIPIG

⁶ Aria da engel laa nug hagagada, Nug Nai Ena bauklel hanhannu ele, danab ag budub ohpanu, wan atu ohpanu, bedulag idu idunu amu nai ohpanu ele, ag amelagpa mehuqkunu hab waapa

aben gamag amupa ugeke anidmi. ⁷Nug baag okaipa aum. “Ag Kayaknu enanag doona, oolag ele otaieb, Nug binag meig! Adinu? Nuhig hetodiakpa danab ah epediadkunu haen aaku neum. Ag laa Nug hab, wan, yu, le, amu le qepudiatatak ele he bepig amu, ag Nug noobpa gatelag qaun oig!” awa aum. ⁸Anam a amu engel namba 2 nug dim lamita ba aum. “Ab okai Babilon aaku na qeum. Nug he, atu atu danab ag gapai kobol gagatag dim lamidpig. Kobol amuam ab okai amu nug grep lepu gagatag danab ah mate, ag laeg kaaka aqom bia,” awa aum.

⁹Anam a amu engel laa engel adit amu dimlamata beum. Engel namba tri amu nug baag okaipa inam aum. “Aun laa nug dod dakud amu nuhig itotog ele noolahpa gateg qaun waawa, nug idupa o epegpa nuhig eponak keeke aote ¹⁰amu nug Kayaknu grep lepu laku. Grep lepu amuam opodi bak, Kayak Nug hipuninnu doote. Kayak Nug grep lepu amu le ele ii kaboliom. Iita! Nug opodi bak amu hai gokodpa qe noa daate amu danab amu laku. Lawowa, engel opia awak noolagpa amu Sipsip Nag noobpa ele nug guitak okainab, ab gakaqak salpa ele, amupa guitak aoku. ¹¹Ab ag guitak madate ele amu, nuhig kahug amu haen oh tete. Danab ag dod dakud amu nuhig itotog ele noolahpa gatelag qaun onana, idulagpa o epelagpa nuhig eponak keeke aopig ele amu, ag tuqan amun ele hik laa ii aomna,” awa aum. ¹²Keeke amu bekunu daate amunu Kayaknu danab ah ag Kayaknu do dim lamidteb ele, ag Jesusnu oopa genab doyak gagatag adateb ele amu, ag gagatag daaglagnu ipuanadte.

¹³Aria da baag laa hab atannu doomi amu nug inam aum. “Na nai inam ye! Danab aun adi ag Nadi onignu oolagpa genab doopig amunu laa heeg, ag mauhtebe ele amu, Kayak Nug ag ititak

madate, hanhan ele madaku,” awa aum. Aria Kayak Oudi Nug ele ate. “Ag ahilaglag udatnu hik aoglag. Adinu? Ag ahilag hak ena hepig ele amu, ag amu ele aon gokulag,” awa ate.

E MEU AWAK HAEN

¹⁴Aria da edue neeke amu lombig hakab laa anidmi. Laa nug danab bekalag bia, King igipanu bala golpa hak amubia Nug igipa dayeye, qep aeg ele laa nug epegpa adom. Nug lombig amupa dayeye anidmi. ¹⁵Aniti amu engel laa nug mana metak lag oopanu dimitim doum. Amu nug danab lombig hakabpa dayom ele amegpa aum. “Wanpanu meu oh aaku odun malapig amunu wanpanu meu awaknu haen miag doum. Doum amunu na qep nahip aona, meu amu awe!” awa aum. ¹⁶Anam a amu laa nug lombig hakabpa dayom ele amu, Nug qep nuhig awa wanpanu meu odupig ele amu oh okulata diiom.

¹⁷Okulata diie amu engel laa nug mana metak lag, hab atan daate ele, amupanu nug ele nuhig qep aegrab ele ada, dimitim doum. ¹⁸Adede amu engel laa ele nug qadabpanu aha doum. Engel amuam qadabnu ab adu gumaknu gagatag ele. Nug engel qep aegrab adom ele amu, amegpa ewa aum. “Na qep aegrab ele nahip amu aona, wanpanu mu di grep meu oh okuladna, qag mepe dayad! Adinu? Meu oh odun malapig!” awa aum. ¹⁹Nug anam a amu engel amu nug qep nuhig aegrab ele amu awa, wanpanu mu di grep meu ohnab okulatom. Okulata, grep meu qag ma, grep meu oh men grep lepu titiaknu keeke bapaidpigpa ake nopig. Keeke imu am hipuninnu nob nau, Kayak epegpanu udite ipunigte. ²⁰Amu ag grep meu, men wain titiaknu ab okainu ad dimitim apa bapaidpigpa titipig. Titieg, tiig noa am ba, leta dimitim ba, 200 mael anam

uƙom. Unuqag nuhig am hapahap ewam bia.

**ENGEL EBLAIH ADIT KEEKE
EBLAIH ADIT ADALADPIG**

15 Amu dimpa da eponak keeke oƙai laa hab aƙan be anidmi. Da engel eblaih aƙit ag keeke naunab, amupa ag danab ehednab hadƙulag ele amu, da ag anadmi. Amupa opoƙi bak, Kayak Nug danab dilag hipuninnu doote amu, opoƙi bak amu nug gogpa teƙe. ²Am da le ameg bia, nug am leƙoƊ ab aƙu ele kaboliak bia, anidmi. Amu danab ag doƙ daƙuƊ amu nug itotog ele binalah ii menan, nug onignu letanu eb ƙak ele amunu eponak keeke ii aopig ele amu, ag le ameg amu daugpa hipaidpig. Ag epelagpa keeke gita bia, Kayak ag maƙom ele amu, amu ele aƙapig. ³Ag anam daanna, ag Moses, Kayaknu uƙat danab, nuhig ahi amu Sip-sip, nuhig ahi ele eƙanna inam apig. “Nahip hak amu oƙainab, kobolnab ele. Naƙi Kayak, na ebehinnab ele! Nahip ib am ib tutuƙu, genab ele. Na wan oh dilag King hanhannu. ⁴O Naƙi, na aƙuub opia awaknab daaƙem amunu aun laa nahipnu enanag ii doyaya, oo ele ii oƙaieb, na binan ii meƙu? Atu atu danab oh uƙin, na noompaib gatelag qaun ona, binan meƙulag. Nahip kobol tutuƙu amu miag atia beum amunu ag heƙulag,” aon apig.

⁵Amu dimpa da neeke amu hab aƙannu mana meƙak lag oopa, aben gunnab daaƙe, Kayak aben amupa daaƙe ele amu, da oo amu matulak dayeye anidmi. ⁶Matulak dayeye amu engel eblaih aƙit ele ag lamen haƙabnab, opia awaknab, onig linen, amu taƙona amu ag momolagpa maƙagid gol taliliak ele taƙan, Kayak topanu dimitim dopig. Ag keeke nau danab heeb nauhƙulagnu aƙapig. ⁷Doeg amu hab daup waƙele, ag Ƙayaknu bauƙlel aƙeƙe ele amu, ag

oolagpanu laipu laa nug tapid golpa hak ele eblaih aƙit ele engel eblaih aƙit ele amu maƙom. Tapid amupa hipuninnu nob nau, Kayak epegpanu uƙite, amu dayom. Kayak, Nug haen oh daaƙe. ⁸Maƙe, Kayak binag amu Nug ebehi ele a heeh, ab kah mana meƙak laƙa am beum. Am laipu laa nug lag oopa noƙunu elele iita. Ag engel eblaih aƙit amu amelag mebepeg, ag keeke nau eblaih aƙit ele amu hena malapeg noƙulag.

TAPID EBLAIH ADIT

16 Anam dayeye, da baag laa mana meƙak lag oopanu engel eblaih aƙit amelagpa aawo doomi. Nug inam aum. “Ag tapid eblaih aƙit ele, opoƙi bak, Kayak Nug danab dilag hipuninnu doote, nug tapid amupa daaƙe amu, ag tapid amu aon gona, wanpa gokaƙeg!” awa aum.

²Anam a amu engel namba wan amu nug wana, opoƙi bak, Kayak Nug danab dilag hipuninnu doote amu, opoƙi bak amu tapid nuhigpanu gokaƙe, wanpan danab ag doƙ daƙuƙnu eponak keeke aona, ag nug itotog noobpa gatelag qaun ona, binag meƙeƙe ele, amu dilagpa noum. No, ihilag naunab maƙe, ehed guatom.

³Engel namba wan dim lamitaƙ, namba tu nug wana, opoƙi bak, Kayak Nug danab dilag hipuninnu doote amu, opoƙi bak amu tapid nuhigpanu amu gokaƙe, yupa no amu yu eƙua danab mauhak tiig bia daye, yupanu keeke bau amu ohnab mauhadpig.

⁴Mauheg amu engel namba tri nug wana, opoƙi bak, Kayak Nug danab dilag hipuninnu doote amu, opoƙi bak amu tapid nuhigpanu, lepa, le qepudia bak ele, amupa gokaƙe no, le tiig eƙuom. ⁵Tiig eƙue amu da lepan gumak engel laa nug inam Kayak amegpa aawo doomi. “Kayak na gemu daaƙem, anuƙa daame. Na opia awaknab. Na

haen imupa amu na danab nau hepig ele, na ag epediadna, tutuku hena, nob imu madatem. ⁶ Danab imu ag nahipad danab ah tutuku amu propet nahip ele ag tiilag adapig amunu na tiig lakulagnu matame, amupa na eledenab heme.” awa aum. ⁷ Anam a amu da qadab amupanu baag laa ewo doomi. Nug ewa aum. “Ao genab, Nadi Kayak na ebehin oh ele, nahip epedia nob matak am genab, tutuku ele,” awa aum.

⁸ Aria engel namba po nug wana, opodi bak, Kayak Nug danab dilag hipuninnu doote amu, opodi bak amu tapid nuhigpanu gokade, Kayak nug anam hekunu elele a, aam gakadak, ab adu bia, danab ewatom. ⁹ Danab ag gakadak huanaknab amu ewata auta awe, ag Kayak onig dapidna, aon aon qeteg, ag oolag ii eduom, Kayak binag ele ii mepig.

¹⁰ Anam daaegeg amu engel namba paip nug opodi bak, Kayak Nug danab dilag hipuninnu doote amu, opodi bak amu tapid nuhigpanu dod dakudnu dayaknu balalpa gokade, gatatu laa dod dakud amu danab ah ag nug waapa daateb ele amu, ag oh tonatom. Tonate amu danab ag guitak huanak doona, lemadulag emalna daapig. ¹¹ Ag guitak doona, ihilag ele aopig amge ag ahilag hak nau, amunu oolag laa ii eduom. Iita, ag tudidna hab atannu Kayak dapidna, aon aon qedapig.

¹² Ag oolag ii edue amu engel namba siks nug opodi bak, Kayak Nug danab dilag hipuninnu doote amu, opodi bak amu tapid nuhigpanu amu Yupretis lepa, le amu qada eteb, aam bedepan king, amu dilag ib, ag gona ban hekulagnu bapaidkunu gokadom. ¹³ Nug anam he amu da oudi nau ewam, ag oh og bia, dubutilkad ahak ele, laipu mat nadi odepanu, laa dod dakud odepanu, laa propet ham bupuak odepanu, anam doegeg anadmi. ¹⁴ Oudi nau amu ag

eponak keeke, danab hekunu elele iita heteb. Ag wanpan danab ah oh dilag king diigdiig, ag Kayak, Nug gagatag oh ele amu, nuhig ded nadipa ag Nug ele ban hekulagnu qag madkulagnu gopig.

¹⁵⁻¹⁶ Ag gona, aben laa, Hibru naipa ag aben amunu Amagedon ateb, ag amupa king qag maadpig. Kayak Nug nuhig ded nadinu inam ate. “Anteg! Da yabhok danab bia uditem amunu aun nug bedu miag anidpeg, uda nemanu madad maama, nuhig lamen atog noawa daate amu, nug haen laa ban neeb, bedu miag ii daama. Iita, nug ena daaku amunu nuhignu am ena,” awa ate.

¹⁷ Aria engel namba sewen amu nug opodi bak, Kayak Nug danab dilag hipuninnu doote amu, opodi bak amu tapid nuhigpanu gokade, ulahpa uke amu baag okainab laa Kayak dayaknu aben, aben amu mana metak lag oopa dayom ele amu, aben amupanu huanaknab e, ewak baag dimitim doum. Nug aum. “Iiku malom!” ¹⁸ Anam a amu amemdi okai oqoti ele awewe, haked ele qeum, mim okai ele neum. Dig makpa udie udie danab ah ag wanpa daaegeg, mim okai laa amu bia neene ii anidpig. Iita! Neum imu am laa oh edatak.

¹⁹ Mim ne amu ab okai amu nug obate, maha ewam batete, aria atu atu dilag ab okai okai ag nena qepig. Haen amupa ele amu Babilon okai, nug Kayak daugpa do, Nug hipuninnu bu aqak, Kayak epegpanu udite, hai gokodpa grep lepu mua ele bia mete, Babilon laum. ²⁰ Nud oh ele iita mepig, wan bedupa qauko ele baula ii dayom. ²¹ Amu ais, ahilag ug anen anen amu 50 kilogram anam, habpanu nena, danab oh qadelagpa qeeg, danab ag nauhna autna aopig amunu ag Kayak dapidna, aon aon qedapig.

GAPAI AH OKAI

17 Amu dimpa engel eblaih adit ag tapid eblaih adit ele, amunu

oolagpa laipu laa nug doa, da amelpa inam aum. “Na inam dope, da gapai ah okai nug le kudum qadelagpa daate ele, nuhig nob mak ipunidkul. ²Nug wannu king ele gapai kobolpa oipig. Wanpanu ag nuhig gapai kobolpa danab le gagatag lawona, kaaka aqate amubia kaaka aqom.” awa aum. ³Awa a amu Kayak Oudinu gagatag dahilpa am ba he, nug omaida, atu tadakpa aben danab ii daatebpa uke amu da ah laa nug dod laa bedu nakok hinqak kokod ele bia qadepa dayeye anidmi. Dod amupa amu nai nau kudum bedupa yak ele, nug iki eblaih adit, nug qeqedi eblaih laih ele. ⁴Ah amu nug lamen kokod diig adit, golpa bala diigdiig ele amu bala laa menpa hepig amu oogog ele, nuhig nob okai ele, ele meum. Nug epegpa hai gokod golpa hak ele adom amu kobol nau, bedak, udig ahak, amuam ah amu nug nuhig gapai kobol, keeke amu oh Kayak amegpa hai gokodpa am bak dayom. ⁵Nug idupa onig laa nai tonakpa yaapig. Onig amuam inam. “Ab okai Babilon, nug gapai ah, nug ah oh gapai heteb ele amu wanpanu keeke naunab amu oh ele anilag.” ⁶Da ah amu nug opia awak danab amu Jesusnu propet ele ag tiilag, le gagatag lateb bia laa, kaaka qe haaha dayom. Da antena, da otaie, dab mak kudum aomi.

⁷Dabmak kudum anam aoiyi amu engel laa nug da amelpa aum. “Na adinu dab mak kudum aotem? Da geha gapai ah, nuhignu nai tonak amu dod dakud iki eblaih adit, qeqedi eblaih laih ele, nug ah amu maote, amunu ele diig mehuqpi dookut. ⁸Na dod dakud anidme ele, nug tatam dayom am gemu nug ii daate amge dimpa nug wan mod, ode batak iita elepanu beku. Ba amu nug geha iita meku. Wanpanu danab ah laala ag buk laa, onig bauklel awa onig yaknu buk, Kayak nug wan heum, haen amupa onilag buk amupa ii yak ele, ag

dod dakudnu dab mak kudum aoglag. Adinu? Anuka nug dayom, gemu ii daate dimpa nug modpanu beku.

⁹Imu amu danab nug dab mak ena ele amu nug dookunu ipunigte. Iki eblaih adit amu qauko eblaih adit ipunigte. Gapai ah nug amupa daate. King eblaih adit ele daateb. ¹⁰Tanig ele amu ag aaku bena, nena qepig. Laipu laa amu daate, laipu amu nug ii beum. Nug ba amu nug haen tutuibi daaku. ¹¹Aria dod dakud nug tatam dayom ele, gemu nug ii daate amuam king eblaih ewam. Nug king eblaih adit abenlag awa amu nug geha iita ma auta aoku.

¹²Amu na qeqedi eblaih laih ele anidme amu, ag king ii bepig amge ag dod dakud ele gagatag aona, aua laipu anam bena, king daaglag. ¹³Ag ahilag dab mak laipu amu ag onilag okai, ag gagatag ele keeke amu oh dod dakud metaglag. ¹⁴Medapeg, ag Sipsip Nag ele nug qena, Sipsip Nag Nug ag oh edadku. Adinu? Nug am okai dilag Okai, king dilag King. Amu laala ag Nug ele daateb, Nug baagib dim lamidteb, Nug ag nuhig daaglagnu tituanatom, ag nuhig nai tutuku dim lamidteb ele, danab amu ag oh Sipsip Nag ele ban edidikulag.” awa aum.

¹⁵Anana amu engel amu nug baula da amelpa aum. “Na le kudum, gapai ah nug amu qadelagpa dayeye anidme ele amu, le amu nug danab bedulag idu idu, danab ameg okai qag mena daateb, danab ah wan atu ohpanu amu nailag aben aben ele ipunigte. ¹⁶Am na qeqedi eblaih laih ele anidme amu, ag oh amu dod dakud ele ag gapai ahnu oolagpa nau, ninig ele dooglag. Ag anam doonna, ag nug hepeg nauhku. Lamenuhig oh udidpeg, nug bedu miag daaku. Ag nug tepu lakulag. Nug ebehi amu ag ab adupa maipeg eoku. ¹⁷Ag oolag laipu mena, gagatag, ag amupa king daateb ele amu, ag oh gagatag amu dod dakud metaglag. Ib amupa ag Kayak nug dab

mak amu oolagpa meum amunu ag Nug keeke anam beḵunu aum amu genab hepeg meu beḵu. Ag anam hepeg uḵeb, Kayak nai aum amu oh meu medaḵu. ¹⁸Aria na ah anidme ele, nug am ab oḵai, nug wanpanu king oh iḵilag daate,” awa aum.

BABILON NAUHOM

18 Keeke amu oh dimpa engel laa nug hab aṭannu neene anidmi. Nug gagaṭag oḵainab ele, nuhig bala amu he, wan oh amahlom. ²Nug na, baag oḵaipanab ewa aum. “Ab oḵai Babilon aaḵu nauhom! Aaḵu na qeum! Nug aaḵu ouḵi nau daaglagnu abenlag daate. Oudi nau, ai opia awak iita amu ai laala naunab abenlag ele. ³Aḵinu? Danab ah kuḵum wan atu ohpanu nug ele gapai kobol, danab le gagaṭag laeg kaaka aqate, amubia hepig. Amu king atu atunu amu ele nug ele gapai kobol hepig. Danab ah wanpanu men doḵo uḵat heteḵ ele, amu ele ag nuhig kobol ehedpa enulag ele daapig,” awa aum.

⁴Amu da baula baag laa hab aṭannu be doomi amu nug inam aum. “Dahilad danab ah ag nug oopan uḵin, dimitim ipa doig! Iita dayeb, ag nug ou qepeg, ag nug ele nuhig hipuninpa daaglag, nuhig hipunin nob amu ele ag nug ele aoglag. ⁵Aḵinu? Nuhig hipunin, ameg naḵi qauko bia, hab aṭan daaegeg, kobol nuhig tutuḵu iita amu Kayak daugpa doum. ⁶Ag nuhig kobol nau amunu dab mena, nob elelenab eḵun meteg! Nug kobol nuhig nau qag me, kuḵumnab beum, amubia ag tuḵidna, ag nuhig nob nau qag mena kuḵumnab meteg! Nug le gagaṭag hai gokoḵpa kaboliom bia ag ele le gagaṭagnab tuḵidna, hai gokoḵ amupa kabolina, kuḵum meteg! ⁷Nug nuḵa enaen ma, binag humama, keeke ena enaib aokunu wagai ma, kobol kuḵum heum. Amunu ag nug guitaḵ melemele amupaib meteg! Nuhig gayak

ele melemele amupa mena hepeg, nug gayad! Aḵinu? Nug, ‘Da kuin, da ah qab iita amunu gayak baag laa dahilpa ii bema,’ aṭe. ⁸Anam aṭe amunu keeke nau diigdiig oh deḵ laipupa nuhigpa beḵu. Oḵe kuḵum beḵu, danab kuḵum ehednab gaaglag. Enug haen naḵi ele beeb, ab oḵai Babilon ele ab eweb iita meḵu. Aḵinu? Naḵi Kayak, Nug gagaṭag oḵai ele, Nug epeḵidte.

⁹Wanpanu king ag ah amu ele gapai kobol henana, kobol nau kuḵum ele hepig amunu geha wanpanu king ag nug ab aḵupa eweb, nuhig ab kahug anidna, ag momolag qeuntana, beḵulag paḵunna gaaglag. ¹⁰Ag piḵe daanna, nuhig guitaḵ amunu baḵana aḵulag. “O gadonnab Babilon! Na ab oḵai, na gagaṭag oḵai ele amge aam ameg laipupaib nahip hipuninnu nob nau aaḵu neum,” aon aḵulag.

¹¹Danab ag enulag uḵat heteḵ ele amu, ag ele nuhignu dab mak aonna, oolag ug ele dayeb gaaglag. Aḵinu? Ab amupan danab ag ahilag keeke ele baula daden ii memana. ¹²Keeke amuam gol, silwa, men ena, linen lamem, lamem kokoḵ diigdiig, lamem laa silkpa hak, ad muṭuḵig ele diigdiig, keeke laala ag doḵ onig elepan aelagpa hoipig ele amu, keeke laala, ad maha nob oḵai elepa hepig amu bras, aen, men geḵaḵlak ele. ¹³Keeke laala imu ele laa sinimon, lanaknu qanai, kalu muṭuḵig ele, bala goḵen, wain, wit, wit kalu amu bulmakau, sipsip, hos karis ele, begbeg danab ele. Keeke amu oh amu ab oḵai amunu danab ag baula daden ii memana. ¹⁴Danab ag enulagnu uḵat heteḵ ele ag aḵulag. “Keeke oh na haen oh aokutnu oot huana dayom amu, na baula ii aomna. Na enun oh padal meum amu na keeke amu oh baula ii anidmana,” aon aḵulag. ¹⁵Aria danab ag keeke amupa enub uḵat henana, men doḵo ab oḵai amupanu aopig ele amu, ag guitaḵ

nau ab okai amu awom amunu badana autna aona, pide umanab gona gaanna, oolag ug ele daanna,¹⁶ akulag. “O gadon gadonnab ab okai. Anuka nug linen lamén enanag amu lamén kokod diigdiig ma amu golpa, men enanagpa amu oog dadén okai elepa bedu bala medtom.¹⁷ Amge aam ameg laipupa nuhig enub amu oh iita meum.” Ub gumak danab, danab ub dadén mena, ubpa tena, yu qadepa ab laapa goteb ele, ub gumak danabnu udat nid amu danab men doo udat yu qadepa heteb ele amu, ag oh ab okai amu anidna, pidenab daaglag.¹⁸ Ag ab okai Babilon ewebé, nuhig kahug amu anidna, enan akulag. “Ab athen amu ab okai umu ele elele?” aon akulag.¹⁹ Ag anam anana, ag wan gapud agapeg, ikilagpa teebé, oolag mabateb, gayak oolagpa am beeb, enan akulag. “O gadon gadonnab. Danab oh ag ub yu qadepa oiyakpa ag keeke awona, ab okai amupa meeg, dadén meegeg, enulag ele daapig amu, aam ameg laipupa ab okai amu aaku iita meum,” aon akulag.²⁰ O hab, na nuhignu oot gamag ahad! Amu opia awak danab, Kristusnu totol danab amu Kayaknu propet, ag ele anam heig! Kayak Nug ab okai amu nug ahilagnu heum, amubia nug nob metom.

²¹ Nai amu oh male amu engel ebehi ele laa nug men okai ug ele huma, yupa budie noowo aum. “Babilon nadi, nug anam aaku na qeku, baula ii daama.²² Nahippa gita oqoti, musik diigdiig haknu oqoti, dumutum iwalaknu oqoti, biugal iwalaknu oqoti ele amu baula nahippa ii daama. Danab ag udat amu ohnu sul hepig ele amu nahippa baula ii anadmana, men wit lab kalu nekunu keeke amu nuhig oqoti ele baula nahippa ii daama.²³ Amahlak ag baula nahippa ii amahlmana, danab ah aokunu, ah nug danab aokunu hobul amunu musik oqoti ele nahippa baula ii daama,” awa aum. Anana amu nug nai tudita aum.

“Anuka nahipad danab enulag ele ag wanpanu danab okai daapig amu na onig awak kobol nahippa na atu atu danab amelag aonna, ham ele bupualadme.²⁴ Laa ele Kayak Nug ab okai amupa nuhig propet amu nuhikud danab ah oh tiilag wanpa ne antom amunu Nug epediak amu aoku,” awa aum.

KAYAK BINAG MAK

19 Keeke amu oh dimpa da danab ah ameg nadi baalag okaipa hab atan eegég doomi. Ag inam epig. “Ig Nadi onig binag ele humatu! Nug aakuib ig edua awikom. Nug onig okai, gatag oh ele.² Nuhig epediak amu genab tutuku opia awak ele. Gapai ah nadi amu danab ah wanpanu oh nuhig gapai kobolpa he nauhpig amunu Kayak Nug ehed hak nuhig amu nob meum. Ah amu nug Kayaknu udat danab ele aqé mauhpig amunu Kayak nuhig ehed amunu nob edua metom,” aon apig.³ Ag baula edun enan apig. “Ig Nadi onig binag ele humatu! Ah okai amu nuhig ab kah hanhan hab atan tete,” aon apig.⁴ Anam aegeg amu iki danab 24 amu hab daup wadele, ag Kayaknu bauklel aoteb ele amu, ag Kayak, Nug nuhig dayak balalpa daate, nug noobpa gatelag qaun ona, unuqidna apig. “Genab, ig Nadi Kayak onig binag ele humatu!” aon apig.⁵ Ag anam aeg, dayaknu balal okaipanu amu baag laa ewa aum. “Kayaknu udat danab ag Kayaknu enanag doon, ag oolag ele otaite amu, ag okai okai nuanau ele ag ihinig Nadi binag humeg!” awa aum.⁶ Nug anam a amu da keeke laa danab ah kudum baalag bia amu le kudum gonana oqoti oteb bia amu hakaq okai tudid ele qaaqa oqoti ote amu bia dooi amu ag enana apig. “Ig Nadi Kayak onig binag humatu! Nadi, ihinig Kayak, Nug am ig Mamenig amu Nug King genab daate!⁷ Gemu ig oonig gamag aheb, binag metu! Sipsip Nag

Nug nuhig ah aokunu haen aaku beum. Ah nuhig nug amu nuka babaitom daate. ⁸Dayeye, Kayak Nug linen lamen hakab enanag opia awak amahalaknab ele nug mekunu metom,” aon apig. Lamén hakab enanag amuam Kayaknu kobol ena tutuku nuhikud danab ah heteb ele ipunigte.

⁹Amu dimpa engel nug da amelpa aum. “Na nai imu ye! ‘Danab ah amu ag Sipsip Nagnu ah awaknu hobulpa udiglagnu, Kayak onilagpa eum ele amu, ag ititak ena aopig daateb,” awa aum. Anana amu nug da amelpa aum. “Nai imu amu Kayak ode, nai nuhig am nai genab.” ¹⁰Anam a amu da nug binag mekulnu nug baegpa gatel qaun omi amge nug da amelpa aum. “Na anam ii hemana! Da na amu, na laipad ele, ag oh Jesusnu oolagpa genab doonna, Nug onignu maditeb ele amu, ig oh am udat laipu. Na Kayak noobpa gaten qaun o! Adinu? Nai genab Jesus danab ah ipuanatom, amuam he, propet ag nai maditeb,” awa aum.

DANAB HOS HAKAB ATAN OIYOM

¹¹Nug anam a amu hab obate, da hos hakab laa dayeye anidmi. Laa Nug hos amu atan dayom amu, Nug onig am, “Danab Nug Nuhig Udat Tutuku Atog Note Ele.” Danab amu Nug kobol genabib hete, epediak kobol, ban hak kobol ele amu kobol tutuku opia awakib hete. ¹²Nug ameg amu ab ditiaak bia, nug igipa king igipanu keeke kudum daapig. Nug onig am laa oh edatak, danab laa nug onig amubia iita. ¹³Nug lamén elab, tiig laaitak ele meum. Danab ag nuhignu, “Nug onig amu Kayak Nai,” aon ateb. ¹⁴Hab atannu ban danab ag ahilkad hos hakab enanag qadelagpa daanna, Nug dim lamidna oipig. Ag linen lamén hakab, opia awaknab ele ag bedulagpa maadpigi. ¹⁵Ahilag okai amu qep aeg ele

noob hawadnab, Nug danab wan atu oh aqakunu, Nug odepanu doa ukak dayom. Nug aen bu ada, bu amupa Nug danab ah gumadku. Nug geha grep lepu awaknu keeke tabaku. Amuam hipuninnu bu aqak, Kayak gagatag oh ele epegpanu udite, amu ipunigte. ¹⁶Lamen nuhigpa amu nug baegpa ele nai imu yak ele dayom. “Nug am okai dilag Okai amu king dilag King.”

¹⁷Aria da engel laa aam amegpa hibaita dayeye anidmi. Nug baag okaipá, ai oh hab waapa oiteb ele amu, ag onilagpa ewa, inam aum. “Ag oh udieg! Udin Nadinu e lanak balalpa dayeg! ¹⁸Ag king tepulag, daup iki tepulag, danab gagatag ebehilag ele tepulag, danab amu hos ahilkadpa daapig ele amu, tepulag ele laig! Ag danab oh tepulag lakulag. Danab begbeg iita, begbeg danab, danab onilag ele amu danab onilag iita amu oh,” ewa aum.

¹⁹Am baula da dod dakud, wanpanu king amu ahilkad daup ele qag meegeg anadmi. Ag danab nug hos hakab atan dayom ele amu nuhikud daup ele ban hekulagnu daapig. ²⁰Daaeggeg amu ag dod dakud adan, propet ham bupuak ele adapig. Propet amu nug dod dakud noobpa eponak keeke kudum danab hekunu elele iita heum. Kobol amupa nug danab oh, ag dod dakudnu eponak keeke aopig, dod dakud dotog binag ele mepig amu, nug ag ham bupualatom. Amunu dod dakud nug propet ham bupuak ele a bau anam daaeheh, ag a adalatna budiateg, mod okai gotupa ab adu men salpa eotepa budiateg nopid. ²¹Budiateg noeh am danab hos hakab atan dayom ele amu Nug ahilah daup danab laa oh qep elab aeg hawad ele, Nug odepanu doa ukak dayom amu, amupa aqom. Aqe, ai oh ag danab amu oh tepulkad laeg, oolag huanaknab ditiom.

MAD 1,000NU NAI

20 Aria amu oh malak dimpa da eng-gel laa hab aṭannu neene anidmi. Nug epegpa moḍ umanab, batak iṭa ele oḍenu ki aḍom. Nug muḍi oḱai laa ele aḍom. ²Nug mat naḍi anukanunab amu aḍom. Nug am Satan, danab ah hipun-ina eedaṭak danab. Nug nug aḍa, maḍ wan tausen daaḱunu hipalom. ³Engel nug anam ha, nug mawe, moḍ umanab, batak iṭa elepa no, od mana, qaḍepa eponak keeke gagatag meum. Nug baula maḍ 1000 amu oopa atu atu ham ii bupualadma. Dimpa maḍ wan tausen maleb amu laa nug matula uhuqeb doa, haen tutuib aben ohpa oiku.

⁴Amu da king dayaknu balal laala anadmi. Kayak Nug laala ag heṭodiakpa danab ah epeḍiadkulagnu uḍat maṭom ele amu ag dayak balal amupa daapig. Daaegeg amu da laala ag Jesusnu oolag-pa genab doonna, Nug onignu madipig, ag Kayak nai gagatag aḍapig amunu ag baalag otadpigi ele amu, ḍa ag doṭolag ele anadmi. Danab amu ag doḍ daḱuḍ doṭog noobpa ii dup nopig, ag iḍulag-pa epelagpa ele nuhig eponak keeke ii aopig. Danab amu ag eḍun hipaidna bauklel aona, Kristus ele gumak uḍat maḍ wan tausen henan daapig. ⁵Amuam danab eḍua hibaiṭak anuqak aaḱu. Laala mauhpig ele amu ag maḍ wan tausen amu male, eḍun hipaidpigi. ⁶Aun nug eḍua hibaiṭak namba wan amupa eḍua hibaiṭa, hanhan daate ele amu, nug am Kayaknu ititaḱ awom, nug am opia awak ele. Amu ele mauhak dimpanu nug danab amu heeb, nau aoglagnu ga-gatag iṭa. Ag maḍ wan tausen amu oopa ag Kayak Kristus ele dilah mana meṭak danab daanna amu Kristus ele king daaglag.

⁷Dimpa maḍ wan tausen uueb, laa nug heeb, Satan nug geha aḍ nuhig oopanu eḍua dimitim doḱu. ⁸Amu nug

geha dimitim wana, danab ah wan atu ohpanu ag Jesusnu kekeḍ daateb, amu nug ag bupualadḱu. Nug geha ban humaglagnu qag maadḱu. Eb qak ahilag amu yu ihpanu abuḍ bia. ⁹Aria da imu ele anidmi. Ag Israel wan oh tonan gona amu Kayaknu danab dilag ab oḱai, ab amunu Kayak Nug oo mauhte ele, amu talilidpigi. Ge hab aṭannu ab aḍu na, ewate mauhpigi. ¹⁰Ouḍi nau bupualatom ele amu nug ab ameg oḱai gakaḍak elepa buḍie noum, aben amupa propet genab iṭa, doḍ nau ele tatam buḍiate nopiḍ. Ag hanhannab tuqan amun ele ehed doonna daaglag.

¹¹Da amu antena amu imu ele anidmi. Da dayak aben oḱai haḱab ele, amupa Kayak Nug hedep na dayeye anidmi. Wan atu, hab ele nug noobpanu qelodieh, baula ii anatpigi. ¹²Da aaḱu danab mauhadpigi, oḱai nakok ele oh, Nug noobpa hipaidna daaegeg anadmi. Nug buk laala kolaṭom amu buk laa, onig bauklel awa onig yaknu buk, Nug buk amu ele kolom. Danab mauhadpigi amu ag aḍi hepigi, buk laalapa epeḍiaknu amu yak niṭe amupa epeḍiaṭom. Amu oh ag aḍi hepigi amupa epeḍiaṭom. ¹³Yo, mauhak yupa daapigi amu wanpa daapigi amu hadespa daapigi ele amu, oh ag Kayak noobpa daaegeg, ag aḍi hepigi amupa epeḍiaṭom. ¹⁴Aaḱu Hades, mauhak ele amu Nug ab amegpa buḍialate nopiḍ. Ab ameg amuam mauhak namba tu. ¹⁵Aun laa nug onig buk laapa, onig bauklel awa onig yaknu buk, buk amupa ii yak amu, nug ab amegpa buḍie noum.

JERUSALEM BAUNU NAI

21 Aria amu dimpa da aaḱu hab bau wan bau ele anatmi. Hab tatamnu wan tatamnu ele a iṭa mepiḍ amu yu nug ele iṭa meum. ²Iṭa me amu da ab opia awak, Jerusalem bau, Kayak topanu neene anidmi. Nug am ah bau

nug danab aokunu bala medapig amubia. ³Anam daye amu da nai matiak baag okainab dayak balal okaipanu laa inam a doomi. “Gemu Kayak laug danab oolagpa daate! Nug ag ele daaglag. Ag nuhig danab daaglag. Kayak Nug ag ele daaglag amu Nug Kayak ahilag daaku. ⁴Kayak Nug heeb, amelag leb am iita meku. Amu ag baula ii mauhmana, ag baula ii mahimna, ag baula ii gaamna amu ag guitak ele baula ii doomna. Adinu? Anukan keeke amu oh iita meum.” ⁵Am laa nug dayak abenpa daate ele amu Nug aum. “Amu gemu da keeke oh bau hadtem!” awa aum. Anam anana amu Nug baula ele aum. “Keeke imu oh na ye! Adinu? Nai imu am genab, ham bupuak iita,” awa aum.

⁶Nug anam awowa, Nug baula da amelpa aum. “Keeke amu oh aaku meu beum! Da tatam daami, da hanhan daakul. Laa ag le baalag diite amu da ag le qepudia bak bauklele ele, nob iita, hamu madaakul. ⁷Am laa nug ban aeg oh edita, gagatag daate amu da nug imu medakul. Da nuhig Kayak daappi, nug dahil nid daaku. ⁸Amge laa ag badteb, ag oolagpa genab doyak iita, ag kobol nau udig wak heteb ele, laa ag danab aqaeg mauhtebe, ag gapai kobol heteb, ag bad mak danab, ag kayak ham bupuak noobpa gatelag qaun otebe, laa ag nai ham bupuak danab ele amu, ag oh modumanab, batak iita elepa, ab gakaqadak nadi men salpa eotepa ele, amupa aben aoglag. Amuam mauhak namba 2 aaku,” awa aum.

⁹Anam a amu engel eblaih adit ag tapiq eblaih adit ele adaladpig, amupa keeke naunab danab he nauhaknu eblaih adit am bak ele, ag oolagpanu laipu laa nug doa, da amelpa aum. “Na do! Da ah makun bau Sipsip Nag wau amu ipunidikul,” awa aum. ¹⁰Aria Kayak Oudinu gagatag dahilpa am ba he, engel nug omaide, qauko okai atannab amupa go-

muḍ. Goda amu nug ab okai Jerusalem bau, opia awak, Kayak topanu hab atannu uua ne amu ipunidom. ¹¹Ipunide amu Kayaknu amahlak okai ab amupa amahlom. Amahlak nuhig amu men laa, nuhig nob okai ele, onig jasper amubia. Jasper amuam le ameg enanag, opia awak ele, amubia. ¹²Ab amu nug ad okai atannab ele, nuhig od ode amu eblaih laih amu adit ele. Od ode amu gukualatak engel eblaih laih amu adit ele amupa daapig. Od ode amu ohpa Israel bekod budulag eblaih laih amu adit ele onilag ele yak dayom. ¹³Ulah kadag uditepanu amu od ode ewam, yawalti uditepanu ewam, qaban uditepanu ewam, amu yau uditepanu ele ewam anam daapig. ¹⁴Ab okai amunu ad amu nuhig mawa daakunu keeke am men kudum duqa ukak eblaih laih amu adit ele. Ad nug amu atan dayom. Amu Sipsip Nag ipunitak awak danab eblaih laih amu adit ele amu onilag men amupa ele yaalatak daapig.

¹⁵Engel nug da ele nai matimuḍ ele amu, nug bu golpa hak, ab amu nuhig od, amu nuhig ad ele melemel mekunu adom. ¹⁶Ab okai amu nuhig melemel laih laih am atan ele am laipuib. Engel nug ab okai amu nuhig bupa melemel meum amu nuhig laih laih amu atan ele oh am okainab, 2400 kilomita. ¹⁷Ab amunu ad am ele tepu melemel meum amu am hapahapa 150 anam. Melemel amuam danab melemel meteb bia. Engel amu nug melemel amupaib melemel meum. ¹⁸Abnu ad am Kayak Nug men jasper amupa heum. Ab amu golpa heum am gol amu antak nuhig amu le ameg opia awak kinipan iita bia, o letod bia. ¹⁹Ab amunu ad mawa daakunu men duqa ukak ele amu Kayak Nug men amupa men laala kobol ele diigdiig, ahilag daden okai ele, amu maatom. Men duqa ukak anuqak am men laa ednab onig jasper. Jasper qadepa

am men laa ed hinqak nakok ele onig sapaia. Sapaia qadepa amu men laa nakok hinqak onig kalsedon. Aria kalsedon qadepa am men laa grinnab onig emerol. ²⁰Emerol qadepa am men laa, nug am kokod haqab ele, onig sadoniks. Sadoniks qadepa amu men kokod laa onig konilian. Men konilian qadepa amu men lanlan laa onig krisolait. Krisolait qadepa amu men laa, nakok grin ele onig beril. Beril qadepa amu men laa lanlanab onig topas. Amu topas qadepa men laa, nug ele amu grin, onig krisopres. Krisopres qadepa amu men laa ed kokod ele onig haiasin. Haiasin qadepa amu men kokod diig laa onig ametis. ²¹Aria od eblaih laih amu adit ele amu keeke men bia onig perl, ag okai okai eblaih laih amu adit ele, od laipupa amu perl okai laipupa hepig. Ab okainu ib oh amu golpaib, antak nuhig enanag miag atiaknab letod bia.

²²Amu da ab amupa mana metak lag amu ii anidmi. Nadi Kayak, Gagatag Oh Ele amu Sipsip Nag ele a aakuib ab amupanu mana metak lag daatep. ²³Ab amupa amu aam kalam ele a ab amu amahlak laa ii medatep. Kayak amu Sipsip Nag ele a ab amupa amahaltep amunu amahlak medatep. ²⁴Danab ah oh ag ab amunu amahlakpa oiglag, wanpanu king ag ag binalag aon nuhigpaib udiglag. ²⁵Amunpa ele ag ab amunu ad od ii maimna amunu nuhig od am haen laa manak ii daamna. Adinu? Gatatu ab amupa ii nema. ²⁶Danab ag atu atu ohnu keeke o kobol binag ele amu keeke o kobol onig ele amu ag amu oh aon, ab amupa udiglag. ²⁷Amu keeke nau dubutid ele ab amupa ii noma. Laa keeke naunab amu ham bupyak kobol hete ele amu, nug ele iita. Am laa ag onilag Sipsip Nagnu buk laa, onig bauklele awa onig yaknu buk, buk amupa ag onilag yak daate ele amu ag aakuib ab amupa nokulag.

LE BAUKLELE ELE

22 Amu dimpa engel nug bauklele amu ipuniom. Nuhig amahlak amu letod bia amahlom. Le amuam Kayak amu Sipsip Nag ele ahilah dayak balalpanu ba ²ab okainu ib gamagpa gotē. Bauklele ad amu nug le amu aka laih laih tagagdita, tapom daate. Nug me amu mad laipu oopa haen eblaih laih amu adit ele niite. Kalam ohpa meu niite. Ad udug amu atu atu danab ah dilag ode babaitaknu ele. ³Amu keeke oh, Kayak oo ii dayom ele amu, Kayak Nug heeb, iita mekulag, baula ii daamna. Kayak daakunu balal amu Sipsip Nag dayak balal ele amu, a ab amupa daaglah. Daaped, Kayaknu udat danab ag Nug ode dim lamidnana, binag mekulag. ⁴Ag Nug idu anidkulag, Nug onig amu ag udalagpa daaku. ⁵Gatatu baula ii daama. Lamnu amahlak am aam amahlaknu udat ele baula ii daama. Iita. Nadi Kayak Nug amahlak matebeb, ag haen oh king daaglag. ⁶Amu engel nug baula da amelpa aum. “Nai imu am genabnab, danab ah oh ag oolagpa genab dooglagnu elele. Nadi, Nug propet nuhikud gumadte ele amu, Nug nuhig engel laa me, keeke oh paha bekulagnu daate amu nuhikud udat danab ipuanadkunu udiom,” awa aum.

⁷Awa a amu Jesus Nug aum. “Anteg, da pahanab udiqul. Aun nug Kayak nai, buk imupa niite amu, nug amu dim lamidte ele amu, nuhignu am ena!” awa aum.

⁸Da Johannes, da nai imu doomi, da anidmi ele, da engel nug keeke imu oh ipuniom ele, da nug noobpa dup noin, nug binag mekulnu hemi ⁹amge nug da amelpa aum. “Na anam aib heme! Da na ele, na laipad ele, ig oh ihinig udat laipu amu ele da amu aun laa ag oh buk imupanu nai dim lamidteb ele amu, ig

oh udat laipu. Na Kayak aakuib binag me!” awa aum.

¹⁰ Anana amu nug da amelpa aum. “Kayaknu nai buk imupa niite amu na aib toname. Kayak Nug keeke imu oh hekunu aaku haen o qiom ¹¹ amunu laa nug kobol nau hete amu nug huanak heku, dubutid ele amu nug dubutid ele daaku. Aun nug tutuku hete amu nug kobol tutukupa oiku, opia awak hete amu nug opia awak oiku,” awa aum.

¹² Nug anam a amu Jesus Nug aum, “Doyeg! Haen elab iita da ana udikul. Da daden ena ele awe udikul amu ag anen anen adi hepig amunu nob madakul,” awa aum. ¹³ Jesus anam anana amu Nug aum. “Da tatam daami amu da hanhan daakul. Da anuqakpanu amu da dimpanu ele daatem. Genab da keeke oh gumadtem.

¹⁴ Am aun adi ag ad bauklelnu meu lakulagnu, ag ab okainu od odepa nokulagnu ag lamen ahilag ihateb ele amu, ag ititak ena aopig daateb. ¹⁵ Amge wan awak danab, gapai danab, danab qe mauhak danab, kayak ham bupuak binag meteb ele amu, laa oh ag ham bupuak kobol oolag metan heteb ele amu ag Kayaknu ab ad dimitim qai bia daaglag.

¹⁶ Da Jesus, da dahil engel laa mei, ahilagpa uka, nai dahil imu tamamiak

ohpa ag amelagpa mehuqom. Da amu Dawit budub amu nug beka ele, da hodopai boitinannu amahlak,” awa aum.

¹⁷ Amu Kayaknu Oudi amu Sipsip Nag ele atep. “Na do!” Am aun nug nai imu doya nug, “Na do!” anad! Am laa ele, laa nug le baag diieb, am nug doad! Am laa nug le lakunu amu nug doa, bauklel le lanad! Kayak Nug le amu hamu medte.

¹⁸ Danab oh ag Kayak nai buk imupa yak daate amu ag eb qena dooglag ele amu, da nai gagatag ahilagnu inam atem. Aun laa nug nai buk imupa niite ele amu awa, nai laa ele tudidku amu keeke nau kudum, Kayak Nug buk imupa amunu aum ele amu, Kayak Nug danab amu nuhigpa keeke nau amu oh qag meku. ¹⁹ Am laa nug nai laala buk imupanu heeb, iita meku amu Kayak Nug ele heeb, nug buk imu ate bia bauklel ad meu ii lama, nug opia awak abpa ele ii daama.

²⁰ Laa Nug nai imu oh aum amu Nug ate. “Yo, da paha eduen udikul,” awa ate! Ao Nadi Jesus, na udie! ²¹ Nadi Jesus Kristusnu ehanitak okai hamu megte ele amu, ag Kayaknu danab oh, ahilagpa dayad!